

ISSN 1987-7455

მედიკალური მემორიალი

აქმანდახი

თბილისის სახელმწიფო უნივერსიტეტის
მედიკალური ფაკულტეტი



მცირე შედევრები

ალმანახი

I

საქართველოს უნივერსიტეტის გამომცემლობა

თბილისი

2009

UDC (უკ) 32+327
კ-563

გ. ჭუმბურიძისა და ზ. ჭილაძის რედაქციით

ბარემპანი: ნანუკა ჭილაძე

დაიბეჭდა საქართველოში, თბილისში
გამომცემლობა “საქართველოს უნივერსიტეტი”
Copyright © The University of Georgia

საავტორო უფლებები დაცულია © 2009 გამომცემლობა “საქართველოს უნივერსიტეტი”
ISBN 1987-7455

სარჩევი

წინათქმის მაგიერ:

‘ჯეიმზ ბონდის რეაბილიტაცია, ანუ პოლემიკური შენიშვნები თვითრეკლამის ელემენტებით’.....5

მოთხრობები

რეტრო: დეიმონ რანიონი – ორი ნოველა.....31

სატირა: ბორის აკუნინი – ‘მოთხრობები ჭკუაუხმართათვის’.....47

იუმორი: პეტერ კარვაში – ‘ამირბარ მოროს რაპორტი’.....63

წერილები, ესეები, ნარკვევები

1. მარიო ვარგას ლიოსა – ‘თავისუფლების კულტურა’.....73

2. ჯონ მილტონი – ‘სიტყვა თქმული პარლამენტის წინაშე – ბეჭდვითი სიტყვის დასაცავად’.....80

ამონარიდები

ფრენსის ფუკუიამა – ‘ისტორიის დასასრული და უკანასკნელი ადამიანი’.....88

პიესები

კვენტინ ტარანტინო, ჯეიმზ ეივორი – ‘ლაყე საკითხავი’.....102

საჩვენო ზღაპრები

ნადდი სამი გოჭის ამბავი.....214

წითელქუდას მორიგი თავგადასავალი.....220

კბილის გასაკრავი (რეცენზია, გამოხმაურება, მკვახე შეძახილი...)

‘მოთარგმანების ამო გარჯა...’228

ეს ერთი და...

‘ონიბაზი’.....237

‘დაგვიანებული წერილი...’.....240

რომანები

ენტონი ბერჯესი – ‘მექანიკური ფორთოხალი’.....315


პოეზია

ენზრა პაუნდი – ‘ეპიტაფიები’.....403

საჯილდაო ქვად.....405

HOW NOT TO BE AN ALIEN:
Helter-Skelter Mythstories of Georgia





ჯეიმზ ბონდის რეაბილიტაცია

ანუ

კოლემიკური შენიშვნები

თვითრეკლამის ელემენტებით*

“ადრე ვერასოდეს წარმოვიდგენდი, ამ თემაზე თუ მომიწევდა საჯაროდ მსჯელობა, რადგან ცოტა არ იყოს და უხერხულია, როცა ბრძნული სახით მეტი სმეტად ბანალურ ჭეშმარიტებებს ღაღადებ, თანაც იმ ხალხის გასაგონად, ვინც სულ არ მიგაჩნია იდიოტებად. მაგრამ ბანალური ჭეშმარიტებანი იმიტომაცაა სწორედ ბანალური, რომ მათზე, როგორც წესი, არავინ ფიქრობს; ადამიანები კი ყველაზე ხშირად სწორედ იმას იფიქვებენ, რაზედაც ყველაზე ნაკლებ ფიქრობენ ხოლმე...”

ლორდი კენტარვილი, “წერილები პროვინციიდან”.

“ელემენტალურია, უოთსონ ჩემო, ელემენტალური!”

არარსებული ციტატა.

პროლოგი:

საიდანაც ირკვევა, რომ წინამდებარე სტატიის თემა არამც და არამც არ ამოიწურება სათაურშივე გაცხადებული შინაარსით და ამასთანავე მოთხრობილია, თუ რა მიზეზებმა განაპირობა ავტორის მცდელობა, დაესვა საკითხი სახელგატყბილი საიდუმლო აგენტის სრული და საბოლოო რეაბილიტაციის თაობაზე.

ინგლისელი მწერლის, მისი უდიდებულესობის საიდუმლო სამსახურის ყოფილი თანამშრომლის, იენ ფლემინგის ლიტერატურულ გმირს (ჯეიმზ ბონდი, სპეციალური აგენტი მკვლელობის ლიცენზიით, იგივე აგენტი №007) მეტად უცნაური ბედი დაჰყვა: მსოფლიოს მრავალ ქვეყანაში ტრიუმფალური გასტროლების შემდეგ იგი სამარცხვინოდ “ჩაფლავდა” იქ, სადაც თითქოსდა ყველაზე მეტად ელოდნენ. “პერესტროიკის” გარიჟრაჟზე შემოდგა ფეხი “ხანჯლისა და მოსასხამის” ამ უდრეკმა რაინდმა საბჭოთა მიწაზე, მაგრამ არც მაშინ და არც მერე, როცა საბჭოთა კავშირი საერთოდ გაქრა მსოფლიო რუკიდან, ჯეიმზ ბონდმა რკინის ფარდის აქეთ ბევრი ვერაფერი შემატა თავის სახელს – პირიქით, ძველი რომანტიკული შარავანდედიც გაუხუნდა და დასავლური მასკულტურის სხვა მეორეხარისხოვან პერსონაჟებში ჩაიკარგა.

* სტატია ესე ლამის ორი ათეული წლის წინათ დაიწერა და რა — შეიცვალა რამე?. (რედ. შენ.)

ჩაიკარგა და ჩაიკარგოს, ახლა ეგ მადარდე კიდევ, – შეიძლება განაცხადოს მკითხველმა, რომელსაც ლიტერატურა ძლიერ უყვარს და სამართლიანად თვლის, რომ ამ მხრივ საქართველოში ისედაც უამრავი საჭირობო პრობლემაა დაგროვილი – როგორც წმინდა თეორიული გააზრების, ისე პრაქტიკული გადაწყვეტის თვალსაზრისითაც. ამიტომ თავიდანვე გვინდა დაგაკვლიანოთ, რომ წერილში სწორედ რომ მწვავე ლიტერატურულ პრობლემებზე გვექნება ლაპარაკი და იმ საკითხებზე, რომელთა აქტუალობის მიუხედავად, აქამდე არავითარი ყურადღება არ ექცეოდა. ასეთები კი არც ისე ცოტაა – თუნდაც მხატვრული თარგმანისა და ე.წ. “მასობრივი ლიტერატურის” ურთიერთმიმართების საკითხი. ჩვენში ეს თემა ერთად არასოდეს განუხილავთ, და არც გასაკვირია: მასკულტურა მუდამ მიჩნეული იყო რაღაც არასერიოზულ საქმედ, განათლებულ კაცს რომ არაფრად არგია და თუკი ითქმებოდა ორიოდ სიტყვა, ისიც იმიტომ, რათა კიდევ ერთხელ დაფიქსირებულიყო მისი მოძალების საფრთხე; მხატვრული თარგმანის პრობლემები კი მართალია საპატიო, მაგრამ მაინც ვიწრო სპეციფიკურ სფეროდ ითვლება, სადაც თარგმანის კრიტიკა ფაქტიურად ტექსტუალური შედარებით შემოიფარგლება და კრიტიკოსი მენტორული ტონით მსჯელობს: წერია ასე, უნდა იყოს ისე, წერია თეთრი, უნდა იყოს შავი და ა.შ.

და მთავარი ის კი არაა, რომ ამგვარი ხედვა საერთოდ ცალმხრივი და უმართებულოა, არამედ ის, რომ **მასკულტურისადმი ჩვენი დამოკიდებულება სწორედ თარგმანის პრობლემატიკის მიმართ დილეთანტური მიდგომითაა განპირობებული; რაც თავის მხრივ, არც მეტი არც ნაკლები, მთლიანად ლიტერატურული პროცესის დამახინჯებულ აღქმასაც განაპირობებს:** ლიტერატურა ხომ, ზოგადად, გულისხმობს როგორც “სერიოზულ”, ისე “გასართობად საკითხავ” ნაწარმოებებს, როგორც ეროვნულ, ისე უცხოურ მწერლობას (ანუ, სწორედ თარგმნილ ლიტერატურას). მოკლედ, ყველაფერი ერთმანეთზეა გადაბმული, მაგრამ ერთი შეხედვით ამ ურთიერთკავშირთა დანახვა არც ისე იოლია, რადგან მკითხველ საზოგადოებაშიც და თვით პროფესიონალ ლიტერატორთა შორისაც სულ სხვა შეხედულებებია გაბატონებული, თუკი საერთოდ შეიძლება რაიმე ჩამოყალიბებულ შეხედულებებზე ლაპარაკი... ამ შემთხვევაში უფრო აზროვნებისა თუ აღქმის კლიშირებასთან, სხვადასხვა გარემოებათა გამო დამკვიდრებულ უკუღმართ სტერეოტიპებთან გვაქვს საქმე. რასაკვირველია, გამონაკლისი კი არსებობს, მაგრამ ეს ისეთი გამონაკლისია, რომელიც თუ არ ადასტურებს წესს, არც უარყოფს მას – ანუ გამონაკლისი, რომელიც საერთო სურათს არ ცვლის.

რაც შეეხება ბ-ნ ჯ. ბონდს, მისი შელახული ღირსების აღდგენა სულაც არ გახლავთ ამა წერილის თვითმიზანი: უბრალოდ, ფლემინგის ცნობილი პერსონაჟის ბედი ზემოხსენებულ სტერეოტიპთა მოქმედების კარგი მაგალითია, რაშიც თვალნათლივ დავრწმუნდი, როცა თავის დროზე მომიწია “ბონდიანას” სერიიდან ერთ-ერთ რომანის მოთარგმნება გ. ჭუმბურიძესთან ერთად. სხვათა შორის, მას ისეთი განსხვავებულ ავტორებთან ჰქონია საქმე, როგორიცაა ფრანსის ბეკონი თუ ენტონი ბერჯესი, თანათარგმნელია ზიუსკინდის “ნელსურნელების”, მისი უშუალო რედაქციითაა გამოსული ჯოისის “ულისეს” პირველი წიგნი თუ კიპლინგის მოთხრობები, და სწორედ მან აღიარა, რომ წმინდა პროფესიონ-

ალური გაგებით, ფლემინგის ტექსტზე მუშაობა არანაკლებ რთული იყო, ვიდრე “მექანიკური ფორთოხლის” პასაჟების ქართულად გადმოტანა! ეს რა თქმა უნდა არ ნიშნავს, თითქოს ფლემინგი და ბერჯესი ერთი დონის მწერლები იყვნენ, მაგრამ ის აზრი, რომ **პროფესიონალური მიდგომის თვალსაზრისით, არავითარი მნიშვნელობა არა აქვს რა რანგის მწერალს თარგმნი**, ერთი შეხედვით ლამის კოპერნიკულ გადატრიალებად ჩანს მხატვრული თარგმანის თეორიაში. თუმცა, კაცმა რომ თქვას, სწორედ ესაა ბანალური ჭეშმარიტება!

ასე რომ, ჩემის მხრივ ერთგვარი უმადურობაც კი იქნებოდა, უყურადღებოდ დამეტოვებინა შეუდარებელი 007-ის უღვთოდ შერყვნილი იმიჯი, რახან გარკვეულწილად, სწორედ ფლემინგის რომანზე გაწეულ ჯაფას უნდა ვუმაღლოდე ამ სტატიის იდეას. თუმცა ისიც ითქვას, ჯეიმზ ბონდი აქ მხოლოდ საილუსტრაციო მასალად არაა მოხმობილი; იგი ასე ვთქვათ, ამოსავალი წერტილია, საიდანაც უნდა დაიწყო მსჯელობა – ბანალურ ჭეშმარიტებათა ერთგვარი ჯაჭვი, ოღონდ ეს ჭეშმარიტებანი მართლაც იმდენად ბანალურია, ხოლო სტერეოტიპები იმდენად მყარი, ვშიშობ – საბოლოო ჯამში მკითხველი აღმფოთებული და შეურაცხყოფილი არ დამირჩეს...

თავი I

რომლის ზერელე გადაკითხვაც კი საკმარისია, რათა მკითხველი დარწმუნდეს, რომ თურმე ჯ. ბონდი სულაც არაა და არც არასოდეს ყოფილა რომანტიკული ყაიდის სუპერგმირი

თამამად შემიძლია განვაცხადო, რომ ჯეიმზ ბონდს ქართული მკითხველი საზოგადოება ფაქტიურად არ იცნობს, თუმცა რუსულ ენაზე ფლემინგის თითქმის ყველა რომანია თარგმნილი, ხოლო ვიდეოეკრანებზე “ბონდიანას” არაერთი ნიმუში უჩვენებიათ. არ იცნობს, რადგან ჯერ კიდევ მოქმედებს მითი ჯეიმზ ბონდზე; მითი კი, მოგეხსენებათ, ხშირად ჯაბნის სინამდვილეს...

საბჭოური პროპაგანდის მიერ ჯეიმზ ბონდი წარმოდგენილი იყო, როგორც მკვლევლობისათვის მომართული უსულგულო მანქანა, ლამაზმანების მაცდუნებელი სუპერმამაკაცი, ერთგულად რომ მსახურებს ინგლისის იმპერიალიზმს და პათოლოგიურად სძულს კომუნისტები; ფლემინგის რომანები მოიხსენიებოდა, როგორც რამ მდარე ხარისხის ანტისაბჭოთა თხზულებები, უხვად გაჯერებული ძალადობითა და ეროტიკით. ამგვარი წარმოდგენა ფლემინგის ლიტერატურულ პერსონაჟზე, საბჭოთა აგიტაციის მიმართ გამომუშავებული იმუნიტეტის მიუხედავად, საოცრად მტკიცედ გაჯდა ჩვენს ცნობიერებაში. არსებითად, ჯეიმზ ბონდი ქართველ მკითხველს ზუსტად ასე ჰყავდა წარმოდგენილი, ოღონდ ის, რასაც პროპაგანდა უარყოფით მახასიათებელში უთვლიდა, ავტომატურად გადაჰქონდა დადებითში, თავად სუპერაგენტის იმიჯი კი უცვლელი რჩებოდა.

პირველი გაკვირვება, შეიძლება ითქვას იმედგაცრუებაც, ვიდეოჩანაწერების გავრცელებამ გამოიწვია, როცა გამოჩნდა ფილმები შონ კონერის, როჯერ მურისა თუ სხვათა და სხვათა ვარსკვლავთა მონაწილეობით: დინამური კინოსანახაობის ნაცვლად მაყურებელმა იხილა აშკარა ფარსი, თანაც სრულიად შეგნებულად გადაღებული სწორედ ასე, როცა ცხადლივ იგრძნობა ფილმის ავტორების ირონიული დამოკიდებულება “ჯამშუშური ვნებებისა” თუ თავად მთავარი გმირის მიმართ, რომ აღარაფერი ვთქვათ ისეთ პერსონაჟებზე, როგორიცაა რკინისებებიანი გიგანტი – ცეცხლში რომ არ იწვის და წყალში არ იძირება, მრისხანე “კაგებეშნიკები” – გენერალი გოგოლი და გენერალი პუშკინი, თუ “ინტელიჯენს სერვისის” მრავალშეიღიანი რეზიდენტი სტამბოლში, სხვადასხვა დროს და სხვადასხვა ქალებისაგან გაჩენილი საკუთარი პირმშოები რომ ჰყავს აგენტებად...

ამ ფილმებმა საფუძვლიანად კი შეარყია ბ-ნ ბონდის ავტორიტეტი, მაგრამ მაინც ვერ მოსპო. გულუბრყვილო მაყურებელმა ჩათვალა, რომ ფილმი ლიტერატურული ნაწარმოების პაროდირებული ვარიანტია, თორემ რასაკვირველია, წიგნში სულ სხვაგვარად იქნებოდა საქმე. მაგრამ გამოდის წიგნი (რუსული თარგმანი, რასაკვირველია), ცნობისმოყვარე მკითხველი ჯერ კიდევ ჩაუძქრალი ინტერესით ეცნობა ფლემინგის განთქმულ რომანებს და კვლავ იმედგაცრუება – ამჯერად უკვე საბოლოოდ. მართლაცდა, რაღას არ წააწყდებით ამ ყბადაღებულ ბონდიანაში: ისევ და ისევ გაშარებული ავკაცები, ფანტასტიური სიუჟეტები – რად ღირს თუნდაც ინგლისის დაპყრობის მცდელობა ჰოლანდიური ქათმების განადგურებით და ა.შ. და ა.შ. ამას დაუმატეთ, რომ თავად ეს სუპერაგენტი 007-იც დიდი ვერაფერი ჯგეფი ჩანს: წამდაუწუმ მტრის მიერ დაგებულ ხაფანგში ებმება და ნაცემ-ნაგვემი, მხოლოდ ბედნიერი შემთხვევის წყალობით თუ გადაურჩება ხოლმე სიკვდილს. მართალია, თავისებური კომპენსაციის სახით ყოველი რომანის დასასრულს თითო ლამაზმანი კი ერგება, მაგრამ...

თუმცა საკმარისია, ქართველი მკითხველის აღმფოთობა ადვილად გასაგები ხდება: “ესაა ბონდი?. ესაა სუპერაგენტი?! რომანი კი არაა, მასხარაობაა!” და ამის შემდეგ თითქოს თავისთავად ჩნდება მარტივი კითხვა: ნუთუ ევროპელი მკითხველი ისე გამოდებოდა, რომ მსგავსი სისულელე “იქ” წარმატებით სარგებლობს? (არადა სარგებლობს, ფაქტია). აქედან კი ერთი ნაბიჯია დასკვნამდე, რომ ევროპელი მკითხველი დაბალი დონისაა, სულიერება აკლია, ჩვენ კი... მოკლედ, რაც კარგები ვართ, სულ ქართველები ვართ!..

ოღონდ აქვე შეიძლება სრულიად საპირისპირო ფაქტის მოყვანაც: ბოლო დროის ერთ-ერთი ყველაზე სახელგანთქმული ევროპული ბესტსელერი, უმბერტო ეკოს “სახელი ვარდის” ჩვენში ღრმად ინტელექტუალურ ნაწარმოებად იქნა აღქმული და ჩვენმა ე.წ. მასობრივმა მკითხველმა ეს რომანი, შეიძლება ითქვას, ვერ დაძლია. და არა მარტო მასობრივმა! ევროპაში კი ეს წიგნი უაღრესად პოპულარულია მკითხველთა ფართო წრეებში, ისევე როგორც ჯეიმზ ბონდის თავგადასავლები. რაშია სამე? ერთის მხრივ თითქოსდა სრული სისულელე, მეორე მხრივ – რთული, მრავალშრიანი ოპუსი და ეს ოხერი ევროპელი თუ ამერიკელი მკითხველი (დიახ, დიახ, თქვენ წარმოიდგინეთ – ამერიკელიც), ორივეს სიამოვნებით ეტანება!

საქმე ისაა, რომ ჩვენში პაროდიის ცნება, როგორც წესი, დაცინვის, გამასხრების, შაყრის, “დალადავების” მნიშვნელობით აღიქმება; ისეთ გაქილიკებად, სადაც ავტორისეული დამოკიდებულება აშკარაა და თვალსაჩინო. ეს არცაა გასაკვირი, რადგან სხვაგვარი პაროდირების ლიტერატურული ტრადიცია ჩვენ არ გავგაჩნია. შეფარული ირონია ქართული სიტყვაკაზმულობისათვის უცხოა. აღარაფერს ვამბობ პაროდირების იმ ფართო გაგებაზე, თომას მანმა რომ “შინაარსისაგან გამოთავისუფლებული ფორმებით თამაში” უწოდა – ეს ცალკე საკითხია... არადა, დასავლეთში ფლემინგის პოპულარობა ძირითადად სწორედ რომ მისი რომანების ორიგინალურმა პაროდიულობამ განაპირობა, ქართველი მკითხველი კი ამ მხრივ იმთავითვე წამგებიან მდგომარეობაში აღმოჩნდა, რადგან უჩვეულო იყო არა მარტო საკუთრივ პაროდირების მეთოდი, არამედ ძალზე ბუნდოვანი წარმოდგენა ჰქონდა იმ ლიტერატურულ ტრადიციებზეც, რომლის პაროდირებაც ხდება ფლემინგის რომანებში.

ჩვენ ხომ მივეჩვიეთ, რომ სათავგადასავლო ჟანრის ნაწარმოებში მთავარი გმირი მუდამ საზრიანობისა და ვაჟკაცობის განსახიერებაა, ფლემინგი კი შეგნებულად ხატავს სუპერგმირის შარჟს. საბჭოური პროპაგანდა თავისდაუნებურად სრულ სიმართლეს ამბობდა, როცა ამტკიცებდა – ჯეიმზ ბონდში არაფერი ადამიანური არ არისო – ის მართლაც ცარიელი სქემაა, მთარული სტერეოტიპი, და ჟანრის კანონების მიხედვით, გამარჯვებისთვისაა განწირული – რაოდენ რეგენიც არ უნდა იყოს. მაგრამ ის, რაც დასავლელი მკითხველისათვის ღიმილის მომგვრელია, ქართველს აღიზიანებს და ნერვებს უშლის: ვერ გაუგია, რატომ უნდა თვლიდეს ამ ბედოვლათ 007-ს “კაი ყმად” და აზრადაც არ მოსდის, რომ არც უნდა თვლიდეს ასეთად. ჯეიმზ ბონდი არაა სუპერგმირი, ღმერთია მოწამე, არც არასოდეს ყოფილა! ესაა მითი, რომელიც საბჭოთა პროპაგანდისტულმა მანქანამ შექმნა და მისი სიმყარე შესატყვისი ლიტერატურული ტრადიციის არარსებობის შედეგია, მითმა ჩვენს ლიტერატურულ ცხოვრებაში არსებული სიცარიელე ამოაფსო, ოღონდ საკმარისი იყო მივანლოებოდით მას და ილუზიაც გაქრა – ჯეიმზ ბონდი ის ნაცნობი გამოდგა, რომელიც თურმე სულ არ გვცნობია...

მაგრამ ტრადიციის არარსებობა თავისთავად ბევრს არაფერს ნიშნავს: არ არსებობს ამქვეყნად ერი, რომლის მწერლური მემკვიდრეობა მთლიანად მოიცავდეს მსოფლიო ლიტერატურაში დაგროვილ ტრადიციებს. ამ მიმართებით სწორედ მთარგმნელობით საქმიანობასა აქვს უდიდესი მნიშვნელობა – მაღალხარისხოვანი თარგმანი არცთუ იშვიათად განსხვავებული ლიტერატურული ტრადიციის ეროვნულ ნიადაგზე შემომტანად და დამამკვიდრებლად გვევლინება და ჩვენმა მკითხველმა, მარტივად ვთქვათ, საერთოდ რომ ვერ აღიქვა ფლემინგის რომანები, არა მარტო უცხო რამ საკითხავთან შეხვედრით გახლდათ განპირობებული, არამედ უპირველეს ყოვლისა იმით, უვარგის თარგმანებთან რომ ჰქონდა საქმე.

**რატომ არ იკითხება დეტექტივები ქართულად, ანუ –
თვითგამყოფილი დილექტანტიზმის ხმაური და მკვინვარება**

ჩვენ დიდი ხანია მივეჩვიეთ ერთ უცნურ მოვლენას – იმდენად მივეჩვიეთ, ვეღარც კი აღვიქვამთ მის უცნაურობას. კერძოდ, თუკი კაცს მეტ-ნაკლებად შეუძლია რუსული ტექსტის გაგება, იგი უცხოური ლიტერატურის კითხვას უცილობლად რუსულად ამჯობინებს. ეს ტენდენცია განსაკუთრებით თვალსაჩინოა მასკულტურის ნიმუშების შემთხვევაში – იქნება ეს დეტექტივი, ფანტასტიკა, თუ რაიმე ამდაგვარი. არსებობს ლამის ფაქტის კონსტატაციის დონემდე დასული შეხედულება, რომ “ასეთი ლიტერატურა ქართულად არ იკითხება”.

ვერაფერს იტყვი, დიდებული ფორმულაა – “არ იკითხება”, მორჩა და გათავდა! მართალია, ეს არსად დაწერილა, მაგრამ იმდენად გავრცელებული აზრია, რომ პრაქტიკულად ყველა იზიარებს, რაც ასევე პრაქტიკულად მჭლანდება: ვთქვათ, ერთი და იმავე უცხოელი ავტორის, ერთნაირად გაფორმებულ-დასტამბული “ქართული” და “რუსული” წიგნი სხვადასხვაგვარად იყიდება. მეტიც, რუსული თარგმანი ქართულზე გაცილებით ძვირიც რომ ღირდეს, მკითხველი მაინც მას ანიჭებს უპირატესობას. მიზეზი მარტივია: ქართულად არ იკითხება, რუსულად – იკითხება!.. და აი, აქ მივადექით პარადოქსულ სიტუაციას – ჯერ ერთი, იქნება შთაბეჭდილება, რომ ამგვარი მდგომარეობა კაციშვილს არ ანაღვლებს და სანთლით რომ ეძებოთ, ამ თემაზე წარმოთქმულ ერთ სიტყვასაც ვერ იპოვით... მოკლედ, თითქოს პრობლემა არც არსებობს, თითქოს ასეთი სიტუაცია მხოლოდ მასკულტურასთან მიმართებაში იხატებოდეს! ასეც რომ იყოს, მაინც არ იქნებოდა დიდად სასიამოვნო, მაგრამ ხომ ფაქტია – დღეს ქართველი კაცი განათლებას ფაქტიურად უცხო ენაზე იღებს და ის, რომ რუსულად გაცილებით მეტია თარგმნილი, საერთოდ არაფერს ნიშნავს, რადგან თუკი რამ ქართულადაც არის თარგმნილი, როგორც წესი, ნაკითხი კაცი მაინც რუსულს ამჯობინებს.

თუმცა, პარადოქსები აქ არაფერ შუაშია და ამ პრობლემებზე ჩვენში მხოლოდ იმიტომ არაა მიღებული ლაპარაკი, რომ თავად არსებული ვითარებიდან ლოგიკურად გამომდინარეობს ორგვარი დასკვნა: ან ქართულად ვერ თარგმნიან ხეირიანად, ან ქართული ენა რუსულთან შედარებით გაცილებით ღარიბია...

ეს უკანასკნელი პოსტულატი კი იმდენად მკრეხელურად ჟღერს, მის ხმა-მადლა გამოთქმას, ბუნებრივია, ყველა ერიდება: ქართული ენა ნებისმიერი, განათლებული თუ გაუნათლებელი ქართველისათვის ეროვნული მეობის ხატია – იმდენი ქებად და დიდებად თქმულა ქართულისა ენისად, რომ მისი განსაკუთრებულობა ტრუნიზმადაა მიჩნეული; მშობლიური ენა ნებისმიერი ქართველის სიამაყეა, თუნდაც ამ ენაზე არც ლაპარაკი შეეძლოს ხეირიანად, არც წერა და წიგნს კი ფაქტიურად, არც კითხულობდეს... განა ვის არ ახსოვს ნიკო მარის ცნობილი გა-

მონათქვამი, რომ ქართულ ენაზე ამქვეყნად ყველაფრის გამოხატვაა შესაძლებელი და თავისი შინაგანი პოტენციით იგი მსოფლიო ენაა! მოდი და ამის მერე გამოაცხადე, რომ ქართული რუსულს ჩამოუვარდება, ინგლისურ-ფრანგულ-გერმანულ-ესპანურზე რომ არაფერი ვთქვათ... საკმარისია ამგვარი რამ დაგცდეს და არგუმენტებს ვინდა დაეძებს – წამსვე ნიპილისტობას დაგწამებენ (და ესეც – უკეთეს შემთხვევაში!). არადა, ამ თემაზე ტაბუ ფაქტიურად, მხოლოდ და მხოლოდ ამის გამოა; ქართველ მწიგნობარ-ინტელიგენტთა უდიდესი ნაწილი კი სწორედ ასე ფიქრობს – ამგვარი აზრი ხშირად გაიელვებს ხოლმე პირად საუბრებში, თუმცა წერილობით, რასაკვირველია, არაუინ ადასტურებს.

საკვირველი მხოლოდ ისაა, რომ უფრო ბუნებრივადაა მიჩნეული ქართული ენის ჩამორჩენილობა-სიღარიბე, ვიდრე მთარგმნელთა არაპროფესიონალიზმსა თუ უმწეობაზე საკითხის დასმა. არადა, სინამდვილეში საქმე სწორედ რომ პირიქითაა – ქართული ენა კი არაა დამნაშავე, ჩვენი მკითხველი თუ რუსულად ამჯობინებს წიგნის კითხვას – **ერთადერთი მიზეზი, რატომაც უცხოური ლიტერატურა რუსულად უფრო კარგად იკითხება, ქართული თარგმანების უხარისხობა და მთარგმნელთა ბედოვლათობაა.** ერთი შეხედვით, ესეც კიდევ ერთი ელემენტალური ჭეშმარიტება, რომლის დამტკიცებაც უადვილესი საქმეა: რატომ ხდება რომ, ვთქვათ, ჰაფეზი ან მოშე-იბნ-ეზრა ქართულად უფრო კარგად ჟღერს, ვიდრე რუსულად? აი, ჯონ დონი კი ჯობია ქართულად არც წაიკითხო...

ანდა კიდევ უკეთესი: ერთი და იგივე მწერლის ორი ცნობილი ნაწარმოები სულ სხვადასხვაგვარად იკითხება – სტაინბეკის “ტორტილა ფლეტი” კი არ ჩამოუვარდება, ალაღად სჯობს რუსულს, ხოლო “მრისხანების მტევენები”, თუ სხვა რამ უცხო ენა არ იცია, მართლა რუსულად უნდა იკითხო კაცმა. მოკლედ, ასეთი მაგალითების მოყვანა დაუსრულებლად შეიძლება, მაგრამ ყოველივე ზემოთქმულიდან მხოლოდ ერთადერთი დასკვნა გამომდინარეობს: თუ რაიმე წიგნი ქართულად “არ იკითხება”, მხოლოდ იმიტომ, რომ ცუდი თარგმანია.

თითქოს ბუნებრივი დასკვნაა, თითქოს ელემენტალურია, ბანალურია, ოღონდ აქ ვაწყდებით კიდევ ერთ მეტად გავრცელებულ სტერეოტიპს – კერძოდ, მითს ქართული მთარგმნელობითი სკოლის შესახებ: რომ ჩვენ გვყავს დიდებული მთარგმნელები... მთარგმნელები კი გვყავს, მაგრამ ფაქტიურად, არავითარი სკოლა არ არსებობს. სხვათა შორის, ვერც კარგ მთარგმნელთა სიმრავლით დავიკვებნით – მეტიც, ნამდვილი პროფესიონალი საქართველოში თითო-ოროლა თუ იქნება. სწორედ პროფესიონალი და არა, უბრალოდ, ნიჭიერი. ნიჭიერი ხალხი ნამდვილად არ გვაკლია, თუმცა...

ჩვენში ძალიან ბევრს “ცნობილი მთარგმნელის” სახელი აქვს, პრემიებითაც არიან დაჯილდოებულნი, მათზე გაზეთებშიც წერენ და ინტერვიუებსაც ართმევენ, ოღონდ მათ თარგმანებს არაუინ კითხულობს... მაგრამ აქაც კლიშეთა და სტერეოტიპთა მთელი სისტემა მოქმედებს, რომელთა არსში გარკვევა გაგვიჭირდება, თუ ახლა მცირედით არ გადავუხვიეთ და არ გავარკვიეთ წმინდა თეორიული საკითხი: რას ნიშნავს კარგი თარგმანი? რა არის ის მთავარი პრინციპი,

რომლის მიხედვითაც მხატვრული თარგმანის ავ-კარგი უნდა განისაზღვროს?

ერთის შეხედვით, ასეთი კითხვის დასმა ღია კარის მტვრევას ჰგავს – ამის თაობაზე ხომ არაერთხელ დაწერილა და თქმულა ჩვენშიც და უცხოეთშიც. მოკლედ, ხარისხიანი თარგმანის განსაზღვრის პრობლემა თითქოს არც არსებობს, მაგრამ არც ის უნდა დაგვაიწყდეს, რომ ჩვენ ქართველები ვართ, საქართველოში ვცხოვრობთ და უგულისყურო, ზედაპირული დამოკიდებულება სხვადასხვა თეორიული თუ პრაქტიკული საკითხების მიმართ ლამის სისხლში გვაქვს გამჯდარი. ამიტომ ზედმეტი არ იქნება თუ გავიხსენებთ, რომ კარგი თარგმანი ისაა, რომელიც ადექვატურად გადმოსცემს ორიგინალის ქსოვილს; ანუ სხვანაირად რომ ვთქვათ, ერთი ენობრივი სამყაროდან ნაწარმოები გადაგვაქვს სხვა ენობრივ სამყაროში – ეს არის და ეს. რა დიდი ფილოსოფია ამას უნდაო, იფიქრებთ ალბათ, მაგრამ საქმეც ისაა, რომ ჩვენში **ადექვატურობა**, როგორც წესი, **სიზუსტეში** ერევათ, თუმცა მართლაც ათასჯერ ითქვა, რომ თარგმანის სიზუსტე და განსაკუთრებით, მხატვრულ ლიტერატურასთან მიმართებაში, მეტად პირობითი ცნებაა, რადგან შეუძლებელია განსხვავებულ ენობრივ სივრცეში მექანიკურად გადაიტანო მხოლოდ ორიგინალის ენისათვის დამახასიათებელი ნიშან-თვისებები. თითქოს მარტივია, თითქოს თეორიულადაც ყველას კარგად მოეხენება, მაგრამ რად გინდა...

როცა ვამბობთ, რომ მთავარი პრინციპი ადექვატურობაა, ეს უპირველეს ყოვლისა, **მხატვრული ეფექტის ადექვატურობას** გულისხმობს – თარგმნილმა ტექსტმა მკითხველზე (მიახლოებით მაინც!) ისეთივე ემოციური ზემოქმედება უნდა მოახდინოს, როგორსაც ორიგინალი ახდენს, და მხოლოდ ამ შემთხვევაში ჩაითვლება თარგმანი მისაღებად. დანარჩენი კი, ნეტარსახსენებელი დარასელიასი არ იყოს, *უკვე ტექნიკის საქმეა*, ანუ – ჩვენს შემთხვევაში – სარედაქციო სამუშაო. მაგრამ როცა არ არსებობს ადექვატური მხატვრული ეფექტი, ყოველგვარი სწორება/X-ირება წყლის ნაყვია მხოლოდ.

როგორც აღვნიშნეთ, ნიჭიერი ხალხი არ გვაკლია, ოღონდ მე თუ მკითხავთ, მთარგმნელობითი საქმიანობა საქართველოში დღეს სავალალო მდგომარეობაში სწორედ ამ ყბადაღებული *ნიჭიერების* ფენომენის გაფეტიშების გამოა. ე.წ. “ხალასი ნიჭი” ქვეცნობიერად უპირისპირდება **პროფესიონალიზმს**, რაც ადექვატურობის პრინციპის სრულ უგულებელყოფაში გამოიხატება: ჩვენში რატომღაც თვლიან, რომ თუ კაცმა “ენა იცის” და მეტ-ნაკლებად გამართული ქართულით შეუძლია წერა, ნებისმიერი დეტექტივის მოთარგმანებასაც იოლად გაარმევს თავს; და იწყებს მაგანი თარგმნას და იქმნება ტექსტი, სადაც ქვემდებარეც თავის ადგილზეა, შემასმენელიც, გარემოებაც, განსაზღვრებაც და ირიბი დამატებაც, მაგრამ რად გინდა – “არ იკითხება!”

კარგად რომ გავერკვეთ ამ, ერთის შეხედვით, პარადოქსულ ვითარებაში, ისევ და ისევ ანბანურ ჭეშმარიტებებზე მოგვიწევს ლაპარაკი. ისე, ქართული მთარგმნელობითი კულტურის უკიდურესად დაბალი დონის საილუსტრაციოდ, ჩვენში დამკვიდრებული ტრადიციისამებრ (წერია შავი – უნდა იყოს თეთრი) უამ-

რაეი მაგალითის მოტანა შეიძლებოდა, მაგრამ რა მნიშვნელობა აქვს იმას, რომ “ტვერიდან გამოვარდა მამალი ხარი”, რომ “შერიფმა მოძრავი გამაგრილებელი დააძრო საბარეულიდან”, ანდა კულტური ეპოსის გმირმა რაინდმა როგორ დალია ჩაილურის წყალი – როცა თვით შეფასების კრიტერიუმებია დეფორმირებული, როცა კარგს აღარ ჰქვია კარგი და ცუდს – ცუდი, ამგვარი კურონების ჩხრეკას აზრი ეკარგება. მთავარი კი სწორედ შეფასების კრიტერიუმებია – კიდევ ერთი მარტვი, ბანალური ჭეშმარიტება, და სწორედ ამიტომაც მას ყურადღებასაც არა-აზინ აქცევს: **მხატვრული თარგმანის შეფასების მთავარზე-მთავარი კრიტერიუმი ისაა, რომ იგი კარგად უნდა იკითხებოდეს!** ჩვენში მიღებული რედუქციონისტული მეთოდიკა, ანუ თარგმანის კრიტიკული განხილვა მისი ცალკეული პასაჟებისა და ფრაზების მიხედვით – კრიტერიუმად არ გამოგვადგება: გააჩნია როგორია დედნის კონტექსტი, ინტონაცია, რიტმიკა, გამომსახველობა, მოკლედ – მთლიანობა, ის ემოციური მუხტი, ის მხატვრული ეფექტი, რომელიც მთელ ნაწარმოებს გასდევს. მხოლოდ ამის შემდეგ აქვს აზრი ტექნიკურ დეტალებზე მსჯელობას. მაგალითად, თუკი ბორხესის “ავეროესის შეცდომა” ან ნაბოკოვის “ლოლიტა” დუნედ იკითხება – ესე იგი ცუდი თარგმანია, რაოდენ გამართული ქართულითაც არ უნდა იყოს ნაწერი. ადექვატურობის პრინციპი არა მარტო შინაარსს, არამედ შინაგანი დინამიკის ადექვატურობასაც გულისხმობს. მარტვიად რომ ვთქვათ, თარგმანში უცილობლად უნდა იქნეს შენარჩუნებული ორიგინალის “ტემპი” და იგივე შეიძლება ითქვას ლიტერატურული ნაწარმოებების სხვა ინტერტექსტუალური კომპონენტების მიმართაც. ადექვატურობის პრინციპი – სისტემური პრინციპია, სადაც განმსაზღვრელი ასპექტებია შინარსი, სტილისტიკა და მხატვრული ეფექტი...

აღნიშნული პრინციპით ოპერირება გაცილებით იოლია პოეზიის მიმართ, და მით უფრო გასაკვირია ამ მხრივ ჩვენი დაუდევრობა. ყველამ იცის, რომ გოეთე დიდი პოეტი, მაგრამ საინტერესოა, საიდან იცის ეს კაცმა, ვისაც მხოლოდ ქართულად შეუძლია გოეთეს წაკითხვა? ქართულად თარგმნილი გოეთე არაფრით ჩანს ნოე ზომღეთელზე დიდი პოეტი. ანდა ტოვებს კი დიდი პოეზიის (თუნდაც კარგი ლექსების) შთაბეჭდილებას გაქართულებული ჰიუგო, შილერი, ბლეიკი, ვერლენი, ფროსტი, იეიტსი... ქართული თარგმანებით თუ ვიმსჯელებთ, მათ, ყველას ერთიანად, ჩოსერი სჯობს, ვიიონთან ზომ ახლოსაც ვერ მოვლენ! განა შეიძლება საკამათო იყოს რომ, ვთქვათ, რაინერ მარია რილკეს თარგმანი თავისი მხატვრული ღირებულებით არ უნდა ჩამოუვარდებოდეს თუნდაც ტიცინ ტაბიძის საუკეთესო ლექსებს? ანდა როგორი თვალსაჩინოც არ უნდა იყოს გ. ნიშნიანიძის ვერსიფიკატორული ოსტატობა ედგარ პოს “ყორანის” თარგმნისას, კარგი მაშინ იქნებოდა, თუკი მხატვრული ეფექტის თვალსაზრისით გალაკტიონის “ლურჯა ცხენებს” გაუტოლდებოდა ან, სულ მცირე, ფრაგმენტულად მაინც ზეპირად დაამახსოვრებდა თავს მკითხველს (ზომ საკმარისია ინგლისურის თუნდაც ზერელე ცოდნა, რომ “ყორანის” ვირტუოზული სტრიქონები მეყსეულად გაგიჯდეს მხესიერებაში!). სხვანაირად მისი თარგმნა პროფანაციაა, ანუ – უბრალოდ, ცუდი თარგმანი და არავითარი მნიშვნელობა არა აქვს, ნიშნიანიძის თარგმანი თუ სილოვან ნარიანიძის “თარგმანზე” 1001 თავით მაღლა დგას: ეს მხოლოდ მთარგმნელის პოეტურ ნიჭიერებაზე მეტყველებს და არა თავად თარგმანის ღირსებაზე.

ჩვენში დამკვიდრებულ კლიშე-დოგმებზე გაზრდილი მკითხველი აქ შეიძლება გულწრფელად აღმფოთდეს: ემაგ პრინციპით მართლა ათასში ერთხელ თუ გამოვა კარგი თარგმანი, ისიც მაშინ, თუ კონგენიალურ მთარგმნელთან გვაქვს საქმე – ე.ი. პრაქტიკულად შეუძლებელი რამ ყოფილაო... მე კი ასე ვიტყვოდი: თქვენ თარგმანი რა გგონიათ? ცხადია, ასე თარგმნა ძნელია, მაგრამ ადვილი, უხეშად რომ ვთქვათ, ფლავის ჭამაა. დიდი პოეტის ქმნილების თარგმნა ნიჭიერებას და ტექნიკურ ოსტატობას თავისთავად გულისხმობს, ოღონდ სულაც არაა აუცილებელი, მთარგმნელი გენიოსი იყოს – ლიტერატურის ისტორიაში ხშირად მომხდარა, სწორედ უჩინო პოეტებს უთარგმნიათ რიგიანად მაღალი პოეზია: ვთქვათ, ელისს – ბოდლერი, ან ონიშკოვიჩი-იაცინს – კიპლინგი; არც ლოზინსკი იყო პასტერნაკზე უკეთესი პოეტი, მაგრამ მის მიერ თარგმნილი “ფაუსტი” ამკარად სჯობს პასტერნაკისას და საკმარისია თვალი გადაავლო, იმას მაინც მიხვდები, გენიალურ ნაწარმოებთან რომ გაქვს საქმე! ეს კი ცოტა არაა – ვერც ერთი “ქართული ფაუსტი” მკითხველს მსგავს წარმოდგენას ვერ შეუქმნის, და აი, სწორედ აქ ვაწყდებით კიდევ ერთ მთარგმულ სტერეოტიპს, რომელიც იმდენად აბსურდულია, უხერხულიც კი იქნებოდა ამაზე ლაპარაკი, მეტისმეტად გავრცელებული რომ არ იყოს.

ქართველ ლიტერატორთა შორის დამკვიდრებულია ერთი ფრიად ორიგინალური გამოთქმა – “წიგნის დადება”. ამ თავისებურ ჟარგონში იგულისხმება წიგნის გამოცემა, რაც რატომღაც, ავტომატურად ითვლება დადებით ფაქტად, ის კი არავის აინტერესებს, ვინ კითხულობს ამ წიგნს, ან თუ კითხულობს საერთოდ ვინმე... ამ მხრივ არც თარგმანებია გამონაკლისი. ხშირად გაიგონებთ, რომ ქართულად “დაიდო” ესა თუ ის ცნობილი მწერალი ან პოეტი – ანუ, მთარგმნელმა დიდი შრომა გასწია, წიგნი დაისტამბა და ახლა შეგვიძლია ამაყად განვაცხადოთ, რომ ამიერიდან ქართულ ენაზე გვაქვს “უფროსი ედდა” თუ “ოსტატი და მარგარიტა” თუ “სამი მუშკეტერი”... არადა, განა ელემენტალური არ არის, უოთსონ ჩემო, რომ **მთარგმელის ნაღვაწი იმის მიხედვით კი არ უნდა ფასობდეს, რა თარგმნა, არამედ – როგორ თარგმნა?! აბა ასე დანტეს “ღვთაებრივი კომედიაც”** დევს ქართულად, მაგრამ რა – გინდა მიწაში დებულყოფილ...

სხვათა შორის, თუკი XIX საუკუნეში გადაუინაცვლებთ და იმდროინდელ ლიტერატურულ ცხოვრებას გადავავლებთ თვალს, გაგვანცვიფრებს თარგმანთა სიუხვე, ავტორთა სახელებით ხომ ლამის ცამ ქუხილი დაიწყოს: არისტოტელე, ტაციტუსი, ციცერონი, პეტრარკა, სვიფტი, ლესინგი, კორნელი, რასინი, მოლიერი, ბაირონი, ლეოპარდი, პიუგო... ჩამოთვლა ლამის დაუსრულებლად შეგვიძლია გავაგრძელოთ, მაგრამ თუკი ვინმეს იმის ილუზია გაუჩნდება, რომ მაშინ “დიდი საქმე გაკეთდა”, ერთი ისიც ვიკითხოთ: ამ თარგმანებიდან რომელი შემორჩა დღეს ქართულ კულტურას? რომელმა მოახდინა თუნდაც უმცირესი გავლენა ჩვენი ლიტერატურის განვითარებაზე? საკმარისია ეს შეკითხვა დავსვათ და თითო-ოროლა ნაწარმოებიღა შეგვრჩება ხელში. დღეს თითქოს უკეთესი მდგომარეობაა – თარგმანთა საშუალო დონე, თარგმნის ზოგადი კულტურა თითქოსდა ამაღლდა – წავიდა ის დრო, როცა შექსპირი მთარგმნელის პირით

გვეუბნებოდა: ‘უკრამენ ტრუბები, შემოდინ კაროლი და კარალევა’, ანდა ‘ჯერ არ გაუცვეთია ბაშაკები, რითაც მისდევდა ქმრისა კუბოსა’ – მაგრამ თუკი დღეისთვის არსებულ კარგ თარგმანებს მთლიანად თარგმნილ ლიტერატურას შევადარებთ, უმძიმეს სურათს მივიღებთ: რაც გაკეთდა, წვეთია ზღვაში – შეუდარებლად მეტია ისეთი თარგმანები, საერთოდ რომ ყოველგვარი კრიტიკის მიღმა დგას. ასეთია ქართულად ნათარგმანებთა აბსოლუტური უმრავლესობა და ეს ქება როგორც პოეზიას, ასევე პროზას. ოღონდ ლექსთწყობაში თუ უსუსურობა შეუძლებელია შენიღბო გამართული ქართულით (ბოლო-ბოლო, არტურ რემბოს “მთვრალი ხომალდი” თუკი, ზოგადად, ლადო ასათიანის “გულბათ ჭაჭაჭაძეს” ველარ ჯობია, ხოლო ტ.ს. ელიოტის პოეზია – ასევე ზოგადად, ბესიკ ხარანაულის ლექსებს, უკვე ყველაფერი ცხადი უნდა გახდეს); აი, პროზაში კი მეტი საშუალებაა მხატვრული ილუზიების შესაქმნელად, ოღონდ ცოტა ტვინი თუ განძრევე კაცმა, არც აქაა მაინცადამაინც ძნელი გაერკვე, როგორ და რანაირადაა საქმე. ხოლო თუ ჩვენს ლიტერატურულ (და არა მხოლოდ ლიტერატურულ) წრეებში კრიტიკულ განწყობას თვითმკმარი ინდიფერენტიზმი ჭარბობს და მთარგმნელობით სფეროში სავალალო მდგომარეობა ხეირიანად არცა გვაქვს გაცნობიერებული, ამის მიზეზი სწორედ იმ მეტისმეტად ბანალურ ჭეშმარიტებათა უგულვებელყოფაა, რომელთა შესახებაც უკვე ვილაპარაკეთ და ზედმეტი არ იქნება, თუკი ერთხელ კიდევ გავიხსენებთ:

- ა) კარგი თარგმანი ისაა, ადექვატურად რომ გადმოსცემს დედნის შინაარსსა და ხელწერას.
- ბ) აქედან გამომდინარე, დიდი პოეტისა თუ დიდი მწერლის ქმნილებათა თარგმანი მხატვრული დონით არ უნდა ჩამოუვარდებოდეს ქართული ორიგინალური ლიტერატურის საუკეთესო ნიმუშებს.
- გ) ამიტომაც კარგი თარგმანი უცილობლად ეროვნული ლიტერატურის კუთვნილება ხდება, სუსტი კიდე, თუნდაც ძალზე სახელოვანი ავტორისა იყოს, დროთა განმავლობაში უსახელოდ იკარგება.
- დ) ასე რომ, მთარგმნელის დამსახურება მისი ნამუშევრის ხარისხით უნდა განისაზღვრებოდეს და არა რაოდენობით, ან თარგმნილ ავტორთა რეგალიებით.

როგორია?! როგორც იტყვიან, ქვას გახეთქავს! კაცი არ მეუღლება, ზემომოყვანილ პოსტულატებს უარყოფდეს, მაგრამ საკმარისია ისინი ჩვენს ლიტერატურულ ცხოვრებას მიუესადაგოთ, რომ ისეთი შთაბეჭდილება დაგვრჩება, თითქოს დიდი ხანია დაგვაგიწყდა თეთრისა და შავის გარჩევა, უღმერთოდ ვატყუებთ ერთმანეთს, საკუთარ თავს და თან ძანაც კმაცოფილები ვართ შექმნილი ვითარებით...

საქმე ისაა, რომ საქართველოში იყო მთარგმნელი, თუნდაც ძალზე სახელოვანი, გაცილებით ნაკლებ პრესტიჟულია, ვიდრე უბრალოდ ”ქართველი პოეტი გერქვას” (თუ რატომაც ასე, ცალკე საკითხია – ახლა მხოლოდ ფაქტის აღნიშვნით შემოვიფარგლოთ) ამიტომაც მთარგმნელებად, როგორც წესი, ის

ადამიანები გვევლინებიან, რომლებმაც სხვადასხვა მიზეზთა გამო მწერლისა თუ პოეტის სახელი ვერ დაიმკვიდრეს. ეს კი ჩვენს სინამდვილეში უცილობლად წარმოშობს ერთგვარ არასრულფასოვნების კომპლექსს და მის სუბლიმირებას მთარგმნელი თავის საქმიანობაში ახდენს, ასე ვთქვათ, “თავის ჭიას ახარებს” ანუ – საკუთარი კომპლექსების პრიზმაში ატარებს ორიგინალის ტექსტს. ამ შემთხვევაში, თუკი მისი განწყობა დედნისას დაემთხვა – ხომ კარგი, თუ არადა ვლებულობთ ტიპიურ სუროგატს. სწორედ ამგვარი სუროგატებითაა სავსე ქართული მთარგმნელობითი მექანიზმები.

და სანამ ჩვენში უგერგილო მწერალზე უფრო მეტად კარგი მთარგმნელი არ დაფასდება, ზემოაღნიშნულ კომპლექსს ყოველთვის ექნება ნოციერი ნიადაგი; ეს კი მანამ არ მოხდება, ვიდრე ზოგადად ლიტერატურული საქმიანობის ერთ უმთავრეს საზომთაგანად **პროფესიონალიზმი** არ მიიჩნევა, ვიდრემდის ყველგან და ყველაფერში თვითკამაყოფილი დილექტანტიზმი მძლავრობს და მძვინვარებს.**

თავი III

სადაც უღმერთოდაა ერთმანეთში არეული პუბლიცისტიკა, ისტორია, ფილოსოფია, ფსიქოლოგია და ლიტერატურული კრიტიკა, ავტორი კი უკვე აშკარად და მოურიდებლად მძართავს თვითრეკლამას

რომ შეიძლებოდეს ერთად შეკრიბო ყველა მაღალხარისხოვანი თარგმანი, რაც ჩვენს საუკუნეში შექმნილა ქართულად, აღმოჩნდება რომ სწორედ XX საუკ. ლიტერატურის რიგიანი თარგმანებია ცოტაზე ცოტა, და ეს ეხება როგორც პოეზიას, ისე პროზას, როგორც “მაღალი შტილის”, ესევე ლიტერატურული მასკულტურის ნიმუშებს. ამგვარი ვითარების ერთად-ერთი ობიექტური მიზეზი კი სწორედ *ენის ფაქტორია* – ნებისმიერი ლიტერატურული ნაწარმოების ონტოლოგიური პირობა. ხომ ელემენტალურია, რომ შეუძლებელია ნაწარმოების მექანიკური გადანაცვლება განსხვავებულ ენობრივ სივრცეში – თარგმანი, თავისი არსით, ჰერმენევტიკულია: იგი საკუთარ თავში შეიცავს ინტერპრეტირებას და შედეგად, ნამდვილი თარგმანი *ყოველთვის* შემოქმედებითი აქტია, ხოლო როცა მთარგმნელი “მიჯაჭვულია” ტექსტზე და ჯიუტად ცდილობს ორიგინალის სტერეოტიპული მოდელებისა და იდიომატიკის უცვლელად გადმოტანას, იგი კი

** ისიც ითქვას, ჩვენში ხელოვნების დარგთა შორის ლიტერატურა ამ მხრივ ყველაზე მძიმე მდგომარეობაშია: მუსიკოსი ვერ გახდება, თუ ნოტები არ იცი ან რაიმე ინსტრუმენტზე მაინც არ უკრავ; შეუძლებელია მხატვარი გერქვას, თუ უბრალო ნატურმორტის დახატვა არ შეგიძლია; კინორეჟისორს სამონტაჟო მაგიდასთან მაინც უნდა შეეძლოს მუშაობა; აი, მწერლის სახელს კი ისე მოიპოვებ, ნაკითხობაც არაა სავალდებულო – შემთხვევით არ გაჩენილა (და პოპულარობაც მოიპოვა) ანეკდოტურმა ნათქვამმა: “*შე ბიძია, მწერალი ვარ – მკითხველი კი არა!*”.

არ იცავს, არამედ უხეშად არღვევს ადექვატურობის პრინციპს. რა თქმა უნდა, ასეთი თარგმანები “არ წაიკითხება”, გინდა ნიჭიერი კაცის ნამუშევარი იყოს და გინდაც – სრული პროფანის ნაცოდვილარი, რადგან აქ თავად თარგმნის მეთოდისკა პრინციპულად არასწორი: ირღვევა ორიგინალის შინაარსის შესაბამისობა ენობრივ სივრცესთან, ამ შესაბამისობის შენარჩუნება კი მხოლოდ შემოქმედებითი, პერმენევტიკული მიდგომითაა შესაძლებელი. სწორედ ამგვარი მეთოდითაა შესრულებული ამქვეყნად არსებული უკლებლო ყველა მაღალხარისხოვანი თარგმანი – ისინი არასოდეს იმეორებენ “ზუსტად” ორიგინალის ფრაზეოლოგიას, სამაგიეროდ მათ შენარჩუნებული აქვთ შინაარსის მიმართება ენობრივ სივრცესთან, ანუ შენარჩუნებულია ნაწარმოების *ყოფიერების* მოდუსი. მოკლედ, როგორც ჩინელები იტყვიან, არავითარი მნიშვნელობა არა აქვს რა ფერისაა კატა, მთავარია მან თავი დაიჭიროს... ამ კონტექსტში კატა – ენაა, თავი – ნაწარმოები, ხოლო თარგმანი სხვა არაფერია, თუ არა “თავის ჭერა”.

მაგალითისთვის ავიღოთ რაბლეს “გარგანტუა და პანტაგრუელის” და ვი-იონის “მცირე ანდერძის” ქართული თარგმანები: ორივე ეს ნაწარმოები დაწერილია ძველი ფრანგულით, რომელიც საგრძნობლად დაშორებულია თანამედროვე ფრანგულს. ენობრივი თვალსაზრისით, მთარმნელების მიდგომა ტექსტის მიმართ რადიკალურად განსხვავებულია: გურამ გოგიაშვილი თარგმნის ისე, როგორც, მისი ვარაუდით, კითხულობს დღეს რაბლეს ფრანგი მკითხველი, ანუ – არქაიზებული ლექსიკითა და კონსტრუქციებით; დავით წერედიანისათვის კი ამოსავალი დებულებაა, რომ ვიონის ლექსი იმდროინდელი მკითხველისათვის სულაც არ ჟღერდა არქაულად, ამიტომ თარგმანი თანამედროვე ქართულითაა შესრულებული. როგორც ვხედავთ, ორიგინალისადმი მიდგომა პრინციპულად განსხვავებულია, მაგრამ ორივე შემთხვევაში “კატამ თავი დაიჭირა”, ანუ მივიღეთ კარგი თარგმანი. სამწუხარო ისაა, რომ ამგვარი “კატა-თავობანა” ჩვენში იშვიათად თუ თავდება წარმატებით, რადგან ფაქტიურად, მთარგმნელის ენობრივ სამყაროსთან დამოკიდებულებას მთლიანად განაპირობებს ეროვნული ლიტერატურული ტრადიციები: სპარსული პოეზია და ინგლისური ბალადები იმიტომაც ითარგმნება კარგად, რომ ჩვენი ლიტერატურული ტრადიციისათვის “იოლად მისარქმელია” (რაც თავისთავად, არ ამცირებს ვაზუშტი კოტეტიშვილისა თუ გიორგი ნიშნიანიძის დამსახურებას), და იგივე მიზეზის გამო ქართულად “გამოდის” XIX საუკ. ფრანგული ლიტერატურა, რომელმაც თავის დროზე დიდი გავლენა იქონია რუსულ ლიტერატურაზე და რუსულის პრიზმაში გარდატეხილმა, ქართულზეც, მაგრამ “არ გამოდის” გერმანული, რადგან ამ ქვეყნის ლიტერატურული ტრადიციები ევროპის ქვეყნებიდან ყველაზე ნაკლებად ესადაგება ჩვენსას.***

ლიტერატურული ტრადიცია და ის ენობრივი სამყარო, რომელშიაც

*** ჩვენს ლიტერატურულ წრეებში ისეთი აზრიც კი დამკვიდრდა, რომ გერმანული ლიტერატურა “მძიმეა” და ძნელად საკითხავი. რა თქმა უნდა, იმას არავინ ითვალისწინებს, არის თუ არა ეს ლიტერატურა “მძიმე” გერმანული მკითხველისათვის, და არც იმისთვის მიუქცევიათ ყურადღება, პერმან ჰესეს ერთი და იგივე რომანი სულ სხვადასხვა “სიმძიმის” რომაა სოლომონ აპტისა და სერგეი ავერინცევის თარგმანებში, ხოლო პოფმანის “ოქროს ქოთანი”, რომელიც სოლოვიოვის რუსულ თარგმანში ლაღად და მსუბუქად მიედინება, ქართველი მთარგმნელებისთვის დღემდე საჯილდაო ქვად ქცეულა; თუქცა, ყველაფერს რომ თავი დაჯანებოთ, სამაგალითოდ ისიც გვეყოფოდა, “ძალიან მძიმე” რობერტ მუზილი როგორ ძალდაუტანებლად იკითხება ცხონებულ თენგიზ პატარაიას თარგმანში...

ტრადიცია მოქმედებს, ერთიმეორისაგან განუყოფელია – ესაა უმთავრესი აქსიომა, რომელიც პროფესონალ მთარგმნელს არათუ კარგად გათვითცნობიერებული, არამედ რომ იტყვიან, სისხლში უნდა ჰქონდეს გამჯდარი. ისიც გასათვალისწინებელია, რომ ქართული ენა განზე დგას ინდოევროპულ ენათა ოჯახიდან და ეს უკანასკნელი გარემოება, პლუს ტრადიციის არარსებობა, გარკვეულ სიძნელეს უქმნის ქართველ მთარგმნელს – მას მეტი ფანტაზიისა და ტექნიკური ოსტატობის გამოყენება სჭირდება იქ, სადაც ვთქვათ, რუსი მთარგმნელი იოლად გავა ფონს, ევროპული ენებიდან ნასესხები შხამშარეული კონსტრუქციებითა და კლიშეებით. ტრადიციის არარსებობის შემთხვევაში მთარგმნელს ფაქტიურად, საკუთარი ენობრივი სამყაროს ერთგვარი განახლება უწევს, თუმცა უფრო მართებული იქნებდა გვეთქვა – უნდა უწევდეს, რადგან ქართველ მთარგმნელს, ჩვეულებრივ, წარმოდგენაც არა აქვს, ასეთი საპატიო მისია თუ ეკისრება. ჩვენთან თარგმანი შემოქმედებითი აქტია არა ტექსტისადმი გააზრებული, ჰერმენევტიკული მიდგომის, არამედ მთარგმნელის სულიერი განწყობის, მისი კომპლექსების სუბლიმაციის თვალსაზრისით და როგორი კუთხითაც არ უნდა შევხედოთ, ყველაფრის თავი და თავი მაინც ერთია – არაპროფესიონალიზმი. ამ წარმმართველი ტენდენციის ყველაზე თვალშისაცემი მაგალითი კი სწორედ ლიტერატურული მასკულტურის თარგმანებია.

როცა ლიტერატურულ მასკულტურაზეა ლაპარაკი, რასაკვირველია არ იგულისხმება მარტოოდენ თანამედროვე ლიტერატურა: თავად ტერმინი – მასკულტურა თუმცა XX საუკ. გაჩნდა, მასვე მიაკუთვნებენ XIX საუკ. გავრცელებულ ე.წ. “ბულვარულ რომანებს”, იგივე კონტექსტში იხსენიება კლასიკური ავანტიურული რომანი, გოთური რომანები და სხვა მსგავსი ტიპის თხზულებები. ქართველ მთარგმნელთა დამოკიდებულება მასკულტურისადმი კი ზუსტი ანარეკლია საერთოდ ჩვენი ინტელიგენციის ქედმაღლური დამოკიდებულებისა ამდგვარ ქმნილებათა მიმართ. ამ თემას აქ აღარ გამოვეკიდებით და აღარაფერს ვიტყვით იმაზე, რომ გოთური რომანი ჰოფმანსაც დაუწერია, ბორხესი დეტექტივების ანთოლოგიებს ადგენდა, ხოლო ილია ჭავჭავაძეს კაი სქელტანიანი ბულვარული რომანი – ბუვიეს “იზა” აქვს ნათარგნი... აღვნიშნავთ მხოლოდ, რომ ქართველი მთარგმნელი ლიტერატურულ მასკულტურას სერიოზულად არ აღიქვამს და არც მისი თარგმნა ითვლება დიდად პრესტიჟულ საქმედ. როცა ვინმე მაინც აკეთებს ამას, მაშინვე ჩნდება აზრი, რომ ალბათ კაცს მატერიალურად უჭირს, ფული სჭირდება, თორემ ისე როგორ მოკიდებდა ამ “გლახა საქმეს” ხელსო. საინტერესო ის არის, რომ უმეტეს შემთხვევაში ეს მართლაც ასეა, და თუკი დღეს დილექტანტიზმი ქართული თარგმანების მოუცილებელი, “თანამდევნი სულია”, მასკულტურის მიმართ ეს დილექტანტიზმი კიდევ უფრო გამოკვეთილია და თვალსაჩინო.

თავი გავანებოთ იმას, რომ უბრალო პროფესიული ეთიკა გულისხმობს აღებული სამუშაოს კარგად შესრულებას – ეთიკის დარღვევაზე აქ ლაპარაკიც ზედმეტია, რადგან ქართველი მთარგმნელი გულშიაც არასოდეს გაივლებს, რომ შესაძლოა ვერ მოერიოს რაღაც იაფფასიანი, მასობრივი ლიტერატურის რომელიც გენებოთ ნიმუშს და ერთის შეხედვით, ამგვარი თვითდაჯერება არც მთლად უსაფუძვლო ჩანს: ნებისმიერი ეპოქისა და ნებისმიერი ჟანრის მასკულ-

ტურის ნიმუში, როგორც წესი, გავრცელებულ კლიშეებსა და სტერეოტიპულ მოდელებზეა აგებული. ასე რომ, მთარგმნელს სიტყვაექმნადობის დიდი უნარი თითქოს არც სჭირდება, ოღონდ კი სწორად მიუსადაგოს ქართულ ენაში დამკვიდრებული შესაბამისი კონსტრუქციები; არც ისაა დიდი უბედურება, თუ ქართულში თანამედროვე რეალიების სინაკლულა და უცხოურ კლიშეთა ანალოგიური კონსტრუქციებიც არაა დაფიქსირებული – კარგი მთარგმნელი ყოველთვის მოახერხებს ადექვატური მხატვრული ეფექტის შემცველი ფრაზის მოძიებას, მაგრამ ამისთვის ნიჭის გარდა, დაფიქრებაცაა საჭირო, ანუ პრობლემის გააზრება, ჩვენი თარგმანებით კი საქმეში ჩაუხედავ კაცს მართლა ისეთი შთაბეჭდილება შეიძლება დარჩეს, თითქოს ქართული ენა უძღურია ნორმალურად გადმოსცეს უმარტივესი დეტექტიური ინტრიგის პერიპეტები. არადა, საქმეც ისაა, რომ მთარგმნელი მართლა ვერ ახერხებს უაღრესად ბანალური მხატვრული ტექსტის ადამიანურ ენაზე მოთარგმნას და ნაწარმოების შინაარსისა და სტილისტიკის ურთიერთმიმართებას უადგილო კანზულსიტყვაობით ამახინჯებს! აბა, რა დიდი ფილოსოფია უნდა იმის ცოდნას, რომ არ შეიძლება დეტექტივის თარგმნა ისეთი ენით, დედამიწის ზურგზე არცერთი ქართველი რომ არ ლაპარაკობს?! როცა “მთარგმნელის” ხელიდან გამოდის ფრაზა, ვითომდა ამერიკელი პოლიციელის შეძახილი – *‘ჩააგეთ იარაღი ბუდეში, სერ!’* – ეს მკითხველის აბუჩად აგდებაა, რადგან პოლიციელი ასე არ იტყოდა, არც ქართველი, არც ამერიკელი... ტექსტისადმი შემოქმედებითი მიდგომა კი იმით გამოიხატება, რომ ვთქვათ, ნორვეგიელი ვიკინგები რუსთაველის (!) ციტატებით ლაპარაკობენ, ხოლო ჩიკაგოს ბარში, სადაც კედელთან აყუდულა ვინმე “დაღლარა ყოჩი”, უცებ თავისი “ქეშიკების” თანხლებით შემოდის ადგილობრივი განგსტერი, რომელსაც ასეთ ანტურაჟში ალბათ ისღა დარჩენია, თავზე ყარაჩოღელის ფაფახი დაიხუროს და სენდვიჩის ნაცვლად ბასთურმა ან ლულა-ქაბაბი მოითხოვოს...

ამის შემდეგ იტყვიან, აბა რა იქნება, დეტექტივები ქართულად არ იკითხებაო! ასე ნათარგმანები მართლა მტერმა წაიკითხა. ანდა რაზეა ლაპარაკი, როცა ქართულ თარგმანში მთლიანად უგულვებელყოფილია ორი უმნიშვნელოვანესი კომპონენტი, რომელთა გარეშეც არათუ დეტექტივი, მასკულტურის არანაირი თხზულება არ “წაიკითხება” – ესაა დინამიკა და ბუნებრივი, სხარტი დიალოგები. საერთოდ, პერსონაჟების ნორმალურად ამეტყველება ქართველი მთარგმნელებისთვის სიზიფეს შრომად ქცეულა და არაბუნებრივი მეტყველება, ყალბი ინტონაცია ლამის ლიტერატურულ ტრადიციად გვექცევს! საკმარისია ნახოთ ქართულად გახმოვანებული რომელიმე უცხოური ფილმი, რომ პირდაპირ ყურს მოგჭრით დიალოგთა სიყალბე: ფრანგი შანსონეტები, ამერიკელი ბუტლერგერები თუ იტალიელი მაფიოზები თარგმნილი ტექსტის მიხედვით, ენაღვარჯნილ დეკენერატებად გამოიყურებიან... როგორ არ გავისხენო ჩემთვის დღემდე უცნობი რუსი მთარგმნელების მიერ ამერიკული ფილმის, “შესანიშნავი შვიდეულის” მართლაც რომ ბრწყინვალე გახმოვანება: მძაფრი, ემოციურად დამუხტული, ლაკონური ფრაზები განუმეორებელ ეფექტს ქმნიან, ხოლო პერსონაჟების ლექსიკა ისეთია, უკვე თავად ამ პერსონაჟების ინდივიდუალობის მახასიათებლად გვევლინება. მოკლედ, სულ გავიწყდება თარგმანთან რომ გაქვს საქმე. შემთხვევითი არაა, ვისაც

თავის დროზე ფილმის ეს ვარიანტი უნახავს (და არა ვიდეობაზარზე შემოსული ახალი, უხეირო სინქრონული გახმოვანებით) უამრავი ადგილი ზეპირად ახსოვს, ხოლო ზოგი ფრაზა საერთოდ მთარეულ გამოთქმადაც კი იქცა... ფილმის უმაგალითო წარმატებას დიალოგების მაღალოსტატურმა თარგმანმაც დიდად შეუწყო ხელი და პროფესიონალური თვალსაზრისით, “შესანიშნავი შვიდეულის” რუსული ვარიანტი თავისუფლად შეიძლება ჩაითვალოს არა მხოლოდ კინოგახმოვანების, არამედ საერთოდ მთარგმნელობითი ხელოვნების შედეგად.

ქართულად გახმოვანებული ფილმები კი ისევე “არ ისმინება”, როგორც “არ იკითხება” ქართულად თარგმნილი ლტერატურა – არაბუნებრივ ტექსტს, თუნდაც გენიალური მსახიობი კითხულობდეს, მაინც ვერაფერს მოუხერხებს და შეუძლებელია, ქართველმა კაცმა ბუნებრივი ტონით წარმოთქვას “თქვენ იდიოტი ხართ, კლოს!” თუმცა ტექსტუალურად, თითქოს, ყველაფერი რიგზეა... ოღონდ ეგა – ფილმში დიალოგის აღქმა უფრო უშუალოა: აქ ტექსტი შერწყმულია ინტონაციასთან, ხმის ტემბრთან და ფრაზათა ხელოვნურობა მეცხეულად ფიქსირდება; ქაღალდი კიდევ, მოგეხსენებათ, ყველაფერს იტანს და ჩვენი მკითხველიც ისე მიეჩვია არაბუნებრივი ენით ნაწერ ტექსტებს, დამწერის მიმართ არანაირი პრეტენზია არ უჩნდება – მას უკვე სტერეოტიპის დონეზე ჩამოუყალიბდა სრულიად უკუდმართი შეხედულება, თითქოსდა ლიტერატურული ქართული სწორედ ასეთი უნდა იყოს. ამიტომაცაა, ხმას რომ არავინ იღებს და თავისთვის ყველა რუსულად ამჯობინებს წიგნის კითხვას, მასკულტურის ნიმუში იქება ეს თუ “მაღალი შტილის” ქმნილება.

აქვე ისიც ითქვას, საყოველთაოდ გავრცელებული აზრი რუსულ თარგმანთა უმაღლესი ხარისხის თაობაზე, ფრიად გადაჭარბებულია. არსებითად იგივე მასკულტურის ნიმუშები რუსულადაც საკმაოდ სუსტადაა თარგმნილი და მაგალითად თუნდაც იგივე ფლემინგის რომანები გამოდგება: ქართველი მკითხველი იმდენად ენდობა რუსულ თარგმანს, ამჯერად მისამართი შეეშალა და თავისი გულისწყრომა მთარგმნელს კი არა, ავტორს და პერსონაჟს დაატეხა თავზე. არადა, ღმერთი-რჯული, ჯეიმზ ბონდი აქ არაფერ შუაშია და თარგმანის უხარისხობასაც აქ ენის ფაქტორით ვერ ახსნი: რუსულ ენაში ევროპეიზმის კლიშეებიც და ურბანისტული რეალიებიც მყარადაა გამჯდარი – ამ მიმართებით რუს მთარგმნელს, როგორც უკვე ვთქვით, დიდი კვლევა-ძიება არ სჭირდება. ასევე შეიძლებოდა კიდევ არაერთი მაგალითის მოხმობა, და არა მარტო მასკულტურიდან: ვთქვათ, ირანული და არაბული კლასიკური პოეზია რუსულად გაცილებით უფრო “ცუდად იკითხება” ვიდრე ქართულად, ანდა შორს რომ არ წავიდეთ, რუსთაველის, ვაჟა-ფშაველასა და გალაკტონის რუსული თარგმანებიც გვეყოფოდა გულის მოსაფხანად; მაგრამ ფხანა, როგორც დიდი ილია ბრძანებდა, ქეცმა იცის. მთავარი ისაა, რომ რუსული თარგმანების საშუალო დონე, მთლიანად თარგმნის კულტურა, განუზომლად მაღლა დგას ქართულთან შედარებით: ამიტომ, რამდენიც არ უნდა ვუკიჟინოთ მკითხველს – ქართულად იკითხო, მაინც არაფერი გამოვა, ისევე როგორც ვერავის დაარწმუნებ, თითქოსდა “ვოლგა” ჯობდეს BM-ს. მოკლედ, სანამ არ გავაცნობიერებთ არსებულ მდგომარეობას, სანამ რადიკალურად არ შეიცვლება დილექტანტური დამოკიდებულება მთარგმნელობითი საქმიანობის

მიმართ, მანამდე არაფერი გვეშველება: ქართულად თარგმნილი წიგნი “არ წაიკითხება”.

სხვათა შორის, როცა ფლემინგის რომანს ვთარგმნიდით, იმთავითვე მიზნად დავისახეთ “რუსებისთვის მაინც გვეჯობნა” და შეგვექმნა მასობრივი ლიტერატურის ნიმუშის როგიანი თარგმანი. როგორც გითხარით, ეს არც ისე იოლი საქმე გამოდგა, მაგრამ როცა ტექსტზე მუშაობა დავასრულეთ, ორივენი დარწმუნებულები ვიყავით (და ახლაც იგივე აზრისა ვართ), რომ “ჩვენი ბონდი” ბევრად ჯობია რუსულს და თუმცა “შესანიშნავი შეიდეულის” დონეზე “ვერ გავქაჩეთ”, ასე კარგად ვერ არცერთი ქართულად თარგმნილი დეტექტივი არ იკითხება. ყველაფერი შევუნარჩუნეთ: თხრობის დინამიურობა, ავტორის შეფარული ირონია, ცოცხალი დიალოგები... თუმცა არც ისე გულუბრყვილოები ვიყავით, გვეგონებოდა თითქოს ამ წიგნის გამოსვლა რაიმე განსაკუთრებულ მოვლენად შეიძლება აღქმულიყო. ასეც მოხდა: საკმაოდ უშნო პოლიგრაფიულ დონეზე შესრულებულ “კაცი ოქროსვარაყიანი იარაღით” ისე გაითქვიფა მასკულტურის სხვა თარგმანებში, არავის ყურადღება არ მიუქცევია. მოულოდნელი ამაში არაფერი იყო-მეთქი და არც არაფერს ვიტყვოდი, რომ არა ერთი საგულისხმო ამბავი: ყველა ჩვენს ნაცნობს, თუნდაც ზრდილობის გამო რომ წაიკითხა ეს წიგნი, დაახლოებით ერთნაირი რეაქცია ჰქონდა: “ძალიან კარგად იკითხება, წყალივით მიდისო”, მაგრამ ამას ისე ამბობდნენ, თითქოს რაღაც არაბუნებრივ მოვლენას შეესწრენ, თითქოს რაღაც დაუწერელი კანონი დაირღვა... არადა, მართლა დაირღვა! ჩვენ ისე შევესისხლხორცეთ სიყალბეს, თარგმნილი ტექსტისაგან უკვე ქვეცნობიერად ვითხოვთ ხელოვნურ, არაბუნებრივ კონსტრუქციებს, როგორც “ლიტერატურულობის” ატრიბუტს... და თუ ეს ასე არ არის, ცოტა არ იყოს იმედგაცრუებულნი ვრჩებით. ერთმა ისიც კი გვითხრა, ოდნავ დამნაშავეს ტონით – კარგად იკითხება, მაგრამ ალაგ-ალაგ მეციხებოდაო! აბა როგორ ამქსნა მისთვის, რომ ფლემინგის კითხვისას თუ არ გაგეცინა, სწორედ მაშინაა ცუდად საქმე... მართალი გითხრა, დიდად გულზე არც მქნატება საკუთარი ლიტერატურული პრაქტიკიდან მაგალითების მოხმობა, მაგრამ ჩვენი თარგმანის ასეთმა უცნაურმა აღქმამ, უშუალოდ ტექსტზე მუშაობისას წარმოქმნილი ტექნიკური სიძნელეების ფონზე, ცხადლივ დაგვანახა, თუ რაოდენ პარადოქსული ფორმებით შეიძლება გამოვლინდეს ლიტერატურული ტრადიციის არარსებობა.

თავი IV

და უკანასკნელი, საიდანაც ჩანს, რომ ავტორს უკვე დასაკარგი აღარაფერი აქვს და ისიც ბოლომდე ამბობს სათქმელს...

დაკვირვებულნი მკითხველი ადვილად შეამჩნევდა, რომ მთელ ჩვენს მსჯელობას ერთგვარი პოლემიკური ჟღერადობა დაჰკრავს, თუმცა ამ პოლემიკის ადრესატი არ ჩანს. კაცმა რომ თქვას, ვერც გამოჩნდება, რადგან აქ ლაპარაკი არაა პიროვნებებზე, – საქმე იმ უკდმართ სტერეოტიპებს ეხება, რომლებიც თეზისების

სახით არაუვის ჩამოუყალიბებია, მაგრამ ისეა გამჯდარი საზოგადო ცნობიერებაში, ლამის ჩვენი სულიერი წყობის, ჩვენი მენტალიტეტის სისხლხორცეული ნაწილი გამხდარა. ამიტომ მსჯელობა აგებულია ერთგვარი აქსიომატური სილოგიზმების ღერძზე, როცა ერთი ბანალური ჭეშმარიტებიდან ავტომატურად გამომდინარეობს მეორე, მეორედან მესამე, მესამედან მეოთხე და ა.შ. ამასთან, თითოეული აქსიომა არათუ სავსებით მისაღებია ქართველ ლიტერატორთა აბსოლუტური უმრავლესობისთვის, არამედ კარგადაცაა ცნობილი მათთვის, მაგრამ საკმარისია ეს აქსიომატური დებულებები ცხოვრებისეულ პრაქტიკას მიუუსადაგოთ, რომ მაშინვე თვალნათლივ გამოჩნდება შეუსაბამობა, ხშირად დაპირისპირებაც კი ელემენტალურ ჭეშმარიტებებსა და ყოველდღიურობაში დამკვიდრებულ სტერეოტიპებს შორის. ჩვენდათავად, თეორიული პოსტულატების თვალსაზრისით ახალი არც არაფერი გვათქვამს, ფაქტიურად მხოლოდ იმას ვამტკიცებდით, რომ ყველაფერი ახალი – კარგად დაეიწყებოდა ძველია...

მაგრამ ახლა უკვე ერთმეორისაგან ლოგიკურად გამომდინარე დებულებებს ისეთ დასკვნებამდე მივყავართ, რომლებიც არაა საყოველთაოდ გაზიარებული და ცოტა ვინმე თუ მიიჩნევს ფაქტის უბრალო კონსტატაციად. ამიტომ იმედია, მკითხველი არ გაგვიანწყენდება, თუ ამჯერად ცოტა შორიდან მოუვლით, რათა ბოლოში მშვიდობიანად გავაღწიოთ.

დავიწყოთ იმით, რომ მკითხველს კიდევ ერთხელ შევახსენებთ: ქართულ ენაში მართლაც არაა დამკვიდრებული თანამედროვე ყოფის შესატყვისი ბევრი ტერმინი, ნეოლოგიზმი თუ სტერეოტიპული კონსტრუქცია. სულ უბრალო მაგალითი: სასაუბრო მეტყველებაში იშვიათად თუ ვინმე ახსენებს ავტომანქანის ნაწილებს ქართულად – *სცეპლენია*, *მიგალკა*, *პავაროტნიკი*, *ჟიკლიორი* და ა.შ., ჩვენი ყოველდღიური ლექსიკის ორგანულ ელემენტადაა ქცეული. ასევე ვერაფრით გადმოგვიქართულებია ინგლისურში გავრცელებული თუნდაც ისეთი გამოთქმა, როგორცაა *love making* – ერთი შეხედვით, მართლაც სერიოზული დაბრკოლებებია, მაგრამ მხოლოდ ერთი შეხედვით: ამგვარი ტიპის სიმწელები ყველაზე ადვილი დასაძლევია – კონტექსტზე დაყრდნობით თავისუფლად შეიძლება საჭირო სიტყვის, გამოთქმის ან მთელი კონსტრუქციის მოხერხებულად და ბუნებრივად “ჩაჯენა” ტექსტში. აქ ზედმეტი არ იქნება გავიხსენოთ მძაფრი კამათი ქართული ლიტერატურისა და ენის ურთიერთმიმართების ირგვლივ XIX საუკ. 60-იან წლებში, “მამათა და შვილთა” ბრძოლოს სახელით რომაა ცნობილი. მაშინ ბევრს ლაპარაკობდნენ ლიტერატურული ქართულის ხელოვნურობაზე, მაშინაც უმწვავესად იდგა იმდროინდელი რეალიების ლიტერატურაში “გაცოცხლების” პრობლემა. ეს არ იყო თავაზიანი დარბაისლური პაექრობა ცოცხალ კლასიკოსებს შორის: მოკამათთა ტონი ხშირად ცილდებოდა ელემენტალური ეთიკის ფარგლებს, მაგრამ გავიდა დრო, ვნებათა დელვაც წარსულს ჩაბარდა და დღეს ცოტას თუ ახსოვს, რომ მაშინ ქართულ ენაში არ არსებოდა ისეთი სიტყვები, როგორცაა *ასანთი*, *ლიანდაგი*, *ქვემეზი*, *შინაარსი* და სხვა მრავალი... სწორედ “შვილების” თაობის, ილია ჭავჭავაძისა და მისი თანამოაზრეების მეცადინეობით მოხერხდა ლიტერატურული ქართულისა და სასაუბრო მეტყველების ურთიერთმიახლოება, სწორედ მაშინ შეიძინა ქართულმა ენამ გან-

ვითარების იმპულსი და მოხდა ენის შინაგანი პოტენციალის ახლებური გამოვლინება. რასაკვირველია, ეს პროცესი არ მიმდინარეობდა უმტკივნეულოდ – ბოლოსდაბოლოს, თვით იაკობ გოგებაშვილი წერდა – *სტოლი, სტაქანი...* მაგრამ მთავარი იყო სწორედ **პროცესის მიმდინარეობა** და არა ცალკეული გადახრები. დღეს საგანგაშო ისაა სწორედ, რომ არავითარი პროცესი არ მიმდინარეობს. უამრავი, ერთიმეორეზე გადაჯაჭვული პრობლემა არსებობს, მაგრამ არ ხდება მათი გააზრება, არ იგრძნობა მიზანმიმართული მოქმედება მათ გადასაწყვეტად და რომ არა ჩვენზე გულგრილობა არსებული მდგომარეობის მიმართ, დიდი ხნის გაცნობიერებული გვექნებოდა კიდევ ერთი ბანალური ჭეშმარიტება: თანამედროვე ლიტერატურის ქართულად თარგმნა გაძნელებულია არა იმდენად ლექსიკური მარაგის სიმწირის, არამედ სულ სხვა მიზეზის გამო; მიზეზისა, რომელიც გარკვეულწილად თავადვე განაპირობებს ლექსიკის სიღარიბეს და რომელიც ავტომატურად გამოიყვანება თვით იმ ფაქტის აღიარებიდან, რომ ქართულ ენაში თანამედროვე რეალიები არაა მყარად გამჯდარი: **ჩვენმა მწერლობამ ვერ შესძლო ურბანისტული ცნობიერების ადეკვატური ასახვა ქართულ სიტყვიერებაში** – არავითარი სხვა მიზეზი თანამედროვე რეალიების სიმცირისა, თავად ამ რეალიების სიმცირის ფაქტიდან არ მოიპყრება.

რა თქმა უნდა, ყოველივე ამას თავისი ობიექტური საფუძველიც გააჩნია. ქართული ლიტერატურის განვითარებაზე ხომ უდიდესი ზეგავლენა მოახდინა სრულიად არალიტერატურულმა ფაქტორებმა და მძიმე სოციალ-პოლიტიკური ვითარებიდან გამომდინარე, უპირველესი მნიშვნელობა მის *ეროვნულობას* მიენიჭა. ლიტერატურა ხშირად განიხილებოდა, როგორც ეროვნული თვითშეგნების მამოძრავებელი ძალა, და რამდენადაც XIX საუკუნეში ქართული ცნობიერება უფრო კონსერვატიულ გარემოში, კერძოდ სოფლურ ყოფაში იყო შენარჩუნებული, ხოლო ისტორიული ორიენტირები – წარსულისაკენ მიმართული (“სახელოვანი წარსული!”) ეროვნულობაც, გარკვეულწილად, პატრიარქალურ სულისკვეთებასთან გაიგივდა. სხვანაირად რომ ვთქვათ, მოხდა ტრადიციონალისტური კლიშეების **საკრალზაცია** და ტრადიციის ცნებაც ჩვენში დღემდე შეფასებითი მნიშვნელობით იხმარება, ანუ იგულისხმება აუცილებლად რაღაც დადებითი; ტრადიციული ფასეულობანი კი (ლიტერატურული თუ არალიტერატურული) აღიქმება როგორც მარადიული ღირებულების მქონე ფენომენი – რაც, რასაკვირველია, პრინციპული შეცდომაა.

ქართული ლიტერატურის ქრონიკული ანგაჟირებულობა – სამშობლო მხარისადმი სიყვარულის დეკლარირება, გმირული წარსულის ამკარა თუ ფარული დაპირისპირება აწმყოსთან, ეთნიკური თვითმყოფადობის პოლიტიკურ კონტექსტში გადატანა – მოკლედ ყველაფერი, რაც “პატრიოტული მოტივების” ცნებაში ერთიანდება – მიჩნეული და განხილულია, როგორც მისი **ღირსება** და არა **თვისება**. ამგვარი მიდგომა სწორედ ტრადიციათა საკრალზაციითაა განპირობებული, რასაც გარდუვალად მოჰყვება ხოლმე მათი დოგმატიზირება და პატრიარქალური სულისკვეთების, პატრიარქალური ფსიქიკის კონსერვაცია. ეს მჟღავნდება არა მარტო ქართველ ლიტერატორთა მსოფლმხედველობაში, არამედ წმინდა სტილისტურ ღონეზეც კი: ქართული ენის პროზა მთლიანობაში მანც

ვერ გამოვიდა XIX საუკ. რეალისტური სტილისტიკის ჩარჩოებიდან. რასაკვირველია, ამ მხრივ არის ცალკეული მიღწევები, თანდათანობით წინსვლაც კი შეიგრძნობა – ბოლოს და ბოლოს, თანამედროვე ქართული პროზის ენა გაცილებით უფრო “გამართული ქართულია”, ვიდრე XIX საუკუნისა, მაგრამ აქ ლაპარაკია წამყვან ტენდენციასზე და არა ცალკეულ, თუნდაც მხატვრულ-ესთეტიკურ გაგებით მნიშვნელოვან რეციდივებზე. მოძველებული სტილისტიკა, როგორც შესაბამისი ფსიქიკის გამოვლინება, არა მარტო მხატვრულ პროზაში, არამედ ყოველდღიური ინფორმაციის გადმოცემის დროსაც კი ვლინდება. საკმარისია ყური მიუვადოთ ჩვენი ტელევიზიის რეპორტაჟებს, რომ მაშინვე კაზმულსიტყვაობის ნამდვილი კასკადი დაგვატყდება თავზე. ის კი არა, ნებისმიერი მარალჩინოსანი “რამეთუებით” იწყებს ლაპარაკს...

თუმცა, ეროვნულობისა და ტრადიციული ყოფის გაიგივება მარტო ქართული ლიტერატურისათვის სულაც არაა დამახასიათებელი. თავის დროზე ხორხე ლუის ბორხესიც ურჩევდა თანამემამულეებს, ნუ გამოეკიდებით ”ნაციონალურ კოლორიტს”, არგენტინა თქვენ მართლა გაუჩოები და პაპასები ხომ არ გგონიათ – წერეთ თავისუფლად, წერეთ რაზეც გინდათ, თქვენს ეროვნულობას მაინც ვერსად გაექცევითო. და ამას ამბობდა ესპანურენოვანი მწერალი, ანუ კაცი, ვინც იმ ენაზე წერდა, რომლითაც ათზე მეტი ქვეყნის ეროვნული ლიტერატურა იქმნება! ქართული ენის წიაღში კი მხოლოდ ქართული ლიტერატურა ცოცხლობს და ფაქტიურად, ჩვეთვის ერი და ენა იდენტური ცნებებია; ხოლო როცა ქვეყანაში სწორედ ტრადიციონალისტური, პატრიარქალური ფსიქიკა დომინირებს, სხვანაირი მიდგომა არცაა მოსალოდნელი – მწერლის ფსიქიკა მისივე მსოფლგანცდის გამომხატველია და პატრიარქალური სულისკვეთება, ზოგჯერ აშკარა, ზოგჯერ კი უფრო ქვეცნობიერ სიღრმეებში ჩამარხული, შესატყვისად აისახება მხატვრული ნაწარმოების სტილისტიკაშიც: ვთქვათ, როცა ქართულ თარგმანებში დიალოგების ხელოვნობაზე ვლაპარაკობთ, ისიც უნდა გავითვალისწინოთ, რომ ეს ჩვენი ლიტერატურის საერთო სენია – ტრადიციულად, ქართულ მწერლობაში პერსონაჟთა მეტყველება ან სტილიზებულია, ან კუთხურ დიალექტს ეყრდნობა, რასაც თარგმნის დროს იშვიათად თუ გამოიყენებ – ამერიკელი ფერმერი კახელი გლეხივით ხომ ვერ მოუქცევს და ვერც ავანტიურისტი ფელიქს კრული ილაპარაკებს კვაჭი კვაჭანტირაძის ლექსიკით. ბუნებრივი დიალოგი კი თანამედროვე თემაზე შექმნილ ქართულ თხზულებებში იმდენად იშვიათია, მაშინვე იქცევეს ყურადღებას. ასე რომ, ენის გამდიდრება-განვითარების თვალსაზრისითაც, მთარგმნელობით საქმიანობას საქართველოში არანაკლები (თუ მეტი არა) მნიშვნელობა აქვს, ვიდრე ორიგინალურ შემოქმედებას...****

თვით ლიტერატურული მასკულტურის რიგიანად თარგმნა თუნდაც ამიტომ

**** ნიშანდობლივია — 60-იანი წწ. ქართულ პროზაზე ჰემინგუეის თარგმანებმა მეტი გავლენა იქონია, ვიდრე ნებისმიერმა ჩვენმა კლასიკოსმა. თუმცა ისიც ვაღიაროთ, რომ გავლენა უფრო ზედაპირული იყო: იგი, უბრალოდ, კარგად მოერგო იმდროინდელი ახალგაზრდობის სულისკვეთებას, თორემ თარგმანის ხარისხი აქ არაფერ შუაშია — ასე იმავე მთარგმნელის ყოვლად უნიათო “თამაში ჭკავის ყანაშიც” უადრესად პოპულარული გახლდათ (სხვათა შორის, სწორედ განწყობილებათა შეუსაბამობის გამო ვერ გაითავისა ქართულმა ლიტერატურულმა საზოგადოებამ თუნდაც ჯოისის “ულისეს” თარგმანი).

ჰაერივით ესაჭიროება ჩვენს ლიტერატურას, რადგან მასკულტურაში ყველაზე რელიეფურადაა გამოკვეთილი ბუნებრივი მეტყველება და ურბანისტული ფსიქიკა. მაგრამ, როგორც უკვე არაერთხელ აღვნიშნე, ეს ყველაფერი ცარიელ ლაპარაკად დარჩება, სანამ არ მოხდება პრობლემის გაცნობიერება, გააზრებული მიდგომა ეროვნული ლიტერატურული ტრადიციების მიმართ. კერძოდ, თუკი ვაღიარებთ რომ ჩვენი თანამედროვე ლიტერატურა მსოფლმხედველობრივი თუ სტილისტური თვალსაზრისით, როგორც წესი, XIX საუკ. მწერლურ პრინციპებს ეფუძნება, მაშინ იძულებულნი გავხდებით ისიც დავასკვნათ, რომ XX საუკუნის ქართული ლიტერატურა თავისი წარმმართველი ტენდენციით – **ეპიგონურია**. იგი იმ მუსიკალურ ინსტრუმენტს წააგავს, რომელიც სულ ერთ ტონალობაში უკრავს. ადრეც ვთქვი და ახლაც გავიმეორებ – ამასაც აქვს თავისი ობიექტური მიზეზები: 20-იანი წლების ექსპერიმენტები ქართულ ლიტერატურაში პოლიტიკური რეჟიმის მიერ განხორციელებული რეპრესიებისა და ცენზურის გამო ჩაკვდა, ლიტერატურული ცხოვრებაც იზოლაციაში მოექცა და მსოფლიოში მიმდინარე პროცესებისაგან სრულიად მოწყვეტილი აღმოჩნდა. ეს ყველაფერი კარგადაა ცნობილი, მაგრამ მიზეზი, როგორი ობიექტურიც არ უნდა იყოს, ფაქტობრივ მდგომარეობას მაინც არ ცვლის; თუმცა, თავისთავად ეს ჯერ არაა ტრაგედია – სწორი დიაგნოზი ხომ განკურნების წინაპირობაა. საქმე მაშინაა ცუდად, თუ ეს დაავადება ეროვნული ხასიათის დიდ ღირსებად მიგაჩნია და თავიც კი მოგაქვს ამით!

აღბათ ყველას არაერთხელ გვსმენია, თუ რა დიდ მნიშვნელობას ანიჭებენ ქართული ლიტერატურის ნიმუშების “საზღვარგარეთ გატანას” და უცხოეთში რომელიმე ჩვენი მწერლის წიგნი თუ გამოიცა, ამას ისე აღნიშნავენ, როგორც მთელი ჩვენი კულტურის გამარჯვებას, არადა ის თითქოს აღარავის აინტერესებს, როგორი გამოხმაურება ჰქონდა ამ პუბლიკაციას იქაური ლიტერატურული კრიტიკის ან უბრალო მკითხველის მხრიდან. ანკი ვინ რას იტყვის, როცა ქართველ მწერალთა თხზულებები აბსოლუტურად არ იწვევს უცხოეთის ლიტერატურული სამყაროს ინტერესს. არცერთი თანამედროვე ქართველი მწერალი, არცერთი თანამედროვე ქართველი პოეტი მსოფლიოში არ მიიჩნევა თუნდაც მეტ-ნაკლებად მნიშვნელოვან ფიგურად. ვთქვათ, ზოგ შემთხვევაში ეს, შესაძლოა, უვარგის თარგმანებსაც დაუბრალოთ, მაგრამ როგორი იდეალურიც არ უნდა იყოს “ლიტერატურული ექსპორტის” ორგანიზაცია (თანამედროვე მწერლობა იქნება ეს, თუ ლიტერატურული კლასიკა), მქუხარე ოვაციებს მაინც არ უნდა ველოდეთ. ეს სრულებითაც არ ნიშნავს, თითქოს მრავალსაუკუნოვანი ქართული ლიტერატურა არაფრად ვარგა და ყველაფერი ნულიდანაა დასაწყები, მაგრამ თანამედროვე უცხოელი მკითხველისათვის ქართული მწერლობის მიღწევები კარგად ნაცნობი ლიტერატურული ტენდენციების ტიპური ნიმუშებია – იმ ტენდენციების, რომლებიც ევროპული კულტურის წიაღში ყოველმხივ შესწავლილი, გამოწვლილვით გარჩეული და მთლიანად გათავისებულია (ერთადერთი გამონაკლისი ამ მხრივ იქნებ ვაჟა-ფშაველა იყოს, რადგან მისი შემოქმედება აღნიშნულ ტენდენციათა ჩარჩოებში ბოლომდე ვერ თავსდება). ვთქვათ, XX საუკ. ქართული პოეზიის საუკეთესო წარმომადგენლები, ევროპული გაგებით, XIX საუკუნის პოეტები უფრო არიან: მათი პოეტური ხელწერა, მათი მხატვრული სამყარო – ევროპაში

განვლილი ეტაპია და როცა გოგლა ლიონიძეს, ან თუნდაც ანა კალანდაძეს წარადგენ როგორც თანამედროვე პოეტს, რაგინდ ბრწყინვალე თარგმანი იყოს, ევროპელი მკითხველი ჩათვლის, რომ ეპიგონთან აქვს საქმე. გალაკტიონსაც კი იოლად “ჩასვამენ” ფრანგ სიმბოლისტთა პლეადაში...

მაილობი:

მოცულობით მცირე, გარნა ფრიად ანალიტიკური – სადაც უნებურად გვახსენდება პესიმისტი ინგლისელი პოეტის, ლორდისა და დენდის მკვაზე შემახილი...

ნოდარ დუმბაძის “შზიან ღამეში” არის ერთი საგულისხმო ეპიზოდი: უნივერსიტეტში, ლიტერატურის სემინარზე ახალგაზრდა პოეტი კითხულობს ლექსს, რომელიც ასე მთავრდება – კომპასის ისარი თურმე იმიტომ უჩვენებს ჩრდილოეთსა და სამხრეთს, რომ “ჩრდილოეთით მოსკოვი არი, ხოლო სამხრეთით – პატარა გორი” (რომელიც გულისხმება, დიდია). სემინარის ხელმძღვანელის კითხვაზე, რა ქნას სპარსელმა, ვისთვისაც მოსკოვიც და გორიც ჩრდილოეთიაო, პოეტი პასუხობს: “ჩემი ლექსი სპარსეთში არ წავა!”

და სწორედ ესაა ჩვენი კულტურული ცხოვრების ტრაგედია: ძალზე ბევრი ნაწარმოები, რომელიც დიდი ლიტერატურის ნიმუშად მიგვაჩნია, “სპარსეთში ვერ წავა”. ქართული მწერლობა დღემდე დახშული სივრცეა, ხოლო ნაწარმოების შეფასებას იმის მიხედვით, თუ რა წვლილი მიუძღვის მას ეროვნული თვითშეგნების განმტკიცებაში – ლიტერატურულ კრიტიკასთან საერთო არაფერი აქვს. ლიტერატურის ეროვნულობა მხოლოდ მაშინაა ფასეული, თუ იგი “სპარსეთში წავა”, ანუ სხვა ეროვნების მკითხველსაც გულზე მოხვდება – სრულიად ბანალური ჭეშმარიტება, რომელიც ისევე მივიწყებულია, როგორც ბევრი სხვა. მაგრამ როცა “ქვევრიდან ხაპში, ხაპიდან დოქში, დოქიდან ჯამში...” და ბევრი ამდაგვარი რამ პოეზია გვგონია, ეს უკვე კრიტიკერიუმების სრული აღრევის, უფრო სწორად, ყოველგვარი ლიტერატურული კრიტიკერიუმების არარსებობის მაჩვენებელია. არადა, საკმარისია ელემენტალური მწერლური კრიტიკერიუმებით მივუდგეთ როგორც თანამედროვე ქართულ ლიტერატურას, ისე კლასიკურ მემკვიდრეობას, რომ ლამის სისხლში გამჯდარი სტერეოტიპული წარმოდგენები ხუხულასავით დაგვენგრევა. დიდი გათვითცნობიერება არ სჭირდება იმის აღმოჩენას, რომ ვთქვათ, მიხეილ ჯავახიშვილი ან კონსტანტინე გამსახურდია არ არიან დიდი მწერლები, ხოლო “ჯავოს ხიზნები” და “დიდოსტატის მარჯვენა” უბრალოდ, სუსტი ნაწარმოებებია. ვერც ერთი და ვერც მეორე რომანი “სპარსეთში ვერ წავა”, საფრანგეთსა და ამერიკაზე რომ აღარაფერი ვთქვათ... ვერც მიდის.

ოღონდ აქ მთავარი ის კი არ არის, რომ “ვერ წავა”, არამედ ის, რომ არც

გვანტერესებს, წავა თუ ვერა.

ელემენტალურ ჭეშმარიტებათა უგულვებელყოფა, საკუთარი გამორჩეულობით უსაგნო ყოფილობა, დილეტანტური თვითდაჯერებულობა – ლამის მესიანისტურ პრეტენზიებში რომ გადადის – მოკლედ, ნამდვილი “ლიტერატურული ზვიადიზმი” მხოლოდ და მხოლოდ ერთი რამის მაჩვენებელია: ქართული ლიტერატურული ყოფა პროვინციალიზმითაა გაჟღერებული. არადა, თანამედროვე ქართულ მწერლობაში ნამდვილად იყო ცალკეული გამობრწყინებები, სწორედ თავიანთი არაორდინალურობით, ეპიგონურ პროვინციალიზმთან დაპირისპირებით რომ იქცევდნენ ყურადღებას: მერაბ აბაშიძის “აქეთ მამხალეები, კვაზიმოდო”, ბესიკ ხარანაულის “ხეივანი თოჯინა”, გიორგი ბაქანიძის “ორმოცი დღე და ორმოცი ღამე”, აქვე გავიხსენოთ გურამ დოჩანაშვილის რამდენიმე მოთხრობა და ოთარ ჭილაძის პირველი რომანები... მაგალითების მოყვანა კიდევ შეიძლება, მაგრამ მთავარი ისაა, რომ ყოველივე ამან ვერ მიიღო “ფრონტალური გარღვევის” ხასიათი. ნორმალური ლიტერატურული ატმოსფეროს უქონლობის გამო ერთნი დინებას დაჰყვნენ და საერთო ნაკადში ჩაიკარგნენ, სხვები კი საკუთარი ხელწერის მრავალჯერადი განმეორებით თავისებურ ბიწიერ წრეში მოექცნენ. თუძცა აქ ისიც უნდა ითქვას, რომ ყოველი ასეთი გაელვება სწორედ იმ “ხალასი ნიჭის” გამოვლინება უფრო იყო, ვიდრე შეგნებულად გააზრებული ქმედება.

თავი და თავი კი ისაა, რომ პროფესიონალიზმი უცილობლად გულისხმობს **ცოდნას** და **გააზრებას**, რაც საერთოდ მიუღებელია ლიტერატურის მიმართ ჩვენი კლიშირებული ფსიქიკისათვის. ჩვენ დღემდე გულუბრყვილოდ გვჯერა, რომ ლექსი კი არ იწერება, არამედ *აღმოითქმის*, რომ უბრალოდ ნიჭიერმა კაცმა შეიძლება სულ იოლად დაწეროს შთამბეჭდავი რომანი, მთარგმნელმა მხოლოდ “ენა უნდა იცოდეს” – პროფესიული გამოწვევთა კი ჩვენში “ხელოსნობად”, ნიჭიერი კაცისათვის ლამის უკადრის საქმედ მიიჩნევა. რაც მთავარია, ეს ყველაფერი ჩვენი ლიტერატურული ტრადიციისა და ეროვნული ხასიათის შედეგი გვეგონია, ანუ აბსოლუტურად არ გვესმის თავად ტრადიციულობის შინაარსი, და არც გვინდა რომ გვესმოდეს!..

ქართულ ლიტერატურულ სამყაროში დამკვიდრებული ეს ნებაყოფლობითი იზოლაციონიზმი იმედროულად, ერთგვარი არასრულფასოვნების კომპლექსის გამოვლინებაა. არაერთი ბანალური ჭეშმარიტება იმიტომაცაა საგულდაგულოდ მივიწყებული, რომ ქვეშეცნეულად გვემინია სიმართლის გაგების – იმ სიმართლის, ილუზორულ მყუდროებას რომ დაგვირღვევს, და **ყველაზე მეტად ამ მოჩვენებით მყუდროებას სწორედ მაღალხარისხიანი თარგმანები ემუქრება**, რადგან ერთ ენობრივ სიფრცეში, მსოფლიო ლიტერატურის ფონზე, **უკვე აშკარად ჩანს ქართული ლიტერატურის სიდუხჭირე**. ამ ფონში კი არა მარტო საკაცობრიო შედეგები, არამედ უადრესად ფართო ლიტერატურული სპექტრი იგულისხმება, თვით მასკულტურის ჩათვლით. საკმარისია *ადექვატურად* ითარგმნოს თუნდაც ჰაროლდ რობინსი, და ტვინულრძობელი მკითხველი თვალნათლივ დაინახავს – “ამერიკული ბესტსელერების მეფე”, რომელსაც, სხვათა შორის, სერიოზული ლიტერატურის შემოქმედად არც არავინ მიიჩნევს –

მართლაც მეფურად გამოიყურება იმ ქართველ ნომენკლატურულ მწერლებთან შედარებით, ხელოვნების მეტრებად რომ მოაქვთ თავი... ამიტომაც რა გასაკვირია, თუკი ამხელა ვაი-უშველებელია ატეხილი და ლამისაა გლოვის ზარებიც დაარისხონ საქართველოში “იაფფასიანი ლიტერატურის მოძალების” გამო – კარგად თარგმნილი დასავლური მასკულტურა მომაკვდინებელი დარტყმაა ადგილობრივი მასშტაბის კალმოსნებისთვის. რაც შეეხება მსოფლიო ლიტერატურის გამორჩეულ ქმნილებებს, მათი მნიშვნელობა არსებულ ვითარებაში ერთიორად იზრდება: მაღალ პროფესიულ დონეზე თარგმნილი ლიტერატურის სიუხვე ყველაზე თვალსაჩინო საბუთი იქნებოდა თანამედროვე ქართული ლიტერატურის ეპიგონური სულისკვეთების წარმოსაჩენად; მაშინ ამის ხმამაღლა განცხადება არამც და არამც არ გაიჟღერებდა მკრეხელობად, არამედ აღიქმებოდა როგორც ფაქტის უბრალო კონსტატაცია...

PS: ჩვენში შექმნილ მდგომარეობაზე მართლაც დაუსრულებლად შეიძლება ლაპარაკი – ეს ისეთი თემაა, რომელსაც ერთი აღმანახი, მით უმეტეს ერთი წერილი ვერ ამოწურავს. თუმცა ისტორია ალბათ ყველაფერს თავის კუთვნილ ადგილს მიუჩენს, გავა დრო და ყველაფერი დალაგდება, ოღონდ თუ ხელი არ გავანძრიეთ, კაცმა არ იცის, რამდენ ხანს გაგრძელდება ასეთი ანომალური მდგომარეობა და კიდევ რა შედეგებს მოიტანს. დროა გავაცნობიეროთ, რომ ჩვენი მთავარი მტერი ჩვენივე მთვლემარე გონებაა – საკმარისია სულ რამდენიმე ელემენტალური ჭეშმარიტების აღიარება, რომ ჯაჭვური რეაქციით მთელი მანკიერი სისტემა დაირღვეს, რადგან, როგორც დასაწყისშივე ვთქვი, ყველაფერი ერთმანეთზეა გადაბმული და ჩვენი ბრალი არაა, თუკი ჯეიმზ ბონდის რეაბილიტაციას ქართული ლიტერატურის ბევრი “კლასიკოსის” დისკრედიტაციამდე მივყავართ. მართალია, ეს მტკივნეული პროცესია, მაგრამ სხვანაირად, პოპულარული გამოთქმა რომ ვიხმაროთ, “ჩვენი საშველი არ იქნება”. სიმართლეს, ბოლოს და ბოლოს, თვალი უნდა გავუსწოროთ: “იწრო არს ყოფა ბატონებო, რომლითაც ტკბებით – ნუ გეზმანებათ ოკეანედ პაწია ტბები...” *****

დავით ზუიბიძე

***** ბაირონი, პოემა “დონ ჟუანის” წინარე წამძღვარებული მიმართვიდან “ტბის სკოლის” პოეტებისადმი (რედ. შენ.)

მთხრობები

რეტრო:

დემონ რანიონი — ორი ნოველა


სატირა:

ბორის აკუნინი — 'მთხრობები
ჭკუაუხმართათვის'

იუმორი:

პეტერ კარვაში — 'ამირბარ მოროს
რაპორტი'





ერთი უიღბლო სიყვარულის ამბავი

ზამთრის ცივი საღამოა. მანჰეტენის ხიდზე მომავალ მანქანაში სამი ბრუკლინელი ჯგეფი ზის და სამივეს ერთი სული აქ, ვინმე ბონი მაკ-კარტი მოიგდონ ხელში. ბონის მთელი ბროდვეი იცნობს, საქმეც კარგად აიწყო და ვეველას სჯერა – ფარსავი რამე თუ არ შეემთხვა, დიდი კაცი გახდება ჩვენი ბონიო. ისე, რო იცოდეთ, იმპორტზე მუშაობს – კანადიდან ხარისხიანი სასმელი შემოაქ და აქ ყიდის.

სიმპათიური ბიჭია ბონი, ჭკუის კოლოფი, საჭირო ხალხსაც იცნობს; ოღონდ ეგაა – ზოგ-ზოგები თვლიან, სიფრთხილე დალატობს, რაღა მაინცადამაინც ბუღა ენჯის ტერიტორიაზე იჭრება ბრუკლონშიო. მართალია, ბუღა ენჯი ძირითადად რეკეტს მისდევს და წამალსაც ასადებს შიგადაშიგ, მაგრამ სასმელითაც ზო ვაჭრობს? არაჯანმრთელი კონკურენცია კიდე არავის ჭირდება უბანში.

მაკ-კარტის წამალი სულ არ აინტერესებს, რეკეტი – ოდნავ, მაგრამ მთავარი ისაა რო მაგარი ვინმეა და ალაღად სჯერა, ბრუკლინის სარფიან ბაზარზე საქონლის გატანას ვერავენ დამიშლისო; მით უმეტეს, მისი სასმელი ენჯისას ერთი თავით ჯაბნის.

მოკლედ, იმ სამი მასტიდან, მანქანაში რო სხედან, ერთი ბუღა ენჯია, მეორე – კაიფა მაქსი, ადგილობრივი ავტორიტეტი, შეიძლება ითქვას; და მესამეც ვინმე ბობი მაზალო – მაგაზე ამბობენ, ნიჭიერი ბიჭია, ბევრი ისეთი რამ ეხერხებაო, ოღონდ მე კი რაღაც არ მქნატება გულზე – მართლა მაზალო სიფათი აქ და იმიტო.

მაზალოს ხელში ჯვალოს ტომარა მოუმარჯვებია – მაგ საქმის ვიწრო სპეციალისტად ითვლება. ბრუკლინში მაგარ შაყირში გადის, ვინმეს თუ გაკოჭავენ, ტომარაში უკრავენ თავს და მერე სადმე მოაყუჩებენ კარგა ხნით. მე თუ მკითხავთ, ცარიელი მატრაბაზობაა და უაზრო ღადავი, ოღონდ ბუღა ენჯისა და მისი ამფოსონებისაგან უკეთესს რას უნდა ელოდო – მართლა რო ხისთავები არიან სამივე.

ეტყობა, ბონის ასაუღლ-დასავალი კარგად დაუმუღამებიათ: საღამოობით, ასე 10 საათისთვის, ბონი 54-ე ქუჩას ჩაივლის, პარკ ავენიუზე გაუხვევს და ღამის კლუბ 'ჩიტირეკიას' სტუმრობს ხოლმე. იქ ცხოვრებაში გამოსული ტიპები ტასაობენ. ბონი კლუბის წევრია, თანაც ევასება, სმოკინგში რო ჩაიზმანება და იქაურ ღამაზმანებს ტარაბუას ახვევს.

ხოდა, ეს ბრუკლინელი ჯეელები მაკ-კარტის მოწვევენ თუ არა, ბუდა ენჯი და კაიფა მაქსი გადაჭრილი ლულებიდან წამსვე ჟაკანს უშენენ, მაზალო ბობი კიდე ჯვალოს ტომარას ისე აფრიალებს, ეტყობა გონია, ბონი მაკ-კარტი ჩაისვრის, ისკუპებს და თავისით ჩახტება ტომარაშიო.

მაგრამ ნურას უკაცრავად, ჩვენი ბონი ვინმე დაბღურის ერთი არ გვეოთ! ჟაკანი რო ყურთან ჩაუწივლებს, წაშში აზრზე მოდის, აგურის კედელს გადაელება და ვილაცის ეზოს შეაფარებს თავს. ბუდა ენჯი, კაიფა მაქსი და ბობი მაზალო მანქანიდან გადმოცვივდებიან და კედელს ეკვრიან – ფიქრობენ, მაკ-კარტი შეიარაღებული იქნება და მოფარებულიდან სროლა თუ აგვიტეხა, კაი დახლიც დაგვიდგებაო.

არადა, ბონი ხო უიარაღოა: ვერ იტანს, წელში გამოყვანილი სმოკინგი დამბაჩის ტარმა თუ გამოუბურცა. ხოდა, მთელი ამბავიც სწორედ აქედან იწყება – თვითონ ბონიმ მიაგობო, დიდ პატვის მცემს და იმიტომ: რამდენი წელი გავიდა და არსად წამომცდენია, მისი სრული სახელი რო ბონიფაციუსია...

ხელცარიელი ბონი რო კედელს გადაახტა, ის კედელი ერთ ძველ, ორსართულიან, მოუვლელ სახლს არტყია და იქ ერთი ბებერი კუკლა, ქ-ნი ანაბელა ბერკლი სახლობს; გახეთებს თუ დაეჯერებათ, ანაბელა ბერკლის იმდენი მაყუთი აქ, დათვლა რო დაიწყეთ, ნაღდად ტვინს იღრძობთ – განსაკუთრებით თუ თავად ქესატადა ხართ მაყუთზე.

ანაბელა ბერკლის ფარა მამიკომ, უოლდო ბერკლიმ უანდერძა. დიდი შებერტყილი ვინმე იყო და მაგარი დასტაც მოხია თავის დროზე. აუთვისებელ მიწის ნაკვეთებს ყიდულობდა ქალაქში – იაფად, რაღა თქმა უნდა – და მერე ცეცხლის ფასად ყიდდა. ახლა რაც აქ მაღაზიები, სასტუმროები და რესტორნებია, სულ მაგის მიწაზეა გაშენებული. ოღონდ დიდი ახირებული ვინმე კი იყო ეგ მოხუცი ბერკლი: ქალიშვილს არათუ გათხოვებას, გათხოვებაზე ფიქრსაც უკრძალავდა. მერე დრო გავიდა, უოლდო ბერკლიმ თქვენი ჭირი წაიღო, ანაბელაც დაბერდა და ოჯახის შექმნის საკითხი საერთოდ აღარც ახსოვდა. მაგიორში, ხუმტურები დაჩემდა ისეთი, მტერს.

ხოდა, იმას ვამბობდი, ქალბატონი ბერკლისა მთელ დუნიას სულ ქინძზე იკიდებს, აღარავის ენახვება, მათ შორის არც ნათესავეებს, რომლებიც რას არ ჩალიჩობენ, როგორმე ანაბელას მაყუთი შეაწერონ; არადა მოგეხსენებათ, თუ აღამიანი ვინმეს ეუბნება, შენი ნახვა არ მეკაიფებაო, ის ვინმე იმ აღამიანს ახირებული სახელს ანათლავს ხოლმე. ასეთი ნათლობა კი ყველაზე კარგად პირში ჩალაგამოვლებულ ნათესავეებს ეხერხებათ, ცხადია. ახლა იმ დიდ სახლში ანაბელა მარტოლმარტო ცხოვრობს, ორად-ორი ბჭრეკი მსახურის იმედად. გარეთ იშვიათად გამოდის და ხალხიც ათას ჭორ-მართალს ყვება მასზე.

მამ ასე, ბონი მაკ-კარტი სწორედ იმ სახლის ეზოში ცემს ბოლთას და ერთი სული აქვს, იქედან დაითესოს, მაგრამ კედელზე გადაძრომა არ ეპრიანება

– აზრობს, იქეთა მხარეს ბუღა, კაიფა და მაზალო დახვედებიან, ასარჩევად კიდე
– ან ჯვალოს ტომარა, ან გადაჭრილი ლულა. თვალებს აქეთ-იქით აცეცებს,
გასაქცევ გზას ვერ პოულობს; ამასობაში კედლის ძვიდევზე თოფის ლულა
იჩითება, მერე – ბუღა ენჯის მურდალი სიფათი. ბონი გულზე სკდება, ასე
ღლაპივით როგორ გამოიძვირესო. სიტუაციაა, ნუ იტყვიო.

უცბად ჩითავს, სახლს ერთი პატარა კარიც აქვს, გვერდზე. ბონი
ალაღბედზე ეპოტინება სახელურს, კარი იღება და ბონი მაკ-კარტი უცაბედად
ერთ დიდ დარბაზში ამოყოფს თავს. იქაურობა სულ ანტიკვარიატითაა
გაწყობილი, კედლებზეც ძველებური სურათები კიდაა, აქა-იქ რაღაც ქანდაკებე-
ბიც ჩანს. კუთხეში უშველებელი საათია მიდგმული, ლამის ჭვრამდე უწევს. ერთი
სიტყვით, მდიდრული და საკაიფო ადგილია, ბონი კიდე გაშტერებული იყურება
– ეგონა, ამ იღუმალ სახლში აბლაბუდების, გამომპალი ავეჯისა და ვამპირების
მეტი ან რა უნდა იყოსო.

ვამპირებისა რა გითხრათ და ვიღაც ტანჩია, ბებერ კუკლას კი ხედავს:
ქალბატონს თეთრი კაბა აცვია, სავარძელში ზის და ბუხარს ეფიცხება. ერთი
პირობა ბონი იმასაც კი ფიქრობს, სანამ ყვირილი არ აუტყნია, იქნებ ადგილზევე
გავთიშოო, მაგრამ ამ დროს ბებერი კუკლა ბონის შეხედავს, თბილად გაუღიმებს
და ეუბნება:

– საღამო მშვიდობისა!

ბონი არ პასუხობს, იმიტო რო ასეთ საღამოზე ენა არ მოგიბრუნდება
კაცს, “მშვიდობისაო”, რო თქვა. შუა ოთახში დგას და არ იცის, რა მოიმოქმედოს.
ბებერი კუკლა ისევ იღიმება და ანიშნებს, ჩამოჯექიო.

სულ მალე მაკარტიც ბუხართან ზის და კუკლას ელადავება. ეს, რაღა
თქმა უნდა, ქალბატონი ანაბელა ბერკლი გახლავთ. უცნობი ჯეელი სახლში
დაუკითხავად შეუვარდა, ანაბელას კი არც შიში ეტყობა, არც გაკვირვება. სიმარ-
თლე თუ გინდათ, ბონი მაკ-კარტი ისეთი ჯიგარია, თან ისეა დაზმანული, კუკლა
მაგარ კაიფში ვარდება.

გაზეთებს ბონიც კითხულობს – კარგად იცის, ვინაა ანაბელა ბერკლი და
ფიქრობს, მაგარი შერეკილიაო. აბა, ამდენი მაყუთის პატრონი იყო და სახლში
გამოიკეტო?! გადი, გამოდი, ქალაქში მაინც გაიარე – ნახე ხალხი რას გრი-
ალებს... ამას კი ფიქრობს, მაგრამ ზრდილობიანად იქცევა, სტუმარია მაინც.

– რა ახალგაზრდა ხართ, – ამბობს ანაბელა და ბონის სიფათში
შეყურებს. – რა ხანია, ამ სახლის კარი ახალგაზრდას არ გაუღია, რა ხანია...

ისე ღრმად ოხრავს, ისეთ გატეხილშია, ბონი მაკ-კარტის გული უკვდება.

– 45 წელი გავიდა, – მოხუცი ისე ჩურჩულებს, თითქოს საკუთარ თავს

ელაპარაკებაო: – ახალგაზრდა იყო, სათნო და სანდომიანი...

ბონის კიდე ლულაგადაჭრილი თოფი და ბულა ენჯის სიფათი უდგას თვალწინ, მაგრამ უნებურად იტაცებს ის ნაღვლიანი ამბავი, ბებერი კუკლა რო უყვება: ანაბელას სიგიჟემდე ყვარებია ერთი ახალგაზრდა, მამისის კომპანიამო რო მუშაობდა უბრალო კლერკად.

და როგორც ბონიმ მერე მითხრა, არც არაფერი სჭირდა თურმე იმ ბიჭს ისეთი, ერთ-ორ ლიმონს რო ვერ ეშველა, მაგრამ ანაბელას მამა იმგვარი ბოლმის ბუკეტი იყო, არაფრის გაგონება არ სურდა. ახალგაზრდები გულს მაინც არ იტყვნენ: ბებერი უოლდო რო ლოგინს მიაშურებდა, ჯეელი ეზოდან შემოიძურწებოდა ხოლმე და თავის კუკლას ჩაეფსკვნებოდა. მერე ისხდნენ ასე, ბუხართან, ხელიხელჩაკიდებულნი და მომავალზე კაიფობდნენ – გეგმებს აწყობდნენ, როგორ დაიწერდნენ ჯვარს მას მერე, რაც ბებერი უოლდო საიქიოში წაიღებდა წერილს.

ერთხელაც უოლდო მუცლის თუ რაღაც ოხრობის ტკივილმა გამოაღვიძა უდროო დროს, ადგა და სასტუმრო ოთახს მიაშურა – რომს, ბურბონს თუ ვინ იცის, რა ღვთის რისხვას ეძებდა. იქ კიდე ნორჩი ანაბელა და მისი გულის ვარდი არ გაჩითა?! ისე იყვნენ ჩახუტებულ-ჩაწებებულები ერთმანეთს, ლურსმნით მიჭედებულები გეგონებოდათ.

უოლდო ბერკლიმ სულ ნაპერწკლები ყარა თვალებიდან, ჯეელს უბრძანა – არც აქ, არც ჩემს ოფისში თვალით აღარ დამენახო და გააპანდურა გარეთ. გარეთ კიდე ისეთი ქარბუქი ტრიალებდა, ძაღლს არ გააგდებდა ღვთისნიერი კაცი. ანაბელა თურმე მამამისს ემუდარა, დილაძდე მაინც დარჩეს აქაო, ამ უბედურებაში გზა-კვალს ვერ გაიგნებსო, მაგრამ ბებერ უოლდოს სულ მათი მტლამა-მტლუმის სცენა ედგა თვალწინ, თან მუცელი გვრემდა, თან ისედაც გვარბანი მუტრუკი ვინმე იყო და ამიტომ პირველ ჩვენებას მიაწვა: ჯეელს თავი ქუჩაში უკრა და კარიც მიუჯახუნა.

დილაზე ის ჯეელი ეზოს ჭიშკრის ახლო იპოვეს, ფიცარივით გაშეშებული. ქარაშოტში გზა ვერ გაეგნო უბედურს, მობრუნებულიყო, ვინძლო უკან შემოშვანო, ბაგრამ უოლდოს ყველა კარი ჩაერაზა; იმის ბრახუნსა და ყვირილს კიდე იმ ქარბუქში ვინ გაიგონებდა?

– იმის მერე, – ანაბელა ბონის ეუბნება, – მამაჩემისთვის ხმა აღარ გამიცია და არც ამ სახლში შემოუდგამს ფეხი ვინმე მამაკაცს. თუმცა მაგ კარს ყოველთვის ღიად ვტოვებ, ეგების ვინმე გაჭირვებულმა შემოაღოს-მეთქი.

ამას ისე ამბობს, ბონისაც რაღაც ისეთი თვალით შესცქერის, ჩვენს ბონის ეჭვი უჩნდება, თოფის ხმა ხო არ გაიგონაო, მაგრამ ზრდილობიანი ბიჭია და ზედმეტი კითხვებით მასპინძელს თავს არ აბეზრებს. ძველი ამბების გახსენება კიდე ანაბელას ხასიათს უფუჭებს, ცრემლები უკვე დაპა-ლუპით ჩამოსდის... ადრეც გითხარით, ბონი მაკ-კარტი მაგარი ბიჭია-მეთქი, არაფერს ეპუება, ოღონდ ერთი

სისუსტე კი სჭირს: ვერ იტანს, როცა კუკლა ტირის – გინდ ახალგაზრდა იყოს, გინდ ხანმოთუული. ხოდა, ანაბელას გულს უკეთებს, მკლაფზე ხელს უთათუნებს და ასეთ რამეს ეუბნება:

– თქვენი გამკვირვებია, რომ ამბობთ აქ არავინ მოდისო! ძვირფასო, ვერო მცოდნოდა, აქ ასეთი ლამაზი კუკლა ცხოვრობს, თანაც კარი მუდამ ღიაა, ვერაფერი დამაკავებდა, ყოველ დამე შემოვაჭრიდი! დამშვიდდით, ცრემლი შეიმშრეთ, ერთად ვიყოთ და გული გადავადგოლოთ – მით უმეტეს, რომ აქ კაი ხანი მომიწევს ყოფნა... ერთი ეს მითხარი, ლამაზო – ამ სახლში დასალევი თუ მოიძებნება?

ამ სიტყვებზე ანაბელა ბერკლის ედიმება, ცრემლს იწმენდს, რაღაც ფოჩიან ბაწარს ქაჩავს და ზარს აწკარუნებს. ოთახში ასე, ოთხმოცდაათიოდე წლის სარგადაყლაპული მასტი შემოდის, ბონის რო დაჩითავს, გაოცებისაგან პირს აფჩენს, ცალი თვალი ალთას გაურბის, ცალი – ბალთას. ანაბელა ეუბნება, საუკეთესო ღვინო და შებოლილი ორაგულის ბუტერბროდები მოგვართვით. ის კიდევ ღვინოთ მარტო თავს აქიცინებს, შოკშია. თან მთვრალივით ბარბაცებს, კარში გასვლის მაგივრად კინაღამ კარადაში შედის. ოღონდ მალევე მოდის ჭკუაზე და სარდაფიდან ისეთი ღვინო ამოაქვს, ბონი ჭკუას გადადის. ერთი პირობა ისიც კი გაუელვებს თავში, ეზოს კარი მაინც არ იკეტება, იქნებ ზვალ ჩემი ბიჭები გამოვავაზუნო და სარდაფი გავატყვინო. შანსი არაა, ათმაგიც რო დაადლოს, ასეთ ღვინოს კლიენტები ხელიდან გამოსტაცებენ...

ბონი მაკ-კარტი და ანაბელა ბერკლი ბუხართან სხედან, ღვინოს წრუპავენ და შებოლილ ორაგულს შეექცევიან. ბონი ხან ამ მთისას ყვება, ხან იმ ბარისას, თანაც ამბავს შიგადაშიგ ცოტა აშალაშინებს, ანაბელას ძალიან რო არ ეხამუშოს. ბებერ კუკლას კიდევ მაგრად უსწორდება, გულიანად იცინის და არის ერთ ამბავში.

ბოლოს ბონი აზრზე მოდის, ბუღა ენჯი და მისი კუდებიც, იმ თავიანთი გადაჭრილი თოფითა და ჯვალოს ტომრით სადმე წაეთროდნენ უკვეო და ანაბელას ეშვიდობება. ის კიდევ თავად აცილებს, ოღონდ ეზოს კარამდე კი არა, სადარბაზომდე. ბონის ბროდვის რომელიდაც თეატრში ნანახი ერთი სცენა ახსენდება, მასპინძლის ხელი ტუჩებთან მიაქვს და ეამბორება. ანაბელა ბერკლი გაშტერებული უყურებს, ბონის კიდევ საკუთარი თავისა თვითონაც უკვირს.

ქუჩაში მართლა აღარავინ ელოდება, ბონი გზას განაგრძობს და მალე ჩითირეკიაში იჩითება. ხედავს, იქაური კლიენტები უკვე ნერვიულობენ, ვაითუ ბონი-ბიჭმა მართლა მაწალო ბობის ტომარაში ამოყო თავით. ერთი ვინმე კი ბონის ციმციმ ეუბნება, ბუღა ენჯი ამჟამად 49-ე ქუჩაზე, ლოთიანი ჩარლის დუქანში ბაირამობს, ყველას სასმელით უმასპინძლდება და იკვებინს – იმ თქვენ ნაქებ ბონი მაკ-კარტის ისეთი დღე ვაყარე, კუდამოშუებული გარბოდა, კედლებს სულ კურდღელივით ახტებოდაო. ეს რო ესმის, ბონის მა-ა-გრა უტყვდება...

ბუღა შუა სმაშია, ისევ ისე შაყირობს, ბონი სიმალღეზე ხტომაში ვაგარჯიშეო. ამ დროს ლოთიანი ჩარლისას იარაღმომარჯვებული მასტი შემოდის და

ბულა ენჯის ოთხ ტყვიას ისე სწრაფად აჭედებს ბეჭებში, ‘ვაიმეს’ თქმასაც ვერაფერს ასწრებს. ამას გარდა, ის მასტი ერთ ტყვიას კიდე კაიფა მაქსს ახლის და ერთსაც – ბობი მაზალოს. რაღაც ხუთიოდე წამის წინ სამივე მაგარ კაიფში იყო, ახლა კი ბულა ლურსმანივით უსულო გდია, მაზალო – ბულაზე ორჯერ უფრო მკვლარი, კაიფა მაქსს კიდე გახერეტილი ფეხი გაუჩაჩხავს და იქაურობას კივილით იკლებს. იმ მასტის გარეგნობა, რაღა თქმა უნდა, არავის ახსომდება, იმ ერთი-ორი ჩაშშვების გარდა, იქაურებში “კრუხებს” რო ეძახიან. აი, ეს შინაური ფრინველები უკაკლავენ პოლიციას, მომხდური თვით ბონი მაკ-კარტი იყო.

პოლიციასაც მეტი რა უნდა! დილა თენდება და ბონი მაკ-კარტის აპატიმრებენ. როგორც გითხარით, ბონი გამოჩენილი პიროვნებაა, პოლიციაშიც კარგად იცნობენ და უეჭველია, მკაცრადაც დასჯიან, იქნებადა ელექტროსკამზეც დასვან. ბონი ჰაიმ გოლდსტაინს ქირაობს – ეს გოლდსტაინი ქალაქში საუკეთესო ადვოკატად ითვლება, ოღონდ ისიც კი ორჭოფობს და ერთთავად იმას გაიძახის, მაკ-კარტი გვარიანადაა გაბმულიო. გაზეთები ბონის სურათებითა და მისი ამბებითაა აჭრელებული, რეპორტიორები მაკ-კარტის აუგად იხსენიებენ.

ბოლოს და ბოლოს ბონისაც ეჭვი უჩნდება – ჩემი საქმე მართლა ცუდად უნდა იყოსო, თუმცა ეგეთ წერილმანს, როგორიც განზრახ მკვლელობის ბრალდებაა, ადრე აინუნშიაც არ აგდებდა ხოლმე. პროკურორიც მაკ-კარტის თავდებით გამოშვებას აჭიანურებს, სრული ორი კვირა ვირის აბანოში აყურყუტებს, ეს კიდე ისეთი ფაქიზი ბუნების ადამიანში, როგორიც ბონი მაკ-კარტია, მკვეთრად უარყოფით ემოციებს იწვევს.

სასამართლო იწყება და ვისაც არ უნდა კითხო, ყველა იმას გეტყვის – მაკ-კარტის სასჯელი არ აცდებაო. მერე ჩამშვებების რიგი დგება და უკვე კითხვაც არ უნდა, ისედაც ნათელია რა შავ დღეშიცაა ჩვენი ბონი. “კრუხები” ჩვენებას იძლევიან: 5 იანვარს, ზუსტად შუალამეს, ეჭვმიტანილი ლოთიანი ჩარლის დუქანში გაიჩითა და ბულა ენჯი, კაიფა მაქსი და ბობი მაზალო “დაპლომბაო”. მერე კიდე რამდენიმე მოწმეც გამოიქექა და ისინიც ადასტურებენ – ასე, 12 საათისთვის, ჩარლის ბუნაგის მიდამოებში, ბონი მაკ-კარტი მოეწვითო.

ყველა ასე ფიქრობს: თუ ჰაიმ გოლდსტაინმა ბონის ელექტროსკამი ააცილა, მართლა მაგარის რამე ვექილი ყოფილაო.

საღამო ხანია, სიტყვა დაცვას ეძლევა. გოლდსტაინი ფეხზე დგება, გადაჭედებულ დარბაზს ავლებს თვალს და აცხადებს: *მოწმე – ქ-ნი ანაბელა ბერკლი! თხოვეთ შემობრძანდეს დარბაზშიო...*

თავიდან აზრზე ვერაფერს მოდის, ვის იძახებს დამცველი, თუმცა სახელი და გვარი კი ყველას ეცნაურება. კარი იღება და შავ კაბაში გამოწყობილი ტანჩია, ბებერი კუკლა შემოტანცავდება. თავზეც შავი ქუდი დაუკოსებია, თეთრი თმები და თეთრი პირისახე ჩარჩოში ჩასმულს მიუგავს.

მოგვიანებით ერთ გაზეთში წაუკითხე, სასამართლო დარბაზში ქალბატონი

ბერკლი ისე მომხიბლავად გამოიყურებოდა, სპილოსძვლის მინიატურიდან ცოცხლად გადმოსულს ჰგავდაო. სხვას აბა რას დაწერდნენ – ანაბელა ისეთი მაყუთის პატრონია, რომელი ჟურნალისტი გაბედავს ბებერ კუკლას ბებერი კუკლა დაუძახოს?!

ანაბელა ბერკლის თან ბებერი მასტების მთელი ამაღა ახლავს – იფიქრებდით, მოხუცთა თავშესაფარში მოვხვდიო. ყველა ფრაკებში, გახამებულ-საყელოიან პერანგებსა და პეპელა ყელსახვევებშია ჩაზმანული. ესენი თურმე საქვეყნოდ ცნობილი იურისტები არიან, ყველანი ანაბელა ბერკლის ინტერესებს იცავენ, უმთავრესად ერთმანეთისაგან.

სასამართლოში ასეთი ჩოჩქოლი და რევერანსები ჩემს დღეში არ მინახავს. თავად მოსამართლეც კი ფეხზე დგება და ქალბატონ ბერკლისას თავს უკრავს. ანაბელა მოწმის ადგილს იკავებს, მის ირგვლივ ბებერი ადვოკატები სხდებიან. ქუჩაში ისეთი აყალმაყალია, ძალი პატრონს ვერ ცნობს. ხმა დაირხა, სასამართლოში ანაბელა ბერკლი გაიჩითაო და მთელი ქალაქი აქეთ მორბის. ყველას უნდა შტატში უმდიდრეს ბებერ კუკლას თვალი შეეულოს.

დარბაზი თანდათან წყნარდება და გოლდსტაინი ანაბელა ბერკლის მიმართავს:

– ქალბატონო ბერკლი, თუ არ შეწუხდებით, ორ-სამ კითხვაზე უნდა მიპასუხოთ. თან გახსოვდეთ, მოწმის ფიცი რომ გაქვთ დადებული... შეხედეთ ბრალდებულს, – ხელს ბონისკენ იშვერს, აგრძნობინებს, ადექო. – ამ კაცს თუ იცნობთ?

ანაბელა თანხმობის ნიშნად თავს უქნევს. ბონი ბებერ კუკლას ყურებამდე პირგახეული უღიმის. გოლდსტაინი თავისას განაგრძობს:

– 5 იანვარს, ღამით, ეჭვმიტანილი თქვენს სახლში იმყოფებოდა?

– დიახაც. – პასუხობს ანაბელა ბერკლი.

– იმ ოთახში, სადაც თქვენ ისხედით, საათი თუ გაქვთ?

– დიახ. – ისევ დადებითად პასუხობს ანაბელა ბერკლი, – კედლის დიდი საათი დგას.

– თუ შეამჩნიეთ, რა დროს აჩვენებდა საათი, როცა ეჭვმიტანილი თქვენგან წავიდა?

– შევამჩნიე, როგორ არა, – ამბობს ანაბელა. – 12 საათი იყო, ზუსტად 12.

ეს განცხადება დარბაზში დიდ გამოცოცხლებას იწვევს: თუკი ბონი მაკ-

კარტი ქალბატონ ბერკლის სახლიდან 12 საათზე გამოვიდა, ვერაფრით მოახერხებდა იმავდროულად ლოთიანი ჩარლის დუქანში გაჩითულიყო, რადგან ამ ორ წერტილს შორის მანძილი კარგა ხუთი კვარტალით განიზომება, ავტომანქანა კი ჩვენს ქალაქში გვარიანი იშვიათობაა და ვერანაირად ვერ დარჩებოდა შეუმჩნეველი. მოსამართლე პოლიციელებს სათვალეებს ზემოდან უბღვევრს, პოლიციელები დამსმენებს თვალებით ჭამენ; სიფათებზე აწერიათ, აქედან რო გაუღენ, რა კვერცხებსაც დაადებინებენ ამ “კრუხებს”.

პროკურორი და მისი თანაშემწეები უხერხულად იშმუშნებიან, მსაჯულები ერთმანეთს ეჩურჩულებიან... ჰაიმ გოლდსტაინი აცხადებს, ჩემი კლიენტი უდანაშაულოა, ბრალდება მოუხსენითო. მოსამართლე ეთანხმება, თან თავის მხრივ უმატებს, დროა, პოლიცია ცოტა აზრზე მოვიდეს, უბრალოსა და ბრალიანის გარჩევა ისწავლოსო.

ბონი მაკ-კარტის ათვისუფლებენ. სანამ დარბაზიდან გავიდოდეს, ქალბატონ ანაბელა ბერკლისთან მიდის, ხელს არმევეს და მოკრძალებულად მადლობას უხდის. ტყუილს ვერ ვიტყვი, მე თვითონ არ გამიგონია, მაგრამ ვინც ყური მოკრა, იმან მითხრა – ანაბელა ბონის ეუბნება თურმე:

– რომ მოიცლით, მინახულეთ. აუცილებლად.

– რა სათქმელია, აუცილებლად გესტუმრები, ლამაზო. – პასუხობს ბონი, – ზუსტად 12 საათზე.

მერე ბონი მაკ-კარტი თავისი გზით მიდის, ანაბელა ბერკლი – თავისით. ქალაქში ხმა დაირხა, ქალბატონმა ბერკლიმ მაგრად გაასწორა, სამართალს პური აჭამა და უდანაშაულო ბიჭი სიკვდილს გადაარჩინაო.

არადა, მე თუ მკითხავთ, ბონი მაკ-კარტი კიდევ ბედს უნდა უმადლოდეს, ბებერმა კუკლამ რო სასამართლოში ბევრი აღარ იბლატავა და არ დააზუსტა, რო ის მისი შეყვარებული ჯეელი სწორედ ღამის 12 საათზე გაწირეს გასათომად, რო ანაბელამ ყველა მისი საათი ამ დროზე გააჩერა, და რო აგერ უკვე 45 წელია, ქალბატონ ბერკლის სახლში ყოველთვის 12 საათია...

თარგმანი: ჯალუბი ჟაღსა



დეიმონ რანიონი

მამენტ, კრეა!..

ერთ მშვენიერ საღამოს, ბროდვეიზე, ცაცია დაგლასის ბარში ვზივარ და გულიაშს ვათოხლაკებ. ვისაც არ უნდა კითხო უბანში, ყველა გეტყვის რო დაგლასის უნგრელი მზარეული ისეთ გულიაშს ამზადებს, თითებს ჩაიკვნეტ.

ვზივარ და ჩემ ჭიას ვახარებ: დაგლასის საფირმო თოხლს შევექცევი, თან იმდღევანდელ გაზეთს ვათვალიერებ. გავიხედე, ბარში ვიღაც ტიპი შემოიძურწა, ჩემ მაგიდასთან ჩამოჯდა და იმანაც გულიაში შეუკვეთა. ერთი გადაუხედე და ისევ გაზეთში ჩაურგე თავი. დოდის ამბებს ვამუღამებ და გულიაშს ვაგემოვნებ. უცებ რაღაც მახალო ხმა მესმის. თავი ავწიე და რასა ვხედავ – ეს ტიპი ღლაპივით არ იწირპლება?! ცრემლები ღაპა-ღუპით ჩამოსდის სიფათზე და გულიაშის თეფშში წკაპა-წკუპი გააქვს.

გაზეთი განზე გადავდე და კარგად დავაკვირდი: ციცქნა ჯეელი იყო, მეტრ-ნახევარზე ცოტა მაღალი. ერთ კაი ინდაურზე მეტი არ იქნებოდა წონით. უაზრო ფერის თმა ქონდა, თავის კუდივით წვრილი უღვაში და ძაან გატეხილი გამოხედვა. ყავისფერი კოსტუმი ეცვა და ნეზისფერი შლაპა ეხურა. ეტყობა, ამ უბნელი არ იყო – ჩვენში ეგეთ გოიმურ ქულებს არ ატარებენ.

გუყურებ და ვერ გამიგია რა ჭირს ამ უბედურს, ის კიდე ხმას არ იღებს, ზის ბაიყუშოვით და ცრემლად იღვრება. ჰა-ჰა და გულიაშიან თეფშს გააპიპინებს. ველარ მოვითმინე და ვეუბნები:

– იუზგარ, თუ თოხლი გიტეხავს, ცრემლები მოიწმინდე, ემანდ მზარეულმა არ დაგინახოს! კაცს გულიაშის მეფედ მოაქვს თავი, იფიქრებს, ჩემი ნახელავი არ დაეკასაო, აიღებს და მაგ მათლაფას თავზე დაგამხობს.

– არა, კერძს რას ვერჩი, – ეს მტირალა ქონდრისკაცი მეუბნება და ხმაც უღვაშივით უწვრილდება: – მე ჩემ ცხოვრებას დავტირი... მითხარი, ოდესმე გცვარებია ვინმე?.

წამში ვიაზრე, რაც ჭირდა ამ საცოდაუს. ეგ ბაზარ-ვაგზალი ხო ადამის და ევას დროიდან მოდის. ის ცრემლები რო მოაქუჩო, რაც ამ უბნის შეყვარებულებს დაუღვრიათ, მთელ ბროდვეის წალეკავს. მე, პირადად, ამნაირი ჭრელი ბაზრის არა მჯერა და არც არასდროს მჯეროდა. ამ წრიპა კლიენტსაც ეგრე ვუთხარი, იმან კიდე ხელები გაასავსაუა:

– თქვენ რომ დებორა უიშის იცნობდეთ, ასე არ იტყოდითო, – მეუბნება.

დებორა უიშის ახსენა თუ არა, უფრო მოუშვა ონკანი. იმხელა კურ-

ცხლები გადმოყარა, მართლა შემადონა. მერე, ცრემლების მარაგი რო შემოეღია, გულიაშს მიადგა. ნახევარი თეფში შესანსლა და გუნება-განწყობაც მცირეოდნავ გამოუკეთდა – აბა რა, ვარიანტი არ არი, ცაცია დაგლასის გულიაშს გემო გაუს-ინჯო და ხასიათზე არ დადგე. წრიპა მასტმაც ცოტა თვალეებში გამოიხედა, ლაყაფის იშტაზეც კი მოვიდა. სულ წვრილად ჩამიკაკლა თავისი ამბავი: მითხრა, დონალდი მქვია, გვარად ბიგმენი ვარ და პენსილვანიის შტატში, რაზმუს-ქალაქში ვსახლობო.

თუ სიტყვაზე ვენდობით, ერთი პატარა, მყუდრო და კოხტა ქალაქია. ეს წრიპა მასტიც იქ დაიბადა და გაიზარდა. 25 წელი შეუსრულდა, მაგრამ თავისი ქალაქის გარდა ბევრი არაფერი უნახავს. ერთი წლის წინ ფეხსაცმლის მაღაზიაში მოეწყო გამყიდველად და მაგარ გასწორებულში იყო, სანამ ამ დებორა უიმზის არ გადაეყარა. მისტერ უიმზი, დებორას მამა, ბენზინგასამართი სადგურის პატრონია და ქალაქში ერთობ ღირსპატივსაცემ პიროვნებად ითვლება. დებორასაც თავი კიტრად მოაქვს, ეს წრიპა დონალდი კი ისე ყავს გამოჭერილი, როგორც კატას – წრუწუნა.

– ისეთი ლამაზია, ისეთი კოხტა, – დებორაზე მიყვება, – ჭკუაზე გადაიყვანს კაცსო.

სხვისი ამბების გარჩევას მე ვინ მეკითხება, მაგრამ ჩვენში დარჩეს და ეს წრიპა დონალდი მართლა ჭკუააცდენილსა გავდა.

– უიმისოდ სიცოცხლაც არ მინდა, – მეუბნება, – ის კი ზედაც არ მიყურებს, იმიტო რო სხვანაირი კაცები მოწონს: ავარდნილ მასტებზე გიჟდება.

– როგორებზეო?

– აი, კინოში რო გინახავს, მოგანგსტერო როყები. ჯეიმს კეგნი, მაგალითად. იცი, ამ ორი კვირის წინ რა მოხია დებორამ? მეო, ასე მითხრა, ისეთი კაცები მომწონსო, იარაღით რო დადიან და ვინმე თუ არ მოუვიდათ თვალში, ჯერ შუბლში ახლიანო ტყვიას და მერე კითხულობენ, ეგ ვინ იყოო. ეგრე მე არ შემძლია და რა ვქნა! თანაც, კაი ბიჭი ხარ და რამე ეგეთი გაბედე! ჩვენი შერიფი ეგრევე ციხეში გიკრავს თავს.

დონალდი მწარედ ოხრავს, თან გულიაშს ათოხლავეს და თან დებორას ამბავს აგრძელებს:

– ვაჟკაცობა გაკლიაო, ასე მითხრა.. ჩემ თავს ჯო დენჯერფილდი არჩია.

– ეგა ვინლაა?

– გაიძვერას ერთია. თამბაქოს მაღაზია აქვს და თან ჩუმ-ჩუმად ბუტლვეგერობს, შინნახად ვისკის ყიდის. ერთი განახათ, რას იბრიქება, სულ იმას ტრაბახობს,

ერთხელ ალ კაპონემ ხელი ჩამომართვაო. იტყუება, რა თქმა უნდა.. ხოდა, დებორა იმასთან დადის.

ნაღველი შემოაწვა და ისევ ატირდა. ღმერთმანი, მართლა შემეცოდა – ვხედავ, ეს დონალდი ერთი პატარა, უმწეო კაცუნაა, პირველად გაიჭვდა ისეთ ამბავში, ვილაც უტვინო კუკლა რო გამოგიჭერს ბულკივით და რასაც უნდა, იმას გიშვება. ძაან-ძაან ძნელი ასატანი კია, ღმერთმანი! მერე და მერე, დრო რო გადის, ეჩვევი და ისე მაგრად აღარც გიტეხავს, ოღონდ თავიდან ხო ჭკუა გეკეტება?

– ჩვენ ბოდიში, მაგრამ ეგ შენი დებორა ცოტა ალაოდ ხო არ არი? – დონალდს ვეუბნები, – შავი მასტები სიცოცხლეს ძაან ცუდად ამთავრებენ ხოლმე, გინდა ცხოვრებაში, გინდა კინოში. ის დენჯერფილდია თუ ვილაცა – ერთი კარგად დააქოთე და აზრზე მოვა.

– ე-ეხ, – ოხრავს დონალდი და დაჭმუჭნილი ცხვირსახოცით ცრემლებს იწმენდს. – მიდი აბა, წაუქოთაქე, თუ ბიჭი ხარ! რამე რო იყოს, აქეთ წავითაქებს. ხოდა, წამითაქა კიდეც – ცხვირ-პირი დამინაყა, თან დამემუქრა, დებორას ახლო არ გაეკარო, თორე ნაწილ-ნაწილ დაგშლი და აგაწყობო. დებორამ იმის მერე აიყარა ჩემზე გული, რატო ხელი არ შეუბრუნეო... სისხლი მომდიოდა და ხელი როგორ შემებრუნებინა! თან ცხვირი მეწმინდა, თან მუშტები მექნია?!

წრიპა დონალდმა ისე სევდიანად შემომხედა, თვალი ავარიდე.

– ხოდა, – მეუბნება და ისევ ცხვირსახოცს ჭმუჭნის, – ბანკიდან 200 დოლარი, მთელი ჩემი ფული გამოვიტანე და აქ ჩამოვედი. ვიფიქრე, იქნებ ერთი-ორი თავზეხელაღებული ტიპი გავიცნო ნიუ-იორკში, მერე რაზმუსში დაებრუნდე და დებორას მოუყევე-მეთქი. მაშინ ჯო დენჯერფილდს ხო მოუყვოკრავ?! ეგეთებს არავის იცნობ? აი, შავი სამყაროს წარმომადგენლები რო ქეიათ?.

ჩემდათავად, მე ეგეთს არავის ვიცნობ და გინდაც ვგრე იყოს, კრინტს ვერავინ დამაძვრევენებს – ამ ქალაქში ზედმეტ ლაქლაქს არავინ შევარჩენს.

– არა, ძმაო, აბა საიდან? – წრიპას ვეუბნები.

– ე-ეხ... იქნება და საყლუპავი ადგილი მაინც გვეულებათ სადმე: აი, კონტრაბანდულ სასმელს რო ყიდიან, იმნაირი?

უნდა მეთქვა, არც ეგეთი ვიცი რამე-მეთქი, მაგრამ ლოთიანი ჩარლი და იმის ბუნავი გამახსენდა: ამ ბოლო დროს ჩარლის კლიენტები შემოაკლდა, ფინანსებზე ცოტა ქესატად გახლდათ და ისეთ მუშტარს თუ მოუყევანდი, 200 მწვანე რო ედო ჯიბეში, გვარიანი მაღლობელიც დამრჩებოდა.

ვტაცე ხელი და ზედ 47-ე ქუჩაზე, ლოთიანი ჩარლის დუქანში წავაცუნ-ცულე. შევედი ბარში და რას ვხედავ: იქაურობა ხალხითაა საყსე. თანაც ხალხით,

მარა რა ხალხით! თუ ვინმე მართლა და “შავი” იყო ქალაქის ამ მხარეს, ყველა იქ არ დაგვხვდა?! კაი ხანია, ამდენი სხვა უბნელი ჯეელი ერთად არც მინახავს: ჯაგლაგი ჰარი და ბულა ენჯი ბრუკლინში ჩალიჩობენ, პიტკინ მოკლე, რკინის შვარცი და კიდე ერთი მასტი პარლემში საქმიანობენ, ჯერი ბულდოზერი და იმის სამი კუდი კიდე, მოგვხსენებთ, ბრონქსელები არიან...

მერე გავიგე, ბიჭებს საიდუმლო სერობა ქონიათ ახლო-მახლო; საქმეები რო მოაყომარეს, ყელი გავისველოთო და ჩარლის ბუნაგს მოაკითხეს. ხო იცით, ჩარლის ყველა პატევს სცემს და იფიქრეს, რაღა სხვაგან ვიშარაფოთ, ეხლა ამ კაცს უჭირს და მოდი, ცოტა ხელი გაუშართოთო.

ყველანი ერთ დიდ მაგიდასთან სხედან და ლოთიანი ჩარლის კონტრაბან-დულ ვისკის წრუპავენ. რო გამჩითეს, ვინც მოვიდა, გაუმარჯოსო – გადმომძახეს და ორივე, მე და დონალდი თავისთან მიგვიპატიეს.

რა მექნა, უარს ხო არ ვეტყვოდი! ორივენი დიდ მაგიდას მივუჯექით და მუქთა ვისკის მივაწექით. ბიჭებს დონალდი გავაცანი, მოუყევი, როგორ დააჩმორა ერთმა ტუტუცმა კუკლამ და როგორ დააღილა ვიღაც მოძველებიჭო მასტმა ეს პატიოსანი კაცი. დონალდს ისევ ცრემლები წასკდა. სულაც არ გამკვირებია – ვინც ლოთიანი ჩარლის ვისკის პირველად დაამუღამებს, ყველა ტირის... დონალდს ამბავი რო გაიგეს, ბიჭებს მაგრა გაუტყდათ, ის კი არა, პიტკინ მოკლემ დონალდს ხელი გადახვია და ისიც ატირდა. ჯერი ბულდოზერი კიდე დონალდს ეუბნება:

– კაცის ეგრე გაბანძება აღარ გამიგია! თუმცა, ძმაო, შენც მოქცეულხარ, რაღა – იმ ნაბიჭვარს, ცხვირი რო მოგინგრია, ერთი კაი ხურდა ვერ დაუბრუნე?! აფსუს, დრო არა მაქ, თორე მე ვიცი რასაც ვიზამდი! წამოგყვებოდი ემაგ რაზ-მუსში და იმ დენჯერფილდს ისე გადაუვლიდი, სამი თვე ლოგინიდან ვერ ამდგარიყო. იმ კუკლასაც დაუგდებდი ერთ-ორ ტკბილ სიტყვას და ეგრევე მოვდებოდა კუთხეში...

ვიფიქრე, ამაზე კაი დროს ვერ ვნახავ-მეთქი და ბიჭებს ვუთხარი, დონალდ ბიგმენი ნიუ-იორკში იმიტო ჩამოვიდა, იქნებ ვინმე შავი მასტი გაიცნოს-თქო. ბიჭებმა მხრები აიჩქინეს, ბულა ენჯი კიდე ეგეთ ფოსტას ჩამოვიდა:

– რა ვიცი, უნდა გავიკითხ-გამოვიკითხოთ, იქნებ ვინმე იცნობდეს კიდეც მაგნაირ ხალხს. მე პირადად, ხო იცით, ეგეთებს დასანახად ვერ ვიტან...

ვზივართ და ვმარჩიელობთ, “შავებში” გასული კაცი სად ვიპოვოთ. ამ დროს კარებზე ისეთი ბრაგა-ბრუგი ატყდა, ტანში გამცრა – ეგრე უკმუნად ხო მართო პოლიცია აბრახუნებს! ლოთიანი ჩარლი კარებს ეცა და ჭუჭრუტანაში გაიჭყითა. ამ დროს კიდე კარს უკან ვიღაცამ იბღაულა ხაფი ხმით:

– კარი გააღე, ჩარლი! შენ სტუმრებს უნდა დაველაპარაკო! გადაეცი, უკანა

კარიდან დათესვა არც იფიქრონ, იქაც ჩემი ხალხი დგას!

ლოთიანი ჩარლი უკან ბრუნდება და გვეუბნება:

– ლეიტენენტი ჰარიგანი და იმის ბიჭები არიან – ეტყობა, ვილაცამ დაგაბოზათ. თუ ვინმეს იარაღი გაქვთ, ეხლავე გააქრეთ!

ამის გაგონებაზე ჯერი ბულდოზერს წრიპა დონალდი განზე გაყავს, დიდ ფიშტოს აჩეჩებს ხელში და ასე ეუბნება:

– იუზგარ, გამომართვი, ჩაიდე ჯიბეში და აგე, აქ ჩამოჯექი. თუ არ გაახურებ, ეგენი ხმას არ გაგცემენ. მე კიდე, თუ იარაღი მიპოვეს, ნაღდად გამსროკავენ, ისედაც თავლებით ვარ გამოშვებული.

არადა, ჯერი მართალს ამბობს: თუ ნასამართლევი ხარ და იარაღით გამოგიჭირეს, ბევრს არ გაღადავებენ, ეგრევე გაგსკვანჩავენ. ლოთიანი ჩარლის ვისკიმ კიდე დონალდი ისე გამოაქლიავა, სულ აერია რამსები – უხმოდ აიღო ღურა და შარვლის უკანა ჯიბეში ჩაიტენა. სხვებმაც იაზრეს, რა ხდებოდა და წრიპა დონალდთან რიგი დადგა: ჯაგლაგმა ჰარიმ, ბულა ენჯიმ, პიტკინ მოკლემ და ყველა დანარჩენმა თავისი იარაღი წრიპას მიაჩეჩა. იმანაც, რის ვაივაგლახით, მთელი ეს რკინა-კავეული ზოგი ჯიბეში, ზოგიც ქამარში ჩაიხურთა, სკამზე ჩამოსკუპდა და გაიტრუნა გუგულივით. რო დაინახა, სიტუაცია მოყომარებულიაო, ჩარლიმაც გააღო კარი და მომხდურები შემოუშვა.

ამ დროს ჩარლის სტუმრები სამ-სამ კაცად არიან დანაწილებული, ცალ-ცალკე მაგიდებს უსხედან და უცოდველი სიფათებით იყურებიან. მე და დონალდი ჩვენ ძველ ადგილას ვზივართ. ლეიტენენტი ჰარიგანი კარგად მიცნობს და იცის, რო ერთი უვნებელი ვინმე ვარ, არაფერს ვაშაავებ და არც არავის ვერჩი. ამიტომ მე და დონალდს ყურადღებას არ გვაქცევს, ჯერი ბულდოზერს, ბულა ენჯის და სხვა დანარჩენებს კი მაგრა შმონავენ.

ჰარიგანმა და იმის ხალხმა ვერავის ვერაფერი უპოვა, ანდა რა უნდა ეპოვათ, მთელი იარაღი ხო წრიპა დონალდს ქონდა ლაბადის ქვეშ ასხმული... იმას კიდე, ერთხელ რო დაალიფერეს, მერე ზედაც არავინ უყურებს. ეტყობა, ჩარლის ვისკიმ ეს უბედური მთლად გამოაპრუტუნა – ძილ-ღვიძილშია, ყვინთავს, ხან იქით გადაუვარდება თავი, ხან აქეთ.

პოლიციელები გატეხილში არიან, ჯერი ბულდოზერი და ბულა ენჯი კიდე ლეიტენენტ ჰარიგანს ებრიქებიან: რას გავს თქვენი საქციელიო, კანონმორჩილ მოქალაქეებს როგორ ექცევივითო, ეხლავე დაუურეკავთ ჩვენ ადვოკატებს და მერე ნახავთო. დაბოლმილი ჰარიგანი თვალებს აბრიალებს, იქადნის – დაიცათ, ჩემი დროც მოვაო და თავის ბიჭებს ანიშნებს, აუდეთ აქედანო.

ამ დროს დონალდს ფაიზადად დაეძინა, სკამიდან ჩამოცურდა და იატაკზე

გადინა ბრაგვანი. ჯიბებიდან ოთხი პისტოლეტი და ერთი რევიოლვერი ამოუცვივდა და აქით-იქით გაიფანტა. ყველაზე დიდი იარაღი – ჯერი ბულდოზერის ფიშტო – ზედ ლეიტენანტ ჰარიგანს მიუგორდა ფეხებთან. იატაკზე გამხლართულ დონალდს კაი ხუთი წამი ყველა გაშტერებული უყურებდა, მერე კოპებმა სიტუაცია მოტყინეს, ისეთი ზედახორა დააყენეს, საწყალ წრიპას ცალი ქუსლი უჩანდა, მეტი არაფერი. ბორკილები დაადეს და პოლიციაში წაამსერეს.

უნდა გენახათ, რა ბაზარი ატეხეს გაზეთებმა მეორე დღეს! ჩვენმა პოლიციაში, – წერდნენ, – მაგრა ივაჟკაცაო, ძან, ძან საშიში განაბი დააკაუო. საცოდავ დონალდს სახელიც მოუძებნეს: “ბიგმენ – 12 ლულა”! გაზეთები წერდნენ, ლეიტენანტმა ჰარიგანმა განაცხადა, ესეთ სისხლისმეღვანეს პირველად ვხვდავო, ორპისტოლეტიანი ყაჩაღიც დამიჭერია და სამიანიც, მაგრამ სად გაგონილა, კაცი ერთბაშად თორმეტ იარაღს დაატარებდეს თანო.

პოლიციაში ამბობენ, ეტყობა, ეს ბიგმენი ძან სასტიკი ქილერია, მოგვშტერებია გაყინული მზერით და კრინტს არ ძრავსო. არადა, ხო ისქესეთ, რატო იყურება დონალდი გაშტერებული თვალებით? ისეა დაბნეული, გაგებაში არაა, რა უნდათ და რას ერჩიან. აზრზე რო მოვა, იტყვის სიმართლეს, აბა რას იზამს! ის კოდლაც, იარაღი რო მიაბარა წრიპას, ესე ფიქრობს, ამიტო ბროდვეიზე ბირჟობას დროებით ყველა შეეშვა, თავ-თავიანთ უბნებში მილაგ-მოლაგდნენ და გაისუსნენ.

წრიპა კიდე, ეტყობა, მაგრა დაკაიფდა – ბოლომდე შევიდა როლში: ზის ჩუმად და მაწაკი სიფათებს კერავს. ეს ამბავი რო გაიგეს, ბიჭებს გაუსწორდათ, ასე თქვეს, ნახე, რა ჯიგარი ყოფილა ეს ჩვენი სიფთაზე გაცნობილი ძმაკაციო...

გულმა არ მომიტმინა და იმ დღეს, მოსამართლე როსქაუერი საქმეს რო არჩევდა, სასამართლოში დავგაზე. დონალდს სალივენის კანონის დარღვევა ედებოდა ბრალად. გამოსულ ბიჭებს არ გესწავლებათ, ეს კანონი იარაღის უნებართვო ტარებას კრძალავს. დარბაზი ხალხით იყო გადაჭედილი, აბა რა იქნებოდა! ყველას ერთი სული ქონდა, ეს ვიდაც ჯაგა მასტი გაეჩითა. საკაიფოდ მოსულ პუბლიკაში ჯელებზე მეტი კუკლები იყო. თანაც ენა არ მომიბრუნდება ვთქვა, ქვაზე დახატულ ეშმაკებს გავდნენ-მეთქი, უფრო პირიქით – ბევრი ავთვალს არ დაენახებოდა. არადა, გენახათ ერთი, ეს კუკლები რა დღეში იყვნენ – ერთმანეთზე გადადიოდნენ, სულ ტლინკებს ყრიდნენ, როგორმე “ბიგმენ 12 ლულა” დაეთირათ. წრიპა დონალდი კიდე იდგა გათიშული და თვალებს უაზროდ აცეცებდა. სამ პოლიციელს ალყაში ყავდა მოქცეული, ხელბორკილებით კიდე ორ სხვაზე ჩაებათ.

როგორც იქნა, ჟრიაშული შეწყდა და პუბლიკამ კარგად დაალივერა ეჭვმიტანილი. კაცი და ქალი, ყველა პირდაღებული შესცქეროდა და საკუთარ თვალებს არაუინ უჯერებდა – ეს “ბიგმენ 12 ლულა” მეტრნახევრიანი გაწლინკული სირიკო აღმოჩნდა და მეტი არაფერი. ეტყობა, მოსამართლე როსქაუერმაც იფიქრა, მხედველობა მღალატობსო, სათვალე გაიკეთა და წრიპა დონალდს მიაშტერდა. კაი

ხანს უყურა, მერე ლეიტენანტ ჰარიგანს მიუბრუნდა და ეუბნება:

- დავიჯერო, ესაა?!
- ნაღდად ეგ არი, წყალი არ გაუვა! – ჰარიგანი პასუხობს, რიხიანად.

– აბა, მაჩვენეთ ერთი, ამდენი იარაღი როგორ ზიდა ამ გალეულმა, – ამბობს მოსამართლე როსქაუერი და სასამართლო ექსპერიმენტის ჩატარებას ითხოვს.

ლეიტენანტმა ჰარიგანმა თავის ბიჭებს ჩამოუარა, თორმეტი ღურა შეაქუჩა, ყველას კენჭები ამოაცალა და მთელი ეს იარაღი დონალდს ჩაულაგა – ზოგი პიჯაკში, ზოგი შარვალში, ზოგიც კიდე, ღმერთმა უწყის, სად. წრიპას წინააღმდეგობა არ გაუწევია, პირიქით, ხელიც წააშველა ჰარიგანს. ბოლოს, დონალდი საშობაო ნაძვის ხესავით რო დახუნძლა, ლეიტენანტმა გამოაცხადა – აი, ამ მდგომარეობაში იყო ეჭვმიტანილი, დაკავების მომენტშიო.

– მომიახლოვდი, – მოსამართლე როსქაუერი დონალდს ეუბნება, – თვალებში მინდა ჩაგხედო!

წრიპა დონალდი რის ვაი-ვაგლახით წამოდგა, სცადა კიდეც მოსამართლისკენ წაჩანჩალებულიყო, მაგრამ ორი ნაბიჯიც არ ქონდა გადადგმული, ძირს გაშხლართა და სიფათი იატაკს ხია. მაშინ მოუტვინე, რატო მოადინა ზღართან დონალდმა ლოთიანი ჩარლის ბარში: ის ამბავი მარტო ვისკის ბრალი არ იქნებოდა – ეტყობა, ამხელა სიმძიმე წრიპამ მაშინაც ვერ ზიდა.

ამ ამბავმა ყველა დააშტერა: პუბლიკა, პოლიცია, პრესა – აღარავინ იცოდა, რა ეფიქრათ. ამ დროს ატყდა ერთი ვაი-უშველებელი, ვიდაც გოჭვივით ჩაპუტკუნებულმა კუკლამ წრე გაარღვია, წვილ-კვილით მიფარდა იატაკზე გაგორებულ დონალდს, მუხლებზე დაეცა და მორთო ზარი და მოთქმა:

– დონალდ, საყვარელო, მე ვარ, დებორა! ჩემო გმირო, ვგიჟდები, ისე მიყვარხარ! ნიუ-იორკის გაზეთებმა წუხელ ჩამოაღწია რაზმუსში და როგორც კი შენი ამბავი გავიგე, მაშინვე გამოვქანდი! დღეის მერე შენი ვარ, მხოლოდ შენი! ჩემო ძა-ა-ლიან ძველო ბიჭო!

დონალდს ერთბაშად თვალები გამოუნათდა, წამოიწია, ცალ იდაყვს დაეყრდნო და მსუქან კუკლას დაუხასა. ეტყობა, ეს საქმე ისე გაუტკბა ორივეს, სასამართლო სულ ცალ ფეხზე დაიკიდეს – ჩაფრებმა ძლივს აახიეს დებორა იატაკზე წამოწოლილ წრიპას და ოცდაათ კილოზე მეტი რკინეულობა რო მოაშორეს, ეგეც მაშინვე ფეხზე წამოხტა.

მოსამართლე დიდის ინტერესით ამუღამებდა ამ სცენას. ბებერი როსქაუერი ვინმე ფარჩაკი არ გვეგონოთ, ისეთი შებერტყილია, ვერაფერს გამოაპარებ. ვერევე მოწვა, დონალდი რაღაც მთლად იმნაირი შავი მასტი არ უნდა იყოს, ესენი რო ხატავენო. მერე შესვენება გამოაცხადა და ეჭვმიტანილი მეორე ოთახში გაიყვანა.

იქ კიდევ, ეტყობა, დონალდმა ყველაფერი დაფქვა. მოსამართლემაც სეფე სიტყვაში ბრძანა, დონალდ ბიგმენს ბორკილები ახსენითო; წრიპას კიდევ უთხრა, ნიუ-იორკში ბოდიალს შეეშვი და სახლში დაეტიეო. გამისწორდა, როსქაუერმა რო გამოაცხადა, ბიგმენი თავისუფალიაო, თუმცა წრიპას მკლავზე ჩამოკონწიალებული დებორა რო გავიჩიე, ვიფიქრე, საწყალმა ბორკილები კი მოიშორა, სამაგიეროდ, უღელში გაყო-მეთქი თავი.

ამ ამბის მერე კაი ხუთი თვე იქნებოდა გასული, ჯერი ბულდოზერს და პიტკინ მოკლეს პენსილვანიაში რო მოუწიათ წასვლა – იაფი ვისკის დიდ პარტიას მიაგნეს და იქაურ ბუტლეგერებს უნდა გარიგებოდენ. ქალაქ რაზმუსის ახლო-მახლო ქონდათ საქმე და იფიქრეს, მოდი ერთი ვნახოთ, წრიპა დონალდი რასა იქმსო.

– მერე, როგორ არი ჩვენი წრიპა? – ჯერის ვეკითხები.

– როგორც ყველი ხაჭაპურში, – ჯერი ბულდოზერი მეუბნება, – ის მსუქანი კუკლა, დებორა, ცოლად მოიყვანა. ქალაქში ისეთი მაგარი ბიჭის სახელი დაირტყა, შერიფად აირჩიეს და აირჩიეს თუ არა, ის ვიღაც ღენჯერფილდი, იქვე გააპანღურა.

– უყურე შენ, მთლად ჯიგარი არ ყოფილა ჩვენი წრიპა!

– ჯიგარი არა, ფეხები! – ჯერი მეუბნება, – მე და პიტკინამ ქალაქში ჩასვლა ვერ მოვასწარიოთ, რო მაგ ნაბოზარმა ვგრევე დაგვასტოპა და აბანოში ჩაგვაცუდა.

– სადაო?!


– ხო რა, ვირის აბანოში. ორი დღე გვახეხია საკანიდა ას-ასი ბაქსი ჯარიმა შეგვაწერა...

– ვა, ჯარიმა რიღასთვის?

– იარაღის უნებართვო ტარებისთვის!!! – ჯერი მეუბნება და თავისთვის ბურტყუნებს – აზრზე მოდი, მამენტ რას გადერსკდა ეგ აზვარი ეგაო...

თარბმანი: ჯალუბი ჟაღაყა





ბორის აკუნინი

ტეფალი

ხელის ერთი მოსმით, ბ-ნმა იაგუფიმ შუშის კუბს საფარი გადაადრო და კომისიის წევრებს დედა-ქალაქის მთავარი ქანდაქარის ნახელავი საზეიმოდ წარუდგინა.

წუთიერი, ოღონდაც სამარისებური სიჩუმის მერე წარბშეკრული გენერალ-გუბერნატორი დაეკითხა, კუშტად:

– ესა... რა არი?..

– რასაც დაგპირდით, – ოღნავი ხმისკანკალით გაეპასუხა იაგუფი. – ტრიუმფალური თალია, დიადი გამარჯვების 55 წლისთავის აღსანიშნავად... არ მითხრათ ახლა, არ მომწონსო!

მის აღმატებულებას ჯერ მკვდრისფერი დაედო, მერე წამოჭარხალდა და სულ ბოლოს აღმურიც კი მოედო სახეზე.

– შენა ისა... რა – სულ გააფრინე?! შენა, *геницвале*, ვისკენ უბერავ, ჰა?! კრიმსკაიაზე რაც შიბლა წამომაჭიმინე, არ გეყო?. ვასილი ნეტარის ადგილას ახლა ეს გინდა დააყუდო?! წითელ მოედანზე?! ზედ არჩევნების წინ!!!

ბრაზისაგან გენერალ-გუბერნატორს სუნთქვაც კი შეეკრა და თვალებ-გადმოკარკლულიდა მიშტერებოდა ნატიფ ხელოვნებათა საიმპერატორო აკადემიის პრეზიდენტს...

იაგუფიმ ერთი მიხედ-მოხედა მრგვალ მაგიდასთან მორჭმით მჯდომარე კომისიის წევრებს და იაზრა, საქმე იმაზე ცუდად იყო, ვიდრე იმთავითვე მოელოდა. კომისია, სრული შემაღენლობით, აშკარად საგონებელში გახლდათ ჩაყარდნილი; ხოლო მისი აღმატებულების ადიუტანტს სამშენებლო დარგში – ფარულ ესთეტსა და *იუგენდშტილის* ასევე ფარულ თაყვანისმცემელს, ძირძველი სატახტო მეტროპოლიის ბარე ნახევარი რომ ა' ლა *სეცესიონისტური* ნაგებობებით ჩაეხერგა, ახლა გულისწასვლას არაფერი უკლდა.

მ-დაა... ისე, მაგას კი გაუგებდა კაცი – თალი მართლა უგვანად გამოიყურებოდა: ნაჭვედი ლითონის ერთი რაღაც გიგანტური ხლართი, ზემოთ კიდე – ვილაც ოჩოკონი-განმათავისუფლებელი, კალაშნიკოვის ავტომატი ჩაუბლუჯავს ზეადმართულ ხელში... არადა, სწორედ ემაგ ოხერ ავტომატშია ძაღლის თავი დამარხული, ოღონდ ამას კომისიის წევრებს ხომ ვერ აუხსნი!.

ესე იგი, სხვა გზა მაინც არაა, ისევ კომუპენეტრაციის სენსი გახდება საჭირო – როგორც რუსეთის ფლოტის მამა-დამაარსებლის ძეგლთან დაკავშირებით მოუწია... აბა, სხვა რა გინდა რომ ქნა?!

ჯერ სახეაფორაჯებულ გენერალ-გუბერნატორს ჩახედა სიბრახისაგან ლიბრგადაკრულ თვალეებში, მერე ამოიოხრა, რასტრინგი VI პოზიციიდან XII-ზე გადაიყვანა და ხავერდოვანი, მკერდისმიერი ხმით წამოიწყო:

– ამ ყოვლად უგემოვნო, ეკლექტიკური იერსახის მატარებელი ტაძრის მოშლით ჩვენ ტოტალიტარიზმის ეპოქის კერპის მავზოლეუმსა და შავბნელი შუასაუკუნეების ქვის კედლის კონტურს შორის გამომწვევდელ, ახალ, დემოკრატიული დედა-რუსეთის მთავარი მოედნის სიერცულ გახსნას ვაღწევთ – მშობლიური დედა-ქალაქის სასუნთქ ფილტვებს დამდეგი ათასწლეულის ცინცხალ ჰაერს ვუტუმბავთ და მის ენერგეტიკულ სისხლმარღვთა სისტემის შეფერილობა ვენოზური სილურჯიდან არტერიალურ-მწვამულის შეუდარებლად უფრო მაღალ რანგში გადაგვყავს – მომავლის არქიტექტურის ნათელი, მე ვიტყვოდი, *სიცოცხლის-მამტკიცებელი* მჟღერადობა...

ორიოდ წუთში მიზანმიმართულმა იმპულსმა თავისი გაიტანა და ტრანსში ჩადირული მისი აღმატებულებაც ამ სიტყვათმრუშობას უკვე სრული კმაყოფილებით უკანტურებდა მელოტ თავს.

– ეგრეა, – ამოღერდა ბოლოს. – ერთი მაგ ვილაც ვასილის... ინეტარა და ეყო! მთელ მოედანს აღრჩობს... ახლა ეგ შენი რაღაცა იდგეს!

ცოდო იყო მოხუცი, განა არა – ოღონდ დრო აღარ ითმენდა და აღარც სენტიმენტებისთვის სცხელოდა ვინმეს. როგორც წესია, სხვებმა უსიტყვოდ დასტურჰყვეს პროექტი; პრეს-მდივანმა კიდევ, ვითომდა მისალოცად, ხელი მოხვია მხარზე და ყურში უწურჩულა: “სულ ჩემის წვითა და დაგვით, ბ-ნო ჩემო... სულ ჩემის მცდელობებით... ახლა, ერთი კარგი მაღარიჩიც შემერგება!.” საბრალო. ერთი იცოდეს...

კომუპენეტრაცია პრანის დიდ ხარჯვას მოითხოვდა და გენერალ-გუბერნატორის რეზიდენციის თეთრი მარმარილოთი გაწყობილ კიბუხე იაგკეი ძლივს ჩამოლასლასდა. დაცვის უფროსი მდაბლად მიესალმა და თოფოსანთა წესისამებრ მოკლედ, წყვეტილი ფრაზებით მოახსენა:

– წინკარიდან არ გამოუა. დემონსტრანტები ახვევიან. იენოსეს. ერთ ლუკმად არ ეყოფით. უკანა კარიდან ინებეთ.

ოღონდ, ტეფალის მზემ, მთლად მშვიდობით ვერც იქიდან გააღწია: ის-ის იყო მძიმე მუხის კარიდან შიგ გაზაფხულის შხაპუნა წვიმაში გააბიჯა, რომ ვილაც სათვალისანმა წვეროსანმა ისკუპა სვეტის უკნიდან და სახელოვან ქანდაქარს სამზარეულოს დანა დააღირა კისერზე. მერე კი, პირადი დაცვის ბიჭების მარღვიანი ხელებით გასკვანჩულმა, უკვე შორიდან მორთო ბღავილი:

– რას ერჩი ამ საბრალო მოსკოვ-ქალაქს, მხეცო, ნადირო! დაგიშავა რამე?!

იაგკვიმ ბრძანება გასცა – ათვისუფლეთ სალოსიო, თავად კი, გულმოდ-მარული, საკუთარ “ბენტლიში” ჩაჯდა და – სახლისაკენო, – დაუგდო მძოლს. საბრალო, გზააბნეული ხალხი. ტეფალი იყოს მათი განმსჯელი. არა იცინან, რასა იქმან.

არადა, გაუსაძლისი სწორედ ამ ბრმა, დაუსაზღვრავი სიძულვილის ატანა იყო, თუმცა არც მოსკოველებს გაემტყუნებოდათ: დროის უღმობელი მოთხოვნით, არაერთი საშინელება დაყენა ქალაქში – ჯერ იყო და კრემლის წმინდა კედლის წინ ბრინჯაოს მთელი ბესტიაროუმი გააშენა, მერე – ნაჭურ-ნაჭურ აკეპილი, თანაც ფერდში ჰოროლგარჭობილი ის გველის წიწილი ნაპოლეონის გორზე და მთლად ბოლოს, ჩაროზად – მთელი დიადი ჩანაფიქრის საკვანძო ნაწილი – ზედ მდინარის თავზე წამოყუდული ამაზრზენი გოლიათი, ნამდვილი ციკლოპი... მისი საყრდენი კვარცხლბეკის აფეთქებაც კი სცადეს გონებადაბინდულმა აბორიგენებმა, ოღონ-დაც ტეფალმა დაიფარა, ყოვლადკეთილმა...

და ახლა, ამ თაღის პროექტის გატანის მერე, დავალება თითქმის შეს-რულებულია: ბედშავი ხახვისთავა ტაძრის დანგრევა, გაჭიმე-გამოჭიმე – ერთი კვირის ამბავია, ავტომატიანი თაბაშირის კაცისთვის ბეტონის კარკასის ჩამოსხმა (ანუ, როგორც მისი აღმატებულება იტყოდა – *შეთითხენა*) – ორი კვირის საქმე; მერე იმ ავტომატში შენიღბული ჰიპერლოკატორის ჩამონტაჟებასაც 9-10 დღე დასჭირდება და მორჩა: ვალაქტომიმართების უხილავი ძგიდე ავტომატის ლულ-იდან ბირდაბირ მიუერთდება შლეგურად თვალდაჭყეტილი მეფის თითბერის კუ-ლულებს, ხოლო ორი მაკორექტირებელი სხივი (ხვეული მიკროდიაპაზონური – ნაპოლეონის გორიდან და დიფუზიური – მანეჟის მოედნის ქიმერებისაგან) სიგ-ნალს საკმარისზე მეტადაც გააძლიერებს... ასე რომ, უზენაესი ვარსკვლავთ-შორისი კომიტეტის გადაწყვეტილება სისრულეში იქნება მოყვანილი – ზედმიწევნით და შეუფერხებლად!..

ნატიფ ხელოვნებათა აკადემიის პრეზიდენტმა საძილე ოთახის კარი გაიხურა, სარკის წინ დადგა და დაღრეჯილი, საკუთარ ანარეკლს მიაშტერდა: ჩამობერილი ლოყები, ხორციანი ტუჩები, დაბუშტული ცხვირი... აქაურები, საზოგადოდ, კეთილი ხალხია, გულუბრყვილო, რაღაცნაირად გულიც კი შეგტკივა მათზე, ოღონდ გარეგნობა აქვთ – ნუ იტყვი, ბულბულს დააჩხვლებს! მაგათი შემხედვარე, თავი დაგავიწყდება...

მიმოიხედა, ცდუნებას ებრძოდა. რა, მერე? აქ მაინც არავინაა. დიდება ტეფალს, საქმე ლამის ყუაზეა დაყვანილი, ახლა შეიძლება საკუთარ თავსაც სცე პატივი...

ხელის ერთი მოძრაობით გადაიხსნა კისრის მალეები, ფრთხილად გადაქაჩა კანი და ნიღაბი კაპიუშონიანად გადაიდრო თავზე.

არა, მართლა კარგის რამ იყო ეს ჩვენი იაგკფი ეიკუეუდში – სწორედაც იმ უჭკნობი, დროშეუვალი სილამაზით დალდასმული, მხოლოდღა ძველისძველ მეზოგრნულ სელენოგრამებზე რომ შეხვდებით: ოთხმაგ საღრჭენ კბილთა უზადო მწკრივი, დარგოლილი სტრამშების უწყვეტი ხვეული, სახედველთა მქრქალად გასხივოსნებული რომბები (განსაკუთრებით მარცხენა ქვედა გამოირჩეოდა, ნახევრად გამჭვირვალე, ჰორიზონტალურად მოძრავი აპკით დაცული).

ძვირფასო, სიცოცხლეე ჩემო, სულ ცოტაღა დარჩა, შენ ოღონდ დამელოდე... იაგკფის თავისი გულისსწორის ნაზი ნაკეთები ამოუტევეთივდა მეხსიერებაში...

ახლა, დედამიწის სტრატეგიულად უმნიშვნელოვანეს წერტილში აგებულ ნიშანსვეტთა სისტემის მეოხებითა და ტეფალის წყალობით, მესამე სარაკეტო ფლოტი გალაქტიკათშორისი სივრცის 363.645.859.000.000.00 ეონს გადმოლახავს და ლენინის გორებზე პრეციზიულად გადმოსხამს საგანგებო სიტუაციათა სამინისტროს სრულ სამაშველო კორპუსს.

თავის რიგით 33 მივლინების პერიოდში იაგკფის ოთხივე გულთან ახლოს მიჰქონდა ამ პაწია ცისფერ ცდომილზე მოსახლე იგნორამუსთა ბედ-იღბალი: მათი მუნყოფის ჟამი უკანასკნელ დღეებს ითვლიდა, მათ კი ახალი ათასწლეულის დადგომა ბავშვებოვით უხაროდათ; ოღონდ ეგაა, როგორც კი მაცხოვრის კოშკზე საათი თორმეტს ჩამოჰკრავდა, სწორედ ის განკითხვის დღე დადგებოდა, რომლის თაობაზეც ჯერ კიდევ იაგკფის წინამორბედი, ბებერი სკაუტი იოეანნს ნტლმცმლ უწინასწარმეტყველებდა დედამიწელებს – ჩამოფარდებო ვარსკვლავი, და განიხვნებიან ბჭენი უძირონი, და მრუემ ბინდი გადაეკვრებო მნათობს, და შეიშლებიან კომპიუტერები – მოკლედ, გალაქტიკათშორისი გათვლის ცენტრის მოხსენებისდა მიხედვით, ინტრაპლანეტური მიკროკატასტროფა მოხდებო... ვინ დაგიჯერა.

და კიდევ კარგი, რომ ყურიც არავინ ათხოვა: ადვილი წარმოსადგენია, რა პანიკაც მოედებოდა აქაურობას! ახლა კი არაფერი ამდაგვარი – მაგიური ფორმულა, სულისმხსნელი საკვირაო ლოცვის სახით, რა ხანია რეგულარულად გადაიცემოდა ტელე და რადიო არხების საშუალებით, და აბორიგენებსაც ქვეცნობიერში უჯდებოდათ რწმენა ნათელი მომავლისა და სრული ოპტიმიზმის განცდა.

დიდება ტეფალს, ყველაფერი თავისი რიგით მიდის. მაშველთა კორპუსის უზარმაზარანტენებიანი ხომალდების (*‘გამოცხადების’* უცები მთარგმნელები მათ კალიებად იხსენიებდნენ: “...და კულები მათი ვითარცა სკორპიოთა და კულებსა შიდა მათ ნესტარნი...”) ოთხგანზომილებიან საცავეებში დედამიწის უკლებლივ ყველა მაცხოვრებელი განთავსდება, წინასწარ მილქუშდამართული, ხოლო გაიღვიძებენ ისინი უკვე ვუფერის ხომლში, ცდომილზე, ტყუპისცალივით რომ წააგავს მათს მშობლიურ სანახებს... მხოლოდ ბალახი იქ ვარდისფერი იქნება, ხოლო წყალი – რძისფერი. სარემონტოც იქ ბევრი აღარაფერი დარჩა.

აი მერე კი იცოცხლე, არანაკლებ სამ სინათლის წელიწადს აიღებს იაკკვი შვებულებად, და თავის გულის მურაზთან ერთად გადაიკარგება სადმე – ვთქვათ, მიყრუებულ უგრეკმტ რვეშკზე, და თვალითაც არ დაენახვება არავის! როგორც თქვა მგოსანმა: *“იეშჩიდუუზ, ზუკეზმდუგრ!”*

ტეფალის შხემ, უკეთესად ვერარას იტყვი...



ადმოსავლეთი და დასავლეთი

თავი I.

ჰაჯი მურატოვმა იფიქრა, ცოტას წავიომებო და მთებიდან ბარად დაეშვა. ჯერ ერთი, მასსა და მის მიურიდებს თავადაც ყელში ამოუვიდათ პირქუშ ხეობებში მალვა, მერე კიდევ, შურიც უნდა ეძიათ ურწმუნოებზე – მუხანათურად, ციდან ნასროლი რაკეტით რომ დაასამარეს დიდი იმამი...

სატვირთო მანქანებში ჩასხდნენ და სარკესავით სწორ გზატკეცილს დაადგნენ. დროდადრო გიაურების საგუშაგოებს გადააწყდებოდნენ ხოლმე, მაგრამ დიდება ალაჰს, რუსები წუწკები არიან, ქრთაშზე უარს ვერ ამბობენ, მურატოვს კი ფული ბლომად ქონდა.

საქმე აღჩუზე დაუჯდათ და ჰაჯი მურატოვმაც ირწმუნა, ამ გაშლილ დაბლობზე ვივლით, ვივლით და მათს სულ მთლად მთავარ ქალაქს მივადგებითო. ტელევიზორს თუ რამე დაეჯერება, ის ქალაქი დღედაღამ ათასფრად ჩახჩახებდა და იქაურები ბაიბურშიც არ იყვნენ, ომი რა იყო. რიბირაბოზე კი, როცა ერთ სოფელს თუ დაბას მიადგნენ – ნაიბმა მისი სახელიც ვერ დაიმახსოვრა – ბედმა უმუხთლათ. მოსახლეთა საუბედუროდ, იქაური ბლოკ-პოსტის უფროსი მეტისმეტად პატიოსანი, ანდა სულაც მეტისმეტად ყვეყნი აღმოჩნდა: არც ფული აიღო და სროლაც აქეთ აუტეხა.

ნუკერებმა უჯიათი ოფიცერი და მისი ხალხიც იქვე ჩახოცეს, ოღონდ გზის გაგრძელება აღარ გამოდიოდა. ნაიბის მეზობლები მთვლემარე ქუჩებში მიმოიფანტნენ, თან შიგადაშიგ ქვედა სართულების ფანჯრებს უშენდნენ ტყვიას – ისე, ყოველი შემთხვევისათვის. სწორედ ამ დროს რუსის ჯარიც შემოლაგდა სოფელში.

ეჰ, რაც არი, არი – იფიქრა ჰაჯიმ, – დაე, აქ გაიმართოსო ჩემი ბოლო ბრძოლა. ისე კი ინანა, იმ სოფლის სახელიც რომ ვერ დაადგინა, საცა სულ მალე უზენაესს უნდა შეჰყვროდა. შუა დაბაში ერთი დიდი, თეთრად შებეთქილი, სქელკედლებიანი შენობა იდგა და ქვის მაღალი ღობეც ერტყა ირგვლივ. ნაიბის რაზმი შიგ საიმედოდ გამაგრდებოდა.

მურატოვის ბიჭები ვესტიბულში შეცვივდნენ, ფანჯრებთან ჩაიმუხლეს, ავტომატის ლულები გარეთ გამოყვეს და სახელდახელო ცეცხლი გახსნეს. ანაზ-დად, გიაურებმა შეწყვიტეს საპასუხო სროლა, თუმცა ქუჩებში უკვე ჯავშანმანქანების ტყვა აღარ იყო, ცას კი სამხედრო შვეულმფრენების გუგუნი აყრუებდა.

მერე ყურბანი მივიდა ნაიბთან და უთხრა:

– ცუდი საქმე დაგვემართა, ჰაჯი. საავადმყოფოა ეს – იმიტომაც აღარ გვესვრიან.....

თავი 2.

პრემიერ-მინისტრ ვიქტორ სტეპანოვიჩ ლორის-მელიქოვს რომ მოახსენეს, ჩეჩენმა აბრაგებმა საავადმყოფო იგდეს ხელში, იქ კიდევ ათობით მშვიდობიანი მოსახლე წევსო, ვიქტორ სტეპანოვიჩი ხატებით მორთულ კედელთან მივიდა და პირჯვარი გადაისახა. დადგა ჟამი, რომლის ფარული შიში ჯერ კიდევ იმ დღიდან მოსდევდა, როცა საბოლოოდ გადაწყვიტა, საზოგადოების სამსახურში ჩამდგარიყო. აკი იმთავითვე იგუშანა ლორის-მელიქოვმა – ადრე თუ გვიან, ბედის-წერა იმ არჩევანის წინაშე დააყენებდა, არჩევანიც რომ აღარ ეთქმოდა.....

ოღონდ ხშირად იტყოდა ხოლმე ვიქტორ სტეპანოვიჩი – თუ კაცი ცხოვრებას ხალხის სამსახურს უძღვნის, თავი უნდა დაიფიცოსო. და აი, ეს დროც მოვიდა, ახლა საქმით უნდა დაემტკიცებინა საკუთარი სიტყვა.

– თვითმფრინავი გააშხადეთ! – გასძახა თანამემწეს, – ადგილზე გავარკვევ ყველაფერს....

– არიანა არკადიევნამ გთხოვათ, აუცილებლად დამირეკოსო, – მოწიწებით შეახსენა ადიუტანტმა.

– ჰო, ეგ მერე.....– თავი დაუქნია ლორის-მელიქოვმა. გადაწყვიტა, ჯერ-ჯერობით ცოლზე ფიქრიც კი ამოეგდო თავიდან. ახლა ურყევი სიმტკიცის გამოჩენა მოეთხოვებოდა მხოლოდ.

თავი 3.

მიურიდები სულგანაბულნი შესცქერდნენ ჰაჯის, რომელსაც მუხლი მოეყარა დიდრონი მეწამული პლაკატის ქვეშ – **მშრომელთა ჯანმრთელობა – ჩვენი მთავარი საზრუნავია!** – და მამაზეციერს შეღალაღებდა:

– შემაგონე, დამაკვლიანე, - ჩურჩულებდა მურატოვი და ცივ ლინოლეუმს ეკვროდა შუბლით. – როგორ მოვიქცე? ამ უდანაშაულო ხალხს რაღას ვერჩი?.

საავადმყოფო ალყაში იყო მოქცეული. მიურიდებმა სცადეს ორსული ქალები მაინც განერიდებინათ გვერდითი გასასვლელიდან, მაგრამ როგორც კი კარები ოდნავ გამოაღეს, სოფლის მოედნიდან მსხვილკალიბრიანმა ტყვიამფრქვევმა დასცხო და ერთი იქვე გაათავა, ორი კი მძიმედ დაიჭრა.

– როგორ გავიყვანოთ აქედან ეს ავადმყოფები და ექიმები, ფეხებში რომ გვებლანდებიან და ბრძოლას არ გვაცლიან?! აკი შენმა მოციქულმაც ასე დაგვარიგა: არა ემტროო მცირესა და სუსტს...

ალაპი პასუხს აყოვნებდა. ვაითუ, თავადაც საგონებელში იყო ჩაყარდნილი.

თავი 4.

პრემიერის კორტეჟმა აეროპორტი “მინერალური წყლები” უკან მოიტოვა. დაჯავშნილი ლიმუზინი აწვევტილი სისწრაფით მიქროდა და მტკრის ბუღს აყენებდა გზაზე. ლორის-მელიქოვი კიდევ ერთხელ, ამჯერად უიმედოდ ჩაეკითხა საკუთარ თავს, იქნებ არსებობსო რაიმე სხვა, უკეთესი გამოსავალი?

არა, გამოსავალი არ არსებობდა. რაღა თქმა უნდა, ყაჩაღების სუშტურზე სიარულს აზრი არა აქვს: ერთხელ დაუთმობ და უსასრულო ბაკხანალიის ჯაჭვიც გაიდება: ეს გატაცებებით, ეს მძევლების აყვანაო და გაგრძელებდა ასე, გაუთავებლად. ვთქვათ, ვეაჭრე და რამდენიმე ადამიანის სიცოცხლე გამოისყიდე – დღეს გადარჩენილი ყოველი სიცოცხლე ხვალ და ზეგ ასობით მკვდარს მოიტანს... არა და არა, ათასგზის მართლები არიან ისრაელები: არავითარი დათმობა, არავითარი გარიგება, არავითარი ვაჭრობა! სჯობს ერთხელ გაიღო სისხლის საზღაური, რომ შემდეგ გამუდმებით არ უხადო გამომძალველებს. მე, ლორის-მელიქოვი, ღვთისა და ხელმწიფისაგან ნაბოძები ძალაუფლებით, პასუხისმგებლობას ჩემს თავზე ვიღებ!

ადიუტანტმა მგონი, ჩათვლიძაო და პრემიერ-მინისტრმაც დრო იხელთა, პერანგის საყელო შეიხსნა, იქიდან ოქროს მედალიონი ამოაძვრინა, შიგ ჩასმულ ქალის ფოტოსურათს ეამბორა და უჩუმრად ჩაილაპარაკა: *მაპატიე ძვირფასო, და ბედს შეურიგდი...*

– ალოიზი ხრისტოფოროვიჩი, გაიღვიძეთ! – ვიქტორ სტეპანოვიჩმა ფრთხილად შეანჯღღრია თანაშემწე, - მურატოვთან უნდა დამაკავშიროთ როგორმე...

თავი 5.

ტელეფონი, აქამომდე ხმაგაკმენდილი რომ იღო მთავარი ექიმის მაგიდაზე, გამაყრუებლად აჟღერიალდა. ყურბანმა მურატოვს მოახსენა – გიაურების ყველაზე დიდ უფროსს, ჩეჩენი ხალხის დაუძინებელ მტერს, ლორის-მელიქოვს, შენთან ლაპარაკი მოსურვებიაო.

გულდამძიმებულმა ჰაჯიმ უხალისოდ აიღო ყურმილი. კარგად იცოდა,

რასაც ახლა გაიგონებდა: დაგვინებდი მურატოვ, მაშინ უბრალო ხალხის გამოშვების ნებასაც მოგცემ, თუ არადა საუკუნოდ თავი მოგეჭრება, სახელსაც შეირცხვენ და მთიელის ღირსებასაც ლაფში ამოსვრიო...

– მე ვარ. – მოკლედ ჩაპყეფა ყურმილში და თვალები მილულა. ვერ გადაეწყვიტა, რა პასუხი შეიძლებოდა გაეცა მტრისთვის. აფსუს, უსასრულო თვისი სიბრძნით ალაჰმა მუსლიმებს თვითმკვლევლობა რომ აუკრძალა!

– ჰაჯი მურატოვ, გესმით ჩემი? – ნაიბს ეს ხმა მრავალჯერ სმენია ტელევიზორით.

– კი.

– მურატოვ, თქვენა ხართ? – ვიქტორ სტეპანოვიჩის ეჭვი შეეპარა, ასე მოკლე-მოკლედ რომ მპასუხობს ეს კაცი, ვაითუ რუსულზე მწყრალად იყოსო. – მოლაპარაკებას არ დავიწყებ, ვიდრე ყველა ავადმყოფს და მთელ სამედიცინო პერსონალს არ გამოუშვებთ, გაიგეთ?

ტელეფონი დუმდა.

– ამ ადამიანების სანაცვლოდ ჩემ თავს გთავაზობთ მძევლად. – მკაფიოდ, დამარცვლით თქვა ლორის-მელიქოვმა. უმაღლესად გაახსენდა, ამ ცოტა ხნის წინ ერთმა პოლიტიკოსმა საარჩევნო ბაქი-ბუქის დროს რომ განაცხადა, მზად ვარ ჩემი თავი ყველა კავკასიელ ტყვეზე ბითუმად გავცვალო, და იქვე საჩქაროდ მიუმატა: – ჩემი სიტყვები დემაგოგია არ გეგონოთ, მურატოვ! მე მანდ მოვალ, თქვენ კი კარს გააღებთ და ყველას გაათავისუფლებთ. დავრდომილი სამოქალაქო პირების ნაცვლად რუსეთის პრემიერ-მინისტრს ჩაიგდებთ ხელში – რა, ცუდი გარიგებაა? რას იტყვით? მოთხოვნებზე კი მერე ვილაპარაკოთ.

ვიქტორ სტეპანოვიჩმა ჯერ კიდევ თვითმფრინავში გააშალაშინა ბრძანება, რომელიც ახლა საგულდაგულოდ დალუქულ კონვერტში ელო: უკანასკნელი მძევლის გამოსვლიდან ათი წუთის თავზე ჯერ შენობა დაიბომბება, ხოლო შემდეგ სპეცდანიშნულების რაზმი მიხედავს საქმეს. ნანგრევებში ჩაიმარხება ყველა ტერორისტი და თავად ვიქტორ სტეპანოვიჩ ლორის-მელიქოვიც. სამაგიეროდ, ვერც ერთი არამზადა ვეღარ გაბედავს რუსეთის ქვეშევრდომების მძევლად აყვანას, ვეღარასოდეს!

ჰაჯი კი ფიქრობდა: არ მიმატოვა ალაჰმა და სასწაული მომივლინა – არც ღირსება შემელახება და აღარც უბრძოლველად დანებება მომიწევს – გვიომია და ეგ არაო! მერე კიდევ ერთმა აზრმა გაუელვა თავში: თუთრ ხელმწიფის ყველა მინისტრი რომ ეგეთი იყოს, იქნებ დამოუკიდებლობაც აღარ მოგვეთხოვაო. ლორის-მელიქოვს კი ასე უპასუხა:

– ისლამის მებრძოლენი ქალების, ბავშვებისა და ავადმყოფების

ზურგსუკან არ იმალებიან! შენს ყვავ-ყორნებს უბრძანე, დროზე ადრე არ ის-როლონ. არც შენ მოხვიდე. განა რაში მჭირდება?!

თავი 6.

შენობა ბოლოს მთავარმა ექიმმა დატოვა – 18 სთ. და 7 წუთი იყო, ალაყაფის კარი რომ გაიარა. ოღნავ შეყოვნდა, სააუადმყოფოს კორპუსს თვალი შეავლო, თითქოს ემშვიდობებო და ჩორთით გადაჭრა უკაცრიელი მოედანი.

18 სთ. 30 წთ. ჯერ ავტომატები და ტყვიამფრქვევები აკაკანდნენ, მერე დაბომბვაც დაიწყო. ბრძოლა კარგახანს გაგრძელდა – ჯერ პირველ სართულზე შეეტაკნენ ერთმანეთს, შემდეგ მეორეზე გადაინაცვლეს, მერე – მესამეზე და ბოლოს სახურავზე გაიმართა ხოცვა-ჟლეტა.

შუალამე გადაცილებული იყო, როცა ადგილობრივი გიმნაზიის სააქტო დარბაზში, სადაც დროებით შტაბს დაედო ბინა, მაზრის სარდალი შევიდა, ლორის-მელიქოუს მოწიწებით დაუკრა თავი და მის წინ, მაგიდაზე, ჰაჯი მურა-ტოვის მოჭრილი თავი დაასვენა.


– მაქვს პატივი მოგახსენოთ, თქვენო მაღალადმატებულებავ, ცოცხალი არავინ ჩაგვბარდა. – ხელები გაასავსავა გენერალმა.

აბრეკის გადაპარსულ თავისქალას ხშირი წვერი ამშვენებდა. ლურჯი თვალები ღიად დარჩენოდა და სადღაც შორს, პრემიერი-მინისტრის მიღმა იშხირე-ბოდა მრისხანედ. ზოგადად კი მოკლულს სახეზე მაინც წყნარი, თითქმის უმ-ფოთველი გამომეტყველება ედო.

– *East is East, West is West...* – ნადვლიანად გაიელო გონებაში ვიქტორ სტეპანოვიჩმა. სიკვდილს სასწაულით გადარჩენილი პრემიერი პოეტურ ხასიათზე დამდგარიყო. – საბოლოოდ, ალბათ მართლა მოგვიწვევს მთების ამ ველური შეილების თავიანთ ნებაზე მიშვება – დე იცხოვრონ, როგორც თავად სურთ. მარ-თალი უთქვამთ – *სიყვარული არ იქნება, არ იქნება ძალადაო...*

მთარბმნელი: ეია ჟუმბიძე





ბორის აკუნინი

ერთი კაცური კაცის ამბავი...

ფეხათრეული შემოვიდა სტუდიაში, თითქოს ეშაფოტზე ადისო, ისე. ‘აბბა, მამაო, ამაცილე თასი ეგე სამსალისა...’

არ აგაცილებს – არ ეგების ეგრე.

და ვიდრე კამერას ჩართავდნენ, იპპოლიტ ვიაზემსკის, საიმპერატორო ტელევიზიის ურეიტინგულესი საინფორმაციო-ანალიტიკური პროგრამის უცვლელ წამყვანს, სახე ხელებში ჩაერგო და ერთ რამესდა ნატრობდა მხოლოდ: იქნება და გული გამიჩერდესო. აი ასე, უცბად, გადმოფარდნილიყო სკამიდან და თვალთაც აღარასოდეს ენახა სტუდიის ეს მასიური, ბუტაფორული ტელეფონებით მორთული და ბოლოებში გაგრეხილი მაგიდა, სოფიტების დამაბრმავებელი ნათება და ყელში ამოსული, ვერცხლისფერ ფონზე მობდრღვიალე წარწერა: “**სიმართლე – ითქვას!**”

მერე თავი ხელში აიყვანა, წელში გასწორდა, თეთრად გახამებულ-გაფითქინებული საყელოც ხელის ჩვეული მოძრაობით შეისწორა. ეთერში გასვლამდე ათი წამიდა რჩებოდა – ეკრანზე უკვე წავიდა ჩანართი: ყოვლად ვაჟკაცური იერსახის, ცისფერთვალეობა, სამდღეაუპარსავ და ქარში ქერთმააფრიალებულ ვიაზემსკის ზედ მომაკვდავი დრაგუნის ჩატეტკილ ტუჩებთან მიაქვს მიკროფონი, გარშემო კი შრაპნელი სკდება, დუმ-დუმის ფეთქებადი ტყვიები სეტყვასავით ეხეთქება მიწას და ჩანს, მდ. თურგის იქითა ნაპირზე როგორ ჯირითობენ სისხლსმოწყურებული, თეთრფაფახიანი და შავნაბდიანი ველური მთიელები... მონტაჟი, რაღა თქმა უნდა. თავად იპპოლიტს ასი წელი აზრად არ მოუვიდოდა ამისთანა უნამუსობა – კაცი საცაა იმ სამყაროში გადავა და შენ კიდევ ინტერვიუზე ექაჩები! ოღონდ ეგაა, საყოველთაო გამოკითხვის მიხედვით, ჩანართს მთელი 8%-ით აუქაჩია გადაცემის რეიტინგი. რას ერჩი – მაყურებელი, ძირითადად, მუშები და ხელოსნები, დიასახლისები და წვრილი ჩინოვნიკობაა – ამომრჩეველთა ნაღდი ხერხემალი, მათ კიდევ, მასს-ჯგუფების შექმენების სპეციალისტთა გამოკვლევებს თუ ვენდობით, სწორედ ამგვარი, სადო-მაზოხისტურ კონოტაციანარევი მელოდრამები იზიდავთ, ლატენტური ფინალითო.

“უფალო, შემინდე და მეოხ მყავი”, – გუნებაში გადააკეთა იპპოლიტმა ნობელის მავანი ლაურეატისეული ლოცვა და ობიექტივის მრგვალ სიშავეს შხერ-აგასწორებულმა, ხავერდოვანი, გარნა მტკიცე ბარიტონით მიმართა უხილავ აუდიტორიას:

– ბატონებო და ქალბატონებო, მოგესალმებით! მე კვლავ თქვენთან ვარ – თქვენი მონა-მორჩილი, იპპოლიტ ვიაზემსკი, თქვენ კი უყურებთ ყველაზე ღია და მიუკ-

ერძობებელ გადაცემას “სიმართლე – ითქვას!” დღეს ყველას ერთგვარი სიურ-პრიზი გველის – იმგვარ ადგილებს მოვიხილათ, სადაც, როგორც ძველად იტყ-ოლენ, არათუ ხელმწიფე-იმპერატორი, თვით ჩვენი დედაქალაქის გენერალ-გუბერნატორიც კი ფეხით დადის...

ვიზაჟისტები და იმიჯმეიკერები ხშირად საყვედურობდნენ იპპოლიტს, რაღაც არასწორად გიჭირავთ თავი ტელეკამერის წინო, დაძაბული ჩანხართ და კუნთიც არ გიტოკდებათ სახეზეო; მარცხენა ხელიც რაღაც სულ საეჭვოდ დამალული გაქვთ მაგიდის ქვეშ – მიმოფსიქოლოგიის თვალსაზრისით ხომ სრუ-ლიად დაუშვებელი ამბავიაო; მაგრამ მერე და მერე აღმოჩნდა, მაყურებელი მიჩვეოდა და გაეთავისებინა კიდევ მისი ამგვარი მანერა, მიმომხილველები კი წერდნენ, ვიაზემსკის განგებ უჭირავს ასე ცალი ხელი, თითქოს ბოლოსთვის გადანახული კოზირის ამოღებას ეპირებაო.

ვინ რა იცოდა, ობიექტივს მოფარებული თითისფერჩხილები რა გამწარებით ესობოდა ხელისგულში, და ყოველი გადაცემის მერე სისხლიან სტიგ-მატებს უტოვებდა კანზე – განსაკუთრებით მაშინ, როცა აუტანელი საზიზღრობე-ბის გაცხადება უწყვედა ხოლმე ეთერში. აი, როგორც მაგალითად, დღეს.

ცოდეა გამხელილი ჯობია და, ბ-ნი იპპოლიტი ათას ერთ უგვანობას მიეჩვია ამ თავის სამსახურის გადაძვიდე, ოღონდ ახლანდელი გამოცდა კი მართლა ყოველგვარ ზღვარს სცილდებოდა. რა იყო ამასთან უწმიდესი სინოდის კედლებში პედოფილიის მამხილებელი რეპორტაჟი (მერე მთელი სამი კვირა უძილობა სტანჯავდა); ანდა კომუნისტური პარტიის ლიდერის თაობაზე გაშვე-ბული ჭორი – ვითომდაც ამ სამაგალითო მეოჯახესა და უპატიოსნეს კაცს სქესი გამოეცვალოს (კომუნისტებმა, გასაგებია, არჩვენები წააგეს, ოღონდ იპოლიტ ვი-აზემსკი მიკროინფარქტის დიაგნოზით მოათავსეს საავადმყოფოში).

არა, ეს ყველაფერი ამასთან რა მოსატანია!

წინა დღეს თვით შეფმა გამოიძახა და ჩვეული, სულში ჩამწვდომი ხმით განუცხადა:

– იპპოლიტ ჩემო, ვიღუპები, შენზეა ახლა მთელი იმედი. გუბერნატორი კვანტს მიდებს – ესაო, ისაო, ბანკებიო, ოფშორებიო, ეს სადაა და ის სად წავიდაო – მოკლედ, ათასი მამაძაღლობა უნდა რო ჩამომკიდოს... ბაბუ, მოგეხსენება, ისევ გათიშულშია და დრო იხელთა, გაგულაება მოუნდა ჩემ ხარჯზე. მნახა რა, და-ბალი ღობე! მიაღე ახლა ერთი შენებურად, შიგ ჟანგიან ყბაში! და არავითარი ინტელიგენტური მიკიბ-მოკიბებები, ნაღდი პროფი ხარ და არა ვიღაც დორენკო-პიდორენკო!

შეფი გამგები კაცივით გაიღმიჭა, იპპოლიტ ვიაზემსკის კი გულმმარვა მოაწვა ღირსპატივსაცემი კოლეგის ასე აუგად ხსენებაზე.

აი, ხელი-ხელში გადმოცემული ვიდეომასალა რო ნახა, მერე კი მართლა სავალიდოლოდ გაუხდა საქმე, და იჯდა ასე სამონტაჟოში დილაძე – ჯერი-ჯერზე ხან უფილტრო “ჟიტანის” ნათაზს ურტყამდა, ხანაც – წამალს. ერთხელაც კიდე – ბელზე ახლოში არაუინ იყო – ტირილიც კი წასკდა.

საბრალო გუბიკა (შინაურობაში ასე ეძახდნენ გენერალ-გუბერნატორს – ვინ სიყვარულით, ვინ – ფარული ბოლმით) ამისთანა, პოლიტიკური მკვლელობის დარ ზურგში დარტყმას ნაღდად რო არ იმსახურებდა: მის დროს არ იყო – დედა-ქალაქი თავის თავს დაემსგავსა, გალამაზდა, ქანდაკებებითა და მონუმენტებით მოიკაზმა... უბრალო ხალხს მისი გაცვეთილი სამკუთხა ქუდიც ეხატებოდა გულზე და აპრუბილი უღვაშებიც. კი ბატონო, ლაქუცა და გაიძვერა ჩინოსნები ახვევია გარს, თავადაც უყვარს კაი ჭამა-სმა და დროსტარება – რა მერე, ვის არ უყვარს? მაგიორში, საქმესაც არ ივიწყებს!

და აი ახლა ამისთანა კაცი უნდა გაადებინონ ფეხქვეშ – მას, იპპოლიტ ვიაზემსკის! ამაზრზენი ამბავია, ღმერთმანი. ოღონდაც ვიაზემსკი სიტყვის კაცია და ვალის გადახდაც ღირსების საქმედ გაუხდია. როგორც ბრძანებდა დიდი ლაო-დი: “ოდენ კაცურ კაცს მოეხსენება, რომ ქვეყნად არარაა მაღლიერებაზე უფრო სპეტაკი და უმაღურობაზე მეტად მრუმი”. სწორედ ამ ციტატას არაერთგზის გაუმხნეებია ტელეჟურნალისტის ნაგვეში სული...

– *სიმართლე ითქვას*, – მცირეოდნავ სარკასტული ღიმილით, იპპოლიტმა კვლავ კამერის შავ თვალს უსწორა გამჭოლი მზერა, – თითოეული ჩვენთაგანი ხშირად სტუმრობს ხოლმე ამ ალაგს – რიგითი მუშაკნიცა და სულიერი მამებიც, ესტრადის ვარსკვლავებიცა და... – აქ იპპოლიტ ვიაზემსკიმ მრავალმნიშვნელოვანი პაუზა დაიჭირა – ასე განსაჯეთ, ქვეყნის განმგებელნიც.

ეკრანზე რა გინდა რა ფეხისალაგების ფოტოები ჩაენაცვლა ერთმანეთს: სოფლის ჩეჩმა და რკინიგზის სადგურის ფეხსადგილი, საერთო საცხოვრებლის უნიტაზი და ახალრუსთა მალაქიტის ქვის ჰიგიენური გარნიტური (ისე, დიდი მანსი იყო – თავად შეფის კუთვნილი სრა-სასახლიდან).

– დღეს სწორედ ამ ჩვენი სვე-ბედის გამგებლებით დავიწყებთ. არა, თქვენსავით მეც ალაღად მაინტერესებს, რაგვარ ტუალეტებზე ისაქმებენ ხალხის რჩეულნი – აი, თუნდაც ეს ჩვენი გენერალ-გუბერნატორი ავიდოთ, რომლის საარჩევნო შეძახილი, გახსოვთ ალბათ, ასეთი გახლდათ: “*რასაც მოვიხმართ, სამამულოს მოვიხმართ!*”

იპპოლიტმა ლამის იყო, ზურგის მალეებით შეიგრძნო, როგორ ავარდა პროგრამის რეიტინგი: მომავალი ელექტორატი არხებზე აქეთ-იქით გადართვა-გადმორთვას უმაღ შეეშვა და ფეხბურთის მატჩისა თუ რაღაც თოქ-შოუს მაგივრად ახლა საიმპერატორო არხის გადაცემას მიეჯაჭვა. დიად, უკიდევანო ქვეყნის სივრცეს ზარების რეკვასავით გადაუარა მოსახლეობის ერთსულმა შეძახილმა: “*მა-ა-ნია!!! შეეშვი ქალო ტელეფონზე პრუტუნს, ნახე რა ხდება!*”

– სიმართლე ითქვას, ეჭვიც კი არ შეგვგვარვია, თუ ჩვენი უ-უმთავრესი პატრიოტი მოხელე მშობლიური პროლეტარული ქარხნის ნაწარმით არ ისარგებლებდა – მოგვხსენებათ, რა მძიმე საინვესტიციო გარემოა შექმნილი ქვეყანაში და როგორ უჭირს ნებისმიერ ჩვენს საწარმოს საკუთარი პროდუქციის გასაღება...

ეკრანზე მსხვილი პლანით ჩნდება მოსკოველ ოსტატთა თიხისაგან გამოძერწილი ნაცოდვილარი – თალხი თეთრი ფერის უნიტაზი და უკანა პლანზე – უხელფასობისაგან განაწამებ მუშათა მოქუფრული სახეები...

ეს შესავალი იყო. ახლა – მთავარი:

– ჩვენს გენერალ-გუბერნატორს სამი საპირფარეო აქვს გამართული ერთ ბინაში, სამიც – მეორეში, ოთხი – აგარაკზე და ორიც – მონადირის ქოხში. შეიძლება ითქვას, გასაღების ერთი პატარა ბაზარია სამამულო წარმოებისთვის, მაგრამ რად გინდა რა... ახლა ჩვენი სპეციალური კორესპონდენტის რეპორტაჟი ეთერში.

ამას კი რვაწუთიანი სიუჟეტი მოჰყვა – ფარული კამერის ამაზრზენი მოგზაურობა გუბიკას მოსაყურებელ ადგილებში. საბრალო – ამის მერე მისთვის რა ხმის მიცემაზე შეიძლებოდა ლაპარაკი!

ამ საზიზღრობის კიდევ ერთხელ ყურება იპპოლიტს უკვე აღარ შეეძლო. ასისტენტს დაუბარა, ახლავე დაებრუნდებო და საგრიმიოროში შეიმაღა.

გულზიდვის საწინააღმდეგო წამალი გადაყლაპა, მერე სარკეში საკუთარ, ფერუმარილისაგან აპრიალეზულ სახეს მიაჩერდა, სიძულვილით.

გაახსენდა, წინა გადაცემის მერე, მისი პაწია ქალიშვილი რო დაბრუნდა განსაკუთრებით ნიჭიერ ბავშვთა პანსიონიდან, მამას კითხა: “მამ, ნაზირალა ლაალი? ზინაიდივანნამ თქვა შენზე, ნამდვილი ნაზირალააო”.

ერთი დარეკვა სადაც ჯერ არს და მაგ ზინაიდივანნას მეორე დღესვე მოაძრობდნენ პრესტიჟული სამუშაოდან, იქნებ დირექტორიც ზედ მიეყოლებინათ. მაგრამ იპპოლიტმა ჩაშვება არ იკადრა – უბრალოდ, თავისი ორივე გოგონა სხვა სასწავლებელში გადაიყვანა.

იმიტომ რომ ეს შეუდრეკელი ზინაიდივანნა სრულ ჭეშმარიტებას დადებდა: მართლა ნაძირალა გახლდათ ჩვენი იპპოლიტ ვიაზემსკი და ეს მასზე უკეთ არც არავინ უწყოდა. რას იზამ, კიდევ ბევრჯერ მოუწევთ საწყალ გოგონებს ასეთი რამის გაგონება მშობელი მამის მისამართით, და ვერც ვერავის აუხსნი, ვერ შეაგნებინებ, რომ სწორედაც საკუთარი კაცური კაცობის გამო გახდა ეგეთი...

ამ ექვსი წლის წინ, როცა ის მართალია იმედისმომცემი, ოღონდ ჯერაც ერთი ვინმე წვრილფეხა ჟურნალისტი იყო, უბედურება დაატყდა თავს: მის

მეუღლეს, ნასტენკას, ტყუპის გაჩენას უწინასწარმეტყველებდნენ ექიმები და მართლებიც აღმოჩნდნენ, ოღონდ ბავშვები სიამის ტყუპებად დაიბადნენ – გვერდებით შეზრდოდნენ ერთმანეთს. დაზაფრული მამა აქეთ ეცა, იქით ეცა და გამოარკვია, რომ მხოლოდ შორეულ აომინში, ვინმე დოქტორ ლიუს შექმლო მათი შველა; ოღონდ ამ ჩინელ ჯადოქართან ოპერაცია \$50.000 დაჯდებოდა – სრულიად ფანტასტიური თანხა მაშინდელ ჟურნალისტ ვიაზემსკისთვის... იქნება და ჯობდა საერთოდ არაფერი გაეგო ამ ვინმე ლიუს თაობაზე – ის, რომ ბავშვების ხსნა შესაძლებელია, ოღონდ ამას უფულობა ედგა წინ, მთლად ჭკუაზე გადაყავდა იპპოლიტი. არადა, გადარჩენის შანსები ყოველი განვლილი დღით სულ უფრო მცირდებოდა...

და როგორც ეს ცუდ რომანებშია ხოლმე, უცებ და მოულოდნელად, საოცრება მოხდა: შეფმა დაურეკა (თავისი გავლენიანობის სწორედ ზენიტში რომ იყო, მაშინ) და განუცხადა – გავიგე შენი ამბავი, დღესვე კრემლში შემოიარე ჩემთან, შენისთანა ახალგაზრდებს უნდა დავეხმაროთ, აბა რისთვის ვართ აქაო. არადა, პირადად ჯერ გაცნობილიც არ ყავდა!

ოპერაციამ მშვენიერად ჩაიარა, ორთავა ურჩხულიდან გოგონები მშვენიერ პატარა ბავშვებად იქცნენ და იპპოლიტ ვიაზემსკიმ თავს კაცური სიტყვა მისცა: შეფის გულისთვის ყველაფერს გავაკეთებ – ამგვარი ვალის დაბრუნება საკუთარი სიცოცხლის ფასადაც არ გამოვაო.

გადასახადი კი ბევრად უფრო მძიმე ტვირთი აღმოჩნდა, ვინემ თუნდაც საკუთარი სიცოცხლე. ყოველ შემთხვევაში, კაცური კაცისთვის.

ახლა, მისი შეფის სკამი რომ შეირყა, გაზეთები ერთხმად ამუნათებენ, ლანძღვენ და მის დილეგში ჩაყუდებასაც კი მოითხოვენ. და აი ასეთ დროს გინდათ განუდგეს იპპოლიტ ვიაზემსკი თავის კეთილისმყოფელს?.. სწორედ ახლა, როცა ყველაზე მეტად ჭირდება თანადგომა?! ვერ მოგართვით – ვიაზემსკების გვარში ეგეთები არ მოსულა!

სარკის თავზე წითელი ნათურა აციმციმდა – ოცდაათ წაშში ეთერში უნდა გამოჩნდეს. იპპოლიტი ისევ სტუდიაში შევარდა, სავარძელში ჩაესვენა. ასისტენტმა ელვის უსწრაფესად, ხელის ერთი მოძრაობით გაუსწორა ვარცხნილობა და განზე გახტა.

დაყენებული ხმითა და გამჭირდავი ღიმილით, პოპულარულმა ტელეწამყვანმა იპპოლიტ ვიაზემსკიმ თავისი გადაცემა ასე დაასრულა:


– ძვირფასო ტელემეყურებლებო, *სიმართლე ითქვას*, ახლა უნიკალური საშუალება გქონდათ გეხილათ ჩვენი სამამულო წარმოების საქონლის უებრო პროპაგანდისტი და დამცველი – საკუთარ რეზიდენციებში, საკუთარ უნიტაზებზე მორჭმით მჯდომარე. ოღონდ ეგაა, ამა მოოქროვილ ქოთანთა უცხოური წარმომავლობა და, შესაბამისად, იგავში უწვდომელი სიძვირეც, დამეთანხმებით, არავი-

თარ ეჭვს არ იწვევს. მოკლედ, როგორც ხალხში იტყვიან – ვინც კარგად ჭამს, ის კარგად... – და იპპოლიტმა ყოვლად ამაზრზენი რამ მიარითმა, ასე ვთქვათ, საკუთარი შემოქმედების მწარე ნაყოფი – ხალხი აქ არაფერ შუაში იყო.

მაგიდის ქვეშ კი, მაყურებლისაგან ფარულად და მოწოლილი გულისრევის შესაკავებლად, ბ-ნმა ვიაზემსკიმ ფრჩხილები, ჩვეულებისამებრ, სისხლისდენამდე ჩაისო ხელისგულებში...

მთარბმნილი: ეია ჯემბუბიძე





პეტერ კარვაში

ამირბარ მოროს რაპორტი¹

1570 წ. 31 ივნისი, კვიპროსი, ფამაგუსტას ციხე-ქალაქიდან.

საჩქაროდ!

სს.²

დ.ა., ს.ს.გ.³

ვასკო გასპარინო კორსინიანის, სახელოვანი ვენეციის დოჟსა და რჩეული სენიორიის თავკაცს.

ჩ.პ.⁴

ქვემოთ ხელმომწერი, ვენეციის რესპ. ამირბარი და კვიპროსის გამგებელი, ქრ. ოტ. მორო მიესალმება კეთილშობილ დოჟსა და უფ. სენატორებს!

ბატონებო! შექმნილი საგანგებო ვითარებისდა კვალად, ვითხოვ თქვენს მითითებებს შემდგომი მოქმედებისათვის, ხოლო პასუხი, სასურველია, გამეცეს დაუყოვნებლივ და გადმომეზავნოს ჩემი ლოცმანის – კაცის სანდოსა და მრავალგზის გამოცდილის ხელთაგან.

უპირველესად, შეშფოთებით მოგახსენებთ, რომ ინფორმაცია მტრის საზღვაო დესანტის თაობაზედ, რომელიც – წყაროს უტყუარობაში დარწმუნებულმა – ნაადრევად და გადაუმოწმებლად მოგაწოდეთ, სრულიად მცდარია და, მეტიც ითქვას, ვაგლახად გაყალბებული.

აფროსანი, რომელსაც ჩემი მეუღლე და მისი თანმხლები პირნი, ჩემივე ადიუტანტ იაგოს ჩათვლით, ვენეციიდან კვიპროსს გადმოჰყავდა, მართლაც გადააწყდა ორი თურქული გალერის ნაშთებს, ოღონდაც ასისთავ იაგოს პატაკი, რომლის მიხედვითაც ქარიშხალს თურმე სრულად გაუნადგურებია ლალა მოჰამედ ფაშას ფლოტი, არანაირად არ შეესაბამება სინამდვილეს.⁵

¹ აშკარაა, საქმე ქება კუნძულ კვიპროსის იმდროინდელი სრულუფლებიანი გამგებლის, ვენეციის დოჟისნაცვლის, ქრისტოფორო ოტორინო მოროს რელაციას თავად დოჟისა და რესპუბლიკის უმაღლესი საბჭოს მიმართ, სპეციალური კურიერის ხელით ვაგზავნილს. უსტარი ესე დაცულია ვენეციის მერიის არქივში და რეგისტრირებულია როგორც Dok. #37/ -133/Ven. /70 (ავტ. შენიშვნა).

² სრულიად საიდუმლოდ.

³ დიპლომატიური არხებით, საფოსტო საურავის გარეშე.

⁴ ჩაბარდეს პირადად.

⁵ სენსაციური ცნობა, რომ თითქოსდა ოტომანთა მთელს ფლოტს ქარიშხალმა დარია ხელი, ლამის მთარულ სიუჟეტად იქცა მაჟან მოკალმეთათვის. მათ შორისაა სწორედ ვინმე უ. შექსპირი, ბრიტი

ნამდვილი კი ის გახლავთ, რომ როგორც ახლა ჩემმა დაზვერვამ მაცნობა, ორი ათეული, ქარიშხლისაგან სრულიად დაუზიანებელი ხომალდი კუნძულ როდოსს მიადგა და იქ, ყურეში, სელიმ II-ის ქარიშხალსგამორიდებულ დანარჩენ საბრძოლო ხომალდების ესკადრას შეუერთდა. თურქები ახლა მზად არიან კვიპროსზე გადმოსასხდომად – ამ კუნძულის საარაკო სილამაზე, კეთილისმყოფელი ჰავა და ანტიკური სიძველენი ხომ კარგა ხანია, ხელყოფისაკენ წააქეზებს ზოგიერთ გვაძებს...⁶

ასევე, არ შეესატყვისება სინამდვილეს საფორტიფიკაციო ნაგებობათა აღმშენებლობის ის ტემპი, როგორაც მე დავახასიათე ამა წლის ოგნისის მოხსენებაში (კოდი №36/), იმავე ადიუტანტის მონაცემთა ერთობლიობაზე დაყრდნობით. ვითრება კი, შეიძლება ითქვას, კრიტიკულ ზღვარს უახლოვდება: წინაღობათა ქსელი მორღვეულია და ოსმანთა სადესანტო ნავეები ისევე დაუბრკოლებლად განვლიან მას, როგორც წყალი – ცხაურს...

და კვლავ, მოგახსენებთ, რომ მორალურ-ნებელობითი განწყობა გარნიზონსა და, შესაბამისად, მოსახლეობაშიც ვერავითარ კრიტიკას ვერ უძლებს – ოფიცერთა კორპუსი იმაზე მეტ ალკოჰოლს მოიხმარს, ვინემ თუნდაც რომ ერთად აღებულ ბერგამოსა და ვერონაში, ხშირია შეხლა-შემოხლა და აყალმაყალი, სუბორდინაციას ჯეროვნად არავენ იცავს, რიგითები სადარაჯოზე ერთმანეთში წილისყრით ნაწილდებიან! ამგვარ ვითარებაში სელიმის ნაპირს გადმოსხმული საზღვაო ფეხოსნთა წარმატებით მოგერიებაზე ფიქრი ნატვრა-სურვილის სფეროს უფრო განეკუთვნება!

(აგდებული ელდრადობის ზედსახელი ინგლისელთათვის: შდრ. მაგ.: იანკი — ამერიკელი, ვანკა — რუს., ჭიჭიკია-შალიკი — ქართ. და ა.შ.) ვინაც 1604 წ. პიესაც დაწერა ზემოხსენებულ ამირბარ ოტტო მოროზე, ლამის ცალი ხელით რომ მუსწრავდა თურმე თურქებს, ხოლო მისი ბოლო გამარჯვება Deus ex Machina-ს პრიმიტიული ზერხითაა დასურათხატებული: საქმე ისაა, რომ იმ დროის ინგლისი ესპანეთის მეფის, ფილიპ II-ის მიერ ბრიტანეთის კუნძულებზე ჯარის გადასასხმელად გაგზავნილი “დიადი არმადის” — 2630 ქვემთითა და 30.000 საზღვაო ფეხოსნით აღჭურვილი 130 საბრძოლო ხომალის ქარიშხლის შედეგად სრულად განადგურების შთაბეჭდილების ქვეშ გახლდათ. ხრიკი მეტად მარტივი, გარნა ქმედითი აღმოჩნდა: იმის დასაბეჭდებლად, რომ მართლაცდა “ღმერთი იფარვის დელოფალსა”, ელისაბედ I-ის უშუალო მითითებით გავრცელდა ოფიციალური ვერსია, თითქოსდა ესპანეთის მთელს ფლოტს ქარიშხალმა მოუთავა ხელი... ისტორიული სინამდვილე კი სულ სხვაგვარად წარმოჩინდება — ინგლისელებს რამდენიმეჯგუზის მოუწიათ სისხლისმღვრელი შეტაკებების გამართვა და დიდი ძალისხმევაც დასჭირდათ ესპანელების უკუსაქცევად, გაღებულ მსხვერპლზე რომ აღარაფერი ვთქვათ. მომხდურთა ფლოტის “ზებუნებრივი” განადგურების პროპაგანდისტული ილუზიი შექსპირმა მექანიკურად გადაიტანა თავის ოპუსში, ამჯერად თურქებთან მიმართებით; თემცადა უცებთათვისაც კი ნათელი უნდა იყოს, რომ ა) ხმელთაშუა ზღვაში ამგვარი ძალის ქარიშხლები არ შეიქმნევა; ბ) ოტომანთა იმპერიისათვის კვიპროსი მთლად ყურისძირში გახლდათ და ახალი ექსპედიციის გაგზავნა მისთვის არანაირ პრობლემას არ წარმოადგენდა; აღარას ვამბობთ იმაზე, რომ არც კვიპროსია ბრიტანეთი და ერთი ციცქნა კუნძულის დასაპყრობად “ბრწყინვალე პორტა”, ფილიპ II-სგან განსხვავებით, მთელს თავის რესურსებს ერთ ფსონზე არ ჩავიდოდა. (მთარგ. შენ.)

6. რაღა თქმა უნდა, თურქებს სულ ქინძზე კეიდათ კუნძ. კვიპროსის საკურორტო მშენებანი — მათ სპილენძის უმდიდრეს საბადოებზე ეჭირათ თვალი (კვიპროსი-cyprium — cuprum-სპილენძი) და თავად ვენეციაც ამიტომვე იჩემებდა ამ მიწას (ჯერეთ, კანონიერი მექვიდრეობითობის პრინციპით — როცა იაკობ ლუზინიანი, კუნძულის ძირძველი მეპატრონე, აიძულა ასაკით მასზედ ბევრად უფროს ვენეციელ ქალბატონ, კატერინა კორნაროსთან ქორწინებას დასთანხმებოდა, ხოლო შემდეგ, როცა მათ შვილი არ ეყოლათ — ხმლითა და ოქროთი); ეს ერთიცა და ის მეორეც გარნა თურქებს აკლდათ — აქედან დაიწყო

ოღონდ საკითხავიც აი, ეს არის – რამ მიიყვანა საქმე აქამდე? რამ თუ ვინ? პასუხი ამაზე კი ერთი მაქვს: ყველა ამ დეზინფორმაციის, გარნიზონის დისციპლინის მიზანდასახულად მორღვევისა და არევ-დარევის მიზეზი ისაა, რომ ჩვენი არმიის საკადრო ოფიცერი, ასისტავი, ჩემი პირადი ადიუტანტი იაგო – თურქების აგენტია!

ცოდვა გამხელილი ჯობია და ჩემში იგი იმთავითვე ეჭვს იწვევდა. თავს იმით ვიმშვიდებდი, ეს უბრალოდ, პირად-ყოფითი ურთიერთობის ნიადაგზე აღმოცენებული ანტიპათიაა-მეთქი,⁷ ანდა პირწმინდად პროფესიული ხასიათის ქიშპი.⁸

მაგრამ როცა ცალკეული ფრაგმენტები ურთიერთშევაჯერე, ჩემთვის დღესავით გახდა ნათელი – და სხვა ახსნა არც არსებობს – იაგო ოსმალების მიერაა მოსყიდული, მათი მსტოვარია! ამაში საბოლოოდ დამარწმუნა ჩვენი კონტრდაზვერვის მიერ ჩაჭრილმა წერილმა, რომელიც უტყუარად იაგოს ხელრთვითაა შესრულებული და ფამაგუსტას სიმაგრე-ნაგებობათა გეგმა ახლავს, სუსტი ან შენებადაუმთავრებელი ადგილების მინიშნებით; ასევე, უხვადაა გაჯერებული ამკარად დაქარაგმებული ფრაზები, სადაც ლაპარაკია ამინდზე, თეზაობისათვის ხელსაყრელ დროსა და ზემსუბუქი ყოფაქცევის მანდილოსნებზე... ამიტომაც დაბეჯითებით ვითხოვ სახელოვანი სენიორისაგან ამ საქმის ინკვიზიციის ათეულისათვის⁹ გადაცემას; და ასევე, თანხმობას ასისტავ იაგოს დაუყოვნებლივ დასატუსაღებლად.

ისიც ითქვას, ახლანდელი გადასახედიდან, იაგოს მოქმედება გულუბრყვილობისა და ვერაგობის მეტად უცნაურ, თუმცადა ამით არანაკლებ ფეთქებად ნაზავად მოჩანს: ხელი არ დაუკლია, ჩემს ოფიცრებს შორის ჩამოეგდო შუღლი და განხეთქილება – ასე მაგალითად, კასიო – კაცი არამსმელი და მემთვრალეობის ყოველმხრივ წინააღმდეგომი – გალემილ მდგომარეობამდე მიიყვანა, მერე კი საკუთარ კოლეგას – როდრიგოს წაჰკიდა; შედეგად, არა მარტო

სწორედ შუღლი და ქიშპი ამ ერთი ციციქნა მიწის თაობაზედ. ოღონდაც, როგორცა თავად სენიორიაში, ვერეე მასთან მი-მო-წერისას, წესად არ იდვა საგნების მართლად სახელდება, რაკილა უკაზმულსიტყვაობა მდაბიორთა ხელწერად აღიქმებოდა, და ჩვენი მოროც, მოდას აყოლილი, რადაც ლათაიებს ჰყვება კუნძულის მშენებასა და მის ტურისტულ პოტენციალზედ (რედ. შენ.)

⁷ საგარაუდოა, ამირბარი მორო იმ დაუსაბუთებელ ბრალდებაზე მიანიშნებდეს, რომ თითქოსდა მას ახლო სექსუალური ურთიერთობა ჰქონდა იაგოს ცოლთან – ემილიასთან, რახედაც თავად იაგოს არაერთგზის დასცდენია ქარაგმული სიტყვა და თავის მხრივ, მის ოხტში ამოსვლასაც დაქადნებია. (ავტ. შენ.)

⁸ თავის მოადგილედ მორომ ახალგაზრდა, წარმოშობით ფლორენციელი კასიო დანიშნა, რითაც ძალზე გაანაწყენა კიდევ იაგო – ამას ნებისმიერი თეატრალი დაგიდასტურებთ (მთარგ. შენ.)

⁹ Dieci inquisitori di stato (ათი სახელმწიფო გამომძიებელი) – უმაღლესი სამსაჯულო დარბაზი, რომლის თანხმობითაც ხდებოდა მაღალი რანგის სახელმწიფო მოხელეების, ფლოტის ოფიცრებისა თუ სახმელეთო ჯარის მეთაურთა დაპატიმრება; შდრ.: Musatti, La storia politica di Venezia (1897); თუმცა ზოგიერთ სხვათა აზრით – მაგ. იხ.: Malmetti, La grandezza di Venezia (1892) – ეს ორგანო საერთოდ არ ერეოდა ესეგვარ საკითხებში. ასე რომ, თავად გადაწყვიტეთ (ავტ. შენ.)

სისხლი დაიღვარა, იძულებულიც გამხდა სამსახურეობრივი მოვალეობის აღსრულების მომენტში ატეხილი ყალილისათვის საკუთარი მოადგილე გადამეყენებინა დაკავებული თანამდებობიდან – ეს კი, გასაგები მიზეზების გამო, უფროს ოფიცერთა შორის საბრძოლო სულისკვეთების გამძფრებას სულაც არ შეუწყობდა ხელს....

ასევე, თავის ძირგამომთხრელ საქმიანობაში ზემოხსენებული იაგო არც ათასგვარ, თუნდაც ყოვლად ბრიყვულ ჭორ-ცილისწამებათა გავრცელებას ერიდებოდა: მაგალითად, ჩემი გვარის მქლერადობის დათამაშებით, მთელს გარნიზონს მოსდო, თითქოსდა ძარღვებში სარკინოზთა სისხლი დამიდის, მოსახლეობაში კი ხმებს ყრიდა – ნალდი ზანგია, ოღონდ ფერ-უმარილით იფერმკრთალებს სახესო! რაკილა, გასაგები მიზეზების გამოისობით, არანაირად არ შეძებლო ყოველ რიგითსა თუ კუნძულის მიერუებულ კუთხე-კუნჭულში მცხოვრებს პირადად დაუნახებოდი, ამ აბსურდულმა ჭორმა იმგვარად ფართოდ მოიკიდა ფეხი, ახლა ბევრის გადარმუენება აღარც ისე ადვილი იქნება...– ბოლოს და ბოლოს, თავადაც ხომ ამემღვრეოდა სული, ზემდგომად ვინმე ფერადკანიანი რომ დაგესვათ ჩემთვის!¹⁰

მაგრამ ეს კიდევ არაფერი – ჩემს მუნ-არყოფნისას იგი დაურიდებლად ამახინჯებს ჩემს კეთილ სახელს და კნინობითი ფორმით, თანაც გენუეზურ კილოკავზე (sic!) უქცევს – *ოტტელლო!* ვენეცია-გენუის ისტორიულ ქიშპს რომ თავი დავანებოთ, ეს ხომ სუბორდინაციის წესებითაც კი ყოვლად დაუშვებელი რამაა!

¹⁰ “შაანთა გადარწმუნებას” რაც შეეხება, ოტორინო ალბათ ვერც კი წარმოიდგენდა, რამდენად წინასწარმეტყველური აღმოჩნდებოდა მისი ვარაუდი! საერთოდ, თავად ფიქრიც კი, თითქოსდა იმდროის ვენეციის ფლორის ამირბარად მკერის ან ზანგის დანიშვნა ყოფილიყო შესაძლებელი, იმდენად აბსურდულია, სწორედაც რომ მხოლოდ თეატრალურ სამყაროში შეიძლებოდა ჰქონოდა გასაგალი! არადა, ქრისტოფორო ოტორინო მოროს მკერობა/სარკინოზობა იმგვარადვე დაუჯერებელია, როგორაც სუკ-ის ვინმე ყოფილი გენერლის CIA-ს დირექტორად დასმა!...

მორო ძირძველ არისტოკრატთა საგვარეულოდან გახლდათ (მარტო მილანის დუკას, ლოდოვიკო მოროს ხსენებაც საკმარისი იქნებოდა!) მამით – ბასანოდან, დედით – ბელუნოდან, ანუ ვენეციის მიმართ ლოიალურად განწყობილი ქალაქებიდან, ხოლო თავად ბრეშიაში დაიბადა და აღიზარდა, რაც რესპუბლიკისადმი ნეგატიურ განწყობას იმთავითვე გამოიციხავდა, მისი კანისფერი კი იმაზე მუქი არ გახლდათ, რაც რომ ხმელთაშუაზღვის აუზის მკვიდრთათვისაა დამახასიათებელი.

ახლა, მამამისი ხომ მოლად ქალაქის 1/6-ის ტრიბუნი გახლდათ – 37 კუნძულის, 63 არხისა და 21 ხიდის გამგებელი, ქრისტოფორომაც საუცხოო სამხედრო კარიერა გაიკეთა და განსაკუთრებით სწორედ თურქებთან ბრძოლაში, დურაცცოს მიდამოებში შესლისას გამოიჩინა თავი. შემდგომ ამისა, მამამისის კოლეჯისა და მეგობრის, სენატორ ბრანანციოს ქალიშვილზე, დეზდემონაზე იქორწინა და როგორც გადმოვცემენ, ეს დაუვიწყარი სანახაობა იყო – ხალხის სამდღიანი სეირნობები მერიის ხარჯზე, ლაგუნის თავზე დამისეული ფეიერვერკებითა და საერთოდ, ძნელი წარმოსადგენია, სენიორიას რაიმე სახის მეზალიანსი დაეშვა ამ დღეებზე და ამგვარი პომპეზურობით... თუქცადა, რაც არ უნდა უცნაურად მოგეჩვენოთ, უკვე ვინმე ნოველისტი, პატისტა ჩინტიო ჯირალდი თავის კრებულში Glii hecatomithi მოროს “მაერად” იხსენიებს, გარნა ზემოხსენებული ვაჟბატონი ამ უკანასკნელის თანამედროვე გახლდათ; ერთი ეგაა, ეგ ჯირალდი ემანუელ ფილბერტ საუიელის სამსახურში იდგა, მისი ბატონი კი არათუ უბრაოდ იყო დოქორსიანიანისთან რაღაც სადამ მემკვიდრეობისა გამო, სერთოდაც ცნობილი გახლდათ თავისი ანტიფენეციური გუნება-განყოფილებით (იხ. მაგ.: Bertino, Glii hecatomithi di G.B. Cintio, 1903). შემდგომ ამისა, ჩვენს მიერ აგრეთვე უკვე ნახსენებმა უ.შექსპირმა XVI საუკ. მიწურულის ვენეციის რესპუბლიკისათვის დამახასიათებელი საზოგადოებრივი, პოლიტიკური და ეთნოფსიქოლოგიური რეალიტების სრული იგნორირებით, Moro ‘Moore’-ად (მაერად, სარკინოზად) მოთარგმნა და საწადელსაც მიადწია – აქამომდე არც ერთ თეატრალურ კრიტიკოსს (თუკი ამგვარნი საერთოდ არსებობენ) მისი გმირის მკერობის თაობაზე ეჭვიც არ აღძვრია. (რედ.შენ.)

ოღონდაც პირადად ჩემთვის მთლად გამაოგნებელია ასისტავის უბადრუკი მცდელობანი – ჩემი ოჯახური ცხოვრების დანგრევის განზრით. არადა, სიმართლე ითქვას, მე რომ ამგვარი აუღელვებელი ხასიათის, გაწონასწორებული ზნისა და ცივი გონებით განსჯას ჩვეული კაცი არ ვიყო, საგსებით შესაძლებელია, ერთხელაც წონასწორობა დამეკარგა და უკადრისიც მეკადრებინა...

საქმეც ის გახლავთ, თქვენო უკეთილშობილესობავ, რომ სამიზნედ მას ჩემი სათაყვანო მეუღლე გაუხდია და ყოველი ქვენა ზრიკებით მისთვის სახელის გატეხვას ცდილობს! თანაც ამას იმდენად გამჭვირვალედ, გულუბრყვილოდ და უგერგილოდ სჩადის, გული მოგიკვდება კაცს! მაგ.: დეზდემონას კუთვნილ რაიმე სამშვენისს შეუკვდებს ხოლმე მაგან ოფიცერს ბინაზე, ან ჩემს დასანახად შუბლს შეიჭმუხნის, როცა კი ჩემს მეუღლეს შტაბის წევრებით გარშემორტყმულს ხედავს (დმერთო ჩემო, სწორედ ის იქნებოდა არაბუნებრივი, ამგვარ მომხიბლავ არსებას აინუნშიც რომ არავინ აგდებდეს!) ან ვითომდა სულაც ყურმოკრულ ამბავზე მიმანიშნებს ხოლმე, უცაბედად... ჩიტი ბღღვნად არ ეღირებოდა, მცდელობა რომ სურვილზე არ მიანიშნებდეს, სურვილი – მიზანზე, ხოლო თავის მხრივ, ჩვენს მიერ ხელში ჩაგდებული საიდუმლო ბარათი – იმ სამხილზე, პირდაპირ და არა-ორაზროვნად რომ ააშკარავენს იაგოს ღალატს!

აღსანიშნავია ისიც, რომ თავის ქმედებათა შესანიღბად იგი ძალ-ღონეს არ იშურებს – როგორ გამოსდის, ეს სხვა საკითხია – ვთქვათ, ყველას კარგად მოეხსენება მის დამქირავებელ მაჰმადიანთა დამოკიდებულება ღვინის მიმართ, და ჩვენი ასისტავიც დილა-სალამო ყურძნის ნაჟურის საქებარ სიმღერებს დასძახის, რეპერტუარი კი სრულიად განსხვავებულია ვენეციურისაგან – როგორც ფორმით, ასევე შინაარსით, და შეურაცხყოფელი ჩვენი ეროვნული თვითშეგნებისათვის, სამხედრო დოქტრინაზე რომ აღარაფერი ვთქვათ.¹¹

ჩემგან მიღებული ინსტრუქციების თანახმად, ჩემი მეუღლეცა და მთელი სამხედრო პერსონალი ისე იქცევა, თითქოსდა იაგოს კოჭი აღჩუხე უჯდეს – შემფოთებას გამოთქვამენ, დამწუხრებული სახეებით დაიარებიან; მე კი ვცდილობ, ადექვატურად მოვიქცე – ანუ, აბორიგენტა ენაზე – “ავვარი” – ვლიზიანდები, ვეჭვიანობ, ვიმუქრები და შიგადაშიგ, ბნელად წამომივლის ხოლმე. ოღონდ ამგვარი, სამხედრო კაცისათვის სრულიად უგვანი ქცევა შესაძლოა ცუდად შემომიტრიალდეს – ბოლოსდაბოლოს, ყველას ხომ ვერ აუხსნი ამ ფარული თამაშის წესებს – ამიტომაც მოუთმენლად მოველი თქვენს მიერ ხელდასხმული კომისიის ჩამოსვლას, რათა დროულად უვნებელვყოთ მტრის ჯაშუში, მე კიდევ საშუალება

¹¹ რაოდენ უცნაურიც არ უნდა მოგეჩვენოთ, ეს ინგლისური ყაიდის სიმღერებია – იხ. იგივე უ.შე-ქსპირი, “ოტელლო”, II, 3. როგორ და რანაირად მოხვდნენ ისინი ნისლიანი ალბინიდან შზიან კვიპროსზე, თანაც – ვენეციურ დიალექტზე გადაწყობილები, სრულიად გაუგებარია. გარნა თუ იაგო ორმაგი აგენტი იყო და ინტელიჯენს სერვისსაც ედგა სამსახურში! ბრიტებს კი წესად უდევთ, ყოველგვარი ვარჯიშობებისა თუ კლუბური შებვდრების შემდგომ, ყელის გასველებისას, a capella დასძახონ ხოლმე... (ეჭ. შენ.)

მომეცეს, ჩემს უშუალო მოვალეობათა აღსრულებას მიეყო ხელი: რა დასამალია და, მდგომარეობა მძიმეა – როგორც სტრატეგიული, ეგრევე ტაქტიკური თვალსაზრისითაც; დროც მცირე გვაქვს და თუ სასწრაფოდ არ მივმართავთ გადამჭრელ ზომებს, ყველა ვენეციელისათვის ეგზომ შეტკობილი, ლამის საკუთარ მიწა-წყლად მიჩნეული, ღვთივკურთხეული კუნძული კვიპროსი ვაითუ, თურქთა უღელქვეშ აღმოჩნდეს! ამაზე ფიქრიც კი გულს მიკლავს და სულს მიშფოთებს.....

დაეშთები მარად –
რესპუბლიკისა და პირადად თქვენი ერთგული,
ვენეციის ფლოტის ამირბარი

ქრისტოფორო ოტორინო მორო

ერთვის ჩემი ბეჭედიცა და ხელრთვაც.

* * *

მთლიანობაში ისეთი შთაბეჭდილება რჩება, თითქოსდა უსტარი ესე უზადოა, სრულად გადმოგვცემს ვითარების არსსა და თავად ამირბარის ქცევას – ვითარცა წინდახედულის, შორსმჭვრეტელისა და საერთოდ, ლამისაა სახელმწიფოებრივად მოაზროვნე კაცის ქმედებად წარმოგვისახოს. ოღონდაც სენიორიისა და თვით დოჟის რეაქცია სრულიად გაუგებარი გახლდათ (ყოველ შემთხვევაში, დღესამომდე): სამხედრო დახმარების გაწვევისა და იაგოს დაპატიმრებაზე ორდერის გაცემის მაგორად, მათ მრავალკაციანი დეპუტაცია მიაგლინეს კუნძულზე – რაც არ უნდა უცნაურად მოგეჩვენოთ – ქ.ო. მოროს დოჟისნაცვლისა და გარნიზონის თავის თანამდებობიდან გადასაყენებლად და მის ადგილას თავის მხრევადრე მოადგილეობიდან გადაყენებული კასიოს დასანიშნად! ზოგნი მკვლევარნი (იხ. მაგ.: Hewlett, Venetian Republic, ‘Rise, Growth, Fall’ 11, 1900) იქამდეც კი მივიდნენ, მთელ ამ ამბავს მოროს მხარდამჭერ აქციად წარმოაჩენდნენ: ვითომდა თავად ვენეციაში უკვე მომწიფებულიყო აზრი, რომ კვიპროსი დაკარგულია რესპუბლიკისათვის და შორსმიმავალი შიდაპოლიტიკური მიზნების კვალად, სულაც არ სურდათ, ტერიტორიის დაკარგვა მათი რჩეული გმირის სახელთან ყოფილიყო ასოცირებული... თუმცადა, ამ საზრისის ისიც უმაგრებს ზურგს, რომ დელეგაციის შემადგენლობაში იმყოფებოდნენ დეზდემონას დვიძლი ბიძა, ანუ სენატორ ბრანცინოს ძმა, გრაციანო და დვიძლი ბიძაშვილი ლოდოვიკო, რომელმაც წამოაყენა კიდევ კუნძულის კომენდანტად ვინმე ახალის დანიშვნის მეტად საორჭოფო იდეა.

სიმაართლე მხოლოდ საუკუნეების მერე გაირკვა, სანამ ვინმე ბერარმა,¹² სრულიად შემთხვევით, ვენეციის მუნიციპალური მუზეუმის საცავებში ერთ ხელნაწერს არ მიაკვლია (#149/F-221, Ven.-01-70), რომელიც ახლა, გარკვეული ანალოგიით, “იაგოს რაპორტითა” სახელდებული.

დოკუმენტის ტექსტი მოგვყავს სრულად, ბერარისეული პუბლიკაციისდა მის.:

ფამაგუსტა, კვიპროსი.

27. VII. 1570

მის აღმატებულებას, ფერრანდო ბონდელმანტის – საიდუმლო პოლიციის თავს.

ვენეცია, პიაცცა დი სან-მარკო, 57

ხ-ხ.¹³

სამხრეთის ვარსკვლავი მოგახსენებთ, რომ სისრულეშია მოყვანილი ალტერნატიული – **ბ**) ვარიანტი გვემისა Pax Cypria. აღსრულების დაჩქარება იძულებითი იყო, ვინაიდან თურქების საზღვაო ფეხოსანთა დესანტი, უტყუარად, უკვე უახლოეს ხანს ეპირება ხმელეთზე გადმოსხმას, ხოლო ჩემი სათვალთვალ ობიექტის თანამშრომლობა მომხდურებთან ეჭვის საბაბსაც კი აღარ გვიტოვებდა. გვემის ეს ალტერნატივა იმიტომაც ვარჩიე, რომ **ა**) ვარინტის განსახორციელებლად (დაპატიმრება, ვენეციაში ბადრაგის თანხლებით გადაგზავნა, სასამართლო პროცესის გამართვა და, საბოლოოდ, მოლალატის ეშაფოტზე აყვანა) დრო აღარ რჩებოდა; მეორის მხრივ, საქმე სენიორიის დელეგაციის ჩამოსვლამაც გაართულა – მათი მტკიცებით, ვენეციის რესპუბლიკის დიადი სახელი უმწიკვლოდ უნდა შეგვენახა, ოტტელლოს სიმუხთლის გახმაურება კი აუწონავ ზიანს მოუტანსო “საერთაშორისო ვაჭრობის დედოფალს” (!) ისიც ითქვას, ამირბარის პოპულარობა იმდენად დიდი გახლდათ ჯვარსა თუ მოსახლეობაში, რომ ვერანაირი სამხილი (რომელთა რაოდენობა რამდენიმე სქელ საქადალდეს იჭერს) მათი კერპის ვერაგობასა და ღალატში მათ ვერ დააჯერებდა.

ამიტომაც გავხდი იძულებული, ფრთხილად, უხმაუროდ მომეკვდინებინა არა მარტო თავად დოქისნაცვალი, არამედ მისი მეუღლე დეზდემონაც, ვინაც არა მხოლოდ სრულად გახლდათ ინფორმირებული საკუთარი მეუღლის უმსგავსო

¹² იხ. A. Berar, *Cypris, Chronique de L'ille de Chypre au Moyenage*, 1907

¹³ ხელი-ხელ, ხელიდან-ხელში (*მთარგ. შენ.*)

ქმედების თაობაზე, არამედ თავდაც აქეზებდა და უბიძგებდა მას ამისაკენ;¹⁴ ასევე, კადეტი როდრიგო, კაცი საკუთარი მეთაურის მალმერთებელი და ღალატის ბრმა იარაღად ქცეული მის ხელთ, და კვლავ, ასევე – მეუღლე ჩემი ემილია, ვინაც ამირბარმა, დეზდემონას მეშვეობით, ორგზის გამოიყენა მეკავშირედ თურქებთან მოლაპარაკებისას...

ყოველივე ესე მოვიმოქმედე ვენეციის რესპუბლიკისათვის თავდადებითა და სრული შეგნებით, რომ არავითარი სხვა საშველი აღარ იყო. რაც შეეხება განაჩენის აღსრულების ფორმას, მის მოტივირებასა და შესაბამის ლეგენდას, ყოვლად ბანალური, გარნა ქმედითი ვარიანტი შევარჩიე – წრეგადასული ეჭვიანობა ადიულტერის ნიადაგზე და, შესაბამისად, გონების ტემპორალური დაბინდება.

ველი თქვენს შემდგომ მითითებებს.

სამხრეთის ვარსკვლავი, აგენტი № 00,09 ¹⁵

თარბმანი და შესაბამისი კომენტარები: ეია ჯემჭიძე

¹⁴ “*მეიფეა სული დედაკაცისა!*” — უ. შექსპირის შენათხავეში, ვინძლო, ეს ერთადერთი ფრაზა შეესაბამებოდეს სიმართლეს! ჩანს, დეზდემონამ ვენეციაში სეფექალობას კვიპროსის ერთპიროვნული გამგებლის (რა ტიტულიც, სავარაუდოა, უნდა ბოძებოდა კიდევ — გარიგების თანახმად — ოტორინოს სელიმ II-ისაგან) ცოლობა, ანუ, დღევანდელი ტერმინოლოგიით, “I ლედის” სტატუსი ანაცვალა. (ავტ. შენ.)

¹⁵ ვინ იფარებოდა ამ ციფრების მიღმა, ვფიქრობთ, ძნელი მისახვედრი არ უნდა იყოს. ჩვენის მხრივ ისლა დაგვრჩენია დაეუმატოთ, რომ ამ ამბებიდან სულ რამდენიმე თვის შემდგომ, სელიმ II-ისა და ლალა მუჰამედ ფაშას მხედრონი მართლაც გადმოსხდა კუნძულზე; დაჭრილი კასიო პოლკონიკმა ბრაგადინომ შეცვალა და თუმცა დამხდურებს ცდა არ დაუკლიათ, თურქებმა ვებეისა და სკუტარის დათავისებას აწ უკვე კუნძული კიბრისიც ზედ დაურთეს....

ამგვარია ისტორიის ჭეშმარიტი სვლა, რაშიც პირად-საქმიანი, რომანტიკული თუ სულაც ცოლ-ქმრული პერიპეტეები სრულიად არარელევანტურია, ხოლო მათგან რალაც ტრაგედიების შეთხზვა – მთლად უკადრისი საქციელი თუ არა, ყოველ შემთხვევაში, ცუდმედიდობის ნიშანი მაინცაა – რასაც, ჩვენის ღრმა რწმენით, ვერანაირი თეატრალიზებული წარმოდგენები ვერ გაამართლებს...

წერილები, ესეები, ნარკვევები

მარიო ვარგას ლიოსა

‘თავისუფლების კულტურა’

ჯონ მილტონი

‘სიტყვა თქმული პარლამენტის წინაშე — ბეჭდვითი
სიტყვის დასაცავად’





მარიო ვარგას ლიოსა

თავისუფლების კულტურა

უცნაურია – გლობალიზაციის პროცესის წინააღმდეგობა ძირეული არ-გუმენტები სულაც არ ეყრდნობა ეკონომიკის საკითხებს; სოციალური და ეთიკური – ეგ თავისთავად, ოღონდ თავისებურ საჯილდაო ქვად მაინც კულტურის პრობლემები აქვთ ქცეული: ასე იყო 1993წ. სიეტლში ატეხილი დიდი ყალიღის დროს და იგივე განმეორდა შემდგომ დავოსში, ბანგკოკში, პრაღაში... ნეგაციურ დებულებათა პირამიდა კი დაახლოებით ასე გამოიყურება:

სახელმწიფოებრივი საზღვრების მოშლა და საერთო ბაზრით ურთიერთ-შეკავშირებული მსოფლიოს შექმნა უმძიმეს დარტყმას მიაყენებს ეთნიკურ თუ ეროვნულ ერთობებს – მათს ტრადიციებს, წეს-ჩვეულებებს, მითებს, ზნეობრივ ნორმებს – ანუ ყველაფერ იმას, რაზეც ამა თუ იმ ქვეყნის ან ერის თვითმყოფადობაა დაფუძნებული; და რაკილა მსოფლიოს უმეტეს ნაწილს არ ძალუძს განვითარებული ქვეყნების კულტურათა – უფრო სწორად, ამერიკის შეერთებული შტატების, ამ სუპერერთეულის – პროდუქციის მოძალეებას გაართვას თავი, ჩრდილო ამერიკის კულტურის სტანდარტები უცილობლად გადაჯეგავენ მცირე კულტურათა მრავალფეროვნებას. ასე და ამგვარად, მთელი დანარჩენი მსოფლიო, და არა მხოლოდ სუსტნი და მცირენი დაკარგავენ საკუთარ იერსახეს, თვითობასა და სულიერებას – XXI საუკუნეში ისინი რაღაც დანამატებად, თავისებურ კოლონიებად იქცევიან – ასე ვთქვათ, ახალი იმპერიალიზმის მიერ თავსმოხვეული ფსევდოკულტურის ზომბირებულ კარიკატურებად; თავად ეს ახალი წყობა კიდევ (სამხედრო, სამეცნიერო და სხვ. და სხვ. უპირატესობათა ხარჯზე) საკუთარ ენას, აზროვნების წესს, რწმენას, დროსტარების ჩვევებსა და ოცნების ფორმებსაც კი გააბატონებს დედამიწაზე...

ნეგატიური უტოპიის ეს კომპარი, რომელიც (რაღა თქმა უნდა, ისევე ა.შ.შ.-ს წყალობით) ლინგვისტურ და კულტურულ უდაბნოდ ქცეულ ჩვენს პლანეტას წარმოგვისახავს, სულაც არაა ე.წ. “მესამე სამყაროს” წარმომადგენელთა – ანუ მარქსის, მარსა თუ ჩე გევარას აპოლოგეტ მემარცხენე პოლიტიკოსთა ნაჩალიჩარი საფრთხობელა: მოსპობა/განადგურების მოლოდინის ეს ფსიქოზი, ეს ქვეცნობიერი შიში ჩრდილო ამერიკელი გიგანტის მიმართ მაღალკულტურული ერების რიგით წარმომადგენლებსა და განვითარებული ქვეყნების პოლიტიკურ სპექტრშიც შეინიშნება.

ამის ყველაზე თვალსაჩინო მაგალითი საფრანგეთია, სადაც წარამარა იმართება გლობალიზაციის საფრთხის წინაშე დამდგარი “კულტურული თვითობის” გადარჩენის სამთავრობო კამპანიები. ინტელექტუალები და პოლიტიკოსები ტალღა-ტალღაზე იმადლებენ ხმას – აქაოდა მონტენის, დეკარტეს, რასინის, ბოდლერის ქვეყანა – ქვეყანა, რომელიც, ამავე დროს, ჩაცმა-დახურვის, ყველა

სახის ხელოვნების, სასმელ-სამზარეულოსა და საერთოდ, სულიერების ჭიბი იყო – ახლა მაკდონალდისის, პიცა-სასადილოების, კენტაკური ტაბაკასა და ჯაზ-როკის, რეპის, ჰოლოვიუდური ჰეპი-ენდების, ჯინსების, სნიკერსების, ტოპიკების (სია დაუსრულებელია...) კულტურად შეიძლება ჩამოქვეითდეს. შიშს დიდი თვალები აქვს და შედეგად, ფრანგები დიდძალ სუბსიდიებს ახმარენ საკუთარი კინემატოგრაფიის ინდუსტრიას, ითხოვენ ყოველ კინოთეატრში თავისი წილი ელოს ფრანგული ფილმების ჩვენებას და შემცირდეს ამერიკული პროდუქციის იმპორტი. ამას დიდი ფულადი ჯარიმების დაწესება მოჰყვა მოლიერის მშობლიურ ენაში ანგლიციზმების შემოტანის აღსაკვეთად (სარეკლამო განცხადებებს ვგულისხმობ). თუმცა, პარიზის ქუჩებში მოხეტიალე უცხოელის თვალით, ამ დირექტორებს დიდი ვერაფერი შედეგი მოუტანია. იმავე მიზეზით, ვინმე ჟოზე ბოვე, ე.წ. *სწრაფკვების წერტილის* (Fast-food) წინააღმდეგომი, უპოპულარულესი პიროვნება გახდა, ხოლო დილეგში სამი თვით მისმა გამოკეტვამ ეს, ასე ვთქვათ, ფერმერ-ჯვაროსანი ლამის საფრანგეთის ეროვნულ გმირად აქცია...

პირდაპირ გითხრათ, მთელი ეს არგუმენტები გლობალიზაციის წინააღმდეგ ჩემთვის სრულიად მიუღებელია, ოღონდ ისიც უნდა ვაღიარო, რომ სიმართლის რაღაც მარცვალ მათში მაინც არის. წინასთან შედარებით, ეს საუკუნე მართლაც უფერული გამოჩნდება, თუკი უკვალოდ გაქრა ის ტრადიციები, დღესასწაულები, ცერემონიები, წეს-ჩვეულებები თუ რწმენები, რაც ადამიანთა მოდემას ეთნოლოგიურ და ფოლკლორულ მრავალფეროვნებას ანიჭებდა. არადა, საზოგადოების უმეტესი ნაწილი მართლაც ნელი-ნელ ივიწყებს მათ და, შესაბამისად, ყოველდღიურობის რეალობას უსადაგებს ცხოვრების ნირს. მეტნაკლებად ყველა ქვეყანაში იგრძნობა ეს პროცესი – ზოგან მეტად, ზოგან ნაკლებ, ოღონდ გლობალიზაცია აქ არაფერ შუაშია: ეს უფრო **მოდერნიზაციის** პროცესია, რაც, თავისთავად, პირველს – შედეგად, ხოლო ამ უკანასკნელს უკვე მიზეზად აქცევს. რაღა თქმა უნდა, სინანულით თავის ქნევა უპრიანია, როცა წარსულზე ვლაპარაკობთ, როცა დღესინდელი გადასახედიდან წარსული საუკუნეების ცხოვრების წესი მხოლოდ სიხალისით, თვითმყოფადობითა და სისხლსავსე მდინარებით გამორჩეული გვეჩატება; იმასლა ვწუხვართ მხოლოდ, რომ პროცესი ესე, უბრალოდ, შეუცვლადია: კუბისა თუ ჩრდილო კორეის ტოტალიტარული რეჟიმები, იმის შიშით, ემანდ გარე სამყაროდან რაიმე სიახლე არ შემოგვაპარონო, საკუთარ ნაჭუჭში იკეტებიან და ათასგვარ აკრძალვებსა და შეზღუდვებს იგონებენ, ოღონდ მათაც კი არ ძალუძთ მოდერნიზაციის შედწევას მოულონ ბოლო და მათი კულტურული თავისთავადობის სტერილიზაცია მოახდინონ. თეორიულად, იქნებ ამგვარი რამ შესაძლებელიც კია, ოღონდ ეს მხოლოდ იმ შემთხვევაში, თუკი მთელი ქვეყანა – ამაზონის აუზისა თუ აფრიკის ზოგიერთი ტომივით – სრულ იზოლაციას არჩევს და სრულად თვითმკმარ არსებობას განაგრძობს. ოღონდ ეგაა, ამგვარად დაკონსერვებული კულტურული თვითობა მოცემულ საზოგადოებას ცხოვრების პრეისტორიულ სტანდარტებთან თუ დააბრუნებს.

განა ვინ დავობს – მოდერნიზაცია ცხოვრების ტრადიციულ წეს-ჩვეულებების დაკნინება/გაქრობას იწვევს; ოღონდ იმავდროულად, ახალ შესაძლებლო-

ბებსაც სახავს და მთლიანად საზოგადოების განვითარებისათვის წინგადასადგამ ნაბიჯს უშინებებს ნიადაგს. სწორედ ამიტომ, თუკი თავისუფალი არჩევანის უფლება მიეცათ, ერები ზოგჯერ იმის საწინააღმდეგო გზას ადგებიან, რასაც მათი ემოციური ტრადიციონალისტი ლიდერები ისურვებდნენ.

გლობალიზაციის წინააღმდეგ მიმართული მთელი ეს მოძრაობა და კულტურული თვითობის თავგადაკლული დაცვა თავად ცნება “კულტურის” გააზრების სტატიკურ თვალსაზრისს ეყრდნობა, რასაც – ისტორიული გადასახედიდან – არავითარი საყრდენი არ გააჩნია. ანუ საკითხავი ისაა, რომელი ერთი კულტურა ოდესმე გადარჩენილა უცვლელი სახით? ამგვარი მაგალითები მხოლოდ რიცხობრივად მცირე, პრიმიტიულ, ცრურწმენებით მოსილ ტომებში შეგვიძლია მოვიძიოთ. ოღონდ ეგაა, სწორედ რომ მათი პრიმიტიული ცივილიზაციის გამო, მუდმივად ემუქრებათ ექსპლოატაციისა თუ გადაგვარების ხიფათი. სხვანი კიდევ, ვისაც თანამედროვე და სიცოცხლისუნარიან კულტურებად აღვიქვამთ, იმდენად იცვალეს სახე, ცხოვრების წესით ახლა ძნელად თუ მივამსგავსებთ მათს წინაპრებს. ამგვარი ევოლუცია იმდენად თვალშისაცემია საფრანგეთის, ესპანეთისა თუ ინგლისის მაგალითზე, რომ თუნდაც ბოლო ნახევარი საუკუნის განმავლობაში სახეცვლილი საზოგადოება საგონებელში ჩააგდებდა მარსელ პრუსტს, ფედერიკო გარსია ლორკასა თუ ვირჯინია ვულფს – სწორედ მათ, ვინც თავის დროზე ამ ცვლილებების დასაწერგავად გამოიღო ხელი.

საერთოდ, ეს “კულტურული თვითმყოფადობის” ცნება მეტად სახიფათო რამაა – თავისთავად საეჭვო, ხელოვნური კონცეფცია, პოლიტიკურ პერსპექტივაში ადამიანის უძვირფასეს მონაპოვარს, თავისუფლებას რომ ემუქრება. სულაც არ ვუარყოფ: ხალხს, ვისაც ენა, საცხოვრისი, ღვთის რწმენა, წეს-ჩვეულებები და პრობლემებიც კი მეტ-ნაკლებად საერთო აქვთ, ზოგადი მახასიათებლებიც საერთო ექნებათ; ოღონდ ეს კოლექტიური ცნება ვერანაირად ვერ განსაზღვრავს ყოველი წევრის მახასიათებელს და მხოლოდღა ზოგად, ასე ვიტყვოდი, მეორად საერთო თვისებებს მიაწერს პიროვნებას, მუდამ რომ განსხვავდება ამა თუ იმ საერთო ჯგუფის მახასიათებლიდან. თვითობის გააზრება კიდევ, თუკი ის ინდივიდუუმს არ ითვალისწინებს, დასაბამითვე რედუქციონისტულია და პიროვნულობისაგან დაცლილი – ერთგვარი კოლექტივისტური იდეოლოგიური აბსტრაქცია, რომელიც უარყოფს ყველაფერს, რაც კი ადამიანს თავად მოუპოვებია შთამომავლობითი, გეოგრაფიული თუ სოციალური ზეწოლის თვინიერ. მე თუ მკითხავთ, პირიქით – ჭეშმარიტი თვითმყოფადობა ყოველივე ამის გადააზრება/დაწურვასა და საკუთარი ქმედითობის გამოვლენაში მდგომარეობს.

კოლექტიური თვითობის ცნება, უბრალოდ, იდეოლოგიური ფიქციაა და ნაციისტობის საფუძველი. ჭკუასადი ეთნოლოგებისა და ანთროპოლოგებისათვის ამგვარი თვითობა უარქაულეს თემებშიც კი პირობითია – რა გინდა რა ძლიერი იყოს საერთო წეს-ჩვეულებებისა თუ ადათების გავლენა, პიროვნული თვითგამორკვევის სურვილი მუდამ ცდება ჯგუფური ინტერესების საზღვრებს. გლობალიზაცია ყველას განურჩევლად საშუალებას აძლევს საკუთარი კულტურული თვითობის კონსტრუირება ნებით, საკუთარი შეხედულებებისა და მიდრეკილებების

მიხედვით მოახდინოს. დღესდღეობით, სხვადასხვა ქვეყნის მოქალაქეები ვალდებულნი აღარ არიან, როგორც ეს ადრე იყო და როგორც ეს ჯერ კიდევ შეუვალა დედამიწის არაერთ კუთხეში, სიცოცხლის ბოლომდე მიეკუთვნებოდნენ იმ “კულტურული თვითმკმარობის” ბიწიერ წრეს, რაც ენის, რელიგიისა და ადათ-წესების ძალის მეშვეობით ამ წრიდან თავის დახსნის არანაირ შანსს არ უტოვებს ინდივიდუუმს. ამ გაგებით, გლობალიზაცია პიროვნული თავისუფლების საზღვრებს მართლაც რომ დაუსაზღვრავს ხდის.

ერთი კონტინენტის ორი ისტორია

ვფიქრობ, რაც კოლექტიური თვითობის ჩამოყალიბებას შეეხება, ლათინური ამერიკა თავად ამ მცდელობის აბსურდულობისა და ხელოვნურობის საუკეთესო მაგალითია. რა შეიძლება ლათინური ამერიკის კულტურული ერთობის საგნად დავსახოთ? რწმენის, წეს-ჩვეულებების, ტრადიციების, მითოლოგიზაციის რა ერთობლიობა იძლევა ამ რეგიონის განუმეორებელ, უცვლად მეობას? ამ შეკითხვაზე პასუხის გაცემის მცდელობისას ატეხილი ინტელექტუალური შეხლა-შემოხლის შედეგად მთელი ჩვენი ისტორია გაყალბების საგნად გადაიქცა. ყველაზე განმარტებული პოლემიკა კი ე.წ. პისპანისტებსა და ინდიჯინისტებს (‘ძირძველი თვითმყოფადობის’ თეორიის მომხრეთა) შორის ჯახს მოჰყვა XX საუკ. დასაწყისში. პირველნი – ხოსე და რივა აგუეროს, ვიქტორ ანდრეს ბელონდესა და ფრანსისკო გარსია კალდერონის მსგავსად, სრული თვითდაჯერებით ირწმუნებოდნენ, რომ ლათინური ამერიკა “დიადი აღმოჩენისა” და კონკისტადორების, გაქრისტიანებისა და ესპანურ/პორტუგალიური ენების გათავისების შედეგად წარმოიშვა, ხოლო შემდგომ, ზემოჩამოთვლილ წინაპირობათა ჯამმა იგი უკვე დასავლური ცივილიზაციის ნაწილად აქცია. პისპანისტები სულაც არ ცდილობდნენ დაეკნინებინათ წინარე-ესპანური კულტურების ღირებულება, ოღონდაც მიიჩნევდნენ, რომ ამ უკანასკნელთ მხოლოდ მეორადი როლი მიენიჭათ სამხრეთ ამერიკის სოციალური და ისტორიული რეალობის შექმნაში – შემდგომ კი სწორედ თანამედროვე დასავლეთის ცხოველმყოფელმა გავლენამ გაამთლიანა რეგიონის თვითმყოფადობის ჭრელზე-ჭრელი მოზაიკა.

“ინდიჯინისტებად” სახელდებულნი მათი მოწინააღმდეგეები კიდევ პირიქით – განაწყენებულნი უარყოფდნენ ყველა იმ სარგებელს, რაც ბებერმა ევროპამ თითქოსდა შესძინა ლათინურ ამერიკას. ჩვენს თვითობას წინარეკულტურებსა და ცივილიზაციებში აქვთ ფესვები გადგმულიო, – ირწმუნებოდნენ, – რომელნიც ძალისძალად მოგვეკეთეს აკრძალვების, რეპრესიების, მარგინალიზაციის შედეგად – და ეს არა მხოლოდ სამსაუკუნოვანი კოლონიური მმართველობის ხანაში, არამედ ამგვარი ამპუტაციის პროცესი შემდეგაც გრძელდებოდა – უკვე რესპუბლიკების გამოცხადების შემდგომო. ინდიჯინისტთა ღრმა რწმენით, ჭეშმარიტი “ამერიკული ხატება” (ყოზე ლეზამა ლიმას ერთი ნაშრომთაგანის სათაურს რომ დავესესხოთ) სწორედ ადგილობრივი ენების, რწმენების, წეს-ჩვეულებების, ხელოვნების ნიმუშების იმ დეტალებსა და ნიუანსებში გამოსჭვივის, რაიც დასავლური კულტურის შემოტევას გადაურჩა. მეც-

ნიერული აზროვნების ამ ფრთის ერთმა თვალსაჩინო წარმომადგენელმა, პერუელმა ლუის ვალკარსელმა კოლონიური ბატონობის ხანის უკლებლივ ყველა ძეგლის განადგურების იდეაც კი წამოაყენა – მათი “ანტი-პერუანული” ბუნებისდა გამო: ისინი, ასე ვთქვათ, წმინდა, ჭეშმარიტ, ძირძველ სამხრეთამერიკულ თვითობის წარმოჩენას უშლიდა ხელს... ასევე, ლათინური ამერიკის ერთი უორიგინალურესი რომანისტი, ხოსე მარია არგუელასი ეპიკურ სტილში, ერთობ მჭექარე ხმითა და შინაგანი პროტესტის მუხტით მოგვითხრობს ანდების მთიან მხარეში, კჩუას ტომის ძირძველი კულტურის თვითგადარჩენის ამბავს – ხალხის ერთიან ძალისხმევას დასაუღეთის მადრჩობელა, ყოვლისმომპოვებელი და “წესის ამღვრევი” ზეწოლის მიუხედავად.

ორივე ამ მიმდინარეობამ ისტორიული შრომებისა და მხატვრული ლიტერატურის არაერთი თვალშისაცემი ნიმუში დაგვიტოვა; ოღონდ, თანამედროვე გადასახედიდან, ერთიცა და მეორეც საკუთარ თავში ჩაკეტილ, რედუქციონისტულ და საერთოდ, სრულიად მცდარ დოქტრინად წარმოგვიჩნდება. ვერც ერთი ვერ ახერხებს ლათინური ამერიკის კულტურული სიჭრელის საკუთარ იდეოლოგიურ არტახებში ბოლომდე ჩასმას და თანაც, ორივე ეს მიდგომა რაღაც რასისტული სულისკვეთებითაა სუნდაკრული... დღესდღეობით რომელი ჭკუათმყოფელი დაიწყებს მტკიცებას, თითქოსდა ლეგიტიმურად მხოლოდ ესპანურ-პორტუგალიური ან ამა თუ იმ ინდიელთა ესა თუ ის კულტურული შრე წარმომადგენდეს ლათინურ ამერიკას?! და მაინც, ხანგამოშვებით თავს იჩენს ხოლმე ჩვენი “კულტურული თავისთავადობის” ხაზგასმისა და გამოყოფის იმგვარი პოლიტიზირებული მცდელობა, რომ ნებისმიერ სხვა სფეროში ამგვარი თავგამოდება დასტურ რაღაც დადებით შედეგს მოიტანდა. პიროვნებისათვის “კულტურული თვითობის” თავსმობხვევა დილემაში გამომწვევდევს ტოლფასია: ანუ, ნება წართვა თავად აირჩიოს – როგორ, რა გზით, და ვინ სურს გახდეს იგი.

ლათინურ ამერიკას არა ერთი, არამედ რამდენიმე კულტურული თავისთავადობა ახასიათებს და მათგან ვერც ერთი ვერ დაიკვივნის იმაზე მეტ ლეგიტიმურობასა თუ შეუძღვრელობას, რაც მას რეალურად გააჩნია. რაღა თქმა უნდა, ლათინური ამერიკის არეალი ესპანურისწინა კულტურებსაც მოიცავს, რომელთა გავლენა ჯერ კიდევ ძლიერია მექსიკაში, გვატემალასა და ე.წ. ანდების ქვეყნებში, ოღონდ იგი ასევე ხუთსაუკუნოვანი ტრადიციების მქონე ესპანურენოვანი და პორტუგალიურენოვანი მოსახლეობის უზარმაზარ მასას წარმომადგენს, რომლის ყოფამ და ქმედებებმა გადამწყვეტი როლი ითამაშა ზოგადად კონტინენტის კულტურის იერსახის შექმნაში; მეტიც ითქვას – განა აფრიკის გვარიანი წვლილიც არ იგრძნობა მის ძრაობასა და ნაკვეთებში? საერთოდ, ის კულტურული, ეთნიკური და სოციალური ინგრედიენტები, რაც ლათინური ამერიკის ერთობლიობას სახავს, მსოფლიოს თითქმის ყველა კუთხესთან გვაპოვინებს მეტ-ნაკლებ საერთოს. კაცმა რომ თქვას, ჩვენ იმდენად მრავალსახოვანი კულტურული თვითმყოფადობა გვახასიათებს, მისი რაიმე ერთ მაგისტრალურ ხაზზე დაყენების მცდელობაც კი უაზრობად მეჩვენება. არადა, ეს რეალობაა სწორედ ის სიმდიდრე, რაც მონო-ნაციონალისტებისთვისაა გაუგებარი. ჩემის აზრით, ესაა სწორედ ის წინაპირობა, რაც ჩვენ, ლათინო-ამერიკელებს, საშუალებას მოგვცემს

გლობალიზებული სამყაროს სრულფასოვან მოქალაქეებად წარმოვაჩინოთ თავი.

ლოკალურ ხმათა გლობალური “ორკესტრირება”

ამერიკანიზაციის საფრთხის თაობაზე მოთქმა-გოდება იდეოლოგიურ პარანოიად უფრო მეჩვენება, ვინემ რეალობად. თქმა არ უნდა, გლობალიზაციის მიმდინარე პროცესებთან ერთად, ინგლისურმა ენამ ისეთივე წამყვანი პოზიცია დაიკავა, როგორც ლათინურმა შუა საუკუნეებში. მისი გავლენა გაიზრდება კიდევ, ვინაიდან ჯერ-ჯერობით მაინც იგი შეუცვლელი ინსტრუმენტია საერთაშორისო კომუნიკაციებისა და ანგარიშსწორებისათვის; მაგრამ განა ეს იმას მოასწავებს, რომ ინგლისური სხვა ენების ხარჯზე გაზულუქდება? ძალიანაც პირიქით, ასე მგონია. საზღვრების მოშლამ და ქვეყნების ერთმანეთზე ურთიერთდამოკიდებულებამ ახალ თაობას უბიძგა მეტად გაეთავისებინათ სხვა კულტურები – უკვე არა მხოლოდ ზოგადი ინტერესის, არამედ წმინდა პროფესიული წარმატებისათვის უცილობელი გახდა რამდენიმე ენის ფლობა და განსხვავებულ კულტურულ გარემოში გზის გაკვლევა. ესპანურენოვანი სამყარო ავილოთ: მისი ფართო გეოგრაფიული არეალის მიუხედავად, სულ რაღაც ნახევარი საუკუნის წინათ ის თვითმკმარი ერთეული იყო და საკუთარ ლინგვისტურ საზღვრებს ძნელად თუ ელეოდა, დღესდღეობით კი ესპანური მკვიდრად იკიდებს ფეხს ხუთსავე კონტინენტზე. თვით შეერთებულ შტატებში, 25 თუ 30 მილიონი ესპანურენოვანი მოსახლეობისათვის ანგარიშგასაწევად, ტეხასის მაშინდელი გუბერნატორი ჯორჯ ბუში და ვიცე-პრეზიდენტი ალ გორი არა მხოლოდ ინგლისურად, ესპანურ ენაზეც ეწეოდნენ თავიანთ საარჩევნო კამპანიას.

თუ გიფიქრიათ, გლობალიზაციის გამოწვევას რამდენმა მილიონმა ახალგაზრდამ უპასუხა იმით, რომ ისწავლა იაპონური, ჩინური, რუსული, ან თუნდაც ფრანგული და გერმანული? ჩემდა სასიხარულოდ, ამ ტენდენციას კლების ნიშანწყალიც არ ეტყობა მომავალში. ამიტომაც დარწმუნებული ვარ, საკუთარი კულტურისა თუ ენის დაცვის საუკეთესო საშუალება მისი ამ ახალ სამყაროში ორიენტირებაა და არა გულუბრყვილო მცდელობა, რაღაც აცრები ვუკეთოთ ინგლისური სახადის შიშით. ისინი, ვინც ამგვარ რეცეპტებს იძლევიან, ბევრს ლაპარაკობენ ხოლმე ძირძველ მშობლიურ კულტურაზე, ოღონდ სინამდვილეში ნაციისტობის კარგად ნაცნობი ვირუსი კი შეჭვრიათ. და საერთოდ, თუკი რამ ნიშნულს გვასწავლის კულტურის ისტორია, ეს ისაა, რომ საკუთარი სიცოცხლისუნარიანობის შესანარჩუნებლად მას სხვადასხვა ჯურის ბიუროკრატებისა თუ კომისრების მხრიდან არავითარი დაცვა არ სჭირდება. პირიქით – ამგვარი მცდელობა მხოლოდ პროინციულობისაკენ უბიძგებს და ვინძლო, სულაც დაასაჭურისოს კიდევ. ვიტალობისათვის ნებისმიერი ერის კულტურას, ნორმალური ფსიქიკის მქონე ადამიანივით, თავისუფალი თანაცხოვრება ესაჭიროება სხვა კულტურებთან – სწორედ ეს განაახლებს და განამტკიცებს მას გარემო ცვლილებათა წინაშე. ანტიკურ ხანაში, ლათინურის გავრცელებას ბერძნული ენა არ ჩაუკლავს და არც დაუკნინებია – პირიქით, ელინურმა კულტურამ გამსჭვალა რომაული ცივილიზაცია და ჰომეროსის პოემები, გინდ პლატონის ფილოსოფიური შრომები სწორედ მისი წყალო-

ბით გაგრცელდა იმდროინდელ მსოფლიოში. გლობალიზაცია მცირე კულტურებს არ სპობს – პირიქით, ყველაფერი რაც ღირებულია და გადასარჩენად ფასეული, უცილობლად გადაირგვება და ახალ, უფრო მსუყე ნიადაგში გაიდგამს ფესვს.

ასე ხდება ახლა ევროპაში და განსაკუთრებით ესპანეთში, სადაც ერთ-დროულად რამდენიმე რეგიონალური კულტურა წამოიწია წინ. გენერალ ფრანსისკო ფრანკოს დიქტატორობის დროს ავტონომიების კულტურული განვითარება დაბორკილი იყო და საკუთარ პროვინციულ საზღვრებს ვერ სცილდებოდა, ახლა კი კატალონია, გალიცია თუ ბასკეთი – ფაქტიურად, ყველანი თვისობრივად ახალ გარემოში მოექცნენ. ოღონდაც ეს რეგიონალური აღორძინება ნაციონალიზმის გრიმასებში არ უნდა აგვერიოს – ამგვარი რამ უკვე თვით თავისუფლების კულტურას უქმნის საფრთხეს.

1948წ. თავის შესანიშნავ ესეიში “შენიშვნები კულტურის განსაზღვრისათვის”, ტომას სტერნზ ელიოტმა ლოკალური და რეგიონალური კულტურების მომავალი რენესანსი იწინასწარმეტყველა. იმ დროისათვის ეს მეტისმეტად თამამი განცხადება იყო, მაგრამ ასე ჩანს, გლობალიზაციის პროცესი ამას რეალობად აქცევს XXI საუკუნეში, რაშიც სამწუხაროს ნამდვილად ვერაფერს ვხედავ. მცირემასშტაბიანი კულტურების აღორძინება კი მსოფლიო საზოგადოებრიობას დაუბრუნებს იმ წეს-ჩვეულებებისა და ტრადიციების მრავალფეროვნებას, რაც მას XVIII-XIX საუკუნეებში ეროვნული სახელმწიფოების შექმნამ დააკარგინა: ე.წ. საერთო-ეროვნული კულტურული თვითმყოფადობის წარმოსაჩენად (ამ ფაქტს რატომღაც ყველა ჩქმალავს, ალბათ თანამდევნი მორალური კონოტაციების გამო), რეგიონალური კულტურები ხშირად ცეცხლითა და მახვილით ითრგუნებოდა – იკრძალებოდა ადგილობრივ ენებზე სწავლება და წიგნების ბეჭდვა, იდეებოდა ადათ-ჩვეულებები და სარწმუნოებაც კი, თუ ყველა ესენი ერთიანი ეროვნული სახელმწიფოს იდეალს არ შეესაბამებოდა. ამ გზით დომინანტური კულტურა ბევრგან ძალისმიერივე მეთოდებით ითრგებოდა – ყველა სხვის საერთო-საზოგადოებრივი ცხოვრებიდან განსადევნად. მაგრამ მათდა გასაგებად ვაძბობ, ვისაც გლობალიზაციის პანიკური შიში მოსდგამს – სულაც არაა ასე ადვილი მთლიანად მოსპო რაც არ უნდა მცირე არეალის მქონე კულტურა, თუკი მას მდიდარი ტრადიციები და მათი მიმდევარი ხალხი უმაგრებს ზურგს. დღესდღეობით, ეროვნული სახელმწიფოების იდეოლოგიური პოზიციების შესუსტების ფონზე, მივიწყებული, მიჩუმებული, მარგინალიზებული კულტურები ხელახლად იჩენენ თავს და გლობალიზებულ სამყაროშიც მყარად ამკვიდრებენ საკუთარ თვითობას.

2000წ., თებერვალი.



ჯონ მილტონი

**სიტყვა თქმული პარლამენტის წინაშე –
ბეჭდვითი სიტყვის დასაცავად**

(1644წ.)

სწორედ ესაა თავისუფლება, როცა ადამიანს უფლება აქვს სხვისი კარნახის გარეშე ილაპარაკოს: ვისაც ეს ძალუძს და სჩადის კიდევ, პატივისცემის ღირსია; ვისაც არც ძალუძს და არც სურვილი აქვს, შეუძლია ჩუმად იყოს – ამით მკვიდრდება კიდევ სამართლიანობა ნებისმიერ სახელმწიფოში.

ვერიპიდე.

ისინი, ვინც ხელისუფლებასა თუ მის წარმომადგენლებს ეხმიანებიან, ანთუ პირადად სურთ მათთან შეხვედრა – როგორც ახლა მე მოგმართავთ თქვენ, პარლამენტის უზენაეს საკრებულოს – მუდამ იმის მტკიცებაში არიან, რომ მათი ნააზრვეი უცილობლად წაადგებოდა საზოგადოებას; თუმც ზოგს ეჭვიც ღრნის, ზოგი კი პირადად მისთვის სავალალო შედეგებს უფრთხის...

თავად მე, შეიძლება ითქვას, სამივე ეს განცდა დამუფლებია: საკითხი ესე, ჩემს მიერ განსახილველად გამოტანილი, არაერთგვაროვან გამოხმაურებას გამოიწვევდა წარსულში და ვფიქრობ, არც ახლანდელი დრო იქნება გამონაკლისი.

{...}

სამი რამაა, რის გარეშეც ყოველგვარი სიტყვა ფუჭია: უპირველესად, როცა მხოლოდ იმას აქებენ, რაიც ჭეშმარიტად ღირსია ქების; მეორეც, თუკი ამტკიცებ, რომ ქების სიტყვა მართალი მისამართითაა მიმართული, და მესამე: ცხადზეცხადი უნდა იყოს – მაქებარს ლიქნის ჭია არ შეჩენია. ყოველ შემთხვევაში, ის ვინც შესაბამისად წარმოაჩენს რიგიანად გაკეთებულ საქმეს და არც იმას დაერიდება მიათითოს, რისი ქმნა უკეთ იყო შესაძლებელი, სწორედ მისი შეფასებანი იქნება მლიქვნელობას მოკლებული, ხოლო შენიშვნები – გარკვეულწილად, მისივე საქებარი სიტყვა.

{...}

ამჯერად საქმე იმ ბრძანებულებას ეხება, თქვენ რომ გამოეცით ბეჭდვითი სიტყვის

დასაზღვრის თაობაზე: “არა წიგნი, გაზეთი თუ ცალკეული ფურცელ-პამფლეტი იქნას დაბეჭდილი, თვინიერ ქვემოაღნიშნულ პირთა წინასწარი მოწონებისა და შემდგომი ხელრთვისა”. შევეცდები დავამტკიცო, ამგვარი აკრძალვა ვერაფრით შეუძლის ხელს იმ სკანდალური, გამრყენელი თუ სახელმწიფოს ძირგამომთხრელი ლიტერატურის გაგრცელებას, რომლის წინააღმდეგაცაა ეს ლიცენზირება გამიზნული – მხოლოდღა ზოგადად ცოდნის შეძენას შეუძლის ხელს, სიმართლის გარკვევას, და ჭეშმარიტების ძიების სურვილს მოსპობს – როგორც სამოქალაქო საზოგადოებაში, ეგრევე ეკლესიის შიგან.

განათუ ვუარყოფდე, რომ ეკლესიასა და ფართო საზოგადოებას სწორედაც რომ თვალი უნდა ეჭიროს წიგნებზეც და ადამიანებზეც – მართალი სამართლის ქმნა აროდეს გვიზამს ზიანს. ეგაა, ნაბეჭდი წიგნი არაა მხოლოდ უსულო საგანი, მასში იგივე აღმტკინებელი ძალაა ჩაქსოვილი, რაიც მის შემქმნელს ახასიათებდა და მასშივე ირეკლება ის გონი, რამაც იგი შვა: წიგნი იმ მითიური გველეშაპის კბილებს შეიძლება შეეადართო, დათესილნი რომ იარაღასხმულ ჯარად ამოიყრებოდა ხოლმე. მეორეს მხრივ, მისი განადგურებაც ლამის კაცისკვლას უტოლდება: ვინაც კაცს კლავს, კლავს არსებას გონიერს, ღვთის ხატად შექმნილს; მაგრამ ვინც წიგნს სპობს, სპობს თავად გონებას, ანუ იმას, რაიც ღმერთმა სულის შემდგომ შთაბერა ადამიანს.

დედა-მიწისთვის კაცთაგან ბევრი იქნებადა მხოლოდ ტვირთია, მისი მტკეპნავი; ოღონდაც კარგი წიგნი ძვირფასი განძია აღმქმელი სულისა და გამგები გონებისათვის, ცხოვრების შემდგომ სიცოცხლისთვის გადანახული. ჭეშმარიტად, არა ჟამთა სვლას არ ძალუძს კერძო სიცოცხლის აღდგენა, ოღონდ იგივე ჟამთა ცვლა არცთუ ისე ხშირად გვიბრუნებს ერთხელ უკვე უარყოფილ ჭეშმარიტებას – რაც მერე მთელი ერის საჯალალოდ იქცევა ხოლმე.

და ასევე, რაკილა ჩემდათავად წინააღმდეგები ზემოხსენებულ ბრძანებულებას, იმასაც შევეცდები დავამტკიცო, რომ ბეჭდვითი სიტყვის ლიცენზირების ეს პროექტი არ ახალია – ანტიკურ ხანაზე ხომ ზემოთ მოგახსენეთ და ახლა ისიც ვთქვათ – მან ინკვიზიციის ფესვებიდან ისაზრდოვა და მხოლოდღა მერე იქნა ჩვენს შინაურ ანაფორიანთა მიერ გათავისებული. სწორედ ტრენტის კრებამ და ესპანეთის ინკვიზიციამ ერთობლივად შეიმუშავეს და დააკანონეს ნუსხების ის სისტემა და ამკრძალავი ინდექსები, რასაც ბევრი მშვენიერი ძველი წიგნი შეეწირა – ასეთი რამ მათი ავტორების საფლავებსაც რომ დამართოდათ, უარესი ვერ იქნებოდა. ოღონდ არა სჯერდებოდნენ ისინი ნაწერის მკრეხელური ბუნების განსჯას, არამედ ნებისმიერი, მათთვის გაუგებარი აზრების აღმოფხვრით ისაქმებდნენ თავს. საბოლოოდ, დააკანონეს კიდევ, რომ ‘არა წიგნი, ფურცელი თუ ბარათი იქნას დაბეჭდილი ორი, ან უკეთ, სამი ბერის მიერ შესაბამისად განხილვისა და ხელრთვის თვინიერ’ – თითქოსდა თავად წმ. პეტრეს ხელი-ხელ ებოდოს მათთვის კლიტენი ბეჭდვისანი!

{...}

გაკადნიერდები მოსეს, დანიელისა და პავლეს სახელების მოხმობით, რომელნიც მეგვიპტელთა, ქალდეველთა და ჰელენთა ყოველგვარ სწავლებათა მეცნიერი იყვნენ და ვერ განიწრთვნებოდნენ მათთა წიგნთა კითხვის გარეშე – განსაკუთრებით კი მოციქული პავლე, სულაც რომ არ თვლიდა ზედმეტად ბერძენი პოეტების გამონათქვამები ჩაერთო წმ. წერილში. მისგან განსხვავებით, იულიანე აპოსტატი – ჩვენი საერთო რწმენის დაუძინებელი მტერი – ყოველთა ქრისტიანთ უკრძალავდა წარმართთა წიგნების სწავლას. ეგენიო – ამბობდა – ჩვენივე იარაღით გვისწორდებიან, და ხელოვნებითა დიდითა და მეცნიერებითა გვჯავბნიანო. ამა ბრძანებას კი მხოლოდ ის შედეგი მოჰყვა, რომ საქრისტიანო კინაღამ უვიცობის მორევში გადავარდა. იმ დროის ერთი ისტორიკოსის თქმით, მისი და მამა-შვილ აპოლინარიუსების მოღვაწეობას მეტი ზიანი მოჰქონდა ეკლესიისთვის, ვინემ დეციუსისა თუ დიოკლეთიანეს დაუფარავ სისასტიკეს.

II საუკ. 40-იან წლებში დიონისე ალექსანდრიელს უკვე ფრიადი სახელი ქონდა გაგდებული საეკლესიო წრეებში, როგორც უადრესად ღვთისმოსავ და განსწავლულ კაცს – ერეტიკოსთა წინააღმდეგ, ხშირად მათსავე ნაწერებში ამოკითხულ მოსაზრებებს რომ იშველიებდა. ერთხელაც, მავანმა საეკლესიო პირმა დაამუნათა, როგორ ბედავდა იგი ამ უწმინდურებაში ხელის ფათურს. დიონისე არათუ აგდებით მოეკიდა უვიცის სიტყვებს – პირიქით, თავს დაეკითხა, რამდენად მართებული იყო მისი საკუთარი ქცევა; უცაბედად, ღვთისგან ჩვენება მოევლინა (ყოველ შემთხვევაში, თავად სწორედ ასე აღწერს) რომელმაც ამცნო: *იკითხე ყოველი, რაკილა აიწონა გონება შენი და მიჩნეულ ხარ ღირსად განსმსჯელად და მეცნიერად*. მისივე თქმით, წმინდა წერილიც სწორედ იმ გვერდზე იქნა გადაშლილი, სადაც თესალონიკელთა მიმართა ნათქვამი: *ყოველივე გამოიცადეთ, და უკეთესი იგი შეიკრძალებოთ*; და მევესეულად გაახსენდა იმავე მოციქულის თქმული: *წმიდათთვის ყოველივე წმინდაა* – ანუ, არათუ ლუკმა ან სასმელი ხოლო, არამედ სწავლებაც ყოველგვარი, კეთილი თუ ბოროტი – ვინაიდან ვერა ცოდნა და ვერა წიგნი წაგწმედს, თუკი შემეცნება შენი იმთავითვე არაა წაბილწული.

წიგნიც ხომ საკვებსა ჰგავს – ზოგი მარგებელია, ზოგი – არც იმდენად; მაგრამ განა ვინ უკეთეს მოწმეს ვიპოვი, ვიდრე აქ, თქვენს შორის მჯდომ სწავლულთა შორის უპირველესს, ბ-ნ სელდენს, ვისი შრომებიც ბუნებისა და სახელმწიფოს კანონების თაობაზე ლამის მათემატიკური სიზუსტით ადასტურებს, რომ ყოველი მოსაზრება, მცდარიც კი, ოღონდ ჯეროვნად გააზრებული, კიდევ ერთი ბიჯით გვაახლოვებს ჭეშმარიტებასთან! და ასევე, როდესაც ღმერთმა საკვების არჩევანი დაუტოვა ადამიანს, მას გონების საკვების შერჩევის უფლებაც მისცა: ყოველმა ზრდასრულმა საკუთარი ნებით უნდა დაიცვას სულიერი მარხვა.

არა პირისაგან შესულისა შეირყვნების კაცი, არამედ პირისაგან გამოსულისაო – და ამით მაცხოვარი არჩევანს გვიტოვებს; სოლომონი გვაფრთხილებს, განსწავლულობა ვაებას ბადებსო, მაგრამ არც მას და არც სხვა ვინმე მაღლცხებულ ავტორს უთქვამს – ამა და ამ საკითხაგში არა ჩაიხედოთო. და საერთოდ, მაღალღმერთს რომ ჩვენი განსწავლულობის დასაზღვრა სურებოდა, იმაზეც ნათლად მიგვიითიუბდა, რა სახის წიგნი გამოგვეცხადებინა ვაების მომტანად და რა –

კანონგარეშედ. აი, წმ. პავლეს მიერ მოქცეულებმა, წრეგადასული გულმოდ-
გინებისა გამო, ეფესელთა წიგნები დაწვეს – ჯადო-მჩხიბობისა იყო; ეს მათი
ნება გახლდათ, ყოველგვარი მითითების გარეშე, საკუთარი წიგნები დაწვეს და ეს
შეფასების არჩევანს გვაძლევს: მათთვის იქნებ ეს გამოსავალიც გახლდათ, სხვას
კი ვეგებ კეთილი საქმისათვის გამოეყენებინა იმ ნაწერებში დაგროვილი ცოდნა...

ჭეშმარიტად, კეთილიცა და ბოროტიც ერთურთის თანამდევია ამ სამყაროში, მათი
გაგება ერთი ჩაკბეჩილი ვაშლისაგან შემოვიდა ამა ქვეყნად; ანუ, სწორედ ესაა
ადამის შთამომავალთა ბედისწერა – კეთილ/ბოროტი შეიმეცნონ და განასხვავონ.
და რაღა იგი, სიბრძნე კეთილი, ბოროტისა უმეცარი?! მხოლოდ მას, ვისაც ძა-
ლუძს ბიწიერების საცდურს გაუძლოს, და არა დამორჩილდეს, და არჩევით
გაჰყვეს გზას კეთილს – ჭეშმარიტი ქრისტიანიც მხოლოდ მას ერქმის.

ყოველივე ზემოთქმულის გასაბათილებლად, ჩვეულებრივ, ერთადერთ მოსაზრებას
იშველიებენ: ვაითუ საეკვო საკითხავმა ზნეობისა და მართალი რწმენის
დაკნინებას შეუწყოსო ხელი. მაგრამ მაშინ რიგი საეკლესიო წიგნებიცა და მათში
არსებული საკამათო საკითხებიც უნდა გავიქროთ თვალსაწიერიდან! იქნებდა
თავად ბიბლიაც ნაწილ-ნაწილ დაგვეჩეხა? აკი ღვთისგმობასაც ამოიკითხავთ
მასში, და გარყვნილთა ქცევაც არცთუ კაზმულსიტყვაობის გარეშეა აღწერილი,
ალაგ-ალაგ წმინდა ადამიანებსაც კი ღვთის ნების მიმართ დასცდებათ ხოლმე
საყვედური და ზოგან ვინმე უცებმა მკითხველმა ვინძლო ეპიკურეს დებულებებიც
კი ამოიკითხოს... და თუ განსწავლულ კაცსაც ზოგჯერ უჭირს მართლისა უკუღ-
მართისაგან გამორჩევა, ლიცენზიის გამცემთ რიღათი იხელმძღვანელონ? თუ
წინასწარულად თავს მიიჩნევენ ყოველთა ზედა მდგომებად და იჭვის ჭიაც არა-
სოდეს შეპარვიათ?

და ასევე, თუკი მართალია რომ ჭკვიანი კაცი უხეირო ქმნილებებშიაც ჰპოვებს
რაიმეს სასარგებლოს, ხოლო სულელი რჩეულ წიგნშიც ვერაფერს ნახავს, მაშ
რაღად უნდა მოვაკლოთ ბრძენს მისი გონების მასაზრდოებელი წყარო, იმის
შიშით, ბრევივი რამ სიბრევივეს არ გადააწყვედოს? ასე არა მარტო არისტოტელეს,
სოლომონის სიტყვასაც უნდა ვუფრთხოდეთ და თავად მაცხოვრისასაც, რაკიღა
ყოველი ეშმა საკუთარ ბიბლიას კითხულობსო, ნათქვამია.

თუკი ჩვენ მართლა გადავწყვეტთ ბეჭდვითი სიტყვის შეზღუდვას, და ამით იმედი
გვაქვს, ზოგადად ხალხის ზნე-ჩვევებსაც გავაუმჯობესებთ, მაშინ უნდა ვადიაროთ,
ყურადღების მიღმა დაგვრჩენია გართობა-სანახაობათა მთელი რიგი, რაც ვინ-
ძლო, წიგნზე ბევრად უფრო მნიშვნელოვან როლს თამაშობდეს ხალხის ცხოვრე-
ბაში. არა მუსიკობა, არა მღერა, არა როკვა არ უნდა იქნეს დაშვებული მკაცრი
ლიცენზირების გარეშე: მხოლოდღა ღრმად შინაარსობრივი და ტრადიციული
ხმიანობის შესაბამისი უნდა მისწვდეს ხალხის სმენას! ახლა, მოცეკვავეებსაც
ხომ უნდა მივხედოთ – რა მოძრაობა, რა ფესტი თუ რხევა ეთანხმება საყოველთაო
ზნეობრივ ნორმებს? და ყველაფერ ამას (მიყრუებულ პროვინციებს აღარ
ვგულისხმობ) ორიოდ ათეული ზედამხედველი უნდა გასწვდეს? აღარას ვამბობ
ჩაცმულობაზე, ღვინისა თუ სხვა რამ მათრობელი სასმელების მოხმარების ოდე-

ნობაზე, საუბრის წყევანის წესსა თუ ნებისმიერი სახის დროსტარებაზე – ყველაფერი ეს ორიოდ ათეული ბრძენკაცის მიერ უნდა მოწესრიგდეს?!

როს უფალმა გონების ნათელი შთაბერა ადამს, ეს იგივე არჩევანის უფლება უბოძა – რაკილა გონება იგივე განსჯის უნარია, ღვთიებობიდან უამესი ამოირჩიოს; და არჩევანისაგან მისისა იქმნება სწორედ სათნოება კაცისა, ხოლო ერთის სათნოდ მოქცევა უმეტეს კეთილად ეთნება ღმერთს, ვინემ ათი ბიწიერის მოთოკვა.

{...}

ისემც კაი დაგემართოსთ, ბატონებო – ვთქვათ და, მართლაც ავკრძალეთ ყოველი უზნეო და გონებისამღვრევი გამოცემა, ადგილობრივი თუ უცხოეთიდან შემოსული; რა მერე? ხომ სახელ-სახელ უნდა ჩამოითვალოს ისინი, ძველნიც და ახალნიც – დღეყოფელ რომ ჩნდება – განათუ ორი ათეული მოხელე აუვა ამ საქმეს? ახლა ისიცა ვთქვათ, ზოგი ნაწილობრივია მხოლოდ უვარგისი, სხვა მხრივ კი მეტად სასარგებლოა – მათ რაღა ვუყოთ? ფურცელ-ფურცელ ვჩეხთ და ვშალოთ? და რამდენს გაეწვდებით? და რამდენი უვარგისი გამოცემის მიხედვით (ვარგისთან შეფარდების გათვალისწინებით) შეგვეძლება ავკრძალოთ თავად ის სტამბები, სადაც ამგვარი რამ იბეჭდება? და თუ საქმიანობა უნდა შევუზღუდოთ მხოლოდ, როგორ და რამდენი ხნით?

ასე მიჩანს, ბრძანებულება ესე მკვდრადშობილია. განა ცოტაა სექტა თუ სქიზმა, ბეჭდვით სიტყვას სულაც რომ არ საჭიროებს? რამდენი დოქტრინაა, საუკუნეების განმავლობაში, დაუწერელი კანონებით რომ საზრდოობდა? აკი თავად ქრისტიანობაც სქიზმა იყო ერთ დროს, და მთელს წინა აზიაში სახარებისა და ეპისტოლეების უწინარეს ვრცელდებოდა! თუკი საზოგადოებაში ზნეობის ამაღლება გვსურს, ერთი გახედეთ იტალიასა და ესპანეთს – განათუ ჩვენზე პატიოსნები, ზნეობრივნი და შრომისუნარიანნი გახადა ისინი ინკვიზიციამ...

{...}

ახლა ისიც ვიკითხოთ, როგორნი უნდა იყვნენ თავად ცენზორები? ცხადია, ვისაც წიგნის ქვეყნად მოვლენისა თუ მოკვდინების უფლება ერგო, უნდა იყოს კაცი პატიოსანი, გაბრძნობილი, მუშაკი დაუღალავი: და ამისთანა ვინმე, იმის მაგივრად, საკუთარი სულიერ მოთხოვნათა სფეროს მიხედოს, დაჯდება და თვალებს დაიფსობს ათასგვარ უვარგის, ყოველ შემთხვევაში, მისთვის უინტერესო ნაწერებში ქექვით? გარნა ორიოდ ფურცლის გაცნობა ვერანაირად მისცემს საშუალებას, ვთქვათ, მთელს კრებულს გამოუტანოს მსჯავრი. და სად ვიპოვით მერე ამისთანა ხალხის შემცვლელთ? ისევ საშუალო გაგების, ცოდნისა და უნარის მქონე, ოღონდაც მუყაითი კორექტორების იმედზედა მიუვშვათ საქმე? მერედა, განა რა ქმნის სურვილი უნდა დარჩეთ მეცნიერთ, მწერალთ, მგოსან-მუსიკოსთ, თუკი მუდამ პატრიარქალური მორჭმით მჯდომარე ლიცენზიატორის შიში ექნათ? და საერთოდ, სახელმწიფო ჩემი ზედამხედველი კი უნდა იყოს, მაგრამ არა კრი-

ტიკოსი და ცენზორი. ხელისუფალნი ისევე შეიძლება შეცდნენ ცენზორის არჩევაში, როგორც თავად ცენზორმა შესაძლოა შესცოდოს ავტორის მიმართ. ბოლოს და ბოლოს, ნება მომეცით სერ ფრანსის ბეკონის სიტყვები შევახსენოთ: *‘ამგვარი ნებადართული ნაწერები მხოლოდღა მედროვეთა წისქვილზე თუ დაასხამს წყალს...’* ხოლო სიმართლე და აზრის სიახლე ის საქონელი არაა, ბეჭდვით, ხელრთვითა და რაღაც სტანდარტებით იქნას ნიშანდებული.

და თუკი ვინმე, ბატონებო, იმის მტკიცებას მოჰყვება, თითქოს ჩემი ეს საზრისი თითიდან მქონდეს გამოწოვილი, ნება მომეცით შევახსენოთ, რომ სწორედ ახლახანს დაგბრუნდი იმ ქვეყნიებიდან, სადაც ინკვიზიცია ზეობს; იქაურ ბრძენ და პატივცემულ ხალხშიც მიწვედა ჯდომა, და ფრიად ნაამები გახლდით იმ თვალთახედვით, რითაც ისინი ჩვენ გვაფასებენ: ანუ, ინგლისი მათთვის აზრის სრული თავისუფლების ქვეყანაა, და არა უვიც-უწიგნური სამღვდელოების სამწყსო. თავად კი იმას სწუხდნენ, რომ წლების განმავლობაში იქ არაფერი დაწერილა, ლიქნითა და გახევებული დოგმატიკით აღბეჭდილ ოპუსთა გარდა. პატივი მერგო მენახულა თვით გალილეი, ინკვიზიციის დილეგში წლებგატარებული, უკვე მოტეხილი მოხუცი – ბრალი მისი ოდენ ის გახლდათ, ასტრონომიაზე სულ სხვა წარმოდგენა რომ ჰქონდა, ვინემ ფრანცისკანელ თუ დომინიკანელ ცენზორთ.

და განათუ ერთადერთი ვარ, ვინაც ამა თვალსაზრისს ადგას: თუკი ჩვენც ინკვიზიციის მეთოდების მსგავს აკრძალვებს დავაკანონებთ, და სახელმწიფო ყოველ თავის ქვეშევრდომზე ისევე იეჭვიანებს, როგორი შიშიც ექნება ყოველი ნაბეჭდი წიგნისა თუ ფურცლის, და წასაკითხად მხოლოდ იმას დაგვიტოვებენ, რასაც ცენზორებს საკუთარი ღჯუ გონება უკარნახებთ – იგივე ტირანია, ოღონდაც ნასწავლობის საწინააღმდეგოდ მიმართული – ახლა ჩვენშიც უცილობლად გაბატონდება. დიახაც, შედეგი სწორედ რომ სავალალო იქნება – ერთი მცირე, გაუნათლებელი მრევლის მოძღვარი უცაბედად ათასობით წიგნთა სამყაროს არქივებისქოპოსად მოგვევლინება; ვინც გუშინ ხელოვნების მცირე ნიმუშს სამყაროული ბოროტების თესლად რაცხდა, ხვალ წიგნთა რიგს, წიგნთა ჯარს გამოუტანს განაჩენს და ეჭვი მაქვს, ბევრ მათს ავტორსაც ზედ მიაყოლებს.

განა აღარაა დრო, ჭკუა ვისწავლოთ: ინკვიზიციურ მეთოდებს მუდამ მიზნის საწინააღმდეგო შედეგებისაკენ მივყავართ – სექტებისა და სქიზმატურ აზრთა დათრგუნვის მაგიერად, ამით მათ სახელს ვუგდებთ და რეპუტაციას ვუქმნით. *‘ნებისმიერი ნააზრვის აკრძალვა მის განდიდებას იწვევს’* – ბრძანებს ვიკონტ სენტ-ალბანი, და იქვე ამატებს: *‘ყოველგვარი აკრძალული ნაწერი კი რატომღაც ჭეშმარიტების იმ ნაპერწკლად მიიჩნევა, რომლისაგან შემდგომ დიადი კოცონი აგიზგიზდება უცილობლად’*. ასე და ამგვარად, ბრძანებულება ესე ვინძლო სექტების ძიბადაც იქცეს, და ჭეშმარიტების ავ დედინაცვლად კი ნამდვილად გამოდგება; განა ვინ არ უწყის, რომ ჩვენი რწმენაცა და ცოდნაც მუდმივ გაგარჯიშებას მოითხოვს – ჩვენივე სხეულისა თუ კიდურების მსგავსად. წმიდა წერილშიც ჭეშმარიტება წყაროსთვალსაა შედარებული: თუ წყალი მისი მუდმივ ნაკადად არ ამოედინა, იგი შემეუბებლობისა და დამყაყებულ ტრადიციათა გუბედ იქცევა. და ასევე, მართალი რწმენით აღვსილი კაციც შეიძლება მწვალებელი იყოს: თუ რწ-

მენა მისი მხოლოდდა მოძღვრის სიტყვასა და ეკლესიის მამათა მსჯავრზეა გამოკიდებული და ყოველგვარ განსჯას მოკლებულია, საბოლოოდ თავად რწმენა მისი ექცევა ერესად.

მეორეს მხრივ, რაოდენ საამოა იმის ცოდნა, რომ ყოველივე წინასწარ დადგენილია და გაშალაშინებული: არა ნაწერი არა ხვდება უცების თვალს, გარეშე სამგზის გასინჯულისა, ნასწორებისა და საყოველთაო ხმარებისათვის მოწონებულისა – შინაგანი მზერა მოაუღეთ, ბატონებო, ამ შემთხვევაში რაკვარი შემგუებლობისა და უცილობელი პირმოთნების წუმპე მოგველის ერსა თუ ბერს!

{...}

ბატონებო! ჩვენ, ბრიტანელები, საკუთარი რეფორმების ნათლით ვამაყობთ; გარნა თუ უჭკუოდ მიაშტერდა, კაცს შხის სინათლეც კი ბნელში შთააგდებს. ისინი, ვინც დღეყოფელ სქიზმისა და სექტების საფრთხით გვაძუნათებენ, საკუთარი უვიცობისა თუ ამპარტავნობის შედეგად თესვენ შფოთს – მათ არც სხვისი მშვიდად მოსმენა ძალუძთ, არც თავად შეუძლიათ ვინმეს რამეში გადარწმუნება. ესლა დარჩენიათ – ყველაფერ იმის აღმოფხვრას ითხოვენ, რაიც მათს სინტაგმაში არა წერია. სწორედ ეგენი არიან განხეთქილებათა შემომტანნი, არც თავად ხელწიფებათ და არცა სხვას ვისმე ანებებენ ჭეშმარიტების სხეულის ნაწილ-ნაწილ გამთლიანებას. არადა, ‘ცოდნით აღჭურვილნი, ცოდნის ძიებაში’ – ანუ, ჭეშმარიტების ერთი აგურის მეორეზე დადება – ეგაა როგორც მათემატიკის, ეგრევე ღვთისმეტყველების ოქროს ჭრილი, რაიც საუკეთესო ჰარმონიას ქმნის ეკლესიის შიგან, და არა შინაგანად დანაწევრებული ხალხის ნაძალადევი, გულს-გარე ერთობა.

სადაცა განსწავლის სურვილი აქეთ, მუნცა მრავლად ბჭობენ, განსჯიან, წერენ – აზრი აზრია აზრის შესახებ, და კაცი საკუთარ აზრს სწავლის პროცესში იქმნის. ყოველ თავისუფლებაზე მაღლა მე სწორედ ცოდნის შეძენის, განსიტყვებისა და სხვებთან მისი განსჯის უფლებას ვაყენებ; თქვენ კი რას სჩადით, ბატონებო? გნებავთ ორიოდ ათეული ოლიგარქოსის დადგენილი საწყაოთი მომიზომოთ გონების საზრდო? მერწმუნეთ, ვინც ამგვარ რჩევას გაძლევთ, თქვენსავე მაღალ მდგომარეობას უთხრის ძირს: განა ბეჭდვისა და სიტყვის ამ თავისუფლებას თქვენსავე წინდახედულ, გამოზომილ, ჰუმანურ მმართველობას არ უნდა ვუმაღლოდეთ? განა თქვენს შორისაც არ არიან ისეთნი, ვინაც, სწორედ ბეჭდვითი სიტყვის თავისუფლების წყალობით, საკუთარ საზრისთა დანერგვა-გავრცობას ეწეოდა მოქალაქეთა შორის? განა თავად თქვენ არ გამოეცით წინარე ბრძანებულება, საკმარისზე საკმარისი, სადაც შავით თეთრზე სწერია: “არა წიგნი დაიბეჭდოს, გარეშე დასტამბველის, ეგრევე ავტორის სრული სახელისა”. აი, ვინც საკუთარი სახელისა თუ დამღის აღნუსხვას გაურბის და ფარულად ცდილობს საქონლის გასაღებას, სწორედაც რომ უპრიანია, სრულად დაისაჯოს კანონის კვალად.

და ბოლოს, ერთსაც ვიტყვი: *Errare humanum est* – შეცდომები კარგ მთავრობას ისევე მოსდის, როგორც ცუდს, და თუ ბეჭდვის უფლება მხოლოდ ფავორიტთა მცირე ჯგუფს გადაეცა, მით მეტია ალბათობა, მმართველი ორგანო შეცდომაში შეიყვანონ; ხოლო შეცდომის აღიარების უნარი და მისი სასწრაფოდ გამოსწორების სურვილი, ბატონებო, ის უმაღლესი ნიჭია, ბრძენ გამგებელთ რომ უნდა ახასიათებდეთ...



გულცივ ურჩხულთაგან უგულცივსი

იქ, სადაც, ჯერ კიდევ სახლობენ ტომნი და ხალხნი, ოღონდ არა ჩვენთან, მძანო: ჩვენთან სახელმწიფოებია. და რაა სახელმწიფო? გეტყვით, დამიგდეთ ყური და მე გაიამბობთ ხალხთა აღსასრულზე.

სახელმწიფო ჰქვია სახელად ცივ ურჩხულთაგან უცივსს, და გულცივადვე ცრუობს: აი, ასეთი რამ მოჟონავს მის ბაგეთაგან: “მე, სახელმწიფო, წარმოვადგენ ხალხს!” რა სიცრუეა! ხალხები შემოქმედთა შექმნეს, მიანიჭეს მათ რწმენა და სიყვარული: ასე იმსახურებდნენ ისინი სიცოცხლეს.

დამანგრეველებმა კი მრავალთ დაუგეს მახე და ამ მახეებს უწოდეს “სახელმწიფო”: ხმალი და ასობით სურვილი შეაჩეჩეს მათ ძალად...

მე გაძლევთ ნიშანს: ყოველი ხალხი ბოროტისა და კეთილის საკუთარ ენაზე ლაპარაკობს, რაც მის მეზობელს არ ესმის; ყოველმა ხალხმა ადათების და უფლებების თავისი ენა მოიგონა, სახელმწიფო კი ბოროტისა და კეთილის ყველა ენაზე ერთდროულად ცრუობს, რაც არ უნდა თქვას, სიცრუეა – და რასაცა ფლობს, ყოველივე მიტაცებული.

ფრიდრიჰ ნიცშე – “ასე ამბობდა ზარათუსტრა”.

თუკი ისტორია, ჩვენეული გაგებით, მართლაც უნდა დასრულდეს, ეს იმას ნიშნავს, რომ ლიბერალურ დემოკრატიას არანაირი სერიოზული იდეოლოგიური მოქიშპე აღარ რჩება. წარსულში მას ბევრი უარყოფდა, ბევრს მმართველობის იმაზე უფარვის ფორმად მიაჩნდა, ვიდრე მონარქია, არისტოკრატია, თეოკრატია, ფაშიზმი, კომუნისტური ტოტალიტარიზმი თუ კიდევ სხვა რამ იდეოლოგია, რასაც კი ჟამი-ჟამ ირწმუნებდნენ ხოლმე. მაგრამ დღეს, თუკი ისლამურ არეალს არ ჩავთვლით, ეტყობა უკვე საყოველთაო თანხმობა არსებობს, რომ ლიბერალური დემოკრატიის პრეტენზიები – მმართველობის ყველაზე უფრო რაციონალურ ფორმად იწოდებოდეს, ანუ იმგვარ სახელმწიფო წყობად, სადაც საუკეთესოდაა რეალიზებული გნებავთ გონივრული სურვილი და გნებავთ, რაციონალური აღიარება – სასვებით სამართლიანია. მაშ, რატომ არაა ყველა ქვეყანა რეალურად დემოკრატიული თუნდაც ისლამური სამყაროს ფარგლებს გარეთ? რატომაა კვლავინდებურად ასე რთული დემოკრატიაზე გადასვლა ბევრი იმ სახელმწიფოსათვის, რომლის ხალხმაც და ხელისუფლებამაც უკვე ზოგადად მაინც გაიაზრა დემოკრატიული პრინციპები? მსოფლიოს ამა თუ იმ კუთხეში ბევრი რეჟიმი თავს დემოკრატიული პრინციპების ერთგულად აცხადებს, მათგან არაერთი მართლაც ძნელია კაცმა სტაბილურ დემოკრატიულ სახელმწიფოდ არ აღიაროს, მაგრამ

ამავე დროს, ბევრის დემოკრატიულობა მეტიმეტად საორჭოფოა. ისიც ვიკითხოთ, გულის სიღრმეში ბევრს რატომ გვგონია, რომ ამჟამინდელი მასიური მიღრეკილება ლიბერალიზმისაკენ, დროთა განმავლობაში მაინც განელდება?

ლიბერალური დემოკრატიის დამყარებაში ის უადრესად რაციონალური პოლიტიკური ქმედება იგულისხმება, როცა მთელი საზოგადოება კონსტიტუციონისა და იმ ძირითად კანონთა კრებულის ავ-კარგიანობაზე მსჯელობს, რომელთა კარნახითაც სახელმწიფოებრივი ცხოვრება უნდა წარიმართოს. მაგრამ ძალიან ხშირად, გამაოგნებელია როგორც საღი აზრის, ისე პოლიტიკის სისუსტეც თავად დასახული მიზნის მიღწევის საქმეში – ანუ, ადამიანთა უუნარობა, “კონტროლი გაუწიონ” საკუთარ ცხოვრებას როგორც პიროვნულ, ასევე ზოგადპოლიტიკურ დონეზეც. ასე მაგალითად, მეცხრამეტე საუკუნეში ესპანეთისა თუ პორტუგალიის კოლონიალიზმისაგან გათავისუფლებისა და დამოუკიდებლობის მოპოვების შემდეგ, ლათინური ამერიკის ბევრი ქვეყანა თითქოსდა ძალზე სწრაფად ჩამოყალიბდა ლიბერალურ-დემოკრატიულ სახელმწიფოებად და მათი კონსტიტუციებიც შეერთებული შტატებისა თუ რესპუბლიკური საფრანგეთის თარგზე დაიწერა; და მაინც, ვერცერთმა მათგანმა ვერ მოახერხა დღემდე შენარჩუნებინა დემოკრატიულობის უწყვეტი ტრადიცია. თეორიულ დონეზე, ლიბერალური დემოკრატიისადმი დაპირისპირება ლათინურ ამერიკაში არასოდეს ყოფილა ძლიერი, თუ არ ჩავთვლით აქა-იქ პრო-ფაშიზმისა და პრო-კომუნისტური პერიოდულ, ხანმოკლე აფეთქებებს, არადა, ლიბერალურ დემოკრატიებს მაინც სასტიკი და რთული ბრძოლა მოუხდათ გამარჯვებისა და ხელისუფლების შენარჩუნებისათვის.

ვეროპაში არსებობს რამდენიმე სახელმწიფო, მათ შორის რუსეთი, სადაც მმართველობის სხვადასხვაგვარი ავტორიტარული ფორმები გამოცდადეს, დემოკრატიას კი პირველად სულ ახლახანს ეზიარენ; ასევე, სხვა სახელმწიფოებს – ვთქვათ გერმანიას, დასავლეთ ვეროპულ ტრადიციაში ღრმად გადგმული ფესვების მიუხედავად, უკიდურესად გაუჭირდათ დემოკრატიის მიღწევა, იმ დროს როცა საფრანგეთში, 1789 წლიდან ხუთი სხვადასხვა დემოკრატიული რესპუბლიკა შეიცვალა. ხსენებული მაგალითი მკვეთრად უპირისპირდება ანგლოსაქსური წარმოშობის დემოკრატიათა უმრავლესობის გამოცდილებას, იმ ქვეყნების პოლიტიკურ რეალობას, სადაც დემოკრატიული ინსტიტუტების სტაბილურობას შედარებით იოლად და უმტკივნეულოდ მიაღწიეს.

იმის მიზეზი, თუ რატომ ვერ გავრცელდა ლიბერალური დემოკრატია საყოველთაოდ, ანდა რატომ ვერ შეინარჩუნა სიმტკიცე ხელისუფლების მოპოვების შემდეგ, საბოლოო ჯამში, ხალხსა და სახელმწიფოს შორის არასაკმარის შესაბამისობაშია საძიებელი. სახელმწიფო წინდაწინ გამიზნული პოლიტიკური ქმნილებაა, მაშინ როცა ხალხი – წინარეარსებული ზნეობრივი ერთობა; ანუ, სხვაგვარად, ხალხი – ესაა სიკეთისა და ბოროტების, წმინდისა და ცოდვილის, მართლისა და მტყუანის ბუნების თაობაზე იმ საერთო რწმენის მიხედვით ჩამოყალიბებული მთლიანობა, რაც შესაძლოა შორეულ წარსულში რაღაც გარკვეული

მიზნით კი გაჩენილიყო, მაგრამ დღეს უკვე მხოლოდ ტრადიციადღაა საყოველთაოდ შენარჩუნებული. როგორც ნიცშე ამბობს, “ყოველი ხალხი ბოროტისა და კეთილის საკუთარ ენაზე ლაპარაკობს”, და “ყოველმა ხალხმა ადათებისა და უფლებების თავისი ენა მოიგონა” – რაც არა მარტო კონსტიტუციებსა და კანონებშია ასახული, არამედ ოჯახშიც, რელიგიაშიც, კლასობრივ სტრუქტურაშიც, ყოველდღიურ ჩვევებსა და ცხოვრების საყოველთაოდ მიღებულ წესშიც. სახელმწიფოს სფერო – პოლიტიკის, მმართველობის სწორი მეთოდის შესახებ გაცნობიერებული არჩევანის სფეროა, ხალხისა კი – სუბპოლიტიკური: კულტურისა და იმ საზოგადოების სამფლობელო, რომლის წესებიც იშვიათადაა მკაფიოდ განსაზღვრული ან გაცნობიერებულად აღიარებული თავად საზოგადოების წევრების მიერაც კი. როდესაც ტოკვილი *მოთოკვისა და დაბალანსების* ამერიკულ კონსტიტუციურ სისტემაზე ლაპარაკობდა, ანდა როცა ფედერალურ და შტატის ხელისუფლებათა შორის პასუხისმგებლობის გადანაწილება მოჰყავდა მაგალითად, იგი ცხადია, სახელმწიფოს გულისხმობდა; მაგრამ როცა ამერიკელთა ზოგჯერ ფანატიზმამდე მისულ სპირიტუალიზმს, თანასწორობისაკენ ლტოლვას, ანდა უფრო პრაქტიკული, და არა თეორიული მეცნიერებებისადმი მიდრეკილებას ახსენებდა, მხოლოდ ხალხის ბუნების აღწერას ისახავდა მიზნად.

სახელმწიფო სათავეში ექცევა და გარკვეულ ვალდებულებებს აკისრებს ხალხს, ხოლო ზოგ შემთხვევაში მის სახესაც აყალიბებს, როგორც მაგალითად, ლიკურგესა და რომულუსის კანონებმა ჩამოაყალიბეს სპარტისა თუ რომის მოქალაქეთა ეთოსი, ანდა როგორც თავისუფლებისა და თანასწორობის პრინციპებმა – იმ სხვადასხვა, ემიგრანტი ხალხის დემოკრატიული ცნობიერება, ვინაც ამერიკის შეერთებულ შტატებს უყრიდა საფუძველს. მაგრამ ხშირად საქმე იქამდეც მიდის, სახელმწიფო და ხალხი სამკედრო-სასიცოცხლოდ უპირისპირდება ერთმანეთს – როგორც, ვთქვათ, ჩინეთსა და რუსეთში, სადაც კომუნისტებმა მოიწადინეს ძალით მოეხვიათ მოსახლეობისათვის თავს მარქსისტული იდეალები. ამდენად, ლიბერალური დემოკრატიის წარმატებაცა და სიმყარეც არასოდესაა დამოკიდებული მხოლოდ გარკვეული საყოველთაო პრინციპების სისტემათა და კანონთა დანერგვაზე: აქ ხალხსა და სახელმწიფოს შორის თანხმობის მაღალი ხარისხის არსებობაც აუცილებელია.

თუკი, ნიცშეს თანახმად, ხალხს ჩვენც სიკეთისა და ბოროტების საერთო იდეების გამზიარებელ ზნეობრივ ერთობად განვსაზღვრავთ, მაშინ ნათელი ხდება, რომ ხალხების და მათ მიერ შექმნილი კულტურების სათავეები სულის *თიმოტური* ნაწილიდან მომდინარეობს. ნებისმიერი კულტურა ხომ *შეფასების* უნარიდან ჩნდება – იმ უნარიდან, რომელიც საშუალებას გვაძლევს განვაცხადოთ, რომ ვთქვათ, უფროსების პატივისმცემელი პიროვნება ღირსეულია, უწმინდური ცხოველების მჭამელი ადამიანი კი – არა. აქედან გამომდინარე, სწორედ თიმოსი ან აღიარების სურვილი გახლავთ იმის ასპარეზი, რასაც ჩვენ “ფასეულობებს” ვუწოდებთ. სწორედ აღიარებისთვის ბრძოლამ მოიტანა ბატონისა და მონის ურთიერთობა, მისი მრავალგვარი გამოვლინებით და ამ ურთიერთობიდან გამომდინარე – ზნეობრივი ნორმებიც: ვასალის პატივისცემა მონარქისადმი, გლეხისა – მემამულისადმი, არისტოკრატთა მხრივ უპირატესობის ქედმაღლური განცდა მდაბიორთა მიმართ და ა.შ.

ამავე დროს, აღიარების სურვილი ორი უადრესად ძლიერი ადამიანური განცდის – რელიგიური რწმენისა და ნაციონალიზმის – ფსიქოლოგიური ასპარეზიცაა. იმის თქმა კი არ მსურს, თითქოს რელიგიაც და ნაციონალიზმიც ზოგადად, შეიძლება მხოლოდ აღიარების სურვილამდე იქნას დაყვანილი, მაგრამ რამდენადაც ორივე ამ განცდას ფესვი თიმოსში აქვს გადგმული, საკუთარ უდიდეს ძალას სწორედ ამ ფაქტს უნდა უმაღლოდნენ. ღრმად მორწმუნე ადამიანი ღირებულებას ანიჭებს ყველაფერს, რასაც მისი რელიგია თვლის წმინდად – ზნეობრივ კანონთა ერთობლიობას, ცხოვრების წესს, მოწიწების კერძო საგნებს, – და ბრაზდება, თუკი მისთვის წმინდა რამ იბღალღება; ნაციონალისტს მისი ეროვნული თუ ეთნიკური ჯგუფის ღირსებისა სწამს და ამდენად, საკუთარი თავისაც, როგორც ამ ჯგუფის ერთ-ერთი წევრის. იგი ამ ღირსების აღიარებას ესწრაფვის სხვათა მიერაც და რელიგიური მორწმუნის მსგავსად, ბრაზდება თუკი მას უგულბებელიყოფილად მიიჩნევენ. სწორედ არისტოკრატი ბატონის თიმოტურმა ჟინმა, აღიარების სურვილმა დაუდო დასაბამი ისტორიულ პროცესს, ხოლო სწორედ რელიგიური ფანატიზმისა და ნაციონალიზმის თიმოტურმა ვნებებმა წარმართა იგი, მრავალსაუკუნოვან ომებსა და კონფლიქტებში გამოატარა. რელიგიისა და ნაციონალიზმის თიმოტური საწყისები ნათელყოფენ, თუ რატომაა “ფასეულობათა” გამო ატეხილი კონფლიქტები პოტენციურად ბევრად უფრო უღმობელი, ვიდრე დაპირისპირებანი მატერიალური ქონებისა თუ სიმდიდრის ნიადაგზე. ფულისგან განსხვავებით, რომელიც შეიძლება უბრალოდ გაიყოს, ღირსება ნიშანდობლივად უკომპრომისო ცნებაა: შენ ან აღიარებ ჩემს და ჩემთვის წმინდათაწმინდა ფასეულობათა ღირებულებას, ან არა. მხოლოდ “სამართლიანობის” მაძიებელ თიმოსს შესწევს ჭეშმარიტი ფანატიზმის, სიმტკიცისა თუ სიძულვილის უნარი.

ლიბერალური დემოკრატია, კონკრეტულად კი მისი ანგლოსაქსური ვარიანტი, მაქსიმალურად ხელს უწყობს ერთგვარ “ცივ ანგარიშს” – უწინდელი ზნეობრივი და კულტურული თვალსაზრისების მივიწყების ხარჯზე. რაციონალურმა სურვილმა უნდა ძლიოს აღიარების ირაციონალურ სურვილს, კერძოდ – ამაცი ბატონების მეგალოთიმიას, რომელნიც საკუთარი უპირატესობისა და უზენაესობის აღიარებას ესწრაფვიან. ჰობსისა და ლოკის ტრადიციიდან ამოზრდილი ლიბერალური სახელმწიფო მუდამ საკუთარ ხალხთან გაჭიანურებულ ბრძოლაშია ჩაბმული, ცდილობს ამ ხალხის სხვადასხვაგვარი ტრადიციული კულტურები გააერთგვაროვნოს და მხოლოდ შორს გამიზნული, პირადი მატერიალური ინტერესების “დაბალანსება” ასწავლოს. “სიკეთისა და ბოროტების” საკუთარი ენის მქონე ძველ, ზნეობრივ ერთობას ახლა ახალ რეალობასთან უწევს შეჯახება და დემოკრატიული ფასეულობების სისტემის ათვისებაც უხდება: უნდა ისწავლოს, როგორ გახდეს “თანამონაწილე”, “რაციონალური”, “საერო”, “მობილური”, “თანამგრძნობი” თუ “შემწყნარებლური”. ადრე, ძველთაგანვე, ეს ახალი დემოკრატიული ფასეულობანი სულაც არ წარმოადგენდა ფასეულობებს ადამიანის უმაღლესი ღირსებისა თუ სიკეთის განსაზღვრის თვალსაზრისით – მათ მხოლოდ და მხოლოდ საშუალებებად მიიჩნევდნენ, ჩვევებად, რაც კაცს უნდა შეეძინა, თუკი სურდა ნორმალურად ეცხოვრა მშვიდობიან და აყვავებულ საზოგადოებაში. სწორედ ამ ვითარების შეცვლის გამო უწოდებდა

ნიცმე სახელმწიფოს “ციფ ურჩხულთაგან უცივესს”, ამიტომ ადანაშაულებდა ხალხთათვის “ათასი სურვილის” ძალად თავსმოხვევაში და მათი კულტურული ფესვების შერყენაშიც სდებდა ბრალს...

თუმცა, დემოკრატიამ თავის ამოცანას წარმატებით რომ გაართვას თავი, დემოკრატიული სახელმწიფოს მოქალაქეებმა უნდა დაივიწყონ, რა ფუნქციას ატარებდნენ ადრე მათი დღევანდელი ფასეულობები და ისწავლონ ირაციონალურად, თიმოტურად როგორ იამაყონ საკუთარი პოლიტიკური სისტემითა და ცხოვრების წესით – ანუ, მათ უნდა შეიყვარონ დემოკრატია არა იმიტომ, ეს წყობა სხვა ალტერნატივებს უცილობლად რომ სჯობია, არამედ იმიტომ, რომ ეს მათი წყობაა. უფრო მეტიც, ძალაც უნდა დაატანონ თავს და სცადონ, ვთქვათ “ტოლერანტობაში” დაინახონ უფრო მეტი, ვიდრე უბრალოდ მიზნის მიღწევის საშუალება; დემოკრატიულ საზოგადოებებში შემწყნარებლობა უკვე განმსაზღვრელი ღირსება ხდება და მსგავსი სიამაყის განვითარება, გნებავთ, დემოკრატიული ფასეულობებისა და მოქალაქის მეობის განცდის ურთიერთშეთავსება, სწორედ ის სასიკეთო შედეგია, რაც “დემოკრატიულ” ან სხვაგვარად, “სამოქალაქო კულტურაში” იგულისხმება. ამგვარი კულტურაა გადამწყვეტი ფაქტორი დემოკრატიათა სიჯანსაღისა და სტაბილურობისათვის, რამდენადაც არც ერთ რეალურ, მიწიერ საზოგადოებას არ ძალუძს ხანგრძლივი არსებობა მხოლოდ რაციონალური “ანგარიშისა” და სურვილის საფუძველზე.

მაგრამ კულტურას – ტრადიციული ფასეულობების დემოკრატიულ ფასეულობებად გარდაქმნისათვის წინააღდგომით – შეუძლია დემოკრატიზაციის გზაზე აღმართულ კედლადაც იქცეს და ამგვარი ფაქტორი რამდენიმე კატეგორიად იყოფა.

ამათგან პირველი – ქვეყნის ეროვნული, ეთნიკური და რასობრივი ცნობიერების ხარისხსა და ხასიათს უკავშირდება. ნაციონალიზმსა და ლიბერალიზმს შორის აშკარა შეუთავსებლობა არ არსებობს; პირიქით, ეს ორი ფენომენი სინამდვილეში ძალიან მჭიდროდაც კი იყო გადახლართული, როცა მეცხრამეტე საუკუნეში, გერმანიასა და იტალიაში ეროვნული გაერთიანებისათვის მიმდინარეობდა ბრძოლა. მსგავსი ვითარება იყო 80-იანი წლების პოლონეთშიც, ქვეყნის ეროვნული აღორძინების მცდელობისას, და ყოფილ საბჭოთა კავშირშიც, სადაც რესპუბლიკები სრული და საბოლოო დამოუკიდებლობისათვის იბრძოდნენ. ეროვნული დამოუკიდებლობის მოპოვება და სუვერენიტეტის მიღწევა, შეიძლება განხილული იქნას როგორც თვითგამორკვევისა და თავისუფლების სურვილის ერთი შესაძლო გამოხატულება, ოღონდ იმ პირობით, თუკი ეროვნება, რასა თუ ეთნიკური კუთვნილება არ გახდება მოქალაქეობისა და სამოქალაქო უფლებების განსაკუთრებული საფუძველი. დამოუკიდებელი ლიტვა მხოლოდ მაშინ ჩაითვლება მთლიანად ლიბერალურ სახელმწიფოდ, როცა იქ მცხოვრები ნებისმიერი მოქალაქის – რუსული უმცირესობის ჩათვლით – უფლებების დაცვას უზრუნველყოფს.

მეორე მხრივ, ეტყობა დემოკრატია ვერ იხარებს ისეთ ქვეყანაში, სადაც

მოსახლეობის შემადგენელი ჯგუფების ეროვნულობა თუ ეთნიკური კუთვნილება იმდენად გამძაფრებულია, ამ ჯგუფებს ერთი ერის შვილობის განცდა ვერ აერთიანებს და ვერც ერთმანეთის უფლებების აღიარებას ახერხებენ. ეროვნული ერთიანობის ძლიერი განცდა კი მყარი დემოკრატიის აუცილებელი წინაპირობაა: ასე იყო შეერთებულ შტატებში, საფრანგეთში, იტალიასა და გერმანიაში. ამგვარი განცდის არარსებობაც შეიძლება ჩაითვალოს იმის ერთ-ერთ ძირითად მიზეზად, თუ რატომ იყო შეუძლებელი საბჭოთა კავშირში მყარი დემოკრატიის მიღწევა, ვიდრე ქვეყანა უფრო პატარ-პატარა ეროვნულ ერთიანობებად არ დაიშლებოდა. პერუს მოსახლეობის მხოლოდ 11%-ს შეადგენენ თეთრკანიანები, ესპანელ დამპყრობელთა შთამომავლები; დანარჩენი მოსახლეობა ინდიელებია – გეოგრაფიული, ეკონომიკური და სულიერი თვალსაზრისით უაღრესად გამიჯნული დანარჩენი ქვეყნისაგან. ამგვარი გამიჯვნა კიდევ დიდხანს იქნება პერუში სერიოზული დაბრკოლება მყარი დემოკრატიისაკენ მიმავალ გზაზე. იგივეს თქმა შეიძლება სამხრეთ აფრიკაზეც: იქ არა მარტო შავკანიანებსა და თეთრკანიანებს შორისაა ღრმა უფსკრული, არამედ თავად შავკანიანები იყოფიან მტრობის ხანგრძლივი ისტორიის მქონე სხვადასხვა ეთნიკურ ჯგუფებად.

მეორე კულტურული წინაღობა დემოკრატიისათვის, უკვე რელიგიას უკავშირდება. ნაციონალიზმის მსგავსად, არც რელიგიასა და ლიბერალურ დემოკრატიას შორის არსებობს რაიმე ნიშანდობლივი წინააღმდეგობა, იმ შემთხვევათა გარდა, როცა რელიგია ტოლერანტობისა და ეგალიტარულობის ჩარჩოებიდან გამოდის. ჰეგელი ღრმად იყო დარწმუნებული, რომ საფრანგეთის რევოლუციას ქრისტიანობამ გაუკაფა გზა – ზნეობრივი არჩევანის უნარიდან გამომდინარე, ყველა ადამიანის თანასწორობის პრინციპის დამკვიდრებით. დღევანდელი დემოკრატიების უდიდესი უმრავლესობა, რელიგიური თვალსაზრისით, ქრისტიანული წარმომავლობისაა და როგორც სემუელ ჰანტინგტონმაც მიუთითა, ახალი, 1970 წლის შემდგომი დემოკრატიების მეტი წილიც, სწორედ კათოლიკურ ქვეყნებზე მოდის. შესაბამისად შეიძლებოდა გვეთქვა, რომ რელიგია, თავისთავად, წინაღობა კი არა – პირიქით, სტიმულია დემოკრატიზაციისათვის.

მაგრამ რელიგია *per se*, მაინც არ გახლავთ უცილობელი პირობა თავისუფალი საზოგადოების შესაქმნელად; ლიბერალიზმისათვის ნოყიერი ნიადაგის მოსამზადებლად ქრისტიანობამ, გარკვეული თვალსაზრისით, “თვითგაუქმება” უნდა მოახერხოს საკუთარი მიზნებისა და ამოცანების სეკულარიზაციის გზით. ამგვარი სეკულარიზაციის ფენომენად კი დასავლეთში ზოგადად პროტესტანტიზმი მიიჩნეოდა. როდესაც რელიგია ქრისტიანსა და მის ღმერთს შორის კერძო, პირადი ურთიერთობის დონეზე დაიყვანა, ამით პროტესტანტიზმმა გააუქმა ღვთისმსახურთა ცალკე კლასის აუცილებლობა და ფაქტიურად, ბოლო მოუღო რელიგიის ჩარევას პოლიტიკაში. მეტ-ნაკლებად, მსოფლიოს სხვა რელიგიებიც ჩაერთნენ სეკულარიზაციის მსგავს პროცესში: ასე მაგალითად, ბუდიზმი და სინტოიზმი ღვთაებისადმი პირადი თავყანისცემით შემოიფარგლნენ – უპირატესად ოჯახის დონეზე; ინდუიზმისა და კონფუციანიზმის შემოიფარგლნენ შეიძლება ითქვას, სინთეზურია: ორივე მეტ-ნაკლებად უფრო ნებადამრთველი

მოძღვრებაა, ვიდრე ამკრძალავი, და მათი შეთავსება არცთუ ისე ძნელია საერო საქმიანობის ფართო სპექტრთან, მაგრამ ამ მოძღვრებათა არსი მაინც იერარქიული და არაეგალიტარულია. რაც შეეხება ორთოდოქსულ იუდაიზმსა და ფუნდამენტალისტურ ისლამს თუ მართლმადიდებლობას – ისინი პირიქით, უაღრესად ტოტალისტური რელიგიებია, რომლებიც ესწრაფვიან ადამიანის ცხოვრების ყოველი ასპექტი არეგულირონ, როგორც საზოგადოებრივი, ისე პირადი, თავად პოლიტიკის სფეროს ჩათვლითაც კი. ასეა თუ ისე, მათი დემოკრატიასთან შეთავსება მაინც შეიძლება – კერძოდ, ისლამი ქრისტიანობაზე არა ნაკლებად ამკვიდრებს საყოველთაო ადამიანური თანასწორობის პრინციპს – მაგრამ ძალიან ძნელი, თითქმის შეუძლებელია მათი შეხამება ლიბერალიზმთან, საყოველთაო უფლებების აღიარებასთან, განსაკუთრებით კი აზრისა და რწმენის თავისუფლების პრინციპებთან. ამიტომ, ალბათ არც გასაკვირი უნდა იყოს, რომ დღევანდელ მაჰმადიანურ სამყაროში ლიბერალური დემოკრატიის ერთადერთი გამზიარებელი თურქეთია – ქვეყანა, რომელმაც მეოცე საუკუნის დასაწყისში იშვიათი შეუპოვრობითა და გულწრფელობით მოახერხა უარეყო საკუთარი ისლამური წარმომავლობა საერო საზოგადოების სასარგებლოდ.

მყარი დემოკრატიისათვის მესამე ხელისშემშლელი პირობა – არათანაბარი სოციალური სტრუქტურა და მისგან გამომდინარე აზროვნების წყობაა. ტოკვილის თანახმად, ამერიკული დემოკრატიის სიძლიერე და სტაბილურობა ამერიკული საზოგადოების აბსოლუტურმა ეგალიტარულობამ და დემოკრატიულობამ განაპირობა – დამოუკიდებლობის დეკლარაციის მიღებასა და კონსტიტუციის დაწერამდე კარგა ხნით ადრე; ამერიკელები “თანასწორნი დაიბადნენ”, ანუ ჩრდილოეთ ამერიკაში დანერგილი წარმართველი კულტურული ტრადიციები ლიბერალური ინგლისიდან და პოლანდიიდან მომდინარეობდა და არა, ვთქვათ, მჩრდიმეტე საუკუნის აბსოლუტისტური პორტუგალიიდან თუ ესპანეთიდან. ბრაზილიამ და პერუმ, პირიქით – მემკვიდრეობით სწორედ უაღრესად დამრევებული კლასობრივი სტრუქტურები მიიღეს, ამ სტრუქტურათა შემადგენელი კლასები კი, ერთნაირად ეგოისტურნი, ერთმანეთისადმი ოდინდელი მტრობით გამოირჩეოდნენ.

სხვა სიტყვებით თუ ვიტყვით, ბატონები და მონები თავ-თავიანთ მენტალიტეტს ზოგიერთ ქვეყანაში უფრო გაშიშვლებული და წარსულში უფრო ღრმად ფესვგადგმული ფორმებით ინარჩუნებდნენ, ვიდრე სხვაგან. ლათინური ამერიკის დიდ ნაწილში, ისევე როგორც შეერთებული შტატების სამხრეთში სამოქალაქო ომამდე, მონობა ამკარად არსებობდა, ყოველ შემთხვევაში არსებობდა ფართომასშტაბიანი პასიენდური სოფლის მეურნეობის რაღაც ფორმები, რაც გლეხის ლამის მართლაც მონურ დამოკიდებულებას განაპირობებდა მიწათმფლობელთა კლასზე. ყალიბდებოდა ზუსტად ისეთივე ურთიერთობა, როგორსაც ჰეგელი უძველესი პერიოდის ბატონობისა და მონობის დამახასიათებელ ნიშნად სახავდა: ერთის მხრივ, მოძალადე და უქნარა ბატონები, მეორე მხრივ კი მათზე თავიდან ბოლომდე დამოკიდებული, დაშინებული მონების კლასი, რომელსაც თითქმის არანაირი წარმოდგენა არ გააჩნდა თავისუფლებაზე. აი, მაგალითად კოსტარკაში კი, ესპანეთის იმპერიის იზოლირებულ და მივიწყებულ კუთხეში, სადაც

მთელი მოსახლეობა ერთნაირად ღატაკი იყო და არავითარი ჰასიენდური ტიპის მიწათმოქმედებაც არ არსებობდა, დემოკრატიამ შედარებით მეტ წარმატებას მი-
აღწია და ამის ერთადერთი ახსნაც, სწორედ ხსენებული მიზეზებია.

უკანასკნელი კულტურული ფაქტორი, რაც მყარი დემოკრატიის პერსპე-
ქტივებზე ახდენს ზემოქმედებას, საზოგადოების უნარს უკავშირდება, თავად შე-
ქმნას ჯანსაღი სამოქალაქო საზოგადოება – ის სფერო, სადაც ადამიანებს
სახელმწიფოზე დაყრდნობის გარეშე შეუძლიათ რეალურად დაეუფლონ
ტოკვილისეულ “ურთიერთობის ხელოვნებას”. ტოკვილი ამტკიცებდა, დემოკრა-
ტია ყველაზე უკეთ მაშინ “მუშაობს”, როცა ზემოდან ქვემოთ კი არა, ქვემოდან
ზემოთ ვრცელდება, როცა ცენტრალიზებული სახელმწიფო ბუნებრივად ყალიბ-
დება უამრავი ადგილობრივი მმართველობის ორგანოებიდან თუ კერძო ასოცია-
ციებიდან, რომელთა ფუნქციონირებაც თავისუფლებისა და თვითმმართველობის
გარკვეული სკოლააო. დემოკრატია, ბოლოს და ბოლოს, სწორედ თვითმ-
მართველობამდე დაიყვანება და თუკი ადამიანებს შესწევთ უნარი ქალაქებში, კო-
რპორაციებში, პროფესიულ გაერთიანებებსა თუ უნივერსიტეტებში “მიხედონ
თავს”, საფიქრებელია, სახელმწიფო ღონეზუც წარმატებით მოახერხებენ იგივეს.

თავის მხრივ, ეს უნარი ხშირად თანამედროვეობისწინა საზოგადოების
ხასიათს უკავშირდება, საიდანაც ამა თუ იმ ქვეყნის დემოკრატია ამოიზარდა.
ბევრი ამტკიცებდა, რომ ისეთი პრე-თანამედროვე საზოგადოებები, რომელთა სა-
თავეშიც ძლიერი, ცენტრალიზებული სახელმწიფოები იდგნენ და სისტემურად
ანადგურებდნენ ძალაუფლების ყველა შუალედურ წყაროს – იქნებოდა ეს ფეო-
დალური არისტოკრატია თუ ადგილობრივი, რეგიონული მხედართმთავრების
დიქტატი, – მოდერნიზების შემდეგ გაცილებით უფრო ძლიერ მიდრეკილებას
ამჟღავნებდნენ ავტორიტარული მმართველობისადმი, ვიდრე ის ფეოდალური
საზოგადოებები, სადაც ძალაუფლება მეფესა და რამდენიმე ძლიერ, გავლენიან
მთავარს შორის იყო დაყოფილი. რუსეთი და ჩინეთი – უდიდესი, ცენტრალიზე-
ბული ბიუროკრატიული იმპერიები რევოლუციამდელ ეპოქაში – კომუნისტურ,
ტოტალიტარულ სახელმწიფოებად გარდაიქმნენ, ხოლო ინგლისი და იაპონია,
სადაც გამოკვეთილი ფეოდალური სტრუქტურა არსებობდა, მყარ
დემოკრატიებად ჩამოყალიბდნენ. ამ მიზეზებით შეიძლება აიხსნას ის სიძნელე-
ბიც, რაც საფრანგეთისა და ესპანეთის ტიპის დასავლეთ ევროპულ ქვეყნებს შეე-
დათ მყარი დემოკრატიის შექმნის გზაზე. ორივე შემთხვევაში, ფეოდალიზმი
მეთექვსმეტე და მეჩვიდმეტე საუკუნეებში ცენტრალიზაციის, მოდერნიზაციისაკენ
მიმავალმა მონარქიამ “დაანგრია”, რის შემდეგაც ამ ქვეყნებს მემკვიდრეობად
ძლიერი სახელმწიფო ძალაუფლება და სუსტი, დათრგუნული, სახელმწიფოს
გავლენაზე დამოკიდებული სამოქალაქო საზოგადოება ერგოთ. ცენტრალიზაციის
გზაზე დამდგარი ეს მონარქიები აზროვნების გარკვეულ სტილს ამკვიდრებდნენ,
რისი კარნახითაც ადამიანებმა თანდათან დაკარგეს პიროვნულად, სპონტანურად
თვითორგანიზების, ადგილობრივ ღონეზე ერთად მუშაობის უნარი და საკუთარი
ცხოვრების მოწყობაზე პასუხისმგებლობის განცდაც. ცენტრალიზაციის ტრადი-
ცია საფრანგეთში – სადაც, როგორც წესი, პარიზიდან ნებართვის გარეშე
არცერთი გზა არ გაჰყავდათ, არცერთ ხიდს არ აშენებდნენ პროვინციულ, პატარა

მდინარეზეც კი – უწყვეტ ხაზად გაგრძელდა ლუი მეცამეტედან ნაპოლეონამდე და ამჟამინდელ მჭუთე რესპუბლიკამდეც, ე.წ. Conseil d'état-ის სახით. მსგავსი მემკვიდრეობა, თავის მხრივ, ესპანეთმაც უანდერძა ლათინური ამერიკის ბევრ სახელმწიფოს.

“დემოკრატიული” კულტურის სიძლიერე ხშირად დიდადაა დამოკიდებული იმ თანმიმდევრობაზე, რითაც ლიბერალური დემოკრატიის შემადგენელი ელემენტები გამოდის სამშეოზე. ასე მაგალითად, ბრიტანეთი და შეერთებული შტატები იმიტომაც თანამედროვეობის ყველაზე აყვავებული ლიბერალური დემოკრატიები, ამ ქვეყნებში ლიბერალიზმი წინ რომ უსწრებდა დემოკრატიას, ანუ, თავისუფლება უსწრებდა წინ თანასწორობას. სხვაგვარად თუ ვიტყვით, სანამ მოსახლეობის სხვა ფენებშიც გავრცელდებოდა, სიტყვის თავისუფლების, თავისუფალი ურთიერთობის, მმართველობაში პოლიტიკური თანამონაწილეობის ლიბერალური უფლებები ჯერ მცირერიცხოვან, როგორც წესი, მამრობითი სქესის, თეთრკანიან და მიწის მფლობელ ელიტაში ინერგებოდა. დემოკრატიული კამათისა და კომპრომისის ჩვევები, როდესაც დამარცხებულთა უფლებები ყოველმხრივად დაცული და უზრუნველყოფილი, უფრო იოლად შეითვისეს ერთნაირი სოციალური წარსულისა და მიდრეკილებების მქონე პატარ-პატარა, ელიტურმა ჯგუფებმა, ვიდრე მრავალრიცხოვანი და არაერთგვაროვანი, ტომობრივი თუ ეთნიკური სიძულვილით გაჟღენთილი საზოგადოების ფართო ფენებმა. ამგვარმა თანმიმდევრობამ ლიბერალურ დემოკრატიულ პრაქტიკას შესაძლებლობა მისცა ღრმად გაედგა ფესვი და მჭიდროდ გადახლართოდა ყველაზე უძველეს ეროვნულ ტრადიციებს. ლიბერალური დემოკრატიის გაიგივება პატრიოტიზმთან, მის თიმოტურ მიმზიდველობას აძლიერებს ახლად უფლებამოპოვებული ჯგუფების თვალში, და დროთა განმავლობაში ამ ჯგუფებს დემოკრატიულ ინსტიტუტებთანაც აკავშირებს.

ყველა ეს ფაქტორი – ეროვნული ერთიანობის განცდა, რელიგია, სოციალური თანასწორობა, სამოქალაქო საზოგადოებისაკენ მისწრაფება და ლიბერალური ინსტიტუტების ისტორიული გამოცდილება – მთლიანობაში ხალხის კულტურას შეადგენს. სწორედ ხსენებული ფაქტორების გათვალისწინება და ხალხებს შორის არსებული განსხვავებანი განმარტავს იმ ფაქტს, ერთნაირი ლიბერალურ-დემოკრატიული კონსტიტუციები რატომ მოქმედებს ზოგი ხალხის პრაქტიკაში საათივით აწყობილად, სხვა გარემოში კი ვერა; ანდა რატომ უარყოფს ერთი და იგივე ხალხი დემოკრატიას ერთ ეპოქაში, სხვა ეპოქაში კი უყოყმანოდ ადგება ამ გზას. ნებისმიერი სახელმწიფო მოღვაწე, ვინც ცდილობს თავისუფლების სფერო განაურცოს და წარმატებით მიიყვანოს სახელმწიფო “ისტორიის დასასრულამდე” – ამ ხასიათის სუბპოლიტიკურ წინააღმდეგობებს წინასწარვე უნდა ჰკრეტდეს.

და მაინც, არის რამდენიმე მოსაზრება კულტურასა და დემოკრატიასთან დაკავშირებით, რისი გაზიარებაც არამც და არამც არ შემძლია. პირველი ის განცხადება გახლავთ, კულტურული ფაქტორები საკმარისი პირობაა დემოკრატიის დამყარებისთვისო. ასე მაგალითად, ერთი კარგად ცნობილი სოვე-

ტოლოგი თავს ირწმუნებდა, თითქოს საბჭოთა კავშირში, ბრეჟნევის ეპოქაში არსებობდა პლურალიზმის ეფექტური ფორმა და საკუთარი აზრის დასაბუთებას მხოლოდ იმით ცდილობდა, რომ საბჭოთა კავშირმა ურბანიზაციის, განათლების, ერთ სულ მოსახლეზე შემოსავლის, სეკულარიზაციის გარკვეულ დონეს მიაღწიაო. მაგრამ არ უნდა დაგვაიწყდეს, ნაციისტური გერმანიაც პასუხობდა პრაქტიკულად ყველა, მყარი დემოკრატიისათვის ხაზგასმულად აუცილებელ კულტურულ წინაპირობას: იყო ნაციონალურად ერთიანი, ეკონომიკურად განვითარებული, ძირითადად – პროტესტანტული ქვეყანა; ჰყავდა ჯანსაღი სამოქალაქო საზოგადოება და სოციალური არაეგალიტარულობითაც არ გამოირჩეოდა დასავლეთ ევროპის სხვა სახელმწიფოებისაგან. და მაინც, თიმოტური თვითდამკვიდრებისა და სიბრაზის ამ უდიდესმა აფეთქებამ, რაც გერმანული ნაციონალ-სოციალიზმის არსს შეადგენდა, შეძლო მთლიანად წაეღეკა და მოესპო რაციონალური ურთიერთდაღიარების სურვილი.

დემოკრატია ვერასოდეს შემოვა უკანა კარიდან; გარკვეულ დროს, ის სწორედ დემოკრატიის დამყარების თაობაზე მიღებული აწონილ-დაწონილი პოლიტიკური გადაწყვეტილების შედეგად უნდა გაჩნდეს. პოლიტიკური სფერო დამოუკიდებელი რჩება კულტურისაგან და როგორც სურვილის, თიმოსისა და გონის გადაკვეთის წერტილს, მას საკუთარი, განსაკუთრებული ღირსება აქვს. მყარი ლიბერალური დემოკრატია წარმოუდგენელია ქმედითუნარიანი სახელმწიფო მოღვაწეების გარეშე, ვინც პოლიტიკის ხელოვნებას ფლობს და ძალაც შესწევს, ადამიანთა ძირითადი მიდრეკილებები სიცოცხლისუნარიანი პოლიტიკური ინსტიტუტების ჩარჩოებში მოაქციოს. როცა დაკვირვებით ვსწავლობთ დემოკრატიაზე ამა თუ იმ ქვეყნის წარმატებით გადასვლის შემთხვევებს, აშკარა ხდება – რაოდენ დიდი მნიშვნელობა ენიჭება ისეთ ზედმიწევნით პოლიტიკურ ფაქტორებს, როგორებიცაა ახალი დემოკრატიული ხელმძღვანელობის უნარი, ძველი შეცდომებისა და დანაშაულებების გამოძიების დაწყებამდე, მაქსიმალურად გაანეიტრალოს შეიარაღებული ძალები, შეინარჩუნოს სიმბოლური უწყვეტობა წარსულთან (დროშები, ჰიმნები და სხვა ასეთი), გაითვალისწინოს უკვე ჩამოყალიბებული პარტიული სისტემის ბუნება და განსაზღვროს, საპრეზიდენტო იყოს დემოკრატიული მმართველობა თუ საპარლამენტო. შესაბამისად, დემოკრატიათა მარცხის შესწავლაც ადასტურებს, რომ ამგვარი შედეგი არამც და არამც არ იყო გარდაუვალი – თუნდაც შექმნილი კულტურული თუ ეკონომიკური გარემოს გამო – ხშირ შემთხვევაში, მარცხს ცალკეული, კონკრეტული პოლიტიკოსების უგარგისი გადაწყვეტილებები განაპირობებდა. ლათინური ამერიკის სახელმწიფოები სულაც არ გამხდარან იძულებულნი, მაინცდამაინც პროტექციონიზმის და იმპორტის ჩანაცვლების პოლიტიკა აერჩიათ 30-იანი წლების მსოფლიო დეპრესიის დროს, არადა სწორედ ამ პოლიტიკამ მრავალი წლით დაასამარა მათი იმედები მყარ დემოკრატიათთან მიმართებით.

მეორე, და ალბათ უფრო ფართოდ გავრცელებული შეცდომა – დემოკრატიის დამყარების აუცილებელ პირობად კულტურული ფაქტორების მიჩნევა გახლავთ. მაქს ვებერი დაწერილებით აღწერს იმ თანამედროვე დემოკრატიის ისტორიულ ფესვებს, რაც პრინციპში, დასავლური ტიპის ქალაქის გარკვეული,

ძალზე სპეციფიური სოციალური პირობებიდან აღმოცენებულად მიაჩნია. დემოკრატიის ვებერისეული განმარტებაც, როგორც ყოველთვის, ისტორიულად მდიდარი და ღრმაა, ოღონდ მისი დახასიათებიდან გამომდინარე, დემოკრატია შეიძლება მხოლოდ დასავლური ცივილიზაციის ერთი პატარა კუთხის სპეციფიურ კულტურულ და სოციალურ გარემოში გაჩენილიყო; ის ფაქტი, რომ დემოკრატია გავრცელდა როგორც ყველაზე რაციონალური, მისაღები პოლიტიკური სისტემა და სხვა სისტემებთან შედარებით, უფრო “მოერგო” ზოგადად ადამიანური პიროვნების ბუნებას მსოფლიოს სხვადასხვა კულტურათა მასშტაბით, საერთოდ არცაა სერიოზულად განხილული.

ძალიან ხშირად გაისმის არგუმენტი, ესა თუ ის ქვეყანა ვერ გადემოკრატიულდება, რადგან აქამდე არავითარი დემოკრატიული ტრადიცია არ ჰქონიაო. ეს ტრადიცია აუცილებელი პირობა რომ იყოს, მაშინ ვერცერთი ქვეყანა ვერ გახდებოდა დემოკრატიული, რამდენადაც არ არსებობს ხალხი თუ კულტურა (დასავლეთ ევროპის ჩათვლით), რომელსაც ან არ დაეწეოს ძლიერი ავტორიტარული ტრადიციით, ან დროთა განმავლობაში ამგვარ მდგომარეობამდე არ მისულიყოს.

გამყოფი ხაზი კულტურასა და პოლიტიკას, ხალხებსა და სახელმწიფოებს შორის არცთუ ისე მკაფიოა, როგორც ეს ერთი შეხედვით შეიძლება მოგვეჩვენოს. სახელმწიფოებს შეუძლიათ ძალიან მნიშვნელოვანი როლი ითამაშონ ხალხების “ფორმირებაში”, ანუ “ბოროტისა და კეთილის” მათეული ენის ჩამოყალიბებაში და ახალი ადათების, ჩვევებისა და კულტურების de novo შექმნაში. ამერიკელები არა უბრალოდ “თანასწორები დაიბადნენ”, არამედ ჯერ კიდევ შეერთებული შტატების შექმნამდე “გათანასწორდნენ” იმ წლებში, როცა შტატისა თუ ადგილობრივი თვითმმართველობის დონეზე გამოცდილებას იძენდნენ და ბრიტანეთისაგან დამოუკიდებლობის მოპოვებას ცდილობდნენ. ამერიკული საფუძვლების ამკარად დემოკრატიულმა ბუნებამ ხელი შეუწყო უფრო გვიანდელი პერიოდის დემოკრატიული ამერიკელის, იმ ტიპის ადამიანის ჩამოყალიბებას, როგორც მანამდე არსად და არასდროს არსებობდა მთელი ისტორიის მანძილზე (სხვათა შორის, სწორედ ეს ტიპი აღწერა მშვენივრად ტოკვილმა). კულტურა ბუნების კანონებზე სტატიკური ფენომენი არაა; ის ადამიანის “ნამოქმედარია” და ევოლუციის უწყვეტ პროცესსაც განიცდის. კულტურამ შეიძლება სახე იცვალოს ეკონომიკური განვითარების, ომებისა თუ სხვა ეროვნული მასშტაბის ძვრების გავლენით, მიგრაციისა თუ გაცნობიერებული არჩევანის შედეგად, და აქედან გამომდინარე, დემოკრატიის კულტურული “მსაზღვრელები” – თუმცა უდავოდ მნიშვნელოვანი კია, მაგრამ მათდამი გარკვეული იჭვინული დამოკიდებულებაც არ გვაწყენდა.

მეორე მხრივ, სწორედ ხალხებისა და მათი კულტურების მნიშვნელობა აღნიშნავს ლიბერალური რაციონალიზმის საზღვრებს, ანდა – სხვაგვარად თუ ვიტყვით – განსაზღვრავს კიდევ რაციონალური ლიბერალური ინსტიტუტების ირაციონალურ თიმოსზე დამოკიდებულების დონეს. რაციონალური ლიბერალური სახელმწიფო ვერ აშენდება მხოლოდ არჩევნების გზით, და ვერც სიც-

ოცხლისუნარიანი გამოდგება ქვეყნის ირაციონალური სიყვარულისა თუ შემწყნარებლობის მსგავსი ფასეულობებისადმი ძირეული მიდრეკილების გარეშე. თუკი თანამედროვე ლიბერალური დემოკრატიის სიჯანსაღე სამოქალაქო საზოგადოების სიჯანსაღეს ემყარება, ხოლო ეს უკანასკნელი ადამიანთა შორის ურთიერთობის უნარზეა დამოკიდებული, მაშინ ნათელია, რომ წარმატების მოსაპოვებლად ლიბერალიზმი უნდა გასცდეს საკუთარი პრინციპების ფარგლებს: წარმატებული პოლიტიკური მოდერნიზაციისათვის რაღაც პრე-მოდერნულის შენარჩუნებაც აუცილებელია უფლებებისა და კონსტიტუციური გადაწყვეტილებების მისეულ სისტემაში, ანუ – სახელმწიფოს გამარჯვება, ოღონდ არა – ხალხზე...

თარგმანი: ზაზა ჯილაძე





პიესები

კვენტინ ტარანტინო, ჯეიმზ ეივორი

'Pulp Fiction – ლაყე საკითხავი'







Pulp Fiction

**კვენტინ ტარანტინო
როჯერ რობერტს ეივერი**

ლაყე საკითხავი

ანუ

ერთ პონტში გასული სამი ამბავი

(1993 წ. მაისში მოთავებული საბოლოო ვარიანტი)

Pulp (არს. სახ.):

1. რბილი, ნოტიო, უფორმო მასა ან ნივთიერება.
2. ხეშეშ, იაფ ქაღალდზე დასტამბული წიგნი ან ჟურნალი, ძირითადად – მარტივი, უგვანი შინაარსისა.

(American Heritage Dictionary, New College Edition)

1. კაფე, დილა.

ერთი ჩვეულებრივი კაფე ლოს-ანჯელესის გარეუბანში. დილის 9 საათია. ხალხი ხალვათადაა, თუმცა ჯამში არც ისე ცოტანი არიან. ძირითადად, სტანდარტული დილის თოხლი – წყალწყალა ყავა, ეროკვერცხი და ზედვე მოტაფული ბეკონი.

კუთხის მაგიდას ორნი მიჯდომიან – ახალგაზრდა კაცი და ქალი. კაცს ოდნავი ბრიტანული აქცენტი ატყვია და სიგარუტიც რაღაც შესაბამისი მანერულობით გაუჩრია თითებში.

ქალი რა ხნისა იქნება, ანთუ სადაური, ასე უცებ ვერც დაჩოთქავ – თან ისე უცნაურად იქცევა, შესტიკულაცია სულ არ ემთხვევა ხოლმე ნათქვამს. სწრაფ-სწრაფად ლაპარაკობენ, რღვეულ რიტმში.

ახ. კაცი: არა, ეგრე არ წავა, შანსი არაა... ძან სარისკოა. რახანია, დაუახვიე...

ქალი: სუ ეგრე არ გაიძახი – გეყო, დავახვიეთ, რისკია...

ახ. კაცი: რასაც ვტვინავ, იმას ვბაზრობ! შენ კიდე...

ქალი: მერე კიდე სუყველაფერი გავიწყდება!

ახ. კაცი: წავიდა ეგ დრო, ახლა მქვსომება.

ქალი: ეგრე როცა ბაზრობ, იცი ვისა გავხარ?! გაბრაზებულ კვატას! კვიტ-კვიტ-კვიტ...

ახ. კაცი: ხოდა, ხვალდან შეიცვლება ყველაფერი.

ქალი: ხვალდანო-ო...

(იცინიან, თითქოს ჯერი-ჯერზეო – ერთი რომ ჩერდება, იქვე მეორეს ისევ უტყდება ხითხითი)

ახ. კაცი: ეგრეა. ოლონდ – ხვალდან.

მიმტანი გოგო, ყავადანით ხელში: დაგიმატოთ?

ახ. კაცი: გაიხარე...

(გოგო ყავას უსხავს, ქალი სიგარეტს აბოლებს, როლებად. პაუზა)

ახ. კაცი: იმას ვაწვები, რო ახლა ეგ ისეთივე სარისკია, როგორაც ბანკის გამოსუფთავება. ის კი არა და, კიდე უარესი. ფედერალურ ბანკებში რა – სულ ქინძზე არ კიდეა ყველას ყველაფერი – დაზღვეულები არიან და რაში ადარდებთ? იარაღიც კი არა გჭირდება – ისედაც გაგივსებენ ფუთას! ერთი ბიჭის მითხრეს – ფედერალურ ბანკში მობილურით შესულა და ვიღაცა კლერკს უწვდის – შენ ებაზრო... იქიდან კიდე ვიღაც იმუქრება თურმე – ამ ბიჭის შვილი მძევლად გვყავს აყვანილი და ფულს თუ არ ჩამოხვალთ, აქვე ავჩეხავთ და ნაჭერ-ნაჭერ გამოვუგზავნით თქვენს დირექტორსო!

ქალი: მერე, გაჭრა?!

ახ. კაცი: გაჭრა რომელია, მაგას არ გიჩინებ! აზრზე მოდი – ვიღაცა ყლიყვი ბანკში შედის, მობილურს აძრობს და საქმეც გაიჩარხა! კაცმა ყური არ გააპარტყუნა...

ქალი: იმის შვილს რაღა მოუვიდა?

ახ. კაცი: ამდენი აღარ ვიცი. იქნებ არც არავითარი შვილი არ იყო – აზრი ისაა, რო მობილურის ერთი ზარი და – მოთავე-ბულია საქმე!

ქალი: მოკლედ რა – ბანკი გინდა დახვეტო?

ახ. კაცი: ვინ გითხრა, ბანკები-თქო – იმას გეუბნები, ბანკის ძარცვა უფრო ადვილია, ვიდრე რასაც ჩვენ ვჩაღიჩობთ...

ქალი: დაიცა, რა – უარზე ხარ?

ახ. კაცი: უარზე ვარ, მა რა – ბოლო-ბოლო ან ტყვიას მომდებენ ბეჭებში, ან ოც წელს – ციხეში...

ქალი: არც ღვინის მალაზიები გინდა?

ახ. კაცი: რა განსხვავებაა, რო? ეგეც იგივე არაა? მერე კიდე, ჭუტათვალეებიანებიც ისე მომრავლდნენ, მთელი ეგ ვიეტები და კორეები და პაკები¹ და ინგლისურის ინჩი-ბინჩი რო არ გაეგებათ, და ეტყვი რამეს – ვთქვათ, “სალარო ჩამოყარე”, ან “მაყუთი მაიტა” და აზრზეც არ არი, რას ებლატავენ... ბოლო-ბოლო, შემოგაკვდება ვინმე ეგეთი აზიატი ჩუჩმეკი და უყარე მერე კაკალი!

ქალი: არავის მოკვლა მე არ მინდა!

ახ. კაცი: მერე, ვინ გეუბნება, რო? მარა ეგრეა – ბოლო-ბოლო ისეთ სიტუაციაში აღმოუჩნდებით, ან ჩვენ – ან ეგენი... იმიტო რო გულთან ახლოს მიაქვთ ყველაფერი, მთელი კოდლას წყენად იღებენ... ან თუნდაც ვინმე ბებერი ურია იყოს – ზის იქ, დახლთან, ეგ მალაზია იქნება და ბოლო ათი თაობა სულ მაგის ოჯახის ნაქონია და ჭკუაზე არ არი – თავსაც გადადებს და თავის ცოლ-შვილსაც... ანდა კიდე უარესი – ვინმე ბაბუ აიზეკი, სულ ის ძველი კარგი დრო რო ენატრება, ზანგებს რო კიდებდნენ დააოხილ თოკზე – დაადრობს საიდანლაც ორმოცდახუთიან მაგნუმს და შენს მობილურს ზედაც არ შეხედავს – იქნება და ვერც მიხვდეს, რა არი! არა-ა, მაგეებს უნდა შევეშვათ.

ქალი: და რა ვქნათ ახლა, სამუშაო ვეძებოთ?..

¹ Viets, Cors, Pakis = ვიეტნამელები, კორეელები, პაკისტანელები (აღებულ კილოზე)

ახ. კაცი: მორჩი, რა...

ქალი: აბა რა ჯანდაბა გინდა, აღარ იტყვი?

ახ. კაცი: (თავს მიაბრუნებს და სადღაც იქით გასძახის):

გალ-ლსონ! ერთი ყავაც!

(მერე ქალს მიაშტერდება)

ახ. კაცი: აქაურობა უნდა დავბომბოთ.

(მიმტანი გოგო მოადგება გვერდიდან, ყავას უსხავს)

გოგო: “გალ-ლსონ” მხოლოდ მამრობით სქესზე ითქმის, სე-ერრ!

(გადის)

ახ. კაცი: ერთი ეგეთილა მაკლდა... (თვალს გააყოლებს)

ქალი: დაიცა რა – კაფე გინდა დაბომბო?! რა ხეირი?

ახ. კაცი: (ისევ მოუბრუნდება) ნუ სულელობ ერთი... აი – ბარი, ღვინის მაღაზია, ბენზინგასამართი და ეგეთები – ყველგან შეიძლება მიგაბრიდოს ვიღაც შერეკილმა, კაფე-რესტორნების გაფცქვნა კი სულ მარტივი რამეა – აზრზე მოდი – კაციშვილი არაფერს მოეღის და ხალხსაც ტვინი კუჭზე აქ მომართული...

ქალი: (ნელი-ნელ ჭკუაში უჯდება): ასეთ დროს კი გმირობაზეც ნაღდად რო არავინ გაიქაჩება...

ახ. კაცი: ეგრეა. ამდაგვარი ადგილები სულ დაზღვეულია ხოლმე. მენჯვერსაც ქინძზე არ კიდია – ოღონდ თავიდან მოგიშოროს და სროლა არ ატეხო! ოფიციალტებიც რა – რისთვის გამოიდებენ თავს? დაუფასებს ვინმე? კლიენტები კიდე თოხლაობენ და საერთოდ აზრზეც ვერ მოდიან, რა ხდება...

(ხმას დაუწევს, ლამის ეჩურჩულება)

იცო როდის მხია თავში? აი იმ მაღაზიაში რო ვიყავით და რიგი რო გაიწვლა და შენ თქვი – ეხლა ყველა ამათთვის რო საფულეები აგვახვეინაო...

ქალი: მახსოვს, კი! რა მერე?..

ახ. კაცი: მაშინ მოვწვი – მაგარი იდეა იყო.

ქალი: მადლობელი.

ახ. კაცი: სალაროზე მეტი ფარა იმ საფულებებში იღო.

ქალი: ბევრად მეტი.

ახ. კაცი: და კაფე-რესტორნებშიც ოხრად ხალხი დადის...

ქალი: და ყველა – საფულებებიანი.

ახ. კაცი: როგორია?

(ქალი აქეთ-იქით მიმოიხედავს. მაგიდასთან მსხდომნი დანა-ჩან-გლებს აწკარუნებენ, ქანცვაცილი მიძტანი გოგო შეკვეთებს იღებს, მენეჯერი რაღაცას ედაუება მზარეულს... ქალის სახეზე ღიმილი კრთება)

ქალი: გლიჯავს! (საქმიანი გამომეტყველებით) როდის ვიწყებთ?

ახ. კაცი: ახლავე! ოღონდ დაიხსომე – შენ ამ ბლიყვებს მიხედავ, დანარჩენი ჩემი საქმეა.

(ქალი თავს უქნევს. მერე 32 ყალიბის პისტოლეტებს დაადრობენ ჩანთებიდან, წინ დაილაგებენ და ერთურთისკენ გადახრილები, თვალებში ჩასცქერიან ერთმანეთს)

ქალი: ჩემი კვატა ვინაა?.

ახ. კაცი: ჩემი პუსკუნა ვინაა?.

(პუსკუნა და კვატა იარაღს დააელებენ ხელს, ფეხზე წამოიჭრებიან; ამ წუთიდან უკან დასახევი გზა აღარა აქვთ – ძარცვა დაიწყო. კვატა ნაღდი პროფესიონალივით ირჯება – გამოზომილი მოძრაობები, მშვიდი ხმა; პუსკუნას კი ეტყობა, რომ წკიპზეა: ხმა უკანკალებს, პისტოლეტის ლულას აქეთ-იქით იშვერს, უმისამართოდ)

კვატა: ყურადღება! ყველანი ადგილებზე ვრჩებით! ერთი პატარა

ლოკალური ძარცვა, სხვა არაფერი!

პუსკუნა: არ გაინძრეთ-მეთქი!! გატოკდება ვინმე და – მიგახვრეტო სუყველას!

სურათი იცვლება:

2. გარეხედი – 74 წლის გამოშვება შვეროლე, დილაა.

ძველი, მონჯღრეული, რძისფერი შვეროლე ნოვა პოლიეუდის ღარიბ გარეუბანში ქუჩიდან ქუჩაზე გაზავს. წინა საჯარძლებზე ორი ახალგაზრდა წამოჭიმულა – ერთი შავკანიანი და ერთიც – მკრთალსახიანთა მოდგმისა; ორივე ლამის საკუბოვებდაა გამოწყობილი – მუქი ფერის, იაფფასიანი შარვალ-კოსტუმები, წვრილი შავი ჰალსტუხები და მუქიფე ფერის თხელი, გრძელზე-გრძელი ლაბადები. თუთრკანიანს **ვინსენტ კეკას** უხმობენ, ზანგს – **ჯულზ უინფილდს**. საჭეს ჯულზი უხის.

ჯულზი: კარგი ჰო, ახლა იმ ყავახანებზე მოყვები.

ვინსენტი: რა უნდა მოყვე?

ჯულზი: რა და ისა, აი – დაბოლვა მოსულა?

ვინსენტი: კი, ეგრეა – ოღონდ როგორ გითხრა – თითქოს არც მთლად მასეა საქმე... აი, რო შებვიდე, ყველას თვალწინ შეუკეთო და იქვე დაბოლდე, მთლად ეგრეც არ არი... სახლში შეგიძლია შენს ნებაზე და კიდე – სპეცადგილებში.

ჯულზი: დაიცა რა – ეგაა შენი ყავახანები?

ვინსენტი: მაშ. ახლა, წესი როგორ ეწყობა: უფლება გაქ იყიდო – გინდა, სულ შტაბელებად დაილაგე – და შეინახო, ოღონდ გაყიდვა – მხოლოდ მაშინ, თუ ეგეთი ნარკობარის მეპატრონე ხარ, ისე არ მოსულა.

ჯულზი: მერე?!

ვინსენტი: მერე და ისა... საქმეც ეგ არი, ამას არაფითარი მნიშვნელი არა აქ, თუ გინდა, ჯიბით ატარე რა – კაციშვილი ხმას ვერ გაგცემს! აი, ვთქვით და პოლიციამ გაგაჩერა – აზრზე

მოდი, გაჩხრეკის უფლებაც კი არა აქვთ! ამსტერდამში პოლიციას უფლება არა აქვს კაცი ისე, ტყუილად გაჩხრიკოს...

ჯულზი: აბა, წავსულვართ ამსტერდამში...

ვინსენტი: მოგეწონება, ფაიზალად. დაიცა, რამე რო იყოს, ყველაზე საღადაო იცი რა აქვთ იმ ჩემისებს?

ჯულზი: რაო, მაგალითად?

ვინსენტი: ფუნტიან ჩიზბურგერს იცი რას ეძახიან?

ჯულზი: (მხრებს იჩეჩავს) რა ვი...

ვინსენტი: ეგენი ხო მეტრულ სისტემაზე არიან, ფუნტების და ეგეთების არაფერი გაეგებათ... აზრზე მოდი – როიალი ყველით! მარტო ბიგ-მაკს უძახიან ბიგ-მაკს, ოღონდ მაგასაც რაღაც თავის ჭკუაზე – ლე ბიგ-მაქ, თუ რაღაც ეგრე...

ჯულზი: ეგენიც მყვანან რა... ჰოპერს² რაღა ქვია, ვთქვათ, იტალიაში – პიანინო?

ვინსენტი: მაგდენი აღარ ვიცი, ბურგერკინგებში არ მივლია. დაიცა, პოლანდიაში შემწვარ კარტოფილს თუ იცი, რას უშვებიან?

ჯულზი: რას, მაგალითად?

ვინსენტი: კეტჩუპის მაგივრად მაიონეზს ასხამენ ზემოდან!

ჯულზი: სულ გარეკეს?!

ვინსენტი: ჩემი თვალით ვნახე. თან რა – ისე კი არა, კიდევ რო დააწვეთო – მთელ თეფშზე მოასხამენ ხოლმე.

ჯულზი: ვაი მაგათ პატრონს!

ვინსენტი: მაგიორში, კინოს თუ უყურებ, შეგიძლია ნაღდი კათხა ლუდი აიღო – ისე კი არა, ჩვენთან ქალაქის ჭიქებიდან

² ყველაზე დიდი ბუტერბროდი ბურგერკინგის ქსელში.

რო უნდა წრუპო – ფუი! მერე, ლუდის სმა მაკდონალდ-შიც შეიძლება, ოღონდ ისეთის, აი – *მცირეალკოჰოლიანის...*

ჯულზი: რას ერჩი, რაღაცა ჭკვიანური მაგათაც ხო მოსვლიათ თავში.

სურათი იცვლება:

3. გარეხედი: შვეროლეს საბარგული, დილაა.

მანქანის საბარგული თავლიაა, ჯულზი და ვინსენტი იქიდან თითო 45 კალიბრიან ავტომატურ იარაღს დააძრობენ, მჭიდვებს ტენიან და ჩახმახებზე შეაყენებენ.

ჯულზი: ამათი დროც დადგა...

ვინსენტი: რამდენი არიან, თუ იცი?

ჯულზი: სამი-ოთხი მაინც იქნება.

ვინსენტი: იმ ჩვენიანის ჩათვლით?

ჯულზი: რა ვი, აბა... რა გითხრა.

ვინსენტი: გინდა თქვა, იქნებადა ხუთიც იყოს?

ჯულზი: გამორიცხული არაფერია.

ვინსენტი: კარაბინები უნდა დაგვეთრია.

(ჯულზი საბარგულს კეტავს, უხმოდ).

სურათი იცვლება:

4. მიერუებული საცხოვრებელი სახლის ეზო. დილაა.

ვინსენტი და ჯულზი ეზოში მიალაჯებენ. მათი გრძელი, შავი ლაბადების კალთებმა ლამისაა, ქვაფენილი მოხვეტონ.

- ვინსენტი:** რაო, რა ქვიაო?
- ჯულზი:** მია.
- ვინსენტი:** მარსელასს სად გადაეყარა?
- ჯულზი:** არც სად. ადრე მსახიობი იყო.
- ვინსენტი:** რამე ფილმში მინახავს?
- ჯულზი:** მგონია, ყველაზე დიდი როლი ერთ რაღაც პაილოტ-სერიაში ქონდა...
- ვინსენტი:** ეგ რაღაა?
- ჯულზი:** აი, ტელევიზორში რო აჩვენებენ ხოლმე სერიალებს...
- ვინსენტი:** მაგათ საყურებლად მცხელა?..
- ჯულზი:** კარგი, ვთქვით და არ უყურებ, ოღონდ შენისთანა ცივილიზებულიმა კაცმა არ შეიძლება ყუთი რა არი, არ იცოდეს, ვერა?
- ვინსენტი:** დაუშვით.
- ჯულზი:** ხოდა გაგონილი გექნება, იმ ყუთში სერიალებს უშვებენ, ძირითადად... ოღონდ ჩვენებას როგორ იწყებენ, თუ იცი? ჯერ ერთ სერიას გადაიღებენ, ამას ქვია სწორედ საცდელი, პაილოტ-სერია და მერე ხალხს უჩვენებენ და თუ მოეწონათ, სხვა დანარჩენ სერიებსაც ზედ მოაყოლებენ ხოლმე. ოღონდ ხშირად იქსირება მიდის და...
- ვინსენტი:** რა მიდის?!
- ჯულზი:** ორ ხაზს გადაუსვამენ, მსხვილად. მერე თაროზე შემოღებენ. მიაც ვერე შემოღეს. თაროზე.

(შედიან შენობაში)

5. შიდა ხედი: სახლის სადარბაზო, დილაა.

(ვინსენტი და ჯულზი ლიფტის კარს მიაღებენ)

ჯულზი: ანტუნ როკამორა გახსოვს? აი, მულატი რო იყო, სამოას კუნძულებიდან თუ რაღაცა – ტონი-ჯოკერს ეძახდნენ.

ვინსენტი: ის სქელო?

ჯულზი: არ ვიტყვოდი, ძანაც სქელი იყო-მეთქი. უბრალოდ, წონა აწუხებდა. ზანგებს ემართებათ ხოლმე.

ვინსენტი: ხო, და რა მერე?

ჯულზი: მარსელასმა გაასადა. ხალხი ამბობს, სულ მარსელასის ცოლის ამბავიაო.

(კარი იღება, ორივენი შიგ შედიან)

6. ლიფტი, შიდა ხედი. ისევ დილაა.

ვინსენტი: რაო ვითომ, შემოეჭიმა იმ ჩემისას?

ჯულზი: ა-რა-ა-ა-ა!!! რასაა რო ბოდიალობ!

ვინსენტი: აბა, სხვა რა?

ჯულზი: ტერფების მასაჟს უკეთებდა.

ვინსენტი: ტერფების... რა?!

ჯულზი: *(თავს უქნევს)* ეგრე იყო.

ვინსენტი: და მეტი არაფერი?

ჯულზი: *(თავს აქნევს)* არა.

ვინსენტი: და მარსელასმა რაო?

ჯულზი:

ხალხი მიუგზავნა. იმათაც წააგლეს ქეჩოში ხელი და გადაუძახეს ფანჯრიდან. ქვევით კიდე ორანჟერეა იყო თუ რაღაცა ეგეთი – აი, შუშის სახურავები რო აქვთ, ხო იცი – მთელი ტანით დაებერტყა ზედ, ჩაამტვრია და ენ-აბლუობაც მას მერე დაჩემდა...

(კარი იღება, ჯულზი და ვინსენტი ლიფტიდან გამოდიან)

ვინსენტი:

ვერ მოსვლია კარგი ამბავი.

7. დერეფანი საცხოვრებელი სახლის რომელიდაც სართულზე. ჯერ ისევ დილაა.

(ჯულზი და ვინსენტი გრძელ დერეფანს მიუყვებიან, დინჯად. საუბრობენ):

ვინსენტი:

ვერეა, რა – ასანთით თამაშმა ხანძარი იცის...

ჯულზი:

მაგით რა გინდა რო თქვა?

ვინსენტი:

მარსელას უოლესის ახალგაზრდა ცოლს არ უნდა უკეთო ხოლმე ტერფების მასაჟი. საერთოდ არავითარი მასაჟი არ უნდა...

ჯულზი:

დაიცა რა, მეტიხსმეტი მოგდის.

ჯულზი:

იქნებ ტონი-ჯოკერასაც მეტი მოუვიდა.

ჯულზი:

არა-ა, მეტი არაფერიო, ასე ამბობენ. ტერფების მასაჟი რა ჩემი ფეხებია – მე დედაჩემს ვუკეთებ, ზაფხულობით უსივლება ხოლმე...

ვინსენტი:

დაიცა, დედაშენი არა, იხვი... აზრზე მოდი, მასტი ინტიმურ შეხებაში შედიოდა მარსელასის ცოლთან! იგივეა, ძუძუსთავზე რო წავევლო ხელი... არა, მთლად ვერე არაა, მაგრამ მაინც... ასე ვთქვათ, მაინც სხვის მოედანზე თამაშია.

(ჯულზი ადგილზევე შეშდება, ცალი წარბი ზევით აუდის)

ჯულზი: დაიცა... ტერფის მასაჟი და მკერდის მასაჟი სხვადასხვა რამეა, არა რო?

ვინსენტი: თითქმის. მაგრამ მაინც სხვის უბანში ხარ.

ჯულზი: რა უბანი, რის უბანი – შენ იქნებ, არ ვიცი, რამე სხვანაირად უზელ ტერფებს?! ოღონდ ბოიშვილი ვიყო, ტერფის დაზელვა და მკერდის დაქერვა ნაღდად რო სხვადასხვა რამეა და თამაში რა შუაშია?

ვინსენტი: თავშია, თავში. აი შენ – კაცმა გკითხოს, ტერფის მასაჟის ექსპერტი ხარ – დედაშენსაც არავის ანდობ, თვითონ უკეთებ... უცხო კაცისთვის თუ გაგიკეთებია როდესმე?

(ჯულზი რაღაც ქუშტად გახედავს, იმრიზება)

ჯულზი: მიდი რა, გაიარე.

(ისევ მიაღაჯებს. ვინსენტს ეღიძება, ოღნავ უკან მისდევს)

ვინსენტი: არა, მაინც რამდენჯერ?

ჯულზი: მორჩი რა...

ვინსენტი: იქნებადა მეც გამიკეთო – ეს ოხერი, სულ ახალ-თახალი ფეხსაცმელი რამ ჩამაცმევინა სიფთაზე...

ჯულზი: თუ ძმა ხარ, მოკეტე ახლა თორე მართლა ამეშალა ძარღვები... აგე, ეს კარია.

(ჩერდებიან, კარზე პლასტიკატის ფირფიტაა მიმაგრებული, #49 აწერია ზედ).

ჯულზი: საათის რომელია?

ვინსენტი: *(მაჯის საათზე იყურება)* 7-22.

ჯულზი: აღრეა. ცოტაც ვაცალოთ.

(კარს მოცილდებიან, პირისპირ დადგებიან და ისევ გააბამენ საუბარს, ხმადაბლა)

ჯული: ებიჭო, მე რო კაცს მასაჟს არ ვუკეთებ, ეს იმას ხო არ ნიშნავს, მარსელასი მართალი იყო, ტონი-ჯოკერა რო გადმოაგდებინა ფანჯრიდან... დალაპარაკებოდა კაცურად, რაზეა ბაზარი... აბა, ესაა საქმე? მე რო ვინმემ ფანჯრიდან გადაგდება დამიპიროს, ხო გავასხმევინე ტვინი! მასაც და მის განაბსაც...

ვინსენტი: დაიცა, ვინ გეუბნება – სწორი იყო-თქო! შენ იძახი – ტერფის მასაჟი არაფერს ნიშნავსო, მე კი იმას გიმტკიცებ, ნიშნავს-მეთქი! ათასი ქალისთვის გამიკეთებია და ყოველთვის ყველასთან ნიშნავდა რაღაცას! უბრალოდ, ისეთ სახეებს ვაწყობო, თითქოს ეს არაფერს არ ნიშნავს, ამაშია მთელი მუდამი! როცა ეს ხდება, სიტყვას არაფერს ამბობს, მაგრამ შენ ხომ აზრზე ხარ, და ქალიც აზრზეა, და მარსელასიც აზრზე მოვიდა და ის შენი ჯოკერაა თუ ვიღაცა, ცოტა უფრო ფრთხილად უნდა ყოფილიყო – მარსელასის ცოლია, ბოლო-ბოლო, მართლა ხუმრობაში გაატარებდა ეგონა?!

ჯული: მე რავიცი, რას გადამეკიდე! წამო, დროა უკვე.

ვინსენტი: როგორა თქვი, რა ქვიაო?

ჯული: მია ქვია. რა იყო, ახლა ბოსის ცოლმა დაგაინტერესა?

ვინსენტი: შენთვის არ მითქვამს – მარსელასს ფლორიდაში გამოუჩნდა რაღაც საქმე და მითხრა, ქალს მიმიხედო.

ჯული: ეგ როგორ? *(საჩვენებელ თითს ვინსენტს მიადებს შუბლზე, ცერას – ზევით ასწევს)* ასე?.

ვინსენტი: სულ გადაირიე?. სადმე უნდა წავიყვანო, გავართო... მოკლედ, მოწყენილად რო არ იგრძნოს თავი.

ჯული: და შენ მია უოლესს გინდა სტრელი დაუნიშნო?..

ვინსენტი: მე კი არა, მარსელასს უნდა. აი, როგორც რომ მეგობრის ცოლი წავიყვანია კინოში... ისე.

(ჯულზს თვალი გაუშტერდება)

ვინსენტი: მოკლედ, არაფერი ისეთი...

(ჯულზი ხმას არ იღებს)

- ვინსენტი:** რა გინდა, მარსელასს ერთ რაღაც სულელურ თხოვნაზე უარი ვუთხრა?!
- ჯულზი:** (თავს აქნევს და მერე თავისთვის ბურღუნებს): მე არ ვიყო, ეგ წაკლა კიდე ვიღაცას გაუთხრის ორმოს...
- ვინსენტი:** რა თქვი?
- ჯულზი:** ისეთი არაფერი, წავედით.
- ვინსენტი:** არა, რა თქვი-მეთქი?.
- ჯულზი:** ჩემი ფეხები... არაფერიც არ მითქვამს, გაიგე? საქმეს მივხედოთ.
- ვინსენტი:** ახლა, მთლად იდიოტადაც ნუ გამომიყვან – რაღაცა ხო თქვი!.. თქვი თუ არა?..
- ჯულზი:** აქ საქმის გასაკეთებლად ვართ თუ საბლატაოდ?
- ვინსენტი:** მარტო ის გაიმეორე, რაც თქვი.
- ჯულზი:** 30 წამში აი ეს კარი გაიღება და გიჯობს, მზად იყო...
- ვინსენტი:** მე ყოველთვის მზადა ვარ!
- ჯულზი:** იმდენი შენ რა გითხარი. დაივიწყე ყველაფერი და მარტო საქმეზე იფიქრე!

8. ბინა #49, შიდა ხედი. ჯერ კიდევ დილაა.

ოციოდე წლის სამი ბიჭი მაგიდას მისხდომია, ზედ ჰამბურგერები, ზეთში შებრაწული კარტოფილი და პეპსი-კოლას ბოთლებია დახვავებული. მოულოდნელად კარზე აკაკუნებენ, ერთი მათგანი კარს აღებს: ზღურბლზე **ჯულზი** და **ვინსენტი** დაეყუდებიან.

- ჯულზი:** სალამი ბიჭებს! (ორივენი დაუპატიჟებლად შედიან ბინაში)

ბიჭები ამკარად დაბნეულები ჩანან; **მარვინი** – სწორედ ის შავკანიანი, ვინაც კარი გააღო – ნაბიჯ-ნაბიჯ იხვეს უკან და კუთხეში იყუჩება; ქერათმიანი, გვარიანად დაკუნთული **როჯერი** ხმას ვერ იღებს – ზის გაუნძრევლად, ჩაკბეილი ჰამბურგერით ხელში; გამხდარ-გამწლიკულ **ბრეტს** ფერი წასვლია. ვინსენტი და ჯულზი შუა ოთახში დამდგარან, ჯიბეებში ხელეჩაწყობილნი. შემდეგში, ორივეს მაგიერად, სულ ჯულზი ილაპარაკებს.

ჯულზი: აბა, კარგს რას მეტყვიო?

(პასუხი არ არის)

ჯულზი: *(ახლა უშუალოდ ბრეტს მიმართავს)* მე რაღაც ვიკითხე, თუ მეშლება რამე?

ბრეტი: ე-ე... რა გნებავთ, რო?

(ამასობაში ვინსენტი ბიჭებს ზურგიდან დაუვლის)

ჯულზი: არ იცით, ვინა ვართ?

(ბრეტი თავს გააქნევს, უარზეა)

ჯულზი: თქვენი, ასე რომ ვთქვათ, ბიზნეს-პარტნიორის – ვინმე მარსელას უოლესის... დაიცა, მარსელასს ხო იცნობ?

(პასუხი არ არის)

ჯულზი: *(ისევ პირადად ბრეტს მიმართავს)* თუ ინტუიცია არ ძალაატობს, შენ ბრეტი უნდა იყო, ვგრეა?

ბრეტი: *(ხმაჩუარდნილი)* კი, მე ვარ...

ჯულზი: ძალიან კარგი. მაშ, შენს პარტნიორს რა ქვია, ბრეტ?

ბრეტი: მარსელასი.

ჯულზი: არ-ა-ა, ეგ ჩვენთვისაა მარსელასი, შენთვის – მისტერ უოლესია, შევთანხმდით?

ბრეტი: *(თავს უქნევს)* კი...

ჯულზი: ძალიან კარგი. მაშ ასე, ცოტა ხელი ხომ არ შეგიძალეთ? საუბრობდით, ასე მგონია... რას მივიროთმევთ?

ბრუტი: ჰამბურგერებია... და კიდევ – ჩიზბურგერები...

ჯულზი: ო-ო-ო, წმინდად ამერიკული საკვები, ნამდვილად! შეიძლება ითქვას – საუზმე ჩემპიონთათვის! ჭეშმარიტად... საიდანაა?

ბრუტი: ბატონო?

ჯულზი: მეთქი მაკდონალდსია, კენდისი, ბურგერ კინგი – საიდანაა?

ბრუტი: ბევრს კახუნა ბურგერიდან.

ჯულზი: აჰა-ა, ჰავაიური ყოფილა. ვარგა რამედ?

ბრუტი: რას ერჩი...

ჯულზი: მე – არაფერს. შეიძლება გაესინჯო?

ბრუტი: კი...

(ჯულზი ერთს იღებს და მაღიანად ჩაკბიჩავს)

ჯულზი: მ-მ-მ... მართლა არაა ურიგო... *(ვინსენტს)* არ დამეწვევი?

ვინსენტი: არა მშია.

ჯულზი: თუ მოგინდა, აი ეს გასიჯე აუცილებლად.

მაგარია. ჩემი ქალი ვეგეტარიანობაში გადავარდა და ახლა მე მიჭამს ტენის, ლამისაა ხორცზე სულ ამაღებინოს ხელი! არადა, კარგ შემწვარ ბურგერს არაფერი შეედრება, მე რო მკითხო. შენა, ბრუტ, იცი საფრანგეთში ფუნტიან ჩიზბურგერს რა ქვია?

ბრუტი: არა, საიდან...

ჯულზი: ვინსენტ, გაანათლე ერთი!

ვინსენტი: როიალი ყველით.

ჯულზი: გესმის შენ?! და რატო, თუ მიხვდები?

- ბრეტი:** მეტრულ სისტემაზე რო არიან, იმიტო?
- ჯულზი:** ვახ, შენ გენაცვალე! ა, ტვინი! *(პლასტიკატის ჭიქაზე უთითებს)* აქ რა გისხია?
- ბრეტი:** პეპსია...
- ჯულზი:** ერთს მოვწრუპავ, ჰა?
- ბრეტი:** კი ბატონო.
- ჯულზი:** *(გემრიელად მოყუნწავს)* კარგია, ახალგაზრდობა ირჩევს პეპსის!
(ახლა როჯერს მიმართავს)
ეი შენ, კუნთებიანო – იცი აქ რაზე მოვედით?
(როჯერი თავს უქნევს)
- ჯულზი:** მერე, ვერ ეტყვი ამ ჩემს კაცს, სადა გაქო შეჩურთული?
- მარვინი:** ეგ იქაა...
- ჯულზი:** დაიცა, შენ გკითხა ვინმემ რამე?. *(როჯერს მიუბრუნდება)*
აბა, რას მეტყვი?
- როჯერი:** ლოგინის ქვეშაა.
(ვინსენტი ლოგინთან მიდის, დაიხრება და შავ “დიპლომატს” გამოადკრენს)
- ვინსენტი:** ბინგო!
(საკეტებს გაატკაცუნებს, კეისს გახსნის და იქიდან თითქოს რაღაც ნათება გადმოიღვრებაო. ვინსენტი მონუსხულივით დგას, თვალს ვერ აცილებს)
- ჯულზი:** მაშ ასე, კმაყოფილნი ვართ?
(ვინსენტი ხმას არ იღებს)
- ჯულზი:** ვინსენტ! კმაყოფილნი თუ ვართ-მეთქი!
- ვინსენტი:** სავსებით.
- ბრეტი:** მისმინეთ, თქვენ რა გქვიათ? აი იმას ვინსენტი

ქვია, გავიგე, და თქვენ?

ჯულზი: ვთქვით და, პიტი, ტომი ან ჯერი – რა მერე?

ბრუტი: მე მართო ის მინდა გითხრათ – ძაან ვწუხვართ, ცუდად გამოგვივიდა, ოღონდ ცუდი კი არაფერი გველო გულში, გვეგონა...

(ამასობაში ჯულზი პისტოლეტს დაადრობს და სამჯერ დაახლის როჯერს მკერდში. როჯერი იატაკზე გაიშლართება, დასისხლიანებული; ვინის ილიძება: ჯულზი თავის სტიქიაშია)

ბრუტს ხმა ჩაუწყდა. ზის გაუნძრევლად – არ ყვირის, არც ტირის, ნაკვთი არ უტოკავს სახეზე, შიშისაგანაა გათანგული.

ჯულზი: ჩვენ ბოდიში, სიტყვა გაგაწყვეტინეთ... და რაო, რა შეგონაო?

(ბრუტს ყბა ჩამოუვარდება)

ჯულზი: ვერ გავიგე? მოკლედ, შეგიძლია მარსელას უოლესი ამიწერო, გარეგნულად?

(ბრუტი არ რეაგირებს, როჯერის გვამს დასცქერის, გაოგნებულია)

ჯულზი: (იფეთქებს, ხმაურით გადააბრუნებს მაგიდას, ბრუტს დაადგება თავზე. ბიჭი ახლა ისე ზის მის წინ, როგორც პატიმარი დაკითხვაზე)

საიდანა ხარ?

ბრუტი: (აზრზე ვერ მოდის) რა...

ჯულზი: შენ ინგლისური არ გვეურება?

ბრუტი: რა?

ჯულზი: (პისტოლეტს საფეთქელზე აჭერს) კიდევ ერთი **რა** და წასულია შენი საქმე! ახლა მითხარი, როგორ გამოიყურება მარსელას უოლესი!!!

ბრუტი: ე-ე... ისა... შავია... ზანგი... არა – აფრო-ამერიკელი უნდა მეთქვა...

- ჯულნი:** ეგ კარგად გამოგვიდა. მერე?
- ბრეტი:** მაღალია...
- ვინსენტი:** ასე დილაძდე ვერ მოგრჩებით.
- ჯულნი:** მოკლედ, ქუჩის ნატრევს გავს?
- ბრეტი:** (ჭკუაზე აღარაა) რა?.
- ჯულნი:** რა და... (მხარში ესვრის. ბრეტი ჯერ ტკივილისაგან წამოიყვირებს, მერე უცებ კანკალი აიჭანს)
- ჯულნი:** გა-ავს მეთქი?!
- ბრეტი:** (აგონიაშია) არა!
- ჯულნი:** (უყვირის) აბა რაზე გადაწყვიტეთ, იოლი სახმარიაო?!
- ბრეტი:** ეგეთი არაფერი...
- ჯულნი:** (ახლა – წენარი ხმით) როგორ თუ არაფერი, ბრეტ? შენ მაგას ეძახი არაფერს? ოდესმე ბიბლია თუ გადაგიკითხავს, ბრეტ?
- ბრეტი:** (აკანკალებს) კი...
- ჯულნი:** იქ ერთი ეგეთი ადგილია, კარგად მახსოვს – სწორედ ზედგამოჭრილია თქვენთვის – *ეზეკიელი, თავი 25, მუხლი 17:*

“... გზაი კაცისა მართლისა მრუდდება ცოდვილთა უკეთურებითა და უკანონობითა ბოროტთა; კურთხეულ არს, ვინაც სუსტნი გადაატაროს ველსა ბნელეთისა, და საბიჯგელად შეუდგეს ძმათა თვისთა; ადვმართავ მარჯვენას ჩემსას მათზე, წინააღმდეგომად ბოროტისა, და მოვსრავ მრავალთა მზილებითა გულისწყრომითა, და სცნან მათ ღმერთი მოშურნე, მომცემი შურისგებისა ჩემისა მათთა ზედა!”³

(სიტყვა ჯერ არა აქვს დამთავრებული, რომ ჯულნიცა და ვინსენტიც თითო

³ბოლო ფრაზის გარდა, მთელი ეს აბდა-უბდა თავად ტარანტინოს გამოცხობილი სტილიზაციაა (მთარგ. შენ.)

მჭიდვს ბოლომდე დაახლოვან ბრეტს; გვამი ერთხანს კიდევ ჩერდება სკამზე, მერე ძირს მოადენს ბრაგვანს. სიჩუმეში ახლა მხოლოდ მარვინის ბუტბუ-ტილა ისმის, ოთახის შორეული კუთხიდან)

მარვინი: უხ შენი... ასე... არაფრისთვის... უხ შენი...

ვინსენტი: (მარვინზე ანიშნებს) ესეც ამათი ბრიაჟკიდანაა?

ჯულნი: ეგრუა, კი. მარვინ, ეს ვინსენტია, იცნობდეთ.

ვინსენტი: უთხარი მოკეტოს, ნერვებს მიშლის.

ჯულნი: მარვინ, შენს ადგილას ნაღდად მოკეტავდი.

(უეცრად აბაზანის კარი ჯახანით იღება და ვიღაც მეოთხე ბიჭი გამოფარდება, გრძელვარდიანი მაგნუმის რევოლვერით ხელში)

IV ბიჭი: მოკვდით თქვენი!!! მოკვდით... მოკვდით... მოკვდით... მოკვდით... მოკვდით... მოკვდით... მოკვდით!..

(ექვსივე ტყვიას გამოუშვებს ამ თავისი ჯიბის ზარბაზნიდან, თან აღტკინებული ყვირის, მართალი შურისგების ჟინით შეპყრობილი, ვერც გრძნობს, მჭიდვ რომ დაიცალა და რამდენჯერმე ფუჭად გამოკრავს სასხლეტს... მერე ნელ-ნელა სახე ეცვლება)

IV ბიჭი: რა...

(ტყვიების ნიაღვარი გულ-მკერდს ნაფლეთებად უქცევს, კედელს მიასკდება და იქვე ჩაიკეცება)

ეკრანი ქრება. ჩნდება წარწერა: “ვინსი და მია”.

9. ბუჩ კულიჯი – მაგარი ვინმე.

მაგიდის დაჩრდილულ კუთხეში **ბუჩ კულიჯი** ზის – თეთრკანიანი, 26 წლისა, ტიტულოვანი მოკრივე; მეწამული ფერის ქურთუკი აცვია, თმა მოკლეზე აქ შეკრეჭილი. **მარსელას უოლესი** არ ჩანს, თუმცა ვხვდებით, რომ ბოსთა-ბოსი სწორედ ბუჩს მიმართავს. მეტად დამახასიათებელი ხმა და მეტყველება აქვს

მარსელასს – რაღაც საშუალო ქუჩის ბიჭსა და ხელმწიფე-იმპერატორს შორის.

მარსელასი: *(კადრს მიღმა)* კარიერას რომ მორჩები, მერე გამიხსენებ. აქეთ მადლობას მეტყვი. მე შენთვის მხოლოდ კარგი მინდა! ბუჩ, ჩემი ბიჭი... ახლა ხარივითა ხარ, მაგრამ მუდამ ახალგაზრდა ხომ არ იქნები, ფაქტია. ბოლო-ბოლო, შენიც რომ გაიტანო, რა შეგრჩება? ჩემპიონის ტიტული? მერე – რა ჩემ შიბლად გინდა? სახელი ფული არაა – ვერაფერში მოიხმარ. მერე გალოთდები და ბარებში იტრაბახებ – ერთ დროს ასეთი და ასეთი მაგარი ბიჭი ვიყავიო... რა მერე? გააკვირვებ ვინმეს?

(მარსელასის ხელი ბუჩის წინ, მაგიდაზე, ფულით გატენილ კონვერტს დებს)

მარსელასი: ახლა, ზედ ჩხუბის წინ, შეიძლება ცოტა გულიც კი გეთანადრება, მაგრამ გაგვიღის... დამიჯერე – ეგ სულ ცუდ-მედიდობის ამბავია, როგორც ჩვენი მამაო ამბობს... დაიკიდე. იმიტო რო, სულ ერთი-ორ წელიწადში, სადმე კარიბის სანაპიროზე რო წამოგორდები საკაიფოდ, მერე გამიხსენებ და იტყვი: *მართალი იყო ბიძია მარსელასიო.*

ბუჩი: ახლა არ ვამბობ რო? *(კონვერტს წაეტანება)*

მარსელასი: *(ჯერაც არ ჩანს კადრში)* მეხუთე რაუნდში დაუწვები.

ბუჩი: *(თავს უქნევს, თანხმობის ნიშნად)*

მარსელასი: ხმა ამოიღე!

ბუჩი: მეხუთეზე ვწვები.

10. მანქანა მიქრის. სალონის შიდა ხედი. შუადღეა.

ვინსენტ ვევა ძაან მაგრა გამოიყურება თავისი შინდისფერი კაბრიოლეთის საჭესთან *(შევროლე მალიბუ, 1964წ. გამოშვება)*. რადიოში როკ-ენ-როლი გრიალებს.

11. 'სალი ლე-როი', იგივე დრო.

“სალი ლე-როი” გვარიანი დიდი სტრიპტიზ-ბარია ლოს-ანჯელესში. მეპატრონე მარსელასია. ვინსენტის მანქანა საბურავების ღრჭიალით შეჯვლიგინდება ბარის კუთვნილ პარკინგზე და თეთრი ჰონდა-სივიკის გვერდით ჩერდება.

ვინსი გადმოდის, ბარის უკანა კარს მიადგება და აკაკუნებს. ცოტა ხნის მერე კარი იღება, ზღურბლზე *დეივი-ინგლისელა* დაეყუდება. სინამდვილეში ბრიტების მოდგმისა არაფერი სჭირს – ერთი უბრალო, შავკანიანი ბიჭია ბოლდუინ-პარკის მიდამოებიდან. მარსელასის ხელქვეითია და “სალის” მიხედვა აბარია.

დ.-ი.: ვა-ა, ჩვენი კაცი ამსტერდამიდან! შემო რა – დამდგარხარ აქ უცხო სტუმარივით...

(ვინსენტი შიგ შედის. ხელში სწორედ ის შავი “დიპლომატი” უჭირავს. დეივი კარს გამოიჯახუნებს.)

12. 'სალი ლე-როი', შიდა ხედი.

დღის ამ დროს ბარი ცარიელია ხოლმე. დეივი დერეფანს მიუყვება, ვინსი უკან მისდევს.

ვინსი: დიდი ბოსი საითაა?

დეივი: ეგერ, ე – რალაც საქმეებს აგვარებს...

(ვინსი უყურებს, როგორ ართმევს ბუჩი ხელს ერთ ზორბა, ბეჭვანიერ, დიდ-თავა შავკანიან მამაკაცს. ეს სწორედ ის მარსელასია, ჩვენკენ ზურვით დგას და მის სახეს ვერც ახლა ვხედავთ)

დ.-ი.: *(კადრს მიღმა)* დაიცა ერთ წუთს. ვეტყვი რომ მოხვედი. ჯერ ის თეთრკანიანი წავიდეს. ყავას დალევ?

ვინსი: თუ ნაღდს მომიღულებ... თურქულად.

დ.-ი.: რაზეა ბაზარი. ამ წუთში. გავიგე, ხვალ მიას ასეირნებ?

ვინსი: ხო, რა – მარსელასის დავალებით...

დ.-ი.: ადრე შეხვედრიხარ სადმე?

ვინსი: არ-ა-ა, საიდან...

(დეივი-ინგლისელას ულვაშებში ეღიმება)

ვინსი: დაიცა, რას იკრიჭები?

დ.-ი.: ვინა, მეე? არც არაფერს.

ვინსი: კარგი ერთი, თუ ჩემი ძმა ხარ – შენ რა, მართლა იდიოტი გგონივარ? ბოსის ცოლი უნდა წავიყვანო რესტორანში, ერთად ვითოხლაოთ, მის სულელურ ხუმრობებზე გავიცინო... მორჩა, ესაა სულ.

(დეივი ფინჯან ყავას უდგამს წინ)

დ.-ი.: კარგი ხო, მე რა – მე ისე, დიდი არაფერი...

(ამ დროს ბუჩი შემოუჯდება დახლს, ზედ ვინსის გვერდით, ის კიდევ თავის ყავას აგემოვნებს, დინჯად და აუჩქარებლად)

ბუჩი: ერთი პელ-მელი, ჩვენი ძმა. უფილტრო.

(ვინსი ერთს აათვალ-ჩათვალაიერებს, თან ყავას წრუპავს. ბუჩი მოწვევს, რომ ალივერებენ და ისე ეკითხება, შემპარავად – თავსაც კი არ მოაბრუნებს):

ბუჩი: რამე ნახე საინტერესო, ძმაკაც?

ვინსი: *(წენარზე წენარად)* ძმაკაცები რინგზე მოიკითხე.

(ბუჩი ნელა მოუტრიალდება, ისე რომ ნაკვთიც არ უტოკდება სახეზე)

ბუჩი: რა ბრძანე?

ვინსი: ვითომ რა ვერ გაიგე, შე ხისთავა...

(ის-ისაა, ბუჩმა უნდა წამოიწიოს რომ ამ დროს მარსელასი ჩახლეჩილი ბანი გაისმის):

მარსელასი: ვეგაც გამოჩნდა? შემოვიდეს.

(ვინსენტ ვეა მეორე ოთახისკენ მიემართება, ბუჩს ზედაც არ შეხედავს. იმას კიდევ ერთი სული აქ, ვინსს ცხვირ-პირი გაუერთიანოს, მაგრამ ხედავს – ისა და მარსელასი ერთმანეთს ეხვევიან, მხრებზე ხელებს უტყაპუნებენ... რაკი ეს ვირთხა მარსელას უოლესის ბრატკა ყოფილა, ჯობია შევეშვა, ჯერ-ჯერობით მაინცო – სახეზე აწერია ნაფიქრალი. მერე წამოდგება, დეივი-ინგლისელას დოლარიანს და რაღაც ხურდას კიდევ უყრის დახლზე და ჩოლახას ნაბიჯით გადის ბარიდან)

13. ლოს-ანჯელესის გარეუბანი. სამზარეულო ვინმე ლანსის ბინაზე. სადამო ხანია.

ვინსენტი და ვილაც ორი გოგო მრგვალ მაგიდას უსხედან. ერთ მათგანს, **ჯოლის**, აშკარა გადახრა აქ საკუთარი სხეულის დახვრეტის განხრით: ყურის ბიბილოები ხუთ-ხუთჯერ აქ გახვრეტილი, თანაბრად ორივე მხარეს. ამას გარდა, ქვედა ტუჩში, ცხვირის მარცხენა ნესტოში და მარჯვენა წარბში ორ-ორი პაწია რგოლი აქ გატარებული. ვინსი ჩუმადაა, ცალი ყურით ისმენს გოგოების ტლიკინს.

ჯოდი: ... გათხოვებ, წაიკითხე. სუფთა ენციკლოპედიიაა. რა გინდა, სულო და გულო, ყველაფერია პირსინგზე.

II გოგო: მეც ვნახე ეგეთი რაღაც, ყურების გასახვრეტად იყენებენ. მაგით ალბათ ძუძუსთავეების დახვრეტაც შეიძლება...

ჯოდი: არავითარ შემთხვევაში! ეს უკვე პირსინგის იდეის დეველვირებაა! ყველა ჩემი ნახვრეტი – თექვსმეტივე – ნემსითა მაქვს გაკეთებული. მარტო ენაზე რომ დამიმაგრეს...

(აქ უცბად ვინსიც გამოიჩენს რაღაც დაინტერესებას):

ვინსი: დაიცა, ენაზე რიღას მაქნისია? ჭამაში არ გიშლის ხელს?

ჯოდი: შენც კაი ყუმი ხარ, რა! არაფერსაც არ მიშლის და სექსისტვის არი უებარი... (დაქალთან აგრძელებს საუბარს).

ვინსი ამას საწყენად არ იღებს; თან ინფორმაციამაც ჩააფიქრა: აშკარად ცდილობს, ძირისძირში ჩაწვდეს ჯოლის არგუმენტს... სწორედ ამ დროს, **ლანსი** გამოადებს საწოლი ოთახის კარს.

ლანსი: ეი, ვინს! დროზე ახლა!

(ოცდაათი ოდრე წლისაა, აჩეჩილთმებიანი, ვერცხლისწაყალივით მოძრავი მასტია. ხასიათიც ეგეთი აქ. არასოდეს არსად არ უმუშავია, არც რაიმე გადასახადი გადაუხდია და არც პოლიციას აუყვანია ოდესმე. ნარკო-ბარიგობით კი გააქ თავი)

კადრი იცვლება. ლანსის საწოლ ოთახში, ლოგინზე, ჰერონის სამი პაკეტია, ვინსი და ლანსი ღრმავაროვანი სახეებით დასცქერიან ზედ.

ლანსი: აი ეს, ძმაო ჩემო, ნაღვზე-უნაღვსი პანდაა მექსიკიდან, კარგი რამის რამეა, ღმერთმანი... ეს ბავაა, არაფრით ამაზე ნაკლები... ამას კი, რატომღაც, ჩოკოს ეძახიან, თუმცა გარტციდანაა, ალემანების ქვეყნიდან. პირველ ორს ერთი ფასი აქ, ჩოკო კი ცოტა წაიძვირებს, მეგობრობის ამბავში რომც დაუკლოთ, მაინც ეგრეა; ოღონდ გაიჩხირაუ და წაშში აზრზე ხარ, რაზე იხდი ამდენს! არა, იმ ორსაც არა უშავს, ჩემთან მღვრიე არავის არაფერი მოაქ, ოღონდ ეს მაინც სულ სხვაა...

ვინსი: ხო, დამაბოლვე ახლა, ეს-ესაა მსტერდამიდან ვარ ჩამოსული...

ლანსი: კარგი ერთი! არ დამიწყო ახლა ამსტერდამი – მე რა, ზანგი ვარ?! თუ სად გგონია თავი? ჩემთან ძმაო, ხალხი დადის – გამგები ხალხი, ცუდისა და კარგის გარჩევა იციან, არაფერი ეშლებათ! მე რასაც აქ ვშოულობ, ამსტერდამი მოგონილია!

ვინსი: კარგი რა, ნუ გაცურე ღია ზღვაში...

ლანსი: შენ როგორ გგონია?! შენ აქ ამსტერდამი არ გეგონოს ძმაო, აქ ბაზარზე სერიოზული ხალხი მუშაობს, კოკაინი არც აღარავის უნდა, ყველა ჰერონის ურტყამს, ეგრეა!

(ვინსი, როგორც წესია, სიგანეზე დახვეული ბანკნოტების სქელ დასტას დააძრობს)

ვინსი: ჯერ სამასისას ავიღებ. მერე, თუ მართლა ეგეთია, ათასსაც ჩამოვალ.

ლანსი: კი ჩემი ძმა, თუ მანამდე არ დაიტაცეს... ისე, თრუდი არ დაგეჟასა? ახლა არაფერ არა ყავს, სულ მარტოა, გინდა დაგაჯახო?

ვინსი: ეგ რომელია? მთელ სახეზე ჯართი რო აქ ასხმული?

ლანსი: არ-ა-ა, ეგ ჩემი ცოლია, ჯუდი.

(ვინსის ასეთ იაღლიშზე ორივეს სიცილი უტყდება)

ვინსი: გადარბენაზე ვარ. რამე რო იყოს, აქვე გასინჯვა არ მოსულა?

ლანსი: ნოუ პრობლემ, ჯიგარო! მეგობრის სახლი – შენი სახლია, ეგრე არ არი? დაგეხმარო?

ვინსი: არა, მადლობელი. ჩემი ყველაფერი თან დამაქ.

(თხელი, ლამაზი ბუდიდან “ძრავას” ამოიღებს და წამალსაც თვითონ იმზადებს)

ლანსი: ისევ იმ ძველ მალიბუს დააგორებ?

ვინსი: არ გამახსენო... ვიღაც ნაბიჭვარმა კარი არ მიმჭყლიტა ამ დილით?! აზრზე მოდი, სამი წელი გარაჟში მედგა, სულ ხუთი დღეა დავდივარ და... მაგის!..

ლანსი: დმერთმანი, ეგეთ გამოსირებულებს ნაწლაეები უნდა დააყრევიანო, ადგილზევე.

(ვინსი წამალს შპრიცში “შეუკეთებს”)

ვინსი: თუ ვიპოვე, ცოცხალი ვერც გადამიჩნება, გეფიცები!

(ახლოდან: ნემსი ვინსენტის ვენაში შედის. შპრიცში სისხლი აქაფდება, ჰეროინს ერევა. ცერა თითი ნელ-ნელა აწეება დეკუსს)

14. მარსელას უოლესის სახლ-კარი. საღამოა.

ვინსი წინკარს მიადგება. სახლიდან მისიკის ხმა გამოდის, კარზე კი რაღაც ბარათია მიმაგრებული. მოაძრობს, კითხულობს:

საღამო, ვინსენტ!

ვიცვამ. კარი ღიაა. შემოდი და რამე ჩამოასხი ორივესთვის.

მია

(ბარათს ოთხად კეცავს, ჯიბეში იღებს, ერთს ღრმად ამოიხრებს და კარის სახელურს გადაატრიალებს)

15. მარსელას უოლესის სახლი. შიდა ხედი. საღამოა.

ვინსენტი პირველ სართულზე აქეთ-იქით დაბორიანლობს – აინტერესებს, როგორ ცხოვრობს მისი ბოსი.

ვინსი: ა-უუ, უკვე აქა ვარ!

(მის უკან ოთახის კარი გაიჭრიალებს, ვინსი ქუსლებზე შეტრიალდება; კარის ჭრილში შიშველი მია უოლესის სხეული მოჩანს – თითქმის მთლიანად)

მია: ვინსენტი ხარ?

ვინსი: მგონი, ისა ვარ...⁴

მია: ვაგვიანებ. ბოდიშები. მანდ მარცხნივ ბარია. ყელი გაისველე.

ვინსი: ნუ იჩქარებ. სად გვაგვიანდება...

(მია კარს მოხურავს, ოღონდ მანამდე, კარის ღრიჭოში, მისი თვალები მოჩანს...)

კადრი იცვლება

ვინსი გაუნძრევლად დგას შუა ოთახში, მიხურულ კარს მიშტერებია, მონუსხულივით. აშკარად იმის წარმოსახვაშია, რა ხდება კარს მიღმა. მერე შეტრიალდება და ბარს მიაშურებს. ხიბლი გაქრა.

მია იცვამს, მერე სარკეში იხედება. სარკის წინ შუშის თაროა, მია ‘ვიზა-კარდით’ კოკაინის ფხვნილს ადოზავებს ზედ და როგორც წესია, მილივით დახვეულ ახალთახალი ბანკნოტით შეისუნთქავს.

ამ დროს სასტუმრო ოთახში ვინსი მიას ფოტოს დასცქერის. დიდრონ ფოტოზე მია ტახტზე გადაწოლილა, წელში გაზნექილი.

⁴ გაუგებარი შექსპირული ალუზია: ‘A half of him...’ ვინსს ან უნდა თქვას, რომ მიას სიშიშველე მასზე ზედმეტად მოქმედებს, ან რომ არც ისეთი ხეპრეა, როგორადაც შესაძლოა, დაუხასიათეს. ასეა თუ ისე, ეს სცენა ფილმში მაინც არ მოხვდა

შემოდის მია, ხელში ვიდეოკამერა უჭირავს, ვინსენტი ყავს მიზანში ამოღებული.

მია: აბა თქვი, ჩ-ი-ი-ზ!⁵

ვინსი: არ წავიდეთ? მაგიდა უკვე...

მია: ჯე-ერ არ-ა... რაღაც-რაღაც შეკითხვები მაქ...
შენ ის მითხარი, სიუზენ ვეგა შენი რა არი?

ვინსი: ბიძაშვილია, რა მერე?

მია: არ დამცენტრო ეხლა! მომღერალი სიუზენ ვეგა –
შენი ბიძაშვილია?!

ვინსი: **სიუ** ჩემი ბიძაშვილია, ეგ რეა. თუ მომღერალიც
გამხდარა, ეგ მე არ მქნება. ისედაც იშვიათად ვხვდავ.

მია: (კადრს მიღმა) ახლა კიდევ რამდენიმე შეკითხვა. საქმე იცი
რაშია, ვინს – ქალმა უნდა იცოდე, ვისთან ვახშმობ. საზო-
გადოდ, როცა სერიოზული არჩევანი გაქ, ორიდან ერთზე უნდა
შეჩერდე ხოლმე. ასეა. აი მაგალითად, მე თუ მკითხავ, სულ
ორი ტიპის ხალხი არსებობს – ვინც ელვისის ფანია და ვინც
კიდევ – ბითლზის. რა თქმა უნდა, შეიძლება ერთიც მოგწონდეს
და მეორეც, ოღონდ როდესაც მაინც გიწვევს არჩევანის
გაკეთება – არ არსებობს, ერთნაირად გიყვარდეს ორივე. მოკ-
ლედ, ეგაა და ეგ – ასე გავიგებ, რა კაცი ხარ.

ვინსი: ვცადოთ.

მია: აბა, “ბანჩ კომპანი” თუ “პერტრჯების ოჯახი”⁶
სწრაფად!

ვინსი: მარტო “პერტრიჯები”, ვარიანტი არაა...

მია: პიტერ შტრაუსი თუ ნიკ ჰოლტი?⁷

⁵ ინგლისურენოვანი ფოტოგრაფების “საფირმო” თხოვნა: ამ დროს, ჩვეულებრივ, ტუჩის უპეები
გან-გან იწვევს და ღიმილის იმიტაცია ხდება.

⁶ ადრეული 70-იანი წწ. უდღეური კომედიები.

⁷ მთავარი გმირები სერიალში “მდიდარი, ღარიბი...” (1976)

- ვინსი:** ჰოლტი, ცხადია...
- მია:** “შეპერობილი”⁸ თუ “ჯონანა”⁹?
- ვინსი:** პირველი. თუმიცა ერთ თაღიას ვათაუბდი, ჯონანა რომ ლარი ჰეგმენს¹⁰ მიმართავდა – “შეუფევე ჩემო...”
- მია:** არჩის¹¹ ადგილას რომ იყო, ჯერ რომელს გაუიმავედი – ბეტის თუ ვერონიკას?
- ვინსი:** რა თქმა უნდა, ბეტის. ვერონიკა საერთოდ არ მევასებოდა.
- მია:** როდისმე მოგსურვებია, ქალს გაეწკვებლე?
- ვინსი:** ცხადია.
- მია:** ვის, მაგალითად?
- ვინსი:** ემა პილს “შურისმაძიებლებიდან”¹² და კიდევ არლინ მოტიკას...
- მია:** აი ეგ ვიღაა?!
- ვინსი:** მერხზე ერთად ვიჯექით მეექვსე კლასში... საიდან გეცოდინება.
- (მია ვიდეოკამერას დაუშვებს და კარგად ეხედავთ მის სახეს; მეტისმეტად მომხიბვლელად იღიმება. ახლა გასაგებია, ასე რატომაც ეჭვიანობს ხოლმე მარსელასი).*
- მია:** მორჩა გადაღება. აუუდეთ.

⁸ ცნობიერების გაორებით გატანჯული ქალის ამბავი (1945).

⁹ სერიალი “ვოცნებობ ჯონანაზე”, სადაც ასტრონავტი ენტონი ნელსონი დოქში გამოიწვევდებოდა ჯინის (ქალი-ჯინი) გაანთავისუფლებს.

¹⁰ მსახიობი, ვინაც ასტრონავტს განასახიერებდა.

¹¹ იგულისხმება 50-იანი წწ. კომიკების მხიარული გმირისა და მისი თანაკლასელი გოგონების თავგადასავალი.

¹² 60-იანი წწ. კლასიკური კომედიური სერიალი ბრიტანეთის დაზვერვის აგენტის ფათურაკებზე. საინტერესო დამთხვევაა, რომ 4 წლის მერე სწორედ უმა ტურმანს მოუწევს ემა პილის როლის შესრულება ამ ფილმის რემეიკში...

16. “ბანი-ბაჭია” რესტორანი; სალამოხანია. გარეხედი.

ბოლო ხანს 50-იანი წლების ყაიდაზე გაწყობილი რესტორნების მთელი ქსელი მოედო ლოს-ანჯელესს. ყველა გაჭრილი ვაშლივით გაეს ერთმანეთს: ინტერიერი – “არჩის” კომიკესებითაა მორთული, მუსიკალური ავტომატები ყავლგასულ სიმღერებს ატრიალებენ, გახამებულ ქვედაკაბებსა და თეთრ წინდებში გამოწყობილი ოფიციანტი გოგონები ციმციმ მოგართმევენ “ფატს დომინოს”¹³ (ჩიზბურგერი) ან “ვოლფმან ჯეკს”¹⁴ (ეგ ომლეტია); ფასები კი – ნულარ იკითხავთ. რატო – არავენ იცის...

ოღონდ “ბანი-ბაჭია” პირველი იყო მათ შორის, და უკეთესის თუ უარესის მხრივ – თავად განსაჯეთ. ხედვას გააჩნია.

ვინსის ძალიბუ რესტორანს მოადგება. შენობას თავზე უზარმაზარი პოსტერი აქ გამოკიდული – წითელ ქურთუკში გამოწყობილი, ყველასათვის საყვარელი მულტიპლიკაციური ბაჭია. იქვე დევიზი ლაპლაპებს: “ნაღდი დროის მანქანა”.

16. “ბანი-ბაჭია”, შიდახედი.

ინტერიერი ირლანდიურ პაბს მოგაგონებთ, ოღონდ კედლებზე 50-იანი წწ. პოსტერებია გაკრული, მომსვლელები იმავე ხანის თავგადახდილი ავტომანქანების სალონებში სხდებიან. შუა რესტორანში საცეკვაო პოდიუმი დადგმული. ასასვლელ კიბეს დიდრონი ასობით აწერია: “*უფეხსაცმლოდ!*” ტვისტის მოყვარული ხალხი აქ წინდებისამარა, ან სულაც ფეხშიშველა იხსენებს ახალგაზრდობას...

რესტორნის ფანჯრები სინამდვილეში მონიტორებია, რომლებზეც შავ-თეთრი ფილმები გადის – და ყველა კუთხეს შესაბამისად გამოწყობილი და გრიმდადებულ-თმადაყენებული მიმტანი გოგო თუ ბიჭი ემსახურება: ეს მერილინ მონროო, ეს ჯეიმზ დინიო, დონა რიდი და ქონდრისკაცი ფილიპ მორისიცი¹⁵ კი...

ვინსენტი და მუა 1959წ. გამოშვების წითელი *ედსელის* სავარძლებში სხედან, მენიუს ფურცლავენ. გვერდით **ბადი ჰოლი** უდგათ, მკერდზე წარწერა აქვს: “*მე ჰოლი ვარ, ჩემი მოვალეობა – თქვენი სიამოვნებაა!*”

ბადი:

აბა, რას ინებებთ?

¹³ 50-იანი წწ. ცნობილი ჯაზისტი და მსახიობი.

¹⁴ იმავე წლების სახელდაგებული ტელეწამყვანი.

¹⁵ ვინმე ჯონი როვერტინი, რომელმაც სახელი იმით დაიგდო, სატელევიზიო რეკლამაში მქუხარე ხმით დასძახოდა: “ვიძახებთ ფილიპ მორისს!”

- ვინსი:** ერთი “დაგლას სირკი”,¹⁶ კარგად შებრაწული. და ერთიც ვანილის კოკა.
- ბადი:** შენ, ცუნცულ?
- მია:** “დარგუდ კირბი”, ნახევრად შებრაწული – სისხლი რომ კარგად იგრძნობოდეს, ისეთი და ერთიც რძის კოქტეილი – ხუთდოლარიანი...
- ბადი:** ეგ რომელი – “მარტინ ლუისი” თუ “ამოსი და ენდი?”
- მია:** ე-ე... (ვინსს გახედავს) ალბათ ისევე “მარტინ ლუისი” მირჩვენია.
(ბადი ადგილზევე აორთქლდება)
- ვინსი:** დაიცა – შენ რა, მართლა რძის კოქტეილი დაუკვეთე? ხუთ დოლარად?!
- მია:** რა იყო, რა გაიკვირე?.
- ვინსი:** ე.ი. რძე და ნაყინი ხუთ დოლარად?
- მია:** კი, ეგრეა.
- ვინსი:** და ეს აქ ხუთი დოლარი ღირს?
- მია:** მაშ!
- ვინსი:** არც რამე ბურბონი შიგ და არც არაფერი?
- მია:** ... და არც კონო არც შამპო და საერთოდ, არაფერი მსგავსი!
- ვინსი:** კაი რა, ნუ ავარდები ახლა... ისე ვიკითხე.

(მიმოიხედავს. აქეთ-იქით ხალხი უზარმაზარ ბურგერებს ათოხლაუებს, დიდი თუ პატარა ეკრანის ფსევდო-ვარსკვლავები თავისას ერეკებიან: მერილინი კისკისებს, დონა რიდი შიგადაშიგ რძეს ჩამოასხავს ხოლმე,¹⁷ ქონდრისკაცი დაყენებული ხმით

¹⁶ კომენტარებით თავი რომ არ შეგაწყინოთ, შემდგომ სულ 50-იანი წწ. ცნობილი მსახიობების, შოუმენებისა და სექს-ბომბების სახელებია ჩამოთვლილი.

¹⁷ უცხიმო რძის იმ დროისთვის მეტად ცნობილი რეკლამა, ამავე მსახიობის მონაწილეობით.

აცხადებს – “ვიძახებთ ფილიპ მორ-რის-ს!!!” ხოლო დინი და ჯერი, როგორც ყოველთვის, სულელობენ რაღაცას...)

მია: როგორია?

ვინსი: მე თუ მკითხავ, ნაღდი ცვილის მანეკენების მუზეუმი, ოღონდ ეს ცოცხალი ექსპონატები ვიღას მოუვიდა თავში...

(ქისას ამოიღებს და თამბაქოს იხვევს თავისთვის)

მია: (დაინტრიგებული) რას ეჩალიჩები?

ვინსი: მოსაწევს ვახვევ.

მია: აქ?! სულ გადაირიე?

ვინსი: რა იყო, არაფერი ისეთი... უბრალო თამბაქოა.

მია: ა-ა... მეც შემიკეთე ერთი.

ვინსი: გეუბნები, არაფერი შესაკეთებელი აქ არაა...

მია: მაშინ გამიხვიე...

(ვინსი ქალაღის კიდეს გაუსმევს ენის წვერს, მერე მიას აწოდებს)

ვინსი: გასინჯე, თუ ასე ძალიან გინდა.

(მია გამოართმევს; ვინსენტი “ზიპოთი” უკიდებს)

მია: მაღლობელი.

ვინსი: გაამოს.

(თავისთვის ახლა მეორეს იხვევს. ამ დროს მოახლოებული მატარებლის ხმა აყრუებს იქაურობას. **მერილინ მონრო** სავენტილაციო ცხურთან მიიბრუნს და ილუზორული მატარებლის მონაბერი ქარი თეთრი კაბის კალთას აუთამაშებს, ბოლომდე. აპლოდისმენტები)

მია: მარსელასმა მითხრა, სულ ახლახან დაბრუნდა ამსტერ-

დამიდანო.

ვინსი: ვერა. შენზე კი მითხრეს, პაილოტ-სერიალში იღებდნენო.

მია: ჩემი დიდების 15 წუთი...

ვინსი: ეგეთი რა იყო?

მია: სერიალი ქალთა სპეცდანაყოფზე – “ჯგუფი მელია-5”

ვინსი: როგორაო?

მია: გეუბნები, “ჯგუფი მელია ხუთი”-მეთქი. “მელია” – ძან-ძან დიდი ეშმაკობების გამო, “ჯგუფი” – იმიტო რომ სულ ერთად ვმუშაობთ, “ხუთი” კიდე – მართლა ხუთნი რომ ვიყავით, იმიტომ. სამერსეტ ონილი გახსოვს “ბატონ რუჟში”? ქერა გოგო, ეგ კაპიტნად გვყავდა, შვედი იყო ვითომ. მერე ერთი იაპონელი, ერთი ზანგი, ერთი ფრანგი და ერთიც მე – 100% ამერიკელი, ასე ვთქვათ... და ყველა ჩვენ-ჩვენი საქმის სპეციალისტი: იაპონელი, რა თქმა უნდა, კარატეკა იყო, შაგკანიანი გოგო – ყველაფერს აფეთქებდა და ნებისმიერ საკეტს უჩუმრად ხსნიდა, ფრანგი – სექსის დიდოსტატი...

ვინსი: შენ რაღა?

მია: მე დანების ტყორცნა-ხმარებაში ბადალი არ მყავდა – სცენარის მიხედვით, ცირკის მსახიობებში გავიზარდე და ათასგვარ შოუებში ვმონაწილეობდი. დანა ცალკე და აკრობატიც ვიყავი, კარტში პროფესიონალ შულერებს ვაგოიმებდი, თოქზეც გავდიოდი – როცა მსოფლიო უნდა იხსნა, ეგ აუცილებელი რამაა, ხო გესმის... და კიდე მილიონი ანეკდოტი მასწავლა ბაბუაჩემმა, ძველმა ცირკის მასხარამ – მოკლედ, სერიალი რო მართლა გასულიყო, ყოველ სერიაში თითო წვერებიანი ანეკდოტი მაინც უნდა მომეყოლა – როგორი ამბავია?

ვინსი: (სრულიად მშვიდი სახით) ერთი მაინც თუ გახსოვს.

მია: სულ ერთი სერია არ გადაიდეს?

ვინსი: მერე, მოყვები.

მია: ნწ-უ, მაგარი სიბრიყვეა.

ვინსი: მოგცლია ერთი, რა მერე.

მია: არ მოგეწონება და შევრცხვები.

ვინსი: 50 მილიონისთვის გინდოდა მოგეყოლა და ახლა ჩემი გერიდება? გეფიცები, თუ გაუცინო.

მია: (თავისდაუნებურად ელიძება) სწორედ მაგაშია საქმე.

ვინსი: კარგი რა, მაგას ხო არ ვგულისხმობდი, ვერ ხვდები?

მია: მე კი ვხვდები, ოღონდ ახლა არაფერი გამოვა – განწყობის ამბავია, ხო გესმის...

ვინსი: ე-ე, ბაეშეს რო კანფეტს დაანახებენ და მერე აღარ მისცემენ, ისეა ჩემი საქმე...

(*მია ახლა მართლა იცინის, მთელი გულით*)

შემოდის ბადი, სასმელებს ჩამოარიგებს. მია საწრუპავ ჩხირს წაეტანება.

მია: უ-მმ! მართლა გემრიელი ყოფილა.

ვინსი: მეც გამასინჯო არ გინდა? სათქმელად მაინც მექნება, რძის ხუთდოლარიანი კოქტეილი გემოზე როგორია...

მია: ა, ბატონო! ჩემი ჩხირიდან მოწრუპე, არ მოგერიდოს.

ვინსი: კარგი ერთი, ისეთი არაფერი მჭირს...

მია: ასეთი?

ვინსი: არც არაფერი, რას გადამეკიდე! (*სინჯავს*)
მართლა მშვენიერი რამეა, ხუთ დოლარად...

(*უკან აწოდებს*)

მია: ერთ საწყალ პაუნდს¹⁸ მითვლი?! თვითონ ფული არაფერში გაგიფლანგავს?!

(*ერთხანს უხმოდ სხედან; რაც დრო გადის, სულ უფრო უხერხულად გრძნობენ თავს*)

¹⁸ხუთდოლარიანს ეძახიან ასე.

- მია:** შენც გიტყვავს?
- ვინსი:** რა, მაგალითად?
- მია:** აი, ასეთი სიჩუმე რო ჩამოვარდება ხოლმე... ისე, სულ რაღაცა სისულელეებზე ბაზარი რატო უნდა გჭირდებოდეს, ვიღაცასთან რო ხარ?
- ვინსი:** *(მხრებს იჩეჩავს)* რა ვი, ეგრე კია...
- მია:** იცი, მგონი სწორედ მაგით შეგიძლია მიხვდე, როცა შენს გვერდით ვინმე მართლა შენიანი გიზის – აი, როცა არაფერი სულელური ბაზარი არ გჭირდება და მაინც კარგად და გემრიელად გრძნობ თავს...
- ვინსი:** რაღაც მეეჭვება, უკვე ასეთი ახლობლები ვიყოთ... არა უშავს, ჯერ ყველაფერი წინა გვაქვს – საათი არ გასულა, რაც ერთმანეთი გაუიცანით.
- მია:** იცი რას გეტყვი? მე ტუალეტში შევირბენ, ცხვირი მაქ ცოტაზე დასაპუდრი, შენ კი მანამდე რამე სალაპარაკო მოიფიქრე.
- ვინსი:** *(ძან სერიოზული სახით)* მოსულა.

17. ქალების ტუალეტი, შიდახელი.

მია კოკაინის გრძელ ბილიკს გაიყვანს პირსაბნის კიდეზე და ერთი კარგად “დაიპუდრება”. ერთბაშად მხრებში გააძაგაგებს.

- მია:** *(ცნობილ შოუმენს ბაძავს)* გაიხარე!

18. ისევ რუსტორნის დარბაზი. იგივე საღამოა.

ვინსენტი თავის შეკვეთილ ბიფშტექსს ათოხლავენს. შიგადაშიგ დარბაზს გადააგლებს ხოლმე თვალს. შემოდის **მია**.

მია: აი ეს მესმის! გამოდიხარ ტუალეტიდან და –
თოხლიც მზადაა...

ვინსენტი: ცოტა არ შემეხურებინა, ახლაც ვერ
ვეღირებოდით... დიდი ფეხათრეული ვინმეა ეს შენი ბადი
ჰოლი. არ ჯობდა, მერილინ მონროსთან დაემსხ-
დარიყავით?

მია: ეგ რომელთან? ორნი არიან.

ვინსი: საიდან მოიტანე?. (ჯერ თუთრ კაბაში გამოწყობილ “მერ-
ილინზე” ათითებს, მერე ნაქსოვ ჯემპერში მკერდგამოკვართულ, შე-
მოტყევილმარულიან ქერა მიმტანზე)

... აი ესაა მერილინ მონრო, ის კი – მეში ვან
დორენია. ჯეინ მენსფილდი რა იქნა, ამდენი აღარ ვიცი –
გამოსასვლელი დღე აქ აღბათ...

მია: მაგარი ხარ. ეგ კარგად გამოგივიდა.

ვინსი: ვიცი ხოლმე... ხანდახან.

მია: ის თუ მოიფიქრე, რაზე ვიჭორაოთ?

ვინსი: ერთი რაღაცის კითხვა მინდოდა, ოღონდ
საწყენადკი არ მიიღო...

მია: ო-ო-ო, ეს უკვე უბრალო ენის მოქავეებს აღარა გავს!
მანც, რისი ინტერესი გაქ?

ვინსი: ჯერ პირობა მომეცი რომ არ იწყენ.

მია: ეგ რანაირად? აზრზე არა ვარ რას მეკითხები და
წინასწარ დაგპირდე? იქნებ სრულიად ბუნებრივი რეაქციაც მქონ-
დეს – სრულიად უნებლიე, გაუაზრებელი...

ვინსი: კარგი, დაივიწყე...

მია: შანსი არაა. ისეთი შესავალი გაუკეთე, ახლა ღამე
არ დამეძინება...

ვინსი: ბოლომდე მაგ სიტყვაზე დგეხარ?

- მია:** *(ენერგიულად უქნევს თავს)* კი, ეგრუა. ნამდვილად.
- ვინსი:** ანტუნის ამბავში შენი თუ ურევია რამე?
- მია:** ვინაა და რა დაემართა?
- ვინსი:** ტონი-მასხარა. ცუდი ამბავი შეემთხვა.
- მია:** ეგ ის არაა, ფანჯრიდან რომ გადმოვარდა?
- ვინსი:** გააჩნია, ვინ როგორ შეხედავს. ენები დადის, გადმოაგდესო. ზოგ-ზოგი იმასაც ამბობს, მარსელასის მითითებითო. მთლად უძველო ენები კიდევ – ქ-ნ მია მარსელას-უოლესისას გამოო.
- მია:** მართალს ამბობ?
- ვინსი:** აქეთ მეკითხები?
- (რატომღაც ორივეს ეღიმება)*
- მია:** რას აღარ გაიგებ ამ ქალაქში...
- ვინსი:** ნუ იტყვი.
- მია:** კარგი, სულ ცოტათი დაგეხმარო მაინც, ჩემი მორცხვი ბიჭი – სიტყვა “გაჟიმვა” თუ ახსენეს?
- ვინსი:** არ-ა-ა, მართო ტერფების მასაჟზე იყო ლაპრაკი.
- მია:** მერე?
- ვინსი:** მერე არაფერი. ესაა სულ.
- მია:** დაიცა, გინდა თქვა რომ ხმები დადის, ტონი-მასხარა მია უოლესს უკეთებდა ტერფების მასაჟს და მარსელას უოლესმა ამისათვის გადმოაგდო ფანჯრიდანო?.
- ვინსი:** ეგრუა.
- მია:** და შენც დაიჯერე?
- ვინსი:** ჩავთვალე, რომ სავსებით შესაძლებელია.
- მია:** ანუ შესაძლებლად ჩათვალე, მარსელასს ტონი-მასხარა

გადმოველო ფანჯრიდან, იმიტო რომ ტერფების მასაჟს მიკეთებდა?!

ვინსი: ცოტა არ იყოს და მკაცრ საჯვლად კი მომეჩვენა, ოღონდ შესაძლებლობას მაინც არ გამოურიცხავ – გამიგია, მარსელასი მეტისმეტად უფროთხილდება თავის ცოლსო.

მია: დაიცა რა, სულ ნუ გარეკე – ქმარი რომ ცოლს უფროთხილდება, ეს ერთია და ვიღაცას მეოთხე სართულის ფანჯრიდან რომ გადაუძახებს – აქაოდა ტერფის მასაჟს რატო უკეთებდაო – ეს მეორე!

ვინსი: ბოლო-ბოლო, მართლა იყო რამე ეგეთი თუ სულ ცარიელი ჭორებია?

მია: ჩემი ბიჭი, ანტუან მასხარა-თუ-რა-ქვია-იმას, სულ ერთხელ შემეხო, ხელი რომ ჩამომართვა ქორწილში და ამ დროს მარსელასიც გვერდზე მედგა... მეტი არც არასოდეს მინახავს. საერთოდ. ოდესმე. მართალი ისაა, რომ კაციშვილმა არ იცის, მარსელასმა რატო გადმოაგდებინა ტონი ფანჯრიდან. არ იცის და ვერც ვერასოდეს გაიგებს, ასე მგონია. თუ თავად მარსელასი არ ინებებს ან ტონის არ გამოტყუავს... ოღონდ თქვენ, კაცები რო ერთად გამოიკეტებით და ენებს აიქაფებთ ხოლმე, მტრისას – მთელი კოღლა ქუჩის ქალები ვერ გაჯობებენ!.

ვინსი: მაინც გამინაწყენდი...

მია: სულაც არა. ოღონდ ათას ერთ საზიზღრობას რო მოგაკერებენ, შენი არ უნდა თქვა?

(თავის ხუთდოლარიან კოქტეილს მოწრუპავს, მერე წენარად ამბობს):

მია: მადლობა.

ვინსი: რისთვის?

მია: აი, ჩემი აზრიც რო გაინტერესებდა, იმისთვის.

(50-იანი წლების მუსიკა იგრიადლებს)

მია: ცეკვა მინდა!

ვინსი: პარტნიორად ვერ გამოგადგები.

მია: აჰა-ა-ა! აკი მარსელასმა მთხოვო, რესტორანში წაიყვანე, გაართე და საერთოდ, ყველა ხუმტური შეუსრულო! მე კი ახლა მეცეკვება და რა ვქნა!

(ვინსს ელიმება, დაიხრება და ფეხსაცმლის თასმების შეხსნას იწყებს. მერე მიას ჩაკიდებს ხელს და პოდიუმისაკენ მიყავს. იქ პირისპირ დადგებიან, ტვისტის ჩართვას დაელოდებიან და იწყებენ... მია კატასავით მოძრაობს, ძან სექსუალური პლასტიკა აქვს; ვინსი კი შეუვალი სერიოზულობით ეკიდება ამ საქმეს. გარშემო ვილაც-ვილაცები ცდილობენ აყენენ, მაგრამ არაფერი გამოსდით: ეს წყვილი ბოლომდე “ჩაჯდა” რიტმში და თითქოს ერთმანეთს ავსებენ...)

19. მარსელას უოლესის სახლი. შიდახედი. ღამეა.

შემოსასვლელი კარი იღება და მია და ვინსი შემოტანცავდებიან. ისე მოძრაობენ, თითქოს ჯერ კიდევ იქ იყვნენ, პოდიუმზე. ოღონდ ტვისტის მაგივრად ახლა ტანგო აქვთ მორგებული. შუა ოთახში ჩერდებიან, იცინიან. მერე თვალებში შეაცქერდებიან ერთმანეთს.

ვინსი: ესეც იმ სიჩუმის ამბავში გადის?

მია: მე რა ვიცი! კარგი კი იყო და... ახლა ისევ მუსიკა მინდა და რამე დასალევი. ყელი გამიშრა!

(ბართან მიდის, ორივე სურვილი ერთად უნდა აისრულოს – ცალი ხელით მუსიკალურ ცენტრს რთავს და მეორეთი ჯინ-ტონიკს აზავებს. ძველი, ნოსტალგიური როკ-მუსიკის ჰანგი. ვინსი ბრინჯაოს საკიდთან მივა, პიჯაკს კაუჭზე კიდებს)

ვინსი: გავალ ერთი, მივაფსავ...

მია: ყოვლად უსარგებლო ინფორმაციაა... დაჰკარ, მაკლუფ!¹⁹

(ვინსი ტუალეტში შეიკეტება)

მია მუსიკას აყოლებს ტანს, თან ვითომ თავად უკრავს გიტარაზე, თან ვითომ სცენაზე დადის და უცებ სწორედ საკიდებელთან მოხვდება, შემთხვევით, ვინ-

¹⁹ შექსპირი, “მაკბეთი”.

სის პიჯაკს ხედავს, ხელს ჩაუცურებს ჯიბეში და ქისას ამოაძვრენს. მერე, აშკარად ვინსის მიბაძვით, ცოტაოდენ თამბაქოს ქაღალდზე გადმოყრის და ოდნავ ზედმეტად ბუთქუნა, მაგრამ მაინც სავსებით რიგიან მოსაწევს გაახვევს. ისევ ჩაუყოფს ხელს ჯიბეში, ახლა სანთებელას ამოიღებს და თითის ერთი არტისტული ჩამოკვრით ცდილობს ზიპოს ანთებას... გამოსდის კიდევ და ლამის იჭყვივლოს სიხარულისაგან. ნელა მიაქვს ალის ენა, უკიდებს და ასევე ჩხაკუნით ხურავს სანთებელას თავს. მადიანად გააბოლებს, ბოლს ნესტოებიდან უშვებს, მერე ქისასა და სანთებელასაც პიჯაკის ჯიბეში აბრუნებს.

უცბად შეეყონდება, თითებს ჯიბეში მოაფათურებს და პოლიეთილენის პაწია ტომსიკა ამოაქვს. სწორედ ის ნაქები თეთრი ფხვნილია შიგ, ვინსენტმა რომ ლანსისაგან შეიძინა. პაკეტს კარგად შეათვალიერებს. კმაყოფილი ღიმილი დასთამაშებს სახეზე.

მია: გეკადრებოდა ახლა ეს შენ, ჩემი დიდი ბიჭი? ამას მიმაღავდი?.

20. მარსელას უოლესის სახლი. ტუალეტი. ღამეა.

პირსაბანის სარკეში ვინსენტის სახე ჩანს, ხელს იბანს, საკუთარ თავს ელაპარაკება.

ვინსი: დალევ ახლა ერთ ჭიქას და მორჩა, დავახვიეთ აქედან! უზრდელურად არ გვინდა, უბრალოდ ეუბნები – “ღამე მშვიდობისა, მია – ჩემი წასვლის დროა...” მერე გადიხარ გარეთ, ხელს დაუქნევ, ჯდება მანქანაში და...

სასტუმრო ოთახი:

მია მთელ პაკეტს ჩამოყრის მაგიდის შუშის ზედაპირზე – აზრზე არაა, ჰერონთან რომ აქ საქმე... ჩვეულებისამებრ დაახვევს ასლოლარიანს და ერთი ჯაშ-ხოშიანად შეისუნთქავს...

კადრი ახლოვდება:

მია თავს გადააქნევს, ცხვირზე იტაცებს ხელს, თვალები უფართოვდება – ხვდება, რაღაც ფარსაგი ამბავი დაემართა... თითებს შორის ნელა მოჟონავს სისხლი...

ისევ ტუალეტში ვართ:

ვინსი ხელებს იმშრალებს, ისევ საკუთარ ორეულს ელაპარაკება სარკეში.

ვინსი:

მოკლედ, ეს ტესტია ძმაო – ტესტია ნიახურის ჭამაზე:
შეუნახავ ბოსს ნამუსს თუ ვერა... იმიტო რო ნდობა ერთ რამედ
ღირს, ძმაო – ეგრა...

ისევ სასტუმრო ოთახი:

მია ოთხზე დგას, ცდილობს ტუალეტის კარებთან მიხობდეს, მაგრამ
არაფერი გამოსდის – ხელ-ფეხი არ ემორჩილება, ნესტოებიდან სისხლი
სდის, მერე კი იატაკზე გაერთხმება და არწყევს...

ტუალეტში:

ვინსი თავისას ერეკება...

ვინსი:

... მოკლედ, გახვალ ახლა აქედან, ერთ ჭიქას
დააყუდებ და ეუბნები: “ლამე მშვიდობისა, ლამე მშვიდობისა,
თქვენი ლამე მშვიდობისათი... ძან-ძან სალამო იყო,
ნამდვილად”. მერე აუღებ სახლში და იქ ათავე რამდენიც
ვინდა... ეგრა.

ჩათვალა, რომ სრული და ამომწურავი ღირექტივები მიღებული აქ და ახლა
მზადაა, კარს იქით ჩასაფრებულ ყოველგვარ ცდუნებას გაუძლოს. სახელურს
გადაატრიალებს და სასტუმრო ოთახში შეაბიჯებს, მტკიცედ.

ისევ სასტუმრო ოთახი:

კამერის თვალი ვინსის მზერას მისდევს – კარი იღება, მერე მიხვეულ-
მოხვეული დერეფანი და იატაკზე გაშლართული მია – სახე და მკერდი
სისხლითა და ნარწყევით მოთხვრია, ოღონდ გამოძეტყველება გაწამებულის
კი არა აქ, პირიქით – ნაკეთები იმდენად მოღუნებულია, პირი ღია დარჩენია
და ქვედა ყბა უღონოდ ჩამოშვებია, მიცვალებულივით.

ვინსი: ღმერთო შენ მიშველე!

(მუხლებზე დაეცემა, მაჯისცემას უსინჯავს; მია ოდნავ შეირხევა. ვინსი ხვდება, რომ ჯერ კიდევ გონზეა და ცდილობს, ხმა ამოაღებინოს)

ვინსი: მია! რა არი, რა მოგივიდა?! ბოიშვილი ვიყო, რა გჭირს?!

(მია ცდილობს რაღაცა თქვას, არაფერი გამოსდის; ვინსი ქუთუთოს აუწევს და უცბად მოწვავს ვითარებას)

ვინსი: უხ შენი!.. ბედი უნდა ყველაფერს! მია! რამდენი ჩახეთქე?! ხმა ამოიღე, მია!!

(მია გათიშულია. ვინსი სილას გააწნავს – უშედეგოდ. მერე წამოხტება, საკიდს მივარდება და საკუთარი პიჯაკის ჯიბეებში იწყებს ქექვას. პაკეტი გაქრა. ისევ მიასთან მირბის. კამერის თვალი თან დაყვება)

ვინსი: ასე ჩემო კარგო, ახლა წამოვხტეთ ფეხზე...

(ქალის სხეული ხელებში მოემჩვარება)

ვინსი: ეს არაფერი, ახლა გავიაროთ... აბა, ერთი-ორი...

(გარეთ გაათრევს და ბალიშივით აგდებს მანქანის სავარძელზე)

21. ვინსის დიდი სიჩქარით მოძრავი მალიბუ; ღამეა.

ვინსენტი გიჟივით მიაქროლებს ღამეულ ქუჩებში, მოსახვევებში მუხრუჭების ღრჭიალი ისმის და ყოველი შემადლებიდან მანქანა ტრამპლინიდან მხტომელივით მოფრინავს, ბრახანით ასკდება ქვაფენილს და აგრძელებს გზას...

22. ვინსის მანქანა, შიდახელი. ღამეა.

სპიდომეტრის ისარი ყვითელ შკალაზე გადადის; ვინსი საჭეს ჩაფრენია, წინ იყურება, მხოლოდ შიგადაშიგ, წამიერად გახედავს ხოლმე უსაფრთხოების ღვედებით საზურგეზე მიბმულ მიას, რომელსაც მანქანის ყოველ მოხვევაზე

თავი უილაჯოდ უვარდება აქეთ-იქით. ვინსი მობილურს დააძრობს ჯიბიდან, წვალეებით და გინებ-გინებით კრეფს ნომერს.

23. ლანსის ბინა. შიდახედი. დამეა.

ლანსი ისვენებს – ახლა ის უკვე აღარაა “ძალიან ძველი ბიჭი” და ძაან მაგარი ნარკოდილერი – ახლა ის ერთი უბრალო მოქალაქეა, ძველ სავარძელში ზის, პირში ბლუჯა-ბლუჯად იყრის პოპკორნს და რაღაც ძველისძველ სერი-ალს უყურებს ძველ ტელევიზორში. ტელეფონის ზარი. ლანსი დგება და კედელზე ჩამოკიდებულ, ვითომ ძაან ძველ აპარატთან მიდის. ვერ ასწრებს, ისევ ზარია. **ჯოდი** უყვირის მეორე ოთახიდან:

ჯოდი: ლანს! ტელეფონია, რამ დაგაყრუა?!

ლანსი: მესმის, ხო! გავიგე!

ჯოდი: ხოდა ახლა მაგ ვირთხებსაც გააგებინე – შუალამისას ნუ გირეკავენ!

ლანსი: *(ყურმილს იღებს)* რომელი ხარ? გითხარით არა ყველას, გვიანობით არ დამირეკოთ-მეთქი!

(კადრი იცვლება: ჩვენ ახლა ისევ ვინსენტს ვხედავთ, გიჟივით ატრიალებს საჭეს და თან ცდილობს, ნიკაპსა და მხარს შორის გაკეჭებული მობილური არ გამოუსხლტეს; დიალოგის დროს კადრირება წარამარა იცვლება – ხან ვინსენტს ვხედავთ და ხან – ლანსს)

ვინსი: ლანს, ვინსი ვარ! მაგარ შარში გავეხვიე, უნდა მიშველო!

ლანსი: ე-ე, დაიცა – რა შარში?!

ვინსი: ადრენალინის შესაყვანი შპრიცი თუ გაქი!.

ლანსი: *(ცოტა აზრზე მოდის)* ვთქვით და მაქ, რა მერე?!

ვინსი: მაგრა მჭირდება! აქ ერთი გოგო საცაა გაათავებს, მე მაგის!..

ლანსი: დაირეხვე?! ახლა აქ არ მომიყვანო!

ვინსი: სხვა გზა არა მაქ, ლანს! ვიღუპები!

- ლანსი:** რა, გაღმა გაღის?.
- ვინსი:** არაფერი უკლია!
- ლანსი:** მერე ჩემთან რა გინდა შეჩემა – ჯერ საავადყოფოში დაგაზე და მერე ადვოკატთან!.
- ვინსი:** შანსი არაა!
- ლანსი:** ეგ უკვე შენი პრობლემებია, ძმაო – შენ გულაობდი, შენ-ითვე გამოძვერი... დაიცა, რა – მობილურით რეკავ?!.
- ვინსი:** აბა სხვა რანაირად!
- ლანსი:** გიჟი ხარ შე ჩემისა! არ გიცნობ – არ მიცნობ, აქ არ დაგინახო მოსული!
- ვინსი:** უკვე მოვედი...

(ისმის, მანქანა როგორ შემოჯლიგინდება ეზოში, მუხრუჭების ღრჭიალ-ღრჭიალით; ლანსი ყურმილს დააგდებს, ხელის ერთი მოძრაობით ფანჯარაზე ჟალუზის აწევს და ხედავს, ზედ გაზონზე გადმოვლილი როგორ შემოასკდება წინკარს)

ჯოდი: (დაფეთებული ხმით) რა არი, ისევ მიწისძვრაა?!

ლანსი კარს გამოაღებს და გარეთ გავარდება.

24. ლანსის სახლი. გარეხედი. ღამეა.

ვინსენტს გათიშული მია გადმოყავს მანქანიდან.

- ლანსი:** სუ გარეკე?! კარებს მიმტვრეე?! თან მობილურზე...
- ვინსი:** მორჩი ბაზარს! კვდება გოგო – შპრიცი დააძრე!
- ლანსი:** დაყრუვდი არა? აღარაფერი გეყურება?! გითხარი – ეგ

ვილაც აშარაშკა აქ არ მოათრიო-მეთქი!

ვინსი: ქალი *მარსელას უოლესის* კანონიერი მეუღლეა – ეს ერთი! ახლა აქ თუ გაფშეკა ფეხი, მერე მიტირეთ რუსულად – ეს ორი! და სანამ შამფურებზე აცმულს შემხრაკავენ, ვიტყვი რომ მისი გადარჩენა შეგეძლო და თითიც კი არ გაანძრიე საშველად! – ესეც...

25. ლანსის სახლი, შიდახედი. ღამეა.

ჯორჯი წამოხტება ლოგინიდან, მაისურს ჯონ ლენონის სახე და წარწერა უშვვენებს: *MAKE LOVE, NOT WAR*; კარებს მოაფიათებს და ვვირის:

ჯორჯი: ორის ნახევარია, თქვე დედაიძასქნებულებო!.. რა ხდება?!

(ხედავს, ვინსენტი და ლანსი იატაკზე გაშხლართულ მიას დასდგომიან თავზე)

ჯორჯი: (უკვე წვილზე გადადის) ეგ ვილაა?! რას უშვებით?!

ლანსი: მორჩი ჭყვიტინს! ლოგინის ქვეშ რო შავი ყუთი დევს, ის მომიტანე! დიდი შპრიცი გვინდა...

ჯორჯი: ამას ჭირს რამე?!

ლანსი: არა, მე! ღმერთო ეს რა შარში...

ჯორჯი: მერე, მოკიდეთ ხელი და მოისროლეთ აქედან!

ვინსი და ლანსი: (ერთხმად) შპრიცი გამოიტანე, შენი!!!

ჯორჯი: რასაა რო მიყვირით ორივე!..

(გადის, საწოლი ოთახიდან რაღაც ბრაზა-ბრუნის ხმა მოისმის)

ვინსი: მაგრები ხართ რა, ორივე...

ლანსი: დაიცა, შენ ისა... ეცადე, ამას გააგებინო რამე... მე ახლავე... მარტო ცნობარს მოვძებნი – სამედიცინო ცნობარი მინდა...

ვინსი: დაირეხვე?! რა ცნობარი შეჩემა, რის ცნობარი...

- ლანსი:** ხო უნდა ვნახო, როგორ კეთდება... ცხოვრებაში ადრენალინი არ გამიჩხვრია!
- ვინსი:** დაიცა რა, ექვსი წელია ინახავ და აქამდე არაფერში დაგჭირებია?!
- ლანსი:** ჩემთან ძმაო, წესიერი ხალხი დადის, ასე ქლიავურად არავინ...
- ვინსი:** კარგი, ხო! მიდი, ეძებე...
- ლანსი:** წვალ, თუ გამიშვებ!
- ვინსი:** შეჩემისა, გიჭერს მერე ვინმე?!
- ლანსი:** ჩემთან ბლატავს შეეშვი, ამას ებაზრე!
- (გავარდება მეორე ოთახში)

26. უკანა ოთახი ლანსის სახლში.

ოთახი ათასი ხარახურიტაა გამოვსებული. ლანსი რაღაცეებში იქექება, თან თავისთვის ბურტყუნებს – მიდი რა, მიდი... სასტუმრო ოთახიდან ხმები ისმის.

- ვინსი:** დროზე, შე ყლიყვო – ჩამაკვდა ხელში!
- ლანსი:** ვერ ვპოულობ და რა ვქნა!..
- ჯოდი:** (ვინსენტს ელაპარაკება) რას ეძებს ის გადარეული?
- ვინსი:** მე რა ვიცი! რაღაც ცნობარი მომინდომა...
- ჯოდი:** (ლანსს გასძახებს) მანდ რას დაეძებ?
- ლანსი:** შავყდიანი წიგნია, სქელი...
- (რაღაც ძველმანებს აქეთ-იქით ყრის, იგინება; კარში ჯოდი შემოიხედავს)
- ჯოდი:** რას ეძებ-მეთქი?

ლანსი: სამედიცინო ცნობარია, შავი...

ჯოდი: არავითარი ცნობარი მე მანდ არ მინახავს.

ლანსი: აქაა, აქ! სხვა სად უნდა იყოს...

ჯოდი: თუ ასე საჭირო რამეა, შპრიცთან ერთად ვერ შეინახე?

ლანსი: მომწყვდი თავიდან!

ჯოდი: სანამ შენ აქ იქექები, ის ქალი ფეხებს გაფშიკავს და...

ვინსი: *(კადრს მიღმა)* დროზე რა, შეეშვი მაგას!

ლანსი ერთს კარგად შეუკურთხებს, რაღაც ყუთს თხლიშავს წიხლს და სასტუმრო ოთახში ბრუნდება.

27. იქვე. იგვე დროა.

ვინსი: მორჩი რა ტრაკის თამაშს, ნემსი გლიჯე!

(ლანსი შავ კოლოფს დაიდებს მუხლებზე, თავს ახდის და ნემსის გაწეობას იწყებს)

ლანსი: შენ მანამ პერანგი გახადე, გული უნდა მოუძებნო...

(ვინსი პერანგს სულ შემოაგლეჯს მთას)

ვინსი: ზუსტად სადმე წერტილში უნდა მოხვდეს?

ლანსი: ეგ რაა.

ვინსი: *(ჯოდის გახედავს)* დიდი სქელი მარკერი მინდა.

ჯოდი: მარტო ფლომასტერი მაქ...

ვინსი: მაიტა, ტემპში!

(ჯოდი კარადას მივარდება, უჯრას დაითრევს და იქექება შიგ; რაღაც წვრილმანებს პირდაპირ იატაკზე ყრის)

ლანსი: აჰა, მზადაა! გამომართვი.

ვინსი: კიდევ რა გინდა?! შენ უკეთებ.

ლანსი: შანსი არაა!

ვინსი: ცხოვრებაში ეგეთი არ...

ლანსი: არც მე! შენ მოათრიე აქ ეს ქალი და შენვე მიხედე! ხელებიც ღამობანია...

(ჯოდი მოვარდება; ხელში ფლომასტერი უჭირავს. ვინსი გამოართმევს და სადაც მისი აზრით, გული უნდა იყოს, დიდ წითელ ლაქას ადებს)

ვინსი: ახლა რა?

ლანსი: რა და გლიჯო უნდა! შიგ კაკალ გულში. ოღონდ მაგრა უნდა ჩაკრა – გულის ფიცარი რო გახვრიტოს, ისე...

(ხელს მოიქნევს, როგორც რომ ცუდიანი ფილმ “ჰელოუინში”)

ვინსი: ეთქვათ, შიგ გულში მოვარტყი, მერე?

ლანსი: მერე წამალს შეუყვან...

ვინსი: და რა მერე?

ლანსი: მერე და მერე... ვნახავთ რა, სად წავალთ.

ვინსი: კი, სულ სახუმაროდ გვაქ საქმე...

ლანსი: რავი, გონზე უნდა მოვიდეს, წესით.

(ორივენი მთავრად დააშტერდებიან; მიტკალის ფერი ადევს, აშკარაა – მალე საერთოდ აღარაფერი უშველის...)

ლანსი: სამამდე ვითვლი. ერთი...

(ბლოუ-აპი წითელ ლაქაზე)

ლანსი: ორი...

(კადრში შპრიციანი ხელი ჩნდება)

ლანსი: სამი!!!

(შპრიცი კადრიდან ქრება, ისმის ერთ დარტყმის ხმა)

მიას თავი გადაუქანდება, ნემსი მკერდში შედის, ადრენალინი – შიგ გულის კუნთში. უცებ თვალებს ჭყიტავს, წამჯდება, კივის. შპრიცი მარცხენა ძუძუს ქვემოთ უქანავებს...

მის გარშემო ჩაცუცქეული სამეული განზე გახტება – ყველა ერთდროულად, დაზაფრულნი.

მია ნელ-ნელა უწევს ხმას, ბოლოს სულ ჩუმდება. მძიმე-მძიმედ სუნთქავს. გაოგნებული “მაშველები” ისევ მიუახლოვდებიან.

ლანსი: თქვი რა, რამე...

მია: *(თვალგაშტერებული)* რამე...

ვინსენტი და ლანსი ზურგებით იატაკზე გადაგორდებიან, ქანცაწვევტილები...

ჯუდი: ლუდი არავის გინდათ?

28. ვინსის მალიბუს სალონი. დამეა.

საჭეს ვინსი უზის. მია მიყავს სახლში. ორივენი ჩუმად არიან, დაშოკილები.

29. მარსელასის სახლი. წინახედი. დამეა.

მალიბუ ზედ სახლთან ჩერდება. გადმოდის მია, ხმას არ იღებს, ისე მიემართება კარისაკენ.

ვინსი: მია!

(მია ჩერდება, მხოლოდ თავს მოატრიალებს, ნელა. ვინსი მანქანიდან გადმოსულა, ოღონდ ადგილიდან ფეხს არ იცვლის)

ვინსი: ახლა რას იზამ?

მია: შენ რაღა?

ვინსი: ამ ამბის გაგება მარსელასს არაფერში ჭირდება, ასე მგონია.

მია: *(ელიძება)* ნუ შიშობ, ჩემი ძაან მაგარი ბიჭი. ეს რომ მარსელასმა გაიგოს, შენზე მეტი მე მომხვდება.

ვინსი: არ ვიცი, არ ვიცი...

მია: მე ვიცი. შენ ოღონდ ენას კბილი დააჭირე და ყველაფერი კარგად იქნება.

ვინსი: არის, უფროსო.

(უახლოვდებიან, ხელს ჩამოართმევენ ერთმანეთს)

ვინსი: სამარე ვარ.

(მია ხელს უშვებს, და მუნჯურად აჩვენებს – “ვერაფერს ვხედავ, არაფერი მესმის, სიყვასაც არ ვიტყვი”. ვინსს ელიძება)

ვინსი: წვედი ახლა, ჩემი წილი ინფარქტი მაქ მისაღები.

მია: *(ჩაიფხუკუნებს)* გინდა ის ანეკლოტი გიამბო, “მელაკუდებიდან”?

ვინსი: *(მოუტრიალდება)* ვგვევარ ახლა მე გამცინებელ კაცს? ისე ვარ, დანა რო დამარტყა, სისხლი არც გამომივა...

მია: სასაცილო მაინც არაფერია, ხო გითხარი... თუ გინდა, მოგიყვები.

ვინსი: რაკი შენსას არ იშლი...

მია: სამი პამიდორი მიგორავს ქუჩაში: მამა-პამიდორი, დედა-პამიდორი და შვილი-პამიდორი. ეს სულ უკან რჩება და დედ-მამის ძახილზე ყურსაც არ იბერტყავს. ბოლო-ბოლო მამა-პამიდორს მობეზრდება, მოუბრუნდება და ფეხს დაადგამს...

(აქ მია დრამატული სახით ვითომ რაღაცას გასრებს მიწაზე) :

“პამიდორი ხარ თუ პამიდვრის წვენი – ქეჩუპი!”²⁰

²⁰ზანგურ კილოზე: ფეხი გამოადგი, დამეწიე!

(ორივეს ჩაეღიძება, ოღონდ არც ერთი არ იცინის)

მია: კარგად, ვინს!..

(შეტრიალდება და სახლში შედის. ვინსი ერთხანს დაკეტილ კარს მისჩერებია, მერე საჩვენებელ თითს ტუჩებზე მიიდებს და კოცნას გაუგზავნის. გატრიალდება, კადრსგარე გვესმის, როგორ ჯდება მანქანაში, ქოქავს და წყვიტავს ადგილიდან)

ეკრანი ქრება.

30. ჩამქრალი ეკრანი.

(სიბნელეში ისმის ქალის ხმა): ბუ-უჩ!

ეკრანზე სურათი ჩნდება წარწერით: *სან-როზარიო, კალიფორნია, 1972*. ერთი უბრალო სახლის პარმალზე ქალი დგას, აშკარად ბუჩის დედაა; გვერდში ამერიკის სამხედრო-საჰაერო ძალების ოფიცრის ფორმაში გამოწყობილი ვიღაც პირხმელი კაცი ამოსდგომია. ამის მერე კამერის თვალი 5 წლის ბავშვის ხედვით იღებს ყველაფერს.

დედა: ბუჩ! ერთწამს მოცილდი მაგ ტელევიზორს – ხომ გითხარი, სტუმარი გვყავს-მეთქი!. ხომ გახსოვს, გიყვებოდი – მამაშენმა სამხედრო ტყვეების ბანაკში რომ დალია სული?

ბუჩი: მ-მ... კი, დედა.

დედა: ეს კი კაპიტანი სკუნკია²¹. მამასთან ერთად ჩავარდა ტყვედ.

(კაპიტანი სკუნკი ერთ ბიჯს წარსდგამს და ცალ ფეხზე ჩაიმუხლებს, ბავშვს რომ გაუსწოროს თვალი. სიტყვაში ოდნავი ტექსასური აქცენტი დაჰკრავს)

²¹ Skunk – თავის ყიამყარლობით სახელგაგდებული პატარა ცხოველია; გადატ. მწ. = ქოსატყუილა, ან სულაც “შაგარი უსიამო როჟა”.

კაპ. სკუნკი.:

გამარჯობა მეგობარო, შენი! ვიცი, ბუჩი გქვია...

საიდან ვიცი? მე და მამაშენი განუყრელი ძმაკაცები ვიყავით, აი საიდან. ხუთ წელზე მეტი გავატარეთ იმ ჯოჯოხეთში. დიდი იმედი მაქ, შენ თვითონ არასოდეს მოგიწევს ამგვარის გადატანა, ოღონდ ეს იცოდე – როცა ორი ძმაკაცი ისეთ გამოუვალ ვითარებაში მოხვდება, მე და მამაშენი რომ მოვხვდით, თან ასე დიდხანს, ეს უკვე გარკვეული პასუხისმგებლობის კისრებასაც გულისხმობს – ერთ-მანეთის მიმართ, ასე ვთქვათ. მე თუ ვერ გადაურჩებოდი, მაიორ კულიჯს მოუწევდა ახლა ჩემს შვილთან საუბარი. ოღონდ განგებამ ინება, რომ მე შენ გელაპარაკო, ბუჩ. და მე რაღაც მაქ შენთვის გადმოსაცემი...

(ჯიბიდან მაჯის საათს დაადრობს, ოქროსას)

... აი, ეს საათი – ჯერ კიდევ შენი პაპის-პაპის შენაძენია. მსოფლიო ომის ხანს იყიდა ნოკსვილ-ქალაქის ერთ პატარა მაღაზიაში – ტენესის შტატშია ეგა. რიგითმა ერნი კულიჯმა ზედ გემზე ასვლის წინ იყიდა საათი და ისე გასწია საბრძოლველად. უბრალო რამ საათი არ გეგონოს – მაშინ ეს ერთადერთი კომპანია უშვებდა მაჯის სათებს – ხალხი კი ძირითადად, რომ იცოდე, ჯიბის საათებს ეტანებოდა. შენმა პაპის-პაპა ერნიმ ამ საათით ხელზე გამოიარა მთელი ომი და მერე, შინ რომ დაბრუნდა ვალმოხდილი, საათიც შეიხსნა და ყავის ქილაში შეინახა... ასე, იმ თუნუქის კოლოფში იდო საათი, ვინემ პაპაშენს, 22 წლის დენ კულიჯს არ მოუწია ოკეანის გადალახვა – ეს უკვე II მსოფლიო ომი იყო და ერნი კულიჯმაც შვილს, დენ კულიჯს გაატანა საათი, ოღონდ იმას ბედმა უშუბთლა, კუნძულ უეიკზე მოხვდა ალყაში. პაპაშენს კარგად ესმოდა, რომ თავს ვეღარ დაადწევდა ალყას, და ორიოდ დღით ადრე, ვინემ ჯაპები²² გადმოსხდებოდნენ, სატრანსპორტო ავიაციის მსროლელს, ვინმე სერჟანტ ვინოკის სთხოვა, ეს ოქროს საათი ჩემს შვილს გადაეცით. მამაშენი კი მას ჯერ თვალითაც არ ენახა. თუმცა, რამე რომ იყოს, ზომ არც სერჟანტი ვინოკი ცნობია მანამდე...

პაპაშენის სული უფალმა მიიბარა, ოღონდ ვინოკიმ კი მაინც შეასრულა პირობა და ომი რომ დამთავრდა, ბებიაშენისას ჩამოვიდა – მისი მცირეწლოვანი შვილისთვის, ანუ მამაშენისთვის, მამამისის (ვი-ნოკის მამისა კი არა, პაპაშენის) ნაქონი ოქროს საათი რომ გადაეცა. სწორედ ეს საათი ეკეთა მამაშენს ხელზე, ჰანოის თავზე რომ ჩამოაგდეს. ჩამოაგდეს და ტყვეების ბანაკში უკრეს თავი, ჩემსავით. იცოდა, იქ რომ ვინმეს საათი ეპოვა მისთვის, ადგილზევე ჩამოართმევდნენ, ის კი თვლიდა, რომ ეს საათი შენი სამემკვიდრეოა და უმაღლ ზედ შეაკვდებოდა, ვინემ დაანებებდა ვისმე. ამიტომაც იმ ერთადერთ ალაგს შეინახა, სადაც ვიეტები²³ ვერ უნახავდნენ – საკუთარ დუნდულეებში... მერე, ვინემ დიზ-

²² Japs – იაპონელები (აგდებული ტონია).

²³ Viets – ვიეტნამელები (აგდებულ კილოზე).

ინტერია საბოლოოდ მოუღებდა ბოლოს, მე გადმომცა, რათა ეს ლითონის ნივთი ახლა მე დამეძალა მტრისაგან. კიდევ 2 გრძელზე-გრძელი წელი გავატარე ბანაკში, ოღონდაც მამაშენისთვის მიცემულ სიტყვას არ გადავსულვარ და საათს უკანა ტანში საიმედოდ ვიმარხავდი....

შენ უკვე დიდი ბიჭი ხარ, ბუჩ – ახლა დროა, ეს ოჯახური რელიქვია შენ ჩაიბარო!

(კაპ. სკუნკი გაშლილ ხელის მტევანზე მობრჭყვიალე საათს უწვდის ბუჩს; კადრში მას ბავშვის ხელი ხვდება და ნივთს წაეპოტინება...)

31. გასახდელი. საღამო ხანია.

უკვე 27 წლის ბუჩი ტახტზე გადაწოლილა, ბრძოლის წინ მოსადუნებლად; სრულადაა ეკიპირებული: ტრუსები, მოკრივის მაღალყელიანი საცვეთები და ხელთათმანებიც კი. როგორც კი კამერა მის სახეს მიუახლოვდება, თვალებს გაახელს, მკვეთრი მოძრაობით წამოიწვეს და თავს გადააქნევს, უცნაური მოგონების გასაფანთავად...

კარში მისი მწვრთნელის – ზედვე ეტყობა, დიდი გამოქეპილი ვინმეს – თავი ჩნდება. ბრბოს ხმაური შემოიჭრება ოთახში.

მწვრთნელი: დროა, ბუჩ!

ბუჩი: წავედით.

(ოღონდ მწვრთნელი ჯერ შიგ შემოდის, საკიდიდან გრძელ, ყვითლად მოლაპლაპე ხალათს ხსნის და ბუჩს შემოაცემევს. ზურგზე შავფერი წარწერაა: ბუჩ კულიჯი. მერე კარს გამოუღებს ბუჩს და ოთახში ისევ იჭრება ბრბოს ყურისწამლები ყაყანი).

ეკრანი ისევ ქრება.

ჩნდება წარწერა: “ოქროს საათი”.

კადრს მიღმა გვესმის #1 კომენტატორის ხმა:

#1: ერიპა-ა! მე თუ მკითხავ, ამისთანა დაუნდობელი რამე

ჩვენს რინგზე არც არასოდეს მომხდარა...

(ფონად მაყურებელი ღრიალი გასდევს)

32. ჩიხი შენობის უკან. ჯერ ისევ საღამოა.

ჩიხში ტაქსია გაჩერებული. კოკისპირულად წვიმს. რადიომიმღებთან კომენტატორების ხმა მოისმის.

#1: რაც თავი მახსოვს, არც ერთი მოკრივე ასე სწრაფად ჯერ არ ჩამოსულა რინგიდან... რას იტყვი, ჯონი ჩემო – ეს კულიჯი საერთოდ აზრზე თუა, რა ჩაიდინა?

#2: მგონი რომ კი, რიჩი – კარგად დაეინახე, სახე შეეცვალა, როცა მიხვდა რა ამბავიც იყო მის თავს... მის ადგილას სხვაც ბევრი ინატრებდა ადგილზე გაქრობას!

33. ტაქსის სალონის შიდახედი. გარეთ წვიმს.

ტაქსის საჭეს ესმერალდა ვილალობოსი უზის. ახალგაზრდა ქალი ეთქმის. ცხელ ყავას წრუპავს პლასტიკატის ჭიქიდან და ამკარად ელოდება ვიღაცას. კომენტატორები კიდე თავისას ბაზრობენ:

#1: რამე რომ იყოს, დღევანდელმა ამბავმა ზოგადად კრივის განვითარებაზეც კი შეიძლება იქონიოს გავლენა ...

#2: ეგრეა, დენ²⁴ – წყალი არ გაუვა... ამგვარი ტრაგედია, შეიძლება ითქვას, ძირის-ძირამდე შესძრავს კრივის სამყაროს! ბოლოს და ბოლოს, პროფესიული კრივის მსოფლიო ასოციაციამ ყურად უნდა იღოს... (წკაპ! – ესმერალდა რადიომიმღებს თიშავს).

²⁴ აკი “რიჩი” ქვიაო?! მთარგმნელი არაფერ შუაშია, დედანშია ასე...

34. (გაგრძელება).

მესამე სართულის ფანჯარა იღება და იქიდან გადმოგდებული სპორტული ჩანთა შიგ კუთხეში მდგარ ნაგვის კონტეინერში ჩაეშვება. მერე იმავე ფანჯრიდან ბუჩი ხტება იმავე კონტეინერში. ზუსტად ისევე გამოწყობილი, როგორც რინგზე – ხელიდან თათმანების წაძრობაც კი ვერ მოუსწრია.

ესმერალდას მცირედი გაკვირვება აღებეჭდება სახეზე; ბუჩი კი უკვე მანქანისკენ მორბის, გზადაგზა ყვითელ ხალათს იხდის, ძირს აგდებს. მერე თათმანიანი ხელებით წვალეებით ალებს ტაქსის უკანა კარს და ხტება შიგ.

35. (კიდევ ერთი გაგრძელება)

ესმერალდა უკანა ხედვის სარკეში ადევნებს თვალს, კბილებით როგორ ცდილობს ბუჩი, თათმანი წაიძროს ხელიდან და ხაზგასმით შშვიდი ხმით, ჩიკანოს²⁵ აქცენტით ეკითხება: *თქვენ დაუკვეთეთ ტაქსი?..*

ბუჩი: თუ აქ გამოძახებაზე ხართ, კი.

ესმ.: საით?

ბუჩი: სადმე შორს აქედან...

(ძრავა ერთს დაიდმუკვლებს და მანქანა ადგილს სწყდება, სპიდომეტრის ისარი ზევით-ზევით მიიწევს, ესმერალდას შიშველი ტერფი პედალს აწვება...)

36. სპორტდარბაზის გასახდელი, შიდახედი. დრო იგოფა.

კარი იღება და დეივი-ინგლისელა ძლივს შემოდის შიგ. გარეთ გულშემატკივრების და ჟურნალისტების ერთობლივი ჯგლეფთაა. დეივი კარს მიახეთქებს. მერე შარვალ-პერანგს ისწორებს – ისე, უაზროდ.

ოთახში, მაგიდაზე, შავკანიანი მოკრივე წევს, ფლოიდ უილისი ქვია და მკვდარზე-მკვდარია. სულ ახალი მკვდარი. სახე დასიებულია, ბზიკების ბუდეში ჩაყოფილივით. მაგიდის თავთან მისი მწვრთნელი წელში მოხრილა, მხრები უთრთის. ტირის.

მარსელას უოლესის მაიმახი ფიგურა გვერდში უდგას, ტორი მის მხარზე დაუდვია, უთანაგრძნობს. კუთხეში მია მიმჯდარა. მარსელასი მოიხედავს,

²⁵ ესპანო-ამერიკელი; ახლა დადებით მიმართვად ითვლება, როგორც მაგ. black.

დეივს დაინახავს და მისკენ გაემართება.

მარსელასი: რა გაიგე?

დეივი: მოტყდა ის ჩემისა. ეტყობა, გვარიანი ფული მოხია.

მარსელასი: დღეიდან მარტო ეს ერთი საქმე გაქ: იაპონიაშიც რომ აითესოს, იქ უნდა დახვდე, თუნდაც ბრინჯის ქვაბში იყო ჩამალული.

დეივი: დარდი გაუშვი, წელებს დავაყრევინებ!

37. ტაქსში. იგოე დროა.

ბუჩი, როგორც იქნა, ცალ თათმანს წაიძრობს და ფანჯრიდან გადაუძახებს. ახლა მეორეს მისდგება. ესმერალდას მეტის მოთმენა აღარა აქ.

ესმერალდა: ეს თქვენ ჩხუბობდით იქა? მართლა მოკრივე ხართ?

ბუჩი: არა-ა... ეს ისე, შიგადაშიგ. გასართობად.

(მეორე თათმანსაც აგდებას).

ესმერალდა: კარგი გართობა კია, ღმერთმანი! მოკალით კაცი...

ბუჩი: ვინა?

ესმერალდა: მე რა ვიცი – ის ვილაც, მეორე...

ბუჩი: მოკვდა?

ესმერალდა: რადიოში ესე თქვეს და...

ბუჩი: ვერ მოგვივიდა კარგი ამბავი, ფლო²⁶...

²⁶იმ მეორე მოკრივეს ქვიებია ასე – ფლოიდი.

(ჩანთიდან ამოღებული პირსახოცით იმშრალეებს სახეს, მერე პირსახოცსაც ფანჯარაში ისვრის და ახლა მაისურს ეძებს ჩანთაში)

ესმერალდა: როგორი ამბავია?

ბუჩი: *(მაისურს ჩამოიცვამს)* რა ამბავი?

ესმერალდა: აი, კაცი რო შემოგაკვდება. საკუთარი ხელით რო მიასიკვდილებ...

ბუჩი: მეკაიფები?

ესმ.: არა, მართლა შეინტერესება – როგორია?

ბუჩი: მოდი ასე შევთანხმდეთ – შენ სიგარეტს მიკიდებ, მე – ამბავს გიამობ...

ესმ.: მოვიდა!

(სიგარეტს უკიდებს, მერე ბუჩს აწვდის უკან; ისიც ღრმა ნაფაზს დაარტყამს და საზურგეზე გადაწვება, ნებიერად. მერე სარკეზე მიმაგრებულ ფირფიტას ჰკიდებს თვალს)

ბუჩი: ესმერალდა ვილალობოს... მექსიკელი ხარ?

ესმ.: სახელი ესპანურია, ისე – კოლუმბიელი ვარ.

ბუჩი: კარგი სახელია. ჟღერს.

ესმ.: იცი რას ნიშნავს? “ზურმუხტი მგლების ტომიდან”!

ბუჩი: ასწორებს. მაგარია.

ესმ.: ეგრუა. შენ რაღა?

ბუჩი: ბუჩს მეძახიან.

ესმ.: ნიშნავს რამეს?

ბუჩი: მე ამერიკელი ვარ, ჩვენში კი სახელები არაფერსაც არ ნიშნავს...²⁷

ესმ.: იმას გეკითხებოდით – როგორია, კაცი რომ შემოგაკვდება-მეთქი...

²⁷ე-ე!. ნიშნავს და ეგრე?! თან საინტერესო მინიშნებაცაა: Butch — მაგარი ბიჭი (ნაწარმოებია სიტყვიდან butcher — ყასაბი) ოლონდ შიგადაშიგ (დაცინვის ამბავში) მეტრაკეზეც იტყვიან ხოლმე...

ბუჩი: აბა მე რა ვიცი! სიკვდილამდე 15 წუთით ადრე ცოცხალი იყო... შენგან გავიგე, მომკვდარაო.

ესმ.: მერე?! ახლა რასა გრძნობ?..

ბუჩი: არც არაფერს. ყოველ შემთხვევაში, არაფერს განსაკუთრებულს. იმიტო რო მოკრივე ვარ. ეს კი ერთ რამეს ნიშნავს ჩემთვის. აი, იმისთვის კი არაფერს არ ნიშნავდა – უბრალოდ, მუშტებს იქნევდა რინგზე. ამიტომაც დაისაჯა. ახლა კი მკვდარია და მკვდარი... ახია. ენდე!

38. ტელეფონის ჯიხური. შიდახელი.

ბუჩი ტელეფონზე ბაზრობს.

ბუჩი: ვითხარი, ხმა რო გავარდება, – ჩაწვობილიაო, ატყდება-მეთქი ყალილა... დაიცა, ის ჩემისა ჩხუბის აზრზე რო ყოფილიყო, ახლაც ცოცხალი იქნებოდა. ცოტა მაინც რო გაენძრია ტვინი და მიმხვდარიყო – რინგზე ჩემი ადგილი არ არი, შევეშვა ჯობიაო – ცოცხალი იქნებოდა. მოკლედ, ახლა შენ ის მითხარი ჩემი ძმა, რამდენ ბუკმეკერთან ჩამოხვედი? რვასთან? და რა დრო გჭირდება, მაყუთი რო შეაქუჩო? კარგი ხარ, ეგრე ვქნათ. მე და ფაბიანა ხვალ აუუდებთ. ადრიანად. ორიოდ დღეში ნოქსვილს მივადგებით. ტენესი მაინც სულ სხვაა...

(ყურმილს კიდებს. მის მომლოდინე ტაქსს მიაშტერდება).

ბუჩი: *(თავისთვის, რატომღაც ფრანგულად) O, idéal de ma vie!**

39. მოტელი. გარეხელი. დამეა.

ესმერალდას ტაქსი მოტელის პარკინგზე ჩერდება. წვიმამ გადაილო, ოღონდ ნესტი მაინც იგრძნობა. ბუჩი მანქანიდან გადმოდის, ახლა მაისური, ჯინსები და ქურთუკი აცვია. მძლოლის ფანჯარასთან დაიხრება.

* ჩემი ცხოვრების ნატვრა! (ფრ.)

ესმერალდა: შენგან სუფთად \$45 მერგება.

ბუჩი: (ფულს უწვდის) მაღლობა... და ესეც კიდევ, დავესკად.

(ასდლოარიანს უჩვენებს, ოღონდ ჯერ ისევ თითებში ატრიალებს.
ესმერალდა თვალს მოწკურავს)

ბუჩი: ვინმემ თუ გკითხა, ამ ღამით ვის დაატარებდიო, რას ეტყვი?

ესმ.: მე ვიტყვი სიმართლეს! სამი კარგად ჩაცმული, ტეკილის
სუნით გაჟღენთილი ჩიკანო...

ბუჩი: (ბანკნოტს ჯიბეში უჩურთავს) Bon suar, ესმერალდა!

ესმ.: ბუენას ნოჩეს, ბუჩაჩო!

ბუჩი ლოყაზე უთათუნებს ხელს, ესმერალდას ეშმაკურად ეღიმება.

40. მოტელი. ოთახი #6. შიდახედი. ღამეა.

ბუჩი ოთახში შედის და სინათლეს ანთებს. ლოგინზე, ტანზეგაუნდე-
ლად, ღამის ოთხად მოკეცილი, ფრანგი გოგონა – ფაბიანა წევს.

ფაბიანა: მ-მ-მ... ჩააქრე!..

(ბუჩი ჩამრთველს გააჩხაკუნებს და ოთახში ისევ სიბნელეა)

ბუჩი: კარგად ხარ?

ფაბიანა: Oui... სამუშაო ბევრი გქონდა?

ბუჩი: ოხრად. გავიქაფე.

ფაბიანა: საცოდავი. მოდი, ჩამეხუტე.

(ბუჩი გვერდით მიუწვება და აწი მათი საუბარი რაღაც ბავშვურ
ტიტინს მოგაგონებთ თითქოს)

ბუჩი: ყველაფერი წამოიღე, ფისო?

ფაბიანა: მა რა...

ბუჩი: მაგარი ხარ.

ფაბიანა: რა პრობლემაა?

ბუჩი: შენ რა, რადიოს არ უსმენ?

ფაბიანა: არასოდეს, თუკი შენა ხარ რინგზე.

ბუჩი: ა-ა... გასაგებია.

ფაბიანა: ხო არ გადაიფიქრე? ხო მართლა მიდიხარ რინგიდან?

ბუჩი: აბა რა, ჩემი გოგო.

ფაბიანა: და ისა – ის მეორე?

ბუჩი: ფლოიდმაც დაახვია.

ფაბიანა: (გახარებული) მართლა?! და აღარც ის იჩხუბებს?

ბუჩი: შანსი არაა. აღარასოდეს და აღარაფრისთვის.

ფაბიანა: მაშ, მორჩა ყველაფერი?

ბუჩი: არაფერიც არ მორჩენილა საყვარელო, ახლა იწყება თავ-დავიწყება...

(ფაბიანა გადმოუტრიალდება, ბუჩი ზემოდან აწვება მის სხეულს, კოცნის)

ფაბიანა: მოკლედ და კონკრეტულად – ცუდადაა საქმე, ხომ?

(ბუჩი თავს უქნევს)

ფაბიანა: თუ ჩაგვავლეს, ორივეს დაგვხოცავენ?

(ბუჩი თავს უქნევს)

ფაბიანა: მაგრამ ვერ გვიპოვიან, ხო?

(ბუჩი თავს უქნევს)

ფაბიანა: და მაინც გინდა რო თან წამიყვანო?

(ბუჩი ისევ თავს უქნევს, დაქოქილივით)

ფაბიანა: არ მინდა, ზედმეტ თვირთად დაგაწვე კისერზე...

ბუჩი: (როგორც იქნა, ხმას ამოიღებს) ნუ სულელობ. სულ ჩემთან იქნები.

ფაბიანა: სულ-სულ?

ბუჩი: ეგრუა.

ფაბიანა: გინდა მითხრა, მიყვარხარო?

ბუჩი: Oui.

ფაბიანა: ბუჩ? ფრანგული სიყვარული მინდა...

(ბუჩი კოცნის, მერე მისი თავი ქვემოთ-ქვემოთ იწევს, კადრიდან ქრება. ახლა მარტო ფაბიანას სახეს ვხედავთ)

ფაბიანა: O, idéal de ma vie!

41. გაგრძელება. გვიანი ღამეა.

იგივე ოთახი. საშხაპედან წყლის ხმა გვესმის. ფაბიანაც იქვე სააბაზანოშია, თმებს იშმრალებს. კაბინის მქრქალი შუშის მიღმა ბუჩის დაკუნთული ტანის კონტურები მოჩანს. მერე წყლის ხმა წყდება და კარის ღრიჭოში მისი თავი ჩნდება.

ბუჩი: მგონია, ნეკნი მაქ გაბზარული...

ფაბიანა: (გაკვირვებით) რა, ფრანგულმა სიყვარულმა გიქნა?!

ბუჩი: არა, ცალტვინა შენა – რინგზე...

ფაბიანა: მასე ნუ მეძახი ხოლმე!

ბუჩი: კარგი, ხო! ჩემი ია ხარ. გაწყობს?

ფაბიანა: კი. მიყვარს იები.

(პირსხოცს აწვდის)

ბუჩი: მელსი დიდად.

ფაბიანა: ბუჩი?..

ბუჩი: რაო, გვირილაჲ ჩემო?

ფაბიანა: სად უნდა წავიდეთ?

ბუჩი: ჯერ არ ვიცი. საცა გინდა. ახლა ოხრად ფული გვაქ. არა, არც მთლად იმდენი, მთელი ცხოვრება შეიხე-ბივით გავატაროთ, მარა სადმე კუნულებზე – თავისუფლად გვეყოფა...

ფაბიანა: ბორა-ბორაზე წავალთ?!

ბუჩი: წავალთ რა, რატომაც არა. მერე ტაიტიზე ან სულაც მექსიკაში ავუღოთ.

ფაბიანა: ესპანური რო არ ვიცი...

ბუჩი: არც ბორა-ბორული იცი, რა მერე? თან მექსიკური ძაან ადვილი ენაა – *Donde esta el zapataria?*

ფაბიანა: და მაგით რაო, რა მინდაო?

ბუჩი: სადაა აქ *ფეხსაცმლის მაღაზია?*

ფაბიანა: *(იმეორებს, თუთიყუშივით)* *Donde esta el zapataria?*

ბუჩი: *(ძაან სერიოზული სახით)* საუცხოო გამოთქმა გქონია.

(ბუჩი ოთახში გადის, ფაბიანა კბილებს იხეხავს)

ბუჩი: *(მხოლოდ ხმა გვესმის მისი)* *Que nora es?*

ფაბიანა: *Que nora es?*

ბუჩი: რომელი საათია?
ფაბიანა: რომელი საათია?
ბუჩი: ძილის საათია, ჩემო სიყვარულო. თიშის საათია.

(ფაბიანა ჯერ ისევ კბილებს იხეხავს. უცებ რაღაცა ახსენდება)

ფაბიანა: ბუჩი...
(აბაზანიდან გამოდის, რომ ჰკითხოს და ხედავს, ბუჩი ძილ-ღვიძილშია უკვე)

ფაბიანა: (ერთხანს დაყურებს) კარგი, დაივიწყე.
(კადრიდან გადის, სააბაზანოში ბრუნდება. ბუჩს ღრმა ძილით ძინავს)

ეკრანი ქრება.

42. იგივე ოთახი. დილაა.

ბუჩს ჯერ ისევ ძინავს. ფაბიანა ისევ კბილებს იხეხავს, წარამარა გამოიჭყიტება ხოლმე სააბაზანოდან – რაღაც სერიალს ადევნებს თვალს ტელევიზორში. იგივე ხალათი აცვია. უცებ ბუჩი დაფეთებული სახით წამოჯდება ლოგინზე და ფაბიანას გულს უხეთქავს.

ფაბიანა: Merde! რა ბზიკმა გიკბინა? დაგესიზმრა რამე?

ბუჩი: (ქუთუთოებს ისრესს, ნამძინარევი) ხო, რა... დაიცა, შენ კიდევ კბილების წმენდაში ხარ?!

ფაბიანა: აბა, ეგრე არა ვარ სულ? მთელი დამე კბილებს ვიხეხავდი, პასტიით... შენა გგონია, ეს არანორმალურია?

(ფაბიანას სარკაზმი ჯერაც გამოუფხიზლებელი ბუჩის გონების ჭაობში იძირება; გამტერებული შესცქერის ტელევიზორის ეკრანს)

ბუჩი: ეს რას უყურებ?

ფაბიანა: სერიალია რაღაც. არც ვიცი, რა ქვია. გამოვთიშო?

- ბუჩი:** ოღონდ ეგ სიკეთე ქენი და...
- ფაბიანა:** (ტელევიზორს გამოერთავს) მაინც რა იყო ასეთი?
- ბუჩი:** მე რა ვი, შენ არ უყურებდი?!
- ფაბიანა:** (იცინის) არა, შე ხისთავა შენა – სიზმარზე გეკითხები!
- ბუჩი:** ა-ა... არ მახსოვს. არასოდეს მამახსოვრდება ხოლმე.
- ფაბიანა:** გადამრევს ეს კაცი! საკუთარი სიზმარი როგორ არ გახსოვს? მაგან არ გამოგაღვიძა?.
- ბუჩი:** არც ჩემი და არც სხვისი... შემეშვი რა!
- ფაბიანა:** (კოცნის) ჯერ არ ამდგარა და უკვე ჯუჯღუნებს...
- ბუჩი ლოგინიდან გადმოდის და ფაბიანას მოტანილ ჩემოდანში იქექება.
- ბუჩი:** საათის რომელია?
- ფაბიანა:** 9 იქნება. ჩვენი მატარებელი რომელზეა?
- ბუჩი:** 11-ზე. (იცვამს).
- ფაბიანა:** იმ კაფეში ვისაუზმოთ რა – მაშინ რო ვიყავით... მაგარი იყო. დახურა.
- ბუჩი:** როგორც შენ იტყვი...
- ფაბიანა:** სიროპში ამოვლებულ გახუხულ ბლითებს ავიღებ – ერთ დიდ თუფშს და კიდე ორ კვერცხს და კიდე ხუთ იმ პაწია გერმანულ ძეხვს და კიდე...
- ბუჩი:** არ მიიკლო არაფერი... და რას დალევ? (მორჩება ჩაცმას)
- ფაბიანა:** მშვენფრად გამოიყურები... დიდი ჭიქა ფორთოხლის წვენი და შავი ყავა. და მერე კიდე ერთიც ჟოლოიანი ნამცხვარი.
- ბუჩი:** (ისევ ჩემოდანში იქექება) გაამოს! საათი სადაა?
- ფაბიანა:** მანდა.

ბუჩი: არაა. აქ – არაა!

ფაბიანა: კარგად ნახე?

ბუჩი: (აშკარად ნერვიულობს) ვნახე, როგორ არ ვნახე!

(ჩემოდანს გადმოატრიალებს და გადმობერტყავს. ახლა ტანსაცმლის გროვაში იქექება)

ბუჩი: ნაღდად გახსოვს რო წამოიღე?!

ფაბიანა: (გაოგნებულია – ასეთი არასოდეს უნახავს) კი... მაგიდაზე იდო...

ბუჩი: მერე, თუ წამოიღე?!

ფაბიანა: (ცრემლები ადგება თვალებზე) კი...

ბუჩი: (ჩუმი ხმით, ოღონდ ამით მისი ტონი უფრო დამზაფრავი ხდება)

... მისმინე ცალტვინ – ის კი არაა საქმე რო ოქროსია – ეგ საათი მამაჩემისა იყო, გაიგე? იცი რეების გადატანა მოუხდა ეგ რო შეენახა ჩემთვის?! ეს შენი ძონძები სუ ქინძზე მკიდა – მე ერთი რამე გთხოვე, საათი არ დაგაფიწყდეს-მეთქი! ახლა დაფიქრდი და ისე თქვი – წამოიღე?

ფაბიანა: მგონი, კი...

ბუჩი: მგონიო?! ეგ რაღაა? ან აიღე, ან – არა! ეგრეა?

ფაბიანა: თუ ეგრეა, ავიღე...

ბუჩი: ნაღდად?

ფაბიანა: არ მახსოვს...

ბუჩი ჭკუაზე აღარაა, ტელევიზორს ეცემა და კედელს შეანარცხებს. ფაბიანას ტირილი აუტყდება. ბუჩი ერთს შეხედავს და უცბად მოდის გონზე.

ბუჩი: კარგი, ხო... რა შენი ბრაღია...

(მივა, თმაზე გადაუსვამს ხელს)

... იმდენი რამე გქონდა ჩასალაგებელი, დაგაფიწყდებოდა, მა რა... კი გითხარი, არ დაგაფიწყდეს-მეთქი, ოღონდ

ხო არ მითქვამს – რამდენად მნიშვნელოვანია ჩემთვის ეს სახსო-
ვარი... გულში ხომ არ მეჯექი...

(კონცნის, მერე კარადასთან მიდის, ქურთუკს გადმოიღებს)

ფაბიანა: მაპატიე რა...

ბუჩი: *(ქურთუკს იცვამს)* რა უნდა გაპატიო რა... ოღონდ ახლა
მარტო მოგიწევს საუზმობა.

ფაბიანა: რას აპირებ?..

ბუჩი: ბინაში უნდა დავბრუნდე და საათი ავიღო.

ფაბიანა: მერე, იქ რო ის განგსტერები ისხდნენ?!

ბუჩი: მეც მაგის გასარკვევად მივდივარ. თუ იქ იქნებიან
და თანაც ოხრად, წამში დავახვევ იქიდან.

ფაბიანა: სულ არ მინდა, რაღაცა საათისათვის გაგასაღონ!

ბუჩი: ჯერ ეს ერთი, არაფერი რაღაცა საათი ეს არ არი, ხო
გითხარი უკვე. მერე, სულაც არ მინდა რო მომკლან – და შენც
ნუ ხარ ფახისტი – არაფერიც არ მომივა, სულ ერთად ვიქნები-ი-
თ...

(მოეხვევა და მის ლოყებს მოიგდებს ხელისგულებში)

კარგი, გეყო. აღარ ვბრაზობ.

(საფულედან რამდენიმე ცალ ქალაღის ფულს ამოიღებს)

აჰა, ბოლოში ნამცხვარი მაინც არ დაგავიწყდეს.

ფაბიანა: არ წახვიდე, რა!

ბუჩი: მანამ მოვბრუნდები სანამ “ჟოლოს ნამცხვარიო” – იტყვი...

ფაბიანა: *ჟოლოს ნამცხვარი...*

ბუჩი: კარგი ახლა, არც ასე სწრაფად... ოღონდ მაინც მალე მოვალ.

ფაბიანა: კარგი.

ბუჩი: (კიდე კოცნის და მერე კარისაკენ გატრიალდება)

შენს ჰონდას უნდა დაგესესხო.

ფაბიანა: კარგი.

ბუჩი: აბა, მეყოლე ვარდიოთ.

(გადის, კარს გაიხურავს. ფაბიანა ხელში მოჭმუჭუნულ ფულს დაყურებს)

43. ჰონდა ქალაქის ქუჩებში. დღეა.

ბუჩი მოტოციკლზე ზის და თან თავისთვის ბურღლუნებს.

ბუჩი: ხო ყველაფერი შეიძლებოდა დავიწყნოდა – არა, მაინცადამაინც საათი დარჩა!

(მოციცქნული ჰონდა ქუჩაში მიქრის – ბუჩი მაქსიმუმს “წველის” ძრავიდან).

ბუჩი: რაებს ვშვები?! ეტყობა მართლა ბევრი მიბრაზუნეს თავში... გრამი ტვინი აღარ შემრჩა. გააჩერე, ბრიყვო! (აგრძელებს გზას) გააჩერე-მეთქი, სირო! (გაზს უმატებს).

არა, არც ეგრეა საქმე... მარტო საათის ამბავი არაა – ეს ჩემი ომია. მარსელას უოლესისაგან რო ავიღე ფული – ეს უკვე ომის დაწყებას ნიშნავდა... ხო ვიცოდი რო არ დავუბრუნებდი. ეს ჩემი II მსოფლიო ომია, და პირველიც.... ის ჩემი ბინაც – ჩემი საკუთარი კუნძული უეიკია. თუ ეს ზეგარდმო ნიშანი არაა, რაღა მაინცადამაინც ეს საათი დავიწყდა... ეგრეა, ნაღდად. და მაშინ არაფერი სისულელე ეს არ არი...

44. რომელიღაც სახლის კუთხე. იგივე დროა.

ბუჩი ფრთხილობს – ჯერ მიმოიხედავს, ქუჩის პირას დაყენებულ მანქანებსაც შეათვალიერებს, მერე მოტოციკლს ნაცნობ უბნელ ბიჭუნას მიაბარებს (მოძსახურებისთვის – დოლარიანი) და მოზომილი ნაბიჯით შევა სადარბაზოში.

მიმოიხედავს: სამრეცხაო, საცურაო აუზი, კიბე... თავისი ბინის კარს²⁸ მი-
ადგება, 12 ნომერს.

ბუჩი: საკეტი ნაწვალეები არაა... ისე, რა ეშმაკად უნდა ჩამსაფრებოდნენ,
ჩემისთანა იდიოტის მეტი მობრუნდებოდა აქ ვინმე?

(დააყურადებს, ჩამი-ჩუმი არ ისმის... ნელა, ძალიან ნელა შეასრიალებს
გასაღებს, გადაატრიალებს და შედის შინ)

45. ბუჩის ბინა. იგივე დროა.

ბინაში, ერთი შეხედვით, ყველაფერი თავის ადგილზეა. ბუჩი მაინც ფეხაკრე-
ფით შედის, მიმოიხედავს – არაუინაა. საწოლ ოთახშიც შეიხედავს, მერე –
სასტუმროში. აქ საყურადღებო მხოლოდ ვერცხლის ოლიმპიური მედალია
კედელზე და იქვე – ჩარჩოში ჩასმული ჟურნალ “რინგის” გარეკანი, ზედ
ბუჩის ფოტოთი. და კიდევ – ჯერი ქუორისა²⁹ და ჯორჯ ჩუვალოს³⁰
პოსტერები. საათიც თავის ადგილზე დევს. ბუჩი აიღებს, მერე სამზარეულოში
გადის, მაცივარს გამოადებს და ორ ცალ პოპ-ტარტს³¹ დებს ტოსტერში. მერე
მზერა ეყინება: სკამზე ჩეხური წარმოების M61 – კომპაქტური ავტომატი
დევს, ლულაზე მახშობი აქ ჩამოცმული.

ბუჩი: (თავისთვის) ღმერთო დიდებულო!

იარაღს ხელში იღებს და შეათვალეირებს. ამ დროს ტუალეტში წყლის ჩაშვე-
ბის ხმა ისმის. ბუჩი ტუალეტის კარს მიშტერებია – ნაღდად ვიდაცაა იქ.
კარი იღება და ვინსენტ ვეგა გამოდის, ცალი ხელით ქამარს იკრავს, მეორე
ხელში რბილყდიანი წიგნი უჭირავს – იენ ფლემინგის “კაცი ოქროს-
ვარაყიანი იარაღით”.

ვინსისა და ბუჩის მზერა ერთმანეთს ხვდება. ვინსი ადგილზე შეშდება. არც
ბუჩი იღებს ხმას, ოღონდ იარაღს კი მიმართავს მისკენ.

უცებ... ტოსტერი ტკაცანით ამოისვრის პოპ-ტარტებს. ეს საკმარისია, რომ
ბუჩმა სასხლეტს გამოკრას თითი. დააჭერს და აღარც უშვებს. ოცტყვიანი

²⁸არაერთი წინააღმდეგობა აქ არაა – ეტყობა, ბუჩი ე.წ. თაუნჰაუსში სახლობს, სადაც ერთ
შენობაში რამდენიმე ბინაა განლაგებული.

²⁹მეტსახელად “ირლანდიელი”, 1964წ. მსოფლიო ჩემპიონი მძიმე წონაში.

³⁰კანადელი მძიმეწონოსანი; სახელი იმით გაითქვა, რომ 97 ბრძოლაში ნოკაუტი რაა, ნოკდაუნიც
კი არ აუკიდა.

³¹ნამცხვარია ერთგვარი, შიგთავსის გამო მაცივარში ინახავენ და ჩვეულებრივ, ტოსტერში ხუხ-
ავენ ხოლმე.

ჯერით დაცხრილული ვინისის ტანი უკუიქცევა, კარს მიეკვახება, თხელ ფიცარს შეღეწავს და უნიტაზზე გადაიშხლართება.

ბუჩი ტყუილად აჩხაკუნებს იარაღს, მჭიდვ დაცლილია, ვინსი – მკვდარი. მერე აზრზე მოდის, ვითომც აქ არაფერიო – ავტომატს მაგიდაზე დებს და გადის.

46. ქუჩა. შუადღეა.

ბუჩი თავის მოტოციკლთან მიდის, მოაჯდება, ბიჭს თავს დაუქნევს, უსიტყვოდ და ადგილიდან წყდება. ოღონდ გზად ისევ თავის სახლს ჩაუვლის, ახლა უკვე თავისი ყოფილი ბინის ფანჯრებს შეავლებს თვალს და მოულოდნელად... ეცინება.

ბუჩი:

ასე ძმაო, შენ მაგათ ომსაც მოუგებ...

შუქნიშანთან ჩერდება და ვხედავთ, რომ თავად ბოსთა ბოსი, დიდი მარსელასი გამოდის მაღაზიიდან, ხელში რაღაც სასუსნაგით სავსე ყუთი უჭირავს. ტროტუარიდან ჩადის, ქუჩას ჭრის, მარცხნივ გაიხედავს და... ჩერდება. მის სახეს პირველად ვხედავთ, და სახეზე ლამის აწერია: “არა-ა... მეჩვენება...”

ბუჩი არ აპირებს, მის გონზე მოსვლას დაელოდოს – გაზს ბოლომდე აძლევს და ჰონდა შავ გიგანტს შეასკვება...

ორივენი აქეთ-იქით გადავარდებიან. ბუჩი მალე წამოდგება, ცხვირიდან ცოტა სისხლი სდის, მაგრამ ეს არაფერი – სხვა მხრივ სალადაა. მოტოციკლეტს კი ბორბალი მოსძრობია. ვიღაც იდიოტი ეკითხება: “ცოცხალი ხართ?”

ბუჩი:

მგონი, კი.

ამ დროს მარსელასსაც წამოაყენებენ. ცალ ფეხზე კოჭლობს და გროგის მდგომარეობაშია. მეორე იდიოტი ახლა იმას მივარდება და მოწმედ დადგომას სთავაზობს – ყველაფერი კარგად დაეინახეო.

მარსელასი:

რა დაინახე...

მოწმე:

რა და – რო შემოგასკდათ, ზედ გადასასვლელზე!

მარსელასი: ვინ შემომასკდა...

მოწმე: აის ქლიავი – დგას ეგერ და აფახულებს თვალებს!
(ბუჩხე მიათითებს)

მარსელასი ქვეშეცნეულად მის თითს გააყოლებს თვალს, ბუჩხს დალანდავს.

მარსელასი: ბოიშვილი ვიყო!

45 ყალიბის პისტოლეტს დააძრობს ჯიბიდან და ცდილობს, ბუჩხი მიზანში ამოიღოს. არაფერი გამოსდის, მერე მისკენ გაიწევეს.

ბუჩხი კოჭლა-კოჭლაობით მოძვალ მაიმანს ხედავს, ოღონდ ადგილი-დან ვერ იძვრის, მონუსხულივით.

მარსელასი ესვრის, ააცილებს. სროლის ხმა გამოაფხიზლებს ბუჩხს, გარბის. მარსელასი დაედევნება. ბუჩხი რომელიღაც მაღაზიაში შევარდება. წარწერა: “**მეინარდი. ნივთების შესყიდვა/დაგირავება**”.

47. ლომბარდში.

მეინარდი – ერთის ვინმე უბრალო შესახედაობის ყმაწვილი, დახლთან დგას, როცა ლომბარდში ბუჩხი შემოჯლიგინდება.

მეინარდი: (დაყენებული ხმით) რით შემიძლია გემსახუროთ?

ბუჩხი: მოკეტე! (უცბად დათირავს იქაურობას და კართან აიტუზება)

მეინარდი: შენ ეი!..

(ოღონდ სანამ სიტყვას დაამთავრებდეს, კარს ახლა მარსელასი შემოადებს, შემოდის და იქვე ბუჩხის მუშტი ხვდება მზისწულში. ოყლაყს ფეხები მოეკეცება და ნელა ჩაცურდება კედლის გასწვრივ. ბუჩხი ახლა ყბაში მოსდებს, მერე მის იარაღს დაავლებს ხელს, შუბლზე აბჯენს და უყვირის):

ახლა რაო?. მოგწონს არა, იარაღით ხელში ხალხის დევნა!... ჰა, როგორია?!

მეინარდი: (კაღრს მიღმა) იარალი დააგდე, შენი!..

ბუჩი მოუტრიალდება და ხედავს, იმას პოლიციის კარაბინი უჭირავს და მიზანში ყავს ამოღებული.

ბუჩი: მორჩი რა! არაა ეს cosa vostra...³²

მეინარდი: ახლა უკვე ჩემია... დააგდე-მეთქი!

(ბუჩი ძირს აგდებს იარალს).

მეინარდი: აქ მო!

ბუჩი უახლოვდება და მეინარდი უცებ კარგი დაყენებული მოძრაობით კონდახს გლიჯავს სახეში. ბუჩი იატაკზე გაიშლართება. მეინარდი მშვიდად დებს კარაბინს დახლზე და ტელეფონის ყურმილს იღებს.

მეინარდი: ზედ, შენა ხარ? აქ ორი დიდი ღლავი ერთად გაება მახეში...

48. ლომბარდში (უკანა ოთახი). ჯერ ისევ დღეა.

ბუჩიცა და მარსელასიც თავ-თავიანთ სკამებზე არიან ხელ-ფეხ დაბმულნი; ორივესთვის პირში “გეგი” ჩაუჩრიათ – ერთგვარი ალიკაპია, თავზე ქამრებით მაგრდება და პირში წითელ ბურთს გიკვებებენ – სადომაზონისტურ გართობათა უცილობელი ატრიბუტია.

მათ წინ მეინარდი უდგათ, ცალ ხელში კარაბინი უჭირავს, მეორეში – მარსელასის პისტოლეტი. ძან კმაყოფილია საკუთარი თავით.

ბუჩი და მარსელასი შეძრწუნებული სახეებით მიაშტერდებიან ერთმანეთს. ურთიერთმტრობა სადღაც გაქრა – ახლა სულ სხვა რამ აქვთ სადარდებული...

(შემოდის ზედი)

³² თქვენი საქმე (იტალ).

მეინარდი: აი, ძამიკო ზედიც მოსულაა...

(ზედი ტყვეებს მიუახლოვდება, ყურადღებით აათვალ-ჩაათვალიერებს)

ზედი: აკი დაგიცდიო?

მეინარდი: აბა რას ვშვებოდი?! მე მარტო დავაბი ორივე...

ზედი: აბა, ვინ ცემა?

მეინარდი: არ დაიჯერებ – ერთმანეთს დაერივნენ! ამას იმის მოკვლაც კი უნდოდა. მე არ დავანებე.

ზედი: დაიცა, დღეს რა დღეა?

მეინარდი: ოთხშაბათი.

ზედი: ე.ი. ჩემს გრუისს გარეთ რამე პრობლემა არ ექნება?

მეინარდი: არავითარი.

ზედი: მაშინ ფრანკენშტეინას დაუძახე.

მეინარდი: ძინავს ჯერ.

ზედი: მაშინ გაღვიძება მოგიწევს.

(მეინარდი იატაკში ჩატანებულ ხუფს ახდის თავს)

მეინარდი: ეი, ფრენკი – გაიღვიძე! გაიღვიძე-მეთქი!

(ჩაყოფს ხელს და ვილაცას ექაჩება ჯაჭვით)

დარანიდან ფრანკენშტეინა გამობობლდება – თხემით ტერფამდე სადომაზოხ-ისტური სამოსი მოსავს – დაკრებულ-გადაკრებული ტყავი, ქაშრები, ზიპები, ბალთები და ლითონის ნატყეპები... თავზეც ტყავის ნიღაბ-მუზარადი ჩამოუცვამს. მოკლედ, მაგარი შესახედია. გაბარიტებიც შეესაბამება და ისე მოძრაობს, თითქოს შენელებულ კადრში გვიჩვენებდნენ. ყელზე ჯაჭვის საბელი აქ გამობმული.

(ზედი იღებს სკამს, ტყვეების წინ დგამს და ზურგუკულმა შემოაჯდება. მეინარდი ჯაჭვის ბოლოს აჩეჩებს ხელში, თვითონ განზე დგება.)

ზედი: (ფრენკის) მუხლებზე!
(ფრენკი მუხლებზე დაეშვება, ხენემით. ზედი ტყვეებს მიშტერებია)

მეინარდი: აბა, ვინაა პირველი?

ზედი: ჯერ არ ვიცი.
(თითო მიუშვერს და იწყებს: 'ენკი-ბენკი სიკლისა...' მარსელასი და ბუჩი ჭკუაზე აღარ არიან, თვლებში ეტყობათ. გათვლა მარსელასზე თავდება. ზედი წამოდგება)

მეინარდი: აქა?

ზედი: იქითა ოთახში არა ჯობია?
(მეინარდი მარსელასის სკამის საზურგეს ჩააღლებს ორივე ხელს და უკუსვლით მიათრევს მეორე ოთახში. მარსელასის გაყინული მზერა ბუჩზე დაფიქსირებული)

ზედი: (ფრენკის) ადე!
(ფრენკი წამოდგება, ზღაზვნით. ზედი ჯაჭვს ჭერში გარჭობილ კაუჭზე ჩამოაცემებს)

ზედი: უდარაჯე!
(ფრანკენშტეინაც თავს უქნევს, გაიგეო. მეინარდი გადის. ეტყობა, მაგნიტოფონს რთავენ – ჯაგი-ჯუგი მუსიკა მოისმის. ბუჩი ფრენკის შეყურებს, ის კიდევ ხითხითებს, ჭკუანაკლული)

მეინარდის ხმა: ჯანიანია, შობელძაღლი!

(კვესმის შეხლა-შემოხლის ხმა)

ზედის ხმა: ა-ა, ცემის კაიფი გიჭირავს?! რო მოგდებ მაგ ჟანგიან ყბაში... აჰა! ეს გინდოდა? ა შენ კიდე!

(ბუჩი ჯერ აყურადებს, დაფეთებული, მერე გამწარებული ცდილობს თოკიდან დაიძვინოს თავი; ფრენკი ხითხითებს.)

მეინარდის ხმა:

აი ასე... ასე კარგია! რას გაინაბე, მე შენი!
ასე მოგწონს?. (უცბად ისევ იყვირებს) დაიცა, გაჩერდი!
გაჩერდი, შენი დედაც, მამაც და ყველა კეთილებიც!!!

ზედის ხმა:

მაიცა, აქედანაც დაუბამ და...

(ბუჩი თოკს თავს ანებებს, წამოიწვეს და ჯახანით შეასკდება კედელს; სკამი იმტკრევა, ბუჩი ხელ-ფეხს ითავისუფლებს.)

ფრენკის თვალები უფართოვდება, ცდილობს საბელის ბოლო ჩამოხსნას კაუჭიდან, ვერ ასწრებს – ბუჩი ჯერ ერთ ჰუკს მოსდებს მარცხნიდან ფერდში და მერე მარჯვენით ქვემოდან წამოაგებს აპერკოტზე. ფრენკი უცბად მოიმჩვარება და უღონოდ დაეკიდება, სარეცხვით. ბუჩი გვეს გადაიძრობს თავზე და ოთახიდან გადის).

49. ლომბარდი. წინა ოთახი. დღეა.

ბუჩი გასასვლელი კარისაკენ მიემართება. დახლზე Z-ს მოყვანილობის ასაცმელზე გასაღებების მთელ ასხმულას შეამჩნევს, დაავლებს ხელს და ის არი, გარეთ უნდა გავიდეს რომ უცებ შეჩერდება, დააყურადებს, წარმოიდგენს რას უშეებიან ის ფსიქოპათები მარსელასს და აშკარად რაღაც გადაწყვეტილებას იღებს. მერე იქაურობას მოავლებს თვალს, ჯერ მოკლეთარიან უროს აწონ-დაწონის ხელში, ელექტროხერხსაც მოიმარჯვებს, მაგრამ ბოლოს ისეთ რამეს ჰკიდებს თვალს, სხვა აღარაფერი უნდა.

ესაა ხის სადა ქარქაშში ჩამალული სამურაის ხმალი, სულ ოდნავ გარკალული; ტარი და ქარქაშის ტუჩი ისეა ერთმანეთს მორგებული, ერთი მთლიანი ხის ნაკეთობა გეგონებათ. ბუჩი ეჭვიანად შემოაჭდობს თითებს ვადაზე და პირს ამოუწვეს – ამოწმებს, მართლა ძველი იარაღია თუ სატურ-ისტო იმიტაცია. ნაწრთობი ფოლადი ისე გაიფლავებს ჰაერში, ყოველგვარი ეჭვი უქრება და ახლა ასე – ცალ ხელში მკერფი ხის ქარქაშითა და მეორეში – როგორც ეს სამურაებზე ფილმებშია ხოლმე – წვერით ძირს მიმართული მახვილით, ბრუნდება უკან...

50. ლომბარდის უკანა ოთახი. იგვე დროა.

ბუჩი ნელა შეიპარება ოთახში, თუმცა მის შესვლას მაინც ვერაუინ გაიგებდა – იქ ერთი გნიასი და ტაშ-ფანდურაა გამართული...

კადრში ახლა მენარდის დაკრეჭილი სიფათი მოჩანს, მის უკან – ბუჩის ხელი, მახვილი რომ ჩაუბლუჯავს... გვერდით, კუთხეში, ხარიხებზე გაკრულ მარსელასს ზედი გადაჯდომია და ქინძავს, ანუ – უქაქუნებს.

ბუჩი: ე, ვირო!

(მენარდი შემოუტრიალდება და ბუჩის დანახვაზე თვალები უფართოვდება; ის კი ერთს დაიჭყვივლებს და ყელში გამოუსვამს ხმლის პირს. მენარდს თავი უცნაურად გადაუვარდება გვერდზე, პირღია ჭრილობიდან სისხლი თქრიალით მოსდის... მერე ხელებს იწვდის წინ, თითქოს რაღაცის თქმა უნდაო, მაგრამ მუხლები მოეკეცება და ახლა იატაკზე ფართხალებს, სულ უფრო ნელა და ნელა...)

ზედი აზრზეა, რაღაც ცუდი ხდება მის ზურგს უკან, მარსელასს შეეშვება და იქვე, მაგიდაზე დაგდებულ იარაღისაკენ მიიწევს. ბუჩი მხოლოდ ერთ ნაბიჯს გადადგამს, მაგრამ ესეც საკმარისია – ზედი აღვილზვევ შეშდება, შარვალიჩხილი.

ბუჩი: რა, ხელები გექავება? მიდი, მიდი... *(ხმალს შემართავს)*

მარსელასი: *(კადრს მიღმა)* მიმიშვი, ბუჩ!

ბუჩი გაიწევა, ვხედავთ თვალეხანისხლიანებულ მარსელასს, ხელში ის მოკლეთარიანი კარაბინი უჭირავს.

ბაბახ!!!

მარსელასი ზედ მუცელსქვემოთ დაახლის, ზედი განწირულის ხმით ყვირის, მერე ისიც იატაკზე ეცემა, მოკუნტული. მარსელასი აუტანელი ტკივილის-აგან სახედალმეჭილ სადისტ-მოძალადეს ზემოდან დაყურებს, მთასავით; მერე ცარიელ ვაზნას გამოვადებს, ისიც ჭახანით ვარდება იატაკზე.

ბუჩი ხმალს დაუშვებს. ერთხანს იყუჩებს, მერე ეკითხება:

ბუჩი: ჰა, როგორა ხარ?

მარსელასი: მე როგორა ვარ?.. გეტყვი როგორცა ვარ – ცუდად, ძა-ა-ან ცუდად...

(პაუზა)

ბუჩი: ახლა რაღა?

მარსელასი: რა და – ერთ-ორ გიჟს გამოვიძახებ, გაზის აპარატით, და მერე ამ... ეი, გესმის შენ? მორჩი ღნავილს! სატირლად აწი გაგიხდება საქმე, ჯერ სადა ხარ...

ბუჩი: ჩვენს შორის როგორ იქნება საქმე-მეთქი...

მარსელასი: რა საქმე, რის... ა-ა – შენ იმაზე ამბობ... არაფერი. არაფერიც არ იქნება. მორჩა.

ბუჩი: მოკლედ, ბარი-ბარში ვართ?

მარსელასი: ეგრეა. ოღონდ ორ რამესა გთხოვ: ჯერ ეს ერთი რო აქ არ ყოფილხარ და ეს საცოდავი... (ფეხსაცმლის ჭე-ინტს ჩააზეღს ზედს ფერდში) თვალთ არასოდეს გინახავს – არც ცოცხალი, არც ცოცხალ-მკვდარი! მოკლედ, არანაირი არ გინახავს – გესმის შენ?

ბუჩი: მეორე?

მარსელასი: გაქრი აქედან. ამ ქალაქიდან. ახლა. ახლავე. ელ-ეი³³ შენთვის თეთრი ლაქაა რუკაზე. მოვრიგდით?

ბუჩი: როგორც შენ იტყვი.

(ხელს კაცურად ჩამოართმევენ ერთმანეთს, მერე ბუჩი გადის).

მარსელასი იქვე ტელეფონს დაინახავს კედელზე, მიდის და ყურმილს იღებს. მერე ნომერსაც კრიფავს.

მარსელასი: ბატონი ვოლფი... დიახ, მარსელასი ვარ. პატარა გაუგებრობაში მოვყევი და თქვენ თუ...

³³ L.A. = ლოს-ანჯელესი

51. ლომბარდის წინ. შუადღეა.

ბუჩი ლომბარდიდან გამოდის, აქეთ-იქით იხედება. იქვე ზედის კუთვნილ, ნიკელებით გაწყობილ ჩოპერს³⁴ დაადგამს თვალს. იმით ხვდება ვისიციცაა, რომ ბენზინის ავზზე ოქროსფერად, სტილიზირებული ასოებითაა გამოყვანილი: *Grace*. მოაჯდება, *Z*-იან გასაღებების ასხმულას დააძრობს ჯიბიდან, ძრავას ააღმუკლებს და წყვიტავს ადგილიდან...

52. ოთახი მოტელში. იგივე დროა.

ფაბიანა სარკის წინ თავს იკონტაყებს. მაისურის ზურგზე წარწერა: CAN'T COPE, I'M SORRIER THAN U ARE.³⁵ პატარა მაგნიტოფონიდან ბობ დილანი ბოლო ჭიქა ყავას თხოულობს.³⁶

53. ქუჩა. ჩოპერი მიქრის.

ბუჩი ქუჩაში მიაქროლებს ჩოპერს. მამისეულ საათზე იყურება – 10.30.

54. მოტელის გარეხედი. იგივე დროა.

ბუჩი ზედ კართან მიაყენებს ჩოპერს, ძრავას არც თიშავს, ოთახში შევარდება და მისი ხმა გვესმის:

- ბუჩი:** აბა ჩემი გოგო – ეგ ყუთი ხელში და დავგაზეთ!
- ფაბიანა:** ბუჩი! ისე ვნერვიულობდი... დაიცა, ჩანთას მაინც... მოგვედევს ვინმე?..
- ბუჩი:** არავინაც არ მოგვედევს! შეიძლება ითქვას, პირიქით... *per dolce fare niente...*³⁷ ამიტომაც უნდა ვიჩქაროთ, *mon amour*. გარეთ გიცდი.

³⁴ Chopper (აქ): Raleigh Industries ფირმის მაღალსაჭიანი მოტოციკლი.

³⁵ წერაობის შანსი არაა. შენზე მეტად მე მწყინს.

³⁶ დილანის ერთი შედევრთაგანი – 'One more cup of coffee a'fore I go...'

³⁷ ნეტარ უსაქმურობას (იტალ.)

(ბუჩი გარეთ გამორბის და ისევ მოახტება ჩოპერს. ფაბიანას ცალ ხელში მაგნიტოფონი უჭირავს, მეორეთი – ჩანთას მოათრევს. დაინახავს “რკინის რაშზე” შემომჯდარ ბუჩს და ადგილზე შეშდება)

ფაბიანა: ბუჩ... ეს... საიდან?!

ბუჩი: იქიდან... დაჯე, სწრაფად!

(ფაბიანას ცრემლები მოადგება თვალებზე)

ფაბიანა: ჩემი პაწაწო სადაა?

ბუჩი: მივამტვრიე... კარგი რა, მაპატიე, მაინც ეს არ ჯობია?

ფაბიანა: (ტირის) რომ აღარ მოხვედი, იმდენი რამე ვიფიქრე...
ლაიმტვერი?

ბუჩი: (ხვდება, ასე მთლად ასე იოლადაც არ გაუვა ყველაფერი)

დიდი არაფერი, ცხვირი გავიტეხე პატარაზე...
საუზმემ როგორ ჩაიარა?

ფაბიანა: (სახე გამოუღარებს) მარტო არაჟნით იყო, მაგრამ გემრიელი...

ბუჩი: ხოდა ძალანაც კარგი! დაჯე ახლა და გზად
მოგიყვები ყველაფერს – წვრილად, შენ რომ
გიყვარს, ისე...

*(ფაბიანა უკან მოუჯდება, ბუჩი ჩოპერს ქოქავს და ამჯერად
დინჯად ძრავს ადგილიდან)*

ეკრანი ქრება.

ჩნდება წარწერა: **ჯულზი, ვინსი, ჯიმი და ვოლფი.**

წარწერა ქრება.

სიბნელეში მოისმის **ჯულზის ხმა**: “*ოდესმე ბიბლია თუ გადაგიკითხავს, ბრუტ?*”

ბრუტის ხმა: (დაზაფრულია, აშკარად) კი...

ჯულზის ხმა: იქ ერთი ეგეთი ადგილია, კარგად მახსოვს –
სწორედ ზედგამოჭრილია თქვენთვის – *ეზეკიელი*,
თავი 25, მუხლი 17:

“... გზაი კაცისა მართლისა მრუდდება ცოდვილთა უკეთურებითა და
უკანონობითა ბოროტთა...”

55. სააბაზანო. კარს უკან. დრო იგოვია.

სააბაზანოში **მეოთხე ბიჭი** მიყუყულა; ხელში თავისი გაბარიტებისათვის
სრულიად შეუსაბამო, უზარმაზარი, გრძელლულიანი **მაგნუმ .357** ჩაუბლუ-
ჯავს. აყურადებს.

ვინის ხმა: ესეც ამათი ბრიაჟკიდანაა?

ჯულზის ხმა: *გერეა, კი. მარვინ, ეს ვინსენტია, იცნობდეთ.*

(**მეოთხე ბიჭი** გრძნობს, რომ მოცდას აზრი აღარა აქ, ჯობია თავად
გამოხტეს და ეგენი მიასიკვდილოს, სანამ რამეს იფნოსავდნენ...)

56. ბინა. დრო იგოვია.

სააბაზანოს კარი უეცრად ჯახანით იღება და **მეოთხე ბიჭი** გამოვარდება
იქიდან; ნერვიულობისაგან ვერცხლისფერი რეოლვერი ხელში უთამაშებს.

IV ბიჭი: მოკვდით თქვენი!!! მოკვდით... მოკვდით...
მოკვდით... მოკვდით...მოკვდით... მოკვდით!..

(ექვსივე ტყვიას გამოუშვებს ამ თავისი ჯიბის ზარბაზნიდან, თან აღტკინებული ყვირის, მართალი შურისგების ჟინით შეპყრობილი – ვერც გრძნობს, მჭიდრომ დაიცალა და რამდენჯერმე ფუჭად გამოკრავს სასხლეტს... მერე ნელ-ნელა სახე ეცვლება)

ჯულზი და ვინსენტი დგანან გვერდი-გვერდ, არც ერთი ტყვია არ შეხებიათ, ისევე გაოგნებულები ჩანან, როგორც ის ვაი-მსროლელი. მერე ჯერ ერთმანეთს შეათვალიერებენ, ვიდრე მეოთხე ბიჭზე არ გადაიტანენ მხერას...

IV ბიჭი:

რა...

(და აქ ის სამუდამოდ ტოვებს სცენას, ჯულზისა და ვინსის ტყვიებით დაცხრილული)

მომხდურები კი იარაღიან ხელებს დაუშვებენ; მერე ჯულზი სკამის კიდეზე ჩამოჯდება, გაოგნებულია. ვინსი ჯერ თითქოს ცდილობს გაიაზროს მომხდარი, მერე მხრებს აიჩეჩავს მხოლოდ. ორივენი ახლა მარვინს მოუტრიალდებიან.

ვინსი: უხ შენი! ვერა თქვი, იქ თუ ვინმე იმალებოდა?!

ჯულზი: ბოიშვილი ვიყო.....ფაიზალად მკვდრები უნდა ვყოფილიყავით, ორივენი... ვინს, ნახე რა ეჭირა?..

ვინსი: კი... 357.

ჯულზი: არა, გესმის მაინც, ტრუპები რო უნდა ვიყოთ უკვე?.

ვინსი: გაგვიმართლა.

ჯულზი: (წამოდგება, მიიმედ, ვინსენტს უახლოვდება) არა ძმაო, მთლად ვერც არაა... სხვა რაღაც ამბავია ჩვენს თავს!

ვინსი: (წასვლას ეპირება) ხო, რა ვიცი – იქნებ ვერცაა.

ჯულზი: იცი, როგორ არ იცი... ღვთის ხელი იყო ეს... ვერა ხვდები?

ვინსი: აბა, კი... გარდამოსვლა იყო და ღმერთმა ტყვიები ააორთქლა. ნამდვილად.

ჯულზი: დიახაც რომ ვერუ...

ვინსი: (აწვევებინებს) წვედით, რა.

ჯულზი: დაიცა, ეგრე არ გამოვა... დაიცა – არ გაახურო ეხლა შენებურად! არ მითხრა ეხლა, არაფერიც არ იყო...

ვინსი: კარგი რა – ეგეთები ხდება?.

ჯულზი: არა, არ ხდება! სწორედაც რომ არ ხდება ეგეთი არაფერი... და არც შეიძლება მოხდეს, მე მაგის!

ვინსი: წამო რა, თულოგია მანქანაში გაახურო... საცაა კოპები გაიჩითებინ. გინდა იმათ ებაზრო?

ჯულზი: მე მარტო ის მინდა, არ გაახურო ეხლა და აღიარო – საოცრების მომსწრენი შევიქენით – მეც და შენც, შენი ურწმუნო თომა ტვინი ვანთხიე მე შენი!

ვინსი: მოსულა. ეხლა წვედით?

57. ჯულზის შევროლე. შიდახედი. დილაა.

ჯულზი საჭეს უზის, ვინსენტი – გვერდით, მარვინი უკან მოკალათებულა.

ვინსი: ...შენც ერთი, რა! აი ის თოქ-შოუ არ გინახავს – “პოლისმასტერები” ქვია, იქ ერთი კოპი ბლატაობდა რო ერთხელაც დერეფანში ესროდნენ თურმე ერთმანეთს ეგა და კიდე ვილაც შავი მასტი... მოკლედ, რაც ქონდათ, სულ დაახალეს ერთმანეთს, იმ ვიწრო დერეფანში, და ერთიც არ მოხვედრია არც ერთს! ხდება ხოლმე, გეუბნები...

ჯულზი: თუ გინდა იმახო, ბრმა ვარო – წადი და ერთი ნაგაზი მაინც იყიდე, მოგიხდება... მე კიდე თვალეები გახელილი მაქ, და ვისაცა ასხმენ თვალნი ხედავდ...³⁸

³⁸ სახარებისეული პარაფრაზი: რომელთა ასხმენ ყურნი სმენად, ისმინენ! (მარკოზი, 7,16)

ვინსი: და რაო მერე მაგიო, რა მინდაო?

ჯულზი: რა და ის... მივდივარ.

ვინსი: მერე, სად ჯანდაბაში მიდიხარ? რაღაც ვერ ვამუღამებ, რას ბაზრობ...

ჯულზი: საქმიდან გავდივარ, მორჩა.

ვინსი: ღმერთო შენ მიშველე!

ჯულზი: ნუ მკრეხელობ!

ვინსი: სულ გარეკე?!

ჯულზი: აგერ ნახავ. დღესვე ვეტყვი მარსელასს, გავსწორედეთ-მეთქი.

ვინსი: გავისწორდება, კი. ან ფანჯრიდან გადაგიშვებს, ან იქვე ჩაბჭირდება სიცილით...

ჯულზი: არაა აქ არაფერი სასაცილო.

(ვინსი მარვინს მიუტრიალდება, პისტოლეტი ჯერ ისევ ხელში აქვს)

ვინსი: რას იტყვი, მარვინ ჩემო? გაუვა ეგეთები მარსელასთან?

მარვინი: რა ვი, აბა... აზრზე არა ვარ.

ვინსი: მორჩი რა, ეგეთ ბაზარს! შენ რას იტყვი – მართლა ჩამოვიდა ღმერთი თავისი ფეხით და ტყვიებს დაუქშია?.

(უცებ, “შარო საიდან მოდიხარო” და ვინსს იარაღი გაუვარდება – ტყვია მარვინს ყელში გაუვლის, თავი უკან გადაუვარდება და ხროტინს იწყებს)

- ჯულზი:** რაებს მიქარავ, ვინს?!
- ვინსი:** შემთხვევით მომივიდა, ღმერთმანი!
- ჯულზი:** რა ეშმაკები მოგივიდა შემთხვევით?..
- ვინსი:** რაღაცას რო გადაუარე, შევექანდი და სასხლელტს გამოვკარი შემთხვევით...
- ჯულზი:** მართლა შექანებული ხარ, შეჩემა – როდის რას გადავუარე?!
- ვინსი:** კარგი რა, ბოლო-ბოლო, რა მნიშვნელობა აქ! კვდება ბიჭი – არ მივეხმარო?
- ჯულზი:** (ჭკუაზე აღარ არი) რა არ უნდა ქნა?!
- ვინსი:** ძან ტკივა... ის ფილმი არ გახსოვს – “ქანცგაწვევით ცხენებს...”
- ჯულზი:** (აწვევებებს) ფილმი არა, იხვი! ჯერ კაცი დაჭერი და ახლა უნდა მოკლა?
- ვინსი:** რაღაცა ხო უნდა ვქნათ?

(უკან მიუტრიალდება მარვინს, შუბლზე თავის 45-იანს დაადებს; მარვინს თვალები უფართოვდება, რაღაცის თქმა უნდა, არაფერი გამოსდის, მხოლოდ ბუებუყებს თითქოს)

- ჯულზი:** მარვინ, რამე რო იყოს, მე ამაში უბრალო ვარ ძმაო – ნაღდად რო თავშიც არ გამოივლია...
- ვინსი:** შენ იყო პილატე პონტოელი... მოკლედ, სამ თვლაზე დააპიპინებ! ერთი..... ორი!..

ბლოუ-აპი საჭის სიგნალზე

...სამი!

(ჯულზი გამწარებული აჭერს საყვირს; ისმის გასროლის ხმა)

როცა კადრში ისევ გამოჩნდებიან, მანქანის მთელი სალონი სისხლშია მოთხვრილი – სალონიცა და ჩვენი გმირებიც.....

ჯულზი: დმერთო დიდებულო!

ვინსი: ი-იო-ობ...

ჯულზი: დღისით, მზისით, შუა ქუჩაში!!

ვინსი: აი ეს შხეფები ვეღარ ვიაზრე...

ჯულზი: აჰა-ა, ახლა ხო მაგრა გაიაზრე! დაიცა, სადმე უნდა გადაუხვიოთ, თორე ვიღაც-ვიღაცეებს მაგრა არ ევასებათ, შუა პროსპექტზე სისხლში გათხვრილი მანქანა რო გაეჩხირებათ ხოლმე თვალეებში!

ვინსი: კარგი რა, ჯულზ, ნუ შემჭამე! მოიფიქრე რამე...

(ჯულზი მობილურს აძრობს ჯიბიდან და ნომერს კრიფავს)

ვინსი: სად რეკავ?.

ჯულზი: ერთ ჩემ ძმაკაცთან, ტოლუკა-ლეიკში.

ვინსი: ეგ სადა?

ჯულზი: აქვეა, გორაკს იქით. ეგ თუ ახლა სახლში არაა და დაგვენძრა. აქეთ მხარეში მეტს არავის ვიცნობ... (ტელეფონში ჩასძახის) ჯიმი! როგორ ხარ, ბრატ! კი, მე ვარ... მისმინე ახლა, აქ ეგეთი ამბავია, რაღაც ცუდ საქმეში გავეჩხირე ხო იცი... ხო, მანქანით ვარ. შენი გარაჟი მჭირდება, სულ რაღაც ორი საათით... (პაუზა) არა, ეგ ახლა სატელეფონო ბაზარი არაა, ოღონდ ცოტა დრო მინდა, სანამ ჩვენები ატმავს მომცემენ... (პაუზა) მესმის, ჯიმი-ბიჭი, ოღონდ სხვა გზა არაა... მესმის, მაგ დროს ჩვენი დუხი აღარ იქნება მანდ. კი, გპირდები. ჯიმი, ყველაფერი მესმის, არ დაგაღალატებ. (პაუზა) არა, ვერაფერს ისქესებს, შანსი არაა. ხუთ წუთში მანდა ვარ. აბა შენ იცი.

(ტელეფონს ჩაკეცავს, ვინსენტს მიუტრიალდება)

ჯული: მოვრიგდით. ოღონდ საათნახევარში მისი ცოლს უთავდება მორიგეობა, იქამდე უნდა მოვასწროთ ყველაფერი.

58. ჯიმის სახლი. გარეხედი. დილა.

შევროლე მომცრო სახლის გარაჟში შეიმალება.

59. სააბაზანო ჯიმის სახლში. იგივე დროა.

ჯული პირსაბანზე გადახრილა, ხელებიდან და კისრიდან სისხლს იბანს. უკან ვინსენტი უდგას.

ჯული: ჯიმი მაგრა გაიჭედა. ჩვენი ბრალია. ფრთხილად იყავი, ისეთი არაფერი დაგცდეს, თორე გაგვყრის აქედან.

ვინსი: და რა მერე – რა უნდა ვქნათ?

ჯული: ვერაფერსაც ვერ ვიზამთ. მართლა ხო ვერ წავალთ... ოღონდ არ ვარგა ასე რო შეუვარდები შენს ძმაკაცს და...

(ჯული წელში გასწორდება და პირსახოცს იღებს. ახლა ვინსი იკავებს მის ადგილს)

ვინსი: ერთი ეგ უთხარი, ბევრს ნუ იჭიფებ და არ იქნება არავითარი პრობლემა. მარვინი რო დაინახა, გარეკა კინაღამ.

ჯული: კარგი რა, ერთი შენ წამოგაგდონ დილაუთენია და საკუთარ გარაჟში ეგეთი რამე დაგაზვედრონ...

(ვინსენტიც გადაიბანს ხელებს და ახლა ისიც დასწვდება პირსახოცს)

ვინსი: კარგი რა, აბა რას ელოდა – ვაშლებს?

(ხელებს გაიმშრალეებს და მთელი პირსახოცი წითლადაა აფორაჯებული)

ჯულზი: ეგაა შენი დაბანილი ხელები?! რა უქენი პირსახოცს?.

ვინსი: ნუ ხარ რა, შარზე. საპონი არ უვარგა...

ჯულზი: მეც რა, იგივე საპნით არ დავიბნე?! ნახავს ახლა მისი ცოლი ამას და გადავა ჭკუაზე, აბა რა მოუვა! მოკლედ, ფრთხილად იყავი რა, თავი დაიჭირე-მეთქი, სხვას ხო არაფერს გთხოვ.

ვინსი: ჯულზი, რათ გინდა ეგეთები – მთხოვე ერთხელ და მორჩა, მე ხმას აღარ ვიღებ. შენი ძმაკაცია და შენვე ებაზრე. ოღონდ ისტერიკებს ნუ მომიწვობს აქ. ჩემი არ მეყოფა?.

60. სამზარეულო ჯიმის სახლში. დილაა.

სამნი დგანან, ყავის ჭიქებით ხელში. ჯიმის კიმონო შემოუსხამს. ასე, ოცდაათიოდე წლის იქნება (ჯიმი, რა თქმა უნდა, არა კიმონო).

ჯულზი: ჯიმი შე ძველო, მართლა მაგარი ყავაა! ჩვენისთანებს უბრალოც გვეყოფოდა, შენ კი რას გვახარ-ჯავ... ცოლი არაფერს გეტყვის?

ჯიმი: მორჩი ახლა... ჩემი ცოლი ათას ნაგავს ყიდულობს იაფად, მე კი გემო მინდა ვიგრძნო. ოღონდ ახლა მაგ ყავის დარდი არა მაქ, ის მკვდარი ზანგი უფრო მედარდება ჩემ გარაჟში...

ჯულზი: ე-ე...

ჯიმი: ნუ ყმუი. და ნურც მაწყვეტინებ... მართო ეს მითხარი: აქ რო მოდიოდი, ნახე სადმე წარწერა – მკვდარი ზანგების შესანახი?

ჯულზი: კარგი რა, ჯიმი...

ჯიმი: არა, თუ ნახე სადმე? იქნება ნახე და მიმაღავ! ეგრეა?.

ჯულზი: (ამოიხენეშებს) არა ჯიმი, არ მინახავს.

ჯიმი: მერადა იცი რატო არ გინახავს? იმიტო რო ეგ

ჩემი ბიზნესი არაა – მკვდარი ზანგები ვაგროვო და მერე მეგობრებს ვუწყო გარაჟში შტაბელებად...

ჯულზი: დაიცა რა, ჯიმი...

ჯიმი: აზრზე მოდი – ცოლმა რო ნახოს, გაყრა ზედა მაქ! ცოლსაც ვკარგავ და სახლის ნახევარსაც... მანქანა თუ დამიტოვა, მაღლობელი უნდა ვიყო. თუ საერთოდ ციხეში არ მიკრეს თავი ლეშის შენახვისათვის! გესმის შენა?! ხალხს რა ვუთხრა – დასაკონსერვებლად მინდოდა-მეთქი?!

ჯულზი: ჯიმი...

ჯიმი: რა ჯიმი-ჯიმი აგიტყდა... ოცდათი წელია უკვე ჯიმი ვარ, რა მერე? ერთ საათ-ნახევარში ჩემი ბეტსი მოვა – რა ვუთხრა? რით გავახარო? ნახე, გარაჟში რა ცინცხალი მკვდარი ზანგი და გახვედრე-მეთქი?! მოკლედ, დროზე გამოიძახე ვინც საჭიროა და აუღეთ აქედან! მე შუაში არა ვარ!

ჯულზი: აბა მე რას გეუბნები, ჯიმი? მეტი არც გვინდა – ერთ საათში ჩვენი კვალი არ იქნება აქ! ძმობას გეფიცები! შენ ოღონდ ნერვებს გაუფრთხილდი... მე გაეაღ, ერთს კიდე გადავრეკავ...

ჯიმი: (რალაცის თქმას აპირებს, მაგრამ უცებ ვინსის მზერას წააწყდება)

არა, შენ მაინც ვინ ჩემის შიბლა ხარ?.

ვინსი: ვინსენტი მქვია. და რამე იყოს, მაღლობა მინდა გითხრა.. ისე, ნერვები საუფროსო გქონია.

ჯიმი: ა-ა... მოგცლია ერთი! (იცინიან)

61. ჯიმის სახლის ჰოლში. იგუე დროა.

ჯულზი იქით-აქეთ დადის, ტელეფონით ხელში.

ჯულზი: გამიგე რა – ძან ცუდი სიტუაციაა, მარსელას... მაგის ცოლი თუ დაბრუნდა და... კაცმა არ იცის, რა მოხდება!

- მარსელასი:** სხვა გამოსავალი არი რამე? აი ისეთი, ტელეფონით რომ არ...
- ჯულზი:** მარსელას, ჭკუაზე თუ ხარ?! ეს ჩემი ძმაცაცა და აქეთ შეგვიფარა და ახლა მეუბნები...
- მარსელასი:** დაიცა ხო, ყველაფერიც მესმის. უბრალოდ, ასე ვთქვათ, ვარიანტებს...
- ჯულზი:** რა ვარიანტებს, ვარიანტი არაა – იძახებ შენს ძაღლებს და გაგყვართ აქედან!
- მარსელასი:** ვოლფი უკვე გამოძახებულია. დაელოდეთ.
- ჯულზი:** ვინ... შენ რა, ვოლფი გამოავზავნე?!
- მარსელასი:** მოგეშვა ცოტათი?
- ჯულზი:** ეგრეა. მადლობელი, ძმაო.
- მარსელასი:** გაიხარე.

62. სასტუმროს ნომერში. დილაა.

ლოგინზე, სმოკინგში გამოწყობილი, ზურგით ჩვენკენ ზის **უინსტონ ვოლფი**, ანუ უბრალოდ, ვოლფი. ცალ ხელში ტელეფონის ყურმილი უჭირავს, მეორეთი – რაღაცას ინიშნავს უბის წიგნაკში.

- ვოლფი:** ...ასე ვთქვათ, ცოტათი ისტერიული ტიპია? (პაუზა) გასაგებია. როდის ბრუნდებო? (რაღაცას იწერს) მოქმედ პირთა სახელებიც შემახსენეთ... (იწერს) ასე, ჯულზი...

(მისი წიგნაკის გვერდს ეხედავთ, ზედ წერია: **“1256 რივერსაიდ-დრაივ, ტოლუკა; 1 სხეული (უთაგოდ), სისხლით მოთხერილი სალონი. ჯულზი, ზანგია...”**)

- ვოლფი:** ერთ საათში გადმოგირეკავთ. იქამდე ნახევარი საათის სავალია. დარდი გაუშვით, ათ წუთში იქა ვარ.

(კიდებს ყურმილს)

კადრი იცვლება:

ჩნდება წარწერა: “9 წუთისა და 37 წამის შემდეგ”.

კადრი ისევ იცვლება:

63. ქუჩა ჯიმის სახლის წინ. დილაა.

ვერც ხლისფერი პორში ქუჩაზე გამოსრიალდება, არანორმალური სისწრაფით და მისთვის ნორმალურად, ადგილზევე იყინება ზედ სახლის პარმალთან.

თვალბეჭდიანი თითი შემოსასვლელ კარზე ზარის დილაკს აჭერს, მოზომილად. დინ-დონ!

კარს ჯიმი უღებს. ზღურბლზე სმოკინგიანი მასტი დგას, ჯერ ჯიმის აათვალჩათვალეერებს და მერე წიგნაკში იხედება.

ვოლფი: ჯიმი ხართ, არა? ეს თქვენი სახლია – არ მეშლება?

ჯიმი: კი... უფრო სწორად, არა – არ გეშლებათ...

ვოლფი: (ხელს უწვდის) უინსტონ ვოლფი. ჩემი საქმიანობა – პრობლემების გადაჭრაა.

ჯიმი: აგაშენათ ღმერთმა! აქ ერთი ისეთი პრობლემა...

ვოლფი: ვიცი. მოვიდა სიგნალი. შეიძლება?..

ჯიმი: მობრძანდით, აქეთ... (სასტუმრო ოთახში შეყავს)

ვოლფი: დავალებული მაქვს გადმოქცეთ, რომ ბ-ნი მარსელასი მეტად მადლობელია თქვენი – ამ საჩოთირო საქმეში დახმარებისათვის. ბ-ნი მარსელასის მადლობა კი ერთ რამედ ღირს, დამიჯერეთ.

(სასტუმრო ოთახი; ჯულზი და ვინსი ფეხზე წამოდგებიან)

ვოლფი: თქვენ, ჩემი გაგებით, ჯულზი უნდა იყოს – რაც

იმაზე მეტყველებს, რომ თქვენ – ვინსი იქნებით... მაშ ასე, პირდაპირ საქმეზე გადავიდეთ, ბატონებო – როგორც ვიცი, დრო არ ითმენს?

ჯიმი: ასეა, ნამდვილად.

ვოლფი: თქვენი მეუღლე, ე-ე... (წიგნაკში იხედება) 9.30-ზე ბრუნდება შინ და ვერ ვიტყვით, სტუმრების ნახვით დიდად გაიხარებსო, ასეა?

ჯიმი: არა – საერთოდ არ გაიხარებს!

ვოლფი: ასე და ამგვარად, ბატონებო, ჩვენ 40 წუთი გაგვაჩნია, რათა ყველაფერს მოვრჩეთ და აქედან მოვუსვავთ! ეს კი სავსებით საკმაო დროა, თუ ყველაფერს ისე იზამთ, როგორც მე გეტყვით და უაზრო კითხვა-პასუხებზე არ დავიხარჯებით! როგორც მომახსენეს, გვაში მანქანაშია, მანქანა კიდევ – გარაჟში... აქ რაღას ვუდგევართ?

64. ჯიმის გარაჟში. იგუფე დრო.

ვოლფი მანქანას ათვალთვინებს – გარშემო უკლის, კარს გამოუღებს, სალონში შეიხედავს... დანარჩენები მას მისჩერებიან.

ვოლფი: ჯიმი?

ჯიმი: გისმენთ...

ვოლფი: თუ ყნოსვა არ მდლატობს, რომ შემოვედი, თქვენს ბინაში კარგი ყავის არომა იდგა... არ გამიმასპინძლებით?

ჯიმი: როგორი გნებავთ?

ვოლფი: ნაღებითა და შაქრით, თუ ძაან არ შეწუხდებით.

ჯიმი: რაზეა ბაზარი... (გადის)

ვოლფი: მანქანას რაც შეეხება – რაიმე ფარული ნაკლი ხომ არაფერი აქვს? ან ბოლავს, ან ქრება, ან რაიმე ეგეთი...

ჯულზი: უმაღლესია თავის ფასში.

ვოლფი: ან იქნებ საწვავი უთავდება?

ჯულზი: ამ დილით ჩაეუსხით.

ვოლფი: მაშ, სრულიად არაფერი? იცით, არავითარი სურვილი არ მაქვს, რამე სისულელის გამო გამაჩერონ და შარი მომდონ...

ჯულზი: შანსი არაა.

ვოლფი: კეთილი. სახლში შევიდეთ, ბატონებო.

65. სამზარეულო. იგივე დროა.

ჯიმი ფინჯან ყავას მორთმევს ვოლფს.

ვოლფი: მადლობა, ჯიმი.

(მოწრუპავს და ბოლთის ცემას იწყებს)

მაშ ასე, ბატონებო – თქვენ ორნი (*ჯულზსა და ვინსს მიათითებს*) ცხედარს საბარგულში მოათავსებთ. ახლა თქვენ, ჯიმი: როგორც ვატყობ, თქვენი მეუღლე დიდად მეოჯახე ქალია, ე.ი. სადღაც საკუჭნაო უნდა გქონდეთ – სარეცხი პასტები, ფხვნილები, ჯაგრისები... მიმიხვდით?

ჯიმი: სააბაზანოშია, ოხრად.

ვოლფი: ძალიან კარგი. ბატონებო, თქვენ ახლა ამ სარეცხ საშუალებებს აიღებთ და მანქანის სალონს გამოასუფთავებთ, თანაც სწრაფად, სწრაფად, სწრაფად... უკანა საფარძლებს ტვინის ნაშხეფები და ქალის ძვლის ნაფხვრები არსად შერჩეს, იცოდეთ. ფანჯრების დაკრიალება სულაც არაა საჭირო – ოღონდ წითელი ფერის ნაღლაბნი არ დავინახო სადმე. მოკლედ, მთავარია საგზაო პოლიციას არ მივცეთ საბაბი... აბა, მკვირცხლად, ბიჭებო! ჯიმი – გამოითანე, რაც კი გაქ!

(ჯიმი საბაზანოსკენ გავარდება, ჯულზი – გარაჟისკენ, მარტო ვინსი ითრევს ფეხს)

- ვინსი:** რა, ჯარში ვართ?.
- ვოლფი:** რა ბრძანე, ჩემი ბიჭი?
- ვინსი:** ვერ ვიტან, ვილაცა რო ბრძანებებს იძლევა, სერჟანტივით.
- ვოლფი:** მე აქ იმის გასარკვევად არ გამომიძახეს, თქვენ რას იტანთ და რას ვერა – თუ არ გჭირდებით, შეყოლეთ ვარდივით.
- ვინსი:** თქვენი წყენინება არც მიფიქრია, უბრალოდ, ჯარში ყოფნა არ მინდა.
- ვოლფი:** ვის უნდა? მაგრამ არც ციხე გვხიბლავს, ხომ ასეა? მე თუ მოკლე-მოკლედ ვლაპარაკობ, ეს იმიტო რომ დრო ცოტა გვაქვს. უფრო სწორად, საერთოდ არა გვაქვს ზედმეტი დრო. და მე მჭირდება რომ აკეთოთ ის, რასაც მე გეტყვით, და აკეთოთ სწრაფად. ახლა კი – გეშუადრებით, თქვენო მაღალკეთილშობილებავ, მანქანა გააკრიალეთ-მეთქი!

66. ჯიმის სამზარეულო. დილაა.

ვოლფი ტელეფონზე ლაპარაკობს.

- ვოლფი:** ... კი, 1974 წლის გამოშვება. თეთრი. არა, მხოლოდ შიგნიდან. (პაუზა) ასე, ოც წუთში. (პაუზა) მაგარი ხარ, ჯოლი. გნახავ. (მობილურს ჯიბეში იღებს)
- ჯიმი:** მისტერ ვოლფ, კარგად გამიგეთ...
- ვოლფი:** უინსტონი, ჯიმი – უინსტონი დამიძახე.
- ჯიმი:** ცუდად არ გამიგოთ, უინსტონ... როგორც შემიძლია გეხმარებით და რამე ეგეთი, ოღონდ... რამე რო იყოს...
- ვოლფი:** ნება მომეცით დაგეკითხოთ, ჯიმი – ე-ე... საწინააღმდეგო ხომ არაფერი გაქვთ?

- ჯიმი:** არა, რაზგა ბაზარი, ოღონდ ჩემმა ცოლმა რომ...
- ვოლფი:** ჯიმი, პირდაპირ მითხარი – შენ რა, მილიონერი ხარ?
- ჯიმი:** მეტყობა რამე?!
- ვოლფი:** ან ბიძა გყავს ეგეთი, ან ვინმე?
- ჯიმი:** კარგით რა...
- ვოლფი:** არა ჯიმი, დღეიდან გყავს – შენი ბიძია მარსელასი მართლა მილიონერია და ერთი პატარა საქორწილო საჩუქრის გადმოცემა დამაგალა შენთვის, უფრო სწორად – შენი ცოლ ისთვის... (ბანკნოტების შეკვრას დააძრობს ჯიბიდან) სიმართლე გითხრა, მე პირადად მუხის ავეჯი მირჩევნია – შენს ცოლს უყვარს მუხა?
- ჯიმი:** მაგრა.

67. ისევ გარაჟში. იგივე დროა.

ჯულზი და ვინსენტი, ორივე ისევ სისხლში მოთხვილი, *შევროლეს* ასუფთავებენ. გინდ დაიჯერეთ, გინდ არა – ოღონდ რაც ადრე ყასბის საკუჭნაოს გაედა, ახლა ჩვეულებრივ სალონად გამოიყურება. ყოველ შემთხვევაში, გარედან მაინც.

ვოლფი შემოდის და მანქანას წრეს ურტყავს.

- ვოლფი:** კარგად გიმუშავიათ, ბატონებო! არ ველოდი. მგონი, გამოვძვრებით... ახლა – ფაზა #2: *თქვენი* გარეცხვა.

68. ჯიმის სახლის უკანა ეზო. დილაა.

ჯულზი და ვინსი გვერდი-გვერდ დგანან, სისხლით მოთხვრილ შავ-შავ კოსტუმებში გამოწყობილნი; ჯიმის ცელოფანის დიდი პარკი უჭირავს, ვოლფს – ეზოს სარწყავი შლანგი.

ვოლფი: სამოსელი განიძარცვეთ, ბატონებო!

ვინსი: რა მინდაო?

ჯულზი: სულ?.

ვოლფი: სიშიშველემდე. ჩათვლით. დაუჩქარეთ ბატონებო, დაუჩქარეთ, დრო არ ითმენს...

ვინსი: ცივა, ეს ოხერი... აუცილებელია?

ვოლფი: აზრზე თუ ხართ, როგორ გამოიყურებით? ზუსტად იმ ორი ვირგლასავით, ეს-ესაა რომ 45-იანით თავი წააცალეს ვიღაცას... ტანსაცმელზე მაინც დაიხედეთ! მოკლედ, სამოსი – პარკში, თქვენ – საპონი, ჯიმი კი ციხის ზედამხედველის როლს გაითამაშებს.

(იხდიან. ჯიმი პარკში ტენის შმოტკებს, მერე შლანგს დაავლებს ხელს, სარქველს მოხდის და ჭავლს მიუშვებს)

ვინსი: ცივა, შენი!

ვოლფი: ცოტაც გაუძელით, ბატონებო – საქმე ითხოვს!

(*მალე წყლის ჭავლი წედება, ჯიმი შლანგს ძირს აგდებს*)

ვოლფი: თითო პირსახოციც, ჯიმი.

(*კანის დაწითლებამდე იმშრალევენ. ჯიმი ახალ ტანსაცმელს ურიგებს*)

ჯიმი: რა ვქნა, ძმებო – ესაა სულ რაც კი თქვენი სარგო გამოვ-ნახე: ორი საცურაო ტრუსი და ორიც ეს მაისური... ერთს არაფერი არ აწერია, მეორეს – **0.მ.ძ.**³⁹ აირჩიეთ...

ჯულზი: ეგ მუ!

კადრი იცვლება:

³⁹ იესო მაცხოვარი პავთა.

69. ჯულზი და ვინსენტი

ამ ახალ სამოსში ჯულზი და ვინსენტი ნაღდად რომ აღარაფრით გვანან იმ ჩაშავკოსტუმებულ “მაგარ ბიჭებს”, ადრე რომ ვიხილეთ.

ვოლფი: შესანიშნავია ბატონებო, შესანიშნავი! ისე გამოიყურებით, როგორც – ე-ე... მაინც როგორ გამოიყურებიან, ჯიმი?

ჯიმი: (ქირქილებს) წყვილი პიდლორით!

(ვინსი ჯიმიზე გაიწევს, ჯულზი აკაუებს)

ვოლფი: კარგით, ბატონებო – გართობა მერე! ჯერ ფონს არ გავსულვართ!

(ყველანი გარაჟისკენ მიემართებიან)

70. ჯიმის გარაჟში. იგუე დრო.

დალაქავებულტანსაცმლიანი ცელოფანი მარვინის გვამს ზემოდან ეცემა. ვოლფი საბარგულის დახურავს.

ვოლფი: მამ ასე, ბატონებო – ახლა ჩვენ ერთ ალაგას გავემართებით – “მოზვერა ჯოლის მანქანების საყრელი” – ასე ეძახიან და ძანაც ნუ გაიკვირვებთ... მთავარია რომ ჯო სრულად შვეიდა ჩვენს მდგომარეობაში და შხადაა, დაგვემაროს. ოღონდ საქმეც ეგაა, გზის დიდი ნაწილის გავლა ჰოლოფუდის ჰაივით გვიწევს — კატაფალკს მე წაუყვან, ჯულზი გვერდით მეჯდება, ვინსი კი ჩემი პორშით — კვალში. თუ, ღმერთმა დაგვიფაროს და პატრულმა გაგვაჩერა, თითხაც არავინ გაანძრევს, სანამ მე არ დავალაგებ სიტუაციას! ჯულზ, გაიმეორეთ — დამდეთ პატივი...

ჯულზი: თითხაც არ გავანძრიოთ, სანამ...

ვოლფი: სანამ რა?

ვინსი: სანამ თქვენ არ მოაყომარებთ ყველაფერს.

ვოლფი: აგაშენა ღმერთმა! მაშ, თქვენი იმედი ვიქონიო, დინამიტო? ⁴⁰

ვინსი: *(განაწყენებული გამომეტყველებით)*

კარგით რა, მისტერ ვოლფ. ერთხელ იარაღი თავისითაც გაისვრის ხოლმე... მართლა ასე მოხდა, მე არაფერ შუაში ვარ, ღმერთმანი.

ვოლფი: კეთილი. *(გასაღებს გადაუგდებს)* სწრაფი ტარება მიყვარს, არ ჩამომრჩეთ. და ერთიც კიდევ: ჩემ მანქანას რამე რომ დაემართოს, მოზვერა ჯოს ერთის მაგივრად ორი გვამის გაქრობა მოუწევს, იცოდეთ...

(კარში ჯიმი გამოჩნდება, ფოტოაპარატით ხელში)

ჯიმი: ერთი არ ჩავფოტოვდეთ სამახსოვროდ?

ჯულზი: ისედაც ვაგვიანებთ...

ჯიმი: კარგი რა, სულ ერთი წკაპი და...

(ჯულზი და ვინსი გვერდი-გვერდ დგებიან)

ჯიმი: თქვენც, უინსტონ!

ვოლფი: არ მიყვარს პოზიორობა...

ჯულზი: უარს ნუ გვეტყვით, მისტერ ვოლფ – კარგი მოსაგონარი იქნება.

ვოლფი: ეს ხათრიანობა დამღუპავს...

(გვერდით დაუდგება ამ ანეკდოტურად გამოწეობილ წვეილს – საოცარი კონტრასტია. ჯიმი აპარატს მომართავს და მერე ისიც მათთან მოირბნის)

ეულ კადრში მოჩანს ფოტოაპარატის ლინზა; რაღაც გაიხსაკუნებს და ეკრანი მჭახედ თეთრდება. ამ სითეთრიდან ნელი-ნელ იკვეთება ფოტო: ჯულზი და ვინსენტი ერთად დგანან, ხელიხელგადახვეულები; მათ გვერდით ჯიმის უინსტონისთვის მოუხვევია ხელი და მან კმაყოფილი სახით იკრიჭება. სერიოზულ გამომეტყველებას მხოლოდ ბ-ნი ვოლფი ინარჩუნებს.

⁴⁰ მსახიობ ჯიმი უოლკერის მეტსახელი; საინტერესო დამთხვევაა, რომ სწორედ მან შეასრულა ერთ-ერთი როლი პაროდულ ფილმში “წვალწყალა საკითხავი” (Plump Fiction).

71. მოზვერა ჯოლის მანქანების საყრელი. ჯერ ისევ დილაა.

ასეთი დაწესებულება მსოფლიოში ყველა ერთმანეთს გაეს; უინსტონ ვოლფი სამიათს დოლარს ჩაუთვლის ხელში ჯოლის – ერთ კაფანდარა, გაზინზლულ კომბინეზონში გამოწყობილ ტიპს.

ვოლფი: რამე იყოს, პატარა ფასდაკლება არ მერგება?.

ჯოლი: (მაყუთს ითვლის) შემიძლია სხეულის რომელიმე ნაწილი უფასოდ გავაქრო. ისიც მხოლოდ შენი ხათრით..

ვოლფი: მოდი ასე: მთელ სხეულს გააქრობ ერთი რომელიმე ნაწილის ფასად – მოსულა?

ჯოლი: ჩემ ბუღალტერს უნდა მოვეთათბირო.
(იცინიან)

ვოლფი: შენი პრინცესა სადაა?

ჯოლი: ქუჩაში იქნება, სხვა სად. პრინცს დაექებს...

72. იგფე ადგილი, იგფე დრო.

უინსტონს ჯოლის ქალიშვილი, სამბო⁴¹ რაქელი უახლოვდება. დიდი ხნის უნახვებივით გადაეფსკენებიან ერთმანეთს.

რაქელი: კაი ბიჭს გაუმარჯოს! მომნატრებიხარ, ხო იცი...

ვოლფი: რა ხანია ვეუბნები მამაშენს – აქაურობას აბრა შეუცვალე, “ურჩხული და ლამაზმანი” უნდა ერქვას-მეთქი!

რაქელი: იმდენი შენ რა გითხარი! ახლა რას აპირებ?

ვოლფი: ძილს.

⁴¹ მულატისა და სხვა რომელიმე რასის ნარევი.

რაქელი: არაფერი გამოგვათ, მისტერ ვოლფ!

ვოლფი: აბა, რას ვაპირებთ?

რაქელი: რესტორანი, ცეკვა, ლოგინი.

ვოლფი: ამ დილაუთენია?! შემიბრალებ! მთელი დამე თვალი არ მომიხუჭავს – რა ხნისა გგონია ჩემი თავი?

რაქელი: არ ვიცი, არ ვიცი... მე მარტო ის ვიცი რომ განაჩენი საბოლოოა და გასაჩივრებას...

(გარეთ გადიან. ჯულზი და ვინსი 'პორმთან' ელოდებიან)

ჯულზი: როგორაა საქმე?

ვოლფი: ვითომ არც ყოფილა.

(ჯულზი და ვინსი ერთმანეთს ხელებს უტყაპუნებენ ბეჭებზე)

ვოლფი: მე და ეს ქალბატონი სასაუზმოდ მივდივართ – დაგიმგზავროთ?

ჯულზი: მადლობა, მაგრამ მე რედონდო-ბიჩში მინდა, ამას – ინგლეუდში... არაფერი გამოვა.

ვოლფი, თითქოს ტრანსშიაო, ჯულზის ხელს თავის ხელისგულებში მოაქცევს და "მკვდარი ზონის"⁴² წინასწარმეტყველოვით მოყვება ბურტყუნს:

ვოლფი: თქვენს მომავალსა ვჭვრეტ... ვხედავ, ვხედავ – ტაქსით მეზავრობის უცილობლობას! *(ისევე უცებ მოსხეპს მასხრობას, როგორ მოულოდნელადაც წამოიწყო)* ჩვენი გზები აქ იყრება, ბატონებო – მშვიდობით.

(რაქელს წელკავს გაუყრის და გატრიალდება)

ჯულზი: მისტერ ვოლფ!

(ვოლფი მოუტრიალდება)

⁴² სტივენ კინგის რომანის ეკრანიზაცია (1983წ.); ავტოკატასტროფაში მოხვედრის შერე მთავარ გმირს წინასწარმეტყველების ნიჭი ეხსნება. მთავარ როლში – კრისტოფერ უოკენი.

ვოლფი: გისმენთ, ჯულზ.

ჯულზი: ერთი სიამოვნება იყო თქვენი მუშაობის სტილის გაცნობა, მისტერ ვოლფ.

(ვოლფს ეღიმიება)

ვოლფი: უინსტონი დამიძახეთ ხოლმე...

(ისევ გატრიალდება და თავისი მანქანისკენ მიდის; ჯერ რაქელს ჩასვამს, მერე თავად ჯდება შიგ)

ვოლფი: გაიგონე, ჩემო? აი, ესაა მთავარი – პატოვისცემა. უფროსი თაობისადმი გამოჩენილი მოწიწება კარგი აღზრდის უპირველესი ნიშანია. ნამდვილად.

რაქელი: გინდა თქვა, გაუზრდელი ვარ?

ვოლფი: ბევრი ჭკუის დარიგება და კარგად აღზრდა – არაერთგვაროვანი ცნებებია...

(პორში ადგილიდან წყდება და ტრასაზე მიქრის)

ჯულზი: ერთად წავიდეთ?

ვინსი: იცი რას გეტყვი – ჯერ ერთი კარგი ჭამა არ გვაწყენდა.

ჯულზი: ხანდახან შენც იტყვი ხოლმე სიმართლეს.

73. კაფეში. ჯერ ისევ დილაა.

ჯულზი და ვინსი მაგიდას უსხედან, კუთხეში. ვინსს სოსისები მოუთხოვია, მდოგვით და გემრიელად ათონლაფებს, ჯულზი პირიქით – ერთი ფინჯანი ყავისა და რაღაც ბისკვიტის ხარჯზეა; ფიქრითაც შორსაა აქედან.

ვინსი: რა ამბავი ხალხია ამ დილაადრიან... არ დამეწვევი?

- ჯული:** (გამორკვევა) რა?. არა, გმადლობთ. ღორის ხორცს პირში ვერ ჩავიდებ.
- ვინსი:** ებრაელობაზე დებ თავს?
- ჯული:** აბა, კი. უბრალოდ, ღორს ვერ ვიტან.
- ვინსი:** დაგიშავა რამე?
- ჯული:** უწმინდური ცხოველია.
- ვინსი:** იცი რა გემრიელია? თითებს ჩაიკვნეტ.
- ჯული:** გემოთი იქნება ვირთხაც გემრიელია, მაგას მე ვერასოდეს გავიგებ – იმ საზიზღრობას არც გავეკარები! ღორები კიდევ ბინძურები არიან – იქვე ჭამენ, სადაც ჩაისვრიან... რანაირად ვჭამო იმ ცხოველის ხორცი, საკუთარი ყაყები რო არ ეხარება!
- ვინსი:** ძაღლებიც ხო ჭამენ ხოლმე საკუთარ...
- ჯული:** მერე მე ვჭამ ძაღლებს?!
- ვინსი:** მარა ხო არც – რა ქვია იმას – უწმინდურ ცხოველად არ თვლი?
- ჯული:** ეგ არაა მთავარი. ყველა ძაღლს თავისი ხასიათი აქ, ჩამოყალიბებული ხასიათი. ეგ კი ერთ რამეს ნიშნავს.
- ვინსი:** მოკლედ, ვინმე რღუტუნას რო საკუთარი, ჩამოყალიბებული ხასიათი ქონდეს, ღორი აღარ ერქმეოდა? ეგრეა?
- ჯული:** არა, არც მთლად ეგრეა საქმე... ეგ უკვე მაგარი ღორი იქნებოდა – ასე ვთქვათ, ღრუტუნების კერი გრანტი.⁴³

(ეცინებათ)

⁴³ ცნობილი მსახიობი, ერთ ღროს მამაკაცურობის ეტალონდაც კი ითვლებოდა, და არა მარტო ჰოლოუდში.

ვინსი: მადლობა ღმერთს, თორე ზიხარ აქ ყუმივიით...

ჯულზი: ვფიქრობ.

ვინსი: (პირგამოტენილი) მაინც რაზე?

ჯულზი: იმ სასწაულზე, რისი მოწმენიც შევიქენით.

ვინსი: არა-ა, სასწაულის მოწმედ შენ დადექი, მე მხოლოდ უცნაურ ამბავს შევესწარი...

ჯულზი: მერე იცი, სასწაული რა არი?

ვინსი: ვიცი. ხეთის ხელი.

ჯულზი: ეგ “ხეთის ხელი” რაღაა?

ვინსი: როცა ღმერთი შეუძლებელს შესაძლებლად ხდის. მე კი ასე მგონია, ჯულზი ჩემო, რო რაღაც მაგრა გეშლება და ამდილანდელი ამბავი სულაც არ...

ჯულზი: დაიცა, ნუ გარეკე. მე სულ სხვა რამეს ვაწვები: ღმერთს შეუძლია ტყვიას გზა შეუცვალოს, კოკა-კოლა პეპსი-კოლად აქციოს, მანქანის დაკარგული გასაღები მაპოვნინოს ხოლმე... ეგ არაა მთავარი. ეგეთ რამეს თავისი მნიშვნელობის ამბავში კი არ უნდა აფასებდე... რა მნიშვნელობა აქ – მართლა სრული და სერტიფიცირებული სასწაული იყო თუ არც მთლად... საქმე ისაა, მე ვი-გრძენი ღვთის იქ ყოფნა, ეგაა მთავარი.

ვინსი: მოკლედ, არ იშლი შენსას, მიდიხარ?

ჯულზი: ეგრა.

(ერთხანობა ვინსი ჩუმად ილუკება თავისთვის. ჯულზი ყავას მოსვამს. ამ დროს გვესმის და ჩანს კიდეც, სიღრმეში როგორ უძახის ვიღაც მომტან გოგოს: **გად-ღსონ! ერთი ყავაც!** და ვხვდებით, რომ ეს სწორედ ის კვატა და პუსკუნა არიან, პირველ სცენაში რომ ვიხილეთ...)

ვინსი: კარგი და პატიოსანი, ვთქვათ – წახვედი. რა მერე? სად რა უნდა აკეთო?

ჯულზი: ახლა სწორედ მაგაზე ვფიქრობდი. ჯერ

მარსელასს ამ თავის კეისს მივაშავებ, მერე გზას დაუდგები.

ვინსი: რა გზას დაადგები?

ჯუღნი: უბრალოდ, გზას დაუდგები. როგორც ის ჩემისა კეინი⁴⁴ “კუნ-ფუს” სერიალში... ქალაქებს ვნახავ, ხალხს შევხვდები... სავსე სიცოცხლით ვიცხოვრებ.

ვინსი: და რამდენ ხანს აპირებ ასე ბოდიალს?

ჯუღნი: სანამ ღმერთი არ მიმიყვანს იქ, სადაც უნდა ვიყო...

ვინსი: ესე იგი, თუ კარგად გაგიგე, უსახლკარო მანწაწალად გინდა იქცე? ჰობო⁴⁵ უნდა გახდე?

ჯუღნი: ვერაფერიც ვერ გამოიგე...

ვინსი: რაც მოხდა, მართლა უცნაური იყო, მაგრამ წყლის ღვინოდ ქცევასთან რა მოსატანია?

ჯუღნი: არა, ვინსი – განსხვავება აქ რაოდენობრივია და არა თვისობრივი.

ვინსი: დაიცა, აი ეგ კი სულ ვეღარ...

ჯუღნი: მოკლედ, ის დამემართა, რასაც ლოთები “აზრის გამონათებას” ეძახიან.

ვინსი: ახლა ვითომ გაგიგე. მაგარია. გავალ ერთი, აზრს გამოვინათებ ტუალეტში...

(გადის. ვინსი ყავას ხვრიპავს. უცებ... კვატა და პუსკუნა პისტოლეტებს დაადრობენ და წამოხტებიან ფეხზე)

კვატა: ყურადღება! ყველანი ადგილებზე ვრჩებით! ერთი პატარა ლოკალური ძარცვა, სხვა არაფერი!

პუსკუნა: არ გაინძრეთ-მეთქი!! გატოკდება ვინმე და – მიგახვრეტთ სუყველას!

⁴⁴ ტელეფილმების სერია შუასაუკუნეებისდროინდელი ჩინელი ბერის, კუნ-ფუს ოსტატის მოგზაურობებზე. კეინის როლს დევიდ კარადაინი ასრულებდა.

⁴⁵ იგივეა რაც “ბომეი” – (Без Определенного Места Жительства)

(ჯულზს მზერა გაუშტერდება. ვერ წარმოუდგენია, რომ ეს მართლა მის თავს ხდება ყველაფერი. მაგიდის ქვეშ მისი ხელი 45-იან ავტომატურს შეაყენებს ჩახმაზზე და მუხლზე დაიდებს, ფრთხილად.)

კვატა: ყველანი ადგილებზე! ოფიციანტები – იატაკზე!

პუსკუნა: ახლავე, თქვენი!.. დაგხოცავთ სუყველას!

კვატა: ეი, მანდ! ვინც კი სამზარეულოშია – ყველანი აქეთ!

(სამი მზარეული და ორიც დამლაგებელი გამოდიან კარიდან)

კვატა: იატაკზე! ხელები – კეფაზე!

სქელუა მენეჯერი: გემუდარებით, რა საჭიროა... არ არი საჭირო...

(კვატა ლულას დაადებს საფეთქელზე)

კვატა: უთხარი ყველას, წესიერად მოიქცენ და არც არაფერი არ მოხდება!

სქ. მენეჯერი: გთხოვთ, შეინარჩუნეთ სიმშვიდე! გააკეთეთ რასაც გეტყვიან და ყველაფერი მალე მორჩება!

კვატა: აი ეგრე. კაი ბიჭი ხარ შენ... ახლა იატაკზე, სწრაფად!

74. ტუალეტში. იგივე დროა.

ვინსი უნიტაზზე ზის, რაღაც პრიალაყდიან ჟურნალს ათვალიერებს. აზრზეც არაა, რა ხდება დარბაზში.

75. კაფეში. დრო იგივეა.

კვატა სალაროს ამოასუფთავებს და ფულს ჯიბეებში იტენის. მერე, ცელოფანის პაკეტით ხელში, ხალხს დაუვლის. პაკეტი სწრაფად ივსება საფულეებით. ნელ-ნელა უახლოვდება ჯულზს. შედაგს, მას ცალ ხელში საფულე გაუმზადებია, მაგიდაზე კი კეისი დევს.

კვატა: მაიტა.

(ჯულზი საფულეს უგდებს გამოწვდილ პაკეტში. კვატა ახლა კეისზე ანიშნებს – გააღეო)

ჯულზი: მანდ ჩემი ბოსის პერანგებია... გასარეცხად მიმაქ.

კვატა: მაგარ საქმეში ხარ, გეტყობა.

ჯულზი: რას იზამ, საქმე საქმეა.

კვატა: გააღე.

ჯულზი: შანსი არაა.

(კვატა გაკვირვებული შესცქერის, მერე იარაღს ჯულზის შუბლს მიაშვერს)

კვატა: რაღაც ვერ გავიგე...

ჯულზი: მორჩი ბაზარს, ყველაფერიც კარგად გაიგე.

(ხმას არცერთი არ უწევს, ოღონდ კვატა უკვე ხვდება – რაღაც ვერ არი ისე, როგორც უნდა იყოს)

პუსკუნა: რაო მაგ ჩემისამ – რა მინდაო?

კვატა: მგონია, ჩხუბი უნდა!

პუსკუნა: მერე, შუბლში ტყვია და მორჩება ბლატავს!

ჯულზი: მაგას გონია, პირველად მიმიზნებენ იარაღს...

კვატა: თუ არ გააღებ, ბოლო იქნება.

სქ. მენეჯერი: ნუ ანერვიულებთ, თქვენს გამო უბედურება დატრიალდება, გეუბნებით... მიეცით რასაც გთხოვთ!

ჯულზი: მოკეტე, სქელო!

კვატა: სამამდე ვითვლი, გაიგე? ერთი!..

(ჯულზი თვალებს ხუჭავს)

კვატა:

ორი!..

... ჯულში ორჯერ გაისვრის პირდაპირ მაგიდის ქვემოდან, კვატა ეცემა. ჯულში წამსვე ტრიალდება და გაოგნებულ პუსკუნას დაასწრებს – ზედიზედ სამ ტყვიას დაატყდება მკერდში... პუსკუნა ერთს დაიკვივებს და იატაკზე გადაიშლართობა. წამოხდილი კაბიდან გრძელი, კნაჭა ფეხები მოუჩანს. ჯულში ახლა ლულას კვატას გასისხლიანებულ სახეს დაადირებს, ის კიდევ ქვემოდან შემოყურებს, თვალე-ბგაფართოებული.

ჯულში:

გითხარი, არ გინდა-მეთქი!

(შევ ობიექტუის თვალში ისვრის, ეკრანი ქრება...)

ჯულში თვალებს ახეღს.

კვატა:

სამი!..

(ჯულში ამოიხრებს, კეისს თავსახურს ახდის. კვატა გამტერებული დგას, ჩვენ კი ისევ მხოლოდ რაღაც ნათებას ვხედავთ)

კვატა:

(ჩუმაღ)

ნაღღია თუ...

(ჯულში თავს უქნევს, მძიმედ).

პუსკუნა:

რა ხდება მანდ, აღარ იტყვი?!

(ჯულში კეისს კეტავს და საზურგეზე გადაწვება, თითქოს კვატას სთავაზობს – აიღეო; ისიც ხელს იწვდის, გაღიმებული...)

... ჯულშის მარცხენა შავი კობრასავით წვდება მაჯაში და მაგიდის კიდეზე არტყმევენებს; მარჯვენათი კი პისტოლეტს დააძრობს და ყელზე მიაბჯენს კვატას)

პუსკუნა:

(კეისს)

შეეშვი, ძაღლიშვილო! სკალპს აგაძრობ!

ტვინს გაგასხმევინებ, ნაბიჭვარო!

ჯულნი: უთხარი, მოკეტოს!

კვატა: დაიცა რა, პუსკუნ! დაიცა რა, ნუ ნერვიულობ...

პუსკუნა: (ისევ კვივის) ხელი უშვი-მეთქი, გითხარი!

ჯულნი: (წყნარად) მაგ შენს გოგოს რა ქვია?

კვატა: იოლანტა...

ჯულნი: (იოლანტას ეუბნება, ოღონდ თავს არ აბრუნებს – კვატას ჩასჩერებია თვალეში)

მისმინე იო! ჩვენ ახლა სამი თოვლის ბაბუასავით ვართ – იცი, როგორია თოვლის ბაბუ, ხელს თუ გადაუსვამ?

იო: (სლუკუნებს) ცივი...

ჯულნი: კარგია, ჩემი გოგო... (კვატას) – ახლა ჩვენც ასე ცივისხლიანად გავარკვევთ ყველაფერს და დაუიშლებით – ჩვენ-ჩვენი გზით... ვგრეა?

კვატა: კი...

ჯულნი: შენ კიდევ დადებ ახლა მაგ შიბლას მაგიდაზე – წყნარად და ნელა, ასე ვთქვათ, ექსცესების გარეშე... გასაგებია?

კვატა: რა ექს...

ჯულნი: მოკლედ, სამამდე ვითვლი და მანამადე ხელები დაიცალო, ჯობია!

(კვატა გაშტერებული უყურებს).

ჯულნი: ერთი... ორი...

(კვატა ფრთხილად დებს იარაღს).

იო: გითხარი, ახლა გაუშვი-მეთქი, ბოზო!

ჯულზი: ხომ შევთანხმდით, ცივი გონებით-თქო, ვერე არ იყო?
(*იოს გასძახის*) – რო კვიხარ მანდ, მაგრა ვნერვიულობ და შეი ძლება თითი გამომეკრას უნებურად... მერე რას შვები?

იო: მოგკლავ, ძაღლივით ზედ დაგაკლავ!

ჯულზი: (*მშვიდად*) ვერა, ვერ მოასწრებ. ხელი გიკანკალებს, მე კი – არა. ერთს დამაცილებ და – მორჩა.

იო: მაგას რო რამე მოუვიდეს...

ჯულზი: არაფერი მოუვა. არც მე მინდა ეს და არც შენ და არც ამას. სიტყვას გაძღვე. სხვა დროს უკვე დიდი ხნის მკვდრები იქნებოდით ორივე, ოღონდ მე ახლა, ასე ვთქვათ, გარდამავალი პერიოდი მაქ – არავის მოკვლა მე არ მინდა. ოღონდ კეისს კი ვერ დაგიტოვებ – მართლა სხვისია...

ვინსის ხმა: რა ხდება აქ უჩემოდ?

(*იო წამსვე მას მიაშვერს იარაღს, ვინსი კი დგას და ეტყობა, უკვე კარგა ხანია მიზანში ყავს ამოღებული*)

ჯულზი: დაიცა ვინს, არ გინდა! მე ვიცი ჩემი საქმე!
(*კვატას*) შენს გოგოს უთხარი, ჩაიფუშოს თორე ახლა იმ ჩემისასაც თუ უმტყუნა ნერვებმა...

კვატა: წყნარად, პუსკუნა, წყნარად... ყველაფერი კარგადაა... ყველაფერიც კარგად იქნება...

ვინსი: რა ხდება აქ, ბოლო-ბოლო?!

ჯულზი: ყველაფერი კარგი ვინს, ყველაფერი კარგი... ვე შეინახე, არ გინდა ახლა აქ... დამიჯერე.

ვინსი: (*მხრებს იხეჩავს*) შენი შენ იცი. (*იარაღს ინახავს*)

იო: ფისი-ფისი მინდა!..

- ჯულნი:** ძალიანაც კარგი! სავსებით ნორმალური რეაქციაა... ერთი წუთიც და ყველანი სახლებში წავალთ. (კვატას): ახლა კი მაგ პარკში ჩაყავი ცხვირი და ჩემი საფულე დამიბრუნე!
- კვატა:** მერე, ეგა რომელია?
- ჯულნი:** ზედ აწერია – ბასპ...⁴⁶
- კვატა:** (საფულეს უწვდის) აპა!
- ჯულნი:** დაიცა, ეგრე არ გამოვა... მანდ ორიათასამდეა – მაყუთი შენთვის დაიტოვე. დანარჩენებთან ერთად – კაი მოხეული გამოვა, ეგრეა?
- ვინსი:** ჯულნი, შენ რო ამას ეხლა ეგ ორიათასი დაუადო, ჩემი ხელით მივასიკვდილებ – პრინციპის ამბავია!
- ჯულნი:** არაფერსაც არ იზამ, თითსაც არ გაანძრევ! წარბსაც კი არ გაატოკებ – გესმის? არაუის არაფერს მე არ ვუადებ – აქეთ ვყიდულობ... (კვატას) გესმის შენ?
- კვატა:** არა...
- ჯულნი:** შენი სული მსურს – არ გითამაშია? არასოდეს?
- კვატა:** არა...
- ჯულნი:** ვაი შენს პატრონს და მე შენს ხელში... ფულს გაძლევ, რო არ მოგკლა – გაიგე?
- კვატა:** (ჭკუაზე აღარ არი) ვერა...
- ჯულნი:** წმინდა წიგნს თუ კითხულობ ხოლმე?
- კვატა:** ისე რა, შიგადაშიგ...

⁴⁶ BASP — სავარაუდოდ, Big American Super Prick; დათამაშებული უნდა იყოს WASP – White Anglo Saxon Protestant.

ჯულზი:

იქ ერთი ეგეთი ადგილია, ზეპირად მახსოვს —
ეზეკიელი, თავი 25, მუხლი 17:

“... გზაი კაცისა მართლისა მრუდდება ცოდვილთა უკეთურებითა და უკანონობითა ბოროტთა; კურთხეულ არს, ვინაც სუსტნი გადაატაროს ველსა ბნელეთისა, და საბიჯგელად შეუდგეს ძმათა თვისთა; აღვმართავ მარჯვენას ჩემსას მათზე, წინააღდგომად ბოროტისა, და მოვსრავ მრავალთა მზილებითა გულისწყრომითა, და სცნან მათ ღმერთი მოშურნე, მომცემი შურისგებისა ჩემისა მათთა ზედა!”

... აი ამ ქლიავობას ჯერი-ჯერზე გავიძახი ხოლმე, როცა ვინმეს გასტუმრება მიწვევს მოუსავლეთში... არასოდეს დავეფიქრებულვარ, რა ჩემის სირობა იგულისხმება აქ — ვიძახდი და მორჩა, მაგრამ დღეს რო ვთქვი — ისეთი ამბავი მოხდა, ტვინი გადამიტრიალდა და აწი შვიდჯერ დაუემიზნებ, სანამ ერთხელ გაუისროდე... და ვფიქრობ ახლა, რომ სწორედ შენა ხარ სუსტი ესე, ხოლო მე — წინააღმდეგომი ბოროტისა, და ჩემი .45 საბიჯგელია ძმათა ჩემთათვის, ანუ პირუკუ — შენ ხარ ვენახი, მე კიდე საბიჯგელი, ნუ უკუე რქა შენი, ხოლო ქუეყანა ესე — ველი ბნელეთისა... ეს უფრო კარგი იქნებოდა, სწორი... გარნა სისწორე ყველას ქინძზე კიდია, მართალი კი ისაა რომ შენ სუსტი ხარ, მე კიდე — უკანონობა ბოროტთა... ოღონდაც ვცდილობ — მთელი ჩემის ძალისხმევით ვცდილობ, ვცნა ღმერთი ჩემი მოშურნე...

(იარაღს დაუშვებს, მერე მაგიდაზე დებს. კვატა პირდაღებული შესცქერის, ფული ხელში აქ მობღუჯული. მერე იოს გახედავს, იმას კიდე კნაჭა ფეხები უკანკალებს...)

კვატა ცელოფნის პაკეტს ჩაბღუჯავს, გაიქცევა, იოს წელზე წამოავლებს ხელს და ორივენი გარეთ გარბიან.

ჯულზი, მთელი ამ ხნის განმავლობაში სკამიდან რომ არც კი წამოწეულა, ახლა ყავას წრუპავს)

ჯულზი:

(*თავისთვის*) მორჩა... Finita la comedia...

(*ფინჯანს დააწკარუნებს, უნებლიედ...*)

ვინსი:

(*მიუახლოვდება*)

მგონია გეყო ახლა, აუუდეთ.

ჯულზი:

სწორე ხარ... თუ მართალი?

(ვინსი რაღაც ფულს ყრის მაგიდაზე, ჯულზი კეისს წამოაღებს ხელს).

მერე, მთელი ჯამათის – მომსვლელთა, მიმტან-ოფიცინტთა, მზარეულთა, დამლაგებელთა და თავად სქელუა მენეჯერის გასაკვირად – ტრუსებში, მაისურებსა და წკაპუნებში დაზმანული ორი ძალიან ძველი ბიჭი, ხელში წყვილი .45 პისტოლეტითა და ცალი კეისით, მშვიდად ტოვებენ იქაურობას, უსიტყვოდ...

და რა მერე – ვგეუბი ხდება?!

თარბმანი: ეია ჯუძუბიძე




საჩვენო ზღაპრები

ნაღდი სამი გოჭის ამბავი

&

წითელქუდას ახალი თავგადასავალი





ნაღდი სამი გოჭის ამბავი

იყო და არა იყო რა, იყო სამი გოჭი: სამი ძმა, სამივე ერთმანეთზე უკეთესი სანახავი – ჰუტკუნა, დრუნჩა და კუდაპრეხილი. უფროსს ერქვა ღრუტუნა, შუათანას – ლუტუნა და უმცროსს კიდე – ლუტა.

ცხოვრობდნენ გოჭები საღორიას ტყეში, ქალაქგარეთ. ზაფხულობით სამივე მაგარ დროს ატარებდა: მუხნარში რკოს მიირთმევდნენ, ხასხასა მწვანე ბალახზე ნებიერად კოტრიალობდნენ და შიგადაშიგ გრილ ტყლაპოშიც გემოზე ამოიგლაგებოდნენ ხოლმე. ოღონდ შაბათ-კვირას, საგარეოდ დაზმანულები, სველი ჯაგრისით კოხტად გადავარცხნილები, ქალაქს მიემშურებოდნენ და მარწყვის ნაყინით იტკბარუნებდნენ პირს.

მაგრამ წავიდა ზაფხული, მოვიდა შემოდგომა – მზე მიინაჟლა, ტყე გადაყვითლდა, ერთი-ორჯერ კარგადაც წამოუბერა... ხოდა, ჭკვიანმა ღრუტუნამ უთხრა უმცროს ძმებს:

– შემოდგომას ზამთარი მოსდევს, მოთოვს, კიდეც უფრო აცივდება. მოდით, ერთი დიდი სახლი ავაშენოთ, დავსხდეთ ბუხართან, ვუყუროთ მულტიფილმებს და ვიცხოვროთ თბილად და ტკბილადო.

ოღონდ ღრუტუნა და ლუტა, ცოტა არ იყოს, წაიზარმაცებდნენ – მუშაობას მაინც გართობა ერჩივნათ.

– ჯერ რა დროის ზამთარია, ნაყინი იყიდებაო, – ჩაიბუზღუნა ღრუტუნამ.

– სახლის შენებას რა უნდა, თუ შემცივდა, ხუთ წუთში ავაშენებო, – წაიტრაბახა ლუტიკომ.

– ე-ეჰ, ამათ მტერი ელაპარაკაო, – ჩაიქნია ხელი ღრუტუნამ. მერე მოზიდა აგური, სილა, იშოვა ცემენტი, დახერხა ფიცრები და შეუდგა საქმეს.

ღრუტუნას და ლუტას სიცივე ჯერ მაინცაღამაინც არ აწუხებდათ. მართალია, “თოლიას” ნაყინზე ისე უკვე აღარ მისდიოდათ სული, მაგრამ ტყეში ნუგბარს რა გამოლევდა – აი, მაგალითად, ნაწვიმარზე ახლადამოსულ სოკოს სულ სხვა გემო ჰქონდა...

შემოდგომაც მიიწურა, ტყეში ხეს ფოთოლი აღარ შერჩა, სხვათა შორის, სოკოც მოილია, მაგრამ ძმები მაინც ფეხს ითრევენ – რაღა დღეს ვაკეთოთ ის, რაც შეიძლება ხვალისთვის გადავდოთო, – გულს უკეთებდნენ ერთმანეთს.

მოკლედ, სანამ ყინვამ ამ მედლე-მეხვალიებს კულები არ აუწვა, თავის შეწუხება არ იკადრეს.

ღუტამ სიტყვა მაინც არ გატეხა: ერთი გაიშლივინა მეზობლის ყანაში, მოაგროვა ჩალა და მართლა ხუთ წუთში წამოჭიმა ჩალის სახლი, თანაც დაამღ-
ერა:

*ჩალის სახლი, ჩალის სახლი
აუაშენე მყარი,
რას დამაკლებს მე ავდარი –
ქარი, ქარი, ქარი!...*

ღრუტუნა ცოტა უფრო სერიოზულად მოეკიდა საქმეს – აქაოდა, ზამ-
თარში თოვლი იცისო, დათალა სარები, მიწაში ჩაარჭო, ჩააგრიხა ბლომად
წნელები და ფაცხა ყავარით გადახურა.

თვალი რომ შეავლო ნახელავს, კმაყოფილი დარჩა. რამდენჯერმე შე-
მოუარა გარშემო და რახან სმენით მაინცა და მაინც ვერ დაიკვებნიდა, ლექსად
თქვა:

*დარია თუ ავდარია
ჩემი ფაცხა მაგარია!
ერთი ჩემ ძმებს შეახედათ –
ნეტა ახლა სად არიან?..*

ამის თქმა და ბუჩქებიდან სახაგაბადრული ღუტიკოს გამოჩენა ერთი იყო.

– ყოჩაღ, ძმაო! შენც კარგად გიმუშავია. ზოგ-ზოგები კიდევ იტყვიან –
ესაო, ისაო, ზარმაცები არიანო... მოდი, ამ გახსენებაზე ის ჩვენი დაკარგული
ღრუტუნა მოვინახულოთ, რა ხანია არ გამოჩენილა, წელში გაწყდებოდა აგურე-
ბის თრევიო...

ამ დროს ღრუტუნას ქვის სახლის შენება მოემთავრებინა და ახლა რკინის
კარების ანჯამებს ზეთავდა.

– რა იყო ძმაო, გივარდება ვინმე სახლში?! – გაიკვირვეს ღრუტუნამ და
ღუტამ.

– ყველაფრისთვის მზად უნდა იყოს გოჭი! – მშვიდად მიუგო საქმით გარ-
თულმა ღრუტუნამ. – სიფრთხილეს თავი არ სტკივა.

– რამ შეგაშინა, აქ არა ვართ? – თვალი ჩაუკრა ღუტამ ღრუტუნას.

– თქვენმა მზემ, თქვენ დამიცავთ მგლისაგან... – ჩაიბურტყუნა უფროსმა ძმამ.

ამის გაგონებაზე გოჭებს სიცილი წასკდათ.

– მგელიო?! მგელს ტყეში რა უნდა! – ჩაბჟირდა ლუტა.

– მგელი ზოოპარკში გამიგია მე, – კვერი დაუკრა ლუტუნამ.

ცოტა ხანს კიდევ ილაზღანდარეს, მერე დარწმუნდნენ, ამას ჩვენ ლაპარაკში ვერ ავიყოლიებთო, ერთმანეთს ხელი გადახვიეს და სიმღერ-სიმღერით გაუდგნენ გზას:

*საღორია გადამწვარა, რე-რო-ო!
თავის მუხებიანადო, რე-რო-ო!
უსახლკაროდ დარჩენილო მგელო –
ჩვენო კარგო, ჩვენო მშვენიერო-ო!..*

ასე სიმღერ-სიმღერით, ვერც შეამჩნიეს, ისე მიადგნენ უღრანს, სადაც წუხანდელი ნაქეიფარი მგელი წყაროს წყლით იგრილებდა შუბლს. ნაცნობმა, თუმცა ცოტათი მაინც შელახულმა ჰანგმა ისედაც უჟმურ გუნებაზე მყოფს მთლად აუშალა ნერვები – ვინაა რო ჭყვივის მანდ დასაკლავი გოჭივით, ან ხმა მაინც ჰქონდეს ან სმენა მაგ უპატრონოსო! გაბრაზდა მარა რა გაბრაზდა – იშვირა ფეხი და გამოვარდა ბუჩქებიდან.

თვალეზასისხლიანებული, ეშვებდაკრეჭილი და ბანჯგველებაჩეჩილი მგელი მართლა ისეთი საზარელი სანახავი იყო, გოჭებს შიშისაგან ენა მუცელი ჩაუვარდათ.

– გემღერებათ, არა?! ვინაა აქ თქვენი მასხრად ასაგდები!!!

რას ბრძანებთ, როგორ გეკადრებათო, – კი უნდოდათ გოჭებს თავის მართლება, მაგრამ ხმის ამოდება ვერც ერთმა ვეღარ მოახერხა; ის კი არა, ზრდილობაც დაავიწყდათ, უფროს-უმცროსობაც, მგელს ზურგი აქციეს და მოუსვეს შინისაკენ.

მგელი, მართალია, ჯერ ნასაუზმევიც არ იყო, მაგრამ გოჭების დანახვამ იმდენად მადა არ გაუღვიძა, რამდენადაც მათმა საქციელმა გადარია – ეს ამხელა მგელი ძალდაც არ ჩამაგდეს ამ ლაწირაკებმაო... ერთი ამოიქმინა და გაქცეულ ძმებს გამოუდგა უკან.

პირველი ლუტიკო შევარდა თავის ჩაღის სახლში, კუთხეში მიიყუჟა და

ვერხვის ფოთოლივით აცახცახდა; თან რატომღაც ეს ერთი სიტყვა აეკვიტა:
“მყარი, მყარი, მყარი...”

– რასაა რო ლულლულებ? – ჩახრინწული ხმით შეუძახა მგელმა, – თვითონ გამოხვალ მანდედან თუ მე გამოგათრიო. ამხეც რომ ვერ ეღირსა პასუხს, მთლად გაცოფდა, ოღონდ ხუხულის დასანგრევად თათის გასვრაც არ იკადრა – ერთი ღრმად ჩაისუნთქა, სული შეუბერა და ღუტიკოს ნაოსტატარი სულ ღერა-ღერა გაატანა ქარს.

საბრალო ღუტიკოს ეგონა, გრიგალი ამოვარდაო, დაკრა ფეხი და რაც ძალი და ღონე ჰქონდა, ღუტუნას ფაცხისაკენ გაქანდა.

– ხო იცი რო მაინც დაგიჭერ, ნეტა რას მარბენინებო, – გაიფიქრა მგელმა და ძუნძულით ჩაუდგა კვალში.

ღუტუნა ისე იყო დაფეთებული, უმცროს ძმას კარგა ხანს კარსაც არ უღებდა; ძლივს დაარწმუნა საბრალო ღუტიკომ – მე ვარ, ღუტა ვარ, შემომიშვი თვარა შემჭამა მგელმაო!

მადლობა ღმერთს, ზედ ცხვირწინ მიუკეტეს მგელს კარი.

– გაადეთ, თქვე მართლა ღორისშვილებო, იქნება და რა საქმეზე ვარ მოსულიო, – ჭკუაში მოტყუება დაუპირა მგელმა. ნარბენ-ნაძუნძულევზე ახლა ფაცხის ნგრევა ნამდვილად არ ეხალისებოდა.

– თუ საქმე გაქვს, თვითონ შემოდო, – გული გაიმამაცეს საწოლის ქვეშ შემალულმა გოჭუნებმა.

– მართლა შემომეჭმებიან ამისთანა უზრდელები, აბა რა იქნებაო, – გაიფიქრა მგელმა. – მერე კიდე ჩემზე იტყვიან, მტაცებელიაო...

დაიკაპიწა მკლავები, გაიხსენა ახალგაზრდობა, გამოექანა, ახტა და ტყუები წიხლი ისე დაუნიავა კედელს, ღუტუნას ფაცხა თვალის დახამხამებაში ფიჩხის გროვად აქცია.

– დედა, ამას ვის გადავეყარეთო, – ამოიჭყვიტინეს გოჭებმა და ფართხა-ფურთხით მოუსვეს ღრუტუნას სახლისაკენ.

უფროსი ძმა ამ დროს აბაზანაში ნებფრობდა, მაგრამ უმცროსების ყვირილზე მიხვდა, რაღაც ცუდი ამბავია მაგათ თავსო, შიშისაგან აკანკალებული ძმები სახლში შემოუშვა და კარი ყველა ურდულზე გადარაზა.

– ხომ გეუბნებოდით, ყველაფრისთვის მზად უნდა იყოს გოჭი-მეთქი! არც ახლა დაუგდებთ ყურს უფროსის სიტყვას? – გაწყრა ღრუტუნა.

– ე-ეჰ, რაც იყო, იყო, შენ ის გვითხარი ახლა რაღა ვქნათ! ისეა გაგიჟებული, ერთ ლუკმად არ ვყოფით სამივე... – ერთმანეთს არ აცლიდნენ ლაპარაკს ღუტუნა და ღუტა.

– ნუ გეშინიათ, ეგ აქ შემომსვლელი მაინც არაა! წადით ახლა, ხელ-პირი დაიბანეთ, მერე დაუსხდეთ და ჩაი დაულიოთ, მურაბით. მგელმა იკითხოს, თორემ მე შეშაც ბლომად მაქვს, საჭმელ-სასმელიც, სიცოცხლე არ შეგვაწუხებს და შიმშილი. ის კი იყოს გარეთ და გვირბინოს სახლის გარშემო. ბოლო-ბოლო ან მონადირე დაახლის ტყვიას, ან ქოფაკები დაგლეჯენ... რა პირდაღებულები მიყურებთ, წადით, დაიბანეთ-მეთქი!

ამასობაში მგელიც მოძუნძულდა. ხან აქედან შეხედა ღრუტუნას სახლს, ხან იქედან, წუნი ვერაფერი უპოვა და თავისი ჩაბინძურებული ბუნაგის გახსენებაზე, ასეთი ბინა არც მე მაწყენდაო, – გაიფიქრა. წარმოიდგინა როგორ წამოწვებოდა მხარ-თუძოზე სითბოში, ავიზგიზებულ ბუნართან და საუხმე-სადილ-ვანშმადაც შამფურზე შებრაწულ თითო გოჭს შეახრამუნებდა... ოცნება იც-ოცხლეთ, კარგი იყო, მაგრამ ჯერ საქმე უნდა მიეყვანა ბოლომდე.

– იცით რას გეტყვით? – დაიწყო შორიდან, – თქვენ, ძმები, კაი მშენებლები ჩანხართ. კიდევ ერთი ამისთანა სახლის წამოჭიმვაც არ გაგიჭირდებათ, სამნი ხართ, ბოლო-ბოლო. მე კი მარტოკა ვარ, ობოლი... მოკლედ, ადგილი აირჩიეთ, სადაც გაგეხარდებათ, ეგ სახლი კი მე დამითმეთ – ვიმეზობლოთ, ვიმეგობროთ, რა გვაქ გასაყოფი? მეც საჭირო კაცი ვარ – უბატონოდ ხმას ვერაფერს ვაგაცემთ უბანში...

ღრუტუნამ და ღუტამ ყურები ცქვიტეს – რას ერჩი, კაი სიტყვას გვეუბნებაო, მაგრამ კოპებშეკრულ ღრუტუნას რომ შეხედეს, ჭკუა ეყოთ და კრინტი აღარ დაუძრავთ.

– შენ ჩვენ ბატები ხომ არა გკონივართ?! – გასძახა ღრუტუნამ უკმეხად, – წადი რა, სანამ მონკავშირში* დამირეკია!

მგელი მიხვდა, ამათთან ტკბილი სიტყვა არ გადისო, შევარდა ტყეში, ერთი დიდი მორი დაიიღლიაუა, გამოქანდა და ზედ რკინის კარს დააძგერა. იმდენი უხათქუნა, სანამ თათისგულები არ გადაიღლიტა, მაგრამ სულ ამაოდ – კარს, ორიოდ ნაჩხანის გარდა, არაფერი დატყობია.

სიმწრის ცრემლები წამოსცვივდა მგელს თვალებიდან, მორი მოისროლა და ახლა ოთხივე თათი დაუშინა, ოფლად გაიდვარა, ბრჭყალებიც ხომ სულ

* მონკავშირი – მონადირეთა კავშირი, დაწესებულება, სადაც მონადირეები იკრიბებიან ხოლმე (რედ. შენიშვნა).

დაიმტვრია, ოღონდ შენც არ მომიკვდე, ღრუტუნას ნახელავს მაინც ვერაფერი დააკლო!

ბოლოს სულ დაკარგა ჭკუა – გამოექანა, თავით შეასკდა აგურის კედელს და დარუტიანებული, მიწაზე გაიშხლართა.

– რაც მოგვა დავითაო, ყველა შენი თავითაო! – გადმოსძახეს გამხიარულებულმა გოჭებმა.

მგელს ხმა აღარ გაუღია, ძლივს აითრია წელი და კუდამოძუებული, სულ ვაი-დედას კრუსუნით გაიძურწა შინისაკენ.

ტყეში კი შებინდებამდე ისმოდა სამი გოჭის მხიარული სიმღერა:

*მგელის კვლიც არ მოჩანს,
არ მოჩანს, არ მოჩანს!
მგელი ფეხებს ვერ მოგვჭამს
ვერ მოგვჭამს, ვერ..*

მ ო რ ჩ ა !



წითელქუდას ახალი თავგადასავალი

თავი I

იყო და არა იყო რა – იყო ერთი ბებია და ყავდა ერთი შვილიშვილი. ჩვეულებრივი ბებია იყო, არაფერი განსაკუთრებული – ასეთი ბებოები ალბათ ყველას გინახავთ საბავშვო ბაღთან ან სკოლასთან – სხედან და ყიდიან კვევებსა თუ მხესუმშირას...

თუმცა ძველ კარგ დროს ბებია 1001-ე საშ. სკოლაში პედაგოგობდა – სიმღერას ასწავლიდა ბავშვებს. მომდერალთა ისეთი გუნდი ჩამოაყალიბა, კონცერტს კონცერტზე მართავდა ქვეყნის სხვადასხვა კუთხეში და ყველა ქალაქიდან საყვარელი შვილიშვილისთვის ათასნაირი საჩუქარი ჩამოჰქონდა. ერთხელაც წითელი ბერეტი ჩამოუტანა. გოგოს ისე მოეწონა, დღედაღამ არ იშორებდა და მეტსახელად წითელქუდა შეარქვეს.

მერე დროება შეიცვალა, ძია კახა ლომიამ ძველი პედაგოგ-მასწავლებლები სკოლებიდან გამოისტუმრა და წითელქუდას ბებიასაც მცირე ბიზნესით მოუწია თავის რჩენა. ერთი პირობა საქმე კარგადაც წაუვიდა – კვილეჭიასა და მხესუმშირაკენეტი ბავშვებს რა გამოლევს თბილისში! მაგრამ ნათქვამია, უბედურ კაცს ქვა აღმართში მიეწიო – საგადასახადომ¹ ყველა ხელზე მოვაჭრე ბებოს სალაროს აპარატების დადგმა მოსთხოვა – კორუფციის მოსასპობად ყოველი გაყიდული ჭიქა მსესუმშირა ზუსტად უნდა დავითვალოთ!

მოკლედ, ჩვენს ბებოს ბედის ჩარხი უკუდმა დაუტრიალდა: ჯარიმა-გადასახადებს კვლარ აუდიოდა, იმდენი დაუგროვდა, ნერვიულობის ნიადაგზე წნევამ აუწია, ყველაფერს თავი ანება, შარს გაერიდა – ეს ჭალარა ქალი არ დამიჭირონო და საგურამოს მხარეში გადაიხვეწა – დამსახურებულ პედაგოგს, იქ ერთი პაწია საკარმიდამო ნაკვეთი და ჩაფეხვილი ფინური სახლი შემორჩენოდა ძველი დროიდან.

ე-ეჰ, იქნება და კიდევ გაქეზებინა რამე, მერიაში ვინმე ნათესავ-მოკეთე მოეძია, ან ამ სიბერეში მმართველ პარტიაში გაწევრიანება მაინც ეცადა, მაგრამ საქმე ის გახლდათ, ჩვენს ბებოს ადრე ერთი ისეთი უბედურის ვინმე მოწაფე ჰყოლია კლასში, სულ 2-იანებს უწერდა და ხშირხშირად თავშიც წაუთაქებდა ხოლმე – შენგან კაცი არ გამოვაო. კაცად გამოსვლისა რა მოგახსენოთ, მაგრამ გამგელდა კია და სკოლის დამთავრებისთანავე საგადასახადო ინსპექციაში დაირტყა თანამდებობა: ძველი ანგარიშების გამო გადაეწვიტა – ახლა გიჩვენებთ ყველას, გამოვა ჩემგან კაცი თუ არაო!

¹ აქ: ცუდიანები.

თანაც, ავსა კაცსა ხომ ავი საქმე ურჩევნია სულსა, გულსა² – ამ საღარო-აპარატების გამო ყველას მამასისხლად გადაეკიდა, მაგალითად კი ბოლო დროს ქალაქში სასწაულად მომრავლებულ ჩინელებს³ ასახელებდა – ერთ აპარატს მოთხოვ და ორს იდგამენ, ოღონდაც ამ მადლიან მიწაზე, ბიზნესისათვის ვგრერეიგად მომხიბლავ გარემოში ფეხი მოგვაკიდინეთო... მოკლედ, ისე გაიფუჭა სახელი, ზურგსუკან ყველა “მგელოს” ეძახდა.

ქალაქში ობლად და მიუსაფრად დარჩენილმა თინეიჯერმა წითელქუდამ ტოპ-მოდელობა და პოდიუმზე გასვლა გადაწყვიტა – ახლა სხვა დროა, ცხოვრებაში გზა ჩემით უნდა გავიკვლიო. იმის ბედად თუ ნავსად, სწორედ მაშინ იყო, ზემო ქართლის გამგებელმა საქველმოქმედო აქციის ფარგლებში სილამაზის კონკურსის მოწყობა რომ ითავა და ჩვენი წითელქუდაც გოგოცუნა-მოდელების მარაქაში გაერია. მაგრამ რომ ეგონა, ბებოს ჩამოტანილ ამ ჩემს “ფირმა” ქუდს ცქვიტინიძის ახალ შედევრად გავასაღებ და შურით ყველას თვალს დაუყუყუებო, მწარედ მოტყუვდა: ავტორიტეტული ჟიურის მომხიბლავმა, მაგრამ მკაცრმა თავმჯდომარემ შესარჩევ ტურშივე დაიწუნა და პოდიუმიდან თვალცრემლიანი გამოისტუმრა.

რა გზა ქონდა საბრალო წითელქუდას – სხვა მრავალივით, დეპრესიაში ჩავარდა და ტელევიზორში სერიალების გარდა ვეღარაფერს უყურებდა – ისიც იმიტომ, ბებოას რომ ჩააკითხავდა ხოლმე, ხუთი სერიის გულისგამემირავი ამბები ერთიანად მოეყოლა – აგარაკზე ხომ დენი კარგა ხნის გათიშული ჰქონდათ და ბებო ჭრაქსაც⁴ კი ხელისკანკალთ ანთებდა – იმ ჩემი ცოდვით სავსე საგადასახადომ აქაც არ მომაგნოსო...

ერთხელაც, ორშაბათი დღე იდგა, ზის წითელქუდა ფანჯარათან და ხედავს, ვიღაც კრიჭაშეკრული ტიპი სახლის წინ მიდი-მოდის. მაგარი ზმანი ვინმე იყო: ფეხზე – ინსპექტორები, ყელზე – წითელ-მწვანე პალსტუხი, კისერზე – თეთრი კაშნე და “გუჩის” შავი სათვალე: თმა მხრებამდე სცემდა და სულ შელე-მუსით ჰქონდა გაპოხილი. “ნაღდად ესეც მარიო ჩიმაროს თბილისელი ორეულია, ღმერთმა ხელი მოუმართოს, იქნებ მაგას მაინც გაუმართლოს კონკურსში და პრიზად კუბის საგზურიც გაირტყასო,” – გაიფიქრა გულკეთილმა წითელქუდამ.

მერე ერთი ისეთი ამოიოხრა, ლამის ის კეთილი გულიც ამოაყოლა, 50 თეთრიანი ფენოვანი ხაჭაპურები ცელოფანის პარკში გამოხვია და საგურამოს გზას დაადგა: ამ დახუთულ, მშენებლობების მტვრით გაბულულ ქალაქში უაზროდ ჯდომას, ისევ ბებოს მონახულება ჯობია, ახალს თუ ვერაფერს ვუამბობ, ხელს მაინც წავაშველებ რამემო.

² შდრ: “ვეფხისტყაოსანი”, 30, 4.

³ აქ: კარგიანები.

⁴ ძველებური, ნავთის სანათი.

ბევრი იარა თუ ცოტა იარა, ერთი გაზიზინებული, ჩამუქებულფანჯრებიანი, ხასხასა წითელი Nissan-Terrano წამოეწია და რას ხედავს – სწორედ ის “თბილისელი მარიო” არ გამოჭიმულა საჭესთან?

– ქალიშვილო, ამ უღრან-უსიერში მგელი იცის, მარტოკა ვინ გამოგიშვით, სახლში თუ იციანო? – ეკითხება კოპებშეკრული.

წითელქუდამ გრძელი წამწამები დაათვახულა, თავი ჩაქინდრა და მორცხვად ჩაილაპარაკა:

– მარტო ვცხოვრობ, მშობლები ბოლო ათი წელია სულ გასტროლებზე არიან, ანსამბლთან ერთად... ახლაც საფრანგეთის ალპებში ცეკვავენ ლეკურს. ბებო კი აგარაკზე გაუშვი, ცოტა დაისვენოს საბრალოდ, იმდენი ინერვიულა! ახლა იქ მივდივარ სწორედ, მოვინახულო მინდა...

– შვილიშვილი მომესწრო, ბებიაშენმა თქვას! გზას თუ მიმასწავლი, კარებამდე მიგიყვან... ბებოს თუ არ ჩავაბარე შენი თავი, რა გულით ვუყურო ამადამ ფეხბურთს! – უცებ გახსნა შუბლი მგელომ.

წითელქუდას ბევრი თავპატიჟი აღარ გაუღვია, ციმციმ წინა სავარძელზე მოიკალათა და კაი გამოსული ფოტომოდელივით ფეხი-ფეხზე გადაიდო. სულ ამოუვარდა თავიდან ბებოს დარიგება – *წესიერ გოგოს წითელი ტაქსი სხვა წითელ ავტოებში არ უნდა აერიოსო...*

– სალარო კი არადა, *საღამო მშვიდობისა*, კეთილი იყოს შენი ფეხები ჩემს პიპიაშიო, – მიხმატკბილა მგელო, ძრავა დაადმუვლა და როგორც რომ თავმომწონე ქალაქელ მძღოლთა წესია, ეს ტანკივით მანქანა ადგილიდან წყვიტა.

თავი II

მანქანა დაიძრა და წითელქუდაც დაიქოქა:

– ესე რატო გაზავ? გეჩქარება სადმე? აქეთ ახალი გზები ჯერ არ დაუგიათ...

– მეჩქარება და ეგერე?! ერთი სული მაქ, ბებიაშენი ვნახო...

– უიმე, იმასაც როგორ გაუხარდება! ადრე პედაგოგი იყო და წესიერად ჩაცმულ-დახურულ ახალგაზრდებს მონატრებულისა... აი, ჰალსტუხი მართლა ძან ლამაზი გიკეთია, ოღონდ ამხელა ნასკვი მოდაში აღარაა – საწყენად არ გეუბნები... – ენად გაიკრიფა წითელქუდა.

– ე-ეჰ, მოდა არ ვიცი და ისეთი სამსახური მაქ, ურჩი გადამხდელების გასკვნაში მაგრა მუხმარება...

– ამხელა სათვალე რაღად გინდა? – ისევ ჩაკეთხა წითელქუდა.

– უბრალო Gucci არ გვეგონოს, დაიკო – ეს ისეთი რამეა, როცა მიკეთია, ჩემს თვალს არაფერი გამოეპარებაო, – ამაყად უპასუხა მგელომ.

ის-ის იყო, ბებოს ფინურ ქონხმასაც მიადგნენ, რომ იქიდან კაი შეწყობილი, სამხმიანი გურული სიმღერა მოესმათ.

– კარგ დროს მოვსულვართ, ბებო ჩინელ მეტყვევებს ქართულ სიმღერებს ასწავლისო – წამოიძახა წითელქუდა.

– აჰა, სკოლიდან ხო გამოაბუნძულეს, ახლა ამ უღრანში დაუწყია რეპეტიტორობაო, – ღვარძლიანად გაიფიქრა მგელომ.

ბებოს მეზობლად ვინმე ჩინელებს ტყის კარგა მოზრდილი ნაკვეთი მართლაც ჰქონდათ იჯარით აღებული, შხის ამოსვლიდან დაღამებამდე ჭიანჭველებივით შრომობდნენ და დაატყვევს კიდევაც იქაურობას ხელი, ოღონდ კარგ შრომას ხომ კარგი სიმღერა უხდება, და როცა გაიგეს, ჩვენს მეზობლად გამოცდილი ლოტბარი სახლობსო, ში-ფუდ⁵ დაისვეს და ყოველ საღამოს, ჭრაქის მბჟუტავ შუქზე, მრავალხმიანობაში იწაფებოდნენ.

– სამღერლადა აქ ხომ ბებიაშენს საქმე, ახლა ვამღერებ ნოტებზე! – დაიქაღნა მგელო, ჯერ წითელქუდა დააიღლიაჟა, მერე წიხლით შეაღო კარი და... როგორც მგელი ფარეხში, ისე შეუვარდა საბრალო ბებოს სახლში.

ამ ჩვენს მგელოს, როგორც ადრე მოგახსენეთ, ჩინელების მტრობა არ ელო გულში, პირიქით, მაგრამ ბებოზე ადრენილმა, ამათაც გადაუბრიალა თვალები – ემანდ თქვენი ლიცენზია⁶ მაჩვენეთო.

– გადაირიე, შე მხეცო – ბავშვი არ დამიზაფროო! – მუხლი მოეკვეთა ბებიას.

– ბავშვი არა, იხვი – პოდიუმს ეს არ იკლებს და ტყე-ღრეში მარტოკა დაწანწალებს... შენ ის მითხარი, არ გვეო, საგადასახადოს რო ეურჩებოდი, ახლა კერძო მოწაფეებიც ავიყვანია?! თანაც ვინ – ამ თვალეებმოჭუტულებს საბუთები მაინც თუ აქვთ წესრიგში? – იღრიალა მგელომ.

⁵ აქ: მოძღვარი, მწვრთნელი, მასწავლებელი (ჩინ.).

⁶ აქ: შესაბამის ადგილებში ხე-ტყის ჭრის ნებართვა.

– დამღუპე შვილო?! ეს ვინ მოგიყვანიაო... – შეიცხადა ბებომ და შვილი-
იშვილი გულში ჩაიკრა. – არ გასვენებს ხომ გამჩენი, მურმან ჩემო! რაც გინდა
მთხოვე, ოღონდ...

“უყურე შენ! კლასში სულ *მურვანია-ყრუს* დამძახოდა და კარგად კი დაუ-
მანსოვრებია ჩემი ნათლობის სახელიო!” – აიძვრა მგელი. – ქალბატონო ბებია,
აქ ჯდომას და ამ მშრომელი და პატიოსანი ხალხის “ქუჩის ბიჭებად” გადაკეთ-
ბას, შვილიშვილს მიხედოთ, ის გირჩევნიათ – სადღაც ტყე-ღრეში რომ დაიარება
და უცხოებს რომ უჯდება მანქანაში! გახდება ესეც ტრეფიქინგის⁷ მსხვერპლი და
ელრიჭინეთ მერე ინტერპოლს...!⁸ – კბილები გააკრაჭუნა მგელი.

შეშინებული ჩინელები კუთხეში მიიყუჩნენ და ისე დაიბნენ, დიქტოფონის⁹
გამორთვაც კი დაავიწყდათ...

– ახლა, როგორ იქნება ჩვენი საქმე – ამ ბოლო დროს იმდენი ვალი დაგი-
გროვდათ, ორთვიანი წინასწარი პატიმრობა ხომ არ ავცდებათ, მერე სახლ-კარიც
გასაყიდი გაგიხდებათ და დაგრჩებათ ეს გოგო ქუჩაში... ისე, ჩვენში რო ვთქვათ,
არა ვარ მე მაგის კაცი – ცხოვრებაში ქრთამი არ ამიღია, მაგრამ ძველი ნაცნობო-
ბით და თქვენი ჭადარის პატივისცემით, მივხედავ და მოვგავარებ ამ საქმეს! თუ
თქვენის მხრივაც გაგება იქნა, რასაკვირველია...

– ეგ რამ მოვაფიქრა, შე მართლა მგელი შენა! – ხელები გაასავსავა
ბებომ, – ან მაგას როგორ მკადრებ, ან საერთოდ რა მაბაღია – სამსახური აღარა
მაქ მე საცოდავს და საკუთარ ნაკვეთზე მოწეული მხესუმხირის გაყიდვაც არ შე-
მარჩინეთ...

– კაი ახლა, არ ამატირო – ეგ შენი მოცეკვავე სიძე-შვილი სულ თითის
წვერებზე რო უვლიან მსოფლიოს, დავიჯერო არაფერი ექნებათ შავი ღღისთვის
გადადებული?! გაიკრან ჯიბეზე ხელი – მოხსნან ფული ანგარიშიდან და ნუ გაგ-
იშვებენ ამ ჭადარა ქალს ციხეში... მეც კაცი ვარ, სახლში ევრორემონტი მაქ
მოსამთავრებელი, ათასი ხარჯია... მართლა მგელი კი არა ვარ და შეჭმა კი არ
მინდა შენი... – დაალაგა ვითარება მგელი. მერე ბებოს სავარძელში
გაიშლართა, *ინსპექტორებიანი* ფეხები მაგიდაზე შემოაწყო, შავი სათვალე და
ოქროსფერი Nokia დაუდევრად იქვე მიყარა და წითელქუდას გასძახა – ცუნცულ,
ერთი ჭიქა ცივი წყალი მომიბრუნინეო.

“მარიო მეგონა და მგელიკა არ შემრჩა ბოლოს ხელშიო, – გაიფიქრა
წითელქუდამ. – მაშინვე უნდა მივმხვდარიყავი, ‘სალარო მშვიდობისა’ რომ

⁷ აქ: ბავშვების გატაცება მათი უცხოეთში დასაქმების მიზნით.

⁸ პოლიცია, რომელიც *ცუდიანებს* ყველგან იჭერს.

⁹ ხმის ჩამწერი პაწია აპარატი.

წამოცდაო...” მერე იაზრა, ცუდადაა ჩვენი საქმე, ახლა პატრული თულა გვიშველისო – საუბარში გართულ, საკუთარი თავით ძან-ძან კმაყოფილ მგელს ჯერ ცივ-ცივი წყალი მიართვა, თან უჩუმრად მობილური აწაპნა და ბნელ კუთხეში ატუზულ “ჩინურ ტრიოს” ამოფარებულმა, 002-ზე SMS-ი აფრინა – არიქა, გამზრდელ ბებოს მიეაჩაღებენო...



სად იყო, სად არა, სოდ-ის¹⁰ ბრიგადაც იქვე გაჩნდა: როცა ვითარებაში გაერკვნენ და, ჩინელების დაჟინებული მოთხოვნით, დიქტოფონზე ჩანაწერიც მოისმინეს, ეს ჩვენი გაბღენძილი მგელო წამში გაბაწრეს და გისოსებიან მანქანაში უკრეს თავი. ჩინელებსა და წითელქუდას თანამშრომლობისათვის მაღლობა გადაუხადეს, ბებოს კი უსაყვედურეს – როგორ გეკადრებათ ქალბატონო, “იმედის” ეთერს არ ადევნებთ თვალს – ოპოზიციამ თავისას მიაღწია, პრეზიდენტმა პირადად გააუქმა ბრძანებულება და სალაროების დადგმა, როგორც ეს ცივილიზებულ ქვეყნებშია, ხელზე მოვაჭრეებს აღარ მოეთხოვებათო...

გახარებულმა ბებომ განჯინაში გადანახული, ლიტრიანი ბოთლი თაფლის არაყი და ჯანჯუხები გამოალაგა, სახელდახელო სუფრა გააწყო და მისი ფინური ქოხიდან დილამდე მოისმოდა ბებია-შვილიშვილის შეწყობილი დუეტი და სამი ჩინელის მოგუდული ბანი:

*მგელო, მგელო – პირდაუბანელო
ქრთამი ისე აგიღია, ხელიც არ დაგიბანია!
ლალე-ლალე დივიდილალალე
სალაროებს ვინც აუქმებს, იმას ვენაცვალე!*

მ ო რ ჩ ა !

¹⁰ პოლიცია, რომელიც ცუდიანებს ჩქარა იჭერს.

კბილის გასაკრავი
(რეცენზია, გამოხმაურება, მკვახე შეძახილი...)

‘მოთარგმანების ამო გარჯა...’



მთარგმანების ამაო გარჯა

“არცოდნა — არცოდვა, მცირე ცოდნა კი — უბედურება...”

მე, გამოუქვეყნებელი ნაწერები, ტ. I.

ღმერთი-რჯული, 50-ს გადავაბიჯე და ეპითეთი “ღვარძლიანი” ჯერ ჩემთვის არავის მიუკერებია; ეტყობა, ვბერდები, ან უკვე ნერვები მღალატობს, ანდა, სულაც, ყველაფერს უნდა ჰქონდეს თავისი ზღვარი... კაცი ვერ დამარწმუნებს, V კორპუსში ნასწავლი ინგლისურით და მშობლიური ლიტერატურის სიტყვაკაზმული კლიშეებით შეიარაღებულმა, თურმე მთლად “ღედამიწის შემარყვეველი რომანი” (verbatim! - იხ. წინათქმა) ისე თარგმნოს ვინმემ, თანაც ბევრი ტვინის ჭყლეტისა და დროის, ოფლისა თუ ნერვების ჩაუნთხევლად, რომ მთელ ღედამიწას შევეშვათ, ვაკის უბანში მაინც წაიკითხოს ვინმემ სიამოვნებით.

თარგმანი ხელობაა, ვუნდერკინდების გაჩენა აქ შეუძლებელია – ჯერ შეგირდი ხდები, მერე ხელოსანი და ბოლოს, თუ სმენაც მოგდევს, შესაძლოა დაოსტატდე კიდევ (კი, სწორედ შინაგანი სმენაა საჭირო, რომ ყური მოგჭრას საკუთარმა ფრაზამ – “უეცრად კონიმ უხერხულობა იგრძნო”); საკუთარმა-მეთქი, ვიმეორებ, თორემ ცხონებულ **დ.პ. ლორენსს**¹ ბრაზილიურ/მექსიკური სერიალებისათვის სცენარები არასოდეს უწერია...

ეგაა, რომ თარგმნა ჩვენში მეორად, “გაჭირვების საქმედ” ითვლებოდა მუდამ: როცა ერთი ყოვლად იდიოტური ტერმინის შემოღება სცადეს – *პოეტო-მთარგმნელი*, მთელი ამქარი ფეხზე დადგა – ვინაა თქვენი მთარგმნელი, ყველანი ნაღდი პოეტები ვართო (ვახუშტი კოტეტიშვილი, უბრალოდ, სწორედ ის გამონაკლისია, წესს რომ მიდასტურებს). პროზაშიც რა, იგივე იყო: ჩვენში დეტექტივის თარგმნა ისეთ “გლახა საქმედ” ითვლებოდა, უფულობას რა ვუთხარი, თვარა მაგას რაუა მოეკიდებდი ხელსო – ჩვეულ თავისმართლებად გაისმოდა ხოლმე. მე თუ მკითხ-

¹ დიას, სწორედ ასე; იხ. ნ. ყიასაშვილი, მექსიკის პერსონაჟთა სახელების ქართული დაწერილობა (ქართ. მექსიკიანა, თ.3). ისე, თუკი ლდრენს სტერნია, დ. ლდურენსი რომ მხოლოდ რუსული კალკია, ამას რა დიდი მიხვედრა უნდა?

ავთ, სწორედ აქაა ძაღლის თავი დამარხული – ჩვენებური ინტელექტუალისათვის დეტექტივი მდარე საკითხავია, უკეთეს შემთხვევაში, უძილობის წამალი, მთარგმნელისათვის კი – საჯილდო ქვა: ნებისმიერი ნოველა-დეტექტივის თარგმნა, ანუ იმგვარი დაწურული პროზის, სადაც კანზმულსიტყვაობა, ამაღლებულ-გაფუყული მეტყველება და ზედსართავების ცვენა, უბრალოდ, უადგილოა – გადაულახავ პრობლემად ქცეულა ჩვენი ლიტ/შემოქმედებითი ელიტისათვის.

აქედან გამომდინარე, კრიტიერიუმები ისეა აღრეული, ტ.ს. ელიოტს თუ თარგმნის კაცი, აზრად არ მოსდის, სიტყვაზე, ბესიკ ბარკალაიას ლექსების გვერდიგვერდ თუ აღმოჩნდა ჟურნალში დაბეჭდილი, სხვაობა, რბილად რომ ვთქვათ, თვალშისაცემი და ყურსმოსახვედრი უნდა იყოს... (Hence – ამ უკანასკნელის მიერ შეცბუნებული კილოთი თქმული: ა, მე და ა, ელიოტი – მე არაფერს ვიტყვი ძმაო, თავად ნახე!..) და როგორაც ითარგმნებოდა, ახლაც ასევე ითარგმნება და ისტამბება იმგვარი ground-shaking (ანუ **ტრადიციების**, და არა “**დედამიწის შემარყეველ**” – იხ. სარეცენზიო თარგმანის წინათქმა) ნაწარმოებები, როგორიცაა ორუელის “ცხოველების ფერმა”, ნაბოკოვის “ლოლიტა”, ან თუნდაც, წინამდებარე “*კნეინა ჩეტერლის მუსუსი*”... სია გვარიანად შეიძლება გაგვიგრძელდეს, ოღონდ აქ, ვთქვათ, ბულგაკოვის “ოსტატი და მარგარიტა” (ბ-ნ კიკილაშვილის მიერ გადმოქართულებული) რა მოსატანია – იქ, თავის დროზე, უბრალოდ მისამართი შეეშალათ, თორემ “ნიანგში” უნდა დაეებჯდათ, რუბრიკით “ჭიპზე რომ გასკდე, ვერ მოიფიქრებ!” (ესეც რუსულიდან გახლავთ უნაითოდ გადმოღებული: “*ნაროჩნო ნე პრიდუმამე!*”)

ჰოდა, შედეგად რას მოვიმკით? იყიდიან, წაიკითხავენ, მაგრა გაუსწორდებათ და მიხვდებიან, რა განსხვავებაა ლიტერატურასა და “ფართო იდეოლოგიურ ტილოს” შორის? როგორც რომ იტყოდა აკად. ა. გაწერელია: *სომნევაიუს ფრიად!* (მაგალითისთვის “დიდოსტატის მარჯვენა” ავილოთ: სულ მანტერესებდა, რატომ თარგმნიან, ყიდულობენ, კითხულობენ მორის დრიუნის “რკინის მეფეს” და სულ ქვედა კიდურებზეც ჰკიდიათ ჩვენი დიდი კონსტანტინე. რა, დასავლეთში გამომცემლებს ფულის კეთება აღარ უნდათ? გადი-გამოდი, ერთი ჟანრისა და მსგავსი ფაბულის რომანებია, ოღონდ საქმეც ისაა, ერთი კარგად წერს, ხოლო მეორე – რაც არ უნდა კარგად თარგმნო – რაც არის, ის შეგრჩება ხელში).

ოღონდ ზემოხსენებულ “მაღალ შტილში” მოთარგმანებით კი დ.პ. ლორენსიდან გურამ ფანჯიკიძის “სპირალს” მიიღებ, უმბერტო ეკოდან (იხ. არილი, 2001) ლევან ღვინჯილიას ესეს, ხოლო უისტან ჰ. ოდენის “ჰეროდე” (იხ. ინგლისურ/ამერიკული პოეზიის ანთოლოგია) სულაც რეზო ამაშუკელის ნაცოდვილარად მოგეჩვენება და ა.შ. და ა.შ. ეს უკვე ტენდენციაა, სწორედ რომ ტრადიციაში გადასული, და სანამ თავად თარგმანის კრიტიკიუმები არ შეიცვლება (ანუ, ვკითხულობ ამა თუ იმ მწერლის ნაწარმოებს, და არა ამისა თუ იმის თარგმანს), ამ საქმეს არაფერი ეშველება!

ABC: თარგმანი სრულად ადექვატური უნდა იყოს დედნის – როგორც მოცულობით (ეს ქართული შრიფტი იკავებს 20%-ით მეტ ფართს, თორემ მთარგმნელი ჯამში ერთი-ერთზე უნდა აჯენდეს გვერდების რაოდენობას – ტექნიკის საქმეა ეს და არა ენებს შორის არსებული განსხვავების გამო შეუძლებლის მოთხოვნა!) **ისე მკითხველის მიერ მისი აღქმის მხრივ.** გაუგებარს ვამბობ რამეს? ნამეტანს ვითხოვ?

როცა შესავალში ვკითხულობ – დიდი ინგლისელი /ამერიკელი/ფრანგი/გერმანელი...² მწერლის წიგნი გიჭირავთ ხელშიო, როგორც მინიმუმი, სრულიად საქმწერალთა კავშირის ნებისმიერი ყოფილი თუ ახლანდელი წევრის ნაწერს პირველსავე გვერდიდან უნდა აღემატებოდეს! ვითომ, ძან-ძან ზედმეტი მომდის? არა მგონია. ძნელია? ადვილი ფაფის ჭამააო, გამიგია.

ასე და ამგვარად, ყველაფერი თავიდან იწყება და მეც ჯერ მხოლოდ შესავლის პირველ გვერდს მივყვები – მაინტერესებს, რამდენად მზადაა მთარგმნელი ნეტარხსენებული დ.პ. ლორენსის შემოქმედება გამაცნოს. იმთავითვე გავაცხადოთ: მე მომავალი მკითხველი ვარ, ამა წიგნის პოტენციური მყიდველი და მაინტერესებს, ღირს თუ არა მასზედ საკუთარი (აბა გამომცემლობის საქმეები მე რაში მანდვლებს) დროისა და ფულის ხარჯვა.

² დიან, გერმანელიც – ეს ჩვენთვისაა გერმანული მწერლობა “მძიმე”, თორემ გერმანულენოვან მკითხველთაგან ჯერ ამაზე არავის დაუჩივლია; და თუ ისევ ამ ყოვლად იდიოტურ კლიშეს მომაგებთ – ქართულად “არ ითარგმნება”, *მძიმედ* გამოდის, ბატონოო – იხ. მაგ. ჰერმან ჰესე, “ღ-რ ქნოლგეს აღსასრული” კრებულში *დეტექტივი/ფანტასმაგორია*; ან რობერტ მუზილი, “პორტუგალიელი ქალი”, ანდა სულაც – პატრიკ ზიუსკინდი, “ნელსურნელება” (ჩვენსავე აღმანახში).

1. ავტორის გვარის დაწერილობაზე უკვე მოგახსენეთ, მაგრამ არც მისი გულის მურაზის სახელია მართებულად გადმოტანილი: უნდა იყოს ფონ და არა ვონ (მაგ: ფონ კარაიანი, ფოლკსვაგენი...), ასევე, რისტტოფენი: თითქოს არაფერი, მაგრამ ვთქვათ, მე რომ ჭუმჭურიძედ ჩამწეროს ვინმემ, ანდა თავად მთარგმნელს თხ-ავლიაშვილად გადაუკეთონ გვარი, რომელს გვეამება?.

2. ... ბობოქარი (*sic!*) ქორწინების შედევად, ლოურენსმა გამოსცა ლექსების კრებული სათაურით “მოგვისმინეთ, ჩვენ მივალწიეთ!” {ვაჟა, ვაჟა, ჩქიმი ცოდვა!!! – **გჭ.**}

რას გეტყვით, იცით? ქორწინების შედევად, საზოგადოდ, ბევრი რამ სავალალოც ხდება კაცის ცხოვრებაში, ოღონდ დიდ მწერალს რომ ბობოქრობის შედეგად ამისთანა უნიათო სათაური მოეფიქრებინოს, გამორიცხულია! დედანშია: “Look, We Have Come Trough!” თუ სხვაობას ვერ პოულობთ, ხელებიც დამიბანია...

3. “ბობოქრობა” საერთოდ და დ.პ. ლორენსის მიმართ კონკრეტულად, ვატყობ, მთარგმნელის უსაყვარლესი ეპითეტია: “უხეში მამისა და პატიემოყვარე დედის ბობოქარმა ურთიერთობამ მოგვიანებით მწერლის შემოქმედებაში თავისებური ასახვა ჰპოვა...”

ტყვილი, ტყვილი და პირში პაპიროსი! ჯერ ეს ერთი, მშობლების ურთიერთობა საერთოდ არაფერ შუაშია, ხოლო დედამისი უბრალოდ ‘პატიემოყვარე’ (რაც ერთმნიშვნელოვნად უარყოფითად აღიქმება) ნამდვილად არ იყო – მთარგმნელს სრულიად გამორჩა მხედველობიდან სიტყვათშეხამება ‘socially ambitious’ რაც, თუ ასევე გამორჩენილ ეპითეტ “დახვეწილსაც” (*refined*) დაუმატებთ, ამ ქალბატონის წარმოსახვით პორტრეტს, დამეთანხმებით, ძირეულად ცვლის; და დედნის მიხედვით, არც ბ-ნი დევიდი წარმოგვიდგება ისეთ ინფანტილურ არსებად, მშობლების თუნდაც ბობოქარ ურთიერთობას რომ მძიმე დაღი დაესვა მის შემოქმედებაზე. ძალიან პირუკუ: “The tempestuous relationship with his violent father and (მიაქციეთ ყურადღება!) passionate bonding with his refined, socially ambitious mother...”

4. თუკი “გერმანია იმავე წლის მაისში დატოვებს” და, წინა აბზაცის მიხედვით, ახლა **ინგლისში** იმყოფებიან, “გერმანიასა და იტალიაში“ როგორღა იმოგზაურებს?! სულ უბრალოდ, უოთსონ ჩემო – სულ უბრალოდ! for Germany ზუსტად იმის საწინააღმდეგოს ნიშნავს, რაც from Germany – ე.ი. ადიულტერის ჩამდენიცა და მისი შემაცდენელიც ინგლისიდან გერმანიაში გაქცეულან...

ეს ყველაფერი და კიდევ ერთი ამდენი შეუსაბამობა ამ 2-გვერდიანი შესავლის პირველსავე გვერდზე გეჩხირებათ თვალში; გადაფურცლავთ და – ლაფსუსები იქაც არანაკლებია, ოღონდ – სრულიად უინტერესო. მოდით, ახლა თავად რომანის რამდენიმე გვერდსაც გადავუვლოთ თვალი.

საცა წესია, აქაც თავიდან უნდა დავიწყოთ, ანუ სათაურიდან: Chatterley იკითხება როგორც ჩეტერლი (იხ. D. Jones, English Pronouncing Dictionary) მაგრამ ასეთი წვრილმანებისთვის ვისა სცხელა შემოქმედებითი წვა-დაგვის ჟამს?! რედაქტორი რისთვისაა? მაგრამა, რა ჰქნას კარგმა რედაქტორმა, ამისთანა რამეს რომ ამოიკითხავს: “კონის თავანისმცემელი მუსიკოსი გახლდათ, პოლისი კი ტექნიკური მეცნიერების წარმომადგენელი...” ჰა? რავარია? ღმერთმანი, *გისურვებთ პროგრესულ წინსვლასო* – მახსენდება.

და სწორედ აქ მივადექით მთავარ უბედურებას: მთარგმნელს არათუ არ ძალუძს დენის ადეკვატურად გააწყოს ქართული ტექსტი, უბრალოდ, ვერც ხვდება რას კითხულობს და შესაბამისად, რა მოეთხოვება. მაგალითისთვის (ღმერთი-რჯული, არჩევანი სრულიად შემთხვევითია და თავს ვდებ, რომელი გვერდიც არ უნდა გადაშალოთ, ეფექტი იგივე იქნება) ავიღოთ გვ. 9 / p.8:

So the girls were ‘free’, and went back to Dresden, and their music, and the university and the young men. They loved their respective young men, and their respective young men loved them with all the passion of mental attraction. All the wonderful things the young men thought and expressed and wrote, they thought and expressed and wrote for the young women... They simply lived for their young women. In their minds and their mental excitements, that is. Somewhere else they were a little rebuffed, though they did not know it.

აქ ლექსიკური ერთეულებისა და რიტმული გამეორებების შედეგად მიღწეული მსუბუქი ირონია თარგმანში არათუ გამჭრალაია, მთელი პასაჟი პირდაპირ (შექსპირს დავესესხები) ‘წრეგადასული გულმოდგინებითა’ ვინმე სილოვან ნარიმანიძის პროზას მიმსგავსებული. არა გჯერათ? ა, მე და ა, თარგმანი, no comment: “ასე რომ, გოგონები თავისუფლები იყვნენ და მუსიკის შესასწავლად დრეზდენის უნივერსიტეტში დაბრუნდნენ. დაუბრუნდნენ თავიანთ ახალგაზრდა თავყვანისმცემლებს. ქალიშვილებს უყვარდათ თავიანთი კეთილშობილი ემაწვილები და ამ განათლებულ ახალგაზრდებსაც მთელი ვნებით და გონებით უყვარდათ ისინი. ყველაფერი შესანიშნავი, რასაც ეს ემაწვილები ქმნიდნენ: წერდნენ, ფიქრობდნენ თუ გამოხატავდნენ, ამ ემაწვილქალებისათვის იქმნებოდა. ამ უკანასკნელთ მთელი თავიანთი გონებით და დიდი მღელვარებით უყვარდათ თავიანთი ქალიშვილები (!). აი, ეს იყო მხოლოდ. სხვაგვარად ცოტათი თავმოყვარეობა შეეღალხებოდათ, თუმცა ეს თვითონაც არ იცოდნენ” (sic!).

ანდა, ვთქვათ, ასეთ რამეს რა კომენტარი შეიძლება დაურთო კაცმა: “ზაფხულის არდადეგებზე გოგონები შინ დაბრუნდნენ. მამამისმა თვალნათლივ დაინახა, რომ მათ სიყვარული უკვე ნაგემი ჰქონდათ...” ან კიდევ: “რაც შეეხება დედას, თავისი სიცოცხლის ბოლო თვეებში იგი ნერვიული ინვალიდი გახდა...”

ამ ორ ‘მარგალიტს’ შუა ჩარჩენილ მშვენიერ ფრანგულ გამოთქმასაც ჩაილურის წყალი დაალეგინა მთარგმნელმა – იფიქრა ალბათ, მე ინგლისურის სპეციალისტი გახლავართ და ამგვარი უცხო რამ ჩანართები არ მეხებაო (ისე სწორია, ხომ იცი შენ – ინგლისური ენის სიწმინდე კუნძულელებმაც რომ დაიცვან, არ აწყენთ, ეს ფრანგული კოკობზიკობა რაღა საჭიროა!)

კარგი, შევეშვათ ამ ერთ გვერდს და ახლა ის ვნახოთ, დიალოგების გამართვაში თუა მთარგმნელი მეტ-ნაკლებად მაინც გაწაფული. ჩემის ღრმა რწმენით, ესაა მთავარი – აქ რიტმს, ტექსტურას, ინტონაციას თუ ვერ შეარჩევ, პლატონიც უგერგილო პროვინციულ პროზად გამოგინდებათ და ველარც რედაქტორს მოთხოვ რამეს. დავადოთ თითი პირველივეს, რომელსაც კი გადაფურცვლის შედეგად წააწყდებით: (გვ. 80)

— მე მოგწონვართ?

— ძალიან! მაგრამ, როგორც ხედავთ, ჩვენს შორის კოცნის საკითხი არ წამოჭრილა. ხომ მართალია?

— სრულებითაც არა! — მიუგო კონიმ, — აუცილებლად უნდა წამოჭრილიყო?

ახლა, ეს ნაწყვეტი რომ სადმე, ვთქვათ, “ძველი ვოდვეილების” დადგმაში ჩაგვეროთ, ვერ ივარგებდა? ეგ კი არადა, ზედმიწევნითაც ‘ჩაჯდებოდა’ ცხოხებულ ვასო გომიაშვილისა და ლენა ყიფშიძის დუეტში...

მდა-ა!.. დამძიმდა სურათი... საქმე საქმეზე თუ მიდგა, სამ გვერდზე გადაჭიმულ ამ დიალოგში (გვ. 79/81) თუკი ერთ (1) ფრაზას მაინც იპოვიოთ, რომელიც გაგრძნობინებთ, რომ სერიალების გადმოქართულებული ტექსტი კი არა, “დედამიწის შემარყვევლი” ინგლისელი მწერლის გახმაურებული რომანი გიდევთ წინ, თქვენი დანა და ჩემი კისერი. ოღონდ ეგაა, ღამე არ დამეძინება, ერთი აბზაცი მაინც რომ არ დავიმოწმო სრულად:

— ეჭვგარეშეა, რომ წყალი ასეთი სველი არ უნდა იყოს, ეს მის სისველეს აღემატება, მაგრამ ასეა! მე მომწონს ქალები და მათთან ვსაუბრობ, ამიტომაც მე არ მიყვარს ისინი და არც მათი სურვილი მწკავს. ერთდროულად ეს ორი რამ შეუთავსებელია ჩემში...

და ა.შ. და ა.შ. - ამ 415 გვერდიდან, რომელსაც კი არ დაადებ თითს, ყველგან რაღაცას იპოვი სამაგალითოს... ჩემი 33 წლიანი პროფესიული გამოცდილებიდან გამომდინარე, მხოლოდ ნეტარსხენებული გენრიხ ნეიგაუზის, ლეგენდარული პიანისტისა და პედაგოგის სიტყვებიდა შემიძლია მოვიშველიო: *ზამუჟ ვამ ნადო დეტკა, ზამუჟ!..*

გია ჯუმატყობიძე

ეს ერთი და...

პ. შუმილი — ‘ოინბაზი’.

თ. თოფურია — ‘დაგვიანებული წერილი...’

ლადო მაღაზონია ჯერ მხოლოდ ჩვიდმეტი წლისაა, თინათინ თოფურია —
ოცდაერთის; ერთის ინტერესის სფერო “მოთარგმანებაა”, მეორისა კი —
ვილაციხთვის საკუთარი სათქმელის გაზიარება.

რუბრიკის დასახელებიდან გამომდინარე, იმედია — ორივე ახალგაზრდის
ეს პირველი ლიტერატურული მცდელობა ფეხბედნიერი აღმოჩნდება და გვინდა
გვჯეროდეს, სამომავლოდ მათ წინ საინტერესო შემოქმედებითი
ცხოვრებაც ელით...





პაულ შუმილი

ოინბაზი

– ლა-ა-რსო-ო-ნ!!!

ვილაცას მეგაფონი მიუცია ჯეკისთვის. მოსაკლავია ეგ ვილაცა... ვაგონიდან გამოვდივარ.

– ლარსონ! შენი ჯერია!

– მერე, რა გაყვირებს?

რალაცებს მიხსნიან, უმარტივესია. ხალათს ვიხდი, იაგუარში მსახიობის გვერდით ვჯდები და...

– ლარსონ, მოიძრე ეგ საათი! – ყვირის კამერას ამოფარებული ოპერატორი.

ჩართეს კამერა, მანქანაც დაიძრა. ავტობუსს ვუახლოვდებით. მსახიობი გატეხილი ფანჯრიდან სალონში უნდა გადაძვრეს. საჭეს თავს ანებებს და მარჯვენა ფეხიც უკვე გარეთ აქვს. მის ადგილზე გადავდივარ. იაგუარს ავტობუსს ვუსწორებ და იმასაც მეტი რაღა უნდა – ერთი გადაბიჯება და შიგნითაა!

მორჩა, გადაღებულია... ეკრანზე მარტო ის გამოჩნდება, მძლოლმა როგორ უშვა საჭეს ხელი.

ხალათს ვიცვამ, საკუთარ ვაგონში ვბრუნდები. შეზღონგზე ვწვები, ფეხებს მაგიდაზე ვაწყობ.

– ჰა შენ ლანჩი და დამცავი კრემი! – სარა მეუბნება, ჩემი ადვოკატი, პრომოუტერი, მდივანი, ვიზაჟისტი, მასაჟისტი – მოკლედ, უბრალოდ ერთი კარგი და რაც მთავარია, უკომპლექსო გოგო...

– კრემი არა ისა...

ექტჩუპის ბოთლს ვართმევ, თავსახურს ვაძრობ და გემოზე ვყლურწავ – ცხარეა!

– ლა-არსონ!!!

ისეუ მეძახიან. სარა იჯდნება. თმას უჭეჩავ და ვაგონიდან გამოვდივარ.

ახლა რაღაც კომედიურ სცენას ვიღებთ. ბოთე მექანიკოსს ინსტრუმენტები ძირს ეყრება, დომკრატი ეშვება და მერე გაგორებულ ბორბალს მისდევს. ამ ამბავში ვეხმარები – ბორბალს მანქანის გარშემო ვაგორავებ. უადვილესი სცენაა, მაგრამ რეჟისორს რაღაც არ მოსწონს – უკვე მესამე დუბლი მიდის.

– გადაღებულია! მაგრები ხართ, ძაღლიშვილებო! ლარსონ, შენ კიდევ სუფთა მამაძაღლი ხარ!

ესეც კომპლიმენტია, რაღა... სარა ხალათს მაწოდებს. ვაგონში შევდივართ.

– გარეთ მეტი აღარ ვმუშაობთ, მარტო პავილიონის სცენა დაგვრჩა, – სარა მეუბნება.

იბლიანი დღეა. სულ 5 ეპიზოდი. თუ ბოლომდე ასე წავიდა, ოთხამდე მოვრჩებით.

ახლა შავი იუმორის და საშინელებების ჯერი დგება.

– შუქი მოაშორეთ! – ყვირის რეჟისორი. ოთახში დავდივარ და სანთლებს ვაქრობ.

– ახლა წითელი ჩართეთ... მეტი წითელი მინდა! წავიდა – თეფში!..

ვემორჩილები. თეფშს მაგიდიდან ვიღებ.

– კლაუდია შეშინებულია! შეშინებული-მეთქი, გაკვირვებული კი არა! შეშინებული!!! – ღრიალებს რეჟისორი.

ცოტა ვიძაბები, მინდა კლაუდიას თვალებში ჩაეხედო, შუბლზე ვეხები, ვუღიმი. კლაუდიას თვალები უფართოვდება და კვივის. მართალია სცენარში ასე არ წერია, მაგრამ ბუნებრივად კი გამოსდის.

* * *

შემდეგ ეპიზოდში პატარა ბავშვის სიზმარს ვიღებთ. ბიჭუნა ძილში მთელი სახლის გარშემო დაფრინავს. ბავშვს ხელში ვიჭერ და კამერის წინ ნელა, კატასავით ვმოძრაობ. ოპერატორის თანაშემწე კიდევ, ბავშვის გასაცინებლად, სიფათებს კერავს. ა, ნაღდი საპოლივუდე კაცი! და ამისთანას არ იყვანენ...

– გადაღებულია!


ბავშვს თავს ვანებებ. ხალათს მაწვდიან. სარა ბლოკნოტში იჭყიტება, მეუბნება ბოლო სცენა სად გვექნება. ეგეც იოლია – უბრალოდ, ქვიშაზე უნდა

გავიარო და ნაკვალევი დატოვო. როცა ფირს დაამონტაჟებენ, ყველას ეგონება, კვალი თავისით ჩნდება... ჩვენ, ვამპირებს, კამერა ვერ გვაფიქსირებს. სარკეშიც კი არ ვჩანვართ... კინოში – საერთოდ უჩინარი ვარ. ხელში რო მეჭირა, ის ბავშვი პაერში იფრენს, თუფში კი ცაში იქნება გამეშებული. თითო სცენაში კინოსტუდიას გვარიან ფულს ვუზოგავ. მეც კარგად მრჩება.

მარტო ერთი ეს მწყინს: ნებისმიერ სცენაში და ნებისმიერ ამინდში, ზამთარ-ზაფხულ, მიშველმა უნდა ვიმუშაო – გესმით თქვენ? მთლად დედამობილამ...

თარბმანი: ლადო პალაზონია





დაგვიანებული წერილი

I

სანამ აყვავდება იასამანი

წამით რომ შეგეშვირა სახე ნიაფისთვის, თვალები დაგეხუჭა და ფიქრი გაგეშვა საძივარზე... ეჰაა! — მატარებლის ვაგონებივით ჩაიქროლებდა თვალწინ ალგეთის გადატკეპნილი მინდვრები, წითურთმიანი სოფო, გზას მიჩერებული სანდრო, ამტვერებული შარაგზა... ხომ არის რაღაც, უბრალოდ ყოველთვის რომ გემახსოვრება, ჩაიბეჭდება მეხსიერებაში და მორჩა: თბილისიდან ახლადჩამოსული დედა, სანდროს შეძახილი — გოგლი-მოგლი!. წითური სოფო ტოტებგაფარჩხულ ბუჩქთან და სრულიად ბუნებრივი შეკითხვა — რატომ არ ყვავის ჩვენი იასამანი? უცნაურია, სახლის ეზოში, სადაც მხოლოდ ზაფხულში ჩადიოდნენ, იასამანი იყო დარგული: ყვავილი, რომელიც ამ დროს არ ყვავის. თუმცა, ეს არავის ადარდებდა, სანამ ერთხელ სანდრომ არ იკითხა... მაშინ წრეში ისხდნენ ალგეთის პატარები, ხელისგულები ერთმანეთისათვის მიეღოთ. მთელი ზაფხული ამ თამაშს თამაშობდნენ:

- წეროები!
- მიფრინავენ!
- სად?
- შორს!
- რამდენი?
- ოთხი. . . ერთი, ორი, სამი, ოთხი. . .

მოიქნევა სოფო პატარა ხელს, ცდილობდა გიოსი გამოეჭირა. სწრაფი იყო გიო. ხელს უმაღლ გამოაცლიდა გოგოს და დატოვებდა გაწბილებულს. ოთხი წერო! — წარმოიდგენდა გიო. საით მიფრინავდნენ? რატომ მიფრინავდნენ? სულელური თამაში იყო ნამდვილად და მაინც... ასე იკითხა მაშინ სანდრომ — რატომ არ ყვავის ჩვენი იასამანიო. პატარები იყვნენ ძალიან. გიომ და სანდრომ ცამეტი ზაფხული გაატარეს იმ სახლში, გაშლილ იასამანს კი ვერადა ვერ შეესწრენ... მარტო მწვანე ფოთლები და წერილი ღეროები... სოფოს ქვიშის პასკები და სანდროს მშვილდისრები, თქეში წვიმა და კიდევ ათას რამეს გაიხსენებდა, ნიაფისათვის წამით რომ შეეშვირა სახე... გიო ბიბლიოთეკაში ერთ-ერთ კომპიუტერთან იჯდა და ახლად მოსულ წერილებს უკირკიტებდა საიას მოძლიდინე. ბიბლიოთეკის კარს მარაოსავით აფრიალებდნენ სწავლას მოწყურებული ფაატის სტუდენტები — წინ-უკან, წინ-უკან... შეიძლება ყველა შე-

მომსვლელისათვის თვალი ვერც მოგეკრა, საიას კი აუცილებლად დანახავდი. გრძელი შავი თმა ჰქონდა საიას. გრძელი შავი თმა... დიდი ხომ არაფერი, ვის არ ჰქონიაო, იფიქრებ, არადა იყო მაინც რაღაც განსაკუთრებული ამ გოგოში. ხომ არიან ადამიანები, ნებისმიერ კითხვაზე პასუხს რომ დაატარებენ. ერთს შეხედავ და მაშინვე ამოიცნობ იმ რაღაც მნიშველოვანს... ასე იყო გიოს შემთხვევაშიც, გასაოცარი მოვლენები რომ წაეწვობა და შენც ფეხს ააყოლებ, არიქა არ ჩამოვრჩეო. ფიქრს მხოლოდ მერე იწყებ, უცხო ქვეყნის აეროპორტში მოხვედრილი. *იქნებ შემთხვევით?* – გაგირბენს თავში ეჭვიანი ფიქრი, *იქნებ შემთხვევით ჩავბარე ამ უნივერსიტეტში?* – მოჰყვება მეორე და ასე იქამდე, სანამ ერთ მშვენიერ დღეს, საია სწრაფი ნაბიჯით არ ჩაივლის აუდიტორიის გამოღებულ კარებთან და შენთან შეჯახებულს, ოც თაბახად დაბეჭდილი რეფერატი სულ ჰაერში აუფრიალდება. როგორც კინოფილმებშია – გოგო ბიჭს შეეჯახება და რახან გოგოც ისეთია, როგორც კინოფილმებში, ალბათ ყველაფერი მთლად შემთხვევითაც არ მომხდარაო, დაასკვნი. ესეც შენი პასუხი ყველა კითხვაზე. მერე რა სასაცილოდ ეჭირა წიგნები საიას, თითქოს თვითონ წიგნებს ეჭირათ პატრონი, გაფრენას არ აცლიდნენ... გიომ თურქული ჯერ არ იცოდა, ინგლისურად გაეცნო გოგოს. ეს ორივესთვის პირველი წელი იყო ფაატში. ფართე, შავი თვალები ჰქონდა საიას.

მას მერე, აგერ უკვე მთელი ზაფხულის სემესტრი გასულიყო, გიო ყოველ დღე მოდიოდა ბიბლიოთეკაში, საიას შემოსვლას ელოდებოდა. გოგო, როგორც ყოველთვის, უხერხულად თუ შეაყენებდა მანქანას უნივერსიტეტის ერთ-ერთ კამპუსთან — ესაო და გიოს მოულოდნელად წავადგე თავზეო, სირბილ-სირბილით ამოვიდოდა ბიბლიოთეკამდე და კარს ისე შემოაღებდა, შეუძლებელი იყო ვერ შეგენიშნა. მოკლედ, იმ დღეს წაიკითხა ბოლო წერილი გიომ. კუს ტბაზე დავიწყეთ ბიჭებმა ვარჯიშით — იწერებოდა სანდრო. ზღვიდან ახალი ჩამოსული, დღეში ხუთ-ხუთი საათი ცურვის შემდეგ, ახლა სახლში ვეღარ ჩერდებოდა. სხვებიც აიყოლია, დილაობით აღიოდნენ თურმე. ისე, ადრე სანდროს არასდროს უყვარდა ზედმეტი თავის შეწუხება. უცბად გაიზარდა სანდრო. ძველად გიოს გარეშე არსად წავიდოდა და არც ბიჭები დაუძახებდნენ. ყოველთვის გიოს ეძახდნენ და სანდროც გიოსთან ერთად იგულისხმებოდა. ახლა კი ძმის გარეშე ვითომც არაფერიო. წერილი გრძელი იყო და ესეც გაუზარდა გიოს — მოკლე წერილებში ხომ ფაქტიურად “რას შვების“ მეტი არაფერი წერია. ჯერ ბოლო წინადადება წაიკითხა: „უბანს გავარტყი, მთავარია ჩვენ ეზოს ხელს არ ახლებენ!“. მერე სულ თავიდან დაიწყო. ამასობაში საიაც შემოვიდა ბიბლიოთეკაში, პირდაპირ გიოსკენ გამოემართა. გოგოს დანახვა გაუზარდა გიოს და მაინც, ერჩია ორი წუთი კიდევ ყოფილიყო მარტო, წერილი ჩაემთავრებინა. საიამ ქართული არ იცოდა, სამაგიეროდ მეილში ინგლისურ ასოებს კითხულობდა და ქართული სიტყვების უცნაურ გამოთქმას დასცინოდა ხოლმე. ისე, გიოსაც რამდენჯერ გამოუთქვამს თუნდაც სიტყვა – ა მ ა ს ო ბ ა შ ი და არც უფიქრია რომ რაღაცნაირად გამოითქმოდა. გოგოში ეს სიტყვა დიდი შენობის ასოციაციას იწვევდა. ბევრს იცინოდნენ ერთად. მშვიდი სიცილი ჰქონდა საიას.

სახლების ამბავმა ძალიან დააინტერესა გიო: სანდრო იწერებოდა, რომელიღაც ფირმას უყვინძია თურმე მთელი ქვედა უბანი. ჩვენ ქუჩაზეც მიანგრ-მოანგრევენ ძველ სახლებს, კორპუსები უნდა ჩაღვანო. სანდრო საშინლად

ბრაზობდა. გიოც გაბრაზდა თავიდან, ეს რომ წაიკითხა. მერე დაფიქრდა და — მოსახდენი მაინც მოხდებოდა, დაასკვნა. ადრე თუ გვიან ხომ მაინც ყველაფერი უნდა შეცვლილიყო... საინტერესოა, ახლა სადღა შეიკრიბებიან უბნის ბიჭები, თუ ვანიკოს ეზოდან იმ “მოჩვენებების” სახლებს აიღებენ? ვეღარც ვახოს აივნიდან შეძლებდნენ შიშველი ნატას და ანუშკას ყურებას! (საღამოს ასე იცოდნენ ხოლმე ბიჭებმა — ვახოსთან ადიოდნენ „საქეიფოდ“, როგორც თვითონ იძახდნენ და ცალი თვალი კი სულ ეზოს იქითა სახლის ფანჯრებისკენ გაუბრუნდებოდათ: იქ დები ცხოვრობდნენ — ნატა და ანუშკა. საძინებელი ოთახი ფართე ფანჯრებით გამოდიოდა ეზოში. შუქის ჩაქრობით ვგენი თავს არ იწუნებდნენ და ფარდები კი ისეთი თხელი ჩამოეკიდათ, მხოლოდ გზააბნეულ კოლოს თუ შეაკავებდა, მეტს ვერაფერს.) სულ ცოტა ხანი იყო გასული, რაც გიო თბილისიდან წამოვიდა, შეგრძნება კი ისეთი ჰქონდა, გეგონება საუკუნე გასულიყო. თითქოს სულ ასე იყო რომ ფაატის საერთო საცხოვრებელში იღვიძებდა დილით, თითქოს სულ ასე იყო რომ ერთ ბეწო სააბაზანოში იბანდა პირს და მერე ეს ახალგაღვიძებული ფაატელი ბიჭების ზუზუნნი... ძალიან პატარა ოთახი ჰქონდა გიოს: სულ ორი ლოგინი, ერთი მაგიდა, სკამიც ერთი, თარო — ერთნახევარი. წოლოსთან შეთანხმებული იყო, რომ ერთი თარო გიოსი იქნებოდა და ნახევარიც — წოლოსი. შეთანხმებული რა, უბრალოდ შეაწყო გიომ თავისი წიგნები და რაღას ეტყოდა წოლო, გამხურებული კაცი ნამდვილად არ ეთქმოდა. საერთოდ, რა უნდოდა წოლოსთან ერთად ცხოვრებას — არ ხვრინავდა, მაგნე ჩვევებიც არ ჰქონდა — მოკლედ, *უპრობლემო!* — როგორც იტყოდა ხოლმე საია და მერე გიოს მიუბრუნდებოდა — *man, you are so-o-o lucky!* ახლა ეძინა წოლოს. სასაცილო ძილი იცოდა — მოიკუნტებოდა ერთ მუჭად — მუხლები ნიკაპთან — და ასე იწვა დილაამდე, გაუნძრევლად. შეგეცოდებოდა გაღვიძება, არადა არ ასცდებოდა მაინც. წოლოს ლოგინიდან გამოყრილ, გაჩხინკულ, იატაკის ჯოხივით გრძელ ფეხებს ახლა ნელ-ნელა აცოცდებოდა მზის სხივები — ნელინელ, თვალუბამდე და ეგაა — ან მზე გამოაღვიძებდა, ან საიას ძახილი ქვემოდან: *Giio, George! hurry up! we're late!*

* * *

სად იყო ამდენ ხანს საია? როგორც ყოველთვის, ალბათ ისევ გონებადაფანტული მოაქროლებდა თავის წითელ, “სათამაშო” მანქანას. უკვე უახლოვდებოდა ალბათ ბიჭების საერთო საცხოვრებელს. ბევრ რამეზე ფიქრი არ სჭირდებოდა გიოს: შარვალი ყველა დასვრილი ჰქონდა, ჯინსის გარდა, წიგნებზე კი საია ზრუნავდა, როგორც ყოველთვის... ერთი კბილების გახეხვა და თმაც... თმა სჯობდა მარცხნივ გადაევარცხნა, ასე უფრო დიდს ჰგავდა, თან წვერიც ახლად ამოსული, ოდნავ, მეჩხერად... ერთხელ საიამ ისიც კი უთხრა, თმაჩეხილიც მიყვარხარო. სწორედ ასე უთხრა. გიო ჯერ დაიბნა — ეს სიტყვები ხომ არც ისე ადვილი სათქმელია და გაუკვირდა, ეს რა თამამი ვინმე ყოფილაო... მაშინ გიო ახალი ჩამოსული იყო სტამბულში. საიაც ახალი გაცნობილი ჰყავდა. გემით გადადიოდნენ ევროპიდან აზიაში. გოგოს *ქადიქოის* დათვალიერება უნდოდა. ამბობდნენ, სავაჭრო ცენტრებით არი სავსეო. საყიდლებზე სიარული კი საიას საყვარელი საქმიანობა იყო. ასე დაატარებდა მაღაზიიდან-მაღაზიაში ბიჭს და მოდის ახალ საოცრებებს აზიარებდა ხოლმე, არადა გიო ქართველი

მამაკაცების იმ ოთხმოცდაცხრამეტ პროცენტს მიეკუთვნებოდა, რომლის აზრითაც მოლაში მხოლოდ ქალები და “ცისფერები” ერკვევიან. მაშინ უყიდა გიომ სანდროს ის ყავისფერი ქუდიც. კარგი ქუდი იყო ნამდვილად, თვითონაც სიმოვნებით დაიხურავდა. ასე ელო კაიხანს თავის ოთახში, გლობუსს ჩამოფხატებული, სანამ ერთ მშვენიერ დილას საბოლოოდ თავზე არ დაიკოსა და ემრესთან არ გადავიდა მთავარ კორპუსში. ემრეს საქმე ის იყო, სტუდენტებისთვის სტუდქალაქის ზედმეტად დატოვების საჭიროება აეცილებინა თავიდან. ამანათების გაგზავნის საქმესაც ის აგვარებდა, მხოლოდ ფული უნდა მიგეცა, მისამართი და საქმეც გაკეთებული იყო. გიომ საბოლოოდ ვერც დაადგინა, მიიღო თუ არა სანდრომ გაგზავნილი ქუდი. არც სანდროს მოუწერია — მოეწონა თუ არა, გიოსაც აღარ უკითხავს ზედმეტად. ასეთი ყავისფერი ქუდი მამასაც ჰქონდა — ძველი, მაგრამ კარგად შენახული, ოთახში თუ დაიხურავდა სანდრო ცოტა ხნით, მერე ისევ თავის ადგილზე აბრუნებდა. საერთოდ, მამას ნივთებს ხელს არავენ კიდებდა სახლში. ცალკე ჰქონდათ მამას კარადა, კარადაში კი კოსტუმები... ზოგიერთი საერთოდ ჩაუცმელი. მამას საფერფლე, მამას წიგნები, მამას საათი — მამისავე მაგიდაზე იდო, მამას კაბინეტში. იქ გიო და სანდრო ბავშვობაში ჩუმად თუ შეიპარებოდნენ, ცნობისმოყვარეობის დასაკმაყოფილებლად. მამას მაგიდის უჯრა სავსე იყო ქაღალდებით, ზედ რაღაც ციფრები ეწერა. მამის საქმეებში მის მეტი ვერავინ ერკვეოდა. ისე, ერთხელ კი სცადა უკვე წამოზრდილმა გიომ, გამოერკვია მაინც, რა ციფრები ეწერა იმ ფურცლებზე. არაფერი გამოუვიდა. თამილასგან იცოდა, მამას ერთ დროს რესტორანი ჰქონდა გახსნილი და იმ რესტორანში თურმე საუკეთესო ხინკალს ახვევდნენ. ასე იძახდნენ — საუკეთესო რესტორანიაო. გიო მაშინ ისეთი პატარა იყო, სულ არ ახსოვდა არანაირი რესტორანი. გიოს არც მამა ახსოვდა, მხოლოდ ფოტოებიდან და სიზმრებიდან.

* * *

სიზმრებიდან ახლად გამორკვეულმა წოლომ თვალები მოიფშინტა. ზმორებით წამოიცვა მზისგან გახურებულ ფეხებზე ფლოსტები და სააბაზანოში გასძახა გიოს: *გიო, ათია უკვე, დააგვიანე!*

გიო ოთახში გამოვარდა, საათს გახედა.

— ლექცია დაიწყო! — წამოიყვირა უკმაყოფილოდ და მიხვდა, ამ ამბავს ველარაფერს უშეელიდა. ლექცია რომ გააცდინა ეგ არაფერი, საია სად იყო ამდენ ხანს?! იქნებ ეძახდა და გიომ ვერ გაიგო. მაშინ რატომ არ ამოვიდა, არ დააკაკუნა... არა კაკუნის ნამდვილად გააღვიძებდა. საერთოდ ფხიზელი ძილი იცოდა გიომ, იქნებ სულაც დაავიწყდა საიას, დღეს რომ ერთად მიდიოდნენ ლექციაზე. ენდე ახლა ქალს! არა და, საია არ იყო ასეთი. ისე, უბრალოდ არასდროს იტყოდა რამეს... გაუგებარია!

ლექტორმა — საია დღეს დილით ავარიაში მოყვა და საავადმყოფოდან დაგვირეკაო. არაფერი სერიოზული, მსუბუქი ტვინის შერყევა. საპატიო გაცდენა ჩაუწერიათ გოგოსთვის.

— საპატიო გაცდენა! — გაეცინა გიოს. ლექტორმა გაკვირვებით შეხედა. ნეტა რას იღრიჭება ეს ბიჭიო და მოლუმული გავიდა აუდიტორიიდან.

— საპატიო გაცდენა! — გაიმეორა თავისთვის გიომ. — დილით რომ

ჩასძინებოდა ეს საპატიო არ იქნებოდა, ავარიამი რომ მოყვა — ეგ საპატიოა, ხომ! რას ჰქვია საპატიო? მაგას ვაჩვენებ როგორი საპატიოცაა! სულ ვეუბნებოდი, მანქანის ტარება არ იცი-მეთქი. არ იცის და მაინც ატარებს, თან რა სიჩქარით ატარებს! — გაბრაზებული გიო უნივერსიტეტიდან პირდაპირ უმრანიეს საავად-მყოფოსკენ გაემართა. ისე ბრანობდა, თვითონ უკვირდა, ასე რატო ამდღელვა ამ ამბავმაო. არცერთი გოგოს გამო არ უღელვია არასდროს. არა, საია გამორჩეული კი იყო სხვებისგან, მაგრამ — ასე?

გიომ საავადმყოფოს მისამართი ზუსტად არ იცოდა. ქუჩა სავსე იყო ხალხით, მაგრამ ისე ჩქარა მიმოდიოდნენ ვერავის კითხვადი რამეს. იქვე შორიახლოს, პატარა სკვერში, ბავშვები წუწობდნენ შადრევანთან. გიომ ქუჩა გადაჭრა და შადრევნის გვერდით, სკამზე ჩამოჯდა. ძალიან ცხელოდა. მზე ისე დასწოლოდა ჰაერს, როგორც აკვიატებული მელლოდა სმენას. ჯერ იფიქრა, წყალს ვიყიდო. წყლის გამყიდველები არსად ჩანდნენ, არადა ბუზებივით ირევიან ხოლმე ზაფხულში. უცნაურია. წყლის გამყიდველები... თავიდან რომ ჩამოვიდა, გაუკვირდა — ყველა თურქი წყალს ყიდულობდა. გადასახადებიც იყო, როგორც დენზე და გაზზე... საერთოდ, ბევრი რამე აოცებდა ახალჩამოსულ გიოს. ზოგჯერ გაკვირვება გაბრაზებაშიც გადასდიოდა ხოლმე. ხან კი პირიქით.

— საქართველოში გააქვთ ზღვა? — გულწრფელი უვიცობით შეეკითხა გიოს სააბითი. ძალიან გააკვირვა ამ კითხვამ. ალბათ ხუმრობსო, იფიქრა და თვალბში ჩახედა. სააბითს თვალბები შავი ჰქონდა, ოღონდ უძირო ჭკასავით შავი კი არა, ფურცელზე უმიზნოდ დაღვრილი საღებავივით შავი. გიომ ვერანაირი ქვენა აზრი მათში ვერ ამოიკითხა.

— საქართველოში ზღვა... რა თქმა უნდა... წარმოიდგინე ლურჯი ზღვა, წყნარი. სანაპირო სუფთა, ირგვლივ მთებია მწვანე და ყველგან უფასო წყალი, ანკარა.

— უფასო? — გაცოცდა სააბითი.

— უფასო და გემრიელი. საქართველოში ისეთი ბუნებაა ... — წამოენთო გიო და ეს რა პატრიოტი ვყოფილვარო — გაიფიქრა.

მაშინ ზღვისპირას ჭყუმპალაობდნენ, იალოვაში. სააბითმა ცურვა არ იცოდა. წყალში ისე უსუსურად ფართხალბდა, როგორც თევზი მეთევზის სათლში. დიდი არაფერი დრო ატარა გიომ იმ იალოვაში, თუმცა ახლა მაინც კარგად ახსენდებოდა ზღვა და ყველაფერი, შეიძლება ასე რომ ცხელოდა, იმიტომ და წყლის გამყიდველებიც კვლავ არსად ჩანდნენ... ტენის შერყევა მსუბუქი ფორმით! — ეგ არაფერი. ერთი-ორ კვირაში კარგად იქნება. მთავარია თავი არ აქნიოს ბევრი!...

ასეა, რას წარმოიდგენ, რამ შეიძლება აგაღელვოს ზაფხულის მშვენიერ დილას: გაიღვიძებ, გაისეირნებ ქუჩებში, ჩამოჯდები შადრევანთან, ბავშვები წუწობენ ირგვლივ... თითქოს ყველაფერი კარგადაა და ეს სასაცილო ფიქრი მაინც არ გასვენებს... — “ძლიერად თუ დაარტყა, თავი არ ეტკინებოდა?!” მეტი რა არის — აი, უაღრესად ამადლებული ტონით რომ იტყვიან ხოლმე: “სიყვარული”, და მერე განმარტავენ: “ერთგულება”, “თავგანწირვა”, “მსხვერპლის გაღება”... ავარიამი მოყვება საია, გიო კი ზის შადრევანთან და უკვირს, ასე როგორ ამდღელვა ამ ამბავმაო. ესეც ასე, ამას მეტი რაღა განმარტება უნდა?

როგორც ახსოვდა გიოს, პირველად სანდროს შეუყვარდა გოგო — რა ერქვა

— ხო, ანი... თითქმის ერთი წლის წინ, ჯერ კიდევ სკოლაში დადიოდა მაშინ. სანდრო პირველი იყო გიოს მთელ სამეგობროში, მთელ ნაცნობ ბიჭებში, ვინც გოგოს გულისთვის ფეხბურთის თამაშზე თქვა უარი, ერთ კვირა დღეს; ვინც გოგოს გულისთვის თმა შეიჭრა და საშემოდგომო ბრიჯების ნაცვლად შარვლის ტარება დაიწყო. არადა, თბილოდა ჯერ, ყოველ შემთხვევაში, არ ციოდა. თავიდან გიო ვერც ხვდებოდა რაში იყო საქმე, უბრალოდ დაინახა, სანდრო უცბად შეიცვალა და ძალიან არ მოეწონა ეს ამბავი. ერთხელაც, უკან დაღვენილებულმა, სანდრო ყვავილების გამყიდველთან დაინახა ქუჩაში. მაშინვე მიხვდა ყველაფერს. მერე ბევრი ეცადა გიო, რაიმენაირად გამოეჭეხა ძმა. იქიდან უარა, აქედან უარა, მაინც ვერაფერი ათქმევინა, იმის გარდა, რომ გოგოს ერქვა ანი.

II

ჩემი ეზო, შენი ეზო, სხვისი ეზო —

ჩემი სახლი, შენი სახლი, სხვისი მანქანა...

დილაადრიან, ჯერ კიდევ სანამ მარტოობით გათამამებული ძაღლი ქუჩებში დაძრწოდა და ყველაფრის ბატონ-პატრონი ეგონა თავი — პატარა, კულულა-თმიანი თუა თითის წვერებზე აიწია, კარის სახელურს მთელი ძალით ჩამოაწვა და აივანზე გავიდა. ოქტომბერი იწურებოდა. უკვე ჰაერშიც იგრძნობოდა ზამთრის მოახლოება. მუქარას ჩახვდნენ ჩიტები, სწრაფად ამოშალეს ფრთები, თითქოს ბუმერანგები ისროლესო გვერდებიდან, ერთად გადაუფრინეს წითელ სახურავებს.

— ანი! ანი! გაიღვიძე, ნახე — ჩიტები! თან რამდენი! ნახე, ნახე, ანი-ო!

ოთახის ბოლოს, ლოგინში ანი იწვა. თავი წამოწია, გაახსენდა, რომ დღეს დილით ბაღეტი ჰქონდა და გაეღიმა.

პატარა თუამ ანის უჯრიდან თეთრი თაბახის ფურცელი ამოიღო, ფანქრებიც ამოყარა და ჩიტების ხატვა დაიწყო, ოთახის ფანჯრებს რომ გადაუფრინეს და კარგა ხნით მიატოვეს აქაური უფერული ეზოები — ეზოები, ფრთების გარეშე რომ ვერაფრით დააღწევდით თავს — ჯერ თოკებზე გაფენილი სარეცხის გაჩოჩება მოგიწევდათ, მერე პატივისცემით უნდა აგველოთ გვერდი ეზოში ოდესღაც ერთადერთი წყლის ონკანისთვის, გვერდით მიწყობილი ქვაბებისთვის, ჯამებისთვის, ტაშტებისთვის და რა ვიცი...

მოკლედ, ამ ყველაფერს ერთად იტალიურ ეზოებს უძახდნენ ადამიანები და თუ ამ ადამიანებს ბრმად ვენდობით, იტალიელები ნამდვილად დიდი უამბიციო ერი ყოფილა. ციოდა, მზეც სითბოდაკარგული სხივებით ამოსულიყო უკვე — მხოლოდ ვალს იხდიდა. ეს იმას ჰგავდა, ღამით, გაყინული ფეხების გათბობას რომ ცდილობ და არაფერი გამოგდის, რადგან საბანიც ცივია... გიო აღშფოთებული წამოხტა ლოგინიდან. სიზმრიდან გამორკვეულმა, ოთახის მეორე კუთხეში თმააჩეჩილ, მძინარე სანდროს გადახედა და დაამთქნარა. სანდროს საბანი საღაცაა ძირს ჩამოვარდებოდა, მერე დედა შემოვიდოდა ოთახში და დაიწყებდა ჩხუბს — რატომ ეგლო სუფთა საბანი ძირს, რატომ ყვარა წინდები იატაკზე და ყოველდღე რატომ აგვიანდებოდათ სკოლაში... გიომ სავარძელზე დაყრილი, ახლადგარეცხილი ტანსაცმელი გადაქექ-გადმოქექა და სანდროს ერთ-ერთ შარვალში მძიმე, ვერცხლისფერი სანთებელა ჩააცურა. სანდროს ეძინა,

ესიზმრებოდა ალგეთი და ზაფხულის ცხელი დღე... სოფოს გაშლილი წითური თმა, თივის ზვინებზე გავოლილი, მზეზე გარუჯული ბავშვები ჯერ კიდევ მკვახე ვაშლებით ხელში და ეს გამრიელი ხრაშუნი... ანტონოუკაა – სიამაყით რომ იტყოდა დედა. მცხუნვარე მზე, ოფლით დაცვარული სხეული და – *მოდო დაჭერობანა!* — წამოიძახებს რომელიმე, ისმის ალგეთის ჩუხჩუხი, ხეების შრიალი, გვერდზე მიყრილი ბადმინტონის ჩოგნები და ეს ძახილი შორიდან – *წეროები, სანდრო!* – გიოს ძახილი, თითქოს მინდვრის იქიდან – *მიფრინავენ სანდრო-ო! ცხრა წერო! სანდროოო...*

სანდრომ თვალები გაახილა და უკმაყოფილოდ გამოხედა გიოს. – რა, მართლა ცხრაა უკვე?

– კი, ადგ დროზე.

“ისევ სკოლა” გაიფიქრა სანდრომ და – ისევ სკოლაო! – წაიბურტყუნა.

ყველაზე ძნელი პირველი გაფართხალება იყო, ადგომის წინ: საბანს რომ ოღნაუ გადაწვევ, ფეხს გადმოყოფ ლოგინიდან, თავი ასე, დამძიმებული, მიჯაჭვულივით გრჩება ბალიშზე, ყველა მხრიდან ხის რიკულებიანი აივნის ჭრიალი ისმის, გარს რომ ახვევია სახლს, და დილის ფრიაპული თამრიკოს სამზარეულოში, შორენას დაუვიწყარი მცენარეები, ახლადგადვიძებული, სიომონაბერი ხე-ქალბატონი ოჯიში... ყველაზე საინტერესო სახლი, ყველაზე-ყველაზე საინტერესო ეზოში, მთელს ქალაქში ყველაზე საინტერესო ბინადრებით – ასე გეტყოდათ, რომ გეკითხათ სანდროსთვის და მარტო მიშა ბრეგადის სასტუმრო ოთახში ეს რეიდები რად ღირდა! და საერთოდ, რა ადვილი იყო ამ სახლის ნებისმიერ ფანჯარაში შეძრომა! მიშა მათემატიკას ასწავლიდა ბიჭებს სკოლაში. გიო და სანდრო ბრეგადის ერთ-ერთ ოთახში შეიპარებოდნენ ხოლმე, იქიდან დიდრონ, უკვე ანტიკვარიატად ქცეულ რადიოს გამოიტანდნენ და ეზოს შუაგულში, ონკანის გვერდით დადებდნენ; ბატონი მიშა საუზმეს მორჩებოდა, გარეთ გამოვიდოდა, კარს საგულდაგულოდ ჩარაზავდა და მაშინლა შეამჩნევდა, ვიღაცას ჩემი რადიო ეზოში გამოუტანიაო. მიშა გაცხარდებოდა, მაგრამ ამით რაღას უშველიდა საქმეს... ასე ერთობოდნენ სანდრო და გიო – კვირაში ერთხელ მაინც ხან რადიოს, ხან სკამს, ხან სხვა კიდევ რამეს გამოათრევდნენ გარეთ, ხუთი წუთით მაინც აფერხებდნენ გაკვეთილის დაწყებას... ამას უფრო ფორმალური სახე ჰქონდა თორემ, ხუთით კი არა, წუთითაც არ შედიოდა არცერთი გაკვეთილზე. გიომეთერთმეტე კლასში იყო, სანდრო – მეცხრეში. თითქოს დიდი არაფერი განსხვავება ასაკში, ორი წელი, არადა სულ არ გავდნენ ერთმანეთს! სანდროს კითხვა უყვარდა – ისტორია, ფილოსოფია... გიო დეტექტივებს თუ წაიკითხავდა, სამაგიეროდ მათემატიკაში იყო ძლიერი გიო. ძალიან ძლიერი. სანდროს ნივთების შეგროვება უყვარდა: მონეტები, მარკები.. გიოს ნივთები არასდროს ადარდებდა, ოთახშიც მიყრილ-მოყრილი ჰქონდა ყოველთვის ყველაფერი. სკოლის მერე, საღამოს, სანდრო ცურვაზე დადიოდა, გიო – ჩოგბურთზე: წყლისკენ გული დიდად არ უწევდა. სანდროს არასდროს ესმოდა, როგორ შეიძლება წყალი არ გეყარებოდა. ჯერ კიდევ ხუთის იყო თუ ექვსის, ალგეთის ბავშვებთან ერთად რომ ჩაირბენდა ხეხილით გადავსებულ ბაღებს, მძიმე-მძიმე ქვებს მიათრევდნენ მდინარისკენ და მერე რა სიამოვნებით ცურაობდნენ ერთი ბეწოზე შეგუებულ ალგეთში! – სანდროო! – გამოსძახებდნენ სოფლელი ბიჭები, შუადღის თაკარა მზეში ამტკერებული

შარაგზის პირას ჩამოსხდებოდნენ, ელოდებოდნენ. თბილი იყო მდინარე ნაშუადღევს, ქვეები კიდე — ისეთი გახურებული, ისეთი გახურებული! გიოსთვის რომ გეკითხა — *ასიანი, მზის დარტყმა ზედა გვაქო!* — გეტყოდა. თვითონ ქალაქიდან დასასვენებლად ჩამოსულ ბავშვებთან ერთად ატარებდა მთელ დროს სახლში, ან ეზოში. ჯოკერში მოიგებდა, ჭადრაკში წააგებდა და ასე, დაღამებამდე...

* * *

უკვე ღამე იყო, სანდრო რომ საცურაო აუზიდან გამოვიდა. ცხელი შხაპის მერე ჰაერი ისეთი შემსუბუქებული ეჩვენა... გრილი ნიავი სახეში სცემდა და შარვლის ტოტები ფეხებზე ეტმასნებოდა. მხოლოდ ახლა შენიშნა სანდრომ, ჯიბეში სდებია თურმე საყვარელი, ვერცხლისფერი სანთებელა. „გიოს ტყუილა ვეჩხუბე, მართლა არ აუღია“ — გაიფიქრა და გაეღიმა. ქუჩა ბნელი იყო, ვიწრო და დაჩუქებული. ლამპიონები აქა-იქ ბუუტავდა მხოლოდ. ქუჩის იქითა მხარეს ვიღაც რკინის კანისტრას დაახრიგინებდა. ხან მანქანის ფარები გაანათებდნენ ქუჩას, ხანაც ღამე დაამთქნარებდა, ქარს ამოუშვებდა და მიახეთქებდა აგურის შენობებს.

— ბოდიში, ერთი ეს დამიჭირე... ოღონდ ძირს არ დადო საღებავი, გადმოვა... — ის ბიჭი, რკინის კანისტრით რომ დარბოდა, ახლა სანდროს წინ დაყუდულიყო. სანდრომ კანისტრა გამოართვა, იგრძნო, ხელისგულები საღებავით დაეთხვარა.

— ვაჰ, ეს რას წერ? — იკითხა სანდრომ და ასფალტზე გამოყვანილ ასოებს დახედა.

— ჩუმაღ! გაიგებენ! — თქვა უცნაურმა ბიჭმა და სახლის ფანჯრებს ასხედა.

სანდრომ ქუჩა მოათვალიერა — არავინ ჩანდა.

— აი, ცოტაც დამჩრა — მომეხმარე! — ისევ ჩაისისინა უცნობმა.

კანისტრის ტუჩიდან საღებავი გადმოღვარა და ასფალტზე დაიწერა “ხარ”... მერე სანდრომ სხვა ასოებიც გაარჩია: *ანი მიყვარხარ!!!*

“ამ სახლში ცხოვრობს ანი. ანი ალბათ მხიარული გოგოა, ალბათ ლამაზი გოგოა ანი...” — გაიფიქრა სანდრომ.

ქარიანი ღამე იყო, ჯერ კიდევ თბილი და მაინც ქარიანი. გიო შინ იჯდა და ხელები ექავებოდა, რამე მაინც “დაელაგებინა”. საერთოდ გიოსთვის რომ გეკითხა, სჯობდა ყველა საქმე “დროზე ადრე” გაკეთებულიყო — უნდა ეჭამა, სანამ მოშივდებოდა, უნდა დაწოლილიყო, სანამ მოსწყდებოდა კისერი, უნდა ამოეყარა ზამთრის ტანსაცმელი, სანამ დაიბუდებდა ქალაქში ნამდვილი სიცივე. მთავარი შარვლების გადარჩევა და ლოგინზე დაყრა იყო, დანარჩენს დედა გააკეთებდა: ოთახში შემოვიდოდა, კარადას გამოაღებდა, ყველაფერს თავის ადგილს მიუჩინდა... ერთ საზაფხულო შარვლის ჯიბეში ოცლარიანი ჩააცურა გიომ — მომავალ წელს რომ ჩავიცვამ და ფულს ვიპოვი, გულს გაუხარდებო... მერე ყველაფერი ცელოფანის პარკში ჩაყარა, კარგად მოუკრა თავი და ფუთა კარადის სულ ზედა თაროზე შეაგდო. *ესეც ასე, ახლა ყველაფერი რიგზეა...* — ჩაილაპარაკა თავისთვის და ეს უსაშველო ფორიაქი თითქოს ოდნავ დაიცხრო.

ასე იცოდა გიომ, ერთ საქმეს თუ არედა, მეორეს დაალაგებდა, თანაბრობის აღსადგენად. საფოფინო ოქროს შუალედი!! არედა რა, თვითონ კი არაფერ შუაში იყო — უბრალოდ, როგორც იტყვიან, ცუდ დროს, ცუდ ადგილას მოხვდა — ეგ იყო და ეგ. პატარა გაუგებრობა. ჭილოლების მანქანასთან იდგნენ გივი, ვახო და გიო. ვახო თავისებურად უკბილოდ ხუმრობდა... ახლა მაგას რა მნიშვნელობა აქვს და გივის გულზე უშნოდ მოხვდა ვახოს ხუმრობა. ერთი პატარა რამე და წყობიდან გამოდიოდა ეს კაცი, მაგიტომაც არ ენდობოდა გიო. გიო იდგა იქვე, უბრალოდ უსმენდა, თუმცა საქმე საქმეზე რომ მიდგეს, არანაირი მნიშვნელობა არ აქვს დგახარ, ზიხარ თუ ქვას იღებ ხელში და მანქანას ფანჯარას უმსხვრევ, არანაირი... იქ ხომ იყავი? მორჩა. სწრაფად კი აორთქლდნენ, მანქანის სიგნალიზაცია რომ ჩაირთო, და ახლომახლოშიც არაუინ იდგა, არც არაუინ დაუნახავს თითქოს და მაინც, გიო მოელოდა რომ ამოვიდოდა ამ საღამოს ვახო, სკამზე ჩამოუჯდებოდა სერიოზული სახით და გააბამდა თავისას:

— გიო, მაააგარ შარში ვართ! ეზოში ჭილოლები მოლაგდნენ. მანქანა სერიოზულად ცუდ დღეშია — აზრზე მოდი, სკამებიც წაუღიათ! ჩვენ კიდევ ვილაცამ მოგეწვა ეტყობა. გივიც რო მოტყდა...

— სიგნალიზაცია რა, ვერ გაიგონეს? მაინც ვინ იქნებოდა — გამწარებული ყავდათ ვინმე?

— გათიშული მთვრალი ყოფილა ის თავგასიებული... რავიცი მე, არ ევასებოდათ ეგ კაცი და იმიტომ გაუკეთეს ალბათ, მაგას რა მნიშვნელობა აქვს, იმაზე ამოვედი, სახლში იჯდე ჯობია ცოტა ხანს. ახლა ქვევით არიან და არი ერთი ამბავი. მოკლედ, მობეზრდებით დგომა და წავლენ. ამ დღეებში უბრალოდ ფრთხილად იყავი, გესმის? და სანდროსაც ყურადღება მიაქციე. ისე, სადაა შენი ძმა?

— ცურვაზეა, მალე მოვა. — და გიომ საათს გახედა — “სადაა ამდენ ხანს” — გაიფიქრა.

სანდრომ და უცნობმა ბიჭმა, საქმე რომ მოამთავრეს, ერთად გააგრძელეს გზა. ხელები სანდროსაც გვარიანად დათხვროდა საღებავით. გზაში გამოირკვა, ბიჭს ზურა ერქვა, თექვსმეტი წლის იყო და ამავე ქუჩაზე ცხოვრობდა, მეზობელ კორპუსში. სანდრო ზურას სახლში აჰყვა, ხელები დაიბანა, უკვე წამოსვლას აპირებდა, რომ უცბად გაახსენდა...

— ანის დიდი ხანია იცნობ? საერთოდ იცნობ? — გულსგარეთ იკითხა და გაიფიქრა: “დღეს ცურვაზე რომ არ წამოვსულიყავი, არც მეცოდინებოდა, რომ ამ ქუჩაზე ცხოვრობს ანი.”

— ბავშვობიდან. — მოკლედ უპასუხა ზურამ, ფანჯრიდან ქუჩას გადახედა და რაღაც ეჭვის ჭია გაუჩნდაო თითქოს: “ნეტა თუ მიხვდება, მე რომ დავწერე, სხვა რომ ეგონოს?” — გაურბინა თავში.

— კლასელი თუ...? — ისევ იკითხა სანდრომ და გაიფიქრა: “ანი ალბათ მაღალია და გამხდარი... ნეტა როგორია ანი?!”

— არა, ეზოელი... შენ თვითონ სად ცხოვრობ? — ეჭვის ჭიამ მეტად და მეტად შეაწუხა ზურა: “მერე ის რომ ეგონოს, რა ერქვა — სერგო! საერთოდ ვინ ოხერია ეს სერგო?!”

— აქვე, სტადიონის უკან. — უპასუხა სანდრომ და გაიფიქრა: “ეზოდან... ეზოში იქნებ სხვა ბიჭებსაც უყვართ ანი... ანი ალბათ მაღალია და...”

— მანდ კიჭას იცნობ? — ისევ იკითხა ზურამ. ჭია მთლად დაიკლაკნა და ჩაეხვია: „არ მოეშვეება ეგ ბიჭი ღლაბუცს და ერთი კარგად შემომეღალახება!“

— კიჭა გვერდით ეზოშია, კარგად არ ვიცნობ. — უპასუხა სანდრომ და გაიფიქრა: „ანის ალბათ გრძელი, წაბლისფერი თმა აქვს და თვალები... თვალები...“

— მანდ ტყეხოს იცნობ? — უკვე სასხვათაშორისოდ იკითხა ზურამ, კართან მივიდა და გამოალო.

— არა. ტყეხოს არ ვიცნობ — სასხვათაშორისოდვე უპასუხა სანდრომ, ქურთუკს ხელი დააულო და კარში გავიდა.

— აბა მაგრად! — მიაძახა ახალგაგნობილს — „თვალები ალბათ მწვანე აქვს, ნამდვილად მწვანე უნდა ჰქონდეს...“

— მაგრად! — გამოსძახა იმანაც — „აი ღარდი, სერგო ეგონება და დელას ვუტირებ მაგ სერგოს... ეგრე იქნება.“

* * *

— დელას ვუტირებ მაგ ნაბიჭურებს! — ვერ აშოშმინებდნენ იკას. ჭიშკართან იდგნენ ბიჭები. ჭილოლაშვილები და კიდევ ერთი, გამხდარი.

— არ ღირს იკა, მაგათი გაკეთებული არ იქნება... სულ ტყუილა გაებნენ ეგ ბაჭაჭყანები. ახლა ჩვენ სამნი აქ ვერაფერს ვიზამთ, თვითონაც იცი. — თავისი მანქანისკენ დაიძრა ტყეხო — წვიდეთ, ჩასხედით, ამ ამბავს სხვანაირად მოეკლება.

ოთარი იქვე იდგა ჩუმად, ძმას უყურებდა, გაძარცვულ მანქანას და რატომღაც რუმბო ახსენებოდა — პატარა ლეკვი, ბავშვობაში რომ ჰყავდა — ერთ დღესაც გაიქცა რუმბო და მას მერე აღარც უნახავს.

— ვინმე წაიყვანდა, სუფთა ჯიშის იყო. — უთხრა მამინ მამამ, თავზე ხელი გადაუსვა. იკა ჯერ სულ პატარა იყო. მთელი ორი დღე ვერ გააჩერეს, ტიროდა.

„რამ გამახსენა რუმბო მაინცდამაინც ახლა?“ — საკუთარ თავზე ბრაზობდა ოთარი.

— ეგრე როგორ წავალ ტყეხო! ერთი ეგ დამპლები მანახეთ! ისე როგორ წავიდეთ?!

— იკა, სამნი ვართ... ახლა არაფერი გამოვა. მაგას სხვანაირად უნდა მოვლა! — აშოშმინებდა ტყეხო.

იკა ოცი წლის იყო და თან ძალიან ფიცხი, ხელები ექავებოდა, არადა ამ ეზოში უკვე გადამტერებული ჰყავდა ვიღაც-ვიღაცეები... მოუწია თავის შეკავება.

— აწი დაღამდა კიდევც... ესე იგი ვახო, გიო და გივი — ეგრეა? — დააზუსტა ოთომ.

უკვე გამოცდნოდნენ სტადიონს, ბნელი ქუჩისაკენ ჩაეხვიათ, რომ გამხდარმა უცბად დაამუხრუჭა და სადარბაზოსაკენ იშვირა ხელი — ე, ეს ის არაა, გიოს ძმა?. ოთარი მანქანიდან გადმოვიდა და ზურას კორპუსიდან გამოსულ სანდროს დაუძახა:

— ბიჭო, შენ სანდრო არ ხარ, გიოს ძმა?

— კი. — შეცბა სანდრო.

III

ზევით, ქვევით, ან — უფსკრულში...

დიდხანს იწვა ასფალტზე, მაწანწალა კატების უკმაყოფილო კრუტუნს უსმენდა. კატები ქუჩის გადაღმა ბუნკერში დაძვრებოდნენ და კონსერვის ქილებს დაეძებდნენ. “ეს ადამიანები დიდი უცნაური ხალხია, ნაგავსაც კი ცელოფნის თხუტმეტ პარკში ახვევენ, თავს მაგრად უკრავენ და რკინის კონტეინერებში ათავსებენ, რომ მერე რომელიღაც ბუნკერში, რომელიღაც კატამ, მათ რომელიღაც გახსნილ კონსერვს შემთხვევით არ მიაგნოს და არ გატლიკოს... რას გავს ახლა ეს?” — ფიქრობდა ასფალტზე გამოთილი სანდრო.

სულ ერთი ფრაზა კმაროდა... ხელ-ფეხს აიკრეფდა სანდრო, როგორმე სახლამდე მიადწევდა, გამოაღებდა გიო კარებს და მერე აი, სულ ერთი ფრაზა — აბა კარვად შემომხედე, ან... ფიქრობდა სანდრო როგორ დაენამუსებინა ძმა. იქნებ ერთი მკაცრი მხერაც საკმარისი ყოფილიყო, ბრძოლიდან დაბრუნებული რაინდი შინ დარჩენილ ლაჩარს რომ დახედავს ისე, ან კაცი რომ ვალს გაუსტუმრებს გულისგამწყვალებელ მეგალეს — უხმოდ, ამაყად... იქნებ მისულიყო შინ და — *მეტს ვეღარ დამჩაგრავ გიო!* — პირდაპირ პირში მიეხალა?! ამ ბოლო ფრაზაზე სულ მთლად აუჩუყდა გული სანდროს. ხომ მხოლოდ ორი წლით იყო დიდი გიო, მაინც ისე ადვილად ასულელებდა ყოველთვის!

— სანდრო! — დიდი ენთუზიანზმით მიუბრუნდებოდა ტახტზე წამოწოლილი გიო სანდროს. — მოდი ნიძლაჟი, რომ სამ წამში დერეფნამდე მივბენას და უკან მობრუნებას ვერ მოასწრებ!

— რატომ ვერა ვითომ?! — აენთებოდა სანდრო. — შენ დაითვალე! — და გაქანდებოდა დერეფნისაკენ.

— ერთი! ორი! სამი წერო! ეჰ, ეგ რა არი, ბოლომდე არ მისულხარ! მიდი თავიდან და თუ ბოლომდე გახვალ, აგე ის პულტი წამოიღე. არ წამოიღებ — არ გასულხარ...

სანდრო გავარდებოდა, პულტს ხელს დააულებდა და გამალებული ცდილობდა, მართლა სამ წამში მოერბინა უკან.

— ყოჩად შენ! მოასწარი, ხომ იცი! — ეტყოდა გიო, პულტს გამოართმევდა და ტელევიზორს ჩართავდა. ახლა კი ხვდებოდა სანდრო, რომ გააცურეს, მაგრამ რაღას იზამდა?

მოკლედ, ასეთ უამრავ რამეს იხსენებდა სანდრო და სიბრაზეც სულ უფრო მაღლა და მაღლა, ობობასავით აცოცდებოდა სხეულზე, სანამ საბოლოოდ ყელს არ მიაღვა: “მივალ გიოსთან და ვეტყვი — *მორჩა!*“ — ეს ბოლო სიტყვა ძალიან ხმამაღლა წამოიძახა სანდრომ. ქართან მებრძოლმა ხეებმაც იმწუთშივე აიტაცეს:

— მორჩა, მორჩრჩა, მოჩრჩრჩა, მოჩრჩრჩრჩა... სადღაც ქუჩაში ბატონ მიშას შეფეთებულმა კატამაც ერთი წამოიკნავლა და სანდროსთვის ეს საკმარისი იყო, ბუნების სრული მხარდაჭერის მძაფრად განსაცდელად... არყისაგან გაბრუებულმა მიშამ თავიდან ვერც კი შენიშნა ასფალტზე გაწოლილი სანდრო, მერე შემობრუნდა, თვალები ამოატრიალა და ამღვრეული ხმით დააძახა:

— შე მაიმუნო! დღეს რომ არ მოხვედი გაკვეთილზე, თუ გგონია გადაძირჩები! სად იმალები ბიჭო რომ იმალები, ჩემ ეზოში მაინც არ

ცხოვრობდე... ერთი დამინახავს კიდევ გადმომძვრალხართ შენ და შენი ძმა და...

— ჩვენ?! ჩვენ არასდროს...

— ეჰ სანდრო, სანდრო... არ ვიცი შენ რა გამოგასწორებს! აი შენი ძმა ნამდვილი კაცივით გამომიტყდა დღეს და შეშპირდა, მეტს აღარ ვიზამო... შენ კიდევ ისევ მატყუებ.

— აქაც გადმომძვრალა! — აენტო სანდრო. — არც ისეთი ანგელოზია, თქვენ რომ გგონიათ — აი, ასეთი ნაცემიცი მაგის გამო ვარ, ხელავთ?

მიშა დაიხარა. — ვინ გცემა, ბიჭო?

— გიო წაეჩხუბა ალბათ ვინმეს. აბა რა ვიცი, ჩემგან რა უნდოდათ!

— მაგის წამალი მე მკითხე! — წამოიძახა მიშამ და დაბეჭილი სანდრო უცბად წამოაყენა ფეხზე. — აბა, წამოდი ახლა და მე და შენ ნამდვილი კაცებოვით ჩავუჯდეთ სადმე. რას იტყვი?

სანდროს ახლა ყველაზე მეტად შინ მისვლა და თავისი გამზადებული სიტყვის გიოსთვის თქმა უნდოდა, მაგრამ ადვილად თავიდან მოსაშორებელი კაცი არ გახლდათ ბატონი ბრუგადე...

— რას იტყვი, წავედით?

— წავედით! — მხრები აიჩეჩა სანდრომ... “ანის ალბათ ახლა სძინავს. რომ ვჩხუბობდით, იქნებ გადმოიხედა. დამინახევდა. ერთი-ორჯერ მეც ხომ მოვუქნიე მუშტი. სამნი ერთზე იყვნენ თორემ...” — ფიქრობდა სანდრო და თან წამდაუწუმ ფანჯრებისაკენ იხედებოდა. ფანჯრები დიდი ფაიფურის ქოთნებივით იყო — რომ ჩახედავ და სიბნელის მეტს ვერაფერს დაინახავ, მერე ხელს ჩაყოფ და გადამალულ ძვირფას სამკაულებს წააწყდები, ან იქნებ კარადის რომელიღაც დაუიწყებული უჯრის გასაღებს...

— ესე იგი არ იცი, არა?

— აბა რა ვიცი, გიო სულ ვიდაცას ერჩის, ოღონდ საბოლოოდ მე მხვდება და კიდევ იცით რა — რომ იცოდეთ როგორია გიო! აი, მთელი ცხოვრებაა იდეებს მტაცებს და საერთოდ... არა, ეს ჩემი ძმა... შებერტყილია ნამდვილი! რასაც უნდა ყოველთვის აღწევს და იცით როგორ? — სანდრო უცბად ძალიან გაბრაზდა. — და კიდევ ისე ეხერხება გრძნობებზე თამამი...

რატომ ვერ იფიწყებდა ამ ამბავს სანდრო... ერთი წლის წინ არ იყო, თეას დედა თურქულს რომ ასწავლიდა სკოლაში. კარგი გოგო იყო თეა. გრძელთითება და გაზაფხულის სურნელით... მერე როგორი სურნელით — გოგო კი არა, თვითონ ჰაერი ისუნთქავდა თეას, კარგახნით იგუბებდა თავისთან მის სურნელს, როგორც ერთადერთ სამკაულს, რომლის ტარებაც ჰაერს შეუძლია... მოკლედ, თეა მოსწონდა ერთ დროს სანდროს... მერე გიოს გააცნო. იმან კი ადვილად მოხიბლა. სიტყვების ხუსტად შერჩევა იცოდა გიომ. ასე ეტყოდა გოგოს — ლამაზი თითები გაქვსო, სწორედ ეგეთები მიყვარსო. მერე ეტყოდა, ერთ გოგოს მაგონებო, ძველად მიყვარდაო, ანგელოზს ჰგავდაო. მერე ეტყოდა — ერთი საიდუმლო ადგილიც გვექონდაო, ულამაზესიო. მერე იმ საიდუმლო ადგილას წაიყვანდა... მერე გიომ სულ ხუთიანები მიიღო თურქულში, წლის ბოლოს თურქეთში შესაძლო გასაგზავნთა სიაშიც მოხვდა. სკოლა გზავნიდა ხოლმე საუკეთესოებს. ისე მოხვდა იქ, თურქულის ანაბანაც არ იცოდა. მერე კი, გიომ ლამაზი თითები გაქვსო — სულ სხვა გოგოს უთხრა...

სანდრომ მესამეს მეოთხე ჭიქაც მიაყოლა.

ქარიანი ღამე იყო, ბნელი. აქა-იქ კი ანთებულიყვნენ უკვე ლამპიონები, მბჟუტავი სინათლით შეეფაკლათ ქუჩა, დავარდნილი, უგემური სახლები და მაღალი ხეები... ხეები ხანჯლებივით უღერებდნენ ტოტებს ქარს და ჩიტების ბუდეებს იცავდნენ...

— ეჰ სანდრო, სანდრო! გინდა, ახლა ერთ რამეს გეტყვი და შენ მერე შენით იფიქრე... — სანდრო გამოერკვა, მიშამ კი ჩანთიდან კიდევ ერთი ბოთლი ამოაძვრინა. — ვთქვათ სანდრო, წარმოიდგინე ბრბო და შენ ამ ბრბოში ხარ მომწვედელი ისე, რომ ვერ ინძრევი. ეს ბრბო, ახლა წარმოიდგინე, რომ უფსკრულისკენ მიექანება — წარმოიდგინე? ახლა არჩევანი გაქვს: ან ამ ბრბოსთან ერთად გადაიჩეხები უფსკრულში, ან უნდა დაიჩოქო, ფეხებს შორის გაძვრე-გამოძვრე და ასე გააღწიო რამენაირად... თუმცა ისიც უნდა გახსოვდეს, რომ ამ შემთხვევაში შეიძლება ფეხებით თავზე გადაგიარონ, დაგწიხლონ და გაგიმეტონ, გესმის?. სხვა გზაც არსებობს სანდრო — შეგიძლია ხალხს მკლავებზე დაყვრდნო, იქიდან თავებზე ააცოცდე და ისე გახვიდე ფონს... მაშინ უნდა იცოდე, იმათ თავებზე მოგიწევს გადარბენა, ბევრს ატკენ და აწყენინებ... სანდრო, გულწრფელად მითხარი, აქედან რომელ გზას აირჩევდი?.

სანდრო დაიბნა.

— ასე ხდება ჩემო სანდრო, ყოველთვის... ზევით, ქვევით, ან — უფსკრული. იოლი გზა არ არსებობს...

სანდრომ ქუჩისკენ გააპარა თვალი. აბობოქრებული ტალღების ხმა ჩაესმა თითქოს. ნასვამი იყო სანდრო, მაგრამ ისეც არა, ეს ხმა ვერ გაერჩია — ზღვის ნაპირას მდგარი გიოს შეძახილი: *მიდი, რაღას უცდი! ისროლე, ზღვაში ისროლე!* სანდრო შუშის ბოთლს იღებს, ქალაღზე წაწერილ ნატვრას ჩრის შიგნით, თავს უცობს მაგრად, მჭიდროდ. ისევ შეძახილი — *რას უცდი სანდრო!* და ტალღების გრუხუნის, კენჭები, ქარი... ისერის სანდრო ბოთლს, შორს, შორს გადაუძახებს ზღვაში, და უცებ გიოც შეცურავს კვალდაკვალ...

— გიოო! — მთელ სანაპიროს დაირბენს სანდრო. აღარც ძმა, აღარც ნატვრა... ასეთი იყო გიო, იქნებ ის ბოთლიც მოეხელთა, ჩაებლუჯა, იქნებ ცურვაცურვით გაეტანა მეორე მხარეს... ვერც გაამტყუნებდი.

— იოლი გზა არ არსებობს... — სანდრო უცებ მიხვდა, რა მთერალებიც იყვნენ.

— ქვევით, ზევით, ან — უფსკრული?

IV

ნუ ღელავ, გიო!

უმრანიეს ახლადმორეცხილ გზებზე ნახევარსაათიანი ბორიალის შემდეგ, გიომ როგორც იქნა მიაგნო საავადმყოფოს. სასაცილო შენობა იყო ძალიან. სულ არ გავდა ადგილს, სადაც ავადმყოფები მკურნალობდნენ. ყვითლად შეეღილი კედლები მთელ სივრცეზე წითელი, დიდი რგოლებით მოეხატათ. საბავშვო ბაღს უფრო ჰგავდა გარედან. “აბა სხვაგან სად მოხვდებოდა საია? “ — გაიფიქრა გიომ და შენობაში შევიდა. შიგნით გრილოდა. ტემპერატურებს შორის ასეთი მკვეთრი განსხვავება პირველად თურქეთში იგრძნო გიომ. თბილისში თუ ცხელოდა,

ყველგან ცხელოდა: სკვერშიც, ქუჩაშიც, ტყეშიც, შინაც და გარეთაც. აქ კი შეიძლება ქუჩაში მაისურით გველო, შენობაში კი შეგციებოდა, ან პირიქით. თბილისში ერთი ადგილი იცოდა გიომ, ყოველთვის რომ გრილოდა, ისეთი... ბიჭები ჩამოიტანდნენ ხოლმე ხანდახან სასმელს, ბუტყებროდებს და გემრიელად ილუკებოდნენ დიდი ჭადრის ქვეშ. ნიაუიანი ადგილი იყო რალაცნაირი და მერე ეს სქელი, მსუყე ფოთლები... ამასწინ სანდრომ მოსწერა – ჩვენი ეზოს ჭადარი მოჭრესო. ერთი მაგათიც...

საიას კისკისი ჯერ კიდევ დერეფნიდან გაიგონა გიომ. ვილაც ექთანს გვერდით მოსჯდომოდა საიას და მთელი მონდომებით ართობდა.

– გიომ! – წამოიძახა მის დანახვაზე. – საიდან გაიგე? გამოტყდი, ხომ განერვიულე!

– უნივერსიტეტში მითხრეს. რატომ არ დამირეკე? მე რატომ არ დამირეკე? – გიომ ლოგინთან ჩამოუჯდა საიას. – აბა მომიყევი ერთი, როგორ მოხდა ყველაფერი! – ექთანი ოთახიდან გავიდა, კარი გაიხურა.

– რა როგორ მოხდა? – საიამ თვალები კედელს გაუშტერა.

– ავარიაზე გეუბნები!.

– არაფერი სერიოზული. ახლა ჩაიცვამ და ჩემთან წამიყვანე. – საია უცბად წამოიწია, თითქოს არც არაფერი იყო, ჯინსები ამოიცვა, ლურჯი ხალათი სკამზე მიაგდო და ორ წამში გაეშხადა წასასვლელად.

– დაიცა! ე-ე – ექიმმა რა თქვა? ასე უბრალოდ, შეგიძლია ადგე და წახვიდე?!

– ნუ დარდობ. რამდენიმე დღე თავი არ უნდა გადავიტვირთო და ეგაა სულ.

გიომ ვერაფერს მიხვდა. ან ეს “თავის გადატვირთვა” რას ნიშნავდა? ან წამალი არ უნდოდა და საერთოდ, ყველაფერი რალაც ზედმეტად იოლად ეჩვენებოდა.

– კი მაგრამ, აკი ტვინის შერყევო? ახლა ერთი კვირა მაინც თუ არ იწვები გაუნძრეულად, მერე თავის ტკივილები დაგჩემდება... ასე იცის! – გიომ გოგოს ხელი დაავლო, შემოატრიალა. უცნაურად იქცეოდა საია. ერთი სული ჰქონდა საავადმყოფოდან გაეღწია – თითქოს ეშინოდა, ქურდობაზე არ წამასწრონო.

– დაწყნარდი გიომ, ნუ ლელავ. ასე რომ არ იყოს, აქედან ვინ გამიშვებდა? – საიას გაეღიმა, გიომს კისერზე მოხვია ხელი და – წავიდე თ აქედანო – ჩაილაპარაკა. ასე გადახვეულები გამოვიდნენ დერეფანში. გიომ შენიშნა, ირგვლივ მხოლოდ პაციენტი ქალები ირუოდნენ. ზოგი ფეხმძიმედ იყო. ყველას ლურჯი ხალათი ეცვა, როგორც წყლან საიას.

– ნახვამდის! – თურქულად მიაძახა გიომ საიას ექთანს. იმანაც გაუღიმა და სულ ასე ღიმილ-ღიმილით მიაცილა კარებამდე. მერე საიას უთხრა – ჭკუით იყავით და ყველაფერი კარგო...

გოგოს მანქანა პირდაპირ კიბეებთან დაეტოვებინა. გიომ ვერც კი შენიშნა თავიდან, შენობაში რომ შემოდოდა. დარტყმის კვალი არსაიდან აჩნდა, საღებავიც კი არ ჰქონდა გადაცლილი არსად. ყველა მხრიდან შემოუარა გიომ.

“არანაირი ავარია არ ყოფილა! ახლავე მითხარი, რაც მოხდა!” – ის იყო, უნდა ეთქვა წარბებშეკრულ გიომს, რომ უცბად საავადმყოფოდან ექიმები

გამოცვიფდნენ, სასწრაფო დახმარების მანქანიდან მშობიარობადაწყებული ქალი საკაცეზე გადმოაწვინეს და მიძღვნილი გააქანეს. აღელვებული მეუღლე უკან მიდევდა საკაცეს და იმას თუ ფიქრობდა უკვე, ბიჭი იქნება თუ გოგო.

— კიდევ ერთი ფეხმძიმე! — თავისთვის ჩაილაპარაკა გიომ. საია უკვე მანქანაში იჯდა, ელოდებოდა. გიოს სიტყვაც აღარ დაუძრავს, უხმოდ მიუჯდა საჭეს და გოგო უმრანიეს ახლადმორეცხილი ქუჩებით საერთო საცხოვრებლისაკენ წამოიყვანა. ახლა ყველაფერი ნათელი იყო უკვე.

ასეთი რამ პირველად გადახდა გიოს თავს. მზად კი იყო დახმარებოდა. მხოლოდ ეთქვა, უარს არაფერზე ეტყობა. რა მამაცი იყო მაინც ეს ერთი ბეწო გოგო — თავად მოაგვარა ყველაფერი, ახლა კი ასე, მშვიდად იჯდა მანქანაში, გატრუნული, თავი უკან გადაეგდო, იქნებ ეძინა კიდევ, კერაფერს შეატყობდი.

— მისმინე! ბიჭებმა კვირას ზღვაზე წასვლა გადაწყვიტეთ. გამოცდას როგორც კი ჩავაბარებთ, ერთად წავიდეთ. კარგ დროს გავატარებთ. რას იტყვი?

საიას გაეღიმა. — რატომაც არა.

გიოს არ ეყო საიას პასუხი, მაინც რაღაცა რჩებოდა გულში ხინჯად.

— კარგი, მაშინ იქნებ ლენაც წამოიყვანო. იცი, ლენა ჩემ წოლოს მოსწონს. მთხოვა — საიას უთხარი, წამოიყვანოსო. რას იტყვი, წამოვა?

— რატომაც არა.

გიოს არც ეს პასუხი ეყო.

— თუ გინდა, მარტო მე და შენ წავიდეთ... იალოვაში წავიდეთ. მანდ ნამყოფი ვარ ერთხელ. მაგარი ადგილია. მოგეწონება! წარმოიდგინე — მე, შენ და მზის ჩასვლა. ჰა, რას იტყვი?

— რატომაც არა.

გიომ მაინც ვერ დაშვიდდა.

— თუ გინდა, ზღვაზე ნუ წავალთ და სადმე სხვაგან წავიდეთ. სადაც შენ იტყვი...

საიას გაეღიმა. უცბად გადაიხარა, ბიჭს კნუტივით აეკრა და მხარზე ჩამოადლო თავი.

— ნუ ღელავ გიომ, არაფერი შეცვლილა. ყველაფერი ისევეა, ძველებურად. და გიომც დაშვიდდა.

V

“ძმა ძმისთვისაო, შავი დღისთვისაო...”

— დედა დაშვიდდი! არაფერი მჭირს — უბრალო ნაკაწრია! — სანდრო ამოდ ცდილობდა თავი დაეღწია თამილას მოტანილი, შუბლზე დასადები ყინულებისთვის. ჯერ ამტკიცებდა — კარგად ვარ, არაფერი მჭირსო, მერე კი თვითონაც შეატყო, მარცხენა თვალი რომ ჩაუღურჯდა. ლურჯს მალე მელნისფერი შეერია, მელნისფერს — შავი, შავს — წითელი და უშნო ცისარტყელაც მეტი კი არაფერია...

— ეს რა უბედურებაა! ეს რა უბანია! — გაიძახოდა გამწარებული თამილა. სანდრო დედას ყვირილს ყურადღებას არ აქცევდა — ისღა უნდოდა, ახლა ერთი გიოს დალაპარაკებოდა, ის მაინც გაერკვია, რისთვის ცემეს. გიომ დაძნალებულად

გრძნობდა თავს, ხმას არ იღებდა, ოთახის მეორე ბოლოში იჯდა და სანდროს მიჩერებოდა, უხმოდ. ლამაზი სახე ჰქონდა სანდროს, თუმცა ახლა ცოტათი შესიებული, თმა — ღია წაბლისფერი, შუბლზე ჩამოყრილი, თვალები — ფართო, მომწვანო და წყლიანი. გიოს ყველაზე მეტად რაც მოსწონდა, ფოსო იყო სანდროს ნიკაპზე — ეს პატარა ზოლი ნიკაპს შუაზე უყოფდა. ისე კუშტად იჯდა ახლა სანდრო, დიდს ჰგავდა. ყველა კუნთი დაძაბვოდა. თამილა კი სველ ტილოს ადებდა ლოყაზე. იჯდა გიო, სანდროს უყურებდა და უცნაური ჟრუანტელი დასდიოდა სხეულში. თვითონაც ვერ ხვდებოდა რატომ. ასე იყო ხოლმე ხანდახან, სახლი ციხე-სიმაგრედ იქცეოდა თითქოს — თუ სამივენი შინ იყვნენ, თუ გარეთ თოვდა ან ქარი ქროდა, თუ თავსხმა წვიმა მოდიოდა, თითქოს სახლის კედლებიც სხვანაირ სიმტკიცეს იძენდა მაშინ, ყოველდღიურად რომ ვერ შეიგრძნობ, ისეთს. მაშინ შინ ყოფნასაც სხვა გემო ჰქონდა. ჩამოჯდებოდა გიო ფართორაფიან ფანჯარასთან, თოვლში მოჭყაპუნე გამკვლელებს გახედავდა, მთელ სხეულში სასიამოვნო ჟრუანტელი დაუბრუნდა — თვითონ რომ შინ იყო, სამივენი რომ შინ იყვნენ...

— აბა თქვი ერთი, ჭილოლებს რა უნდოდათ... — ხმადაბლა იკითხა სანდრომ, როცა თამილა ერთხელაც გავიდა სამზარეულოში ყინულის მოსატანად.

— მე რა ვიცი? — არ გატყდა გიო. — რამე ხო არ დაგცდა მაგათზე ისეთი? ესე იგი, ჭილოლებმა? რამდენნი იყვნენ? — გიომ თავი გააქნია — მაგათ არ შევარჩინთ, აი ნახავ ... შენ როცა იტყვი, მაშინ აუღლებთ აბაროტს. — სანდრო ძმის გაუტყებლობაზე უფრო მეტად გაღიზიანდა.

— მაგათ ვუჩვენებთ, ვის ძმას ახლეს ხელი... — აგრძელებდა გიო. გიოს ხანდახან სიტყვა „ძმობის“ გამოყენება ძალიან კარგად შეეძლო. საჭირო დროს, ამ ერთ სიტყვას მთელ მონოლოგად აქცევდა. სანდრომ შეატყო, საუბარი საითაც მიდიოდა და სწრაფად წამოდგა თავისი წინასწარგამზადებული ტექსტის შესაგებებლად. უნდა ეთქვა — მორჩა გიოო, ან — მომბეზრდა უკვეო... სათქმელი ბევრი იყო, ბევრი დაუგროვდა... მაგრამ ვინ აცალა?

— შენ, ჩემ ძმას, როგორ გაგიბედეს? ეგ იცი რას ნიშნავს? ეგ ნიშნავს რომ მეც გამიბედეს, ხომ ხვდები? ჩემი ძმა თუ გცემეს, ესე იგი მე მცემეს! — უფრო და უფრო ომახიანად აგრძელებდა გიო, სანდროს სიტყვას აღარ აგდებინებდა. — ხომ იცი სანდრო, როგორ მიყვარხარ! სულ რომ არაფერი ერთ გვარს ვატარებთ, ერთი სისხლი გვაქვს, — გაეღიმა — და ერთმანეთს ჩვენ თუ არ დავუღეპით კელლად, სხვა ვინ შეიწუხებს თავს ერთი მითხარი! გახსოვს რა დღე ვაწიეთ იმ პატარა ნაბიჭვრებს, შენ რომ დაგცინოდნენ სკოლაში?! გახსოვს რა ვუთხარი? ეს ბიჭი ჩემი ძმა არი-მეთქი. ვინც მაგას დასცინებს, მე დამცინებს-მეთქი. გახსოვს? ხო და ასე იყო ყოველთვის და მერეც ასე იქნება. აბა შემომხედე! — სანდროს უკვე დაუწევებოდა რა ჰქონდა სათქმელი. გაბრუებული იდგა.

— აბა კარგად შემომხედე! — გაიმეორა გიომ. — არ შევარჩინთ!

* * *

საერთოდ, მამას კაბინეტში არ შედიოდნენ ხოლმე სანდრო და გიო. სანდრო ჩუმად თუ შეიპარებოდა, კარადას გამოაღებდა და კოსტუმებს იზომებდა. დიდი ჰქონდა ყველა, არადა უკვე ფიქრობდა — ზრდასრული ვარო... ყველაზე მეტად მაინც მამის ქუდეები მოსწონდა, ძველებური. ოთახში თუ დაიხურავდა ცოტა ხნით,

მერე ისევ კარადაში შედებდა. მოკლედ, ამ დილით რაღაცნაირად ნასიამოვნებიც კი იყო სანდრო, მამის ნივთებში გაქექვის საბაბი რომ მიეცა. დილით ყველაზე ადრე გაღვიძებული, მამის ოთახში შეძვრა, მაგიდის უჯრიდან დიდი, მზის სათვალე ამოიღო და დალურჯებულ თვალზე აიფარა. გიოს ჯერ ისევ ეძინა. სრული სიჩუმე სუფევდა ბინაში, მხოლოდ ონკანი თუ წვეთავდა სადღაც და ახლად აშარიშურებული ეზოს ხმა თუ შემოდინდა გარედან... როგორ უყვარდა სანდროს გიოზე ადრე გაღვიძება! რაღაც უპირატესობას გრძნობდა მაშინ. ასე დაადგებოდა მძინარეს თავზე, მის ხელში აღმოჩნდებოდა გიოს სიზმრების ბედი — უნდოდა გააღვიძებდა, უნდოდა — არა. ხანდახან გაიტრუნებოდა ასე მძინარესთან და ფიქრობდა, რა ძნელი იყო გიოს ძმობა. იცოდა, როგორც კი გაიღვიძებდა გიო, მაშინვე გაუქრებოდა სახეზე ეს რაღაცნაირი სიმშვიდე. გიოს უცბად მოვარდნილი ენერგიის, ამბიციების და პატარა თუ დიდი თავგადასავლების კორიანტელში სანდროსაც ერთი კენჭით მოუწევდა ტრიალი. სანდროს, თამილას, ირგვლივ ყველას ცხოვრება — გიოს ერთი დიდი ცხოვრების შემადგენელი ნაწილი იყო თითქოს. ასე წარმოედგინა ხანდახან სანდროს და ამ დროს რაც შეიძლება გვიან აღვიძებდა ხოლმე ძმას, ცოტა ხნით მაინც რომ შეენარჩუნებინა ეს უსუსური ძალაუფლება...

— წეროები მიფრინავენ გიო! — ჩასძახებდა სანდრო მძინარე ძმას.

— რამდენია? — გაიზმორებოდა გიო, ბოლომდე ფეხს ითრევდა, ადგომა ეზარებოდა.

— ცხრა, გიო! ხუთი უკლია!

სუსხი შერეოდა დილას. ხუთი წუთიც და ოთახში თამილა შემოვარდებოდა ყვირილით — ისევ აგვიანებთო. ორივე ბიჭი უკიდურესად შეწუხებულ სახეს მიიღებდა და ერთადერთი, რაც დედის ჯავრს დააცხრობდა, ისევ ეს იქნებოდა — მშია-ა!

თამილა ძალიან ცდილობდა ბიჭებისთვის კარგი განათლება მიეცა. ჯერ კიდევ პატარებს ათას სხვადასხვა წრეებზე დაარბენინებდა; მერე რომ გაიგო, ახალი ინგლისურენოვანი კოლეჯი გახსნესო, ორივეს იქ ჩააბარებინა. თავი დამშვიდებულად იგრძნო, რომ ბიჭები ათი თავით სჯობდნენ თავის ეზოელ მეგობრებს. დაუჯდებოდა თამილა ღამე ძმებს, დაბალი ხმით ეტყოდა — მთელი ცხოვრება წინ გაქვთ და აბა თქვენ იცითო... ყველა, ახლა ვისთანაც მეგობრობთ, ყველა ვინც ახლა გარს გახვევიათ, ესენი ჩვეულებრივი ადამიანები არიან, ერთი ჩვეულებრივი ცხოვრებით, ამ ეზოში დაიბადნენ, აქ გაიზარდნენ და აქ მოკვდებიან, მაგრამ თქვენ... — და თამილა უზომო სიამაყით გადახედავდა ბიჭებს, — თქვენ სხვა ცხოვრებისთვის გაგზარდეთ. მე რაც შემეძლო მოგეცით და აწი თქვენზეა, როგორ გამოიყენებთო. ხშირად არა, მაგრამ თუ წამოიწყებდა, იმდენს იზამდა, სანამ ორივეს ბედთან ბრძოლას და ხანჯლების ქნევას მთელი გულით არ მონადრომებდა. თვალებს დახუჭავდნენ ღამე ძმები, სულ იმას ფიქრობდნენ, რაღაც უნდა მოესწოთ ცხოვრებაში ისეთი, მნიშვნელოვანი. ისე არ უნდა წასულიყვნენ, რამე არ დაეტოვებინათ სამახსოვროდ. მოიხედავდნენ მერე უკან და — რაც შემეძლო გავაკეთო — იტყოდნენ...

რვაას დოლარს იხდიდა თამილა თითოეულის კოლეჯში სწავლისთვის. თვითონაც ვერ ხვდებოდა, ამას როგორ ახერხებდა, ცოტა მაღაზიიდან, ცოტა ლექციებით და რაღაცნაირად აგროვებდა ფულს წლის ბოლოსთვის. ძალიან

გული დასწყდებოდა, რომ გაეგო როგორ არაფრად აგდებდნენ ბიჭები გაკვეთილებს: ბოლო წელი, ფაქტიურად, არც დადიოდნენ სკოლაში.

დილით ადრე გამოვიდოდნენ სახლიდან, კოლეჯის დაცვას გვერდს აუქცევდნენ, უკანა ეზოში კიბეებზე ჩამოსხდებოდნენ, ბიჭებს ელოდებოდნენ. ამ ეზოში იცოდნენ ხოლმე შეკრება. მალე მოვიდოდა წოლო, ვახო, ვანო, სხვებიც და რა ვაკეთოთ — იმაზე იწყებდნენ ფიქრს. მარტო მათემატიკის გაკვეთილებს არ აცდენდა გიო. დანარჩენზე თავს არ იწუხებდა, თან ესაო და ინგლისური უბანში ყველაზე კარგად ვიცო, თავში აუვარდა. სანრომ თურქულიც იცოდა ცოტა. კოლეჯში მეორე ენად თურქულსაც ასწავლიდნენ. შეივლიდა ხოლმე ხანდახან, თურქი ყავდათ მასწავლებელი, მიესალმებოდა და ჩამოჯდებოდა კლასში მხოლოდ იმის მომლოდინე, როდის შემოუკაკუნებდა კარებზე გიო: *სანდრიკ, წვედიო!*

ერთი ადარდებდა მხოლოდ სანდროს, გიო სკოლას ამთავრებდა წელს და მერე დაჰკრავდა ფეხს, იქნებ უცხოეთშიც ჩაებარებინა სადმე. დარჩებოდა სანდრო მარტო. სანდრო შეეჩვია, რომ გიო მისი ცხოვრების ნაწილი იყო; ხანდახან კი ეჩვენებოდა, თითქოს თვითონ იყო გიოს ცხოვრების ნაწილი, უგიოობას ისევ ასე ერჩია. გიო საერთოდ არ ფიქრობდა ამაზე, ან შეიძლება ფიქრობდა კიდევ, ძალიან ზერეულედ. სკოლის დამთავრება კი უზომოდ უხაროდა. ასე ამბობდა — ეს წელიც და მერე მე ვიცო.

ამ დილასაც სკოლის უკანა ეზოში შეიკრიბენ ბიჭები. პირველი გივი მიხვდა, სანდროს ამბავს. ისე, ადვილი მისახვედრიც არ იყო. სანდროს მამის სათვალე ეკეთა და დიდად თუ არ დააკვირდებოდი, ვერც ვერაფერს შეამჩნევდი. საფეხურზე იჯდა დაღვრემილი სახით. ლამაზი სახე ქონდა სანდროს და სათვალეც უხდებოდა.

— შენგან რაღა უნდოდათ! — გაეცინა გივის.

— რა გაეცინება? — დაუბღვირა სანდრომ.

გივი გაჩუმდა. საბოლოო ჯამში, ყველაფერი მაინც მისი ბრალი იყო, ამიტომ დღეს დილით დიდად ხმას არ იღებდა.

— გიო, რახან ეს ცემეს, ესეიგი ვიღაცამ ნამდვილად დაგვინახა! — ვახო გივის გახედა იქნებ დანამუსდესო. დიდი იყო ტანით ვახო, ყველაზე მეტად მაინც მას ეჯავრებოდა ასეთი შეხლა-შემოხლები. არც ვინმეს დაჩაგრავდა და არც მაინცდამაინც თავს დაგაჩაგვრინებდა. ზედმეტს რომ არაფერს დააშავებს, ისეთი იყო.

— მაინც იქნებ მოყვით რა ქენით, თორემ ჩემი ძმა ისე შევაშინე გუშინ, სულ დაავიწყდა სიმართლე ეთქვა. — გაბრაზებული ალაპარაკდა სანდრო. გიოსთვის არც შეუხედავს. როცა ბრაზობდა, ტუჩზე იკბენდა ხოლმე სანდრო და თუ იტყუებოდა, მაშინაც ასე იცოდა. ტუჩებს აწვალებდა. გიო ამიტომაც მაშინვე ხვდებოდა ძმის ტყუილსაც და გაბრაზებასაც. ახლა ბრაზობდა ნამდვილად. გიომ — გამომყვეო, — გადაულაპარაკა წოლოს და იქაურობას გაეცალა. სანდროსთვის არ მოუხმია — იცოდა, მაინც არ გაყვებოდა. სულ სხვა მიმართულებით მიეჩქარებოდა სანდროს. მალე წავიდა კიდევ. მოიმიზეზა — თავი მტკივაო და ტუჩზე იკბინა კიდევ ერთხელ. ეე იყო და ეე.

— გამარჯობათ ლალი დეიდა, პატარა როგორა გყავთ?

ქალი მობრუნდა — ზუსტად ისე როგორც ჩვევოდა, თითქოს ძალიან გაუკვირდა სანდროს დანახვა.

— რა ვიცი აბა, არ არი კარგად, ცოტა ახველებს.

— წამლებს ხომ ასმევთ? პატარებს ადვილად ერევა გრიპი... — სვლას ანელებს სანდრო. ალბათ უკვე დახედავდა ასფალტს ანი. გაუხარდებოდა ალბათო — ფიქრობს.

— ვასმევ, მაგრამ ბევრიც არ მინდა მივცე... რა ვიცი, არ ვენდობი წამლებს... — შეწუხებული პასუხობს ლალი. საბავშვო ეტლში საბანს უსწორებს ბავშვს.

— დიახ, რა თქმა უნდა. — სანდრო კიდევ უფრო ანელებს სვლას. შორი იყო ჯერ ანის სახლამდე. — დარწმუნებული ვარ, მალე მომჯობინდება.

— მადლობა შეილო, — ილიმის ლალი და სანდროც ნაბიჯს უჩქარებს. ლალის პირველად დაახლოებით სამი წლის წინ შეხვდა სანდრო ამ ბაღში. საათი ჰკითხა და მას მერე თითქმის ყოველ დღე ხვდებოდა სკოლისკენ მიმავალი. ერთხელაც მიესალმა და მერე ერთი კვირა ესალმებოდა. ერთხელაც ჰკითხა — როგორ ბრძანდებითო და მერე ერთი თვე ეკითხებოდა. ერთხელაც ჰკითხა — პატარა როგორ არისო და მერე კარგა ხანს ესალმებოდა და ეკითხებოდა — როგორ არისო. ერთხელაც უპასუხა — ცუდადო და დაამწუხრა. ერთხელაც უპასუხა — კარგადო და დაამშვიდა. ერთხელაც სანდრო ეჭვმა შეიპყრო — რატო არ იხდებოდა ამდენ ხანს ბავშვი? და მერე თავისი ეჭვი გიოს გაანდო, იმან მაგრად იცინა. ეგ ქალი გიჟიაო — ასე უთხრა. ბავშვს კი არა, თოჯინას ასეირნებს ყოველ დღე ბაღშიო. სანდრო ვერაფერს მიხვდა, სანამ ერთხელ დედამ თავისი ჭრელი კაბა არ ჩაიცვა და მეზობელ შორენასთან არ გადავიდა ყავის დასალევად. შორენას მცენარეები უყვარდა — არაფერს ყავდა, არც რამე ცხოველი სახლში, მხოლოდ მცენარეები. ბევრი მცენარე. თამილა გაცოცხლებული დაბრუნდა იმ დღეს, სანდროს უთხრა — არ დაიჯერებ — ჩვენი მეზობელი დღეს კაქტუსებს იავნანას უმდღეროდაო! მერე დედა სამზარეულოში გავიდა და მხოლოდ შორიდან გაიგონა სანდრომ — რას არ მოიფიქრებენ ადამიანები, საჭიროდ რომ იგრძნონ თავი! — სწორედ ასე ჩაილაპარაკა თამილამ. რას არ მოიფიქრებენ ადამიანები საჭიროდ რომ იგრძნონ თავი! — გაიმეორა თავისთვის სანდრომ და საბავშვო ეტლით მოსეირნე ლალი გაახსენდა იმწუთას. მაშინდა მიხვდა ყველაფერს.

მაინც უცნაური ამბავი იყო შორენას და მის მოლაპარაკე მცენარეების თავს. ყოველ შემთხვევაში უცნაურად კი გამოიყურებოდა ეს ყველაფერი. გაიღვიძებდა, ადგებოდა შორენა, ხოსე-იგნასიოს მიუბრუნდებოდა — როგორ გეძინაო. კაქტუსს ერქვა ასე. იმჟამად ერთ სერიალს უყურებდა შორენა და კაქტუსს როგორც კი თვალი შეავლო, მიხვდა — ხოსე-იგნასიო იდგა მის წინ ნამდვილად! იყიდა კიდევ მაშინვე. ხოსე-იგნასიო მსუქანი კაქტუსი გახლდათ, ძალიან ეკლადანი. შე უკარებაო — ასე ეტყოდა ხოლმე შორენა, როცა გაბრაზდებოდა რამეზე. ისე კი იდილია სუფევდა ძირითადად სახლში. დაბალ ხმაზე თითქმის მუდმივად უკრავდა შოპენის ან ჰაიდნის ფირფიტა, თავდახრილებს ეძინათ შორიდან ჩამოტანილ ვითომ ეგზოტიკურ მცენარეებს და როგორც ყოველთვის, საკუთარ სილამაზეში ნებეირობდა ჯუჯა ხე-ქალბატონი “ოჯიში” — შორენას

სასტუმრო ოთახის სიამაყე. აგერ უკვე რამდენი ხანი გასულიყო მას მერე და სანდროს ისევ და ისევ ახსენდებოდა დედას სიტყვები — ყოველ ჯერზე, როცა შორენას ფანჯარას ჩაუვლიდა.

და მართლაც, რას არ მოიფიქრებენ!

ანის ფანჯრებზე ფარდები ქონდა ჩამოფარებული. ალბათ არც იყო შინ. სანდრო ტროტუარის ნაპირზე ჩამოჯდა, უაზროდ მიაშტერდა სადარბაზოს. თბილოდა ქუჩაში... დღის ამ დროს თბილოდა, ოღონდ როგორც კი მზე ოდნავ მიეფარებოდა კორპუსებს, ზამთარი მოდისო, იფიქრებდი მაშინვე.

— სანდროს გაუმარჯოს!

სანდროს ხმა არ ეცნო რაღაც, თავი ასწია და ზურა დაინახა, გუშინ-გაცნობილი.

— აქ რას აკეთებ? — გაეცინა ზურას. ალბათ სანდრო გამოიყურებოდა ცოტა სასაცილოდ, იქნებ დაბნეულად.

— მე? — ვერაფერი მოიფიქრა სანდრომ. — არც არაფერს. ქვა გავათბე! — თვითონაც მიხვდა რომ უაზრობა თქვა, არ შეიმჩნია და სათვალე შეისწორა მხოლოდ. სანდრომ ასე იცოდა, რომ დაიბნეოდა, სასაცილო რამეებს იტყოდა ხოლმე.

— ესეიგი ქვა გაათბე არა! — გაეცინა ზურას. — ეგეც საქმეა. პრინციპში, გცალია? თუ გცალია წამოდი, მაგარ რამეს გაჩვენებ, გცალია? — მაინც უცნაური ბიჭი იყო ეს ზურა. გამხდარი და რაღაცნაირად თითქოს ძალიან ღონიერი. ხმაც ბოხი ჰქონდა. იშვიათად ასეთი ხმა. სანდრო შეეჭვდა, ღირდა თუ არა გაყოლა, მაგრამ აქ ჯდომასაც აზრი არ ჰქონდა და ბევრი აღარ უფიქრია, ისე წამოდგა.

— ესე იგი შენ ხარ ის სანდრო, ჭილოლებმა რომ გცემეს გუშინ.

სანდრო გაშრა. — შენ რა იცი, მე რომელი სანდრო ვარ!

— სახეზე გეტყობა! — გაეცინა ზურას. — ახლა დამირეკა კიჭამ, სალამოს ვიკრიბებით, გიოს ძმა სცემესო. რატომ არ მითხარი გუშინ, გიოს ძმა თუ იყავი?

— დიდი რამე, გიოს ძმა თუ ვარ! — საერთოდ აიჭრა სანდრო.

— შენი ძმა, ჩემი ძმაა! — უცბად ხელი გადახვია ზურამ. სანდროს კი არ უყვარდა ასეთი რამეები. მაინც რატო ეგონა ყველას, თუ გიოს იცნობდნენ, ეს სანდროსთვის რამეს ნიშნავდა?

— ნუ ღელავ, მაგათ მალე ავუღებთ აბაროტს! — რაღაცნაირი სიამაყით წარმოთქვა ზურამ. — სანდრო გოცნებული იდგა. არა, სანდრომ კი იცოდა რომ ასე ხდება, იცოდა ადვილად არ დამთავრდებოდა ეს ამბავი და მაინც, ყველაზე უცნაური ის იყო, როგორ წყდებოდა ყველაფერი მის გარეშე. შურს იძიებდნენ, არ იძიებდნენ — სანდროს არავინ ეკითხებოდა. ეს გართობა უფრო იყო ყველასთვის, შეკრების მიზეზი. სინამდვილეში არავის აინტერესებდა — ვინ, ვის, რატომ — უბრალოდ, საბაბი იყო ცოტა ომობანა ეთამაშათ ისევ. ამას ფიქრობდა სანდრო, როცა ზურამ რკინის კარი გააღო და გარაჟში შევიდა: — შემოდი, სანდრო!

— შენი მანქანაა? — წითელი “ფიგული” შეათვლიერა სანდრომ.

— მანქანა კი არა, შენ ამას შეხედე! — ზურამ საშინლად ჭუჭყიანი ბრეზენტის ნაჭერი გადაწია და კომბალივით რაღაცას დაავლო ხელი.

— ეგ რაა?! — გაეცინა სანდროს — კომბლებიდა გაკლდათ!

— მამაჩემი ცეხში მუშაობს, იქიდანაა... კიჭას ვუთხარი, თუ საქმეზე წავალთ, მხოლოდ დანების გარეშე-მეთქი! დანების ტრიალი არ მიყვარს. ასე

რომ, გამოგვადგება. რას იტყვი?

სანდრომ არ იცოდა რა ეთქვა. მხოლოდ გაიღიმა ისევ და მხრები აიჩეჩა.

VI

იალოვა

— სულ ესაა? მხოლოდ სამი ჩემოდანი? — გაოცებული შემობრუნდა წოლო — თვალებს ვერ ვუჯერებ! გიო, შემახსენე ერთი, რამდენი დღით მივდივართ?

— ორით! — გაეცინა გიოს, — გოგოები! ხომ იცი...

— ვიცი კი, მაგრამ ამდენი ბარგი-ბარხანა მაინც ვერ წარმომედგინა! მთელი სამი ჩემოდანი! ჰკითხე ერთი, პირსახოცები თუ მოაქვთ?

— რა პირსახოცები?

— რა და ჩვეულებრივი! როგორც წესი, ყველაზე მნიშვნელოვანი რჩებათ ხოლმე! — გიო ოთანში შებრუნდა. თმებს ივარცხნიდა საია.

— პირსახოცები მოგაქვთ? — ყოველი შემთხვევისათვის დაეკითხა.

— ლენას მოაქვს! — გაუღიმა საიამ. გრძელი შავი თმა თითქოს დღითიდღე უფრო და უფრო ეზრდებოდა. თმის სილამაზეზე ფიქრი გიომ მხოლოდ მას მერე დაიწყო, რაც საია გაიცნო. შეეძლო გაუწყვეტლად ეყურებინა ამ გოგოსთვის. თვალების მშვიდი ჭრილი, თეთრი, ბავშვით რბილი კანი და შავი, უსაზღვროდ გრძელი თმა. აი, როგორ არი? “თმის მთელი ოკეანე”...

ბიჭებმა სამივე ჩემოდანი გოგოების საერთო საცხოვრებლიდან საიას მანქანაში გადაზიდეს. ახლა მხოლოდ ისღა დარჩენოდათ, გზას გადგომოდნენ. მთელი შაბათ-კვირა წინ ედოთ.

— მთელი შაბათ-კვირა! — დიდი ენთუზიაზმით იმეორებდა წოლო, უკვე საჭესთან მიმჯდარი. გიო მაინცადამაინც აღტაცებული არ ჩანდა, ტრასას გაპყურებდა, ალგეთზე ფიქრობდა. გამომშრალი მტვრიანი გზა და ხანგრძლივი ლაშქრობები ტბისკენ.... წამოცვივდებოდნენ დილაუთენია მთელი მეზობლის ბავშვები, ჩანთებს ხაჭაპურებით გამოტენიდა გრძელთითება თამილა, თავზე ქუდებს დაიფარებდნენ — მზეს რომ არ დაეკრა, გადაჭრიდნენ ეზოს და ჰერიო! იმდენი ლაშქრობა ახსოვდა გიოს... გასვლის მოლოდინში, ცხრაჯერ მაინც გააღებდა კარს, საგულდაგულოდ გადაითვლიდა ჩანთებს, შეამოწმებდა წყალი ხომ არ დაეიწყნოდათ, საკმარისი ხილი თუ მოჰქონდა დედას... ბევრი დრო კი არ გავიდა მას მერე... ერთხელაც ჩავიდა ალგეთში, რაღაც შეიცვალა, მიხვდა. დილით ადრე წამომდგარს ცხრაჯერ აღარ გამოუღია კარი, ჩანთებიც აღარ გადაუთვლია მოლოდინით თვალებგაფართოებულს. ერთხელაც სექტემბერში, სკოლაში დაბრუნებულმა, მასწავლებლებს შეხედა და ჩვეულებრივი ადამიანები დაინახა. ადრე ისე უსაზღვროდ დიდები და უნაკლოები იყვნენ... უყვარდა ყველა, ახლაც უყვარდა, უბრალოდ, რაღაც შეიცვალა და შეიკუმშა, კი არ დამცირდა და მაინც, შემცირდა.

— ალბათ, როცა ყველაფერი უფრო პატარად მოგეჩვენება, შეგიძლია თქვა, რომ გაიზარდე. — მიუტრიალდა გიო წოლოს. წოლო ვერაფერს მიხვდა, გაეცინა მხოლოდ და მანქანა დაქოქა.

იალოვაში ერთხელ უკვე ნამყოფი იყო გიო. ადრე, ჯერ ივნისი იდგა და ცოტა ციოდა კიდევ. ზღვაზე წავიდეთო – დაიფინა სააბითმა. ადგნენ და წავიდნენ. ერთ ხალიჩას შემოსხდომოდა ათიოდე კაცი. ქალები მოშორებით ისხდნენ, ღმერთმა უწყის რაზე საუბრობდნენ. სააბითი ხარბად მიერთმევედა რალაც ალბათ გემრიელს. გიოს არ გაუსინჯავს. დიდად არ მოსწონდა აქაური კერძები. ამოხედა მაშინ და — მოდი ზღვაზე წავიდეთო. ასე უბრალოდ ჩალაგდნენ, ორ საათში იალოვაში იყვნენ უკვე, სანაპიროზე გაშოტილები. ქალები სადღაც კლდეებს იქით გაიშურწნენ. იქით ბანაობდნენ, კაცებისგან მოშორებით. ერთხელ თავში კი გაუელვა, მოდი იქით გავივლი, ავაფორიაქებ მაგ დედაკაცებსო, მაგრამ გადაიფიქრა. ლამაზი ქალები არ ყავდათ ამით ოჯახში და ჩალიჩად არ ღირდა. ორი დღე გაჩერდნენ მაშინ იმ ადგილას და პლიაჟზე ქალებიც მხოლოდ ერთხელ იხილა გიომ. საღამოს კი აივნებიდან დაინახა, აჩრდილებივით ჩაუარეს ლამპიონებს, ზედ ზღვისპირას ჩამოსხდნენ, მზის ჩასვლის სანახავად...

მზე რომ ოდნავ ქვევით ჩამოიწია, სულ სხვა ფერი დაედო იქაურობას. საიას თეთრი კანი ახლა ხორბლისფერი ჩანდა, ტუჩები — ღვინომუქი, თმა... და თმა ახლა ასე გაშლილი, თითქმის გაშლილი, ერთი წვრილი ჩხირით შემაგრებული...

— რა ლამაზი ხარ, საია! — ჩაილაპარაკა გიომ. გოგომ ქართული არ იცოდა, მხოლოდ სახელი გაიგონა თავისი, გაუღიმა და წადით, სასმელი მოიტანეთო, მოაძახა. მოსაღამოვებულებიო უკვე. გიო ზღვისკენ გადაბრუნდა. ასე უძრავად იწვა ცოტა ხანს. ზღვისგან მობერილი სიო შუბლზე თმას უჩეჩავდა, თითქოს მანქანაში ზის და დიდი სიჩქარით მიაქროლებსო.... გიომ პირველად რომ დაინახა ზღვა, აი, ნამდვილად რომ დაინახა, უკვე წამოზრდილი იყო — ასე, თორმეტი წლისა. მანამდე სულ ეგონა, რამე მნიშვნელოვანი მოხდებოდა, პირველად რომ ნახავდა ტალღებს. დიდი არაფერი, უბრალოდ შეტოპა ზღვაში და გამოტოპა უკან. სანდრო კი ძალიან ბედნიერი იყო იმ დღეს. ქვიშაში ბურჯგანაობდა, სილაში სახლებს აშენებდა... უყვარდა ქალაქების შენება სანდროს. ჯერ სულ ვედროთი მორწყავდა ხოლმე ალგეთის ქვიშიან ნაპირს, მერე ქვებს, კენჭებს მოიმარაგებდა, აწყობდა “აგურ-აგურ”. პატარა სახლებს გამოძერწავდა ჯერ, პატარა ეზოებით, ვიწრო, ქვით მოკირწყლული ქუჩებით, მერე მიყვებოდა სასახლეებს — პირველი გალაგანი, მეორე გალაგანი... მთელი დღე გავიდოდა და სანდროც მთელ ქალაქს ააშენებდა. ათასი რამის მოგონება შეიძლებოდა მერე. ვინ სად ჩაივლიდა, ვინ ვინ იქნებოდა. რამდენჯერ გაუფიქრია გიოს, რა სიამოვნებით იცხოვრებდა სანდროს აშენებულ ქალაქში. სიამოვნებით გამოალებდა იმ, კარად ჩადებულ ხის ნაფოტს, სიამოვნებით ჩაივლიდა კენჭებით მოკირწყლულ ვიწრო ქუჩებზე, როგორ მოზიდავდა შემას საღამოს, ბუხრის ცეცხლით გაითბობდა თავის კერას... რას არ იზამდა, ასეთი ქალაქი რომ ჰქონოდა გიოს!

— რა იყო, რამე უფრო მეტს მოელოდი? — შიგ კაკალ გულში მოარტყა მაშინ სანდრომ, პირველად რომ ზღვიდან ამოვიდა გიო. სანდრო თავიდან ფეხებამდე ქვიშაში იყო ამოგანგლული. თმა ჩალასავით ეყარა შუბლზე. ხანდახან ისე ზუსტად მოარტყამდა ხოლმე...

— უბრალოდ წარმოიდგინე ახლა, ტელევიზორში რომ ნანახი არ გექონოდა და ისე ჩამოსულიყავით, მაშინ რას ვიფიქრებდით!.

— ხო, მეც ეგ ვიფიქრე. — თვალეები მოჭუტა სანდრომ — აი, აქ ვართ და

არც არაფერი, ეგრა?

— კი, ეგრა. — გაეღიმა გიოს. მერე ჰკითხა — ეგ რა იქნება, რამე დიდს აშენებ? — გიოს უყვარდა, სანდრო რომ დიდს აშენებდა რამეს. სანდროს პირიქით, პატარა სახლები უფრო მოსწონდა, პატარა ეზოებით და პატარა ქუჩებით.

— მერე რას გაგს, რა არის ეგ! პირამიდას გაგს — გაეცინა გიოს. სულ ასე იცოდა, ჯერ გააბრაზებდა, მერე შენებაში მიეხმარებოდა.

შხის ჩასვლამდე აშენებდნენ იმ დღეს. თამილა თავისთვის იჯდა, კროსვორდებს აესებდა. ისეთი სიჩუმე იყო ირგვლივ, ტალღების ხმა...

— გიო! გიო! გიოიოოო! სასმელზე წამო, მერე არ დაიკეტოს მაღაზიები. დაურჩებით ისე! — ფიქრებიდან გამოიყვანა გიო წოლოს ძახილმა. ზმორებით წამოდგა ფეხზე და პატარა საკურორტო ქალაქის ცენტრისაკენ დაგაზეს.

აღკოპოლი ძნელი სამოვნელი იყო თურქეთში. ათიდან ერთ მაღაზიაში თუ იქნებოდა რამე. დიდ არჩევანზე ლაპარაკიც ზედმეტი იყო. მაღაზიიდან მაღაზიაში დადიოდნენ ბიჭები. გიო ჩუმად მიაბიჯებდა, თავის ფიქრებში წასული. წოლოც უხმოდ მიჰყვებოდა გვერდზე. უჩვეულოდ ჩუმი იყო გიო. წოლო ვერ ითმენდა, გამოერკვია რა ხდებოდა, არ იცოდა საიდან მოველო:

— ორი ბოთლი გვეეოფა? როგორ გგონია? თუ ზაპასში ვიყიდოთ კიდე, პა? გიოო, გიო! — გიო არ უსმენდა ისევ.

— ჰეი გიო! რა გემართება დღეს?. მაგარი გათიშული ხარ! ეი, გიო — მისმენ?

— ჩემთან რატო მეგობრობ, წოლო? — ძალიან სერიოზულად იკითხა უცბად გიომ, თითქოს მთელი ეს ხანი ამაზე ფიქრობდა. წოლოს ჯერ პირი ჩამოეწევა, მერე სიცილი წასკდა.

— რაა? რა მკითხე-ე?

— რატო მეგობრობ-მეთქი ჩემთან. მთელი ბავშვობა გავვალებდი, არ ვიყავი შენთან კაი როჟა, ხო ეგრა? რატო მეგობრობ?

— შენ რა, ამიხიპიმდე გინდა? — ცოტა დასერიოზულდა წოლო. მიხვდა, რადაც ვერ იყო გიო ხასიათზე. — წამო, გოგოები გველოდებიან.

ბევრი სვეს იმ საღამოს. სანაპიროზე ისხდნენ, შხის ჩასვლას ელოდებოდნენ, აღარ დაადგა საშველი. მზემ წითელი ფერი კი დაიდო, წითელ-ყვითელი ხალიჩაც დააგორა ზღვის ტალღებზე, და კიდევ მაინც დიდხანს მოუწიათ ლოდინი. მეორეს მესამე ჭიქა მიაყოლეს, მესამეს — მეოთხე, სადღაც მეოთხესა და მენუეთეს შორის მზეც ჩავიდა, ოღონდ ვიღას ახსოვდა მზე? საია ისე ლამაზად კისკისებდა, ლენას ეჩურჩულებოდა რაღაცას... გოგოების ჩურჩული კარგი დასაკვირვებელი რამეა. რამდენიმე სიტყვას მაინც იტყვიან ცოტა ხმამაღლა, ყველას გასაგონად. ამით ინტერესი ჩნდება ძალაუნებურად. აკეთებ შენ საქმეს, არ აქცევ ყურადღებას და ყურები მაინც დაცქეპილი გაქვს, ესაო და რამე გავიგონოო. მენუეთეს რომ მეექვსე მიაყოლეს, წოლო უკვე ბარბაცებდა. ჯერ ქვიშაზე გაწვა — დამმარხეთო; არადა, იმსიგრძეს რა დამარხავდა? მთელი სანაპიროს სილა არ ეყოფოდა. სილა კი სასიამოვნოდ თბილი იყო, ოდნავ თუ გადაქექიდი, სველ კენჭებს წაწყდებოდი სიღრმეში. ისეთი ლამაზები იყვნენ, სანამ გაშრებოდნენ, მერე კი დიდი არაფერი. სანდრომ იცოდა თბილისში ქვების ჩამოტანა. რამდენიმეს მაინც ჩამოიტანდა ხოლმე. ერთ ქისაში ეყარა მერე ყველა, აგროვებდა. საერთოდ ყველაფერს

აგროვებდა სანდრო. ვერ აერჩია რისი კოლექციონერი ყოფილიყო. ან რა იყო ეს კოლექციონერობა? ვთქვათ და შეაგროვე, მერე? “კოლექციონერს” ეძახდა ძმას გიო. ეზოში ერთი ლუკა ჰყავდათ, წრიპა, სამი წლის, — კოეციონერი! კოეციონერი! — დასდევდა ხოლმე სანდროს. რამხელა იქნებოდა ახლა ლუკა, რვა-ცხრა წლის? არადა წელამდე ვერ სწვდებოდა მაშინ და წოდოს ხომ საერთოდ, მუხლებამდე ალბათ. ერთ დღესაც დაჰკრა ფეხი დედამისმა, სხვა უბანში გადავიდა საცხოვრებლად. აღარც უნახავს მას მერე. ახლა ძლივს იხსენებდა ლუკას სახეს გიო. შავი თმა რომ ჰქონდა ეგ კი ახსოვდა. და ფეხსაცმლის ზონარი ყოველთვის შეხსნილი. როცა კი მოიხელთებდა დროს, ფეხს მაშინვე გაიშეშვებდა. ფეხშიშველი დარბოდა. მაგარი მასტი იყო. მაგის და კიდე, მუდმივად აჩეხილი თმით — რა ერქვა? ქეთინო... რამდენის იქნებოდა მაშინ, ათითერთმეტი წლის. გაეღიმა გიოს, გაბრუებული იყო სასმელით და მაინც, ისე ნათლად ხედავდა ახლა როგორ მიბარბაცებდა წოდო ტალღებისკენ — ზღვაში შეეცურათო — იძახდა.

ერთხელ ასე ისხდნენ პატარები აივნიდან ფეხებგადმოყრილები, ნაყინს მიირთმევდნენ. ცხელოდა. ბევრნი იყვნენ — ეზოს ბავშვები, წოდოც იქნებოდა ალბათ. საუბრობდნენ ვინ რას აპირებდა მომავალში, ვინ რა გამოვიდოდა. გიოს ეჭვი არასდროს შეაპრავია, რომ წარმატებული იქნებოდა — ოღონდ ზუსტად ვერ ხვდებოდა — რაში. რაღაცას კი გაახერხებდა, ეგ დანამდვილებით იცოდა. ვთქვათ, ის და სანდრო წარმატებული ბიზნესმენები იქნებოდნენ. ივლიდნენ მანქანებით, კოსტუმებში გამოწყობილები. თამილასაც აღარ დაჭირდებოდა ლექციების კითხვა. მხოლოდ მაღაზიებში თუ ივლიდა — როგორც ყოველთვის, მაღალ ქუსლებზე შემდგარი, ლამაზ კაბებში გამოწყობილი. სანდრომ უთხრა ერთხელ... უკვე წამოზრდილები, სამარშუტო ტაქსით მიდიოდნენ სახლისკენ. თამილა ადრე ჩავიდა, ლექცია უნდა წაეკითხა მეორე ცვლის ბავშვებისათვის. ფანჯრიდან უყურებდნენ, როგორ მიიჩქაროდა უნივერსიტეტისკენ ეს მაღალი და ძალიან გამხდარი ქალი. თითები — თხელი, ხელები — სუსტი და დაღლილი... გიოს არ უყვარდა დედა რომ ეწეოდა, სულ უბღვერდა ხოლმე. არადა, ხელში სიგარეტს რომ დაუნახავდა... უხდებოდა ძალიან. თხელი, ლამაზი თითები ჰქონდა დედას და იმიტომ. როდის იქნება, რომ ფულს ვიშოვით და მოუვლითო — ასე ჩასჩურჩულა მაშინ სანდრომ. გიოს თვალი არ მოუშორებია ფანჯრისათვის, მხოლოდ სახე დამანჯა და ჩაიციინა.

— ღამე გიცურავია ზღვაში, გიო? აუ, რას ასწორებს იცი! წამოდით, შევედით გოგოებო, დავაი, ადექით გავცურეთ! — სასაცილოდ დაბარბაცებდა აქეთ-იქით წოდოს სიღუეტი.

გიომ წამით კი იფიქრა რატომაც არაო, თუმცა მერე გადაიფიქრა. წოდო მაგარი ნასვამი იყო, მაგის გადარჩენის თავი სად ჰქონდა ახლა? სულ ცეკვა-ცეკვით მიიყვანეს წოდო სასტუმროს ნომრამდე, ოთახშიდა შეჩერდა ერთ წამს.

— კი, ყოველთვის ვირი იყავი, მარა შენს გვერდით როცა ვარ, ვირობას მარტო შენგან მოველი და ეგ უკვე კარგიაო, — ასე თქვა, ერთი დაბზრიალდა, ძაფივით მიიკლაკნა ლოგინზე.

გიოც, კაი ნასვამი, ცოტა ხანს გაკვირებული იდგა კარებთან, გონს მოსული მთვლემარე საიასთან მიბარბაცდა, იმის ბალიშზე ჩამოდო თავი და სიზმრებიც გაინაწილა. რა ლამაზი სიზმრები ექნებოდა საიას!

ღამე ზღვაში როგორ არ უცურავია გიოს. ცურვა დიდად არ უყვარდა, მაგრამ ღამე... როცა სანაპიროზე არავინაა, მხოლოდ რამდენიმე კაცი. წყალი გრილია და ბნელი. ტალღებიც არ ჩანს, თითქოს არც არისო. შორს უნდა შეცურო, ღრმად, მერე ზურგზე დაწვე და წყალს მიუგდო ყური. შორიდან თუ მუსიკის ხმაც ისმის, ხომ საერთოდ... და სანაპიროზე ჩამწკვრივებული სხვადასხვაფრად განათებული ბუნგალოები... ახლა ადგებოდა გიო, გაცურავდა სიამოვნებით, ადგომის თავი რომ ჰქონოდა. ფეხები ისე მძიმედ ელაგა საბნის ქვეშ, თითქოს ორმოცი წელი უდაბნოში ევლოს და ამ ლოგინისთვის მოეგნოს ბოლოს. ძალით ვერ ააყენებდი. დაღლის სამ დონეზე ფიქრობდა ახლა გიო. ერთი — წამოწვები და რომ ადგები, ფეხის ტერფები გტკიავა, მეორე — წამოწვები და რომ ადგები, მთელ კუნთებში დაგივლის ტკივილი. მესამე, წამოწვები და დარჩები კიდევ წამოწოლილი. ადგომა აღარ მოგიხდება. აი, ასე იყო ახლა. ძალგამოცლილი. რატომღაც, უამრავი ფიქრი თავში და ზღვის სუნი ნესტოებში — ვერ გეარკვევდი თევზის, წყლის თუ მარილის, ანდა — ყველაფერი ერთად. ოთახში სიბნელე და მხოლოდ სუნთქვის ხმა. ეძინა საიას. შესუნთქვა, ამოსუნთქვა, შესუნთქვა, ამოსუნთქვა...

VII

გრძელი ფეხები, მოკლე ფეხები

— გძინავს?

— არა, რა დამაძინებს!

— ხო ხვდები, რატომაც არ გითხარი...

— ვერა, ვერ ვხვდები.

— მე იქ არაფერ შუაში ვიყავი, ყველაფერს გეფიცები რა, უბრალოდ იქ ვიყავი და ეგ იყო. აუ, თუ გავიგე ვინ უთხრა ჩვენზე... აუ-უ რას ვუზამ!

— მაგას მაინც ვერ გაიგებ, ტყუილა ფიქრობ ახლა. ეგ არ მაინტერესებს... მე ის არ მომეწონა, რომ არ მითხარი რა. ეგრე არ უნდა ვიგებდე მე, რა როგორ იყო. და მეორე, იქ რაღაც ამბებს რომ აპირებენ ეგენი, მთელი ეზო ფეხზეა და რა აბლატავენ, რა უნდათ საერთოდ. მე არ მითხოვია ეგეთი რამეები. ზურა არი ერთი, საერთოდ გუშინ გავიცანი რა. გამეძრო დღეს, ჯოხები გადმომიღო, გამოგვადგებაო!

გაცვინა გიოს. — ვინ ზურა ბიჭო, ეგ ვინაა?

— ერთია რა, შენ გიცნობს ისე. კიჭას ვიღაცაა.

— კი, მგონი ვიცი. სტადიონის იქით ცხოვრობს, არა? მაღალი, გამხდარი... მერე რაო, ჯოხებითო? — კიდევ უფრო ხმამაღლა გაცვინა გიოს.

— თამილა გაიგებს, ჩუმად!

— ახლა რაღაცას რომ დააპირებენ, ფაქტია. შენ რა შუაში ხარ, ეგ მიზეზია უბრალოდ, არ ვვასებათ რა, გრძელი ამბავია მანდ. სიგარეტი გინდა?

სანდროს გაუკვირდა. ისე ხმამაღლა ჰკითხა გიომ, ეტყობა არც უფიქრია, თამილა გაიგებსო.

— დედამ იცის, ნუ გეშინია... — მშვიდად თქვა გიომ, თითქოს სულ ასე

იყო, თითქოს ჯერ კიდევ ცოტა ხნის წინ, სადარბაზოში არ იმალებოდნენ, მოსაწყვდად. სულ ასე იცოდა ამან. თუ მოხდებოდა რამე ახალი, თავს ისე დაიჭურდა, ვითომც არაფერიაო. ტანსაცმელზეც ასე იცოდა, თუ მოუწონებდნენ ახალს რამეს, ძველიაო იტყოდა.

— როდიდან იცის? რა, შენ უთხარი?

— რა დასამალი ვგაა... — სერიოზული კაცის სახე მიიღო გიომ. არადა, სანდროს ვერც ადვილად მაინც ვერ დააჯერებდა.

— დაგინახა არა? — კითხა ღიმილით.

— აბა ბიჭო! ვსხედვართ იმ დღეს ბირჟაზე, ვეწევით და ზედ არ წამო-
მადგა!

— მერე? — წამოიწია სანდრო. ისე სიბნელეში კი არ ჩანდა კარგად, უბ-
რალოდ სილუეტი წაგრძელებული აშკარად.

— მერე არაფერი. არაფერი არ მითხრა. სახლში ამოვიდა და მეც აღარ
დაუმაღლე... რომ მოვედი, სიგარეტი მაგიდაზე დავაგდე.

— და ხმა არ ამოუღია?! — კიდევ უფრო წამოიწია სანდრო.

— ვისი ფულით ყიდულობ მაგ ნაგავს, ერთი ეგ მაინტერესებსო.

— მერე შენ რა უთხარი? — გაეცინა სანდროს. წარმოიდგინა, რა სახე ექ-
ნებოდა დედას. გამეხებული. ასე იცოდა, ბევრს არ გეტყოდა, მაგრამ ისე გე-
ტყოდა, ისეთი სახით!

— რა უნდა მეთქვა? — გაელიმა გიოსაც — დროა მუშაობა დავიწყოთ უკვე.
აგერ კიჭას პონტში, რამე უნდა ვიჩაღიხოთ. ვუთხარი უკვე ყველას. რამე გაიკით-
ხეთ-მეთქი. დიდიხანია ვაპირებ. მოსამზადებელი არ უნდა გავმაზო. უნდა ვიარო
და მაგის მერე სადმე ვიმუშაო, ოღონდ ლაით პონტში. ჯიბის ფული და რამე.
რას იტყვი?

გიომ სიგარეტს მოუკიდა. მართლა დიდს ჰგავდა ახლა გიომ! სანდრო უყურებდა
და ფიქრობდა, მაგრად ჩამოვრჩიო. როგორ გამასწროო — გაურბინა ფიქრში.

ერთ ზაფხულს, მაშინ ცხრა წლის იყო, რაღაც უცბად გაიზარდა გიომ. თბი-
ლისში ჩამოვიდნენ და სკოლაში დაცინვაც კი დაუწყეს — არათანაბრად გაი-
ზარდა და იმიტომ. ტანი გაეზარდა, თავი, ცხვირი, ყურები და ყბა კი იგივე დარჩა,
ვერც დაქნა დანარჩენს. ტემპში ვერ აყვა ეტყობა. კაი ხანს ამის გამო პირსაც ვერ
აღებდა დიდზე. ხოდა, იმ ზაფხულს იყო, სანდროსაც რომ გაუჭირდა გიოს გვერ-
დით სიარული. სიარული ისედაც უჩვეულოდ ჩქარი იცოდა გიომ და ახლა კიდევ
ეს გრძელი ფეხები... — ერთი-ორი, ერთი-ორი...ტემპში! — სიარულს ასწავლიდა
გიომ სანდროს, როცა ბრანდებოდა, როცა სანდრო ძალიან ჩამორჩებოდა ხოლმე.
ძაან სასაცილო საყურებლები იყვნენ. ახლაც, ანის გვერდით მობაჯბაჯვე თეოს
რომ დაინახავდა, სულ ის დრო ახსენებოდა სანდროს. ქუჩის იქიდან უყურებდა
ხოლმე დილაობით. ჩამოჯდებოდა ბეტონის მოაჯირზე და სადარბაზოს მიაჩერ-
დებოდა. ჯერ თეომ იცოდა გამობაჯბაჯება. უყვარდა დას რომ ასწრებდა სახლი-
დან გამოსვლას. ანის გაკვეთილები ადრე ეწყებოდა, გზად პატარას ტოვებდა
ხოლმე ბაღში. ნარინჯისფერი კულულები ჰქონდა თეოს. თეთრი, ბუთქუნა სახე...
ჯერ რამდენიმე ნაბიჯს გაირბენდა, გაუსწრებდა კიდევ დას, მერე ერთ ნაბიჯს
ნელა, ღირსეულად გადადგამდა. ანის წელგამართულს უყვარდა სიარული. წამი-
თაც არ ავიწყებოდა ლამაზი რომ იყო, გრძელი, ხვეული თმა რომ ჰქონდა,
ლურჯი ფერი რომ უხდებოდა თვალებს...

— ანი! — ამოსმახებდა ხოლმე თეო, ხელის გულებს მიუშვერდა, თითებს მოხრიდა რამდენჯერმე. ნიშანი იყო ასეთი. ანიც აიყვანდა ხელში, სხვა რა გზა ჰქონდა?! ხან კი მართლა იღლებოდა პატარა, ხანაც ისე, — იბრანჭებოდა, უხაროდა სამყაროს ზემოდან ყურება. ანი რომ ხელში აიყვანდა, თეო თმაში შეუცურებდა კოტიტა თითებს, მერე კი მხარსზემოდან თავის წითელ სანდლებს დახედავდა, თითქოს ასფალტზე რომ მოსრიალებდნენ. თეოს გაჩენისას ანი თითქმის ცამეტის იყო უკვე. კარგად ახსოვდა ის დღე... ბალეტის დამრეზებული, პირდაპირ საავადმყოფოში გააგზავნეს, იქ კი თეო დახვდა, ძალიან პატარა და ძალიან წითელი. თავიდან ძნელი იყო... სულ ტიროდა თეო. დედა კი აჩუმებდა ღამე, მაგრამ ანის მაინც ეღვიძებოდა. რამდენჯერ უფიქრია — ახლა შევიძლება, სადმე გააქრეთ, გადამალეთ ეგ ბავშვიო, არადა როგორ უხაროდა ასე რომ ჩაეხუტებოდა, ან გაუცინებდა ხოლმე თეო. ლოყაზე პატარა ფოსო უჩნდებოდა და წინა ორი კბილიც კურდღელივით ჰქონდა წამოწეული. მერე, როცა ენა აიდგა და სასაცილო სიტყვების სროლა დაიწყო, საერთოდ აღარ იშორებდა გვერდიდან, თოჯინასავით დაატარებდა ყველგან თავის დაიკოს. პირველი პოზიცია! მეორე პოზიცია! — დააყენებდა ხოლმე ანი პატარას, ბალეტის გაკვეთილებს უტარებდა. ისიც მოსწონდა ანის, რაც გინდა გეთქვა თეოსთვის, ყველაფერზე ხალისით გეტანხმდებოდა. ეტყოდი, ბალეტი ვიცეკვეთო — იცეკვებდა. ეტყოდი, სახლი დავალაგოთო — დაგალაგებინებდა. ეტყოდი, მთელი საღამო ერთმანეთს ხმა არ გავცეთო — ერთს არ შეგუხმებინებოდა. მთავარი იყო, თამაშად ჩაეთვალა ყველაფერი. აუხსნიდი, ვითომ ასეთი თამაშიაო, და თეოსაც აენტებოდა თვალები. როდესაც სამეცადინო ქონდა ანის მაშინ, “ჩუმობანას” თამაშობდნენ. თეო ჩუმად დამკრებოდა აქეთ-იქით, ცდილობდა ზედმეტი ხმა არ გაეღო. — თეო! — გამოსმახებდა ხოლმე ანი ბალის ჭიშკრიდან. — თეო, სახლში მივდივართ! — კი ერთობოდა თეო ბაღში, ბევრი მეგობარი ჰყავდა, თავიანთსმცემლებიც კი ერთი-ორი, მაგრამ ანის ეს დაძახება მაინც ძალიან უყვარდა. საყვარლად დაიხრებოდა, შარველიდან ქვიშას ჩამოიბერტყავდა, ასე ასწავლეს, ყვითელ ვედროს ხელს დაავლებდა და მობოლოდა ანისკენ.

ახლაც ანის სადარბაზოს წინ ჩამომჯდარიყო სანდრო, გამკლელ-გამომკლეს აყოლებდა თვალს და ღიღინებდა თავისთვის რაღაც გაურკვეველს... ამ დროს პატარა, ნარინჯისფერკულულებიანმა თეომ სადარბაზოდან გამოიჭყიტა:

— ანი, პიერო მოვიდა! ანი!

— ჩუჩუჩუ! — პირზე ხელი ააფარა ანიმ დას — ნამდვილად, თეო? ისევ ის პიეროა? კარგად დააკვირდი. — თვალები აუციმციმდა ანის.

— პიეროა ანი. აქ დაგიცადო? — თეოს სახეზე უკმაყოფილება დაეტყო, არ უყვარდა ანის თუ სადმე არ მიყავდა. ამასწინაც ასე იყო. აქ დამელოდო უთხრა, მარტო გავიდა და რაღაცეები ელაპარაკა პიეროს.

— სულ ცოტა ხანი, კარგი თეო? — თეო ჯერ გაიპრანჭა, ბაჩის წვერით სადარბაზოს ფილებს დაუწყო გაპრიალება, ასე იცოდა სულ. მაშინ ანი დაიხარა — სსსსსსსსსს! — ისე თქვა, რაიმე გემრიელს რომ დაინახავს კაცი, თვალები ააბრიალა და დიდი ენთუზიაზმით წამოიძახა — თეო! მოდი სანამ ბაღში წავალთ, გავიაროთ, დი-ი-დი შოკოლადის ნაყინები ვიყიდოთ! თეო, ჰა, რას იტყვი, დამიცდი?

თეო დაფიქრდა, ყველაფერი აწონ-დაწონა და თანხმობის ნიშნად, ძალიან სერიოზული სახით, თავი დააქნია.

— შევთანხმდით! — გაეღიმა ანის. ეს ხერხი ყოველთვის ჭრიდა.

— პიერო? — გაეცინა სანდროს, ანი რომ მიუახლოვდა.

— გაიგონე არა! თუ გეძახის რატომღაც ასე, მე არაფერ შუაში ვარ — გაეცინა ანისაც. — აქ რას აკეთებ სანდრო? კიდევ გიცდება გაკვეთილები? — თავმომწონედ იკითხა ანიმ, რაც სინამდვილეში ამას ნიშნავდა: *ვიცი არაფერი გიცდება, აქ ჩემს სანახავად მოხვედი, მოიმიზეზე ახლა სხვა რამე და ყველაფერიც კარგად იქნებაო*. სანდროც აღარ დაბნეულა — *საქმე მქონდა, არ წავედიო და... მორჩა, ანი მაინც არ ჩაემიებოდა ზედმეტად*. საერთოდ ადვილი იყო ამ გოგოსთან — ჰკითხავდი როგორ ხარო — კარგადო, ჰკითხავდი გცალიაო — მცალიაო, მოკლედ და მარტივად. მარტივად დაიწყო, მარტივად გრძელდებოდა. ასე იჯდა ერთ დღეს სანდრო ანის სადარბაზოსთან — თავისთვის რა... გამოვიდა ანი, გამოემართა პირდაპირ სანდროსკენ. სანდრო ისე დაიბნა, არ იცოდა რა ექნა. ის იყო ფეხზე წამოდგა, რომ რა გქვიაო — დაეკითხა ანი.

— სანდრო... — შეცბა სანდრო.

— სასიამოვნოა, მე ანი მქვია, აქ ვცხოვრობ.

— სასიამოვნოა — კიდევ უფრო დაიბნა სანდრო.

— ამ დღეებში სულ აქ დგახარ, ხშირად გხედავ, ეტყობა ახლა გადმოხვედი. ამ ეზოში ყველას ვიცნობ და იმიტომ გეუბნები. ნამდვილად არ იყავი აქაური. მოკლედ, ვიმეგობროთ!

— ვიმეგობროთ. — გაუხარდა თუ გაუკვირდა სანდროს. — მე სანდრო მქვია.

— ვიცი, უკვე მითხარი.

— სასიამოვნოა...

— ეგეც მითხარი უკვე. — გაეცინა ანის.

— ესე იგი ყველაფერი მითქვამს...

“არა, ჯობია გაგჩემდე” — გაიფიქრა მერე — “და რა იყო ამასწინ რომ გავიარეთ? დუმილი ოქროი ქებული...”

VIII

ჩემი საიდუმლო, შენი საიდუმლო, ვერას საიდუმლო და კიდევ ის, რომ თუ დაგჭირდა, ვანო სულ აქაა

მხოლოდ თოლიების ხმა, წყნარი ზღვა, ნელი სიო და იალოვა... სულ ახალი დილა სანაპიროზე.

კარგი იყო საიას გვერდით გაღვიძება — ჩახუტება და ისე ძილი არ იცოდნენ: ჯერ ერთი, ცხელოდა საშინლად და მეორე, ორივე ბევრს წრიალებდა ღამე. ერთხელ გიომ, ოღონდ ძველად, გაიღვიძა და აღმოაჩინა, სამხარეულოში იწვა. ეგეთი უცნაური რამე პირველად და უკანასკლად დაემართა. ღამე თვალდახუჭული ბორიალი და კედლებზე გასვლა არ ჩვეოდა, ერთხელ მოხდა სულ.

მოკლედ, საია რომ გაიღვიძებდა, აუცილებლად უნდა მოჩოჩებულყო გიოსთან, მკერდზე ჩამოედო თავი. თმა კიდევ იმსიგრძე-ე! თმა — ისე დამყოლი... აი,

ხომ არის რომ შეგაწუხებს! ჯერ ხომ ვერ აკოცებ გოგოს — სულ სახეს უფარავს, მერე ღამე გეხახუნება, ბალიშის ნაცვლად თმაზე გიდევს თითქოს თავი!

— როგორ ვერ გიტან, ყოველ დილით, სულ უფრო მეტად და მეტად ვერ გიტან, საი! — ეტყოდა ხოლმე ჩურჩულით.

— მეც მიყვარხარ! — პასუხობდა ისიც — მეც სულ უფრო მეტად და მეტად და მეტად...

— ყავა და სიგარეტი, თუ რძე და ნამცხვარი? — ასე იწყებოდა საიას დილა. განწყობის მიხედვით — ჯანსაღად ან არაჯანსაღად. ყავა, სიგარეტი, ჯაზი, წითელი ატლასის ხალათი, ან რძე, ნამცხვარი, სპორტული შარვალი, თმა — ჩაწნული.

— ყავა და სიგარეტი... — საყვარლად გაიზმორა საია — რა დროს რძეა!

აღარ უსმენდა გოგოს გიო, თავისას ფიქრობდა.

მშვენიერი დილა იყო: ჩიტები, პალმები... მოკლედ, კარგი დილის ყველა თავისი რამე-რუმეებით: მზე, ზღვის ჰაერი, კაფე დელ მარი! რას არ მოიგონებენ ეს თურქები, ტურისტები რომ მოიზიდონ. სულ ცერებზე დგანან — ისე კი არა, ქართულ რესტორნებში რომაა — თავისთვის რომ აჯახებენ მენეჯერი და ოფიციალები — თუ გინდა შედი, არ შეხვალ და აი დარდი...

რადაც ნაცნობი მელოდია ჟღერდა პატარა, ჩალით გადახურულ ბუნგალოში. საიას გაშლილი თმა, ისრებად ჩამოყრილი ... საია გიოს პირდაპირ იჯდა და ისეთი თვალვით უღიმოდა, თან რომ რადაცას გეკითხებიან და თან რომ გამხნეებენ.

— რამე მოხდა გიო? მითხარი, მოხდა რამე?

— არა, რატო? — გაიკვირვა გიომ.

— ფიქრობდი რადაცაზე, გუშინაც, დღესაც. რადაც მაინც მოხდა.

— არა, არაფერი. ეგაა, სანდრო არ იწერება არაფერს...

— რამდენი ხანია?

— ორი კვირაა თითქმის.

— ორი კვირა? — გაეცინა საიას. — ჩემებისთვის თვეზე მეტია სიტყვა არ მიმიწერია!

— ეგ შენ და მე. ეს ჩვენ ვართ ესეთები, არაფერს ვიწერებით.

— მოგწერს. გოგო გაიჩინაო, შენ არ მითხარი? ბოლოს ეგ არ მოგწერა?

— ხო... ან... ძლივს არ ჩაიგლო ხელში! — გაეცინა გიოს — ერთი წელი დასდევდა მგონი.

— მერე, ძმებისთვის სადღა სცალიათ ხოლმე ასეთ დროს!

— ეგრეა. არადა ქუდიც გაუგზავნე... აი, ადრე რომ ვუყვიდეთ. ისე, სწორი ხარ. კი, სწორი ხარ. ასეა — ხომ ხედავ, ძმებს გვირჩევენხარტ გოგოები.

— რა თქმა უნდა, — გაეღიმა საიას — ძმებს სადა აქვთ ასეთი ლამაზი ფეხები — და გოგომ ორივე ფეხი მაგიდაზე შემოაწყო.

— და მერე თმები!.. — ერთი ამოიხვნეშა გიომ, როცა საფუძვლიანად გაანალიზა ქალთა სქესის უპირატესობანი — წავედით.

ერთი ეგლა თქვა და წავიდნენ.

კაი ჩუმჩუმელა ვინმე იყო ეს სანდრო. გიოს რომ ეგონა ყველაფერი ვიცო და უცბად ისეთს აღმოაჩენდა... ახლაც ეცინებოდა გიოს, როცა იხსენებდა, როგორ აღმოაჩინა სანდროს შეყვარებულობა. გრილოდა უკვე. ბიჭები ბოლოჯერ წვიდნენ ფეხბურთის სათამაშოთ იმ კვირა დღეს. როგორც წესი, კვირაობით იცოდნენ ხოლმე სტადიონზე ასვლა. გაიძრობდნენ ქურთუკებს, ამოიცვამდნენ ბუცებს, მთელი ძალით იხარჯებოდნენ. ოფლად გაღვრილები გაწვებოდნენ მერე ბალახზე. ერთი ზაზა იყო, პატარა ბიჭი, “კოკა-კოლებს” ამოარბენინებდა ვერუვე, კაი იყო კვირაობით. მთელი ამბავი იყო. წაგებული მხარე ხინკლებს კისრულობდა. თამაშის მერე ერთად ჩადიოდნენ ბიჭები – ლუდი, ხინკალი... სანდრომ – ისევ თავი მტკიავო, და არაფრით არ წამოვიდა. გიო კი ხვდებოდა უკვე რალაცას. ჯერ ერთი, სარკეში რომ არასდროს ჩაუხედავს სანდროს, ახლა ძალიან მოუხშირა თმის გლესვას... მერე, დილითაც ხომ ერთი სული ქონდა, როდის წავიდოდნენ სკოლაში. გაკვეთილებზე არ შედიოდა, რა თქმა უნდა – გიოს იქვე შეატოვებდა ბიჭებს, სადღაც მოტყდებოდა თვითონ. მოკლედ, დაუდარაჯდა გიო...

კაი საყურებელი ვინმეც იყო სანდრო. იმიტომ კი არა რომ აი, რაღაც განსაკუთრებული – უბრალოდ ნაკვთები ჰქონდა სხვანაირი, სასიამოვნო. არადა, დედას სულ არ ჰგავდა, მამას ჰგავდა უფრო. ფოტოებზე, სადაც მამა პროფილში იყო გადაღებული, თითქმის ვერ განასხვავებდი სანდროსგან. წარმოიდგენდა ხოლმე გიო, ალბათ ასეთი იყო მამა სანდროსხელო. მოკლედ, საინტერესო შესახედი ვინმე იყო. თანაც, მთელი ცხოვრება ერთად გაატარეს და ამ ბიჭს მაინც რაღაც თავისი სამყარო ჰქონდა, გიოსგან განსხვავებული. თავისთვის ფიქრი უყვარდა, საერთოდ თავისთვის იყო... პირველად, სანდრო რომ მამას ოთახში შეძვრა, პატარები იყვნენ ჯერ. მამას კოსტუმების მოზომვა დაიწყო. როგორ ეწვინა გიოს! შევიდა ოთახში და სანდრო დაინახა მამის ნაცრიფერი ქუდი. ისე, რაღაცნაირად ეხურა, ფილმებში რომ ადევთ თავზე განგსტერებს. ყველაზე მეტად კი ის მოხვდა გიოს გულზე, რომ ეს ყველაფერი ძალიან უხდებოდა სანდროს. მამას პიჯაკი – ყავისფერი, თუძვა ისეთი დიდი ჰქონდა, ხელები სულ არ უჩანდა, მერე ის რომბებიანი წინდები... გიოს დანახვაზე სანდრო შეცბა, რას ეტყოდა, იდგა ასე, გატრუნული.

გიო მაშინ მიხვდა, რომ ჯობდა რაღაც-რაღაცეების კეთება ეცლია სანდროსთვის, არ ჩარეულიყო. თვითონ გიო თუ რამეს აკეთებდა, იმდენად პირადულიც არაფერი იყო, მაინცდამაინც მარტო დარჩენა მოსდომებოდა. სანდროს კიდევ თავისი სამყარო ჰქონდა... ახლაც კარებს იქიდან უყურებდა გიო, როგორ წრიალებდა სანდრო მამას კარადასთან. ხან ერთ ქუდს მოიზმანებდა, ხან მეორეს. კარს უკან, გატრუნული იდგა გიო. მხოლოდ უყურებდა... და მაინც, ბრაზობდა. ახლაც ბრაზობდა.

სანდრომ სკვერი რომ გადაკვეთა, სადღაც მაგ ადგილას წამოეწვია ძმას. ბიჭებს უთხრა, საქმე მაქვსო. ფეხბურთის თამაშზე მეტად სანდროს ამბები აინტერესებდა. უკან გამოედევნა და რას ნახავდა ისეთს: ჯერ ყვავილები იყიდა სანდრომ, მერე ანისთან სადარბაზოში შევიდა, ყვავილების გარეშე გამოვიდა, მერე ანიც გამოვიდა ყვავილებით, ისაუბრეს, გაიარ-გამოიარეს... გიო დაიდალა ბოლოს უკან-უკან დევნილ და სახლში დაბრუნდა. – უმცროსი ძმა ეძახე შენ და რა დღეში ყოფილა! – ფიქრობდა და კიდევ ათას რამეზე ფიქრობდა, ოღონდ ახლა აღარ

ახსენდებოდა, რაზე. ახლა, როცა შზე უწვავდა ტანს და გვერდზე საიაც ირუჯებოდა, გიოს ფიქრების მოკრება უჭირდა. მოკლედ, ასე იყო თუ ისე, დაისვა იმ სადამოს სანდრო და ეუბნება:

— სანდრო, როდისმე რამე დამიმალია შენთვის? — სანდრო ხომ გაოგნებული შესცქეროდა, მაგრამ ეგ არაფერი, ჯერ სად იყო! — როგორ გგონია, მათქვანს მე შენგან რაიმე საიდუმლო?

სანდრო დაფიქრდა:

— შენ და წოლო ეწვეით ხოლმე იმას, მწვანეს. წოლო კიჭასგან შოულობს, კიჭა დიდებისგან. — ამას კი აღარ მოელოდა გიო, მაინც ყოფილა რაღაც! შერცხვა ცოტათი.

— შენც გეტყოდი, ბაზარი არაა, უბრალოდ ცუდი რამეა ხო იცი და თან ეგ სულ ერთხელ-ორჯერ იყო და მორჩა!

— ერთხელ არა... — თავი ჩაღუნა სანდრომ.

გაეცინა გიოს:

— საიდან იცი?

— უკან დაგყვებოდი...

ისევ გაეცინა გიოს:

— მეც გამოგყვები დღეს!

აბა რას ეტყოდა სანდრო? ერთი გოგო არისო, მომწონსო... რაღაცნაირი, კარგი გრძნობა დაეუფლა მაშინ გიოს. პირველად იჯდა სანდრო ასე და უყვებოდა რაღაც თავისთვის მნიშვნელოვანს. დიდი მაინც კი ვერაფერი გაიგო. ერთი, რომ სანდროს უცნაური გრძნობა გასჩენოდა სადღაც, კუჭის სიახლოვეს და მეორე, რომ გოგოს ერქვა ანი. პრინციპში, თვითონ სანდრომაც არ იცოდა ამაზე ბევრად მეტი. რაც იყო ეგ იყო. გოგოს ნამდვილად ანი ერქვა.

* * *

— ანი, ჩუსტები! ანი, კაბა! ანი, თმის სამაგრი! გოჩა!

— რომელი თმისსამაგრები — ვითომ უღარდელად იკითხავდა გოჩა.

— რომელი და ის! — უფრო და უფრო ბრაზობდა ციცო, ნერვიულად ჩაიფუსფუს-ჩამოიფუსფუსებდა ოთახში, ააგროვებდა ანის ტანსაცმელს, კონცერტის მერე გამოსაცვლელად...

— ანი “აბალოკი” გაიკეთე, თმები დაგეშლება!

ანი ფეხს გამოყოფდა კარადიდან. ასე იცოდა, თუ რამეს ეძებდა, თავიდან ბოლომდე კარადაში იყო შემძვრალი. უზარმაზარი კარადა იყო, მართლა უზარმაზარი. აი თეო, დამალობანას რომ თამაშობდა, კარადაში შესული, უკან გზას ძლივს აგნებდა ხოლმე. პატარა თეო... ერთხელაც იყო, მართლა დაიკარგა კარადაში! შეძგრა, ვითომ ანის დაეძალა. მერე, ეს ჩამოკიდული ტანსაცმელი... იმდენი ქურთუკი, პიჯაკი... თან ხომ ბნელოდა შიგნით, მერე დაცხა კიდეც, ანერვიულდა. დაბობლავდა აქეთ-იქით, სულ აერია თავგზა. აკანკალებული გამოიყვანეს გარეთ. ანის გადავიწყებულიც ჰყავდა, სანამ დედამ არ იკითხა — თეო სად არისო. მართლაც სად არისო და კარადაში იქნებაო. სულელი, პატარა თეო, არ დააფეთა ყველა!

— აი ესენი? — უხალისოდ იკითხავდა გოჩა, თითქოს სულ არ უძებნია.

— კი ევაა! ანი, თმის სამაგრები ვიპოვეთ! ჩქარა ჩანთა, თუ — მამასთან მიდი, წავედით!

შემოტრიალდებოდა ციცო, ყველას გარეთ გამოუძღვებოდა, ანის ჩანთებს დაავლებდა ხელს — ბაფთები, გვირგვინი, მოსასხამი... გავარდებოდა თვითონაც.

რა ლამაზად ცეკვავდა ანი! თუოსხელა იყო თითქმის, ცეკვაზე რომ შეიყვანეს. წონასწორობას ცალ ფეხზე კი არა, ორზეც ძლივს ინარჩუნებდა. სამაგიეროდ, სულ ასე ცეკვა-ცეკვაში გაიზარდა. ციცოს კი ეუბნებოდნენ, არ გინდა ბავშვის ცეკვით ასე დატვირთვა, ფეხები დაეკუნთებაო. რაღას არ ამბობდნენ... გამორჩეული ყურადღებით კი სარგებლობდა ყოველთვის. კონცერტების მერე თავს როგორ იჭერდა — ამყად. ხანდახან რომ დაუკვირდებოდა, თვითონაც ხვდებოდა — ეს ყველაფერი უბრალოდ წაქეხება იყო, მშობლების სურვილი, ბავშვებს თავი მნიშვნელოვან ადამიანებად ვერძნოთ. სკოლის კონცერტები, გამოსვლები სხვადასხვა სასახლეებში, აკადემიებში, ეს ყველაფერი კარგი — სანამ ირგვლივ ახლობლები იყვნენ, ტაშსაც დაუკრავდნენ, შეაქებდნენ... მერე? მერე რა? ასე რომ იფიქრებდა, მოიწყენდა ხოლმე ანი. სულ აღარ უნდოდა ბაღეტი. ისევ ჩაჩაჩული სპორტული შარვალი მოენატრებოდა, თბილი პულავერი, ბაბუასთან ერთად სიარული მთაში, სოკოების მოგროვება... რა კარგი იყო მარტვილში... ახალწვიმარზე სეირნობა, სოფლის ბიჭებთან ერთად გუბებში ჭყაპუნი... თუ დაბადებულიც არ იყო მაშინ. არც იცოდა, თუ თუ გაჩნდებოდა. თოჯინა ჰყავდა ერთი — ჯეჯე, თან დააპორწიალებდა ყველგან. ისევე უვლიდა, როგორც ახლა თუოს. რატომ დაარქვა მაინცადამაინც ჯეჯე, ვინ იცის? მაშინ რაზეც არ ჰკითხავდი, ყველაფერი ჯეჯე იყო მისთვის. სხვები იძახდნენ — ბუა, ანი იძახდა — ჯეჯე, სხვები ტიროდნენ — დედა-ა, ანი ტიროდა — ჯეჯე-ე! სხვები იძახდნენ — აუა, ანი იძახდა — ჯეჯე... გიჟს ჰგავდა ციცო — რაღა ეს — ჯე, რამდენი ლამაზი ბგერა არსებობსო... ჰკითხავდა — რატომ “ჯეჯე”, ანი? — ჯეჯე! — უპასუხებდა ანი.

ზაფხულში, ბაბუ რომ გარდაიცვალა, სოფელში იყო. რაღაც ძალიან მნიშვნელოვანი ანის დაუსწრებლად ხდებოდა ყოველთვის. ბოლოს ბაბუ ხეხილით საესე ეზოში ახსოვდა, წინა ზაფხულს. თუოსთან ერთად ფანჯარასთან იჯდა საღამოს. ბაბუ ქლიავის ხეს ბერტყავდა. ძირს ცვიოდა მწიფე ქლიავი, შავი, ლურჯი, მსხვილი... დილით ისე ადრე წავიდა თბილისში, ანიმ ვერც გაიგონა. რომ ადგა, დედამ უთხრა, ბაბუ უკვე წავიდაო. ზაფხულის ბოლო იყო. თვითონაც მალე წამოვიდნენ. სახლის კარი ჩაკეტეს — მიელი წლით, საგულდაგულოდ. მორჩა, მერე აღარც უნახავთ. თბილისში დაბრუნებულებს მამა დახვდათ სულ სხვანაირი, დამწუხრებული. ჯერ კი ვერ იგრძნო დიდი ვერაფერი ანიმ. თითქოს კინოში მოხდაო, უბრალოდ ახალი ამბავი გაიგო — ინსულტი, უცბად, ახალჩამოსულსო... კარგა ერთი თვე გავიდა, რომ შინ მოსული ანი ტელევიზორს მიუჯდა, ისე, უაზროდ ჩართო რომელიღაც არხი და ცრემლები გადმოუგორდა თვალებიდან. მოკლედ, რა დროს ეგ იყო, ძველი ამბავი... იშვიათად თუ ახსენდებოდა, მხოლოდ ასე რომ მოიწყენდა, მაშინ. სიმართლე რომ ვთქვათ, ყველაზე მეტად ახლა რაც აღარდებდა ანის ის იყო, ფანჯრის წინ წაწერილი — “ანი მიყვარხარ” — თითქმის რომ აღარ ჩანდა. ამდენმა წვიმამ სულ მოუღო ბოლო. ახლა კიდევ, თოვლი დადებდა მალე და საერთოდ... ისე, დეკემბერი კი საკმაოდ თბილი გამოდგა. უჩვეულოდ თბილი. როგორც წესი, დეკემბერში ყველა სახლს უნდა აფარებდეს თავს, ზედმეტად

გარეთ არ გამოდიან, თუ გამოვლენ და შუბლზე დაეწერებათ — “სახლი მაქვს და შინ მივიჩქარო”. თბილისში დეკემბრის ბოლო უქმური იცის ხოლმე წესით, არადა ახლა გაიხედავდი გარეთ და — მთლად გაზაფხული იდგა... ხალხი დასეირნობდა, პარკი გადავსებულიყო ბაეშეებით... ჭრულა-ჭრულად ჩაცმული პატარები მძივის გაბნეული თვლებით — კოტრიალობდნენ, დაყიჟინებდნენ აქეთ-იქით, მშობლებიც იქვე, მუდმივ მზადყოფნაში — *საბა თითს პირში ნუ იდებ!* და ასე...

ქვიშაში ჩაფლულმა კოტიტათითება საბამ, ვერაფრით რომ ვერ აჯობა ნატოს კულინარული შედეგის — ქვიშის პასკის დაშხადებაში, ახლა სხვა თამაში მოიგონა — *მე აი ასეთი, დიდი, დიდი კლანჭიანი ვეფხეი ვარ!* — ამოყო ხელები ვეროდან და ქვიშა შიგ თმაში ჩააყარა გოგოს.

— რას აკეთებ! — წამოფრინდა იქვე, შორიახლოს ქალებთან ჭორაობაში გართული ვერა, — ნატო, მოდი აქ, ჩქარა!

ნატო დედის ასეთ რეაქციაზე მიხვდა, რაღაც ცუდი დამმართესო და მოთქმით გააბა ტირილი. საბაც გათამამდა — ასე ადვილად შევაშინეო, ჩაყო ორივე ხელი ვედროში, მეტი ქვიშა დაიმუჭა.

— ნახე! ნახე! დააყრის, — გაეცინა კიჭას. სკამზე ისხდნენ ბიჭები.

— მაგარი ქალია ჩვენი ვერა... მაგის ამბავი ხომ იცი?

— რა ამბავი... — ვითომ დააინტერესა.

— ერთი შვილი რომ პირველი ქმრისგან ჰყავს, მეორე — მეორე ქმრისგან და მესამეც — ჩვენი გოვისგან.

— გოვი? რას მეკაიფები!

— ახლა გეუბნები და დამიჯერე.

— საიდან იცი?

— რომ გეუბნები, დამიჯერე-მეთქი. — გაჩუმდა ორივე. — რომელზე მოვალთო ბიჭებმა, რამდენი იქნებიან?

— რა ვიცი, გიო რამდენსაც მოაგროვებს რა... იქით ზურა გავაფრთხილე, ეგეც ააგდებს რამდენიმეს.

ბნელდებოდა უკვე.

— მაგრა კი გაჯანჯლდა ეგ ამბავი.

— ხო, რავი — ალბათ გონიათ, შერჩენილი გვაქვსო.

— ახლა ეზოს ამბავია და რამე, გიოზე არაფერს ვამბობ, ხო გესმის... პატის ვცემ და რამე, მარა ამდენხანს არ უნდა გაეწელოთ, რა!. ქალაქში არაა — ჩაადექი, ვერ ჩაადგები — სახლი გაიტანე... სახლი არა აქვს? — მანქანა. — აქ შეჩერდა რიჟა. მანქანით არ დაიწყო ყველაფერი?! სადღა ჰყავდა იკას მანქანა?

— სადღა ჰყავს იკას მანქანა შე ჩემა, გარაჟში უგდია.

— ხო და უფრო საფუძვლიანადაც შეიძლება უგდოს... — არ დათმო მაინც თავისი ნააზრევი რიჟამ. — მე ხო, კიჭა — აი, ძმობას გეფიცები, ოდნავ მაინც თუ რამე წილში, ან რამე ჩავდგე... აი რამე რომ იყოს ხომ, გატანის რა, აი ძმობას გეფიცები, ხომ იცი ყველაფერი მახატია ძმობის გარდა და ჩვენი ეზოს გარდა და ჩვენი კაცობის, რა! ხო მიცნობ მარა აი გეუბნები რა, მაგარი გააჯანჯლეს. თუ რამე უნდოდით, მანამდე ექნათ ჯობდა. მე აგერ არ ვიყავი?! ხომ იცი, ჩემი იმედი... შენ ხო მიცნობ რა, მე სულ აქა ვარ. გაიკითხოს ვინმემ, მე სულ აქა ვარ. რამე საქმე თუა, მე სულ აქა ვარ! — კიჭას დამაჯერებლად ეჩვენა ეს სიტყვები. არა, თვითონაც ასე ფიქრობდა, ერთი თვე ბევრიაო. თუ საქმე გასაკეთებელია, ვერვე

სჯობს – “ცხელ გულზე”...

– ახლა კი ახალი წლებიც მოდის, შობა და რამე. მაგარი არაკაცურიცაა რა, ჩემი აზრით – აგრძელებდა რიჟა – არა, შენ სწორად გამიგე, მე ხო იცი აქა ვარ რა... საჭიროა? – აქა ვარ, მარა ახლა კაცის ლოგინად ჩაგდება... ოჯახი ჰყავს თან იმ ნაბიჭვარს...

– მოვიდნენ ბიჭები და გადაუწყვიტოთ. ეგ ახლა რო ჩამოვიდა სოფლიდან, ეგ არაფერს ნიშნავს... აწი ხო სულ აქ იქნება, კიდე გაუვარდეს პატარაც და ეგრევე გაუუსხენებთ! სულ სოფელში ხო არ იქნება. ახლა ჩამოვიდა და ხო აქაა აწი.

– არა კიჭა რა, სწორად გამიგე... ხო ხედები რა...

– არა, მეც ეგრე ვფიქრობ. – შეაწყვეტინა კიჭამ. დაეზარა კიდევ იმის მოსმენა, რომ თუ საჭიროა, დაუძახე რა და “რიჟა” ვანოც სულ აქაა...

IX

მე ასე არ მინდა...

– არ დაუძახოთ? რას შვებთან ამდენ ხანს! – გადმოტრიალდა შქუხუხებული გიო. – რომელია ერთი, საათს დახედე...

საია გადაიწია, უზარმაზარი ჩანთიდან პატარა, კოხტა ოქროს საათი ამოაძვრინა.

– თორმეტი ხდება. დროა ჩვენც დავიძრათ უკვე. დავიწვებით.

– მე არა და შენ უკვე საეჭვო ფერი დაგედო.

– საეჭვო? – აფართხალდა შეშინებული საია.

თუ გინდა გოგო შეაშინო, უთხრი რომ უცნაურად გამოიყურება. ეს არც კარგს ნიშნავს, არც ცუდს და მაინც, ცუდად უფრო ესმით...

საიას თეთრი კანი ჰქონდა, აბრეშუმოვით. გარუჯვა არ უხდება ასეთ კანს. ან რატომ ჰგონიათ გოგონებს რომ გარუჯვა ყველას უხდება? ეგ არაფერი კიდევ, ზღვაზე გაწვეები ერთი-ორი დღე და აი, თბილისში რომ იციან – ეს სტაფილოსფერი სახეები და დაღებილი თმები... მთელი თბილისი ესევე აგურისფერი გახდა, თმები – ყვითელი. რაღაც იმის მსგავსად, მაიაში-ბიჩხე რომ გაწვეებიან 100პროცენტთან ლამაზმანები და მზის მცხუნვარე სხივებში სულ მზისფერები ხდებიან. – “საცოდავი იმიტაცია!” – დაიმანჭა გიო. ჩამოცხა.

წავედით, ადე!

საია გადმობრუნდა კიდევ ერთხელ. ამჯერად ძალიან სერიოზული სახით. გიოს ჩამოადო მკლაფზე ხელი.

– გიო, გუშინ რომ მკითხე... ვიფიქრე და... წამოვალ.

– რა? – დაიბნა გიო. გუშინ რა ჰკითხა, საიდან უნდა ხსომებოდა. ჯერ ერთი, გუშინ ალბათ უამრავი რამე ჰკითხა და მეორე, ისეთი ნასვამი იყო... – რაზე ამბობ?

საია გაწითლდა – იქნებ მართლა სერიოზული იყო რამე...

– გახსოვს, მკითხე – ზამთრის არდადეგებზე საქართველოში თუ გამომეყვებიო.

— კი, გკითხე. — სულ არ ახსოვდა გიოს. ეტყობა გვიან, დაღამებისას ჰკითხა, უკვე კარგად ნასვამმა, თუმცა იდეა ახლაც ძალიან მოეწონა, მითუმეტეს რომ უკვე იცოდა საიას პასუხი — ძალიან გამზიარულდა. — რა მაგარია, საი! საქართველოსაც ნახავ. იმდენ რამეს განახებ. თხილამურები იცი? არა? როგორ არა! გამოუასწორობთ. ჩემ ძმას გაგაცნობ. მაგარი მასტია. კარგია რომ გადაწყვიტე. შენები რას იტყვიან?

საიას გაელიმა — რაღაცნაირად გაიღიმებდა ხოლმე ხანდახან, ეგრევე იგრძნობდა გიო, რამდენი რამე არ იცოდა ჯერ საიაზე. ეს ისეთი ღიმილი იყო, უცნაური, ერთადერთი გამოუცნობი კუნძული ამ გოგოში. ასე შემოხედავდა, ცოტა ირონიული სახით, ცოტა სევდით და მანძილი გაჩნდებოდა ისეთი. თითქოს სულ ასე იყო.

— რას ვსულელობ! შენები რას გაიგებენ... — თითქმის თავისთვის ჩაილაპარაკა გიომ. გასაოცარია როგორი დამოუკიდებელი იყო ეს ერთი ბჭო, შავთვალეა გოგო. ოჯახს ერთ წერილს თუ მისწერდა თვეში და ისიც განსაკუთრებულ შემთხვევაში — გილოცავთ სენას დაბადების დღეს და რაღაც მსგავსი. ძალიან მდიდარი ოჯახი ჰყავდა, მრავალრიცხოვანი, თუმცა წესით კი პირიქითაა ხოლმე — ღარიბ ოჯახებში ბევრი ბავშვია, მდიდარში — ცოტა... საიას ოთხი და ჰყავდა. ფოტოების მიხედვით — ლამაზები, პრანჭიები და მზიარულები. თუ გინდოდა გაგებრაზებინა საია, დედამისზე უნდა გეკითხა რამე. იმწამსვე ბრაზით იწყებდა საუბარს. უფრო სწორად, არსაუბარს. იტყოდა ერთი-ორ სიტყვას და მორჩა.

— გინდა, ლენა და წოლოც წავიყვანოთ! წოლო არ აპირებს ამ ზამთარს თბილისში ჩასვლას, დავითანხმებდი... — გახალისებული აგრძელებდა გიო.

— არა, იყოს — ჩვენ წავიდეთ. ორნი.

— სწორია, რად გვინდა სხვები! — გაელიმა გიოს. — წოლომ კიდევ ლაპარაკი რომ იცის ხომ საერთოდ, ენას არ გააჩერებს მთელი გზა. — საიას გაეცინა.

— მართლა გეუბნები! აქეთ რომ მოვდიოდით, თბილისში ჩართო და ვეღარც გავიგე როდის მორჩა ლაპარაკს — ჩამეძინა და რომ გამეღვიძა, წოლო უკვე გვერდით მჯდომ თურქს უბურღავდა ტვინს. რაც მთავარია, იმან ქართული არ იცოდა, რა თქმა უნდა და წოლო ჯერ თურქულის გარტყმაში არ იყო! — საია საყვარლად კისკისებდა. აი, ასე ჯობია...

რა შეაწყვეტინებდა გიოს აწი ზამთრის თბილისზე ფიქრს! ახალწლებს არ ემთხვეოდა არდადეგები. რა იცოდნენ ამათ ნორმალური ახალი წელი, როგორც მთელი სამყარო აღნიშნავს... ამათ ხომ ყველაფერი თავისებური უნდა ჰქონდეთ. ეგ არაფერი... ჯერ როგორ გაიხარებს სანდრო! მერე თამილა ხომ საერთოდ გადაიარევა! მერე უბანში ბიჭების რეაქცია... საიას რომ ჩაატარებდა, გააცნობდა ყველას... მართლა ლამაზი იყო საია, ეგ იქით და, თვითონ ეს სცენა ვინმემ რომ აღწეროს ისე, გვერდიდან მაცქერალმა: გიო სტამბულში წავიდა, ფაატის უნივერსიტეტში სასწავლებლად; მერე სულ ექვსი თვე არ იყო გასული და ულამაზეს გოგოსთან ერთად დაბრუნდა! გიოს ყველა ესალმება, ამბებს კითხულობენ... გიო სერიოზული სახით დადის, როგორც ეს ფაატში სტიპენდიამიღებულ ბიზნეს-ადმინისტრირების ორსემესტრდამთავრებულს შეეფერება... თან თავის მშვენიერ გოგოს თბილისს ათვალთვრებინებს — დადიან ტურისტებივით...

თბილისი ძველებურად ატალახებულია თოვლჭყაპით და ყველა ირგვლივ თავს აჯვრებს, ეს ტალახი თოვლიაო, გუნდაობით კი, მხოლოდ პირველკლასელები

გუნდაობენ, სახლში მიდიან გაზმურტლული ხელთათმანებითა და საყელოებით... სანდრო შემოაწყობს ფეხებს საგარძლის სახელურზე და გიოზე ათასი სისუელელის გახსენებას დაიწყებს. საია იკისკისებს მთელი საღამო. ბოლოს თამილა გამოიჭერს ძმებს ერთად დიდ ოთახში, ჩამოუჯდება ისევ თავისი სიამაყეჩაგუბებული თვალებით, დააცქერდება ჯერ ერთს, მერე მეორეს, იტყვის ჩუმი ხმით: ყველაფერი ისე მიდის, როგორც უნდა მიდიოდეს! განა იმისთვის გაგზარდეთ, ამ თქვენი უბნელი ლაზღანდარებივით ოცდაოთხი საათი დანები კენწლოთ... ეგენი აქ იყვნენ, არიან და იქნებიან. თქვენ, აი თქვენ კი... აენთებოდა ისევ თამილას თვალები... დაღლილი ხელები, თხელი თითები... პირველად იგრძნო გიომ როგორ მოენატრა დედა. როდის იქნება რომ გაეიზრდებით და მოუვლითო — ასე უთხრა მამინ სანდრომ... ნეტა თუ შეიცვალა სახეზე სანდრო? თქვესმეტწლიანებს ვერაფერს გაუგებ. დღეს ასეთია, ხვალ სხვანაირი. თვითონ გიოც შეიცვლებოდა ალბათ, საკუთარ თავს კი ვერ ატყობდა, რა თქმა უნდა. ერთი ის იყო, რომ ნელ-ნელა თმა ამოსდიოდა მკერდზე. თითქმის კისრამდე მოუვიდა. ძალე პერანგის ბოლო ღილის შეუკერულად ვეღარც ივლიდა. თბილისში რომ ყოფილიყო, სანდროს შეედრებოდა აუცილებლად. ყოველთვის ასე იცოდნენ, ერთმანეთს ადრიდნენ ყველა ცვლილებაზე. ჯერ სიმაღლეზე ხომ ერთი ამბავი ჰქონდათ. პატარა ოთახის ერთ-ერთ ნიშაში კედელზე ხაზებით ზომავდნენ — სემესტრში ერთხელ. ჯერ გიო უსწრებდა, რა თქმა უნდა, განსაკუთრებით იმ ზაფხულის მერე, ერთი თავით რომ გაიზარდა უცბად, მერე სანდრომ დაიწყო წამოწევა. ბოლო წელს თანაბრად იყვნენ, ოდნავ გაუსწრო კიდევ სანდრომ. სანდრო კიდევ კარგად გაიზრდებოდა, აღნაგობაზე ეტყობოდა, თან მამას ჰგავდა ძალიან. თამილა ამბობდა, მამა ორ მეტრამდე იყო. ძალიან მაღალი და ძლიერი. სანდრო სულ არ ჰგავდა გიოს. ჩაღისფერი თმა ქონდა და თვალებიც ღია, ფართე და წყლიანი. საერთოდ, ყველას მოსწონდა სანდრო. ბავშვობიდან ისეთი იყო, თან ლამაზი და თან — კაცური. ნიკაპზე კიდევ ის ფოსო რომ ჰქონდა, ხომ საერთოდ. ასეთი გარეგნობა ჰქონოდა გიოს, თბილისის კაზანოვა იქნებოდა კაი ხანია, ეგ კიდევ... ბოთე!

ქვიშა იწვოდა, ამ სიტყვის სრული მნიშვნელობით. სანაპიროს გაყოლებაზე ხის ოღროჩოღრო ფიცრები დაეყარათ, საფეხურებივით. ალაგ-ალაგ ბამბუკისგან აწყობილი კაბინები დაედგათ, საშხაპეები... ზევით კიდევ, ქალაქის მხარეს, სოკოებივით ჩაელაგებინათ ბუნგალოები... ძალიან ეგზოტიკური იყო ეს ყველაფერი — საითაც ფეხს გადადგამდი, ჩვეულ ცხოვრებას არაფერი არ გახსენებდა. არადა, ასეთი კურორტების მიზანიც ხომ ეგაა: ერთიანად გაგაბრუნონ და ყველაფერი დაგავიწყონ. თითქოს ასეც უნდა იყოს. საფერფლეს მოითხოვ? — ულამაზეს ნიჟარას მოგიტანენ, წვეწვს შეუკეკეთავ? — ზედ ათას ხილს და უბედურებას დაგიხვავებენ, მერე ეს მუსიკა — ტალღებივით მშვიდი და თან ქარიანი, მარილის სუნი, კედლებზე ბადეები, ღუზები, წყალმცენარეები და ნელ-ნელა სულ აღარ ფიქრობ ინგლისური ენის საცდელ გამოცდაში ჩაიჭერი თუ არა, სახლიდან წამოსულს შუქი ჩართული ხომ არ დაგჩა, კარი თუ გამოიკეტე... მხოლოდ სახელი გახსოვს შენი და გვარი — გკითხავენ, უპასუხებ...

— გიორგი... ჯორჯი!

— კარგი სახელია... რაც მთავარია, იშვიათი. საიდან ხარ? — ფრთხილი ხმით კკითხება გიოს ხუჭუჭა ოფიცინატი.

— საქართველო. — უინტერესოდ პასუხობს გიო. — შენ თვითონ საიდან

ხარ... – კითხვა შეუბრუნა გოგოს. იმას კიდევ ისე გაუხარდა, რაღაც მკითხაო, გიომ მაშინვე ინანა.

– არმენია! – ამაყად იძახის გოგო. “ყველა სომეხს რო სომხობა ეამაყება, ტო!” – გაიფიქრა გიომ.

– ჯორჯ! სად იყავი აქამდე? ღამე საცეკვაოდ არ ჩამოდიხარ ხოლმე? – გოგონა ნორმალური ჩანდა, გამაღიზიანებელი კი არა, უბრალოდ ახლა ჯობდა ისევ თავისი საქმისთვის მიეხედა, გატრიალებულიყო.

– მოკლედ, ამ სადამოს თუ ჩამოხვალ, მეც აქ ვიქნები ცხრამდე. მერე შემეცვლიან და შეგვიძლია ვიგრივალთ! – აგრძელებდა კულულა ოფიციალტი. გიოს გაეღიმა. საია გამოვიდოდა სადაცაა. ერთი ამის სახე ანახა მერე! ზოგი იბნევა, იმწამსვე ტრიალდება, ზოგი კიდევ, ცოტათი ისეთი, უფრო საჭირო მომენტს მოძებნის, თვალს ჩაგიკრავს, ეგ არაფერიო, გეუბნება.

ორმოცი წერო, ორმოცდაერთი, ორმოცდაორი და საიაც გამოჩნდა, არ უცდია ბევრი, საიამ ჩქარა იცოდა გამოცვლა, სულ ორმოცდაორი წეროს ამბავი იყო... ყოველთვის უხდებოდა საიას მწვანე ფერი. შემოვიდოდა, შემონათებდა ხოლმე თვალებით, ახლაც...

ბუნგალოდან გასულებს ისევ დაეთუთქათ ფეხის ტერფები. სულ სირბილ-სირბილით გავარდნენ ფიცრებით გაწყობილ ბილიკზე... კულულა ოფიციალტს ერთიც აღარ გამოუხედავს. ზურგით იდგა, ბარმენს ესაუბრებოდა რაღაცას. არაუშავდა გოგო იყო...

* * *

– გაიღვიძე და უკვე არ იყო? როდის გაიღვიძე?

– არ ვიცი, რა ვიცი, ერთი საათის წინ ალბათ... – ლენა გაკვირვებული ახამხამებდა გრძელ წამწამებს. – ჰეი! მეგონა თქვენთან ერთად იყო! გამიტყდა კიდევ – ზღვაზე უჩემოდ მოხიეს-მეთქი.

– ჩვენ საძებრად წამოვიდა შეიძლება... – ლენას ნომრიდან გამოიხედა საიამ. გიო კარებთან იდგა. ლენა ჯერ ჩაცმული არ იყო და აღარ შესულა.

– მოიცა, სართულის მორიგეს ვკითხავ, ეგ ნახავდა! – უცბად მოაფიქრდა გიოს. საიამ გიოს წასვლით ისარგებლა, ლენასთან ოთახში შებრუნდა და ეშმაკური ღიმილით დააცქერდა გოგოს.

– გამოტყდი ახლა!

– გათიშულს მეძინა! ყველაფერს გეფიცები. მაგრა დავლიეთ... – სერიოზული სახით უპასუხა ლენამ.

– გა-ა-საგებია... – სახე დაუსერიოზულდა საიასაც. – ისე, მართლა კარგი ბიჭია. გიო რასაც ყვება მაგაზე... ბავშვობის მეგობრები არიან, ხომ იცი. კარგი ტიპია, მგონი შეეფერებით ერთმანეთს.

– თუ არც რა! – ძალიან უდარდელად გაეცინა ლენას. – ერთი თავის ტკივილს რა ვუყო და მეტი არაფერი მინდა! – საიამ ლენას ჩანთაში მოაფათურა ხელი და ბაიერის ასპირინი ამოქექა.

– დავლით, მეც მტკივა.

– წოლო ღამე გასულა, მხარზე პირსახოცით! – ოთახში გაფითრებული შემოვიდა გიო. – ვიცურათო ზღვაშიო, ხომ იძახდა! ღამე გავიდა! რომ დაუბრუნდით, მალევე გავიდა. ლენა, ვერ დაინახე?

— მეძინა უკვე... რომ დავწეკით ვგრევე დამეძინა... — რატომღაც თავი დამნაშავედ იგრძნო ლენამ.

— ნასვამი, ღამე! კარგად ცურავს მაინც?

— არც ვიცი, მგონი კი. — დაბნეული პასუხობს გიო, თითქოს უკვე იქ აღარაა, სადღაც გადაინაცვლა დროში და სივრცეში... — თორმეტია და ჯერაც არ დაბრუნებულა!

შორს, შორს ზღვაში რომ შეგეცურა და გეზი მარჯვნივ აგელო, ბათუმში ჩა-ცურავდი. გიოს ოფლმა დაუცვარა სხეული. თეთრი კატერები, იალქნები — დღეს ძალიან გამოცოცხლებული იყო იალოვა. ზღვა გამჭვირვალე, სანაპირო ზოლზე ნიჟარები ეყარა იმდენი, შიშველი ფეხით გავლა სახიფათოც კი იყო და მაინც, რა იყო ეს — “მე ასე არ მინდას” ამბავი! რამდენის იყო მაშინ სანდრო, რვა წლის? დედამ ახალწლებზე “როლიკები” აჩუქა შავი, ძალიან მაგარი. თვალები უბრწყინავდა სანდროს მთელი ღამე, მთელი დღე და ასე უსასრულოდ, სანამ ერთ საღამოს ბიჭებთან ერთად სტადიონისკენ “საკატაოდ” გასულს, ტროტუარზე ჩამოდებული არ დარჩა. გიოს ბრალი იყო ესეც. მოვიდა მაშინ გიო — გინდა თუ არა ფეხბურთი ვითამაშოთო. მოიხსნა ყველამ “როლიკები”, ითამაშეს და დაიშალნენ. გიო და სანდრო სახლში წამოვიდნენ. გიო, ბურთი და სანდრო. “როლიკები” კი ტროტუარზე დარჩათ.

დიდხანს ეძებდნენ, მეზობლებშიც გაიკითხეს, ვინმემ ხომ არ წამოიღო, ვინმეს ხომ არ ეცნო, სანდროსი რომ იყო. ვერ იპოვეს. სანდრო ხმას არ იღებდა საერთოდ. გატრუნული იჯდა, თამილას უყურებდა. მხოლოდ ბოლოჯერ რომ დაკიდა დედამ ყურმილი და ძებნა ამით დასრულებულად გამოცხადდა, მაშინ წასკდა ცრემლები სანდროს — *მე ასე არ მინდა! მე ასე არ მინდა!* — იმეორებდა გამწარებული. გაეცინა მაშინ თამილას. — რაო, მხოლოდ ახლა მიხვდი, რომ ყველფერი ისე არ ხდება ცხოვრებაში, როგორც შენ გინდა? — “მე ასე არ მინდა!” — ზღუქუნებდა სანდრო...

— იქნებ პოლიციაში განვაცხადოთ ან სამაშველოში? — საჭკეს მართავდა, თან აქეთ-იქით იყურებოდა საია.

— გავიყოთ! მე ბუნგალოებს დავივლი.

— ერთად ვიაროთ ჯობია, მანქანით. შენ ფეხით როდის იქ მიხვალ, მაინც ვერ მოიგებ დროს. — საიამ გიოს გადახედა. გიო ღუძდა.

იქვე, ნაპირიდან ცოტა დაშორებით, პარკის განაპირას, ოჯახს პიკნიკი მოეწყო. მხოლოდ თურქებს შეეძლოთ ასეთი იდილიური ოჯახური სიტუაციების შექმნა. ირგვლივ ბუნგალოები, წყვილები, გოგოების გაცნობა, ბიჭები, კოქტეილები, სიგარეტი, რიტმი, ტამტამი, კლუბები, ლაზღანდარობა, ცეკვა, ქაოსი... ესენი კიდე მოვიდნენ, მოძებნეს ჩრდილი, გაშალეს სუფრა, გამართეს პიკნიკი... თან მთელი ოჯახი ერთად. ბავშვები დარბიან, სილაში თამაშობენ, კაცები ჩაის სვამენ... “ჩექირდექ”, “მანგალ” და თითქოს ირგვლივ სხვა არაფერია. მხოლოდ ეს ოჯახია რეალური, სხვა დანარჩენი — მხოლოდ მირაჟი.

— მალალი, გამხდარი... ძალიან მალალი, ძალიან გამხდარი... თმა? ყავისფერი, წაბლისფერი... საია, როგორაა თურქულად წაბლი? — შემოტრიალდა ლენა.

— კანი ძალიან თეთრი და ცხვირიც კეზიანი! — დაუმატა გიომ.

— ცურვა იცის, მაგრამ ძალიან ნასვამი იყო და თან ღამე... აგერ სასტუმ-

როდან გამოვიდა. როდის ღამე? რომ დავბრუნდით მალევეო, ესე იგი, სადღაც პირველისთვის. უკვე ვიკითხეთ...სასტუმროს მისაღებში მთელი ღამე ზის მცველი და ის ქალი... უკან არ დაბრუნებულა. არსად არაა! ბუნგალოებშიც ვიყავით... სააუადმყოფოშიც და პოლიციაშიც.

სამაშველო სამსახურის უფროსი, რაც არ უნდა გასაკვირი იყოს, მაგარი უფორმო ვინმე იყო. გიოს მაშველები სულ ისეთები წარმოედგინა, აი — როგორც იმ სერიალში, ყველამ რომ იცის. თან უფორმო იყო და თან ძალიან ცოტას ლაპარაკობდა.

— ჩემი საქმე ზღვაა. სანაპიროს კატერით დაუწყევებით და დავათვალიერებთ. — თქვა და წავიდა.

— ცოტა ღრმადაც გადით! — ამის მიძახებალა მოასწრო ლენამ.

— ცოტა ღრმადაც გავალთ! — არ დააყოვნა პასუხმაც.

ორი ხდებოდა, მანქანა რომ პარკთან დააყენეს, ფეხით კიდევ ერთი წრე დაარტყეს სანაპიროს. ყველას კითხეს, ხომ არ დაუნახაუთ... ბოლოს შეზღონგებთან ჩამოსხდნენ, სული მოითქვეს. პატარა შეგვერემანმა ბიჭუნამ ვერგეე მოირბინა — ოთხი მილიონიო. გიოს ეყარა ჯიბეში ლირები.

თოლიები დაფრინავდნენ იქით, პორტთან ახლოს და ცოტა აქეთაც. მქრთალად მოჩანდა ღუზადაშვებული გემების ანძები, თეთრი იალქნები — შორს, შორს, თითქმის ცისკიდურზე, მიწის და ზღვის საეთო ცისკიდურზე... შეზღონგი სანახევროდ ჩაფლულიყო ქვიშაში. სიცხე, მუხლები, მკლავები, ოფლის წვეთები, სიჩუმე.

— არა, მე ასე არ მინდა! — ჩაილაპარაკა გიომ. — მე ასე არ მინდა!..

X

ნოკუმბა გული არ გაგიტეხოს, დე!

ისე ციოდა, ცხენივით ფრუტუნს დაგაწყებინებდა. სანდრო დათოვლილი სტადიონზე იჯდა, ნახევრადგადახურულ ტრიბუნებს შეფარებული. სქლად ბარდნიდა. ფიფქები მძიმედ ცვიოდნენ, კი არ მოფარფატებდნენ, მოდიოდნენ და ზვავად გროვდებოდნენ ტოტებჩამოხნიქილ ხეებზე. — ერთი წერო, ორი წერო, სამი წერო... — ითვლიდა სანდრო ტოტებს. სტადიონის მეორე ბოლოს, სამი პატარა ქურთუკი, ქუდი და სამი წვეილი ხელთათმანი გუნდაობდასაუით. ეტყობა, პირველკლასელები. ცეკვის დარბაზიდან სინათლე გამოდიოდა. ფანჯრები საკმაოდ მაღლა იყო რატომღაც, ისე რომ დარბაზის ჭერის მეტი არაფერი ჩანდა და კიდევ ერთი-ორი ობობის ქსელი ალაგ-ალაგ. ბოლო გაკვეთილი მთავრდებოდა. მერე ახალი წლის არდადეგები იწყებოდა, სკოლაშიც და ცეკვის სტუდიაშიც. ყველა სახლებში გაიკრიფებოდა.

დედა და გიო შინ იქნებოდნენ უკვე. დღეს რაღაც ვერ იყო თამილა ხასიათზე. სულ ასე იცოდა, უცბად იფეთქებდა, პატარა რამეს დიდად აქცევდა, სულ პატარა რამეს. — ქუდი დაიხურე გიო! რატომ არ დაიხურე, გიო? არ დაიხურავ, გიო? როდის დაიხურავ... — სანდრო განზე იდგა, უბრალო დამკვირვებელი, ხმას არ იღებდა. რომ ამოელო და რას იტყოდა რა — გიოს დაახურავდა ქუდს, თუ თამილას დაარწმუნებდა, უქუდოდაც შეიძლება ხანდახან სიარულიო? გიო საბო-

ლოოდ მაინც თავშიშველი გავიდა, გრძელთითება თამილამ ერთი ამოიოხრა, მუცელზე მიიღო ხელი, და – *შენ ხომ მაინც დაიხურავ ქუდსო* – მოუტრიალდა სანდროს. ამ ხელის მიღებას თავის დატვირთვა ჰქონდა, მხოლოდ ეს სამი რომ ხვდებოდა, ისეთი! გგონია გაიზარდე, შენი აზრი გაგაჩნია, ეურჩები თამილას, ის კი მუცელზე ხელს დაიდებს და მაშინვე გახსენდება საიდან მოსულხარ და ვისგან მოსულხარ. ეს უსიტყვო საუბარივით იყო. დახშული სამყარო, ჭუჭყურტანების გარეშე – გიო, სანდრო და დედა!.

ახალწელსაც ყოველთვის შინ ხვდებოდნენ, სამნი ერთად. თამილა ლამაზ კაბას იცვამდა, თმას მაღლა იწევდა და მძიმე საყურეებს იკეთებდა, ბიბილოები ქვევით ეწელებოდა ცოტათი. გიოს ათასი კომპლიმენტის მოგონება შეეძლო მერე – სახლში რომ შემოვიდოდა, უკვე იცოდა, თამილა გაპრანჭული რომ იჯდა ოთახში. პირდაპირ დედის ოთახისკენ გაეშურებოდა, მიუკაკუნებდა კარებზე და – “შშვენერო თამარულა!”

რამდენჯერ მოსდომებია იმ დროს სანდროს, გიოს ადგილზე ყოფილიყო! თვითონ არ გამოსდიოდა ასე. რომც ეთქვა, მაინც არ გაიჟღერებდა რაღაც ისე, გიოს ნათქვამისნაირად: ახედავდა, დახედავდა და – *ქალბატონო თამილა, დღეს რაღაც არ უნდა დაძივდეს, ერთი ცეკვა მაინც უნდა ვიჩუქო!* თუნდაც *ღუელშიც გამიწვიონ რა – ეშაკასაც წაუღია ჩემი თავი!*

თამილას თვალები გაუბრწყინდებოდა, ერთსაც გადაიკისკისებდა და...

– ეღირსებით თქვენს ცეკვას, გიო ბატონო! – ამყად გადმოხედავდა და მერე გაინაზებოდა თავისებურად: – ეჰ, დაგიბერდათ დედა! აბა ნახე, ძლივს ჩავეტიე ამ კაბაში... მოვიმატე, არა?

არადა, ძალიან გამხდარი იყო თამილა. ცოტა გავსუქდიო რომ იტყოდა, ეცინებოდათ ძმებს. უფრო სწორი იქნებოდა ეთქვა – ცოტა ქუთუთოები ჩამომივიდა ქვევით, ოდნავ, თითქმის შეუმჩნევლად, მაგრამ მაინც... აგერ სამი წვრილი ძაფიც გამიწვა თვალების კუდში, ერთი-ორიც შუბლზე და მერე ჩემი ხელები ასეთი დაღლილი, როგორი დაღლილი... ვენები ამომებურცა ოდნავ, ოდნავ კანი გამიუხეშდა, და თმა, ჩემ წაბლისფერ თმას სულ უფრო მეტი და მეტი გაერია ის, თეთრი, ყველას რომ აშინებს. ამეების ნაცვლად, ერთადერთი – წონაში მოვიმატეო, ვითომ შეიმჩნევდა ხოლმე თამილა, თხელი თითების წელზე შემოწყობით და მერე ვითომ შეწუხებული, სარკეში დაიწყებდა ყურებას. ლორთქო სიტყვებს ელოდებოდა...

ციოდა... ცეკვის დარბაზიდან ყრუდ მოისმა მუსიკის ხმა – ახლა, საღამოს, ყველაფერი რომ მიჩუმდა ირგვლივ, ალბათ მაგიტომ. ანი თუ ცეკავდა, თავის წითელი ბოდი ეცმებოდა, ყელზე ის ძეწკვი თუ ეკეთა, სანდრომ რომ აჩუქა...

“სიგარეტი გაასწორებდა”...

ოცდათერთმეტის დილა ყოველთვის თამილას ბუზღუნით იწყებოდა:

– ბიჭებო, ნამეისხე როდის უნდა იყიდოთ – ნახალწლევს?

გიო ვერ იტანდა ამ ნამეებს. არ ესმოდა, რატომ უნდა ყვიდა ყოველ წელს ახალი, გაქუცული, საცოდავი, როდესაც ამდენი ხელოვნური, ბევრად ლამაზი არსებობს. აი, თამილას კი სინთეტური არ უყვარდა... არც ისინი, ვერცხლისფერები რომაა და არც ის მწვანეები, ბუნებრივს საცოდავად მიმსგავსებული. თამილას არც ჩიხილაკი უყვარდა. მოკლედ, სალაპარაკო არ იყო – უნდა ამდგარიყო ორივე, გასულიყვანენ ნამეების ბაზრობაზე, შეერჩიათ რამე ნორმალური და წამოერთიათ სახლში. სანდრო დიდხანს არჩევდა ხეებს: ეს უფრო პროპორციულია,

ამას უფრო მეტი წიწვი აქვსო, გიო კი — მე უფრო სპონტანური ვარო — პირველივეს დაავლებდა ხოლმე ხელს. ახლაც ასე:

— წავედით, სანდრო!

სანდრომ უკმაყოფილოდ გამოხედა.

— ეგ არა!

— რატომ არა?

— არა-მეთქი.

გიო ბოლთის ცემას მოჰყვა უაზროდ.

— მაშინ გადავალ და რამეს ვიყიდი, მაშხალებს... ეს შენ აარჩიე.

— რა მაშხალებს?

— ისე, უბრალოდ. ერთი გავუშვათ...

— ა-ა... ფეირვერკი და რამე?

— ხო რა...

— კარგი, ოღონდ არ მალოდინო იცოდე! — მაინც გაბრაზდასავით სანდრო. — შანსი არაა! — შეიცხადებდასავით გიო.

ნახევარი საათი მაინც აყურყურტა თავის არჩეულ ნაძვისხესთან ერთად თოვლში. რომ შეძლებოდა, ცხელ გულზე მარტოც წაიღებდა... იდგა რამდენიმე გასაყიდი ნაძვისხის გვერდით და ფიქრში წეროებს ითვლიდა ჩვეულად.

— ახალი წელიც დაგვიდგა... — ეუბნება სანდროს იქვე ჯორკოზე ჩამომჯდარი მოხუცი. — შენხელა რომ ვიყავი, მეც მიხაროდა ახალი წელი.

“წავიდა შავ ბედზე წუწუნი...” — გაიფიქრა სანდრომ.

— ახლაც მიხარია, განა დავბერდი. — აგრძელებდა თავისას მოხუცი.

“ეს უკვე სხვა საქმეა” — გულზე მოემუვა სანდროს.

— საიდუმლო გითხრა? — ეშმაკი თვალებით ამოხედა უცბად მოხუცმა. ეს კიდევ გაკვირვებული იდგა. უკვე გიოსაც აღარ ეძებდა თვალებით, უბრალოდ იდგა.

— არანაირი მნიშვნელობა არა აქვს როგორ ნაძვს მიიტან შინ. — ძალიან სერიოზული სახით დაუბეჭდა მოხუცმა. — აქ ახლა ამდენი მქონდა და ბოლოს ყველა რომ აარჩევს, ყველაზე ჯდანი რაც რჩება, ის მიმაქვს ჩემთვის. მერე რომ იმას პატარა ბაჭუჭყანები შემოესევინან, ათას რამეს მოაყრიან ზედ, ჩემი შვილები რომ სუფრას გაშლიან, ჩემ ბებრუსა ცოლს რომ ჩავეხუტები — აი, ლამაზი მაშინა ყველაფერი. თორე ამას მაგდენი არჩევა რად უნდა. — სანდრო იდგა, არაფერს ამბობდა. — ახლა ბიჭი ხარ ასეთი, ახოვანი, კარგი, მიტომ გეუბნები, განა ყველას გაგაჩერებ აქ! — “მე თვითონ შეეჩერდი” — გაიფიქრა სანდრომ. — მთავარი ოჯახია, ეს დაიმახსოვრე.

— ოჯახს გააჩნია — ჩაიცინა სანდრომ — გაგიმართლათ. გარს საყვარელი ადამიანები გახვევიათ ...

— ეგ როგორ! მე შევიყვარე, თორე ხო არ იქნებოდნენ საყვარელები!

— კი, ეგ რეა. — სიცილით დაეთანხმა სანდრო.

— აგე, მოდიან — ნაძვს ყიდულობენ; ზოგი დიდხანს არჩევს, ზოგი შვილებს არჩევიანებს, ისე უკვირდებიან... არადა ხე — ხეა!... მთავარი ავიწყდებათ.

— მთავარი ოჯახია, ეგ რეა! — ცოტათი დამცინავად კი გამოუვიდა, თვითონაც შეატყო სანდრომ და იქვე გააგრძელა — მეც ასე ვფიქრობ. უბრალოდ... უბრალოდ ხანდახან... აპაა, გიოც მოვიდა... როგორც იქნა. აბა, მრავალ ახალ

წელს!

— მრავალს შვილო. — არ მოელოდა კარლო ასე ჩქარა რომ გამოეცლეს-ბოდა მოსაუბრე ხელიდან. კიდევ ბევრი რამე ქონდა ეტყობა სათქმელი. სადღაც დღის პირველი საათისათვის უკვე ყველა ნაძვის ხე გაყიდული იყო. ბოლო, წვრილღეროიანი ნაძვი ამოიღლია და სახლისკენ გამოუყვა გზას. ტროტუარის გაყოლებზე სხვადასხვა სიმაღლის ჩიჩილაკები ჩაემწკვრივებინათ... ვიტრინაში გამოდებულ საქორწინო კაბებს გავდინე შორიდან. ოცდახუთი წელი... მიდიოდა კარლო, სახლში ნაძვი მიჰქონდა. ოცდახუთი წელია, შინ მისული ჩვევისამებრ იძახდა — მოვედი! და ნელიც პასუხობდა — დიდი ვინმეც მოსულხარ! ოცდახუთი წელი... რასაც ახალგაზრდებზე ამბობენ — საქციელი, მოხუცებზე იტყვიან — ჩვევა. ჩვევა იყო უკვე, აბა რა — ყოველ დღე ამ ქალის ყურება. მერე რა ქალი იყო ნელი, მთელი ეს ოცდახუთი წელი... ცოლად რომ მოჰყავდა ისეთი იყო, აი ისეთი, ამ სულელმა კიდევ კარლო აირჩია. ასე, თითქმის ჩურჩულით ჰკითხა ერთ საღამოს — რაღა გახდა, გამომყვეო და — კი ბატონოო — უპასუხა იმანაც. აი, მაშინ კი გაოცდა კარლო. მერე ვანო შეეძინათ... ეს ცხვირაპრებილი ბიჭი, არც მამას ჰგავდა, არც დედას. ბებიას დააბრალებს. არც იმას ჰგავდა, მაგრამ ვინმესთვის ხომ უნდა მიემსგავსებინათ. ეტყობა მაგიტომ იყო, სადღაც ექვსი-შვიდი წლის ასაკიდან ვანომ რომ აიჩემა — ნაშვილები ვარო. თან მაშინ ნატოც ახალი დაბადებული იყო და ყურადღება შემოაკლდა ეტყობა. მერე რა სადილების კეთება იცოდა ამ ქალმა, ან ზღაპრების კითხვის ნერვები როგორღა ჰქონდა, ნატომ ხომ ისე იცოდა ჩაცემა: “თავიდან! თავიდან!” ერთი და იგივე ზღაპარს ხუთჯერ წაკითხებდა. მერე ვანომ ცოლი მოიყვანა, გვარი გააგრძელა. ერთის გვარი სამ გვარად აქცია. მოესწრენ შვილები კარლოს. ნატოც გაფრინდა იმ ამერიკაში, რა ჯანდაბად უნდოდა ღმერთმა უწყის, მაგრამ ბედნიერი ვარო იწერებოდა და მთავარიც ვგაა. ისწავლიდა რამეს, ჩამოვიდოდა... მოდი ნიძლაგი, ნელის უკვე დამზადებული ჰქონდა გოზინაყი. რა ოხერი ქალი იყო! ნიგოზს ერთი თვით ადრე ყიდულობდა, კარლოს უძალავდა, არ შემოგეჭამოსო. რომელი მსუნაგი კარლო ნახა! ლარნაკებიც გამოტენილი ექნებოდა უკვე კამფეტებით, პატარების მოძლოდინეს...

კარლოს ზურგს უკან, ტროტუარზე, ვიდაცამ დარგული ნაძვი გაყიდა. ფული სწრაფად გამოართვა მყიდველს და მთელი სიჩქარით გაექანა მიწისქვეშისკენ. — ნაძირალა! უნამუსო! — გამოეკიდა აღელვებული ქალბატონი, მყიდველის სიახლოვეს რომ იდგა. ეგ რაღამ ააღელვა ასე? თვითონ მყიდველი გაოგნებული იდგა, ხელი ნაძვისათვის ჩაეჭიდა. მყარად იდგა ნაძვი. უკვე რამდენი წელი იყო ფესვები გაედგა ამ ქუჩაზე.

— არა, რა უნამუსო... ნახეთ რა გააკეთა?! დარგული ნაძვი გაყიდა, ასეთი რამ გაგიგიათ? — გაჰკიოდა გამწარებული ქალბატონი, სანამ მიხვდა რომ არაფერ უსმენდა, თვითონ მყიდველიც აღარ უსმენდა, დამორცხვებული გასდგომოდა თავის გზას — ეს როგორ გამაცურესო. კარლოს არც მიუხედავს, ყოველ წელს ხდებოდა ასეთი რამ. ჩვეულებრივი ამბავი იყო ახალწელს, თან სახლამდევ თითქმის მისულიყო უკვე. ერთი სული ჰქონდა სითბოში შეეყო ცხვირი. ნელის უკვე თუნუქის ღუმელიც დანთებული ექნებოდა. ეს ოხერი ქალი! ყოველთვის უგებდა ნარდში! ყველაფერში უგებდა, რაც არ უნდა ეთამაშათ. ყოჩალი იყო ისეთი...

სადარბაზო ფერადი “წვიმებით” მოერთოთ, კარებთან რბილი ხალიჩა

ეფინა, კარები ჭრიალით იღებოდა...

— მოვედი! — ხრინწიანი ხმით დაიძახა შინ მისულმა კარლომ.

— დიდი ვინმეც მოსულხარ — გამოსძახა სამზარეულოში საეჭვოდ მოფუსფუსე ნელიმ — მოდი აქ, ნახე რა განახო!

“გოზინაყი” — გაიფიქრა კარლომ, კმაყოფილმა მიიხურა სქელი, ხის კარი. კმაყოფილი შეიპარა სამზარეულოში. მაინც რა ოხერი იყო ეს ქალი, უკვე ყველაფერი მოესწრო! ყველაფერი!

* * *

“ყველაფერი მოვასწარი!” — თამილას საყვარელი სიტყვები იყო. საღამოს, გვიან რომ დაბრუნდებოდა, ბეწვის გაქუცულ ქურქს საკიდზე ჩამოკიდებდა და ბიჭებთან შეიჭრებოდა ოთახში.

— ყველაფერი მოვასწარი! — იტყოდა დაღლილი და ამაყი. — ლექციაც წავიკითხე, მერე ჩემ თუმაზე წავიმუშავე ცოტა ხანს, საჩუქარზეც გავიქეცი, სანამ მალაზიები დაიხურებოდა... ხვალ ხომ ღიზის დაბადების დღეა და დენიც გადავიხადე... საღამოს ლექციაზე მივიბრინე, საღამოს ცვლა შემომტენეს ამ ოთხშაბათობით და მერე ხორციც ვიყიდე. ახლა უცბად შეეწვავ და ვისადილოთ. ხომ შეჭამთ, ბიჭებო? ჰა, როგორი დედიკო გყავთ, აღიარეთ... — და სანდროსაც უბრალოდ სიტყვები არ ჰყოფნიდა. აბა რას ეტყვი ქალს, რომელიც ყველაფერს ასწრებს? მერე დგას დაღლილი — დაღლილი ხელები, თხელი თითები — თმა ცოტათი აშლილი, ჩამოყრილი და მერე ეს ორი ძაფი შუბლზე გაგდებული, ასე რომ აშინებდა დილით სარკეში ცქერისას... რას ეტყვი ქალს, რომელმაც ყველაფერი მოასწრო. ასეთი იყო დედა — ქალი, რომელიც ყოველთვის ყველაფერს ასწრებდა.

— დიდი ხანია მელოდები?

— არა, კი, ისე რა, არა. — აირია სანდრო. არ მოელოდა ზურგიდან თუ წადგებოდა ანი. ამ გოგომ სულ ასე იცოდა. მოულოდნელად უნდა მოსულიყო, ეფექტურად. იღიმოდა ანი, პატარა, თხელი ტუჩები თითქმის აღარ ეხებოდნენ ერთმანეთს. თავზე ვარდისფერი, ფუმფულა ქუდი ეხურა, ხელთათმანებიც ასეთივე ფუმფულა. დღეს ვარჯიშებიდან შედარებით ადრე გამოუშვეს. მაინც, ბოლო გაკვეთილი იყო... ყველა ახალ წელზე ფიქრობდა...

— სანდრო, მე და ჩემი მეგობრები ახალ წელს ერთად ვხვდებით — წამოხვალ? შენი ძმაც წამოიყვანე თუ გინდა. მაგარი იქნება. და მეც ვიქნები... — გაიღიმა ანიმ, სანდრო დაიბნა. კი გაუხარდა, მხოლოდ გიოს ხსენება არ ესიამოვნა დიდად.

— ჩემი ძმა... ჩემ ძმას მანდ რა უნდა?. ეგ... ეგ ისეთია, ჯობია არ წამოვიდეს.

— მაინც, როგორია?

— არა, ჩვეულებრივია, უბრალოდ მაგას შენ მეგობრებთან რა უნდა? მოკლედ, მე არ დამეყვას ხოლმე ჩემი ძმა ასე... — რაღაც სისულელეებს რომავდა სანდრო. არ იცოდა როგორ ეთქვა ანისთვის, რომ გიო ისეთია... აი, როგორია?

— როდისღა უნდა გამაცნო? — თავისას არ იშლიდა ანი — ჩემ ეზოში გიოს მგონი ყველა იცნობს, ჩემს გარდა. — სანდრო კიდევ უფრო აირია. უკვე წარმოედგინა ანისა და გიოს გაცნობა: “ანი ეს გიოა, გიო — ეს ანია” — იტყოდა.

— ანი? - ჰკითხავდა გიო გოგოს, ვითომ ვერ გაიგონა სანდროს ნათქვამი.

— კი. — გაიღიმებდა ანი.

მერე ივლიდა სანდრო გოგოს უკან ან გვერდით, მთელი დღე მხოლოდ მისი გრძელი თმის ყურებით დატკბებოდა. ანის სახე ხომ გიოსკენ ექნებოდა შეტრიალებული. ბოლოს ააცილებდა ანის, ამობრუნდებოდა სახლში, იქ გიო დახვდებოდა სახეგაბრწყინებული:

— ჰა, სანდრო — მართლა მაგარი გოგოა! როგორი ვიყავი? ხო მაგარი გაქე ჰა? რა ძმა ვარ, თქვი. შენზე იმდენი ვილაპარაკე, პირი დამეღალა!

— კი, ნამდვილად ბევრი ილაპარაკე. — ეტყოდა სანდრო...

— გაგაცნობ, სად წავა! თუმცა რა ვიცი, ახლა სკოლაში გამოგვიცხადეს... მოკლედ, სია ჩამოწერეს და თურქეთში შეიძლება წავიდეს, რომ დაამთავრებს. წელს ამთავრებს, ხომ იცი. მოკლედ, შეიძლება სტამბულის რომელიმე უნივერსიტეტში მოხვდეს. სკოლა გზავნის ხოლმე, ჯერ არ ვიცი, სია შემცირდება. მოკლედ...

— კარგია — შეაწყვეტინა ანიმ. — მაგარია. ესე იგი, კარგად სწავლობს!

— არა, ისე რა... კი, ნუ — სხვებთან შედარებით არაუშავს, — გაეღიმა სანდროს. — ოღონდ თურქულს გარტყმაში არაა. მე ვაწერინებ ხოლმე, თუ რამეა.

— ესეიგი შენც არა გიშავს არა? — გაეღიმა ანისაც.

— კი, მეც არა მიშავს. — სახე დაემანჭა სანდროს. თემა უნდა შეცვალოს საჩქაროდ! რამე ისეთი... აჰა, სულ დაავიწყდა რას ამბობდა ანი — ახალი წელიო! — ახალ წელს სახლში ვხვდები. ვიცი, ძველმოდურია... — გოგოს გახედა — მაგრამ ტრადიციას, რას ვიზამ. ოჯახურ ამბავში. მერე გამოვალ, ღამე. კარგი?

— კარგი. — იოლად დაეთანხმა ანი. რა ადვილი იყო ამ გოგოსთან ყველაფერი! — შენი ძმაც შეგიძლია წამოიყვანო...

და ისევ გიო... სტადიონს მოუყვებოდნენ. ციოდა...

ახალი წლის საღამოს სამნი შემოუსხდებოდნენ ხოლმე სუფრას: გოზინაყი, ჩურჩხელა, შამპანური, შეჯიბრი — ვინ დაასწრებდა ბოთლის გახსნას — ბრახ! — ამოვარდებოდა ბოლოს საცობი და მერე თამილას კისკისი... როცა საცობს ნახევარი შამპანურიც თან გაჰყვებოდა! ტელევიზორის ყურება მალე ბეზრდებოდათ, მხოლოდ დაითვლიდნენ ყველასთან ერთად: *სამი, ორი, ერთი! ... ახალი წელი!!!! გილოცაეთ! გილოცაეთ!* სანდრო მაგნიტოფონს გამოიტანდა პატარა ოთახიდან, ჩართავდა რამე საცეკვაოს და ელოდებოდა, როდის დაავლებდა გიო ხელს დედას. მერე დიალოგი:

— რა დროს ჩემი ცეკვაა ერთი! დავიდალე...

— ხომ შემპირდით, ქალბატონო! დაგავიწყდათ?

— კარგი, კარგი, ქუსლიანი ფეხსაცმელი მომიტანე მაშინ, დაბლებზე ვერ ვიციკვებ!

— ახლავე, ქალბატონო თამილა. — თავს დახრიდა, ხელზე აკოცებდა გიო დედას.

— რა ტუტუცია ეს შენი ძმა — გაბრწყინებული თვალებით შემობრუნდებოდა თამილა და სანდროც სიტყვას არ შეარჩენდა: — რაც გაზარდე, ეგაა! ბედნიერი იყო ხოლმე თამილა ახალწლობით...

— ამხელა აყლაყუდები! სულ არ გეცოდებათ დედა! რა დროს ჩემი ცეკ-

ვაა, დაღლილი ვარ როგორი, – იცინოდა და პირზე აიფარებდა ხოლმე ხელს – რამხელები გაგზარდეთ!

ერთი-ორი ჭიქის მერე მუსიკაც თავისას შვებოდა. გიოს და დედას სულ აუღაჟდაჟდებოდათ ლოყები. კარგი საყურებლები კი იყვნენ... გიო თავით გადაეშვებოდა ხოლმე მუსიკაში “how could I dance with another...” მღეროდა მაგნიტოფონი... თამილაც სულ დაივიწყებდა შუბლზე ბოროტად გაწოლილ ძაფებს... “ooh! when I saw her standing there”... სანდრო რაფაზე ჩამოჯდებოდა პატარა ტამტამით ხელში, ან მაგნიტოფონს დააუვლებდა ხელს, დაიწყებდა ისიც ცეკვას დედასა და გიოს ირგვლივ... “she was just seventeen, you know what I mean...” ნაძვისხის “წვიმას” დასწვდებოდა თამილა, შემოაუვლებდა ხან სანდროს, ხან გიოს... “and the way she looked was the way beyond the mare...”

სანდროს სულ აინტერესებდა, როგორი სანახავეები იყვნენ ... აი, გარედან რომ შემოეხედა ვინმეს... ცეკვაში გართული გიო, “წვიმებით” მოზზრიალვ დედა, ტამტამ-ამოჩრილი სანდრო და ნაძვისხის მოციმციმე ნათურები! ვინმეს რომ ჩაველო აივანზე, ფანჯრისაკენ წამით გამოეპარებინა თვალი, ალბათ ჩაელიმებოდა, შეჩერდებოდა კიდევ ალბათ ცოტა ხანს. ეს ის სამყარო იყო, სამნი რომ ქმნიდნენ თავიანთთვის, მოყუჩებული და... მერე როგორი, ბერძუნდის სამკუთხედით რომ ჩაგითრევადა, სად ამოყოფდი თავს, საიდან საით მიმავალი...

სანდროს ყოველთვის აინტერესებდა როგორი იყო ამ ყველაფრის გარედან ცქერა: ვთქვით არ ხარ სანდრო, სხვა ხარ — მაგალითად შორენა ან ბორია... ვთქვით, ხარ ნონა! სად იყო, რას აკეთებდა ამ დროს ნონა?

* * *

ნონას ღრმა რწმენით, შორენასთვის ბაღჩის დათმობა ყველაზე დიდი შეცდომა იყო, რაც კი ოდესმე ჩაედინა ცხოვრებაში. ჯერ ხომ იმდენს რწყავდა შორენა ამ მცენარეებს, სახლს ლამის საძირკველი მოუშალა და მეორე — ზამთარში, რომ მოყინავდა, ეს ჯუჯა ხეები ლოლუებს იკიდებდნენ და შიშით სულ სირბილ-სირბილით უწევდა სახლამდე მიღწევა ნონას, თავში არ დამეცესო. სანდროს და გიოს რომ მოსწყინდებოდათ, ათას უბედურებას ესროდნენ ლოლუებს — რომელი გაართყამდა, იმაში ეჯიბრებოდნენ ერთმანეთს, ნონას შემოსასვლელი კი სულ ნაკვით ივსებოდა. მერე როგორ ვერ იტანდა ნონა უწესრიგობას! ჯერ თამილას აუვარდებოდა მადლა, მერე შორენასთან გადავიდოდა საჩივრებით. ერთხელ ასე გადავიდა შორენასთან ოცდათერთმეტში საღამოს. გადავიდა, იწიკვინა ცოტა ხანს და დარჩა, ჩამოჯდა, კარგად მოკალათდა საგარძელში. შორენაც ადგა, ჩაი შესთავაზა, გოზინაყი, ნამცხვარი. რაღაცეებს სულ ამზადებდა ხოლმე, ტრადიციულად. მჭამელი კი არაუინ იყო, აბა ხოსე-იგნასიოს რად უნდოდა ნამცხვარი! მერე დათვლაც დაიწყო — 3,2,1, ახალი წელი! და შორენამ შამპანურიც გახსნა, ცოტა უხერხულად კი გრძნობდა თავს, ნონაც უხერხულად იჯდა, ჩუმაღ. ერთმანეთს ჭიქები მიუჭახუნეს...

საინტერესო ქალი იყო ნონა... სულ ხომ ძვირფასი სამოსი ეცვა და მართალია უკვე სამოცს უკაკუნებდა, კვირა არ გადიოდა თავისთვის რაღაც ახალი არ ყვიდა. ან ფულს სად შოულობდა? რომ გეკითხა, კონსერვატორიაში პედაგოგობას, ქუჩების დაგვა სჯობდა, თუნდაც ანაზღაურების გამო...

— აბა, ჩვენს მეზობლობას გაუმარჯოს!. — გაიღიმა შორენამ და გადაკრა.

აივანზე გამომავალი ფანჯრებიდან თამილას კისკისი მოისმოდა – მეტი აღარ შემიძლია ამდენი ცეკვა ბიჭებო, მეტი აღარ შემიძლია... “how could I dance with another...” – უბერავდნენ “ბიტლზის” ბიჭები... იქვე გიოს შედახილები... სანდროს ტამტამის ბაგაბუჯი...

თავისუფალ დროს დაკვრას სახლში ასწავლიდა ხოლმე ნონა მეზობლის ბავშვებს. ხანდახან ისეც მიუჯდებოდა როიალს, თავისთვის, უკრავდა რამე ისეთს... რე – დაწვეებოდა კლაეიმს ნონა, წარსულს იხსენებდა შავი როიალი, სოლ... მხოლოდ ერთი ნოტი, მხოლოდ სი – ნინის გადიმებული სახე რუსთაველის პროსპექტზე, ლევანთან ერთად მოსეირნე... – ნაყინი არ გინდათ, გოგოებო?. მერე ისევ დო – როგორი ჰქონდა თითები, თითებით აფასებდნენ ბიჭებს კონსერვატორიაში. რე, მი, ფა, სოლ, მი, ფა, სოლ... – ტროლეიბუსი, წვიმაში სიარულისგან დასველებული კედები, ერთად შეტყუპებულ ფეხებს უბის წიგნაკში იხატავდა – ვინ, დათო? გივი? რა ერქვა... და სოლ, სოლ, დო, ლა, სოლ, სი! – რა იყო ეს შედახილი – ნონაა!!! – მამამ რომ შინ მოიტანა ეს შავი, უზარმაზარი როიალი... ხანდახან უზომოდ მოიწყენდა ხოლმე ნონა – დაჟღაჟა პომადით დათხაპნულ ტუჩებიანი, აგერ უკვე სამოც წელს მიტანებული ქალი, კრემისფერი ღილებით ნიკაპამდე ასულ პერანგში გამოწყობილი... ჯერ თმას გადაივარცხნიდა ლამაზად და მერე, გინდა თუ არა – თავი უნდა მოვიკლაო, დაიჩემებდა. ერთი იყო, რომ ამ საქმისთვის საკმარისად ვერა და ვერ მოწესრიგდა... ზედმეტად ამაყი გახლდათ ნონა, ისე როგორ მოკვდებოდა, საუკეთესო ფორმაში არ ყოფილიყო. თმა – მეღივება, წონა – 64კგ, ფრჩხილები – დამანიკურებული, სახე – გადატკეცილი! მოკლედ, ერთი დღე ვერ ჩაიგდო ამ ყველაფრის მოსაგვარებლად, თორემ კაი ხანია ცოცხლებში არ იქნებოდა, ამაყად მობერებული, მზეთ-უნახავი და ზოგადადაც უნახავი, ქალბატონი ნონა... რაღა დასამაღია რომ არ უყვარდა ნონას ეს ახალი წელი. არც ის ფანჯრიდან გამომავალი მაგნიტოფონის ხმა “well, my heart went boom as I crossed that room...”, ამას დამატებული სანდროს ტამტამი და თამილას ქუსლების პაკუნი, ზრიალს რომ აღენიებდა ეზოში ჩამოკიდულ ლოლუებს! – გილოცავთ ახალ წელს! – ჩართული ტელევიზორიდან და ცაში კიდევ – ფეიერვერკები უამრავი, უთვალავი...

აჟიტირებული იყო გიო, ცქმუტავდა რაღაც უცნაურად... ახალი წლის დამეაო, ვინმე იტყოდა, ასეც უნდა იყოსო, მაგრამ სანდროს ვერ გააცურებდი – ნაღდად უმაღლავდა რაღაცას. სანდრო იჯდა და აღიზიანებდა გიოს ეს ეშმაკური ღიმილი. თამილა კი ვერაფერს ამჩნევდა...

– გიო რა არის? მოხდა რამე? – უკვე მერამდენედ დაეკითხა სანდრო. და მერამდენედ არ უპასუხა გიომ. მხოლოდ ათიდან ქვემოთ რომ ჩამოითვალეს, მიუჭახუნეს ერთმანეთს ჭიკები და მერე ცეკვავენენ მუხლების მოკვეთამდე, მაშინ გამოტყდა გიო: – დე, ხუთ თვეში სტამბულში მივდივარ ერთი წლით... წინა კვირას კლასში დირექტორი შემოვიდა, ხუთი კაცი დაასახელა. მე, წოლო და კიდევ სამი – პარალელურიდან! ზაფხულის სემესტრში მარტო ინგლისურს ვისწავლით და თურქულს. მერე ჩვეულებრივად. სწავლა ინგლისურადაა, თურქული დამატებით. თავიდან სტიპენდია მექნება. მერე ჩემ სწავლაზეა დამოკიდებული. მოკლედ დე! მაისის ბოლოს მივდივარ! დე, არ გიხარია?!

თამილა დაძაბული იჯდა სკამზე, გაშეშებული. ასე იჯდა, იჯდა და უცბად წამოფრინდა: – ჩემი ბიჭი! ოქროს ბიჭი, ჩემი...

სანდრო იცინოდა.

ანისთან ბევრი შეკრებილიყვნენ. უკვე ყველა ნასვამი და კარგ ხასიათზე დამდგარი. სანდრო რომ მივიდა ანი ცეკვაულა, გარშემო სულ ფერადი წვიმები ეყარა და ირგვლივ ფორიაქიანი სახეები — ბევრი უცნობი, ბევრიც ნაცნობი.

— ანი, მოვედი!

— სანდრო! სანდრო! რამდენი ხანია გელოდები!

— უფრო ადრე ვერ გამოვედი, გიომ ისეთი რამე გვითხრა... — ანი თითქოს არ უსმენდა, ცეკვაულა. — რა კარგია რომ მოხვედი სანდრო! მაგარია არა? ხომ მაგარია? — ხელებს იქნევდა გოგო, თმაგაშლილი.

— კი, ასწორებს. ასე გვითხრა, თურქეთში მივდივარ ერთი წლითო, ანუ ოთხი წლით — ოღონდ ერთით ნამდვილად და დანარჩენი მერე გამოჩნდება...

— ხოლო? რაა? სანდრო... რაა? ვინ გიო, შენი ძმა? — ანი ცეკვაულა და იცინოდა და ხელებს იქნევდა ლამაზად.

— ხო, გიო — ჩემი ძმა... გახსოვს, გეუბნებოდი — შეიძლება წაიდექმეთქი.

— რაო, რა მითხარი? სადაო?

— ანი, შენი კონცერტი როდისაა?

— შეიღში! შობას. სანდრო, ხომ მოხვალ?

— ამოვალ და ერთად წაიდექო, კარგი?

— კი, კი... სანდრო, მოგწონს აქ? კარგია? — ცეკვაულა ანი.

— კი — ფეხი აუწყო სანდრომაც. — კარგი მუსიკაა...

XI

ერთი წამის ამბავი

ანისთან ასული სანდრო ცოტა უხერხულად გრძნობდა თავს. ეს მანამდე, სანამ სტუმრობა ჩვეუად არ ექცა... ყოველი კონცერტის წინ საოცარი დამაბულობა სახლში, და მთელი ყურადღება ანიზე... ბინა ისეთი იყო, აი — როგორიც არის ხოლმე, როცა სიტყვა “დიასახლისი” პროფესიის მნიშვნელობას იძენს: ყველაფერი დაპრიალებული, პრიალა პარკეტზე დაგდებული წყვილი ქეჩა, ეს — თუ სტუმარს ფეხის გაწმენდა დაავიწყდა... ლარნაკებში ყვაილები, ხელოვნური ხილი მაგიდაზე... შეხვიდოდი ბინაში და... დაახლოებით ასეთივე შეგრძნება ეუფლებოდა სანდროს ძველად, მუსიკის მასწავლებელთან რომ დადიოდა. ოღონდ იქ ასეთი ნათელი ფერები არ იყო. ვერ მიხვდებოდი რატომ — ან მზე არ ადგებოდა ფანჯრებს, ან ფარდები იყო ჩამოფარებული მუდმივად... თან სახლი იყო, ბინა კი არა. ორსართულიანი ქვის სახლი. აგურისა კი არა, ქვისა. აგური ხომ ნარინჯისფერია რაღაცნაირი, ეს კიდევ ნაცრისფერი იყო, ცივი. შიგნიდან კედლები თეთრად შეედებათ და მერე ეს ჩარჩოში ჩასმული ნახატები... მთელი კედლები ნახატებით იყო გადაჭედილი... მოკლედ, სანდრო რომ ამ სახლში შევიდოდა, ხვდებოდა — სადაც მაღლა მოხვდა, სადაც ადამიანებმა იციან რას აკეთებენ, და როგორ. მუდამ თავშეკავებულნი, ზრდილობიანნი — ტაქტიანნი... არც გამომწვევ წითელ კაბებს იცვამენ და არც ხმამაღლა იცინიან არასოდეს. უყვართ ლურჯი ფერი და ფრაზა — “ლურჯსა ფერს, ცისა ფერს”, ან — “ვინ არის ეს ქალი... ასეთი ცისფერი!”

ერთხელ გაკვეთილზე მისული სანდრო, როიალთან დაჯდომამდე, აბაზანაში შევიდა, ხელის გადასაბანად, საპონს დახედა და ზედ თმა შენიშნა. კარგად ახსოვს, როგორ გაახალისა ამ ამბავმა მაშინ. ჯერ ერთი, რომ უსიამოვნო სანახავი იყო ეს თმის ღერი და მეორეც, რომ ესე იგი თმები სცვიოდათ, ამათაც სცვიოდათ! აბაზანიდან გამოსულს, ისეთი სიმშვიდე დაეუფლა, სულ ერთი წამით: მთლად სრულყოფილები არ ყოფილხართო, გაიფიქრა და იმიტომ.

ციცო ძალიან თავაზიანი იყო ყოველთვის. სულ რაღაცას სთავაზობდა სანდროს: ჩაი, ორცხობილა... სანდრომ ანის დაბადების დღეზე გაიცნო მთელი ოჯახი. დეკემბერში. გოგომ დედასთან მიიყვანა და რაღაცნაირი ღიმილით უთხრა – ციც, ეს ის სანდროა... ერთი იქ ყოფილიყო გიო! ერთი ენახა როგორი თავდაჭერილი იყო სანდრო, როგორი სერიოზული, რა დიდის შეხედულება ჰქონდა მაშინ. თავიდან ანი ასე ხსნიდა ხოლმე — ეს სანდროა, ჩვენთან ერთად წამოვა, ჩემი გამოსვლა უნდა რომ ნახოსო, მერე კი ყველაფერი თავისით ხდებოდა. კარს რომ გააღებდა ციცო, აღარც შეიცხადებდა — ეს ვინ მოსულაო. უბრალო ამბავი გახდა. ერთად ჩააწყობდნენ საკონცერტო კაბებს, გაუდგებოდნენ გზას.

მოსწონდა სანდროს ანის ცეკვა... ჯერ ბოლო რიგებიდან უყურებდა, სადღაც სიბნელეში იდგა, ზოგჯერ კედელთან ატუზული. ცოტა ხანში წინ გადმოიწია, ერთხელ პირველ რიგშიც დაჯდა. კულისებიდან წინ თავგამოყოფილ ციცოს ხედავდა, ხელში რაღაც წვრილმანი ეჭირა, უცბად რომ მიხმარებოდა ანის. ანის ყურებას არაფერი სჯობდა და მაინც, ამდენ ხანს როგორ ჩერდებოდა იმ თითის წვერებზე, ასე თავისუფლად! რა სანახავი იყო — დაფრინავდა. მთელი მუდამი იმას ჰქონია, ბალეტს რომ ცეკვავ, ხალხს რაც შეიძლება მსუბუქად მოაჩვენო თავი, ასე ფოთოლივით დაქროდა აქეთ-იქით... თეთრი, თოვლივით თეთრი მოსასხამი, თავზე გვირილებისგან დაწნული გვირგვინი... დატრიალება, მკლავი ნაზად მალლა, ქვევით, წელი წვრილი, მარჯვნივ გადადგმული ნაბიჯი, მერე უკან, მსუბუქად, კატასავით, ჩუმად და ისევ მალლა... ასე გაფაციცებით უნდა გეყურებინა მთელი ამ მოძრაობისათვის, ბალეტი რომ ერქვა და თვალს ერთი წამით ვერ მოაშორებდი, რაღაც მნიშვნელოვანი რომ არ გამოგრჩენოდა, თორემ გაუშვებდი წამს ხელიდან და ვეღარ დააბრუნებდი მერე. ერთი წამის ამბავი იყო. იდგა სანდრო და გაფაციცებით მისჩერებოდა მოცეკვავ ანის იმ ერთი, რომელიღაც, განსაკუთრებული წამის გულისთვის...

* * *

- ჯერ შენ გადადი!
- რატო მე? წინაზეც მე არ გადავედი!
- მიდი, მიდი... პატარა ხარ, გამხდარი, ვერ დაგინახვენ.
- მოიცა რა, იცოდე გადავალ და მარტო ჩემთვის წამოვიდებ!
- მიდი გადაძვერი, დაღამდა.

თითის წვერებზე აიწია, ღობეს ხელებით ჩამოეყრდნო, ეზოში სწრაფად გადაძვრა და ალუჩის ხის ტოტები თავისკენ მოიზიდა. პატარა, ლამაზი აგურით ნაშენი სახლის შემოსასვლელში მაშინვე სინათლე აინთო. ეტყობა, მოხუცი სკოლის დარაჯი კარებთან იყო ჩასაფრებული, ლანძღვა-გინებით გამოუარდა გარეთ:

— გადმოძვერით არა, თქვე ვირიშვილებო! სახლი არა გაქვთ? წაეთრიეთ სახლში, სახლში ჭამეთ!

— არიქა ავითესეთ! — უკან გადმოძვრა პატარა ლუკა. გვანცა უკვე ქუჩის გადაღმა ელოდებოდა, შეეშინდა მეც არ დამინახონო. ლუკა ისეთი სისწრაფით ჩამობობდა ქვევით, ხაოიან ღობეზე მუხლი გადაიტყავა. ჩამოხტა, რამდენიმე ნაბიჯი გაირბინა და თავში ხის ჯოხი მოხვდა უკნიდან, ეტკინა, გაგორდა ასფალტზე.

— გეცოდინება აწი, სად ჭამო და სად არა. — ჩაიბურტყუნა მოხუცმა დარაჯმა, შებრუნდა უკანვე.

— ძალიან-ძალიან გეტკინა? — უხერხულად იკითხა გვანცამ.

— კი, არა-ა, ისე რა... — პასუხში დარწმუნებული ვერ იყო ლუკა. არა, ისეთი მსხვილი ალუჩა იყო, კი ღირდა თავის გამოდება. ნადაული ხელისგულით გააპრიალა და გემრიელად ჩაკბინა. მთელი სკოლის ეზო სავსე იყო ხეხილით. ბავშვები სკოლაში ხილის საჭმელად უფრო დადიოდნენ... სეზონის ყველა დროს, რომელიმე ხე მაინც ისხამდა ნაყოფს — რა გინდა რომ იქ არ ყოფილიყო: ვაშლიც იყო, ყურძენიც... საერთოდ, კარგი სკოლა იყო, ვერაფერს იტყვი. მხოლოდ რიცხვის დამახსოვრება უჭირდა ყველას — ასმერომელიდაც. აგურით ნაგები, მაღალი შენობა, ბევრი სათამაშო მოედანი... ერთი იმხელა ეზო ეკრა სკოლას მარჯვნიდან, რომ სკოლის დარაჯმა — ვალიკო ჭილოლაშვილმა თავის დროზე შიგ სახლიც ჩადგა, შემოიღობა კიდევ და საერთოდ, მაგარი ბაითი მოიწყო, ოღონდ ეგ უკვე ძველი ამბავია... ახლა მერიის რომელიღაც დეპარტამენტის, რომელიღაც ჩინოვნიკის დახვედრებულ ქალღმერთებში თუ არ ჩაიქექებოდი, რას მიხედებოდი, რომ ეგ ვალიკოს მიწა არაა, ან ვინ ჩაიხედავდა, ან ვინ დაინტერესდებოდა! მოკლედ, მაგას რაღა მნიშვნელობა აქვს და ბევრი რომ არ გავაგრძელოთ, სექტემბერში სწავლა დაიწყებოდა თუ არა, რომ შეესოდნენ ბავშვები ამ ხეხილს, თვის ბოლოსკენ აღარაფერი რჩებოდა. ერთი ჭილოლაშვილების ხეები იყო ხელუხლებელი და ეგეც რამდენად ხელუხლებელი, კიდევ ღმერთმა უწყის. ძალიან ბრაზობდა ვალიკო. ჯერ ხომ ისედაც ისეთი ჯაფრი ჰქონდა ამ სკოლის ბაჭაჭყანების... გაუწამეს ცხოვრება: შატალოებიო, დაგვიანებაო, ათასი უბედურება, მერე კიდევ სახლშიც ვერ ისვენებდა — მთელი დღე ამათი ყიყინი იდგა ეზოში...

— აწი შენი ჯვრია. მე მეტი ეგეთებზე აღარ გადავალ. — ნაწყენი ხმით წაილულულა ლუკამ. — ამის დედაც! მგონი სისხლი მომდის... აბა შეხედე! — გვანცამ უკნიდან მოუარა, თმა გადაუწია.

— აუ! ლუკაჩო, ახლავე სახლში დავაწვეთ... ჩემთან ამოდი, დედა გადაგიხვევს.

— მომდის არა? — თავი შეეცოდა ლუკას. წამოდგა, ვალიკოს სახლისკენ მთელი სიჩქარით გაექნა და ჭიშკარს ამოკრა ფეხი. — დედას გიტირებთ! — ერთი მიაძახა და შიშისგან მთლად გაფითრებულ გვანცას მიუბრუნდა — არიქა, ავითესეთო.

როგორც ლუკაჩოს მორიგი დატუქსვით დაღლილი ვერა იტყოდა, — “ო-ო ეს მოხარდები!”

რა საყვარელი პატარა იყო ერთ დროს ლუკა! მთელი ეზოს საყვარელი ბავშვი... დროს რომ იხელთებდა, ფეხზე გაიძრობდა ხოლმე წინდებს, ფეხსაცმელს და ასე ფეხშიშველა დაბორიალობდა — სულერთი იყო, ქუჩაში თუ სახლში... ”ცვრიან ბალახზე თუ ფეხშიშველი არ გაიარე”, არა ლუკაჩ! — გამოდგებოდა ხოლმე ტაქსისტი ბორია და აივნისგან ლუკას დედას გასძახებდა — ამ პაწია პა-

ტრიოტს მიხედვ, ისევ ფეხშიშველააო...

თავისი უფროსი დაიკო უყვარდა კიდევ ლუკას სიგიჟემდე. მერე ქეთი ერთი წლით ამერიკაში წავიდა, მამასთან, იქიდან კიდევ ისეთი სხვანაირი ჩამოვიდა, მთელი ეზოს ბიჭები ხომ აეკიდენ ძაღლებით, და ლუკაჩომ კი შეიძულა რატომ-დაც. ისე ვერ ჩაივლიდა ქეთი, რომ ლუკას რამე ბოროტი ხუმრობა არ ესროლა, გულს ტკენდა ხოლმე ტყუილად. ერთხელ ქეთიმ გვერდზე მოისვა — რაა ძამიკო, რატომ შემიძულე ასეო? — იმან კიდევ — საერთოდ როდის მიყვარდიო? — კითხვა შეუბრუნა. ევე ლუკაჩ!

იკა ოთახში იჯდა კომპიუტერთან. ასე რომ დაჯდებოდა, აღარაფერი ახსოვდა მერე. შეეზრდებოდა ხოლმე კომპიუტერს. დიდი ხანი არ იყო რაც იყიდა და რაღაც ჟინი ქონდა, ვერ დაეცხრო. ოთიკო გადმოვიდოდა მალე... რაც ცოლი მოიყვანა კი გააიშვიათა სახლში მოსვლა, ახლა სხვა სახლი ჰქონდა და გასაგებია. ოთიკოს ცოლი იკას მინცადამინც არ ეხატებოდა გულზე. ტუჩებმოკუშული იყო სულ ეგ გოგო, ბევრს წიკვინებდა კიდევ. იკას რომ დაინახავდა, ამ თავის მოკუშულ ტუჩებს კიდევ უფრო შეკრავდა... მოკლედ, არ მოსწონდა რა. ოთიკოს კი ლამის ძაღლის ყელსაბამი გამოაბა, გადაგებული ჯოხის მოტანა ასწავლა... იკა წამოდგა, სიგარეტის კოლოფს დახედა. ცარიელი იყო. მამა ქვევით იჯდა, ტელევიზორს უყურებდა.

— გავალ, სიგარეტს ვიყიდი. — გასძახა ვალიკოს.

— დღეს ოთო უნდა მოვიდეს?

— არ ვიცი, შეიძლება.

— კარგი.

— კარგი. — და სახლიდან გავიდა... ცოტათი საკუთარ თავსაც ადანაშაულებდა იკა: ეგ გოგო ძმას თვითონ გააცნო. კურსელის და იყო და საქეიფოდ იმ დღეს რომ არ წაყვანა ოთო, იჯდებოდა ახლა სახლში ბედნიერი. კაცი იქნებოდა, ფინია კი არა. ამასწინაც, სამზარეულოში სხედან ეგ, ოთო და იკა. გოგო ამკარად რომ დაძაბულია. სულ დაძაბულია ეს გოგო. მერე ყავას ადუღებს და ეს მოკუშული ტუჩებიც... თან რაღაცნაირად კეკლუცობს — აი, როგორც გოგოებს ჩვევიათ ხოლმე ბიჭის თანდასწრებით და თან უხერხულადაა, თავს სტუმრად გრძნობს რა. აი მიხვდა, როგორც იქნა მიაგნო შესაფერის სიტყვას — ეს გოგო, იკას თანდასწრებით, თავს სულ სტუმრად გრძნობს! მერე ხომ იკა სიტყვას ვერ ჩააგდებს, იმან რომ წარბები არ აპრიხოს. რაზე მერე? რამე არასწორად ვთქვი? მოკლედ, რა ქვიათ ასეთებს? — “სწერვა”... იკა მაღაზიის ვიტრინასთან წამით შეჩერდა. დილის წვიმისგან დასველებული ვიტრინა ჯერ კიდევ ვერ შემშრალიყო. ასფალტიც სველი... აქა-იქ ლაქებად მოჩანდა წვიმის გუბები. იკამ ჯიბე მოიქექა, საკმარისი ფული წამოვიღე თუ არაო. ამ ბოლო დროს სულ დაბნეული დადიოდა, თვითონ ვერ გაეგო რა ამბავი იყო მის თავს, ძილი თუ აკლდა. მარცხნიდან სამარშრუტო ტაქსების გაჩერებას ორი ქუსლი, ტილოს სარაფანი და თეთრი ლაბადა უახლოვდებოდა. ეს ხმა — ასფალტზე კაკ-კუკ, სადღაც ოცდათხმუთმეტს გადაცილებული ქალის ნაბიჯები. ქალის დაახლოებით ასეთის: ვიცვამ კარგად, დახვეწილად; მაქვს გემოვნება; ვარ თავშეკავებული, მოწესრიგებული, გამოვიყურები კარგად; მყავს მეუღლე: ძვირფასი, ღმობიერი და შეძლებული; გყვავს ბიჭი — გურამიკო, უკვე აბითურიენტი; ვმუშაობ ოფისში გოგოებთან ერთად; კმაყოფილი ვარ ჩემი საქმით; დიასახლისი არ ვარ, როგორ გეკადრებათ, არა, მაგრამ არც ის

ვარ, აი — “კარიერისტკა”... უფრო რაღაც საშუალო. კანი მაქვს ხორბლისფერი, სუფთა, მიყვარს როლინგები და თმები სწორი, თხელი, ოდნავ მეღირებული... მიყვარს სიწყნარე, ყავა, სიგარეტი და რუსული მეორე მშობლიური ენასავით მერევა საუბარში...

მოკლედ, რა მნიშვნელობა აქვს, იკას ხომ ერთიც არ გაუხედავს, უბრალოდ, ხმა ესმოდა — კაკ-კუკ. მოახლოვდა ქალი, იკას ზურგს უკან ჩაუარა, გაჩერებასთან დადგა და მიიხედ-მოიხედა. ხურდა გადაითვალა იკამ — ლარი და ათი, ლარი და ოცი, ოცდაათი... მაღაზიის ვიტრინაში ქალის ლაბადა ირეკლებოდა. თეთრი ლაბადა...

იკას არასდროს გაეგონა, როგორ ეცემოდნენ უსულო ადამიანები ძირს. როგორც ფქვილის ტომარა. ხმა ზუსტად ასეთია, აი — მაისურგაძრობილი მუშები პაპანაქება სიცხეში ოფლს რომ მოიწმენდენ, სატვირთო მანქანიდან ცემენტის ტომრებს გადმოუძახებენ — ორმოცდაათკილოიანს, მიწაზე ზღართან — ბრახ! და მორჩა. რომ შემოტრიალდა იკა, ქალი უკვე აღარ ჩანდა, ხალხი შემოხვეოდა. თეთრი ლაბადა სულ გასვრილიყო ტალახით. მარშუტკის მძღოლი იქვე იდგა, სახეაჭარბლებული, ხან ჩაიკუწებოდა, ხან წამოიმართებოდა, თავში იცემდა ხელებს. რა ძალა ჰქონია მანქანას! შიგნით რომ ზიხარ, მოძრაობ, ვერ ხვდები. იმხელა ძალა აქვს რომ ერთი შეხება და გაჩერებიდან ათი მეტრის იქით იწვა ქალი, უსულო. თეთრლაბადიანი.

რა მოხდებოდა ადამიანს დროის უკან დაბრუნება რომ შეეძლოს? სულ ოდნავ, ერთი წამით. განა ისე რომ ყველაფერი შეცვალოს — უბრალოდ, ერთხელ რომ გაეხედა... ხომ მოდიოდა ქალი, ერთხელ გაეხედა. იქნებ გაეღიმა, თავი დაეკრა, ქალებს უყვართ ასეთი ყურადღება, არ იმჩნევენ და სიამოვნებთ მაინც. იქნება და უყურებდა იკას, სანამ მოდიოდა, მარცხნიდან უახლოვდებოდა, სანამ იკა ხურდებს გადაითვლიდა და იქნება შეეჩერებინა, ერთი წამით, ეთქვა — შეუქნიშანს დაელოდეთ ქალბატონო და ამასობაში გაჩერებას კი გასცდებოდა უკვე ლურჯი სამარშუტო ტაქსი... აქ კი მიხვდა იკა, რომ შეძლებოდა, ერთ წამს არ დაჯერდებოდა ნამდვილად: იმდენს შეცვლიდა, სანამ ყველაფერს თავდაყირა არ დააყენებდა. ჯერ ერთი, სულ თავიდან დაიწყებდა — გამოაღებდა უჯრას, ამოიღებდა ფულს... ნუ — მერე როგორც იყო, უცვლელად — გამოვიდოდა გარეთ... და ან რატომ აქედან, უფრო ადრე რატომ არა, რატომ იქიდან არა — ოთოს რომ ვანოსთან მიათრევდა საქეიფოდ... დარჩი! — ეტყოდა, მეც არ ვაპირებ წასვლას, არც მე ვაპირებ წასვლას, ოთო! იქიდან რატომ არა, მანქანა რომ იმ ახვრების ეზოში დატოვა, ლითონის ჩონჩხი რომ დახვდა დილით; ან რატომ იმ ღამიდან არა, ქეთის რომ უთხრა — ცოლად გამოიმყვიო, მას მერე აღარ უნახავს ეგ გოგო, თუ კი — ნახა ერთხელ და იქიდან რატომ არა, რომ მივიდა და ის კიდევ ასეთი იდგა, აი ასეთი: “აუ, კიდევ ეს!” — სულ უკან რატომ არ დაბრუნდებოდა, მამამ რომ ველოსიპედი უყიდა; ან კიდევ უფრო ადრე, ძაღლს რომ კატა გამოაბეს...

იკამ ერთი გადააპურჭყა და მაღაზიაში შევიდა.

— აუ, ფული სახლში დამრჩენია... ჩემ თავს გეფიცები ვერიკო, დღესვე ჩამოგიტან რა, ერთი “მაღბორო: და ერთი “ყაზბეგი” რა!.

— ბიჭო, გარეთ რა მოხდა დაინახე? ღმერთო ჩემო! — გაფითრებული იდგა ვერა.

— საშინელებაა, საშინელება! — პასუხობს იქვე ვიღაც.

“არ შეუძლიათ კომენტარის გარეშე” – გაიფიქრა იკამ.

– ერთი ლუდი და ერთი “მალბორო”, გთხოვ რა!

– ბიჭო, გადარჩა ნეტა? თუმცა რას გადარჩებოდა...

– რას გადარჩებოდა, ვერ ნახე რამხელაზე გადააგდო? ასეთი არაფერი მინახავს! – პასუხობს ვილაც იქვე.

“სულ ერთი წამის ამბავი იყო – ჩემსკენ რომ მოდიოდა. . . და რატომ ერთი არ გაგხედე?” – გაიფიქრა იკამ.

XII

რაც წახვედი, მაგარი ამბები დატრიალდა

ეს ერთი იმ წამთაგანი იყო, ცხოვრებაში გადამწყვეტი რომ გგონია — პირველად რომ შევიდა გიო კლასში, ამდენი მერხი, ამდენი სკამი... როცა თვლა არც იცოდა ჯერ... თვალი გადაავლო, ერთი ოთახისათვის ამდენი მერხი ებევრა... “კლასი” — გაიფიქრა პირველად... როცა პირველად გაამგზავრა თამილამ გუდაურში, ჩანთა თბილი სვიტრებით გამოუტენა და — თხილამურებზე დგომა უნდა ისწავლოო უთხრა; ან როცა კლასში დირექტორი შემოვიდა ნაბეჭდი ფურცლით ხელში და გიორგი ხელაია, სიაში ხარო — გამოაცხადა. *სიაში ვართ? მაშინვე როგორ გადახედა წოლოს...*

როცა პირველი ლექციიდან გამოვიდა გიო და საია შეეჯახა წიგნებით დახუნძლული და მერეც როცა გატრუნული იჯდა მანქანაში, საავადმყოფოში საკაცით რომ შეარბენინეს კიდევ ერთი ფეხმძიმე ქალი... ახლაც ზუსტად ერთი იმ მომენტთაგანი იყო, როდესაც ლენა შემოვიდა გახარებული ნომერში და — წოლო ვიპოვეთო! — წამოიძახა. წოლო ცოცხალია და აქააო. გიომ ისეთი ხმაურით გამოუშვა პირიდან ჰაერი, თითქოს აქამდე სუნთქვაშეგუბებული იჯდა... ასეთ დროს ერთი სიტყვაა საკმარისი: *მწყურია...* ანდა — მიყვარხარ, დავბრუნდი, დამიცადე... ამჯერად მხოლოდ:

– სადაა?! – წამოიწია გიო.

– ქვევით, მისაღებში წევს — სულ დაწვია კანი... სილაზე ჩაძინებია და კანი რომ დაეხრუკა, მაგან გააღვიძა. მაგრაა დამწვარი.

– კი მაგრამ, მთელი სანაპირო არ გადავჩხრიკეთ? — თან ქვევით ჩასვლას ჩქარობდა, თან მეტის გაგება უნდოდა გიოს.

– შორს იყო. ღამე ნასვამი გასულა, თავისი ჭკუით — საცურაოდ... — იცინოდა ლენა — და ზღვას რომ მიუახლოვდა, შესვლა შეშინებია, სანაპიროს გაჰყოლია. ამდენი როგორ გავიარეო — არც ახსოვს და რომ გაიღვიძა, მთლად პორტის იქით იყო გასული. ჩვენგან მარჯვნივ რომაა პორტი, მარცხნივ იყოლო და მაგით მიხვდა სად იყო და თან მთელი ტანი ეწვოდა... მოკლედ, შავ დღეშია. არ ეჩხუბო ოღონდ გიო. თავისი ეყოფა. — მიაყოლა ლენამ. ეტყობა, რასაც ფიქრობდა, სახეზევე ეწერა გიოს.

– შტერი ევა! — წარბი შეკრა, თან ბრაზობდა, თან გულზეც მოეშვა. — რა დღეში ჩაგვაგდო!

აი, ტაფაზე რომ ქათმის ბარკალს დააგდებენ, ცეცხლს აუწვევენ და გემოზე გააპიწვინებენ... შემოსასვლელში ტახტზე იწვა აწითლებული წოლო და სა-

ცოდავად წკმუტუნებდა. რომ მოვიდა ხომ ყვირილ-ყვირილით დააწვინეს ტახტზე, ახლა საერთოდ ვედარ ინძრეოდა. საავადმყოფოში გადავიყვანოთო და ერთ-ერთმა თურქმა სასწრაფოში გადარეკა. საშიში კი არაფერიო და რამე მაღამოს დაადებენ, რომ არ ეწვოდესო. იქნებ წამლებიც დაეღია რამე, ტკივილგამაყუჩებელი. გიო პირველი სართულისკენ გინებ-გინებით ჩარბოდა, ოღონდ ტახტზე გართხმული გრძელი, მთლად გადაწითლებული ფეხები რომ დაინახა, საწყლად ფლოსტებწამოცმული, გული მოუღბა ცოტათი და მხოლოდ ესლა თქვა: – ე-ეჰ, წოლო, წოლო! წოლო მორჩილად იწვა და ოხრავდა თავისთვის.

გიოს ყოველთვის ცარიელად ეჩვენებოდა საავადმყოფოს შენობა — სულ რომ საუსე ყოფილიყო პაციენტებით, მაინც. ფერები იყო ალბათ ასეთი ცივი და იმიტომ. ცისფერი, თეთრი, ცისფერ-თეთრი... საიაც კი რალაცნაირად ფერმკრთალად გამოიყურებოდა ამ შენობაში. ლენასთან ერთად იჯდა სკამზე მოსაცდელში და ყავას სვამდა, საშინლად უგემურს. საერთოდ, როგორ უნდა დალიო საავადმყოფოში ყავა? არ მოსწონდა გიოს ესეთი რამეები. არის ადგილები, სადაც უბრალოდ უნდა იდგე ცოტა ხანს, აუცილებლობის შემთხვევაში, ან ბოლთას ცემდე შეიძლება რალაცის მომლოდინე, მერე კიდევ დაიხურო ქუდი და ფეხჩაქარებით გამოხვიდე გარეთ. ესენი კიდევ, ჩამომსხდარან, თითქოს სანაპიროზე, ბუნგალოში არიანო — აი, საცაა გამოუა ვინმე მომღერალი და მიკროფონში ჩააავოკალიზებს...

— მაპატიეთ რა! მთელი დასვენება ჩაეშალე. ზედმეტი მომივიდა. არ უნდა დამეღია ამდენი...

— ლამის გამოგიტირეთ, უკვე! — გაეცინათ გოგოებს. წოლო ისეთი წითელი იყო, სასაცილო და ახლა კიდევ სულ ბზინავდა — რალაც მაღამო წაუსვეს, მენტოლნარევი, წვა რომ დაეამებინა. გიო მკაცრი სახის დაჭერას ცდილობდა, არ გამოსდიოდა, წასკდებოდა სადაცაა სიცილი.

— წავედით რა, ვჭამოთ რამე!

— წავედით!

* * *

სად იქნებოდა ახლა სანდრო? სულ ასეთი კითხვა უჩნდება ადამიანს, რომელმაც ვიღაც სადღაც დატოვა, ვთქვათ — თბილისში... ჰო, სად იქნებოდა? თბილისში ახლა საღამო იყო, ასე, საათის ექვსი. სანდრო ეზოში თუ ჩავიდოდა, ბიჭებთან ჩამოდგებოდა, გარუჯული, ბათუმიდან ახალი დაბრუნებული. ეტყობა კარგი დრო ატარეს ზღვაზე, აგერ უკვე ორი კვირაა ერთი სიტყვა არ დასცდენია, ძმა სულ გადაავიწყდა, ანის თუ ასეირნებს აქეთ-იქით... ვინ იცის, როგორ შეიცვალა ამ სამ თვეში სანდრო. ბოლო დროს საერთოდ ისეთი ტემპით იზრდებოდა, გიოს თვალწინ... კაცობა დაიწყო... ჯერ ეცინებოდა გიოს, მერე დაიჯერა. არადა, რა არი ორი წელი განსხვავება და სანდრო მაინც ისეთი პატარა იყო ყოველთვის, პატარა და ჩუმი. თავისთვის რა... სად იქნებოდა ახლა სანდრო... იქნებ კუს ტბაზე ასული, ბიჭებთან ერთად, იჯდა სადმე, ეწეოდა, უყურებდა ნაპირთან მოქანავე წყლის ველოსიპედებს და ისევ ისე წასულიყო ფიქრებში, კაცი რომ ვერ გაუგებ, ისე. მათ შორის ყველაზე ნაკლებად ზარმაცი ამოიტანდა, ადრე თუ გვიან, ლუდს, რამე კბილის გასაკრავს და მერე — საუბარი ქალებზე... გიო თურქეთში ისე წამოვიდა, ერთხელ ვერ ნახა ანი. კი მოჰკრა თვალი, სანდროს დადევნებულმა, და მერეც დაინახა სადღაც, ერთხელ, შორიდან, ეგ არ ითვლება. აი, ახლოს რომ

მოვა და ხელს რომ ჩამოგართმევს და გეტყვის: *მე — ანი!* — აი, ვერე ახლოს ვერ შეხვდა ვერცერთხელ. თვითონ სანდრო დიდად მოწადინებული არც იყო შეეხვდრებინა და ისეთიც არაფერია ჯერო, ვმეგობრობთო... ეტყობა გიო რომ წამოვიდა, მერე დატრიალდა ყველაფერი. ერთი იქ დააყენა, სანდრო რომ წაილულლულდება, ისაო-ესაო და მომწონხარო და მიყვარხარო, ან იქნებ ის გოგო იყო ისეთი, ყოჩალი, თვითონ ამოუქაჩა ყველაფერი პირიდან, როგორც საიამ მაშინ, გემბანზე — ხომ გიყვარვარო... გიო ჩუმად იდგა, გაიღიმა მხოლოდ — *მეც მიყვარხარო* და კიდევ უფრო გაიღიმა. ერთად ვიყოთო? — თითქოს საკუთარ თავს დაეკითხა გოგო. გიო იცინოდა უკვე. *ვიყოთო* — პასუხი გასცა თვითონვე. გიო უცბად დასერიოზულდა. მიხვდა, რაღაც მნიშვნელოვანი გადაწყდა ამ რამდენიმე წაშში. დასერიოზულდა და გოგოს დაამტერდა, ცოტათი დაბნეული. აი, ასე ავიდნენ ვეროპაში ბორანზე მეგობრებად, და ჩამოვიდნენ აზიაში შეყვარებულები. იქნებ სანდროსთანაც ასე მოხდა. დასიცხულ კარავში, იქნებ “სალაშქრო ლექსებს” წერდნენ — რა დასამალია და, ტუალეტის ქაღალდზე, როგორც ხდება ხოლმე ლაშქრობებში, ან კოცონთან ისხდნენ, ერთმანეთს საშიშ ამბებს უყვებოდნენ, იქნებ შეეშინდა ანის, ან შიში მოიგონა, კარგად რომ ჩახუტებოდა სანდროს, ვგრძნობინებინა — საჭირო კაცი ხარო, იქნებ პირველი მთა რომ “დალაშქრეს”, მაშინ მიეპარა, როგორც ჩვევით გოგოებს, ჯერ თვალი მიმოავლო სად დგას სანდროო, მერე კი თავდახრილი მიუახლოვდა, ვითომ სულ ვერ შეამჩნია... რა სილამაზეა — დაფიქრებული გადახედავდა ხედს და სანდროსაც სხვა რა გზა დარჩენოდა — რა სილამაზეა — ჩაილაპარაკებდა ანის მიჩერებული...

რა სულელი იყო სანდრო, სულ ვერ ერკვეოდა ასეთ რამეებში... ადვილი იყო სანდროს მოხზრიალება. რკონში კარგი დრო ვატარეთო, იწერებოდა მერე. რკონის ამბებს სერიებად უშვებდა თითქმის ყოველ დღე. ზღვაზე სანამ წავიდოდა, ყველა წერილი რკონზე იყო. ბოლომდე კი არ ამბობდა სათქმელს. ასე, წვრილმანებით იწყებდა და სადაც მთავარი იყო, იმას მხოლოდ გაკვრით ეხებოდა. პირველი დღე წვიმიანი იყო, ერთი დიდი კარავი გაუმალეთ ბიჭებისთვის, გოგოებს თავიანთი ორ-ორ კაციანი კოპწია კარავები ქონდათ წამოდებულიო. მოკლედ, ღამე ყველანი ბიჭების კარავში შელაგდნენ, მოხსნეს გუდას პირი... ვახო თავის პირველ სიგარეტზე მოყვებოდა — იცოდა ეგ ამბავი გიომ: ვახო ხუთის იყო, მამისგან სიგარეტი მოიპარა, ოთახში დაჯდა, ჩაიღო პირში, უნდოდა გაეფუილებინა... შემოდის დედა, ვახო ვერაფერს ასწრებს შიშისაგან, სიგარეტს პირში იტენის...

— ვახო რას შეჭამ, რა მოგიშნალო? — ალერსით ეკითხება დედა, თავზე ხელს უსვამს. ვახოს უნდა უპასუხოს, სიგარეტს ყლაპავს და — არაფერი არ მინდა დე, უკვე ვჭამეო...

— რა ჭამე? — ეჭვით ეკითხება დედა. ვახო არაფერს ამბობს, ტირილს იწყებს. მერე გული ერევა... და მამას სახლში სიგარეტის მოწვევა ეკრძალება — ცუდ მაგალითს აძლევ ბავშვსო!

— კიდევ თუ მოგინდეს შვილო, მხოლოდ მითხარი... ბარემ თეფშსაც მოგაწვდი, დანა-ჩანგალსაც, კულტურულად უნდა მიირთვა თამბაქო! — ლულულულებდა გამწარებული მამა...

ალბათ მთელი თვე სვამდნენ... დაწერეს ლექსი: “თუ კარგად მოვიქცევით, მთაზეც აგვიყვანენ”, მოიშინაურეს მგელი “ვეფხვო”, რომელიც სოფლის ფინია აღმოჩნდა ბოლოს და დალაშქრეს მთა, სადაც ყოველ დღე ადიოდნენ სამწყემსაოდ

სოფლები. ვერაფერს იტყვი, ტრადიციული ლაშქრობა ქონდათ. ეგ ოღონდ ბოლო წერილში. პირველ რამდენიმე დღეს კი სმის მეტს არაფერს აკეთებდნენ და კიდევ, ავთოს მომზადებულ თმიან მაკარონს შეექცეოდნენ. — ვკვფუ! — გაა-ჟრიალა გიოს. როგორ არ უყვარდა ეს ლაშქრობის ზიზღადვიწყებული ამბები, აი, გათხრებზეც, ძველად რომ იყვნენ ერთად: ყოველ ნიჩბის დაკვრაზე ხელის გადასაბანად მირბოდა, სანამ მუდმივად ქვიშაში ჩაფლულმა, ბოლოს სულ არ დაკარგა ჭუჭყის შეგრძნება. ახლადჩამოსულ სანდროს, ფუნის გვერდით ჩამომჯდარი დახვდა. გამხმარი ფუნა ხელით გვერდზე, მოშორებით გადადო, ჩამოჯექიო — შესთავაზა ძმას. სანდრო გაოგნებული იდგა, მერე სახე დაემანჭა და: — ვკვფუ! — დაიძახა ზუსტად ისე, როგორც ახლა გიომ. ასეთ ადგილებში იფიწყებ კაცი სისუფთავეს, ზიზღსაც. ველურდები. ზოგისთვის ეს საყვარელი განცდაა — გაველურება. ოღონდ არა გიოსთვის.

გიო რომ აქეთ გამოფრინდა, სანდრო უკვე აპირებდა იქ წასვლას. კარვების ამბებს არკვევდნენ ბიჭები. სანდრომ ვერც კარავი იშოვა, ვერც საძილე ტომარა. მოკლედ, ბოლოს სხვის იმედზე წავიდა მგონი. გიოს ძალიან უნდოდა ბიჭებთან ერთად ყოფილიყო. არა, განა აქეთ გამოფრინა არ უნდოდა! პირიქით, ერთი სული ქონდა. მოკლედ... ისიც უნდოდა და ესეც. განსაკუთრებით, ეზოში საუბარს რომ იწყებდნენ, აი — ის მომაქვს, ეს მომაქვსო. ჯერ გიოს და წოდოს წასვლის თემას ამოწურავდნენ, მერე ლაშქრობაზე გადადიოდნენ და გიო ფიქრობდა, რა იქნებოდა ერთი თვით გვიან მიფრინავდყო. სანდრო ძან მოწესრიგებული ვინმე იყო: კოპწიად კეცავდა ყველაფერს, გამოზომილად ალაგებდა ჩანთაში. თამილა საქმიანი სახით მიდი-მოდიოდა ზურგჩანთებს შორის და ხან რას მოიტანდა, ხან რას — პირსახოციო, ქაშარიო... ორივე კი მიდიოდა, მაგრამ წადებით განსხვავებული ნივთები მიჰქონდათ. უცნაური შეგრძნება კი იყო: თითქოს ერთად მიდიოდნენ სადმე. გუდაურში ან ალგეთში. ოღონდ სანდროს კარტი მიჰქონდა, კბილის პასტა და პარალონი. გიოს კი პასპორტი, სკოლის ატესტატი და ხუთასი დოლარი. სანდრო პირველად მიდიოდა გიოს გარეშე დასასვენებლად. არადა, თითქოს სულ ასე იყო, თავი ისე ეჭირა. გაიზარდა რა. გიო ხვდებოდა, რომ არ წამოსულიყო, ნელ-ნელა ეგ და სანდრო მეტი რალაცეების კეთებას დაიწყებდნენ ერთად. მეტგან წაიყვანდა სანდროს, მეტს ეტყოდა. იქნებ ანგარიშიც მეტად გაქწია, ვინ იცის? გაელიძა გიოს. აეროპორტი გაახსენდა. დედა და სანდრო. თამილამ ბევრის თქმა არ იცოდა. ჩაეხუტა და თვალიდან კნტი ცრემლი ჩამოუგორდა. გიომაც აღარ დააყოვნა — ასეთივე ლამაზი დამხვდი იცოდე, რომ დაებრუნდებიო. მეორე ცრემლი ჩამოუგორდა დედას ლოყაზე. ეგ იყო და ეგ. გარეთ ძლიერი ქარი ქროდა, როგორც იცის ხოლმე და ხეებიც ალბათ ტრადიციულად მღეროდნენ იმ თავისას, როგორც არის: “შშშავლეგ შშშენი შშშაავი ჩჩჩოხა შშშშაავლეგოო...”

ბიჭებს გიო უცნაურად გამოემშვიდობა, თავისებურად. ვახო სახლში მოადგა გაფრენის დღეს და თავისთან წამოიყვანა. საერთოდ, წესით და რიგით, გიო ისეთი იყო, ადვილად ვერ მიიტყუებდი სადმე. თევზს რომ ჭიყვავდა დაანახებ, ან თავს რომ სათაგურს დაუდგამ, ასე მარტივად ვერ გააცურებდი, უფრო სწორედ, თვითონ ეგონა, რომ ვერ გააცურებდი, სანამ იმ დილას ვახო არ ამოვიდა, სახლის გრძელი, ხის აივნის მოაჯირს არ ჩამოეყრდნო და უთხრა:

— გიო ძმაო, კი ვიცი დღეს მიფრინავ, მაგრამ ჩვენ ხომ აქ ვრჩებით. ხომ გე-სმის ჩემი. — გიო დაბნეული იდგა. ვახოს ისეთი სერიოზული სახე ჰქონდა, რაღაც

არასასიამოვნოს ეტყოდა ალბათ.

— უბრალოდ იმის თქმა მინდა, რომ შეგიძლია უკვე აღარ გაერიო. შენთვის ალბათ სულერთია — მიფრინავ, მაგრამ დასაბრუნებელი პირიც ხომ უნდა დაიტოვო. დღეს მე თვითონაც არ ვიცი ვინ, როგორ, რატომ, ირაკლიმაც დამირეკა და კიჭამაც... კაი ამბავი არ არი, ეგ მინდა გითხრა და თუ გინდა რომ აქედან კაი სახელით გაფრინდე, უნდა წამოხვიდე და რაღაც რაღაცეებზე გვიპასუხო ძმაო. აქ როგორც მეგობარი ისე მოვედი. — გიო გაშრა. ისეთი სახე ქონდა ვახოს. ვახოს არ უყვარდა ტყუილი საუბარი და ლაზღანდარობა. თუ ამბობდა, ესე იგი რაღაცაში იყო მართლა საქმე...

— მოხდა რამე? რამე დავაშავე?

— მოკლედ, თუ გამოძევები, ბიჭებთან მივიყვან და ჩემი ვალი ამით მოხდილი მექნება. დანარჩენი იმათ გითხრან, შენც იმათ უპასუხე. წამოხვალ? — გიომ კარი გაიხურა და ვახოს გაევა, ცოტათი გაბრაზებული. თვითონ ხომ იცოდა — არაფერი დაუშავებია და თუ ძალით რამე შარის მოდება მოინდომეს, მიზეზს კაცი ყოველთვის აპოვის...

სრული სიჩუმე იდგა ვახოს ბინაში. არადა, სადღაც თხუთმეტამდე კაცი კი იქნებოდა. ზოგი სკამზე ჩამომჯდარი, ზოგიც ფეხზე, დადუმებული უყურებდა შემოსულს. გიო ოთახის ცენტრში გაიჭიმა, უკვე აპირებდა ეთქვა — რას მომჩერებხართო, რომ ვანო ფეხზე წამოდგა, სკამი გადააყირავა და ბრაზისგან გაწითლებულმა იღრიალა:

— ძმაცატი მეგონე გიო! ეგეთი რამე როგორ გაგვიკეთ! — თავი ჩაქინდრა ვახომაც. იქვე თავი გააქნია კიდევ რამდენიმემ.

— მეგობარი იყავი და როგორ იკადრე... — ფეხზე წამოდგა სერგოც. ამას რაღა უნდოდა? გაოგნებული იდგა გიო, ვერ ხვდებოდა რა ამბავი იყო მის თავს. ამასობაში სანდროც ამოვიდა, შემოსულმა ძმას მხარზე ჩამოადო ხელი — ვიცი რაც გააკეთა, მაგრამ ყველაფერს ვპატიობ, ჩემი ძმაც ბოლო-ბოლო, თქვენც აპატიეთო — მიუბრუნდა დანარჩენებს. უნდობლად იყურებოდნენ ბიჭები. ეს უკვე მეტიმეტი იყო. გიომ საჩქაროდ მოიშორა სანდროს ხელი, თვალებში ჩახედა ძმას და ხმადაბლა, ცივად დაეკითხა — ვინმე მეტყვის მაინც, რა მედება ბრალად?

— რა და ოთხი წელი რომ უჩვენოდ მიდიხარ საგულაოდ და აქ რომ გვტოვებ ყველას! — სრულიად სერიოზულად უპასუხა სანდრომ. ბიჭებს სიცილი წასკდათ მაშინ. სათითაოდ გადაეხვივნენ. მაგრად იყავიო, კარგად გაერთეო. ვინ იფიქრებდა! ვინ იფიქრებდა, გიოს გასულელება ასეთი ადვილი თუ იყო. იდგა მხოლოდ და გასუთხულივით ამას იძახდა: — გამასულელეთ არა! გამასულელეთ!

— არა უშავს! უშენოდ უკეთეს დროსაც გავატარებთ, აი ნახავ! — ვითომ აჯავრებდა მეგობარს ვანო.

სანდრო იცინოდა, გიოს უყურებდა წყლიანი, ფართე თვალებით და მთელი გულით იცინოდა. გიომ ახლალა შეამჩნია, რომ ოთახში ყველა იყო, გიოს ყველა მეგობარი. ეზოდან და ეზოს გარეთ. კიჭაც კი მოვიდა, ზურაც და სერგოც.

— აი ნახე, ისეთი ამბები დავატრიალოთ, შურით გასკდებით შენც და წოლოც — ამბობდა სანდრო.

ასე დაეძმვიდობნენ გიოს ბიჭები. მხოლოდ წოლო არ იყო იქ. იმას ცალკე ჩაუტარეს იგივე შეკრება, ცოტა მოგვიანებით. ეგ სხვა ამბავია უკვე...

XIII

მომკლავს მზია

მაღაზიიდან გამოსულმა იკამ მაშინვე სიგარეტს მოუკიდა, ქუჩისაკენ აღარ გაუხედავს, გეზი პირდაპირ ოთოს სახლისაკენ აიღო. ისმოდა მხოლოდ სამარ-შუტო ტაქსის მძღოლის ზღუქუნე – ღმერთო ეს რა დამემართა! ეს როგორ მოხდა, ეს რა დამემართა! – იმეორებდა და თავში იცემდა ხელებს. იკას ჩქარი ნაბიჯი ჰქონდა, საიდანმე გაცლა რომ უნდოდა, ხომ საერთოდ. მალე ხმა უკვე ყრუდ მოისმოდა თითქოს კარს იქიდანო და კიდევ ცოტა ხანში მთლად მიჩუმდა.

— მოდი, მოდი. ვერაფერი კარგი ამბები... – კარი გამოაღო ოთომ. — და ფეხები კარგად გაიწმინდე. მზიამ მორეცხა, არ დასვარო.

— რა ხდება? – ყურები ცქვიტა იკამ. ყველაზე მეტად ეგ უყვარდა, რაღაც რომ ხდებოდა — ცუდი, კარგი, მაგას არ ჰქონდა დიდი მნიშვნელობა... ეს ალელ-ვებული საუბარი, ოდნავ შიში და ფორიაქი. არაყოველღეობის ვითარება. ან ვის არ სიამოვნებს რაღაც რომ ხდება ისეთი...

ოთომ პირზე თითი მიიფარა — ჩუმალო და მარჯვნივ, ოთახისკენ გაუძღვა ძმას. ეტყობა ეშინოდა, მზია გაიგებსო. იკაც ჟრუანტელდავლილი მიჰყვა უკან.

ადვილი დასადგენი არაა, რა გსიამოვნებს ასეთ დროს. ვთქვათ, პარლამენტის წინ რომ მიხვალ, ალელღები, იყვირებ ცოტას, ნერვებს მოიშლი — თუ ის, სახლში რომ დაბრუნდები რაღაცნაირად კმაყოფილი, ფორიაქის მორევეში ჩაძირული, ირ-გვლეც მუზობლებს რომ შემოიკრებ, დღის შედეგებს შეაჯამებო... იქნებ ისაა ყველაზე სასიამოვნო, ტელეფონზე რომ დაგირეკავენ, გეუბნებიან: მორჩა! პარლამენტის წინ გაკდივართ, დიდი მიტინგი იმართება... ან ახლა, ან არასოდეს! — როდესაც მხოლოდ იწყება რაღაც მოძრაობა — “ვნებათაღელვის უსასრულობისა და შეცნობილი აუცილებლობისაკენ”... ან როცა ოთო გაგიღებს კარს და გეუბნება — მოდი, მოდი. ვერაფერი კარგი ამბები...

— შელაპარაკება მომივიდა რა! შარზე იყვნენ. კიჭა და კიდევ რამდენიმე. მზიაზე თქვეს რაღაც და როგორ შევარჩინდი. ვაგინე ყველა და მოკლედ, დამიძაბეს რა... ერთი ჩვენი ბიჭები უნდა მიფუყვანო და ერთად რომ შეიყრებიან სადმე, მაგარი უნდა ჩავუტაროთ. უფროს-უცროსობა დაივიწყეს უკვე, სხვა თუ არაფერი.

— მზიასგან რა უნდოდათ? — ისე იკითხა იკამ, თავის სიტყვებზე გაეცინა გულში. მზიას მხოლოდ დანახვა და იკა ერთიანად იყინებოდა — “უხ შენი!” გაუელვებდა ხოლმე თავში..

— რა უნდოდათ და, მაგათ რა უნდათ ვიცი მე! ჭკუის სწავლება ჭირდებათ. აი ეგ უნდათ მაგათ. ბიჭებს დაუძახებ ხვალ...

— იკა, აქ ნუ წწევი, ძალიან გთხოვ! — ოთახში შემოვიდა მზია. იკას ლუდისთვის ჭიქა შემოუტანა. წარბები აპრიხა, როგორც იცოდა ისე და ტუჩებიც ერთმანეთს შეაწება.

— როგორ ხარ მზია? — გულსგარეთ იკითხა იკამ.

— კარგად იკა, მე კარგად. — ერთი ამოიხვნეშა გოგომ და ოთახიდან გავიდა.

“უხ შენი!” — ფიქრში გააყოლა იკამ.

სალამო იყო, ძმები სახლიდან რომ გამოვიდნენ. ოთოს რაღაც დისკების წაბოლება უნდოდა. ახლა, როცა აქეთ ბინა უკვე მოაწყვეს, შეეძლო თავისი ნივთების

ნელ-ნელა გადმოტანა. გაზაფხულის წვიმიანი სადამო იყო. ოდნავ ცრიდა. ზედ სახლის ჭიშკართან გრძელი სკამი იდგა და ზედ ექვსი ბიჭი ჩამომსხდარიყო, ჯოხებით ხელში.

— ერთი ამათ უყურე, ბატატყანები! — კბილებში გაცრა ოთომ.

— ბატატყანები ეძახე და ექვსნი არიან, თან ჯოხებით. — ხმადაბლა უპასუხა იკამ. მერე უკან მიიხედა — გვიან არ იყო ათესილიყვნენ. აგერ სკვერამდე ისე მიიბრუნდნენ, ვერც მოეწეოდნენ და სკვერში საქმის გარჩევას ვინ დაიწყებს, იმდენი ხალხი ირევა... ოთო ძაან-ძაან გულადად მიიწვედა წინ. ბიჭებისთვის ზედაც არ შეუხედავს, ისე მივიდა სახლის ჭიშკართან, იკაც მიყვა, ან სხვა რა გზა ჰქონდა. ოთომ საკეტი გადაწია, კარი გამოაღო და უკვე შესვლას აპირებდა, რომ კიჭამ მთელი ძალით მოიქნია ხის გრძელი ჯოხი. ხმა არავის გაუღია. არც ყვირილი, მხოლოდ — ნაბიჭვრებო! — შიგადაშიგ წამოიძახებდა ოთო, იკამ კიდეც ხვირში რომ მოხვდა, მაშინლა იღრიალა მხოლოდ. ყველაზე მეტს კიჭა აქტიურობდა, ფეხებით შედგა წაქცეულ ოთოს, ეს წოდოსთვისო, ეს ზურასთვისო, ეს სანდრო რომ ცემეთო — გაუხსენა ყველაფერი. იკა გაბრუებული იწვა, ცხვირიდან სისხლი სდიოდა. სანამ ვალიკოს არ მოესმა რაღაც უცნაური ხმა და შემოსასვლელში შუქი არ აინთო, იქამდე არ მოეშვნენ ბიჭები ძმებს. შუქის ანთებაზე — წავედითო — გიომ წამოიძახა და ექვსივე სწრაფად მიეფარა სკოლის შენობას. ოთარი იკასკენ გადმოტრიალდა მაშინ, თავის ტალახში ამოთხვრილ ცისფერ პერანგს დახედა და შეწუხებულმა ჩაილაპარაკა: მომკლავს შხია! დღეს დილით გამირეცხა! — “უ-უხ შენი-ი-ი” — ძალა არ ჰქონდა ხელის მოსაქნევად იკას. ერთი წამოიწია ოდნავ, გაიმხლართა ისევ ტალახში. ასე სჯობდა, იქნებოდა ცოტა ხანს...

ოფლი ჩამოსდიოდა წურწურით სანდროს. ძმას მიჰყვებოდა უკან. გიოს მაისური გაეძრო, დასცხა ეტყობა. გაშიშვლებული მხრები და ხელები დაძაბული, მარჯვენაში ხის ჯოხი. რაღაცნაირად, ვაჟკაცურად გამოიყურებოდა და ბიჭები ყველანი — ზურა, კიჭა, გივი, ვახო...

პირველად მოხდა, რომ ასეთ რამეზე წამოიყვანა გიომ. პირველად მოხდა, რომ რაღაც დიდის მონაწილე გახადეს. პირველად მოხდა, რომ გიო შემოვიდა სერიოზული სახით ოთახში და — სანდრო ჩაიცვი, დრო დადგა ჭკუა ვასწავლოთო — უთხრა. — კიჭამ დამირეკა, ჭილოლას უგინებია იქ რაღაცაზე ბიჭები, — აგრძელებდა გიო — მოკლედ, რა მნიშვნელობა აქვს... ყველას ყელში ამოუვიდა უკვე ეგენი. ადე, ჩაიცვი და წავედით. სანდროც ადგა, ერთად გავიდნენ. პირველად მოხდა, რომ ზურას მამის გარაჟში... როცა ბიჭები ყველანი, ასეთი სერიოზულები... რომ ერთ-ერთ მათგანად იქცა... მოაბიჯებდნენ ახლა ერთად, გაოფლები და ხმას არავინ იღებდა, სანამ ბოლოს ზურას არ ჩაეცინა:

— რა ავაწკმუტუნეთ! — ეს ერთი ზურას სიტყვა იყო და ყველამ მოხსნა გუდას პირი:

— თავისი ადგილი ეცოდინებათ აწი...

— ესეც ასე ...

გიოს უკან მიდიოდა სანდრო და სიამოვნებისგან ერთიანად ცქმუტავდა. მაისი იწურებოდა უკვე, ქუჩები სავსე იყო გასაყიდად გამოტანილი იასამნით. “ალგეთში ყვავის ახლა იასამანი” — გაიფიქრა სანდრომ. ამ ბინდ-ბუნდში, ყვავილები ისე საწყლად გამოიყურებოდნენ... დილიდან მოკრეფილი და დაყრილი, ამ გაზაფხულის

წვიმის წყალობით იყო კიდევ ცოტა რომ მოცოცხლებულიყვნენ. ეგაა, — “ყავილს თუ დაჭკნობა შეატყვე, უკვე ველარაფერს უშველი...” — შორენამ უთხრა ერთხელ სანდროს. პატარა იყო მაშინ სანდრო, სადღაც თორმეტი-ცამეტი წლის. ხის აივანზე დაეყარა ძველი მაგნიტოფონის ნაწილები, დიდი იმედი ჰქონდა რომ ააწყოდა. ასე დაშლიდა ხოლმე ძველ, გაფუჭებულ ნივთს. ახლის დაშლაზე გამბედაობა არ ჰყოფნიდა. შორენა სარეცხის გასაფენად გამოვიდა მაშინ. ხელებზე წურწურით ჩამოსდიოდა წყლის წვეთები, ჩითის კაბა, თმა მაღლა აწეული. კისერი თეთრი, ისიც დაცვარული. ხელით რეცხავდა, გადახრილი და დასცხა ცოტათი. სანდრო იჯდა, ორ პლასტმასის ნაწილს აწებებდა ერთმანეთს.

— ეგ რაა სანდრო, რამე გატეხე? — დაეკითხა მაშინ შორენა.

— არა, დავშალე და ახლა ვაწყო. — შეიშმუშნა სანდრო, სერიოზული სახე დააწყო.

— მერე რას დაშალე, თუკი აპირებდი აგწყო ის, რაც ისედაც უკვე აწობილი იყო? — ცოტა გაურკვეველად კი გამოუვიდა შორენას... მერე სველი თითებით თმა გადაიგდო შუბლიდან.

— ეს რა კითხვაა? — არ მოსწონდა ხოლმე სანდროს, საქმეს რომ უკრიტიკებდნენ.

— არ გაბრაზდე. უბრალოდ დამინტერესა. აი მე მაგალითად, ამდენი მცენარე ხომ მაქვს სახლში და ყვავილებს კი არასდროს მოვაშენებ... იცი რატომ?

— რატომ? — აზრს ვერ ჩაავლო სანდრომ.

— ყვავილს თუ დაჭკნობა შეატყვე, უკვე ველარაფერს უშველი. რამდენიც გინდა უსხი წყალი. შენ არც დაჭკნობას გეკითხება, არც აყვავებას. თავისთვისაა.

— ა-ა... — გულში გაეცინა სანდროს. ეს ქალი სულ ასე ლაპარაკობდა, ულოგიკოდ, საიდან-სად გადახტებოდა და თან სულ მცენარეები ეკერა პირზე. არადა ასე, სარეცხის გადასაფენად თითის წვერებზე წამოწეული, სველი ხელებით და მაღლა აწეული თმით, იყო ამ ქალში რაღაც ისეთი, გვერდზე ჩავლისას ლოყებს რომ უწითლებდა სანდროს. ოღონდ ეს ძველად. კაი ხნის წინ...

სკვერი საუსე იყო ხალხით. ბავშვები ქვიშაში თამაშობდნენ, გვერდზე ბებიები, სახლში დედები და მამები კიდევ, ღმერთმა უწყის სად... ბიჭები იქვე, ხის სკამზე ჩამოსხდნენ. ცოტა ხანი იყურეუტეს, ილაზხანდარეს, მერე ყველამ თავ-თავის სახლს მიაშურა. თამილა უკვე დაბრუნდებოდა, გიო და სანდრო არ დახვდებოდნენ და ანერვიულებული, როგორც ყოფილეთვის, ათას ვინემესთან გადარეკავდა.

— დროა, ჩვენც წავიდეთ! — წამოდგა სადრო.

— იჯექი ცოტა ხანს, გავგრილდეთ. — მაისური გადაიცვა გიომ. ისხდნენ ასე ჩუმად. ბოლოს ისევ სანდრომ ამოიღო ხმა:

— გადაფრენის არ გეშინია? — გაეცინა. გიოსი ისედაც ყველაფერი იცოდა. რაც მნიშვნელოვანი იყო, ყველაფერი იცოდა. ასეთ წერილმანებზე თუ დაელაპარაკებოდი მხოლოდ.

— არა-ა, რა გადაფრენის... მანტერესებს კიდევაც. თვითმფრინავი, რამე-რუმე. როგორი შეგრძნებაა ეს აფრენა და მერე — ცაში...

— არც მე არ შემეშინებოდა. — თავი დახარა სანდრომ.

— აღიარე ახლა რომ მოგენატრები, მეც მომენატრები! — ჩვეული პათოსით დააბრუნა გიომ.

— მოიცა რა, ნუ აღრამატულებ ერთი, — ირონიული ღიმილით გახედა

სანდრომ. – ვინ არ გამგზავრებულა. – და უცბად სანდროს მწველი უსამართლობის გრძნობა დაეუფლა სადღაც შიგნით, სადღაც სიღრმეში. უყურებდა ძმას და გიოს ხომ სულ არაფერი მიჰქონდა გულთან ახლოს, ასეთი იყო, რაღაცნაირი... აი, რანაირი?

ეს ბოლოჯერ იყო, რომ ასე ისხდნენ ორნი, საუბრობდნენ. მერე ცოტა დატვირთული დღეები გადაება ერთმანეთს. სანდრო საძილე ტომრის საშოვნად დარბოდა. თბილი ტანსაცმელი... მთელი თვე ლაშქრობაში წასვლა, იოლი ამბავია? გიო ვიზის ამბებში იყო. მერე ეს თამილას გაუთავებელი ფუსფუსი. ყველაფერი საშოვნელი – ჩემოდნები, ჩანთები, ფული...

აეროპორტში მხოლოდ დედა და სანდრო გაჰყვნენ გიოს. დედამ ერთი-ორი ცრემლი ჩამოაგდო და ეგ იყო. გიო ცანცარებდა ისე, აი, როგორც ახალწელს. მხოლოდ სანდრო ხვდებოდა, ასეთი წრიალის იქით, ფორიაქი იმალებოდა. აფორიაქებული მოუთმენლობა. სხვას რომ შეეხედა, იფიქრებდა უბრალოდ კარგ ხასიათზე. ასე ხალისიანმა ჩააბარა ბარგი, ხალისიანად გამოემშვიდობა ორივეს და ხალისიანი გავიდა იმ ზღუდის იქით, გამცილებლების შესაკავებლად რომაა დადგმული.

– ერთი, ორი სამი, ოთხი, ხუთი, ექვსი, შვიდი წერო! – აითვალა სანდრომ და გიოც თვალს მიეფარა.

– ესეც ასე! – წამოიძახა უცბად თამილამ. – წამო სანდრი, რამე შევჭამოთ, ძლივს ვდგავარ ფეხზე. – ხელი ძალიან მძიმედ ჩაავლო მკლავეში სანდროს, ისიც მაშინვე მიხვდა რაშიც იყო საქმე.

– ნუ ღელავ, – შეეცადა დედის დაწყენებას – ეგ თავს კარგად მოუვლის, პატარა ხომ აღარაა..

– რამხელეები გაგზარდეთ, აწი რაღას დაგიჭერთ კაცი! – ნაღვლიანად გაიღიმა დედამ, – რამხელეები გაგზარდეთ! – და თითქოს ვითარებას დაენდო, ისე ჩამოუშვა ხელი.

XIV

არ იყო, არის და სულ ასე იქნება

საიას შავი თმა აბრეშუმის ნაჭერივით ფრიალებდა ქარში. რაღაც უცნაური დასვენება კი გამოუვიდათ, აი! წოლოს თავზე პანამა ეხურა, პერანგიც გრძელმკლავიანი ჩაეცვა – უთხრეს, ასე ქენიო – მზეს რომ კიდევ არ დაეწვა. ქარი ისე უბერავდა წინიდან, თითქოს ტრასაზე არიან, მთელი სიჩქარით მიაქროლებენო, არადა მანქანა ბორანზე შეეყენებინათ, ნელ-ნელა უახლოვდებოდნენ სტამბულის სანაპიროს.

ბორანი დიდი იყო, თუთრად გაღებილი. რკინის მოაჯირებს აქეთ-იქიდან აწყდებოდნენ მარილიანი წვეთები, მთელ გაყოლებაზე მიუყვებოდნენ გემბანს, ისევ ზღვას უბრუნდებოდნენ. “წყალი ხარ და წყლად მიიქცევი” – თავში გაურბინა გიოს. მიჩურებოდა უკან მოტოვებულ აქაფებული ტალღების თუთრ კვალს.

ყველაზე ამაზრზენი საყურებელი ალბათ ცხოვრებაში ისაა, კაცი რომ მცირედით კმაყოფილდება. ეს დანებებას ნიშნავს, ოცნებების დათმობას. გიოში ასეთი დანებებული ადამიანები სიბრალულის გრძნობასაც აღარ იწვევდნენ, მხოლოდ

ბრახს. სურვილ-შეკვეცილები, ფრთებმოჭრილი ფრინველებივით რომ დაფართხა-
ლებენ აქეთ-იქით და ცოტას ჯერდებიან, რაც ერგოთ, იმას. აი, გიო კი სწორედაც
რომ ამბიციური იყო. ხანდახან თვითონ აშინებდა საკუთარი ოცნებები, ამდენს
როგორ გავწვდებით... ერთი ის იცოდა დანამდვილებით, წარმატებული იქნებოდა
ცხოვრებაში. ბავშვობიდან სწამდა ამის.

ფაატის უნივერსიტეტის მთავარ კამპუსში უკვე გაეკრათ გამოცდების შედე-
გები. გიომ ჩააბარა. ბარგიც არ ამოულაგებიათ, საერთო საცხოვრებელში წამით
არ ასულან, პირდაპირ ისე მიადგნენ ახლად გაკრულ ცხრილებს. საიას გამბე-
დაობა არ ეყო საკუთარი გვარ-სახელი ენახა, პირველად იყო რომ ამ გოგოს გამ-
ბედაობა არ ეყო რამეზე. გიოს მოაძებნინა.

— საი... — სერიოზული სახით დაიწყო გიომ. საია გაშეშდა, ბიჭზე მიჩე-
რებული — საი, ჩააბარე!

წოლ გვერდით იდგა, არაფერს ამბობდა, მერე პანამა მოიხადა, ძირს დააგლო
და ფეხებით შედგა ზედ. გაკვირებული შემოტრიალდა გიო, ეს რას შევბაო.

— ვილაცას უმართლებს, ვილაცას არა! — რალაცნაირი საწყალი სიცი-
ლით ამოცრა წოლომ. — აი ჩვენი გზებიც გაიყარა-ა...

რას ეტყვი კაცს, რომელსაც რალაც ქულებით აჯობე? მეგობარს, რომელიც
უნდა წვიდეს, შენ კი დარჩე. რას ეტყვი გამარჯვებული, რითი დააწყნარებ, ყველა
სიტყვა ყალბად ჟღერს... რა დასამალია, სასიამოვნო ჟრუანტელი დაგდის მთელ
სხეულში — ჯერ ერთი რომ ჩააბარე, მეორე რომ აჯობე და მესამე, რომ იმის
მწუხარების გვერდით, შენს ბედნიერებას უფრო მძაფრად განიცდი... — ე-ეჰ-ე!
— ფიქრობ შენთვის. — ეს მიდის, მე კიდევ ვრჩები. მაგარია! — აბა რა მნიშვნე-
ლობა ექნებოდა გამარჯვებას, არაუინ რომ არ მარცხდებოდეს? რა გინდა რომ
თქვა? ვიზიარებ?. — როგორც ამბობ ხოლმე ვილაცის ბებიის პანაშვიდზე ჭირი-
სუფალთან მისული, სულ ცალ ფეხზე რომ გკიდია, რომ არც იცნობდი, ან კი იც-
ნობდი, მაგრამ მოიცა რა, ვის არ ყოლია ბებია? ვის არ დაუკარგავს? შენც კი
გყოლია ოდესღაც, ბავშვობაში, არ გახსოვს უბრალოდ. ეტყვი: ტეხავს? — რო-
გორც წაქცეულთან წამით შეჩერებული, მუხლგადატყაულს სისხლი რომ ჩამოუ-
დის... ვინ არ წაქცეულა, ვინ არ მჯდარა ველოსიპედზე, ვინ არ შეჯახებია
ტროტუარის ამაღლებულ კიდეს... რას იზამ, ცხოვრებაა, ხდება ხოლმე. ეტყვი —
რას იზამ, ხდება ხოლმე? გიო იდგა და რა ეთქვა არ იცოდა. ბოლოს ბევრ სულე-
ლურ ფრაზათაგან ერთ-ერთი აარჩია და ამოუშვა პირიდან:

— რას იზამ, დღეს შენი დღე არაა ძმაო.

— ეგრე გამოდის. — ისევე საწყლად იღრიჯებოდა წოლო — რას არ მივ-
ცემდი, ეს დღე ყოფილიყო ჩემი და სხვა დღეები ჭირსაც წაელო ყველა! — ქუდი
აიღო, დაბერტყა საგულდაგულოდ — იცი რა, გიო — სიმართლე ითქვას, დიდად
არც მომწონდა აქაურობა. ძან სიმკაცრეა. ჩემნაირებისთვის არაა, ხომ მიცნობ...

— კი, გიცნობ. — რალაცნაირად შეხედა გიომ — ჩვენი წოლო!

— აქ რომ აღმოვჩნდით ეგრევე მივხვდი, ჩემი ადგილი არაა რა. ეს ბიზ-
ნესი, ფაატი, ეს ინგლისური... არა, თბილისში კი ბატონო, ინგლისურიც და ყვე-
ლაფერი, მაგრამ ასეთი ტემპი და რამე, ეგ ჩემთვის არაა. ხვდები?

— კი. ყველა ერთნაირი ხომ არ იქნება შე კაცო და ყველა ამ ოხერ ფა-
ატში ხომ არ ისწავლის. ვის დაკარგვია ერთი, არ გაგკარა?

— ეგრეა რა. კაი დროც ხომ ვატარეთ და ეგრე. სტამბულიც ვნახე-ე!

საიას არ ესმოდა რას საუბრობდნენ ბიჭები, დაკვირვებით კი უგდებდა ყურს. გუმანით მიხვდა ყველაფერს. ისეთი სახე ჰქონდა წოლოს — საწყალი და მომდიმარი. ჩანთები არ ამოულაგებიათ, ისე გავიდნენ სტუდენტალაქიდან დასალევად. შიგნით სმა აკრძალული იყო და ახლა წოლოს სხვა რა უშველიდა. გავიდნენ და იმ პატარა, პალმებით დაჩრდილულ კაფეში ჩამოსხდნენ, გოგოებს რომ მოსწონდათ. თეთრი, მოწნული კალათებით ყვავილები დაედგათ ყველა მაგიდაზე. ასეთი, მოცუცქნული თაიგული... სულ იოტის ოდენა კმაროდა საიას გასახალისებლად. ბავშვით იყო ხოლმე ხანდახან. დაინახავდა ყვავილს და გაუბრწყინდებოდა თვალები. ლენა უფრო პრაქტიკული ქალი იყო. ზრდასრული და ჭკუადაძვდარი. ეს საიასთან შედარებით, თორემ... ახლა წოლოს მისჯდომოდა გვერდზე, გულს უკეთებდა. ლენას უკვე გამოვლილი ჰქონდა ეს პირველი წლის დამაბულობა, ჯერ ყველაფერი რომ ახალია, რომ არ იცი სადან დაიწყო მეცადინეობა, რას დაუთმო მეტი ყურადღება. თავიდან ყველაზე ძნელია, მერე ყველაფერი თავისით მიდის — თითქოს სულ ასე იყო. პირველი ლექცია არასდროს დაავიწყდება გიოს: გატრუნული იჯდა, ლექტორის შემოსვლას ელოდებოდა. ყველაფრისთვის მზად იყო, ასე ეგონა. რა უნდა მომხდარიყო, რომ შეშინებოდა. ზარის დარეკვისთანავე აუდიტორიაში მოტყვევებულთავიანი, ერთი ბეწო კაცი შემოვიდა და აბსოლუტურად გაუგებარ ენაზე რამდენიმე სიტყვა წარმოთქვა. ჟღერდა დაახლოებით ასე: *აიველქამიუ ინოურ ედმაირობელუნეერსიტი!* გიო სკამის ზურგს გადაეყუდა და ერთი ესლა გაიფიქრა — “აქ კი დაგერხა, გიო!”. მერე ორი ინდოელი ჯგუფელის ეს გულისგამაწვრილებელი ზუსუნი უკნიდან და ბოლოს საიას სასოწარკვეთილი — ალლა იაჰ, ალლა იაჰ! — თაბახის ფურცლები რომ დერეფანში მიმოეფანტა და დაბნეულ გიოს სათითაოდ მოუწია ყველას აკრეფა. გოგოს მძიმე, მძიმე წიგნები ეჭირა ხელში, გაშეშებული იდგა და ელოდებოდა როდის გამოისყიდდა ბიჭი ჩაღვნილ დანაშაულს...

– Sorry, oh sorry! – წამოიძახა გიომ – You know, it’s my first year, my first lesson. I’m a little bit confused. – დაამატა.

– No, no! That’s my fault. Actually, I was trying too much, not to drop any of these, so, I didn’t see you coming out. – გაიღიმა გოგომ და საია მქვიაო, მოაყოლა.

სალამოს სწორედ ამ კაფეში წამოიყვანა გიომ ახლადგაცნობილი საია. სხვა არ იცოდა ახლო-მახლო. ისხდნენ და ერთმანეთს ბანალურ კითხვებს უსვამდნენ: რატომ გადაწყვიტე აქ ჩაბარება და მისთანები. საიამ, უბრალოდ, ოჯახიდან მოშორებით მინდოდა სწავლაო. ანკარიდან ჩამოვიდა. ძალიან შორსაც არ წასულა — ანკარა-სტამბული. გოგოს მწვანე, უბრალო მაისური ეცვა, ტანზე მომჯდარი ჯინსები, სპორტული ფეხსაცმელი... ვიღაც იტყოდა — ყოველდღიურ ფორმაშიაო, გიოსთვის კი ისეთი იყო, აი — უყურებდა და თვალს ვერ აცილებდა. ყველაფერი მოსწონდა ამ გოგოში... იჯდა ახლაც ასე საია, მშვიდად, გვერდით წოლო, იქვე ლენა. აი, ეს ორი ადამიანი რომ მოგეცილებინა და მერე ეს “ზაგრად” წოდებული გაუგებრობაც საიას კანიდან, მზე რომ ქვევით ჩამოგექაჩა და უხერხული ღიმილი აგეკრო გიოს სიფათზე, ყველაფერი ზუსტად ისე იქნებოდა, როგორც მაშინ, პირველად...

რადაცვები უბრალოდ არ უნდა შეიცვალოს. ეს დაახლოებით ასეა, რომ იყო უკუნი, სრული უკუნი, მერე იყო სიტყვა, გაჩნდა ნათელი, გაიყო ნათელი და

ბნელი... დამყარდა წესრიგი. მორჩა — შებრუნებას, უკუქცევას არ ექვემდებარება! ასეა, რომ იყო მთა დაულაშქრავი, თოვლიანი, ყინულიანი. მერე ავიდა იქ ვიღაც ელმუნდი, თავის შერპასთან ერთად, მონარჯულა მთა, ამოაძვრინა ზურგჩანთიდან დროშა და მყარად დაამაგრა მწვერვალზე... დამყარდა წესრიგი. მორჩა, საქმე გაკეთებულია!. მოკლედ, იყო გიო უამრავი ამოულაგებელი ჩემოდნით, ყველაფერი თავზე ეყარათ, დადიოდნენ, დაწანწალებდნენ ქალაქში: სპორტული დარბაზებით, ბიბლიოთეკაო, სტუდენტური გაერთიანებებით, კლუბებით... გაარკვიეს როგორც იქნა, ლექციების ცხრილიც. ერთად თითქმის არცერთი ლექცია არ უწევდათ. როცა წოლო “ლისინგ”-ზე იყო, გიო “სპელლინგ”-ს ესწრებოდა და ასე ყველაფერში... მეორეს მხრივ, იყო საია ანკარადან ახლადჩამოსული, ცოტათი დაბნეული და შეშინებული. გოგო, რომელიც დედამისის ზარებს არ პასუხობდა. ის თუ აინტერესებდა დედას, როგორ ჩავიდა საია, როგორ მოეწყო... გოგოს მშობლები სადღაც ნახევარ წელზე მეტი იყო, რაც გაშორდნენ. საია მამას იყო მიჯაჭვული. ბოლომდე ვერ შეეგუა დედის არჩევანს. ეს დედის არჩევანი იყო ასეთი და მოკლედ, ბრახობდა გოგო. ვინ არ გაბრაზდება?! მოდიხარ სკოლიდან, ჩანთას სავარძელზე აგდებ, გშია ძალიან, სამზარეულოში დედა გხვდება, გეუბნება: — სანამ შენი პატარა დაიკოები დაბრუნდებიან, უნდა დაგელაპარაკო. — ასე, უცბად. ჯერ ეჭამა მაინც... ბევრი რომ არ გავაგრძელოთ, ლენასთან დააბინავეს ახალჩამოსული. ლენამ ცოტათი გაუადვილა პირველი დღეები, სისტემაში გაარკვია, წიგნების შონაშიც დაეხმარა, ლათინური ცეკვების ჯგუფშიც ჩაწერა... თითქოს ყველაფერი კარგად მიდიოდა და მაინც, იმ დღით სულ გადააიწყდა საიას, რომელი ლექცია უნდა ჰქონოდა. დროც აღარ იყო — ცხრილებიდან უკან რაღას მოიბრუნდა... ყველა წიგნს ერთიანად დაავლო ხელი, ოთახი ფრთხილად გამოხურა, ლენა რომ არ გაეღვიძებინა და თითქმის მიიბრინა 134-ე აუდიტორიაში, რომ კარები გაიღო, ლექციიდან გამოვიდა გიო და გოგო კინაღამ ძირს დააგდო. დერეფანს მიმოეფინა ნაბეჭდი თაბახის ფურცლები...

“აღლა იაჰ! აღლა იაჰ!”

‘Sorry’ — დაიბნა გიო.

მერე საუბარს შეყვნენ. შავგვრემანი ბიჭი იყო გიო, თვალები — ცოტათი ეშმაკი, ცოცხალი, მოციმციმე.

— OK, meet you after lessons, lets go out somewhere, ok? — აჩქარებით დაეკითხა გიო.

— OK — აჩქარებით უპასუხა გოგომ. მორჩა. დამყარდა წესრიგი. არ სჭირდება ამბავს გაგრძელება. არის რაღაცეები, რაც აღარ უნდა შეიცვალოს...

იჯდა გიო პატარა, სანაპირო კაფეში და საოცარი სიმშვიდე ეუფლებოდა. აი, ნამდვილი სიმშვიდე. ისეთი კი არა, რომ იცი ხუთი წუთის წინ გული საშინლად გიცემდა და ხუთ წუთში ისევ ამოგვარდება საგულედან, ისე კი არა, წამით რომ ჩამოჯდება ქუჩის გრძელ, ხის სკამზე, აქოშინებული და მორიგი გარბენისთვის გაეშხადები, არა. აი ისე, რომ გადახედავ მომდიმარ საიას, გადაეყუდები სკამზე და დამშვიდებული მილულავ თვალებს, ყველაფერი თავის ადგილზეა. არ იყო, არის და სულ ასე იქნება.

XV

ამასობაში

ზმირად კი არ დგება ასეთი დღეები, მთელი სამყაროს ერთიანად აღქმას რომ გაიძულებენ. გარეთ გასული ჰაერს ღრმად ჩაისუნთქავ და ქუჩაში ყველა დეტალს თავის მნიშვნელობას ანიჭებ. სულაც რომ ვერ ხედავდე და არ გეხმოდეს, მხოლოდ იცოდე, იქ, სადღაც, ალგეთის მიყრუებულ სოფელში, სახურავი წვიმას ვერ იკავებს და წვეთ-წვეთობით მორიგი გუბე ჩნდება შენს პატარა, ორსართულიან სახლში და თუმცა წლებია უკვე იცი, რომ სახურავი შესაკეთებელია, იცი რომ ასეთი ტბორები ყოველ წვიმიან დღეს აფრთხობს სახლში დაბინადრებულ მინდერის თავგებს, მხოლოდ ასეთ, განსაკუთრებულ დღეებში განიცდი ყოველი მორიგი წვეთის ჩამოვარდნას. მხოლოდ ასეთ დროს ფიქრობ, რომ სადღაც ახლა წვიმს...

სწორედ ასეთი, ზაფხულის სადამოშემოპარული დღე იდგა, როცა სანდრომ ახალი, გიოს გამოგზავნილი ყავისფერი ქუდი თავზე ჩამოიფხატა, კარი გააღო და გარეთ გამოვიდა. ჰაერი ღრმად ჩაისუნთქა, მწვანე ფოთლებით გაჟღენთილიყო თბილი სადამო... პატარები ბურთს თამაშობდნენ — მთელი უბნის ბავშვები ერთად შეკრებილი. ერთი ამბავი ჰქონდათ. დიდი ხანი კი არ იყო მას მერე, რაც სანდრო და გიო დარბოდნენ ამ ეზოში, ბურთს გაკიდებულები და კიდევ წოლო, ვახო, გივი, სერგო, რამდენი კიდევ... ახლა ბურთს თამაშობდნენ კი არა, აგერ, კუს ტბაზე თუ შეიკრიბებოდნენ, ვითომ სავარჯიშოდ, სინამდვილეში, მხოლოდ სიგარეტის მოსაწვეად და ლუდის დასალევად. ანი უნდა ჩამოსულიყო დღეს. სადღაც გურიამი იყო სოფელში, მეგობართან. როგორ იციან გოგოებმა ეს ერთად წასვლა და ყოველთვის კარგი დროის გატარება, რაც არ უნდა იყოს, სადღაც, სულ გადაყრუებულშიც რომ აღმოჩნდნენ, ან შეიძლება მხოლოდ ამბობენ, რომ კარგი დრო გაატარეს. მოკლედ, ჩამოდიოდა დღეს ანი და სანდროც საგანგებოდ გამოეკაზმა ასე რაღაცნაირად, დიდურად. ზღვაზე გარუჯულს უხდებოდა თეთრი მაისური და ეს ხაკი შარვალი, ყავისფერი ქუდი, უკანა ჯიბეში სიგარეტი, წინა ჯიბეში სახლის გასადები... ყველაფერი ისე იყო, როგორც უნდა ყოფილიყო და სანდრო ერთიანად ცქმუტავდა, იმიტომ რომ ბოლოს, ანიმ რომ დაურეკა, ასე შემოუთვალა — ერთი სული მაქვს როდის გნახავო და ანი კი ისეთი დაუფიქრებელი იყო, შეეძლო ასეთი რამეები სულ ჰაიპარად ელაპარაკა — აი, როგორც გიომ იცოდა, ისე და მაინც, სხვა რა უნდა ეთქვა ამაზე უკეთესი?

— ერთი წერო, ორი წერო, სამი წერო. — ნაბიჯებს ითვლიდა სანდრო. ასე იცოდა. დაისახავდა ხოლმე მიზანს:

— აქედან იმ ხემდე — ოცდაერთი წერო, — შეაფასებდა მანძილს და დაიწყებდა ნაბიჯების ათვლას. ძირითადად ყოველთვის არტყამდა, თუ ცოტა მანძილი რჩებოდა და ბევრი წერო გასაფრენად, პატარა ნაბიჯებით იწყებდა სიარულს. თავს იტყუებდა ასე.

— ზუსტად ოცდაერთი! — წამოიძახებდა ბოლოს, ხემდე მშვიდობით მისული და წეროებსაც ცაში გაუშვებდა, როგორც ყოველთვის.

სტადიონის მიღმა სკვერში ბიჭები ისხდნენ. სულ ახალი სახეები. იმდენი ახალი გადმოვიდა უბანში ამ ბოლო დროს. ძველად თუ არ ეამხანაგებოდი, სახეზე მაინც ცნობდი. დიდები კი იყვნენ შედარებით, ესე — ოცი-ოცდაორი წლისა და

იკაც იდგა თითქოს სადღაც, თუ მოეჩვენა. მოკლედ, გული კი აუთამაშდა უცნაურად. მშიშარა კი არ იყო სანდრო, არა, უბრალოდ ასე ვის არ უჩხვლევტს ხოლმე ხანდახან გულზე. სულ ოდნავ.

დღე იყო ისეთი. აი, მარტო ღრმად გესუნთქა კი არა, მთელი სამყაროსათვის მადლიდან უნდა დაგეხედა, ან არც მადლიდან, უბრალოდ კორპუსები მიგეწია-მიმოგეწია, ერთი-ორი სტადიონი, მანქანები, ხეები და დაინახავდი როგორ აირბინა თამილამ უნივერსიტეტის პირველი კორპუსის კიბეებზე. რა ლამაზი კაბა ეცვა — გრძელი, თეთრი, ყვავილებიანი. ერთთვისანი შვებულება დაუშთავრდა დედას, როგორც ყოველთვის, გამოუცნობი ენერგიით საესე, ახალი სასწავლო ცხრილის შესათანხმებლად მიიჩქაროდა დეკანატში. დაღლილი ხელებით კაბის ბოლოებს ზევით წევდა, არ დამესვაროსო. მოპირდაპირე მხარეს, ქუჩის გადაღმა, ცოტა ზევით და ცოტა მარცხნივ, საბარგულახდილი “ჟიგულიდან” ვიღაც საზამთროებს ყიდდა. ერთ-ერთ მზისგან გახურებულ საზამთროზე კატა წამოგორებულიყო. კატას ეძინა და ალბათ ესისმრებოდა, რომ გზა ცისფერი იყო, ცა მზის ფერი. მზე თავვისფერი... თავვი? თავვი კი არსად ჩანდა. კატა ძალზე დაამწუხრა ამ ამბავმა. ქუთუთოები ასწია, გვერდზე ჩავლილ მანქანას თვალი გააყოლა და ისევ ძილს მიეცა. მანქანაში ტაქსისტი ბორია იჯდა. ჩვენი ეზოელი, ტაქსისტი ბორია. ბორიას კარგი დღე არ გაუთენდა, კლიენტები ჰყავდა ცოტა. ან ვის რაში სჭირდება ტაქსი, როცა ყველამ საკუთარი მანქანა შეიძინაო — ფიქრობდა ბორია... დათუკამ თავისი პირველი გოლი გაიტანა “არწივების” კარში, გახარებულმა კლასელებმა კინაღამ დაახრჩვეს ამდენი ჩახუტებით, ზესტაფონის სადგურიდან კი როგორც იქნა გავიდა დაგვიანებული მატარებელი. მატარებელი, მზია და ბავშვები ერთად დაიდრენ ბათუმისაკენ. სწორედ მაშინ, კომპიუტერს მიმჯდარმა გიომ საჩქაროდ გახსნა ახლადგამოგზავნილი წერილები, რომ ყველას წაკითხვა მოესწრო, სანამ ფაატის ბიბლიოთეკაში შემოვიდოდა საია, საიამ კი წარმატებით შეაყენა მანქანა კამპუსთან, როცა სანდრომ გულისჩხვლევით გადაკვეთა წვრილი ქუჩა, თითქმის გასცდა მაღაზიას წარწერით — “სურსათი” და აშკარად გაიგონა, როგორ დაუძახა ზურგს უკან ვიღაცამ:

— ჰეი სანდრო! საქმე გვაქვს, ერთი წუთით!

სანდრომ არ შეიმჩნია, ნაბიჯს აუჩქარა მხოლოდ.

— ჰეი! სანდრო!. გაჩერდი ერთ წუთს... ჰეი! სად მიდიხარ, გაჩერდი-მეთქი!

სანდრომ სკვერი გადაიბრინა, უკან არც მოუხედავს ისე შევარდა რომელიღაც ეზოში, პირველსავე ეზოში. იქ გასასვლელი არ დახვდა — მხოლოდ ხრეში, ბევრი ხრეში, წინ კი — გაულესავი აგურის კედელი.

— სად მიდიხარ...

სანდრომ მობრუნება ვერ მოასწრო, რომ იკამ უკვე კედელთან მიაბჯინა, მაგრად დაუჭირა მარჯვენა ხელი. მერე ყველაფერი ძალიან სწრაფად მოხდა. უცბად ხრეშის ხმა, გვერდიდან, საიდანღაც ოთო და სახეზე ხელისგული, არც აპირებდა დაყვირებას. ძალიან ჩუმი, შეთანხმებული მოძრაობები, სუნთქვა ცოტა აჩქარებული. მერე უცნაური ტკივილი მუცელში, ასე რამდენჯერმე. გვერდით კედელი წითელაგურიანი. აგურები აითვალა სანდრომ: ერთი, ორი, სამი... ცოტა შორიდან შემახილი — *ფეხი გამოადგი, იკა!* ქვევით სისხლის ერთი ბეწო, თითქმის შეუშინეველი წვეთები. სამი, ოთხი, ხუთი — კიდევ აითვალა აგურები სანდრომ. გათავისუფლდნენ ხელები, ასფალტს მოსწყდნენ იკას შავი “ბათინკები”, ტყავის...

ხუთი, ექვსი, შვიდი! და სანდრომ ვერც შეამჩნია ყავისფერი ქუდი როგორ დაეარღნია ძირს. მამას ჰქონდა ასეთი. მთელი კარადა მამას ქუდები... რვა, ცხრა და ბოლო დაცემა, ბოლო დაცემა იგივე მსუბუქი სხეულით, მხოლოდ რაღაც წარმოუდგენელი ძალით, როგორც ზღაპრებში ეცემიან ბუმბერაზები, შეარყევენ დედამიწას, დაიგრუხუნებს ცა, ერთიანად მოჯახუნდებიან შემოღებულ ფანჯარები, ან იქნებ საერთოდ არ გაისმას რაიმე ხმა, ხმა ხომ იგვიანებს ხანდახან, თუ შორს დგახარ და მხოლოდ რაღაც დროის მერე იყვირებს ქალი — უშველეთო. მაშინ გამოვარდებიან ცნობისმოყვარე ბავშვები, თან მოჰყვებიან უფროსები და ეზოში შეგუბდება ჰაერი. ვინმე შემოღებულ ჭიშკარს მივარდება — იქნებ დამნაშავე დაეინახო. იქნებ სასწრაფოშიც დარეკავს, ან მანქანას გამოიყვანს — უფრო სწრაფად მივალთო. მერე კი ირკვევა რომ ამას აზრი არა აქვს, რომ უკვე აღარაფერს აქვს აზრი. ასე ერთ-ერთი მათგანი იტყვის, ხალხიც მას მიაჩნდება ანაზღად. მერე ეზოში სიჩუმე ჩამოვარდება. ყველა ერთიანად გაკმენდს ხმას, ან იქნებ სიჩუმე ცოტა მანამდე ჩამოვარდება და ყველას ხმას გააკმენდინებს. მერე კი ახლად გამოფხიზლებულივით იკითხავს ვიღაც — ღმერთო ეს ის არააო? და ვიღაც უპასუხებს — ჩემთან დავაწვინოთო, ან იქნებ უბრალოდ იტყვის — ღმერთო. პატარა კულულებიანი გოგონა ეზოს ჭიშკრიდან გაიხედავს და რეზიკოს დაუძახებს — მოდი ნახე ჩვენთან რა მოხდაო. რეზიკო ხელს გაუშვებს შვეგერემან, მაღალ ქალს და გოგონასკენ გაიქცევა, ამით ძალიან გააბრაზებს დედას.

– რეზიკო! – დაუძახებს დედა რეზიკოს, სწორედ მაშინ, როცა საია წაიკითხავს ინგლისური ასოებით დაწერილ სიტყვას – ა მ ა ს ო ბ ა შ ი და მთელი გულით გადაიკისკისებს.

– It means – in that time, like – *while* – გადაუთარგმნის გიო.

– Really? For me it sounds like some kind of a building – უპასუხებს გოგო.

* * *

ასეთ დროს ყველაზე უცნაური დაუსრულებელი ამბებია ხოლმე, არშემდგარი ამბები. ეს დაახლოებით ასეთი სახით იყინება წარსულში – უნდა მომხდარიყო და არ მოხდა, ანუ – იყო და აღარ იყო რა...

ხომ მოხდა რომ მოიქნია ხელი ქეთინომ, სახეში გააწნა ირაკლის — აი, ჯვრისწერამდე სულ რამდენიმე საათით ადრე, კინოფილმებში რომ არის ხოლმე, ისე და კარადაში საკიდზე ჩამოკიდული დარჩა თეთრი, ფაშფაშა საქორწინო კაბა...

ხომ მოხდა რომ იყიდა ლუკაჩომ მატარებლის ბილეთი ბათუმამდე, მეორე დღეს კი ლოგინში ჩაწვა, ოცდათვრამეტი სიცხით, მთელი ეზო მის გარეშე წავიდა საგრილოდ ზღვაზე.

ხომ იყო რომ წერდა ლადო სასიყვარულო წერილს ვალენტინობა დღეს — წერდა, თითქმის ბოლოში გავიდა, მერე რაღაც შიში დაეუფლა თუ რა იყო, ფურცელი შუაზე გადახია, ურნაში გადაუძახა და უკმაყოფილო გავიდა ოთახიდან.

ხომ იყო რომ საუბრობდნენ ტელეფონზე ანი და სანდრო, ანი გურიიდან მეორე დღეს ბრუნდებოდა თბილისში. ბევრი ისაუბრეს თუ ცოტა, ბოლოს ასე ჰკითხა სანდრომ:

– ანი, გიყვარს ციგურები?

— ციგურები? — დაიბნა გოგო — მიყვარს, ოღონდ სრიალი არ ვიცი. — დანანებით ჩაილაპარაკა. — არადა წესით, რატო არ უნდა ვიცოდე...

— გასწავლი გინდა? — სანდრომაც არ იცოდა სრიალი. ასე გათვალა, რომ ორ დღეში თვითონ ისწავლიდა და მესამე დღეს ანის ასწავლიდა. — ეს ერთი-ორი დღე არ მეცლება და ოთხშაბათს — კი ბატონო.

— კარგი სანდრო, შევეთანხმდით! — გაეცინა გოგოს და ერთი სული მაქვს როდის გნახავო — მოაყოლა. ეს იყო და ეს. დაკიდა ორივემ ყურმილი.

XVI

წეროები მიფრინავენ,

ანუ, ვერ დაიჭერ და — გაფრინდა...

საიას თავი გიოს მუხლებზე ჩამოედო, ბიჭის თითებს ათამაშებდა უაზროდ და მუსიკას უგდებდა ყურს, საერთო საცხოვრებლის პირველი სართულიდან ამომავალს. ვიდაცას ელვის პრესლი ჩაერთო. მთელ ხმაზე აწეული დინამიკებიდან ახლა ან არასდროს — ისმოდა გულისდამთუთქავი სიტყვები. ისვენებდნენ ფაატის უნივერსიტეტის სტუდენტები — ზოგი ცეკვავდა, ზოგი მღეროდა, ზოგი უბრალოდ ყირაზე გადადიოდა და ყველაფერი ასე გაგრძელდებოდა, სანამ მთავარი კამპუსის დერეფანში დაკოჟრილხელებიანი ადმინისტრატორი არ გამოკიდებდა სასწავლო ცხრილს, აუდიტორიებისა და საათების ზუსტი მითითებით. მანქანიდან ახლადამოზიდული ჩემოდნები კარებთან ელაგა, კედელს მიყუდებული. ორივეს ეზარებოდა წამოდგომა და ნივთების ამოლაგება. გზამ დაღალა ასე გიო, თუ დილის ამ წოწიალმა იალოვას სანაპიროზე, ახლა განძრევის თავი არ ჰქონდა. იჯდა და ფანჯრიდან შემოსული ნიავისთვის მიეშვირა სახე. ერთი მეტრი იყო დაშორება ლოგინიდან კომპიუტერამდე. ერთი წამი უნდოდა ინტერნეტში შესვლას და მხოლოდ ერთი რამე აინტერესებდა ახლა გიოს — მოვიდა თუ არა, ბოლოსდაბოლოს, ასე დაგვიანებული წერილი სანდროსგან.

* * *

— ასე რომც მივწერო, რა მივწერო? ვთქვათ და მივწერე... ვახო, მითხარი რამე, რა?. შენ მიკარნახე და ბაზარი არაა...

— საერთოდ მარაზშია, მე თუ მკითხავ. მე იმაზეც წინააღმდეგი ვიყავი რომ არ უთხრეს და ასეთი რამის დამალვა რანაირად შეიძლება, ვერ ვხვდები...

— არ უთხრეს ეგ ერთი, და მერე მოდის თამილა და ეგეთ რამეს მეუბნება. არა მაგ საწყალი ქალისაც მესმის, მაგრამ ბიჭები თუ არ დამეხმარეთ... უნდა დამეხმაროთ. ერთად თუ მივწერთ რამეს. მოკლედ, მარტო მე მაგას ვერ ვიზამ. არ შემიძლია რა!

— თამილასი კი მესმის, დედაა და ეშინია, როგორ არ მესმის, უბრალოდ არ გვაპატიებს გიო... ხომ, ვიცი რომ არ გვაპატიებს. სანდროს ნაცვლად წერილის მიწერა... არა რა. სიგიჟეა. ახლა ეგ ქალი ისეთ დღეშია, საღად ვერ აზროვნებს. ადრე თუ გვიან, გიო მაინც გაიგებს და მერე უარესია კიდევ. არ გვაპატიებს.

— უბრალოდ, რაღა მე მთხოვა, რაღა მე?!

* * *

რალაც სასიამოვნო იყო ამ ოთახში ისეთი... სიმშვიდე და წესრიგი. ერთმანეთში ჰარმონიულად შერწყმული ფერები: მწვანე, თეთრი, ყავისფერი. მოჩანდა მდელო კარგად მოვლილი, გაკრეჭილი. ოთკუთხედი, გამოყვანილი ბუჩქები, ფრენბურთის მოედანი ცოტათი მოშორებით... აუღელვებლად იწვა საია. შავი თმა უჩრდილავდა სახეს...

არ იცოდა გიომ რა მოხდებოდა მომავალში. სად იქნებოდა ერთი წლის მერე, აქ დარჩებოდა თუ არა, როგორ გაგრძელდებოდა ცხოვრება, რას გააკეთებდა... იქნებ ბიზნესი დაეწყო, იქნებ კიდევ წლები ესწავლა... თავში იმდენი კითხვა უტრიალებდა ყოველ დღე, ყოველ წუთს, ყოველ წამს... მხოლოდ ახლა არა. მხოლოდ ახლა არა. ახლა ფანჯრიდან უბერავდა სასიამოვნო, გრილი ნიავი, საია აქვე იყო, გიოსთან და ორივე ერთად იყვნენ – “შინ”.

– გიო, როგორ გგონია, არის რამე ამაზე უფრო რეალური? – რა ზუსტად იკითხა მაშინ საიამ.

* * *

– ეგ როდის იყო. როდის გითხრა? – შეწუხებული იჯდა ვახო.

– ამ ორი კვირის წინ, ეგ ამბავი რომ მოხდა, ჯერ ხომ გვთხოვა გიოს არა-ფერი მიწეროთო, მერე ჩემთან გადმოვიდა. ვდრუგ და რა, ეგეთ რამეს მეუბნება. რას ვეტყვოდი, ხომ არ ვეტყვოდი — არა თამილა დეიდა, მე მაგას ვერ ვიზამ-მეთქი!. თან ისე მთხოვა რომ არ ვიცი... გიო რომ აქ ჩამოვიდესო... ეგ არ მოისვენებს, შურს იძიებს, უარეს რამეს იზამს, თავს დაილუპავსო. — ერთი ეგეცაა, ჩვენც ხომ ვიცით, გიო ასე უბრალოდ არ დატოვებს მაგ ამბავს. ეგ ეგრა.

– მაგრამ ასე მოტყუებაც არასწორია. რა ვიცი, ვიცი? არ ვიცი...

* * *

– არაფერი საი. ამაზე რეალური ახლა არაფერია. — პასუხობს გიო და ელიმება. საიამ ხომ ისე ზუსტად თქვა, როგორ ზუსტად თქვა, გიოს მაშინვე გაახსენდა — ის ოჯახი, პარკის წინ, პიკნიკზე გამოსული ოჯახი. — რალაცები არის საი, რაც ყველაფერზე მნიშვნელოვანია. ახლა ვუფიქრდები რომ ასეა. აი ჩიტებიც, მიფრინავენ თბილ ქვეყნებში, მაგრამ ბუდეებს ხომ აქ ტოვებენ. ბუდე მთავარია. ასე არაა? მე ასე მგონია საი, რომ ყველაზე რეალური ეგაა. — საიას შავ თმას ოდნავ არხევდა, ვერ ერეოდა ნიავი.

– წეროები, გიო? — ნასწავლი თამაში გაახსენდა და გაეცინა გოგოს.

– მიფრინავენ! — გახალისდა უცბად გიოც.

* * *

– არასწორია, აბა რა არი! მოკლედ, ბიჭებს დაუუძახებ და ერთად თუ ვიზამთ რამეს. ან ჩვენ რა ვიცით სანდრო რას წერდა, რა უნდა მივწეროთ... ეგეცაა.

– მოვლენ ბიჭები და გადავწყვეტთ.

– კი, მოვიდნენ და გადავწყვიტოთ. — გაჩუმდა ვახოც.

* * *

- სად? – ხელი გაამზადა საიამ.
- შო-ო-ორს! – ეშმაკური ღიმილით პასუხობს გიო. თვალეები გაურბის კუთხეში მდგარი კომპიუტერისკენ – იქნება და მოვიდა წერილი?
- რამდენი? – ისევ ეკითხება გოგო.
- ერთი! – ცოტა დაიძაბა გიო.
- ერთი! – მოიქნია ხელი საიამ, ეცადა ბიჭის ხელისგული როგორმე გამოეჭირა, მაგრამ უშედეგოდ – გიომ სწრაფად აიქნია მკლავი მაღლა, თითები ჰაერში აათამაშა და თვალეები ცისკენ გააყოლა ნათქვამს:
- გაფრინდა-ა!.

დასასრული.




ილუსტრაცია: ნოკა თოფყია

რომანები

ენტონი ბერჯესი – *‘მექანიკური ფორთოხალი’*





წინასწარმეტყველების მექანიკა, ანუ ერეტიკული შენიშვნები ერთი არშემდგარი ლიტერატურული იუბილეს გამო

ზუსტად ამ 30 წლის წინ, ქრისტეს შობიდან 1962წ.*, ინგლისის წიგნის ბაზარზე გამოჩნდა ჩვენებური გაგებით ჯერ კიდევ ახალგაზრდა მწერლის, ენტონი ბერჯესის მომცრო რომანი “მექანიკური ფორთოხალი” – ერთი ძელომანი სადისტის ამბავი, ძალადობის ინსტინქტის ჩასახშობად გამიზნული, არანაკლებ სადისტური მეცნიერული ექსპერიმენტის მსხვერპლი რომ შეიქნა, მაგრამ შემდეგში, ხელისუფალთა კონიუნქტურული პოლიტიკის წყალობით, კვლავ მიეცა საშუალება, პირვანდელ მდგომარეობას დაბრუნებოდა... მოქმედების დრო – შორეული მოვალი, როცა ინგლისში ტოტალიტარული რეჟიმიამ გამეფებულ; ტექსტი – “მოდერნისტული”, უხვად გაჯერებული ინგლისურენოვანი მკითხველისათვის მეტად ეგზოტიკური ცხოვრებისეული დეტალებითა და რუსიციზმებით (მინიშნება საბჭოეთის ექვანსიაზე) და კიდევ, ლაიტმოტივი-მეტაფორა: ბეთჰოვენის მე-9 სიმფონია როგორც რომანის მთავარი გმირის, უფრო სწორად კი ანტიგმირის, საქმეთა და საფიქრალთა თანამდევნი ფონი. ერთი სიტყვით, ეკლექტიკური, თუმცა შინაგანად დამუხტული მხატვრული ოპუსი, თითქოსდა იმთავითვე განწირული ხმაურიანი წარმატებისთვის. მაგრამ ასე არ მოხდა: მკითხველ საზოგადოებაში რომანის პუბლიკაციას დიდი აჟიოტაჟი არ გამოუწვევია, თითო-ოროლა დადებით რეცენზიას თუ არ ჩავთვლით და მხოლოდ ათწლიანი დაგვიანებით, სტენლი კუბრიკისეული ეკრანიზაციის შემდეგ, როცა ალექს-მაკდაუელის, თუ მაკდაუელ-ალექსის სახე-ნიღაბმა მსოფლიო კინოთეატრების აფიშები დაიპყრო, ფილმის ლიტერატურულმა პირველწყარომაც საყოველთაო ყურადღება მიიქცია.

კაცმა რომ თქვას, ასეთი ნაგვიანევი აღიარება მნიშვნელოვანწილად იმდროინდელი ევროპის საზოგადოებაში გაბატონებული ფსიქოლოგიური კლიმატიდან იყო განპირობებული: ყველას კარგად ახსოვდა ახლადგადაგორებული ახალგაზრდული ჯანყის ტალღა, ერთიანად რომ შეაზანზარა მთელი დასავლური სამყარო, თუმცა თავიდან ინტელექტუალური ელიტა გარკვეული სიმპატიითაც კი შეეგება რესპექტაბელურ ”მომხმარებელთა საზოგადოების” შვილთა ექსტრავაგანტურ გამოხდომებს, ცდილობდა გაეგო კონტრკლტურის არა მარტო ესთეტიკა, არამედ იდეოლოგიაც – იმის მიუხედავად, რომ ხშირად ძნელი ხდებოდა ზღვარის გავლება კონტრკულტურასა და ანტიკულტურას შორის. მეტიც, ჟან-პოლ სარტრი დემონსტრაციულად იმუქრებოდა, ჩემი ხელით გამოვიტან ლუვრიდან “ჯოკონდას” და ცეცხლში გადაუძახებო; პაზოლინი ჰომოსექსუალიზმით იწონებდა თავს, ენცენსბერგერი კი საერთოდ იმ აზრამდე მივიდა, რომ წიგნი, როგორც ასეთი, საერთოდ არაა საჭირო და არც წიგნის კითხვაში ყრია რამე ხერი... მაგრამ როცა 1968 წლის გაზაფხულზე ახალგაზრდა რევოლუციონერები სიტყვი-

* მიზეზთა გამო სხვათა და სხვათა, წერილი პირველად 2002 წ. დაიბეჭდა – “ფორთოხლის” II გამოცემის წინათქმად, თუმც კი ზუსტად ათი წლით ადრეა დაწერილი...

დან საქმეზე გადავიდნენ და შიგ ვეროპული ცივილიზაციის გულში, პარიზში, ძალადობის ნამდვილი ფეიერვერკი მოაწყვეს, “მამების” თაობა დაბნეულობამ შეიპყრო. თვით “ახალ მემარცხენეთა” უფროსი თაობის იდეოლოგი, ჰერბერტ მარკუზეც კი შეწუხდა და საქვეყნოდ განაცხადა, მე ეს არ მინდოდაო...

სწორედ ამ დროს გამოვიდა ეკრანებზე კუბრიკის ფილმი და ბერჯესის რომანმაც, როგორც იტყვიან ხოლმე, ახალი ცხოვრება დაიწყო.

საქმე ისაა, თუკი ბერჯესის შემოქმედებითი ლაბორატორიისათვის გასაღების მორგებას დაგაპირებთ, თუკი შევეცდებით იმ ფორმულის პონას, ლაკონიურად რომ განსაზღვრავდეს მისი მწერლობის არსს, ალბათ ყველაზე უპირიანი იქნება სიტყვა *ერეტიკოსი* (აქ, რასაკვირველია, გამოვრიცხავთ ამ ცნების შეფასებით მნიშვნელობას). *ერეტიკოსი* მეამბოხისაგან კი უპირველესად იმით განსხვავდება, რომ მას თავისი თეორიული ბაზისი გააჩნია; *ერეტიკოსი* არასოდეს უარყოფს მხოლოდ უარყოფის მიზნით, იგი საკუთარი თვალსაზრისის დამტკიცებას ცდილობს, ყველგან და ყოვლთვის...

ერთი შეხედვით, ამგვარი დახასიათება ბერჯესის მიმართ ნაკლებად გამოდგება – ყოველ შემთხვევაში, “შექანიკური ფორთოხალი” მთლიანად თავისუფალია ავტორ-დემიურგის მორალისტური თუ კონცეფციური ქადაგებისაგან, მაგრამ *ერეტიკოსი* რის *ერეტიკოსია*, თუ დაკანონებულ ნორმას არ გადაუხვია და ის ფაქტი, რომ ბერჯესის რომანი ათი წლის დაგვიანებით აღიარეს, შეიძლება არა იმდენად სოციალურ-პოლიტიკური ვითარებით, არამედ გარკვეული ლიტერატურული დოგმატების დარღვევითაც იყო გამოწვეული. ჯორჯ ორუელის “1984” ხომ გამოსვლისთანავე მონათლეს წინასწარმეტყველებად, თუმცა იგი არსებულის დაფიქსირება უფრო იყო; აი, “ფორთოხალი” კი – სხვა ანტიუტოპიებთან შედარებით – ნამდვილად წინასწამეტყველური აღმოჩნდა.

ანტიუტოპია, ფაქტიურად, არსებული სინამდვილის უტრირებული მოდელია მხოლოდ, ოღონდ ბერჯესს არც უცდია მისი რაიმე ახალი მოდელის შექმნა – “ფორთოხალი” ანტიუტოპიის პაროდია უფროა; რომანში თხრობა პირველი პირით მიმდინარეობს, მაგრამ ამაოდ ვეცდებით მასში რაიმე აღსარების მაგვარის ძიებას – იგი აღმსარებლური პროზის პაროდიაცაა, თავად ნაწარმოების ტექსტი კი თავისუფლად შეიძლება აღვიქვათ, როგორც ჯოისისეული *შინაგანი მონოლოგისა* და ორუელის *ახალი ენის* პაროდირებული ვარიანტი.

მოკლედ, რა ჟანრობრივი მოდელიც არ უნდა მივუსადაგოთ, “ფორთოხალი” ყოველთვის წარმოგვიდგება როგორც ნებისმიერი ჟანრის ერესი. აქედან, ადვილი მისახვედრია, თუ რატომ ვერ გაიაზრეს თავის დროზე ალექსის მხატვრული სახე წინასწარმეტყველებად: თვით წინასწარმეტყველების მექანიკა იყო მეტისმეტად რთული, უფრო სწორად, გართულებული. ალექსის სულიერი ნათესაობა 60-იანელ მეამბოხებთან სიღრმისეული სიახლოვეა და არა ზედაპირულ-პუბლიცისტური. მათ ნიპილიზმი აერთიანებთ, თორემ თავის პარიზელ თუ ნიუ-იორკელ თანამოძმეთაგან განსხვავებით, ალექსს პოლიტიკა სულ ფეხებზე კიდა, ხოლო

“ბითლზის” *Roll Over, Beethoven* ალბათ, მკრეხელურადაც კი მოეჩვენებოდა. რასაკვირველია, ბერჯესს შეეძლო რომანში იმთავითვე გადაენაცვლებინა აქცენტები, მოეხსნა ყოველგვარი პოსტმოდერნისტული შენიღბვა და უფრო ცხადლვ მოეხდინა თავისი წინასწარმეტყველების მექანიკის დემონსტრირება, მაგრამ ეს, ჩვენში გაგრცვლებული მოდური თქმა რომ გამოიყენოთ, უეჭველად მისი მწერლური მრწამსის დაღატი იქნებოდა...

რაც შეეხება საკუთრივ იდეას, აქ ბერჯესი ერეტიკოსია სწორედ რომ კანონიკური გაგებით: კათოლიკური აღმსარებლობის მწერლისთვის ფუნდამენტურ პრინციპად თავისუფალი ნება, თავისუფალი არჩევანი – უფრო სწორად, ამ პრინციპის აბსოლუტიზაცია ქცეულა. თანამედროვე ლიტერატურული კრიტიკა ბერჯესს ნეტარი ავგუსტინეს სახელგავარდნილი ოპონენტის, სწორედ იმ პელაგიუსის მემკვდრედაც კი მიჩნევს, რომელიც ადაფრთოვანებდა ერაზმ როტერდამელს და ნერეებს უშლიდა ლუთერს...

და ენტონი ბერჯესიც – მწერალი, ლიტერატურათმცოდნე, პუბლიცისტი და კომპოზიტორი – როგორც ჭეშმარიტ ერეტიკოსს შეშვენის, შესაშური შეუპოვრობით ავითარებს თავის თხზულებებში თავისუფალი არჩევანის უზენაესობის პრინციპს, როგორი ლიტერატურული ფანდებიტაც არ უნდა ნიღბავდეს სათქმელს. მისი იდეების პროტაგონისტები იშვიათად არიან “დადებითი გმირები”, ხშირად კი იდეა რამდენიმე, ერთმანეთისაგან სრულიად განსხვავებულ პერსონაჟშია გაფანტული. “ფორთოხალში” ასეთი პროტაგონისტი თითქოს ჩარლი კაპელანია – ლოთი და კარიერისტი მღვდელი; კიდევ ერთი კათოლიკე (და ერეტიკოსი!) მწერლის, გრემ გრინის დაკომპლექსებულ გმირებს რომ მოგვაცონებს, მაგრამ როგორც პატრიოტული რიტორიკის მოძულე ჯეიმზ ჯოისმა (ასევე კათოლიკემ და ასევე ერეტიკოსმა) თავისი სიყვარული სამშობლოსადმი “ულისეს” მეშვიდე ეპიზოდში – მაგანი ირლანდიელი ორატორის პაროდირებული სიტყვით გააძჟღავნა, ენტონი ბერჯესის შემოქმედებითი კრედოც მისი ყველაზე სახელგანთქმული რომანის მეორეხარისხოვანი გმირის – ბედოვლატი, “იმ ჩემის მწერალის” დაუმთავრებელი თხზულების ფრაგმენტითაა გადმოცემული: ‘... ყოველგვარი მცდელობა, თავს მოვახვიოთ ადამიანს – არსებას მზარდსა და ღვთის ბაგეებზე სიტკბოების შესაძლო მომტანს – თავს მოვახვიოთ-მეთქი კანონები და ის პირობები, მექანიკური ქმნილებსათვის რომ უფროა შესაფერისი, აი ამის წინააღმდეგ მიემართავ მე კალამს – ჩემს ერთადერთ მახვილს...’

* * *

“მექანიკური ფორთოხლის” ამ თავისებურ იუბილესთან დაკავშირებით, რასაც ინგლისის ლიტერატურულ და მუსიკალურ წრეებში ყოვლად სერიოზულად აღნიშნავენ, ერთი ის შეიძლება ვთქვათ, რომ ამ მხრივ მას ჩვენში, უბრალოდ, გაუმართლა: 1990წ. პირველად გამოვიდა წინამდებარე თარგმანი, სადაც მშვენივრადაა გადმოქართულებული მწერლის ეკლექტიკური, ფარული ალუზიებითა და რემინისცენციებით დახუნძილული ტექსტი. ეს იმანაც განაპირობა, რომ თვით ორიგინალისადმი მიდგომაც, გარკვეულწილად,

ერეტიკული იყო: თარგმანი იმდენად თანაბრად მიედინება, ქუჩის ჩხუბის სცენებიც კი (!) იმდენად ბუნებრივად აღწერილი, მკითხველში ეჭვის გრძობას აღძრავს – აქ რაღაცაშია საქმეო... ან რა გასაკვირია – უკვე მივეჩვიეთ კიდევ, რომ თანამედროვე ლიტერატურული ნაწარმოების თარგმანს, როგორც წესი, ცოტათი მაინც უნდა აჩნდეს ნაძალადეგობის, ხელოვნურობის კვალი, რაც მისი “უცხოურობის” საბუთად ითვლება. მაგრამ რომანში ინგლისურენოვანი მკითხველისათვის უცხო რუსიციზმებიც კი ზედმიწევნით ბუნებრივადაა “გადმოქართულებული” და ასეთი სარკისებული სიმეტრია სწორედაც რომ საჭირო ეფექტს იძლევა: ინგლისელისთვის ტოტალიტარიზმი – მაინც ფანტასტიკაა, ბერჯესის რუსულ-ინგლისური – ჰიპოთეტური, ხელოვნური ენა, ჩვენთვის კი ეს ყველაფერი ყოველდღიური, ყოფითი რეალობა გახლავთ...

მაგრამ მიუხედავად ამისა, ან შეიძლება, სულაც ამიტომ, ქართულ თარგმანს ორიგინალის ბედი დაჰყვა. კარგი უცხოელი მწერლის კარგი თარგმანი ჩვენში მუდამ ლიტერატურულ (და არა მხოლოდ ლიტერატურულ) მოვლენად აღიქმებოდა: მთარგმნელს ლამის ორიგინალის ავტორზე მეტ პატივს მიაგებდნენ და ლიტერატურის სპეციალისტთა წრეში ბუნებრივად იხსენიებოდა იმგვარი არაბუნებრივი რამ, როგორც “მაჩაბლის შექსპირი”, “ვახუშტის ჰაფეზი”, “გოგიაშვილის რაბლე”, “წერედიანის ვიიონი”, “ჯემალ აჯიაშვილის ებრაული პოეზია” და ა.შ., მაგრამ “მექანიკური ფორთოხალი” მაინც ვერ გახდა “ჭუმბურიძის ბერჯესი”. ლიტერატურულმა კრიტიკამ პირში წყალი ჩაიგუბა და სოციალურ-პოლიტიკური ვითარების სიმწვავემაც ითამამა გარკვეული როლი, მაგრამ მთავარი აქ მაინც სხვაა: “ფორთოხლის” ქართული თარგმანი, როგორც თავისთავადი ღირებულება, ორიგინალივით ერეტიკული სულისკვეთებისაა: ერეტიკული – როგორც ჩვენში დამკვიდრებული მთარგმნელობითი პრინციპების, ისე მთლიანად დახავსებული ლიტერატურული ტრადიციების მიმართ, ოღონდ ეს ყველაფერი მხატვრულ ქსოვილში ისეა ჩამალული, დღემდე არც არავინ აღშფოთებულა და არც ცვლილებების ჟინით ანთებულა...

რას იზამ, ერთი ათი წელიც კიდევ დავიცადოთ, საიუბილეო თარიღებს რა გამოგვიღვეს.

დ. ზუკაძისძილი

მექანიკური ფორთოხადი

კარი პირველი

1.

‘ჰა, ვშეებით რამეს?’

ოთხნი ვიყავით: სამი ჩემი ბრატკა და მე – ალექსი. იმ თოში, ბნელი ზამთრის საღამოს ყველანი “ფაქიზოში” ჩაეჯექით და ვბალამუტობდით. ჩვენ ოთხნი – მე, პიტი, ჯორჯი-ბიჭი და ბნელო – ეგ მართლა ბნელი ეგა და ძმებო, თქვენ აბა რა გემახსოვრებათ რა კარგის რამე იყო ეს რძის ბარები – გარშემო ისე სწრაფად იცვლება ახლა ყველაფერი და ხალხიც ყველაფერს მალე ივიწყებს, გაზეთსაც კი აღარავენ კითხულობს ხეირიანად. მოკლედ, მთელი მუღამი ის იყო, ძროხა რასაც იწვევლის შიგ რო კიდე ჩაუმატებდი რამე ისეთს – ბებიამაგათისამ, სასმელებს მაგათ არ აყიდინებდნენ და ვის რაში ეკითხებოდა კაი ანადუღარ რძეში რას ჩაიყრიდი და გესვა მერე შენთვის სინტემესკით თუ დრენქრომით თუ კიდე სხვა რამ ახალი რამე-რუმეებით ნაზავი და მერე გენახა თიში და ღმერთი და დაცემულ ანგელოზთა დასტის გრიალი შენი მარცხენა ფეხის წვერზე და მთელი ეს ფეირვერკი ტეინში... სხვა დროს კიდე რამე გულის მოსაფხანს ჩაუშვებდი ქაფქაფა რძეში, ავარდებოდი და რაღაც ისეთს დაუწყებდი ძებნას, თვითონ რო არ იყავი აზრზე. სწორედ მაგისთანას ვსვამდით იმ საღამოს ძმებო, და ახლა კი მიგდეთ ყური.

ჯიბე სავსე გვქონდა და ვის რაში გვჭირდებოდა ვინმე ბეხრეკი ბიძა მიგვევლო ბნელ მოხვეულში და სანამ სისხლის ფურთხებაში იქნებოდა, ოთხზე გაგვეთვალა მაყუთი, ან ვინმე კანკალა და თმაგათურებული ყვავისთვის პორტმანი დაგვეწერა სადმე ვიტრინასთან, პლეტი მიგვეცა და პირში გულის ღეჭვამდე გვეძუნძულა ქლოშინით...

მაგრამ რა, მართლა ფულით ხო არ იზომება ყველაფერი.

‘ვშეებით რამეს?..’

ოთხივე მაგარი დაზმანულები დაუდიოდით – ძველი გაგებით, რალა თქმა უნდა და მაშინ ეს იყო ძან-ძან შემოტყევილი შავი შარვალი, წინიდან თუოეობზე ნაჭერ-ნაჭერ ჩაკერებული და მუცელსქვემოთ ამოკრული რეზინის რამე ფიგურით – თან ცოტა გიცავდა კიდევ და თან პოლუმრაკშიც კარგად მოჩანდა, ხოდა ჩემი დიდ შავ ობობას გაედა, პიტს ზედ მუჭი ქონდა ჩამოცმული, ჯორჯი-ბიჭს კიდე ყვავილი გადაეფურჩქნა კეკლუცად... ერთი ეგ საწყალი ბნელო გვყავდა, ბაიყუში იყო ნამღვილი, არც ცისა ესმოდა რამე, არც მიწისა – შენსას არაფერს გაიგონებდა და საკუთარი კიდე რა დააეჭვებდა – ცირკის მასხარას ბრიყვეული სიფათი ამოედო ლაჯებში და კმაყოფილზე-კმაყოფილი დაბლაყუნობდა.

ზემოდან კიდე ჟილეტები – დიდზე დიდი, ლიპებდადებული პლენობით, ოღონდ ეს ისე, მართლა ბრეჟიანებზე სადადაოდ. და ძმებო, უგალსტუკოდ რომელი გოიმი გაივლიდა მაშინ და ჩვენც გვეკეთა ტკიცინა და სულ თეთრი-თეთრი, ალაგ-ალაგ გამოზომილად დახვრეტილი. თმას კი მოკლეზე ვიჭრიდით – სკოლაში რო გვთხოვდნენ ისე, და სამაგიეროდ ფეხსაცმელები გვქონდა უმაღლესი, ცხვირმაგარი, დასარტყმელად პირველი იყო.

‘ვშვებით-მეთქი რამეს?’

იქვე ახლოში სამი წიწკვი უჯდა მაგიდას, მაგრამ ჩვენ აქეთ ოთხნი ვიყავით და ვიღაცა მერე მეცამეტე გოჭვიით იქნებოდა. გლეჯავზე კი ეცვათ – გრძელი შავი სწორი-სწორი კაბები და სისხლისფერი, მწვანე და ყვითელი ბუმბულები გაერჭოთ თმებში და დაღებილები იყვნენ, ნუ იტყვი – ცისარტყელები თვალების გარშემო და ტუჩებზეც ფენა-ფენა. პაწია ჯიქნებზე კიდე ლითონის თითო ბროშკა ზედ ვინმე ბიჭის სახელით – ჯონი ან მაიკი ან მისი ჯანი: აქაოდა იმ ახვრების მოსაგონარი, რომლებთანაც ჩვენი ქალწულობის მეთოთხმეტე წლის-თავზე ვიბაირამეთო.

რადაც უშნოდ კი გვიჟუჟუნებდნენ თვალებს და ის იყო ცალი ყბით უნდა წამებურტყუნა, იქნებ ეს ჩვენი საბრალო ბნელო ცოტა ჩავაბნელოთ ერთი პატარა სინტემესკიანით, მოვტეხოთ და მერე სამმა ავუდოთ ამბავში-მეთქი, მაგრამ გადავიფიქრე – ბნელო გარეგნობითაც ის იყო რაც სახელი ერქვა, მაგრამ ბოლმაც იყო, დაგიმახსოვრებდა და მერე ჩხუბში ჩემ მტერს მოხვდა მაგისი წიხლი.

ჩემ გვერდით კედლის გაყოლებზე კლიენტი იჯდა, თვალები უკვე ჩამუშვებოდა და არისტოტელესეული შრომანის შრომა შარს სდებს ინტელექტსო – თუ რაღაც ამდაგვარს ესპორებოდა საკუთარ გოგრას. მოკლედ, მწიფედ იყო, ალბათ უკვე გაღმაც იყო გადასული და ღმერთმანი ძმებო, სწორედ მაშინ მოვედი აზრზე რო ფახისტობა იყო ეგ და სხვა არაფერი: განა რა, მე არ ვმჯდარვარ ეგრე ჩარბევებული და გარშემო თითქო ყველაფერი ძველად ხდებოდა – ყველაფერს ხედავ, ნაღდად – მაგიდებს, ბიჭებს, ხმებიც გესმის, ნაშებსაც თირავ, მაგრამ თითქო ეს ყველაფერი ადრე იყო და ახლა კი აღარაფერია. მერე კიდე საკუთარი ფეხსაცმლის წვერს დააშტერდები ან რამე წერტილს და ხარ ასე გათიშული, მაგრამ თან შიგნიდან ინჯღრევი ძველი ვაგონივით, იმდენს ინჯღრევი ბოლოს შენგან აღარაფერი რჩება, არც სახელი არც ხორცი არც არაფერი მაგრამ სულ ფეხებზე გკიდია და მერე ან ის ფეხსაცმლის წვერი ან ფრჩხილი ნათდება, ოქროსფერება, მერე იფეთქებს და ქრება და ახლა რაღაც ლაქა სადმე შარვალზე დიდდება, დიდდება, მთელი სამყარო იქცევა შიგ, შენც შიგ შედიხარ და ბებერ მამაღმერთს ასკდები თავით ან სულაც ვინმე სხვას და მერე კი თავდება ყველაფერი – ისევე აქა ხარ, პირღია და ენაგამშრალი და სულს ძლივს იბრუნებ. არა, საღდაც კი ასწორებს, მაგრამ საღდაც ტეხავს – კაცი მართლა იმისთვის ხო არ გაჩნდი, სულ დაქლიავდე. ეს კიდე ბოლო-ბოლო მთლიანად გამოგწურავს და რა ჩემფეხებად ვარგიხარ მერე.

‘ჰა-მეთქი, ვეწაათ რამე?’

კვადრაფონი გრიალებდა და ხმა თითქოს ბარის კუთხიდან კუთხეში გადადიოდა, კედლიდან კედელს აწყდებოდა, მერე ჭერში ავარდებოდა და ბოლოს იატაკზე იფშვხვნიებოდა ჟღერიალით: სტარია ბერტი ლასკი უბერავდა იმ ნათრევ ჰიტს – “ვიდრე ჩემთან ხარ”. ის ჩიტი კიდე, თავში მწვანე ფრთა რო ქონდა გარჭობილი, ისე ატრიალებდა თედოებს თითქოსდა მართლა ნაღდ რამეზე ყოფილიყო ავარდნილი. ნელ-ნელა ნემსების ჩხვლეტა ვიგრძენი და ბიჭმაც მგონი თავი წამოყო...

‘აბა, აუღდე!’ – დაგიყვფე უცბად და ერთი გემოზე ვწეპე იმ ბლიყვს ჩემ გვერდით რო გათიშული იჯდა, მაგრამ რად გინდა – ისე იყო ჩაშვებული, მაინც თავისას ერეკებოდა: ტელეფონის ხაზი და დახაზული ცარიელი ხათრი და ხავხავი... და ასე გაუთავებლად. არა უშავს, მეორე დღეს ციციცო საფენებს ვეღარ მოიცილებდა სახიდან.

‘ეგ სადა?’ – იკითხა ჯორჯი-ბიჭმა.

‘ისე, გავიაროთ, – ვეუბნები, – იქნება თავისით დაგვეჩითოს რამე’.

და გავედით ჩვენ ოთხნი დიდ ზამთრის ღამეს და ქარიან ქუჩას დაგუყვებით და დმერთმანი ძმებო, პირველსავე მოსახვევში ვპოვეთ რასაც ვეძებდით – ჰატარა სამხიარულო გულისგადასაყოლებელი ამ ცივი ღამის ბნელში: ერთი ბებერი აჩკარიკი მოჩანჩალებდა კედელ-კედელ, ხველებ-ხველებით, სუფთა პრაფესორა ტიპი, ილღიაში წიგნების გროვა ამოეჩარა. ნაღდად საჯაროდან მოდიოდა, სხვა ვინ სირი დადის ახლა იქ და თავში ფეხი არ უნდა გქონდეს, მაგის ფილტვების და გაქუცული პალტოს პატრონი აქეთ-იქით დაფრატუნობდე ამ თოშ ბნელ ღამეში? განა ვინ ჭკუათხელი ინტელიგენტი მოქალაქე გამოვა ამ დროს გარეთ, როცა გაზეთებში პოლიცია სულ კადრების ნაკლებობას უჩივის, ჩვენ კიდე – ახალგაზრდა, მომავლის ბიჭები – წელეებზე ფეხს ვიდგამთ, ყოველ ღამე წრეებს უურტყამთ აღმა-დაღმა და ეს შუშაბანდებიანიც ახლა ალბათ ერთადერთი გვიანი მოჩლახუნე იქნებოდა უბანში.

ჯერ ნელა დაუპათხოდეთ, მშვიდათ, წესიერად დაუდექით წინ და ვეუბნები: ‘ჩვენ ბოდიში, ბატონო ჩემო – ერთი პატარა გადაუღებელი საქმე გვაქვს გასარჩევი თქვენთან’. ცოტა კი დამანდრაჟდა, ასე ოთხნი რო დავეჩითეთ ზრდილად და ღიმილით, მაგრამ შიბიტი არ დაუწყია, მხოლოდ ხმა აუწიკვინდა სკოლის მასწავლებელივით და თავისი მოკლე ჭკუით ძან მკაცრად ჩაგვეკითხა – ‘რაო, რა გნებაუთ?’.

‘ვხედავ რომ წიგნები დაგაქვთ თან,’ – ვეუბნები – ‘მართლა მიკვირს, ჩვენს დამპალ დროში და ასეთი ნაკითხი კაცი’.

‘რა... როგორ თქვით?... ჰო, დიახ...’ – ახლა კი მართლა დაიბნა, გაკვირვებული შემომყურებს და მგონი მუხლებიც უკანკალებს ცოტაზე.

‘დიახ-დიახ,’ – ვეუბნები – ‘და სწორედ რომ დიდად დამავალბებთ, ბატონო ჩემო, თუ ნებას დამრთავთ და ემაგ წიგნებში ჩამაჭყიტებთ ცალი თვალით. ჩემს დღეში კარგ სუფთა დაუჭმუჭვნა წიგნზე უფრო არაფერი მყვარებია’.

‘ე-ე... უნდა განახოთ?..’ – აბლუყუნდა ის ჩემისა, მაგრამ პიტმა აღარ აცალა, შუსტრად დააწერა სამი ცალი და იქვე დაგვირიგა. ბნელო დარჩა მარტო უწიგნოდ და იღვა ვითომ ძან დაღვრემილი სახით. მე კარგის რამე შემხვდა: “კრისტალოგრაფიის საფუძვლები” – ვფურცლავ და ვაქებ: ‘შშვენიერია ძმებო, შესანიშნავია – საინტერესოცაა და თან ჭკუისსასწავლებელიც’. მერე უცბად თითქო ხმა მიწყდება, სინანულით ვაქნევ თავს და სვედანარევი გამოხედვით ვეუბნები: ‘მაგრამ ეს რა ბილწი სიტყვა წერებულა აგერ? ხმამაღლა თქმისაც მცხვენია და ა-ასეთ რამეს კი ნამდვილად აღარ მოველოდი ბატონო, თქვენგან!’

‘რა?.. მოიცა, მომისმინეთ!..’ – ერთი კი წამოიკნავლა, მაგრამ ვინ რა მოუსმინა, იქვე ჯორჯი-ბიჭი ჩაერთო: ‘რასაა რო ბოდილობ, აგერ ჩემთან მთლად ისეთი რამეა, მე მაგის წამკითხველი აღარა ვარ – ერთი სიტყვა ტ-ზე იწყება და მეორე კიდე პ-ზე!’

მაგის წიგნს “თოვლის კრისტალის საოცრებანი” ეწერა ზედ.

საწყალმა ბნელომ მაინც რო არ გადაამლაშოს არ შეუძლია – ერთი არც გადაუფურცლავს, ისე დააბრუნვა: პიტის წიგნში კიდე ისა წერია, რაც იმ ბიჭმა იმ გოგოს უყო და სურათებიც ბლომდაა შიგო. მერე ესეც არ იკმარა და თავის მხრივ დაამატა – დიდი გათახსირებული ვინმე ყოფილხართო.

‘აბა თქვენი ასაკის კაცი ამას როგორ უნდა კადრულობდეს’, – ვეუბნები და წიგნიდან სათითაოდ ვხევ ფურცლებს. ჯორჯი-ბიჭიც ამყვა და ბნელო კიდე პიტს “რომბოედრული სისტემების” დაფხრეწაში ეხმარებოდა. არა, ერთი მოგასმენინათ, რა წივილ-კივილი მორთო აჩკარიკამ: რას შვებითო, რას სჩადითო, ჩემი კი არაა, წიგნები მუნიციპალური საკუთრებააო, ვანდალები ხართო და რა ვიცი კიდე რა აღარ გვაკადრა. მერე სულ დაუფშტვინა – გვეცა და ძან-ძან ვაჟკაცურად დიძგილაობა დაგვიწყო – ვითომ იმ საუნჯის წართმევა უნდოდა მისი ჭკუით. ‘აი ახლა კი მართლა დაისჯებით, ბატონო ჩემო’, – ვეუბნები – ‘მართლა მართლა მართლა’.

ის კრისტალების წიგნი კაი მაგარი რამე იყო, გემოზე აკინძული, სქელყდიანი, ძველად მართლა ნამუსიანად აკეთებდნენ ნივთებს, გაძლებასზე. მაგრამ ბოლოს მაინც დავანაკუსე და აჭყვლებულ პრაფესორას დავყარე თავზე, თოვლის ფიფქებივით. ბიჭებს მაგრა გაუსწორდათ, თავიანთებიც სულ დაგლიჯეს და ფურცლებს ჰაერში ისროდნენ, ბნელო კიდე დავლურს უვლიდა და გაიძახოდა: ‘გეგეც შენ, დამპალო გარყვნილო ბებრუხანა ინტლიგენტო შენა!’

მერე პიტმა ხელები დაუგრიხა უკან, ჯორჯი-ბიჭმა კიდე ყანყრატოში წაავლო, პირი დააფჩენინა და ერთი ისეთი გაუქანა ჟანგიან ყბაში, ორივე პროტენი ერთად გამოუგდო, ზედაც და ქვედაც. მე კიდე ფეხსაცმლით შევდექი ზედ და იმდენი ვურტყი ქუსლი, სანამ სულ ნაფჩხვენებად არ ვაქციე. ისე, კაი კერკეტი კი იყო, რალაც ახალი პლასტიკისაგან აკეთებენო გამიგია. პრაფესორა ახლა ბუყ-

ბუეს მოჰყვა და ცოფიანივით იდორბლებოდა, ხოდა ჯორჯი-ბიჭმაც ხელი უშვა და ახლა ტუჩებში დააკურა კაი მაგრად, თან კიდე ბუჭყელიც ეკეთა თითზე და დაინთხა სისხლი ძმებო, და რა ლამაზად მერე – სულ წვეთ-წვეთ- წვეთად ჩამოდიოდა! ოღონდ მაგის კენესა-ხავილის თავი აღარ გვექონდა, პიჯაკი და შარვალიც გავაძრეთ, მერე პიტმა ერთი გვარიანი ჭითლაყიც დაუადა უკნიდან და გაუშვა თავის გზაზე. მიბლყუნობდა დაცენტრილი, ნიფხავ-პერანგის ამარა (ისეთი ძველი და გადაკერებულ-გადაკემსილი იყო, ბნელო ლამის ჩაიხრჩო ყროყინით) და კაი ქეში მომღერალივით სულ ოოო-ს გაიძახოდა. ჯიბეები დაუჭითეთ, სანამ ბნელო კიდე ცეკვადა ახლა მისი ქოლგით ხელში, მაგრამ ბვერი ვერაფერი ვიხვირეთ. ოღონდ ეგ იყო, რაღაცა ძველი წერილი ვიპოვეთ ცხრაასსამოცში გამოგზავნილი, სულ *ჩემო კარგო და ჩემო საყვარელო* და ამისთანა სისულელეებით სახვე და გასაღები და ერთიც ძველი მოშლილი კალმისტარი. ბნელო რა თქმა უნდა იქვე შეეშვა ქოლგას, წერილი დაითრია და ხმამაღლა უკითხავდა ცარიელ ქუჩას, აქაოდა მართლა ვგეთი ბნელიც არ გვეგონოთ, კითხვა მაინც ვიცო და *‘შვირფასო,’* – მოთქვამდა პიდარასტივით, – *‘სულ შენ მედარდეები, შენი გულმავეწყობის ამბავი რომ ვიცი, იქნებ თბილად ჩაცმაც არ გაგახსენდეს ამ ამინდში გარეთ რომ გამოხვალ, და გაციება ახლა შენთვის არაფრით არ შეიძლება...’* ამაზე კინალამ პირი გაეხა ყურებამდე და ჩაბჭირებას არაფერი უკლდა. *‘გეყოფა,’* – ვეუბნები, – *‘შეეშვი’*. შარვლის ჯიბეში კიდე ცოტა ხურდა ვიპოვეთ და ერთმანეთს ვეჯიბრებოდით ვინ შორს მოისროდა, აბა ეგ რა ფარა იყო, ქათმის საკენკი, ჯიბეს დაგვიძიმებდა მარტო. მერე ქოლგა მივაძტვრიეთ, ტანსაცმელიც დავაკუსოკეთ და ნაჭერნაჭერ გავატანეთ ქარს. ეს იყო სულ პრაფესორას მოსაგონარი. ბვერი არაფერი, რა თქმა უნდა, და ჩვენ ბოდიში თუ ცოტა მოგაწყინეთ, ღამე ჯერ წინ გვედო და ჩარძევებულებს ძარღვებშიც გემოზე გვჩხვლელტდა. ახლა ერთი ის გვინდოდა ცოტა სული მოგვეთქვა სადმე წყნარად, ვინმეს დავნახვებოდით და მერე თავიც მოგვექონა, ალიბი დაგვეადებინა და ბარემ რამე ახალი ვარიანტიც გაგვეთვალა.

მაყუთი ხომ გითხარით, ყველას გვიჭყაოდა ცოტ-ცოტა და ზედ სენტრალ-ვეინიუზე, “იორკის დუკას” ბარში შევეთრიხინდით. არა, ისე ძან წესიერად ვიქცეოდით, ღიმილიანად, კარგად აღზრდილი კაი ოჯახიშვილი ყმაწვილები, კაი წესიერი საღამომშვიდობისათი და რას ხედავს ჩვენი მშვენიერი, ნათელი თვალები: სამი თუ ოთხი ბაბუშკა დაყუნცულა და წყალწყალა ყავასა და ნაღებიან სიროპს წრუპავენ – პენსიების აღების დღე ქონდათ ალბათ და დაგვინახეს თუ არა, გლაზკები გაუფართოვდათ, ბებრული კლანჭები აუკანკალდათ, ერთს სიროპიც დაექცა და მოკლედ, რაღაცა ისქესეს; იმან კიდე, სახე რუკას რო მიუგავდა სიბერისაგან ისიც კი წაიჩლიფინა – ერთი საწყალი მოხუცი მარტოხელა ქალები ვართ, ვის რას გიშაგებთო. მაგრამ ჩვენ ხომ როგორ გვეკადრებათ, სულ კბილებს ვასხივებდით და წელში ვიკაკეებოდით, მერე ბარმენს გავძახეთ და ოთხი “ვეტერანი” მოვითხოვეთ (ჩერი-ბრენდიში გარეული რომი – მაშინ ეს შიკი იყო, ზოგიც კიდე ლიმონის ნათალს უშვებდა შიგ და ეს ვითომ უკვე კანადურ ამბავში გადიოდა), მერე კი ვეუბნებით: ‘აი ამ ტკბილ მანდილოსნებს ჩვენგან ერთი პატარა მოსაკითხი ფრანგული კონიაკი თითოს თითო და ნამცხვრები და კრემიანი სიროპი!’ და რაც გვექონდა, მთელი ფული ცხვირწინ დაუულაგეთ. ის ყვავები კიდე

ისე დაიბნენ ძლივს მადლობებს ჩიფჩიფებდნენ უკბილოდ და თან მაინც თვალებს აქეთიქით აცეცებდნენ რაღაც გოთვერობის მოლოდინში. ბოლო-ბოლო ცოტა მაშინ დაწყნარდნენ მისამართები რო დავატოვებინეთ ბარმენტან, ზვალ დილაზე კიდევ ოხრად სასუსნავი სახლში უნდა მოგართვან-თქო. გიჟებს გაედნენ ლაკომკები. მერე გააფრთხილეთ, დაიცათ, ახლავე დაებრუნდებით-თქო და გარეთ გავიკრიფეთ.

‘კაი საქმეა, მართლა დობრი ვინმედ გრძნობ თავს’ – თქვა პიტმა. ბნელოს კიდევ ზედ ეტყობოდა გაგებაში რო არ იყო, მაგრამ პონტაობდა – ემანდ გლუპი არ გამოვჩნდეთ და უხმოდ მოაბოტებდა. მოკლედ, მერე ქუჩაზე გავედით, იქ ერთი პატარა მაღაზია გვეუღლებოდა ღია. სამი-ოთხი თვე ახლოში არ გავკარებოვართ და წყნარად იქნებოდნენ. პოლიციაც არ ჩანდა – ამ დღეებში იქითა სანაპიროზე ქონდათ ბლომად საქმე, აქაურობა კი ახლა შედარებით მშვიდ უბნად ითვლებოდა. ნიღბები გავიკეთეთ – მართლა კარგი ნაკეთები იყო, სულ ისტორიული პირების როჟები (თუ იყიდდი, სახელებს მერე გეუბნებოდნენ) და მე ვიღაც დიზრაელი ვიყავი, პიტს ელვის პრესლი შეხვდა, ჯორჯი-ბიჭი კიდევ ჰენრი რომელიდაცა, მგონი მერვე იყო, და საწყალი ბნელო როგორც ყოველთვის დაგვეჩაგრა – ვიღაც პიჟონი პოეტი პ.-ბ. შელი ჩამოიფხატა თავზე. ყველაფერი ზედ ქონდა, თმაც და ტუჩებიც კი მოძრაობდა და თუ გინდოდა დაკეცილს ჩამალავდი ფეხსაცემელში – რაღაც თხელზე თხელი პლასტიკი, რას აღარ გამოიგონებენ ღმერთმანი და ჩუმად შევლაგდით სამნი, პიტი კიდევ ატანდაზე დადგა გარეთ, თუმცა რა იყო აქ სამანდრაჟო.

მაღაზიის მეპატრონე ვინმე სლაუსი ბრძანდებოდა, ერთი ოცლოყი, ღიბ-გაგდებული ურია, დაგვინახა და წამში იყნოსა რაც ხდებოდა, შეტრიალდა და დახლსიქით დაგაზა – ნაღში ან სიგნალიზაციის ჩამრთველი ექნებოდა კედელზე, ან დატენილი დურა უჯრაში. მაგრამ მაგას ვინ ჭამდა – ბნელომ მოკლეზე მოხია, შტაბელეზად დალაგებულ რაღაც პაკეტებზე და კოლოფებზე გადათრინინდა და ზედ დახლთან წაასწრო. ერთი განახათ, რა ამბავი ატყდა ორი მოზვერა რო ჩაეფსკენა ერთმანეთს და მორთეს გორიალი და რასაც დაეჯახებოდნენ რა გადაურჩებოდათ, სულ ძირს გადმოშვავდა ყველაფერი. იყო ერთი მსხვერუვა-მტვრევა, ჯახი და ფხრაწანი. ხმაურზე ქალბატონმა სლაუსმა შემოყო თავი, ჯერ კარებში გაიყინა, მერე თვალები გადმოცვენაზე გაუხდა და პირიც რო დაალო, მაშინდა მივხვდი რა სირენასაც ჩართავდა – დაღებილ ტუჩებში ჩაუვლე ხელი და ხმა-მეთქი ვეუბნები, მაგრამ იმ ჩათლაშკამ ისე ჩამკბილა, ლამის აქეთ გავხდი გასაჩუმებელი. გაუუქანე და სიმწრისაგან ცოტა ზედმეტიც მომივიდა – თავი ბეთქა კედელს და იქვე ჩაიკეცა. სამაგიეროდ სისხლი წამოუვიდა სახეზე ლამაზად, ტუჩების ფერს ეხამებოდა. შმოტკები შემოვახიეთ ისე, სადადაოდ, მერე დავეყურებდი როგორ იწვა ძუძუებგადმოყრილი და კვნესოდა და ერთი კი გავიფიქრე, ზომარ-მეთქი, მაგრამ ჯერ წინ იყო ღამე. სალაროდან მთელი ფული გამოვხვეტეთ, თითომ თითო ძვირიანი კოლოფი კამფეტებიც დავითრიეთ და მართლა კმაყოფილები დავითესეთ იქიდან.

‘კაი ჯანავიკი ყოფილა ეგ ჩემისა’, – წაიბურტყუნა უცებ ბნელომ. შევხედე და ძმებო, მართლა რეჩხი მიყო გულმა: ჭუჭყიანი იყო, აჩაჩული და თმაბურძენული, საყელოც მოგლეჯაზე ქონდა – მოკლედ, ნაჩხუბარსა გავდა; იყო კიდევ რაღა თქმა უნდა, მაგრამ კაცს ეგ ზედ არ უნდა გეტყობოდეს, თორემ შარი

არ აგცდება. ამიტომაც მივდექით ბრატკები, ცხვირსახოცები დაგაძრეთ, ნერწყვით დავნამეთ და დაუწყეთ პაწიას წმენდა. საათს დახედე: ათი წუთის წამოსულები ვიყავით “დუკადან”. ტემპში დავგაზეთ და რო მივედით, ჩვენი ბაბუშკები იქვე იყვნენ, დან-დან სვეტსკად წრუპაუნენ კონოს.

‘გამოთ, გამოთ გოგოებო’, – ვეუბნებით, იმათ კიდე ძველებურად გააბეს: ‘გმაღლობთ ყმაწვილებო, გაიზარდეთ, ღმერთმა ხელი მოგიმართოთ, სულ კარგად გამყოფოთ, სულ’. ისევ ჩამოვრეკეთ ზარები და ყელგამშრალებმა ახლა ლუღში ჩაშვებული რომი მოვითხოვეთ, კამფეტები კი ჩვენს ბებრუხანა დაქალებს დავურიგეთ. მერე წყნარად ისე ვეკითხები: ‘ჩვენ სულ აქ ვზივართ თქვენთან, მთელი საღამო, ფეხიც არ მოგვიცვლია, არა თუ?’ წამსვე იაზრეს ამ ყვაებმა და მოყვნენ თავების კანტურს: ‘კი ბიჭებო, კი – თვალი არ მოგვიცილებია თქვენთვის, ძალიან კარგად იქცეოდით, ძალიან’. თან ყლურწავენ, არ ავიწყდებათ.

კაცმა რო თქვას, ან რაში გვჭირდებოდა ეს ყველაფერი – კარგა ნახევარი საათი გავიდა, სანამ პოლიციას უბნის გაჩითვის აზრმა შეუღიბინა ტვინში და თანაც ჩვენთან ორი სულ მთლად ლაწირაკი ყაყაჩო შემობლაყუნდა, სიცოვისაგან ლოყები ატეკვოდით და ძან ძან მკაცრი სახით გვეკითხებიან: ‘სლაუსის მალაზიაში რა ამბავი იყო, არაფერი გაგიგიათ?’

‘ჩვენ?’ – გავიკვირვე – ‘არა, არაფერი... მოხდა რამე?’

‘მარცვა და ძალადობა. ცოლ-ქმარი საავადმყოფოში მოათავსეს. თქვენ აქ რამდენი ხანია ზიხართ?’

‘ეს ლაპარაკი რაღაც არ მომწონს,’ – ვეუბნები – ‘რაღაც ბინძური ინსინუაციების სუნი მცემს. ძან ძან პროვოკაციული ლაპარაკია, ღიახ.’

აქ კი ეს ჩვენი ბაბუშკები ერთხმად აყიყინდნენ – მართლაცო, ეს რა დაკითხვააო, თუ გინდათ იცოდეთ, ეს მშვენიერი ზრდილი წესიერი ბიჭუნები რახანია აქა სხედან, სულ ჩვენ თვალწინ იყვნენო, ასეთი კარგი სასიამოვნო ახალგაზრდები მეტი არ გვინახავსო და ასე და ამგვარად.

პოლიციამაც წამში უკან დაიხია: ჩვენაო – მოყვნენ თავის მართლებას – ვის რა შეურაცხყოფა მივაყენეთო, მხოლოდ ვიკითხეთო, სამსახური გვაქვს ასეთი, თორემ კი არ გვეხალისებო. ბოლო-ბოლო გატრიალდნენ და წავიდნენ, ოღონდ მანამდე ერთი ძან ძან მკაცრად და გამაფრთხილებლად მაინც გამოგვხედეს. ჩვენ კიდე ტუჩები აუწურუპუნეთ, თან ისე, ჩვენ-ჩვენთვის, ვითომც აქ არაფერი. ოღონდ ცოტათი მაინც გამიბტყდა – აბა რა კაიფია სულ ასე უპრაგონოდ მიდიოდეს რასაც ჩაიფიქრებ, ცოტა ოფლიც ხო უნდა გამოგივიდეს კაცს.

თუმცა, ნაღდი ღამე ჯერ სად იყო.

2.

მალევე წამოვიდით იქიდან და იქვე მოხვეულში ვიღაც ბებერ გატრეტილ ლოთს გადავწყდით, სულ რვიანებით მიბლაყუნობდა ტროტუარზე, ძველისძველ მამაკაპურ რაღაცას ღრიალებდა და *ჰამპ ჰამპ ჰამპ* – შიგადაშიგ ვითომ აკომპანიმენტს აყოლებდა თავის ჩამბალ ჭკუაში. მე რო მკითხო, აი ამაზე გულისამრევი არაფერია – აქოთებული თვალებმიბლექილი ლოთი, ღამის ჩუმ ქუჩაში მთელი გრძნობით რო ბლავის და თანაც კიდე ამისთანა ჩამიჩი. ცალი ხელი ქეჩოში წაუვლე და მეორეთი გემოზე ვდრუზე ყურისძირში, ის კიდე მაინც თავისას უბერავდა: “*კაცი ვარ და ქუდი მხურავს, ქედს არ ვუხრი არაფი-ი-ს...*” მერე ბნელომაც გამოიღო ხელი და ახლა კი ცოტა მოვიდა აზრზე და გამოირთო, მაგრამ უცბად სიმღერიდან ტემპში ჯიჯღინზე გადავიდა: ‘*მოდი შე დამპალო ნაბიჭვარო შენა – მოდი, მაინც არაფერი დამრჩენია ამ ცხოვრებაში და აღარც სიცოცხლე მინდა ამ დამპალ ქვეყანაზე და არც არაფერი!..*’ ამაზე შუსტრად ყურები ვცქვიტე, ბნელო როგორღაც გაუჩერე და ვუბნები: ‘*არა, მაინც რატო აღარ გინდათ, ჰა? ძან-ძან დამპალი რომაა, იმიტო?*’ ხანდახან შეინტერესება კიდეც ეს მამაჩემისხნის ტვინგამოლაყებულები რას ბოდილობენ ხოლმე ცხოვრებაზე და ქვეყანაზე და საერთოდ.

‘*დამპალია და აქოთებული და აბა რა იქნება თქვენისთანა ძალღიშვილები ბებერ კაცს რომ მიადგებიან და აღარც შიში აქვთ და აღარც მორიდება და აღარც არაფერი!*’ – ისე გაკიოდა ვითომ ოხრად ხალხი ედგა წინ, ხელებს აქეთ-იქით იქნედა და იყო ერთ ამბავში. ამ დროს ისეთი გრძნობა მქონდა, თითქო ნაწლავებში უბუყებუებდა რაც ჩახეთქა და ვერ მოენელებინა და ახლა იქაურობას აქოთებდა ეგ ჩემის გადანგრეული, ის კიდე იდგა ქადაგად და თავისას მოთქვამდა: ‘*მოხუცებს მაინც აღარ დაედგომებათ ამ ქვეყანაზე და მეც სულ ფეხებზე მკიდა ისეთი მთვრალი ვარ რაც უნდა მირტყათ მაინც ვერ ვიგრძნობ და თუ სულაც მიმასიკვდილებთ, კიდე მადლობას გეტყვით...*’ ამაზე ცოტა გაგვეცინა მაგრამ არაფერი გვითქვამს, იმან კი ისევ გაუტია, აბა მაგისთანას თავისით რა გააჩერებდა: ‘*კაცი მთვარეზე დაჯდა და ეშმაკმა იცის კიდე სად წავა და მიწაზე კი აირია ყველაფერი, აღარც წესია აღარც კანონი და თქვენისთანა ბანდიტების ხელშია ქვეყანა!..*’ მერე უცებ ტუჩები გამობერა და სწორედ იმისთანა ბუზიკა არ გაუშვა, ჩვენ რომ პოლიციელებს ვუპრუწუნებდით! და მერე ვითომც არაფერი, ისევ ისე მოჰყვა ღნაგილს: “*სამშობლო ჩემო, ლამაზო-ო...*” აბა ამას ვინ გიჟი შეარჩენდა – კედელზე მივაგდეთ და კარგა გემოზე ვთუთქეთ ვიდრე ლუდიანი ნარწყევი არ გადმოუშვა პირიდან. ისეთი საზიზღარი სანახავი იყო, ხელს ვინდა მიაკარებდა – დაძმევება ვაცალეთ და მერე წიხლებით შევდექით, იმდენი ვურტყით ღამის იყო დედის ხსენი ამოუყვანეთ და ის ნარწყევიანი პირი საკუთარი სისხლით კარგად რო გამოირეცხა, მერეღა გავანებეთ თავი.

ბოლო-ბოლო ამ ამბავსაც მოვრჩით და გაუდექით ჩვენ გზას – ჯერ ისევ ნაზი იყო ღამე.

ქალაქის ქსელის სადგურს შემოვუარეთ და ბილი-ბოიც, თავისი ხუთი ბრატკით დაბარებულივით იქ არ დაერჭო? იმ დროს ძმებო, თითო ბრიაყკაში

ოთხ-ხუთ კაცზე მეტი არ გადიოდა და სწორეც იყო: ვთქვით და თაზა მანქანის აწევას მოინდომებდი – ოთხი ზუსტად ჯდება, ექვსზე კი უკვე მთელი ბაზარი იწყებოდა. აი, როცა გრუპავი მიდიოდა უბანი უბანზე, მაშინ ვიყრებოდით ხოლმე მთელი ბატალიონი, მაგრამ ისე ოთხი ყველაზე ნაღდია. ბილიბოიზე რა გითხრათ, მეტსახელად კაკაშკას ვეძახდით და ისეთი ვინმე იყო, მართლა ერთ ნატვრად მქონდა სადმე მიყრუებულში შვეხვედროდი – გაზეთილი სქელი სახე ახალამოყვანილ ყველს მიუგავდა და დაშმოტკილ-ღაზმანულიც სულ ოფლში იხვითქებოდა.

ეტყობა იმათაც დაგვალეფერეს და იმ ძაან ძაან სერიოზულ საქმეს შეეშენენ – ვიდაც გოგოშკას მოათრევდნენ, ცამეტი-თოთხმეტი წლის იქნებოდა, მეტის არა: ბილი-ბოის მისთვის ცალი ხელი გადაგრიხა და მეორე კიდე მის მარჯვენა ხელსა და პირველ ვეზირს – პუსკა ლეოს. საცოდავს კაბა ჯერ ზედ ქონდა, გართობას აწი ეპირებოდნენ და ის კი უკვე ჭყიოდა და ცრემლებად იღვრებოდა და რო გაუშვეს, სულ ოოოო-ს ძახილით მოუსვა, მართო მისი ჩხინკი თეთრი ფეხები დაეღანდე ფანრის ზოლში. ისინი კიდე იდგნენ და გველოდნენ მშვიდად და წყნარად და მივხვდი რაღა დროს მუშტი და ცხვირმაგარი ფეხსაცმელი იყო, ახლა იწყებოდა ღამე, ნაღდი – დანითა და ჯაჭვის ტრიალით, ბრიტვიით და ყველაფრით...

დავიძარით მათკენ ნელა ძალიან ნელა და ხმამაღლა ისე ვიძახი, კაი ხნის უნახავ ძმაკაცს რო წააწყდები სწორედ ისე: ‘ღმერთო კი მომკალი, ნუთუ ეს ჩვენი დედაიმასქნებული გაზეთილი ბებერი ბილიბოია, ფეხსაც რო ვერ ამოადებ გემოზე – რაც არა აქ სად უნდა ამოარტყა მაგ დაყვერილს და ჩემი ბოი-ბიჭი ბილი, იქნება და სულაც უკვე ჩამოგეზარდა კაკლები, ჰა?..’

ხომ გითხარით ექვსნი იყვნენ-მეთქი, მაგრამ ასეთ დროს ჩვენი ბნელო სამს უდრიდა. ერთი-ერთზე იჭრებოდა ხოლმე – ტვინი არ უჭრიდა, ასე ვთქვათ, თორე ქუჩის ჩხუბში მხეცი იყო. წელზე ჯაჭვს იხვევდა ორფად, მოიხსნიდა მერე და ატრიალებდა გიჟურად, მაჯაც რო არ ეღლებოდა და თუ მოსდებდა ვინმეს, მერე მეყოლე ვარდივით... პიტს და ჯორჯის დანები ვვასებოდათ, მე კიდე ჩემი მუღამი მქონდა: ერთი ძველისძველი, ლესვისაგან გალუული სამართებელი – ჩემისთანა გრძელფეხება და ცეპკი ტიპისთვის, თუკი მოხმარა იცის, უკეთესი არ გინდა; ხმარება კიდე თუ ვინმემ იცოდა, მეორეც მე ვიყავი. პირველსავე შეხლახნე, რომელიდაცა რო მებღღვნა ბრიყვეულად, ვუგანე და ზურგიდან ხელუკუღმა დავუსვი წელზე – სუფთად, ნაზად – ხორცს მგონი არც გავკარებოვარ, ხოდა ამ გაქანებული სხვატკის დროს უცებ დუმებმა არ გამოანათეს ბნელში! იმ ჩემისას ისედაც არ მოეკითხებოდა ჭკუა და ახლა მთლად გადაირია, სულელივით დახტოდა აქეთ-იქით, უაზროდ იქნევდა დანას სანამ ბნელოს ჯაჭვის გაწვედნაზე არ აღმოჩნდა და უცებ რაღაცა გველივით გაიკლაკნა ჰაერში სისინით და ზედ თვალეპში მოსდო, წაშში გათიშა და გაისტუმრა ბუჩქებში. აწყობილად ვმუშაობდით, არავითარი გაცოფება და მალე ბილიბოის ჯილა ლეოც მიწაზე ეგდო, კისერზე ჯავმოხვეული, მეორე ბოლო კიდე ბნელოს ეჭირა; მაინც სცადა გაფაფხურება, მაგრამ პიტმა ქუსლი რო ჩააზილა კეფაში, ისიც მოყუჩდა კარგა ხნით.

ახლა კი შეგვეძლო ერთი-ერთზე გავსულიყავით ვის ვისთან მოეპრიანებოდა და მე რა თქმა უნდა ბილიბოი შევიტოვე – მაგის გახვითქული ლაჟღაჟა ბადრიმთვარე სიფათის დილიბოი მქონდა, პეპელასავით ვტანცაობდი მის გარშემო, ერთ მხარეს გადავხტებოდი და მეორე უცბად მეორე მხრიდან ვცდილობდი სახეზე მიმეწვდინა ბრიტვა. იმას გრძელპირიანი დანა ეჭირა, თანაც მარცხენაში, მაგრამ რად გინდა – მძიმე იყო და მოუქნელი, მე კიდე ძმებო, ერთ რამედ მიღირდა ეს კოჭლი ვალსი: *მარცხნივ* და *ორი-სამი*, *მარჯვნივ* და *ორი-სამი* – ჯერ ერთ ყვრიმალზე დავუსვი, მეორე მეორეზეც მივწვდი და იფეთქა სისხლმა, შავწითელ ფარდებად დაეშვა მის პუტკუნა გაზინზლულ ლოყებზე და მენდეთ ძმებო, სულ სხვა გემო ქონდა ამას მთვარის შუქზე! ეს დათვი ბილიბოი კიდე ვითომც არაფერი, ისევ მოიწვედა წინგაშვერილი დანიანი ცაციათი და ისევ იმას ცდილობდა როგორმე ნეკნებში ეტაკებინა წვერი.

უცებ პოლიციის მანქანის სირენა ჩაირთო, მეორე მეორე... იმ მტირალა გოგოშკამ თუ ჩაგვიშვა – იქვე შენობის წინ ავტომატი იდგა, გვიანდა მოვიანრე. ბილიბოი და ძმანი მისნი წამსვე გატრიალდნენ და უკანმოუხედავად დაგაზეს, მიწაზე დაგდებული მოღულუნე ლეო არც გახსენებიათ. ‘გულს ნუ გაიტეხ, ბილიბოთე! როდისმე მაინც ისე გამოგფაშვავ, წვეთი ზეთი არ შეგერჩება!’ – მივაძახე და ჩვენც საპირისპირო მხარეს აუღდეთ.

ბვერიც არ გვირბენია, ის იყო მოკლეზე ჩავჭვრით სანაპიროსკენ რომ სირენების ხმამ სხვა მხარეს გაუტია. ახლა რაღაც ჩაბნელებულ შუკაში მოვხვდით, აქეთ-იქიდან ორი მაღლივი კორპუსი დაყუდებულიყო მთასავით და ყოველ ბინაში თითო ცისფერი წერტილი ციმციმებდა: ამ ღამით **მსოფლიო არხზე** იქნებოდა ყველა გადართული, რაღაც ტელესპუტნიკი აქვთ გაშვებული და იქიდან თურმე დედამიწის ლუბოი წერტილში შეგიძლია ამ პროგრამის მიღება მაგრამ რად გინდა, ისევ ის ბრიყვი კომიკი იქნება ან რამე იდიოტური თოქ-შოუ, წამყვანი საკუთარი სიტუტუციით რო ტკებება ან ვინმე ახალი შხვართი ნეკრიტოსი – საშუალო კლასის საშუალო გაგების საშუალო ფანტაზიის მქონე მაყურებლის სათოხლავი... სირენების ხმა აღარ ისმოდა და ჩვენც წყნარად მივალაჯვბდით, მარტო საბრალო ბნელოს მოელრიცა კისერი ზემოთ ყურებით – პატარა ბავშვს რო პირველად დაანახებ ღამის ცას და ვარსკვლავებს და მთვარეს, სწორედ ისე. მეორე უცებ დააბრეხვა, შეუმხადებლად: ‘ნეტა იქ თუ არი რამე?..’

ამის გაგონებაზე კინაღამ გავგორდით, მეორე ერთი წავუთაწე და ვეუბნები: ‘წამო შე მართლა ბნელო, წინა თვის გახეთში არ ეწერა – იქაც ისეთივე ხალხი ცხოვრობს როგორიც აქ დაბლა და იქაც ისეთივე ქაქია და დანების ტრიალი ხანდახანო. ჩვენ კი ძმაო, ჯობია ჩვენ თავს მივხედოთ, არავის დავეკარგოთ ამ ღამეში’. მაგრამ ბნელომ ჯერ რაღაც ძაან სერიოზულად შემომხედა და მეორე ისევ ააღირა თავი. სულ დაიცენტრა-მეთქი, ჩავულაპარაკე ჯორჯი-ბოჭს და წავედით, აქეთ-იქიდან კიდე **მსოფლიო არხის** წამყვანის ქაქანი მიგვაცილებდა.

მაღე მარშალ-პლეისზე გამოვედით – შორიდანვე მივხვდი, იმ ვილაც ჩექმებიანი ულვაშა მასტის ბრინჯაოს ფიგურა რო წამოგვეყუდა. ახლა ერთი მან-

ქანა გეჭირდებოდა საგულაოდ და ძველისძველ ჩაფეხვილ ფილმოდრომს მივად-
ექით. ხალხის სიმრავლე და დიდი არჩევანი რო არ იქნებოდა, ისედაც ვიცოდით
– ვინდა დადიოდა იქ ჩვენისთანა ბიჭების გარდა, ისიც შესაკეთის გასაშანსავად
ანდა ვინმე გოგოსთან პატარა საშმაშუნოდ ბნელში. აფიშაზე ყველაფერი გასაგები
იყო – ისევ ოშზე და ჩვენი მტრების პოდლობებზე, ბახაბუხი და ერთი ამბავი და რა
თქმა უნდა, მამადმერთი მთავარი გმირის მხარეზე და ანგელოზები ბნელეთის მო-
ციქულთა წინააღმდეგ...

რაც იქ მანქანები იდგა, ხელის გასვრად არც ერთი არ ღირდა, მაგრამ
ბოლოს ჩინში შეყენებული “დურანგო-95” დავლანდეთ და იმას კიდევ არა უშავდა.
ჯორჯი-ბიჭმა გასაღებების ასხმა დააძრო და წუთში ოთხივე შიგ ვიჯექით, ოღონდ
პიტი და ბნელო უკან – დიდკაცურად უყვარდათ ხოლმე გაფუილება. მე კიდევ მოკ-
ლეზე შევეურთე და რბილად, ნელა გამოვიყვანე ზადნით და მერე მოვწყვიტე ადგ-
ილიდან, კაციშვილს არ დაუუნახივართ.

ერთხანს გარეუბანში ვიტრიალეთ, მოხუცებს ვაფროთხობდით
გადასასვლელებზე და ვილაც აზიატს მგონი ინფარქტიც ავკიდეთ, მერე კატებს და
ძაღვებს დაგვედით, მაგრამ ერთიც ვერ გავიტანეთ. ტრასაზე რო გავედით, დიდი
არაფერი მოძრაობა იყო და გაზიდან ფეხი არ ამიღია, ეს ჩვენი “დურანგო” კიდევ
მაკარონივით ჭამდა გზას და სულ მალე ქალაქგარეთ რომელიღაც კოტეჯებიან
დასახლებაში ამოყვავით თავი. ბოლოს რაღაც მაინც გავიტანე, კბილებდაკრეჭილი,
მგონი ფინია იყო, კარგად ვერ გავარჩიე სინქარეში. მერე ხის ძირას გოგო-ბიჭს
ვკიდეთ თვალი, დიდი ხვევნა-პროშტანა ქონდათ გამართული. მანქანა მოვატრიალე,
გზიდან გადავედი და ზედ მივაგდე. გადმოსვლა ვერ მოვასწარი, ისეთი დაფეთე-
ბულები გავარდნენ და დაწვეის თავი ვილას ქონდა, გავიფხრიწეთ სიცილით.

ახლა პატარა მოულოდნელი სტუმრობის ამბავიც არ გვაწყენდა სადმე მო-
ტეხილ სახლში, მაგარი გრიალით და მერე, თუკი ივარგებდა რამედ, დიასახლისის
მიმყობაზეც არ ვიტყოდით უარს. ხოდა ბოლოში, სულ ცალკე, ერთი კოხტა
კოტეჯი იდგა, წინ კარგი მოვლილი გაზონით და ჭიშკარზე კიდევ (არა, მოფიქრება
არ გინდა?) ყოვლად ბრიყვული წარწერით – *სამეურდრო*. ჯერ მე გადავედი მან-
ქანიდან, ბიჭებს ვუთხარი მოყუჩებულიყვენ და ეზოში შევედი. არც ძაღლი ყავდათ,
არც არაფერი. კარზე დაუაკაკუნე და ხმა არავინ გამცა, მერე ზარი მოვძებნე და
ორჯერ დაურეკე ზედიზედ. ახლა კი ფეხის ხმა გავიგონე, კარი პატარაზე გამოიღო
და ვხედავ – ჯაჭვზეა და ვილაცა, ახალგაზრდა ქალი უნდა იყოს, მეკითხება: ‘რა
გნებაუთ?’ სტუმრებს ნაღდად არ ელოდნენ და მეც ძაან ძაან დაყენებული ხმით
ვეუბნები:

‘დიდ ბოდიშს მოგიხდით ქალბატონო, უდროო დროს კი გაწუხებთ მაგრამ
სტუმარ კაცს ვაცილებდი და უცაბედად შეუძლოდ გახდა, მგონი გულის ამბავია,
იქნება სასწრაფო გამომამახებონო...’

‘ტელეფონი არ გვიდგას...’ – რაღაც ეჭვიანად მეუბნება – ‘გზისპირა
სახლებში აქვთ მხოლოდ’.

კოტეჯის შიგნიდან კლაპ კლაპ კლაპკლაპ კლაპ რაღაც ხმები გამოდიოდა, ალბათ საბეჭდ მანქანაზე თუ უკაკუნებდა ვიღაცა და უცბად კაკუნი შეწყდა და კაცის ხმამ გამოსძახა: ‘რაო, ვის გაუახსენდით?’

‘ღვთის გულისათვის,’ – ვეუბნები – ‘სანამ იქ ჩავიბრუნდე იქნება ჭიქა წყალი მაინც მომაწოდოთ – ასე გულწასული როგორ დავტოვო!..’

ჯერ რაღაც ჭოჭმანობდა თითქოს, მერე ‘მოიცადეთო’ მითხრა და ეტყობა სამზარეულოში გავიდა, კარი არც ჩაუკეტავს, ჯაჭვზე დატოვა – ერთ რამედ ღირს როცა კარგად და წესიერად ლაპარაკი შეგიძლია და თუ არაფერი შეგეძალა წუთში შეაბამ ვისაც გინდა, თორე ისე აბა რომელი სინატრას ნამღერი ღამის უცნობი მე ვიყავი, ცოტა უფრო ფხიზლად არ ყოფილიყო.

ბიჭებს კანიშნე და ჩუმად გადმოლაგდნენ მანქანიდან, ნიღბები გაიკეთეს და ზურგში ამომიდგნენ, მეც კიდე ჩემი ჩამოვიფხატე, მერე ბრიტვის ტარი ფრთხილად შევაცურე ღრიჭოში, ჯაჭვი ავხსენი და ოთხივენი ყეფა-კნავილით შევჯლივინდით შიგნით. მშენიერი ბუდე იყო, გემოზე მოწყობილი და შუა ოთახში ის ქალი იდგა, კამფეტკა, აცქვეტილი მკერდით, ხელში ჭიქით წყალი ეჭირა და ვიფიქრე არა უშავს, მოსასულიერებლად მართლა გამოადგება-მეთქი. კუთხეში კიდე მაგიდასთან სათვალეებიანი კლიენტი უჯდა საბეჭდ მანქანას და გარშემო გროვა ქაღალდები ეყარა. ეს უკვე სულ სხვა ინტელიგენტის რამე ტიპი იყო – წინა ჯერზე უბრალო მკითხველს მოვდეთ, ახლა კი ნამდვილი მწერალი არ დაგვეჩიოთ! იმან კიდე ძაან ძაან შეჭმუნხა ‘შუბლი და გვეუბნება: ‘ეს რა აბავია? როგორ ბედავთ სხვის სახლში ასე შემოგარდნას!’ თვითონ კიდე ხმაც უკანკალებს და ცოტა ხელებიც. ხოდა მეც ვეუბნები: ‘რაის გეშინია ბრატ, რაზე ავარდი? თუ რამ უკეთური გრძნობა გიდევს ჩვენს მიმართ გულში, ძმურად გთხოვ – ტემპში ამოიგდე და შორს მოისროლე!’ ჯორჯი და პიტო უკვე სამზარეულოში ფოთილობდნენ, ეს ბნელო კი იდგა ვითომ ჩესტზე და იმ ქალს მიშტერებოდა, ყლიყვი ევა.

‘რა არის ეს?’ – კკითხულობ ხმამაღლა და სებჭდ მანქანიდან ფურცელს ვაძრობ.

‘მეც სწორედ მაგას გეკითხებით – რ ა ა რ ი ს ე ს? გაეთრიეთ აქედან, სანამ პოლიციეს გამოუძახებდე!’ ამაზე პ.ბ. შელი-ბნელომ ერთი კი ჩაიფრუტუნა მაგრამ ქუშად გაუხედე და ისევ გაიჯგომა.

‘წიგნი უნდა იყოს, ასე მგონია’, – გაავარძელე დინჯად. – ‘და ამა წიგნს თქვენ წერთ. მუდამ ღრმა მოწინებით ვიმსჭვალეობოდი ხოლმე იმ ხალხის მიმართ, წიგნების წერა რომ შეუძლიათ, ნამდვილად’. მერე უკვე დაბეჭდილი ფურცლების დასტას დაეხედე და სათაურმა გამაკვირვა: **მმქანიკური ფორმოხალი** – ეწერა ზედ. ‘ძაან, ძაან უაზრო სათაურია’, – ვეუბნები, – ‘ნამდვილად. ბარემ დასაქოქი ფორთოხალი დაგერქმიათ’.

მერე ხელში რომ მეჭირა, იმ ფურცლიდან დავიწყე კითხვა – ხმამაღლა, ქადაგებასავით მძიმედ და საზეიმოდ: *‘... ყოველგვარი მცდელობა, თავს მოგახვიოთ ადამიანს – არსებას მზარდსა და ღვთის ბაგეებზე სიტკბოების შესაძლო მომტანს – თავს მოგახვიოთ-მეთქი კანონები და ის პირობები, მექანიკური ქმნილებისათვის რომ უფროა შესაფერისი, ამის წინააღმდეგ მიემართავ მე კალამს – ჩემს ერთადერთ მახვილს ...’* ოღონდ ეს უკვე ჩემთვისაც მეტისმეტი იყო, ბნელოს კიდე რაღა გააჩერებდა, იქვე ჩაჯდა და მორთო პრუწუნი. სხვა რა დამრჩენოდა, დავიწყე თითო-თითოდ, ფურცელ-ფურცელ ხევა და ფხრეწა და ფეხით ტაქტს ვაყოლებდი ბნელოს პრუწუნს და ქალაღდის ფხრაწანის ხმას. ეს ჩემის მწერალი კი მთლად უსმენო აღმოჩნდა, გიჟივით მეცა და მთელი კონცერტი ჩაგვიშალა და დაისაჯა კიდევ: შიგ კაკალგულში ნაწყენმა ბნელომ ჯერ კარგად მოსდო გვერდიდან, მერე ერთი-ორი პირდაპირიც დაუქანაუა ცხვირპირში და ხხრრაჭ – წასკდა ღვინოწითელი ძმარი ჩვენ ძმა მწერალს და აფრქვია მშვენიერ ნაზ ხალიჩას და ქალაღდის თეთრ ნაგლეჯებს წითელ წვეთებად!

მთელი ეს ხანი მისი ტურფა გაყინულივით იდგა, მარტო მაშინ წამოიხავლა რაღაცა, ბნელომ რო მუშტები აამუშავა და სწორედ ამ დროს პიტი და ჯორჯიც გამოჩნდნენ, ორივე მადიანად ილუკებოდა და ერთს მგონი შემწვარი ბარკალი დაეთრია და მეორეს კიდე კრემიანი ნამცხვარი. აი ამასაც ვერ ვიტან – ბაცნებივით რო იქცევიან ხოლმე და ან რა თოხლაობა აუტყდათ, თან ეს თითების კრემით გაწეპვა და ხორცის კბილებით გლეჯა რაღა უბედურებაა. გვეოთ თქვლეფა, – ვეუბნები – და ეს კაცი ისე დასვით ვეელაფერს ხედავდეს და არც ხელი არ შეგვიშალოს-მეთქი. მწერალს ჩამსხვრეული სათვალე ცალ ყუნწზე ეკიდა და სახე კიდე მართლა მწიფე დაბეჟილ ფორთოხალს მიუგავდა. ‘კარგი ხარ ბნელო, – ვეუბნები, – ახლა ერთი ეს მძიმე საქმეც დაგვრჩა მოსალევი და ღმერთმა მოგვცეს გამარჯვება’. ხოდა ბნელო იმ ქალს ეცა, მაგრა დაითრია და ძან მოხერხებულად წაკუზა დივანზე. ჩემთვის მოსახერხებლად-მეთქი, უნდა მეთქვა – თორემ თვითონ ისე დათვურად გადაუგრიხა ხელები, ლამის სახსარში ამოუგდო, ის კიდე გემრიელად კიოდა ოთხმეოთხედზე და ბიჭებიც ვითომ მოთქმით აყოლებდნენ, მეც ბრიტვიტ ტაქტში ნელა დაუჭერი კაბა, ჯერ ქვევით მერე ზევით და ფეხებიც მშვენიერი გამოაჩნდა და კერტები ხომ მკვრივი მკვრივი უკეთესი არ გინდა, მთლად გოგოშკასი და მერე ჩაიხსენი ნელა, აუჩქარებლად და თან ერთი ხმაც კიდე შემოგვემატა – ის ჩვენი ძმა რაღაცის მწერალიც ცხვირპირდათუთქვილი ბლარდა და მაინც კიდე იქაჩებოდა მაგრამ ჯორჯი და პიტი იქ არ იყვნენ და რო შევუდე, მთელი ოქტავით მაღლა ავარდა უცბად სოპრანო...

ჩემსას მოგრჩი და მერე ბნელოს ჯერიც დადგა და თავპატიჟი არ გაუდვია, ჩემი დახმარებაც კი არ დაჭირვებია მაგ ბეჰემოსთს. მერე ადგილები გაცვალეთ – მე და ბნელო მწერალს დაუდექით, თუმცა უკვე აღარაფრის თავი აღარ ქონდა და მარტო რაღაც ბინძურ სიტყვებს ჩლიფინებდა ჩამტვრეული კბილებიდან და ბოდილობდა რაღაცას თითქო თვითონაც რძისბარში ეგულაუა კარგად და ახლა ჯორჯო და პიტი შეუდგნენ მუყაითად საქმეს.

ბოლო-ბოლო დაჟმუშდით მაგრამ თითქო რაღაც ბოღმა და ზიზღიც შე-
მოგვაწვა უცებ და დავერიეთ რაც კი რამ დასამტკვრევი იყო, არაფერი გადაგვირჩა
მგონი და ბნელომ კიდე მაინც თავისი ქნა და ბუხარში მოშარდა – ასე დანთებულს
ვერ დაეტოვებ, ხანძარი იცისო და ერთი პირობა ხალიჩაზეც აპირებდა ჩაჯდომას
– ამდენი ქაღალდი ყრია უხმარიო ოღონდ მე აუყვებოდი, მორჩი ბახარს და საძა-
გლობებს-მეთქი და კარში გავცვიფდით ყველანი. მწერალი და მისი ქალი იატაკზე
ყვარენ უძრავად, მაგრამ ეგ არაფერი – ცოცხლები ხომ იყვენ.

3.

მანქანაში ჩავეყარენით და ახლა მე დავეჯექი უკან – რაღაც გადალილიად
ვეგრძნობდი თავს, ამდენი დავიდარაბის მერე. საჭეს ჯორჯი-ბიჭი მიუჯდა და გაუ-
ბერეთ ქალაქისაკენ, გზადაგზა კიდე ორ-სამ რაღაც პატარა ცხოველს გა-
დაუუარეთ, მაგრამ მარცხი არაფერი მიგვესვლია. ეგ იყო, ზედ სანაპიროზე ბენზინს
დაენძრა, ჩვენმა “დურანგომ” ერთი ჭლექიანოვით ჩაახველა და გაჩერდა. ახლა
საქმე ის იყო, იქვე დაგვეგდო და ტრანსპორტზე გადავძვდარიყავით თუ არ
დაგვეზარა და პირდაპირ მდინარეში გადაგვეშვა კარგი გემრიელი ტყაპანის
გასაგონად. ეგ მაინც უკეთესი ვარიანტი იყო და სიჩქარიდან ამოვადეთ, ცხვირი
მოაჯირისკენ ვუქქენით და მერე მივაწექით ოთხივე, იქ პატარა დაქანებაც იყო და
შედღლიზა პარაპეტი და ლამაზად, შხლაპანით ჩაეშვა დიდი ქალაქის ნარეცხით
აყროლებულ წყალში. ‘კარგად, ჩვენი ძმა!’ – მიამაზა ჯორჯიმ და იქით წავედით,
მეტროს წარწერა რომ ციმციმებდა. იქ კი უკვე ყველანი წესიერად ვიქცეოდით,
ბილეთებიც ავიღეთ და ბნელოს იმდენი ხურდა ფული მორჩა, სათამაშო ავტო-
მატებიდან ერთი არ გამოგვიტოვებია და ღარიბ-ღატაკთა და მათხოვართა გასაკ-
ითხნადაც კი გვეყოფოდა, მაგრამ ამ დროს ასეთ მიგდებულ სადგურზე სანთლით
რო ეძებო, ერთსაც ვერ იპოვი.

მალე ვავონიც ჩამოვდა, კაციშვილი არ იყო შიგ და მთელი სამნახევარი
წუთი რა უნდა გვეკეთებინა, მივდექით და სახელმწიფო ქონებას ვანიავებდით –
ცოტა სკამები დავეჭვრით, პიტმა სახელური მოაძრო რაღაცას, ბნელომ თავისი
ჯაჭვი მოსდო ფანჯარას და ნატეხებმა გემრიელად გაიელვეს გარეთ, სიბნელებში,
მაგრამ ასეთი შინაარსიანი გვიანი საღამოს მერე ცოტა გადავიწვით ეტყობა და
თავი დიდად აღარ გამოგვიდვია. მარტო ბნელო დახტოდა აქეთ-იქით და
ჭყვიტიინებდა აჩაჩულ-დაჩაჩული და სახეგაოფლილი და ყველაზე უფრო სწორედ
ეს მაღიზიანებდა ხოლმე, ძმებო.

ცენტრში ამოვედით და ისევ “ფაქიზოში” ვდურთეთ თავი, თუმცა ყველას
უკვე ნანუნები გვეპარებოდა და შიგადაშიგ კიდევ ვამთქნარებდითსავით – ეს დი-
ლაუთენია ადგომები და სკოლა იყო რო გვესპობდა მოზარდებს. ხალხი ახლა აქ
კიდე მეტი იყო, ის ჩვენი გათიშულიც იქვე იჯდა, ოღონდ უკვე აღარაფერს აღარ
დუდლუნებდა – მთლად გადაფითრებოდა სახე და გამოიმეტყველებაც კაცის კი
არა, ნივთის ქონდა, ღმერთმანი უკვე მესამე თუ მეოთხე კრუგზე იქნებოდა

გასული და ამდენხანს თუ აპირებდა გაღმა ყოფნას, ერჩივნა ცალკე კაბინა აედო – ასეთ ადგილას კუნძოვით რო დაეუდებო, რა იცი რამდენი ოხერია – ან ჯიბეს ამოგისუფთავებს ვინმე ან უარესსაც გიზამს. დიდი კი არაფერი, ჰა და ჰა ერთი წაგითაქონ და სკამიდან მაგიდის ქვეშ გიკრან თავი – ფეხების შესაწყობად; ნამდვილ გართობას კი არ დაგანებებენ – ყველამ იცოდა, ასეთ ბარებში ორი-სამი ოფლოყი ყოველთვის იჯდა სადმე და ფულსაც სწორედ იმაში უხდიდნენ, არეულობა არაფერი მომხდარიყო. ბნელომაც მხოლოდ ერთი დღლიზა გვერდში, კედელთან მიაგლო და მის ადგილზე დაეძინევა ხვნეშით, მაგრამ იმას რა – სული და სხეული გაყოფილი ქონდა და ყველა შეგრძნებები კიდე ცალკე ედო...

ტინეიჯერები უკვე ყველა გაკრეფილიყო ბარიდან, ახლა უფრო ვზროსლი ხალხი უჯდა მაგიდებს და ჩაცმულობაზე ეტყობოდათ მსახიობები უნდა ყოფილიყვნენ – ტელესტუდიაც აქვე იყო, კუთხეში. ქალებს ცოცხალი, რაღაცნაირად მეტყველი სახეები ქონდათ, კარგად დაღებილი ტუჩები და ყოველ გაცივებაზე ჩაწიკწიკებულ კიჭებს აჩენდნენ და ფეხს ფეხზე ისე გადაიდებდნენ ხოლმე, თვალი ზედ დაგრჩებოდა. ლაპარაკობდნენ, დაობდნენ რაღაცაზე და ღმერთმანი ძმებო, ეს ბილწი დამპალი სამყარო სულ არ ადარდებდათ. ამ დროს დისკიც ჩათავდა (ჯონი ჟივაგო დაგეჩხაოდა თავის რაღაცაიმისგამო დაკარგულ სიყვარულზე) და სანამ ავტომატი ახალს გაუშვებდა, უცვებ ჩამოვარდნილ სიჩუქეში ყველამ დაუწია ხმას და ერთმა ქალმა – ისიც მსახიობებში იჯდა – რაღაც წაილიღინა თითქოს მაგალითისთვის, თითქოს რაზეც ლაპარაკობდნენ იმაში ჩართო, სულ ტაქტნახევარი იქნებოდა მაგრამ ძმებო, ესეც მეტი იყო ჩემთვის – თითქოს რაღაც უცხო ჩიტი შემოფრინდა რძისბარში და მე კი დამბურძვლა და ხვლიკებმა დამირბინეს ზურგზე: ფრიდრიჰ გიტერფენსტერის ოპერიდან იყო – Das Bettzeug* ქვია და სწორედ ის ადგილი ძმებო, ყელგამოღადრული რომ ხრიალებს სიკვდილის წინ – 'ჩემივე ბედის შესახვედრად...'

მაგრამ კაცს რო ბნელოს შეგარქმევენ რა მოგეკითხება, მუსიკა და ხმაური მაგისთვის ერთი იყო და უხმაურო მუსიკა კიდე – უმი ხორცი. ხოდა ამ ბრიყვს რო თავისი არ ექნა ისე რა გააჩერებდა და წამოხტა, მოპრუწა ტუჩები, თვალები მიბლიტა, ხელები დაიწყო მკერდზე და ვითომ გრძნობებში გადავარდნილი ახვიხვინდა ცხენივით. მერე პირგახეული და ძან ძან კმყოფილი დაებერტყა ადგილზე. აი მაშინ მეგონა სიცხე მომცა-მეთქი, თვალებში სულ სისხლისფერი ფილტრები ჩამიდგა და ვეუხნები ხმადაბლა, წყნარად: 'ბრიყვო, დამპალო ბრიყვო ნაბიჭვარო...' მერე გადავიხარე და მოკლეზე მივაკერე ტუჩებში. გონზე ვერ მოვიდა, ისევე გახეული დარჩა პირი და სისხლი მოიწმინდა მარტო და ხელზე რო დაიხედა მთლად გამოქლიავდა და დებილივით მეკითხება – 'რატო?..' ბევრს არავის დაუნახავს რაც ვქენი და თუ ვინმემ თვალი შემასწრო რაში ადარდებდათ. ამასობაში მუსიკა ჩაირთო ისევე და ახლა ელექტროგიტარების ჟღიასს მიქონდა იქაურობა. 'იმიტო და ამიტო. ბრიყვი ხარ და გაუზრდელი და ხალხში გვარცხვენ,' – ვეუხნები – 'ასეა ძმაო ჩემო და კი ნუ გეწყინება'. ბნელომ კიდე თვალები მოწკურა და

*საბან-გობანი, ანუ – ლოგინის აქსესუარები იგულისხმება.

ავად ისე წაიბურტყუნა: ‘არაფერი შენი ძმა მე აღარავარ და არც ვიქნები. მეყო’. თან ცხვირსახოცით იწმენდა სისხლს და ცოტა გაკვირვებული დაყურებდა თითქო მისი კი არა ვილაც სხვისი იყო. იმ ქალს კიდე არაფერი შეუძმნევია, მგონი არცკი გაუგია არაფერი და კაცმა რო თქვას, მართო მე დამათხლიშა ნერვები ამ ბრიყვმა. ‘ჰოდა ძალიანაც კარგი თუ გეყო’, – ვეუბნები – ‘აწი დაიმახსოვრებ და ძმობაზე კიდე სხვა დროს ვისპოროთ’. და უცებ ჯორჯი-ბიჭი არ გამოვიდა სიტყვაში? თან რაღაც ისე უცნაურად თქვა, სხვანაირად, ტემპში მისკენ შევტრიალდი: ‘კარგი, არ გვინდა ახლა...’.

‘დაიცა,’ – ვეუბნები – ‘ჯერ გავარკვიოთ. მთელი ეს ამბავი ბნელომ ატეხა და ხო არ შეიძლება მთელი ცხოვრება ბავშვივით ველოლიავოთ. კაცი რო რამეს მიქარავს თუნდაც პატარას და უჭკუოდ და ძმაკაცს რაღაცაში გაუტეხავს, ცოტა მაინც უნდა მოხედეს. და მიხედეს’. ბნელო კიდე ისევ სისხლს იწმენდს და თავისას ბურტყუნებს, ოღონდ უკვე ხმამაღლა და მოურიდებლად: ‘არა, მაინც რასაა რო პრიკაზობს და მირტყამს, რა მაგის შესტიორკა მე ვარ... ერთი თუ მოვდე ჯაჭვი, მერე მეყოლოს!..’

‘ცოტა ფრთხილად ძმაო’, – ვეუბნები – ‘სიტყვებს არჩევა უნდა ძმაო, მაშ’.

‘მაშ მაშ, სულ შენ ჭკუაზე ვივლი და ხმას როგორ ამოვიდებ და როცა გინდა მაშინ მომდებ შენმა შხემ! პრიინაზე თუ წავიდა სწორედ მე მაქ და როცა გინდა, გინდა დანით გინდა ბრიტვით და გინდა ჯაჭვით საცა გინდა და მერე ვილაპარაკოთ!’

‘დანა იყოს,’ – ვეუბნები შემპარავად – ‘როცა შენ იტყვი.’

აქ კიდე პიტი ჩაერია და ალბათ დროზეც: ‘მაიცათ ახლა, ეს რა ლაპარაკია – დაცხებთ აქ ერთმანეთს და მერე სხვების საღადაო გავხლებით... აზრზე მოდით, უკვე ისედაც ლეუად გვიყურებენ’.

‘ყველამ თავისი ადგილი უნდა იცოდეს,’ – ვეუბნები – ‘სწორა?’

‘დაიცადაიცა,’ – ისევ ჩაერთო ჯორჯი-ბიჭი – ‘ეს რაღაც ახალია. პირველად მესმის ეს რაღაცა ადგილებზე დასმა’.

‘იცი რა, ალექს,’ – ახლა პიტი მეუბნება – ‘მეც ძან გამიკვირდა. სადაური წესია ასე გამეტებით ურტყა მეგობარს და თანაც ხალხში. იქნება და მართლა შეეშალა რაღაცა და ძან გაგიტყდა, მაგრამ მაინც... ხომ იცი ყველა ამბავში პატავს გცემ მაგრამ ჩვენში იყოს და ეგ რო ჩემთვის გექნა, მე ლიწად არ შეგარჩენდი... ეს ისე, სიტყვაზე ვამბობ’. – თქვა და ცხვირპირი ისევ რძიან ჭიქაში ღურთა.

უკვე ვგრძნობდი ბოლმა მაწუებოდა მაგრამ არ მინდოდა შემემჩნია და წყნარად ისე ვეკითხები: ‘ჩვენ ამბავში დისციპლინაა მთავარი, ეგრა?’ ერთს არ გაუღია ხმა, თავიც კი არავის დაუქნევია. ახლა უფრო გავლიზიანდი და კიდე უფრო წყნარად და მშვიდად ვეკითხები: ‘ყველანი ძმაკაცები ვართ მაგრამ ვილაცა

უნდა უფროსობდეს ბრიაჟკაში, ვიღაცის სიტყვა უნდა გადიოდეს – ულაპარაკოდ, სწორეა? სწორე ვარ-მეთქი?’ ერთმა თავი დამიქნია თითქოს, მეორემ თითქოს მეთანხმებაო დაიდუღღუნა რაღაცა და უცებ ბნელომ თქვა დაწყობილად და გასაგებად:

‘ეგრეა, სწორე ხარ. დღეს ცოტა ზედმეტი მოიგვივიდა და გადავიღალეთ ეტყობა. მოვრჩეთ ბაზარს. ახლა ნანუნები გვინდა და ხვალ ყველაფერი კარგად იქნება’.

ამაზე კი ატყბეს ორივემ თავების კანტური და შვევით ამოისუნთქეს, მაგრამ მე ძაან გამიკვირდა და სიმართლე გითხრაო, მაგრა დამაეჭვა ბნელოს ამ უცაბედად დაბრძენებამ.

‘უნდა გამიგო ბნელო,’ – ვეუბნები, – ‘გიჟი ვხდები ხოლმე ვინმე რო მუსიკის დროს ჩაერთვება. ავიწევი ხოლმე ჭკუიდან’.

‘კარგი, გვეყო ხალა ამაზე. ერთი თიში ძილი გვინდა ახლა ყველას’.

იმ ორმაც ისევ დააკანტურეს თავები, ნამდვილად გვინდაო.

‘აბა ავიბარგეთ. ხანდახან ბნელოც იტყვის ჭკვიანურს... თუ დღისით-მზისით ჩვენი გზები არსად შეიყარა ძმებო, ხვალ იმავე დროს და იმავე ალაგას ვიკრიბებით, მოსულა?’

‘მე ლიჩნად მაწყობს,’ – თქვა ჯორჯმა. პიტმა ისევ თავი დააქნია მხოლოდ.

‘თუ შემაგვიანდა,’ – თქვა ბნელომ – ‘პირველი-მეორეზე გაითვალეთ და სანამ ბოლოში გახვალთ კიდე მოგისწრებთ. თუ ვინმე მომღერალი გოგო ნახოთ სადმე, თქვენ იცით, არ გაუშვათ ხელიდან!’ – თქვა და აროხროხდა, ეტყობა საკუთარი იაზვობით ძაან ნაამები.

ჩვენც დავიძალეთ, ყველა თავ-თავის მხარეს წავიდა და მე კიდე კონსტიტუციის აღმართს შევუყევი. იქ, სულ ბოლოში, მოსახვევთან, ის ყლინჯი მაღლივი შენობა იდგა – #18^ა, სადაც ჩემები ცხოვრობდნენ. ყოველი შემთხვევისათვის სამართებელი გახსნილი მედო ჯიბეში – რა იცი ბილიბოის შაიკიდან არ გადავფროდი ვინმეს, ან რომელიმე გრუპას რამე ვერ გაეყო და ზედ ჩემი სახლის წინ არ გაემართა ბოი... სიწყნარე იყო, მარტო ვიღაც პუჭურა ეგდო იქვე კუთხეში, კარგა მაგრა დასერილი და წკმუტუნებდა. იქვე კიდე ქალის დაფხრეწილი საცვლები ეყარა, ეტყობა ცხელ გულზე წაეგლოთ ვიღაცისთვის ხელი.

სადარბაზო ფართო გვექონდა, ძაან ფართო, კაცმა არ იცის რისთვის. კედლები კიდე სულ ფრესკებით მოეხატათ, ქალაქის საბჭოს დაკვეთით: ჩამოსხმულტანიანი შიშლიკანა ქალები და კაცები – ასე ვთქვათ, ანტიკური ქანდაკებე-

ბის სტილში, დაზგებთან თუ რაღაც სამეურნეო მანქანებთან ამაყად მდგომნი, ძაან შემართულები, სფინქსებით იყურებოდნენ სადღაც მოუსავლეთში. ოღონდ ამაღლებული ხელოვნების ამ დაუცველ ნიმუშებს უკვე დატყობოდა არასრულწლოვანი ვანდალების ხელი: ფლომასტერებით და აეროზოლის ბალონებით ფეხებშორის რა არ მიედლაბნათ, კაცებისთვის უღვაშები მიეხატათ, ქალების გაწვდილ ხელებში ხო რაღა არ ჩაედოთ ვითომ; ყოველგვარ ბინძურ და გარყვნილ წარწერებს კიდე, ვითომც მათი ვაჟკაცურად და მთელი შეგნებით მოკუმული ტუჩებიდან რომ გამოდიოდა, თვლა არ ქონდა – საათის ნახევარი მაინც დაგჭირდებოდა ყველას წასაკითხად.

ლიფტში აღარც შევსულვარ – ვიღაცა ემჯეპეს რკინის კარი ჩამოედო და იქაურობა ერთიანად დაებარდაგებინა. ღმერთმანი, ხალხს საქმე არა აქ. დაღლილ-დაქანცული და ნერვებმოშლილი ავბლაყუნდი მეთაუ სართულზე და ახლა მართო მუსიკა თუ გამისწორებდა ხასიათს, თვალწინ სულ ის არტისტკა მედგა, რძისბარში რომ წაიღიღინა. ეტყობა იმან ამაგდო და ძმებო, მე ახლა გრძნობების ღრეობა მენატრებოდა და ვერც მოვიკლებდი ამ სიამოვნებას, ვიდრე ძილისგულა მორფეუსი არ ჩამირტყამდა ბეჭედს მის საუფლოში გადასასვლელად.

გასაღები ჩემი მქონდა და მუდამ უხმაუროდ შევდიოდი ჩვენს წყნარ, დაწუკწუკებულ ბინაში. დედა-მამა ამ დროს შუა სიზმრებში იყვნენ ხოლმე, მაგრამ სამზარეულოში პატარა მაგიდაზე ვერხად მხვდებოდა მზრუნველი ხელით გაწყობილი რამე სათოხლავი – ან მოხარშული ხორცის ნაჭერი მაიონეზით ან ყველიანი ბუტერბროდი და ჭიქა რძე, აუცილებლად. ჰუ-ჰუუ! ჩვეულებრივი რძე, ძმებო – ყოველგვარი სინტემესკებისა და დრენქრომების გარეშე და დედოს ხო აზრადაც არ გაუვლიდა რა გრძნობა მიჩნდებოდა ამ ღვთისნიერი ცხოველისაგან გამოწვეული პროდუქტის დანახვაზე...

კარგა მოშიებული კი ვყოფილვარ, ნამცეცი არ დამიტოვებია და მაცირიდან კიდე რაღაც ნამცხვარიც დავითრიე. მერე ტუალეტში შევიარე პატარა საქმეზე, კბილებიც გამოვიხეხე (ეგ არასოდეს მავიწყდებოდა) და ჩემს სოროში შევიკეტე. ტანსაცმელი კი იქვე მივყარე, ნოხზე, აბა მილაგების თავი ვის ქონდა და დედიშობილა გავიშოტე ლოგინზე – აქ უკვე ჩემს სამყაროში ვიყავი და კაცი არ მყავდა გამკითხავი. ცოტა ხანი ასე ვიწექი, კედელზე ჩამოკონწიალებულ რაღაც ვიშპელებს და სიგელებს შეეყურებდი და სულელივით მეცინებოდა. სკოლის ბანაკის მოსაგონარი იყო: *ჯგუფი ალფა, ლურჯი კეპები, ვიდაცაიმის სახ. IV რაზმი...* რა ვიცი, რაღას არ იგონებდნენ. მერე ერთმანეთს გვაჯობრებდნენ ვითომ. შიგნაკრავები.

ჩემი სიამაყე, ოთხარხიანი კვადრაფონი ლოგინთან მედგა, დისკების თარო კიდე მის ზემოთ, ხელის გაწვდენაზე. დინამიკები მუდამ გაშლილი მქონდა – ორი იატაკზე აქეთიქიდან და ორიც ჭერზე ეკიდა დახრილი კუთხით და ისეთი გრძნობა მიჩნდებოდა ხოლმე თითქო შიგ შუაგულ ორკესტრში ვიჯექი. ოჯახმა ჭკუა ისწავლა და ასეთ დროს კარზე აღარ მიბრახუნებდნენ, ეს შენი მუსიკა ტვინს გვიბურღავსო. ძილის აბების ყლაპვა დაიწყეს და ახლა უკვე მიღებულიც ექნე-

ბოდათ სრული დოზა და ძალიანაც კარგი – უკვე ვიცოდი რითაც დამეწყო: ჯეფრი პლოტუსის ერთი ახალი სავიოლინო კონცერტი მქონდა, ოდისეუს ქორილოსისა და მეკონის (ეგ შტატებშია) ფილარმონიის ორკესტრის შესრულებით. კონვერტიდან გამოვიღე ფრთხილად, ფრთხილადვე დავედე, ავტომატიკზე დავაყენე და ველოდები.

გარდვეული ღრუბლებიდან ჩამოქცეულ ცის ნათელს გავდა ძმებო, თუკი გინახავთ ეს როდისმე და მე კი ვიწექი შიშველი, ჭერქვეშ, თვალდახუჭული და პირდია, ხმები თითქო ტალღებად გადამდიოდა სხეულზე და ნეტარებაში დახრჩობის მეშინოდა თითქოს. სადღაც ზურგსუკან ტრომბონები ბაჯალლო ოქროსფრად უბერავდნენ, საყვირების ხმა გამდნარი ვერცხლის ენებად იკლაკნებოდა ჩემ თავზემით და უღარნიკის თეფშების წკარუნი ტვინში ნაპერწკლებად გამდიგამომდიოდა. ყოველგვარ ნეტარებაზე უნეტარესი შეგრძნება იყო და მერე სადღაც, სხვა სიმებიანებისაგან მოშორებით ჩამოიღვარა ვიოლინოს ხმა – ძლიერდებოდა, სუსტდებოდა, წინ და უკან, ზევით და ქვევით ადი-ჩადიოდა, ობობასავით რაღაც ჩარდახს ქსოვდა ჩემი ლოგინის თავზე; მერე ფლეიტა და კლარნეტიც გამოძვრნენ, გამლვალნი სპილენძის სქელ ფაფაში დასრიალებდნენ პლატინისაგან გამოჭედილი გველებით, მე კი ანაორთქლში დავცურავდი თითქოს საკუთარ სხეულს მოწყვეტილი და ვხედავდი იმას, რასაც ვერცერთი სინტემესკით გამოძახებული ღმერთი ვერ მიჩვენებდა – უამრავი კაცი და ქალი, სულ სხვადასხვა ხნის, აქეთიქით მიყრილმოყრილები გაკიოდნენ და შველას მთხოვდნენ, მე კიდევ გიჟვით ვიცინოდი და შიპებიანი ფეხსაცმელებით დავალაჯებდი სახიდან სახეზე და ნელა-ნელა, ზტუნვა-ზტუნვით მივდიოდი იქ სადღაც კედელზე გაკრული კაბაშემოფლეთილი გოგოები ჭყიოდნენ და რომ მივაღდექი სათითაოდ სწორედ ამ დროს ავარდა ფინალის tutti და მაშინ გავასხი, უცაბედად გავთავისუფლდი, საკუთარ სხეულს დავუბრუნდი და დისკიც სწორედ ამ დროს ჩათავდა.

მერე მოცარტის ‘იუპიტერი’ დავედე და ახლა სხვა სურათები და სახეები დამიდგა თვალწინ, მაგრამ ვიცოდი მერე მომინდებოდა რაღაც ძალიან ძველი, ძლიერი და მკვეთრი, წაწყობილი ხმებით და ბოლოსთვის მოვიტოვე ის ერთი – “ბრანდერბურგული კონცერტების” ალბომიდან, იქ სულ საშუალო და დაბალ რეგისტრებში მირეკავენ სიმებიანები. ვუსმენდი და რატომღაც გამახსენდა გადაფხრეწილ თავფურცელზე რომ ეწერა იმ ჩემის მწერალს იმ თავის *სამყოფელში თუ არა, სამყუდროში – მამანნიკური ფორთოხალი*. ვუსმენდი ბებერ გერმანელ მაისტერ ბიურგერს და თითქოს ახლა ვხვდებოდი რისი თქმაც უნდოდა ამით და ისევ მომინდა იქ მიბრუნება, ოღონდ ახლა სულ მარტო და ყველაფრის თავიდან დატრიალება, ოღონდ ახლა უფრო გემოზე და აუჩქარებლად...

4.

მეორე დღეს საღდაც საათის რვაზე კი გამოძევობა, მაგრამ ისე ვიყავი დაბამბურებული, თავიც ვერ ავწიე ბალიშიდან და მეთქი ერთი-ორი საათი კიდე წავუძინებ და მერე ავდგები წყნარად, აქაფებულ ვანაში ვიჭყუშპალავებ, მშვიდად და წესიერად, ნება-ნება ჩავიცვამ, საუზმესაც ჩემ ჭკუაზე მოვიშხადებ და გაზეთსაც გადავხედავ; თუ სურვილი გამიჩნდა, იქნებ სკოლაშიც გავიარო – ვნახო ერთი, რა ყრია სწავლაში. მესმოდა კედლის იქით რას ფართიფურთობდა მამაჩემი, სამსახურში მიეჩქარებოდა. საწყალს მგონი მართლა ჯერა რო უიმისოდ საქმე არ გაკეთდება. მერე კარიც გაიჯახუნა და უკვე ვიცოდი, ახლა დედო დამიკაკუნებდა ფრთხილად და შემომძახებდა: ‘მეცხრე საათი დაიწყო შვილო, ისევე არ დაგავვიანდეს’. ხოდა სანამ ხმას ამოიღებდა, თვითონ გაუძახე – რაღაც თავი მტკივასავით და ცოტა ძილს გავიგრძელებ-მეთქი. კარსუკან ამოიხრეს თითქოს და შემეშენენ. ასე ჯობია. ახლა დედოც გაბაკუნდება – საყოველთაო კანონით ყველა ზრდასრული, ვინც კი ავად არაა ან ჩვილი არა ყავს მოსავლელი, დროზე უნდა გამოცხადდეს სამსახურში. ის კიდე რომელიღაც დიდ მაღაზიაში მუშაობდა და კონსერვებს და პაკეტის ჩაის თუ რაღაც ამისთანა საზიზღრობებს ყიდდა დილიდან საღამომდე. გავიგონე სამზარეულოში რომ საქმიანიბდა რაღაცას და მერე დერეფანში გავიდა, პალტო ჩამოიღო ალბათ და მაინც ვერ მოითმინა, კიდე შემეხმინა წასვლის წინ: ‘შვილო, მივდივარ და საუზმე გაზზე შემოგიდგი, შეათბე’. მაგრამ მე უკვე გაღმა გავდიოდი საძილეთში და ხმა აღარ გამიღია.

მერე კიდე ისეთი რამე მეზმანა, რო მცოდნოდა თვალსაც არ მოვხუჭავდი ძმებო: ჯერ იყო და ჯორჯი-ბიჭი დამეჩითა, ძან დაბერებული და გამკაცრებული, სულ დისციპლინაზე და კანონმორჩილებაზე ლაპარაკობდა, მერე ისიც დაამატა – ვინც სიტყვას შემომიბრუნებს კარგი დღე არ დაადგებაო; მე კიდე ვიღაც სხვა ბიჭებთან ერთად მწკრივში ვიდექი ვითომ და ყველანი სულ ერთსა და იგივეს გავიძახოდით: ‘დიახ სერ,’ – ‘არა, სერ!’ და ბოლოს კაი სალდათებოვით ვესალმებოდით ყველანი. კარგად რო დავაკვირდი, მხრებზე პაკონები დავუნახე ზედ რაღაც ვარსკვლავებით და საერთოდაც ისე იქცეოდა, თითქო მართლა დიდის რამ ჩინი იყო. მერე კიდე ჩვენი ბნელო გამოეჭიმა წინ, ჯაჭვის ქნევით მიესალმა და მე რო მკიდა თვალი, ლამის იქვე ჩაიღრჩო სიცილით. ჯორჯი-ბიჭმაც თითქოს ახლდა დამინახაო, წარბები მოქუშტა, თითი ჩემკენ გამოიშვირა და ‘ეს კაცი რატოა უფორმოლო’ – იკითხა. ამის გაგონებაზე კინაღამ ჩემი დამემართა, არ მცემოთ ძმებო-მეთქი, მოვრთე ყვირილი და დავგაზე, მაგრამ ბნელო გამომენტო უკან, ჯაჭვს იქნევდა და ყოველ მორტყმაზე თითქო დენი მივლიდა ტანში და ელექტროზარის ბზუილი ისმოდა საიდანღაც.

ფეთიანივით წამოვხტი და გულს სულ ბაგაბუგი გაუდიოდა, ამ დროს კიდე კარზე მართლა რეკდა ზარი და მიხმობდა, გაუთავებლად. ჯერ ვიფიქრე არ გავალ, ვითომც სულ არა ვარ-მეთქი სახლში, მაგრამ ეს ბზზზზ ადარ გათავდა და ბოლოს ხმაც გავიგონე: ‘ალეკს, მორჩი მაგ დამალობანას, ვიცი სახლში ხარ!’

იმწამსვე მივხვდი ვინც იქნებოდა – გამასწორებელი სკოლიდან გადმოყ-

ვანილთა ზედამხედველი – ვინმე პლატონ დელტოიდი (იმ ბებერ უილის კიდე რო კითხო – რაა სახელიო...) და რაღა მექნა, მაგას ეგრე ადვილად რას მოიცილებდი თავიდან, კიბო იყო ნამდვილი და არიქა, იქნება გადაგვიწვათ ეგ ზარი-მეთქი, მიუძახე, თან ვითომ ძაან ნატანჯი ხმით. მერე კარადა გამოვადე, ჩემი დრაკონებიანი კიბონო შემოვიცვი, ფეხები ბეწვიან ფაჩუჩებში ვტუცე, ქოჩორ-ბუჩქიც ჩამოვიფარცხე ცოტა და ჩემი ღრმა რწმენით, საკმარისად გავემზადე უფ. პ. დელტოიდის დასახვედრად.

კარი გავუღე და ისიც შემობლაყუნდა: ჩია, გალეული, განუყრელი ძველი შლაპით თავზე და თვალები სულ აქეთ-იქით გაურბოდა, ქუჩის ბაცანასავით.

‘მაშ, ალეკს ჩემო’, – მეუბნება – ‘ეს წუთია დედაშენს ველაპარაკე, ნამდვილად. მითხრა თითქოს სადღაც რაღაც წამოგტკიოდა თურმე და ვერც სკოლაში ვეღარ წასულხარ’.

‘აუტანლად მტკივა თავი სერ, ნამდვილად’. – ვეუბნები იმ ჩემი დაყენებული ხმით – ‘დღის მეორე ნახევრამდე თუ არ გამიარა, ექიმს გამოვიძახებ’.

‘რას ამბობ, ჩემი ბიჭი, როგორმე სადამომდე მოითმინე და მერე თავისით გაგვიღის, ნამდვილად. დამისპირს თავი სულ სხვანაირად გიწყებს ხოლმე მუშაობას, ეგრე არაა? დაჯე, რას უდგეხარ’. – ისე მეუბნება ეს ჩემისა, თითქოს მე ვიყო მისული მასთან სტუმრად. თვითონ კიდე მამაჩემის საყვარულ კრესლოში გამოიჭიმა და მოყვა თავის კანტურს. თან თვალს არ მაცილებს.

‘ჭიქა ჩაის ხომ არ ისურვებდით, სერ?’

‘სადაა დრო...’ – მეუბნება თავის კანტურით – ‘ჩაის დასალევად მცალია?’ – თან ფეხს ფეხზე იღებს და ზის ასე ფეხიფეხგადადებული, თავკანტურა და დრონაკლული. მაგას თუ ვუყურე, კაი დახლი დამიდგება. ნამდვილად.

‘რას მივაწერო თქვენი მოულოდნელი ვიზიტი, სერ? მოხდა რამე?’

‘რა უნდა მომხდარიყო?’ – უცებ მოისხიპა ღიმილი და გამომხედა ეჭვიანად, მერე მზერა გაშლილ გაზეთზე გადაიტანა, იქ კიდე ერთი შხვართის ფოტო იყო, რაც ეცვა უფრო უჩენდა ვიდრე უფარავდა რამეს და ქვეშ წარწერა. – ვიღაცა მთელი გრძნობით გეპატიჟებოდათ ადრიატიკის მზიან სანაპიროზე. ბნ-მა დელტოიდმა დიდრონი ნერწყვი გადაყლაპა, ერთხელ კიდე დაალივერა რეკლამა და თითქო გამოერკვაო, ახლა აქეთ შემომიბთია: ‘მოხდა-არმოხდა – ეგ შენზე უკეთ ვინ უნდა იცოდეს ალეკს ჩემო, და თუკი მართლა მოხდა რამე, გიჯობს დროზე გამანდო. ხომ იცი, რომ ჩავარდე, ჩემი მეტი ხელისშემშველბელი კაცი არ გეყოლება და ვაითუ იმისთანა ალაგას ჩავაყუდონ, გამასწორებელი სკოლა სანატრულ მოგონებად დაგრჩეს... მეც კიდე თავზე არავინ გადამისვამს ხელს და საკუთარი თავი თუ არ გებრალეება, მე შემიცოდდე, ორიოდე დღის სიცოცხლე დამრჩენია და ისიც შენისთანებზე ზრუნვას უნდა შევადიო!’

‘რას ბრძანებთ,’ – ვეუბნები – ‘სანიმუშოდ ვიქცევი, მოწმედაც კი არავის გამოვუძახებარ პოლიციაში’.

‘შეეშვი მასეთ ლაპარაკს, ალექს ჩემო,’ – მეუბნება ბ-ნი დელტოიდი – ‘რომ გამოგიახებენ, მერე გვიან იქნება, თუ ვერაფერზე წაგასწრეს, ეს კიდე არ ნიშნავს რომ არც არაფერი ჩაგიდენია – ასე არაა, ჩემი ბიჭი? აგე, გუშინ ღამით დიდი დაკადაკა ყოფილა უბანში, დანების ტრიალითა და ჯაჭვების ქნევით. ვიღაცა სქელ-სქელი ყმაწვილის მეგობარი კიდე საავადმყოფოში მოხვდა, რაღაც უცნაური იარაღით დასერილი. შენი სახელი უხსენებია. ნამდვილად. ზოგიერთი შენი ძმაცაც, გვარებს არ დავსახელებ, საქმეში გადიოდა თურმე. ასე ამბობენ. ხმები დადის. არა, თავს არაუინ დებს და პირზე არაუინ წაგადგება, მაგრამ ერთხელ თუ იეჭვეს... მე კი, ღმერთმანი, ერთადერთი ვარ ეტყობა ამ მძიმე სენით დაავადებულ საზოგადოებაში, ვინც მართლა მოწადინებულია გზაზე დაგაყენოს როგორმე’.

‘ამას არასოდეს დაგიფიცებთ, სერ,’ – ვეუბნები – ‘ნამდვილად’.

‘კი, როგორ არა – მაგის იმედით მიდგია სული’ – ჩაიცინა პ. დელტოიდმა და მერე უცებ მართლა სერიოზულად, რაღაცა სევდიანადაც კი ჩამეკითხა: ‘არა, მაინც რა უბედურება გჭირთ ასეთი, არ მეტყვი? თითქმის საუკუნეა ამ პრობლემას ვსწავლობთ და მისხალიც ვერ გაგვირკვევია ვერაფერი. აგერ შენ თვითონ რა გაკლია – საკუთარი ოთახი, სანიმუშო მოსიყვარულე მშობლები, არც ჭკუა-გონებაზე ხარ მწყვრალად და არც შესახედაობით დაგჩაგრა ღმერთმა – რა ეშმაკი შეგიჯდება ხოლმე?’

‘ღმერთმანი სერ, აღარც კი ვიცი რა ვიფიქრო – დავაშავე რამე?’

‘შეც მანდა ვარ – ჩვენი ანგარიშით, სწორედ ახლა დაგიდგება ყველაზე სახიფათო პერიოდი და ამიტომაც გმოძღვრავ, შვილო ალექს – ფრთხილად იყავი, ცდუნებას არ აყვე და რამე ცუდ ამბავში არ გაეხვიო ოთხივე თათით. ნათლად და გასაგებად თუ ვლაპარაკობ?’

‘უღრუბლო ცასავით ნათლად და გამრავლების ტაბულასავით გასაგებად, სერ! და საერთოდ, სერ – ჩემი იმედი გქონდეთ სერ – სწორ გზას ვადგავარ, ნამდვილად!’ – ვთქვი და გამარჯვებული სკაუტოვით გავუღიმე, გულლიად და გულუბრყვილოდ.

ბოლო-ბოლო გავისტუმრე ეგ სკოლის ვირთხა მაგრამ მერე, ნაღდ ჩეფირს რომ ვიკეთებდი ჩემთვის, გულში გამეკნწლა უფ. პ. დელტოიდის მოთქმამ – ასე და ისე ვწუხვართ და ვშიშობთო. არა, იმას კი არ ვამბობ თითქო მართლა თავი შემაცოდა მაგ ბრიყვმა – კარგია თუ ცუდი, მაინც ჩემი საქმეა მთელი ეს ცემატყევა, ბრიტვის ტრიალი და ჩახდა-წამოცმები და თუ ჩავარდი და ჩამაყუდეს, სხვა კაცი არ იქნება ამაში დამნაშავე. მერე კიდე მეც გამოვალ სიტყვაში და სწორედ ასე მოვახსენებ საკუთარ თავს: ‘შკაცრი დასამართლიანია ეს განაჩენი, ბატონო ჩემო და შევეცდები კიდევ მეტ-ნაკლებად ჭკუა ვისწავლო; ხოლო როცა ისევ თავისუფალი ვიქნები, მთელი ჩემი დარჩენილი სიცოცხლე, სანამ ვისიმე

დანა მომიღებდეს ბოლოს ბნელ ქუჩაში ანდა ტრასაზე ამოტრიალებულ მანქანაში მიპოვნიდნენ დაძვალბილებულს, იმაზე ვიფიქრებ, როდისმე კიდევ არ ჩაუვარდე ამათ ხელში!.' აბა თავში მუშტების ცემას ხო მარ მოვყვები და ძახილს – მივხვდი რა ცუდი ბიჭიც ვყოფილვარ და აწი მე ვიცი, გამოვსწორდები კი არა, მთლად თითით საჩვენებელი გაგხდები-მეთქი?! მთელი ეს ტვინის ჭყლეტა და ლაყაფი რაღაც “სოციალურ ფესვებზე” და “ბოროტების გამომწვევ მიზეზებზე” კიდევ შეაფირადაც არა ღირს. ჯერ სიკეთის გამომწვევი მიზეზისათვის ვერ მიუგნიათ და უცბად ბოროტების სათავეებს არ დაუწყეს ძებნა? ვითომ და რაო, თუ ვინმეს სიამოვნებს და ძაან დობრი რამეს აკეთებს ღმერთმა ხელი მოუშართოს – ვუშლი რამეს? იყოს და ისიამოვნოს, მეტი დარდი არა მაქ ფეხს თუ წაიტეხავს სადმე, და მე თუ სწორედ ამის საპირისპირო ამბავი მისწორებს, მე რაღაზე უნდა მიჩმახებდნენ საქმეს? იმიტო ხო არა, რომ ბოროტი მხოლოდ პიროვნება შეიძლება იყოს და ეს თვისებაც ბრიყვული გულმოდგინებით კი არა აქ გამომუშავებული – ღმერთმა მისცა. ჩმორი კიდევ ბოროტების გაგებაში არაა, სიბრიყვე შეიძლება ჩაიდინოს და ნერვები დაგათხლიშოს თორემ ისე რა – ბოროტების თავი სადა აქ და მთავრობა იქნება თუ სასამართლო თუ სკოლა – ყველა პიროვნების წინააღმდეგია და მხოლოდ ამიტომ იქაჩებიან თავისი ჭკუით ვითომ ბოროტების წინააღმდეგობად. განა მთელი ეს დიდი ამბები იმიტომაც არ ხდებოდა ქვეყანაზე, რომ პატარ-პატარ პიროვნებები ყოველთვის ებრძოდნენ ამ დიდ-დიდ გველეშაპებს? მართლა გეკითხებით ძმებო – არ ვლადაობ... ოღონდ თუ მე რამე ისეთს ჩავდივარ რაც ამათ არ მოსწონთ, ამას არც ჯიბრზე ვშვები და არც გველეშაპებთან ებრძოლი მგონია თავი – ასე მევასება, მორჩა და გათავდა.

მერე ამაზე გამეცინა და ჩაის რო ვსვამდი მაშინაც სულ მეცინებოდა და მარტო ჩემს ფიქრებზე კი არა, აგერ გავეთშიც იგივე წერია – დაბიდუბი აქ, ძალადობა იქ, ბანკის გაძარცვა თუ ვიღაც ფეხბურთელების მუქარა – თუ ხელფასს არ მოგვიმატებენ, სულაც არ გავალთ მოედანზე ამ შაბათსო. ესენიც ძაან ცუდი ბიჭები უნდა იყვნენ, ნამდვილად. მერე კიდევ ათასი სისულელე, ვის რა იდეები არ აწუხებს ღმერთმანი და ერთი დიდი სტატია თანამედროვე ახალგაზრდობის პრობლემებზე. მისი დამწერიც კაი დიდი ჭკუის კოლოფი უნდა იყოს: მშობლების უყურადღებობაო, სკოლაში ნამდვილი აღმზრდელების ნაკლებობაო, სახელმძღვანელოებში ცარიელ-ტარიელი სიტყვების რახარუხიაო და მოსწავლეები კიდევ მასწავლებლებს თავზე აჯდებიანო. სიცილისაგან კინაღამ ყლუპი გადამცდა ყელში. რამდენი გაზეთს ხელში ავიღებ, სულ რაღაცას ვნახულობ ხოლმე ეგენი რო “თანამედროვე ახალგაზრდობას” ეძახიან, იმაზე. სულ ერთიდაიგივეს ქაქანებენ და სულ ისე თითქოს რაღაც ახალს აღმოაჩინენ ხოლმე. მარტო ერთი მომეწონა – ვიღაცა მღვდლის დაწერილი იყო, ფოტოზე საყელო ბუდლოგივით ქონდა წაყრონჭილი და ამტკიცებდა, სულ ეშმას ოინებია, უმანკო სულელებს ეპატრონება და ამაზე ყველამ უნად ვაგოთ პასუხი, ჩვენ კიდევ ბომბებს ვაკეთებთ და ჯარს ვამრავლებთ და პოლიტიკურ დისკუსიებში ვფლანგავთ დროსო. მოიკლედ, კაი ბალამუტა ვინმე იყო, ღვთისკაცი. ხოდა ჩვენც აწი რაღა მოგვეკითხება-მეთქი ვიფიქრე – პატარა უმანკო პიროვნულ სულელებს. მამაზეციერს მოკითხეთ ეშმასათვის რომ ვერ მოუვლია და კიდევ მღვდლებს და აღმზრდელებს და პოლიტიკოსებს. დიახ დიახ დიახ. უფშტვენენ, ნამდვილად.

საუზმესაც მოვრჩი, ჩემი ჭიქა და თეფშიც გავრეცხე – დედოს ჭუჭყუნის თავი არ მქონდა, კბილებიც გამოვიხეე და კარადაში ტანსაცმელს დაუწყვე ჩითვა. რადიო კლოდიუს ბერდმენის მშვენიერ პაწია კვარტეტს გადმოცემდა სიმებიან-ისთვის და ახლა ის სტატია გამახსენდა, პატარა ჭკუის რამდენიმე დიდი კოლოფი ერთად რო ქადაგებდა ხელოვნების “ცხოველმყოფელ” გავლენაზე (არა, ამისთანა სიტყვის მოფიქრება არ გინდა?) და ირწმუნებოდნენ, დიად მუსიკას და მაღალ პოეზიას ადრეულ ასაკშივე და შესაფერისი ფორმებით თუ მიჟაწვდით, მთელი ჩვენი ახალგაზრდობა უკეთესობისკენ იზამს პირსო. ღმერთმანი, ზოგს მართლა პირი უნდა აქნევინო ერთ მხარეს. ჩემდათავად როცა მართლა ნაღდ მუსიკას ვუსმენ და თან ნაღდში ვუსმენ, ვითიშები და თითქოს ეკლები მასხამს და მართლა ღმერთად ვიქცევი თითქოს, განკითხვის დღეს ვმართავ და ელვა-ქუხილში ჩამჯდარი, ჩემს ქვემოთ გართხმულ დედამობილა ქალებს და კაცებს ვურახუნებ ხოლმე. აბა რა უნდა მომეღანდოს – გამხმარი ყვაილები?..

დღის ჩასაცემელში ასარჩევი ბევრი არაფერი მქონდა: გამოხარშული ჯინსები, თხლადნაქსოვი თეთრი სვიტრი და ზედ დიდი შავი ლათინური A (ეს ვითომ ჩემი სახელის გამო შემიძრჩიეს მშობლებმა საჩუქრად და ამაზეც დიდი მადლობელი, თორემ ზოგს იმდენი და ისეთები აწერია, სანამ წაიკითხავდე თავი აგტკივდება). დღე სულ სხვა ამბავია ძმებო – ღამე ჩემი და ჩემისთანებისაა, აბა რომელი ჭკუათმყოფელი ოჯახის კაცი გამოყოფს ცხვირს გარეთ, ძან თუ არ დაადგა ყელზე ოჯახი და ტელევიზორი; დღე კი ვინ აღარ დატანცაობს ქუჩაში და პოლიციაც მეტია და კარგადაც გთირავენ, ასე მგონია. ყოველ შემთხვევაში, ჯობია ნორმალურად გეცვას და თვალშიც არავის ეჩხირებოდე, ნამდვილად. ასე იტყოდა დელტოიდი.

მოკლედ, გამოვიპრანჭე და სტვენა-სტვენით გამოვედი ქუჩაში. კაი შზიანი დღე იდგა და ვისაც არ ეზარებოდა – მოხუცი თუ უსაქმური – ყველა გარეთ გამოლაგებულყო. მე კიდე ჩემი გზა და მიზანი მქონდა: დისკების ერთი პატარა მაღაზია ცენტრის ახლო, როგორც ყოველთვის ძან ორიგინალური სახელწოდებით – **მელოდია**. თითქო დიდი არაფერი დირკა იყო, ხალხიც არ ეტანებოდა მაგრამ ბებერ ძვალტყავა არმენს (რალაც აღმოსავლური გვარი ქონდა, ვერაფრით დავიმახსოვრე) თავისი კლიენტები ყავდა. მეც სულ მაგასთან დავდიოდი და კარგახნის წინ დამპირდა ბეთჰოვენის მეცხრეს – “დიდოსტატების” სერით გამოვიდა მუხნაროვიჩის დირიჟორობით, მეტროპოლიის სახელმწიფო ორკესტრთან ერთად.

შემომხედა და თავი დამიქნია, არისო. მერე ნაღდი მაესტროს შესტით მანიშნა შეიცადეო და საწყობში დურთა თავი. პოპ-დისკების სტელაჟებთან ორი წიწკვი ტრიალებდა, ცამეტი-თოთხმეტი წლისა იქნებოდნენ, ეტყობა ჩემსავით დასვენების დღე მოიწყვეს დილიდან. დიდი ქალებივით იქცეოდნენ თავისი ჭკუით, ტუჩები დაეღებათ, ფრჩხილებზე შავი მანიკური წაესვათ და ძან მინაზეულ ხმებში პუტუნებდნენ. დამინახეს და სტოიკაც მაგარი დაიყენეს – ცალი ფეხი მეორის უკან მიდგმული და მხოლოდ თავები მოატრიალეს მართლა ბედურა ჩიტებივით – ტანის შერხევა მაგათში იავნად გოიმობად ითვლებოდა. ერთი კიდე

ვითომ ძაან განაწყენებულ-ამგდები სახით მეუბნება, მხარი ცხვირამდე აეწია და ხელიც განზე, სახსარში ამოვარდნილივით. ფრთამოტეხილი ჩიტუნა.

‘თქვენ რა, ლინად ცალკე გემსახურებიან, დიდი ბიჭი? ყველგან ასე განაგალი ხართ? არა, მაინც რა მოტეხეთ ქვეშიდან, იქნებ ჩვენც გვინდა-ა?’ მეორე კიდე იქით ფრუტუნებს. დიდი მახალო რამეები იყვნენ, ღმერთმანი.

და უცებ მხია თავში – ღმერთმანი ადრე აზრადაც არ მომსვლია, არადა რა იყო ამაში შეუძლებელი, დროზე უნდა მეფიქრა! ძაან მამაშვილურად გავუდიმე და თითქო დიდი ინტერესი მქონდეს ისე ვეკითხები: ‘თქვენ რაღა შეგიძენიათ გოგონებო, და როგორ აპირებთ კაიფის დაჭერას – თქვენს პაწია სათამაშო სტერეოებზე გაუშვებთ?’ ამაზე ტუჩები აიბზუეს მაგრამ მე აღარ დავაცადე და ვეუბნები: ‘დაუჯერეთ ბიძიას, კარგ მუსიკას კარგი მოსმენაც უნდა. ჩემთან ავიდეთ – გაპატიჟებთ, ასე ვთქვათ’ – ვუთხარი და დიდის ამბით დაუუკარი თავი, თან ჩემი ახალგამოხეხილი კბილებიც შევანათე.

ჯერ ისევ ფხუკუნი ატეხეს, მერე ასეო და ისეო, ასე პირდაპირ უცნობ კაცთან სახლში რა გვინდაო, თუ დაპატიჟებაა ჯერ სადმე გავიაროთო; იქნებ ჩინურ რესტორანშიო, ან სულაც რაღაც ახალი რომ გახსნეს წყალზე, ვარიეტე-თიო; ერთი ვეღარ მოვაბით თავი იქ მისვლასო... მოკლედ, მართლა გამოსული ქალებივით არ დაიფასეს თავი? რასაკვირველია-მეთქი, როგორც ინებებთ, მაგრამ თუ ბიძია ალექსს დაუჯერებთ, არ წააგებთ – ვეუბნები, ხოდა ბებერ არმენს თვალი ჩაუუკარი, მერე გაესწორდებით-მეთქი, ლამაზად შეფუთული ჩემი მეცხრე ილიაში ამოვიჩარე და ასე ალაღად ნამოფნი ქალები ბატებივით წავისხი წინ.

იქვე ახლოში ერთი ჩამკვებული რესტორანჩიკი მეგულეობდა ზუსტად საამათო, ვითომც ძაან ეგზოტიკაში გადავარდნილი (ჩემი ფეხები, ეგზოტიკა კი არა ეკლექტიკა იყო ცარიელი) და სანთლების შუქზე სულ თეძოების რხევით გემსახურებოდნენ ცოტა კი შებერებული, ოღონდ თავიანთ ამბავში ძალიანაც გაგებ-ბული ოფიცინატკები. მივედით და რაც კი რამ ნამცხვრები ქონდათ, ერთიც არ დატევეს გაუსინჯავი, ორ-ორი პორცია ნაყინი და თითო ჭიქა კრემ-სოდაც ზედ დააყოლეს და მათი შემყურე ლამის იყო ცუდად მე გავხდი. მაგრა გავდნენ ერთ-მანეთს, ერთნაირი აზრები ქონდათ და სულ ერთნაირად უაზროები იყვნენ. გაუჩერებლად კი კაკანებდნენ. წიწილები. არა უშავს, მალე ვარიკებად ვაქცევდი. სკოლაში გაცდენილ საათებს დღეს ალექსმასწი აუნაზღაურებდათ და იცოცხლე კარგი გაკვეთილიც იქნებოდა – არავითარი სწავლა, პირდაპირ განათლებაზე გადავიდოდი.

იქიდან რომ გამოვედით, საზოგადოებრივ ტრანსპორტს როგორ იკადრებდნენ ქალბატონები და მანქანა დავიჭირე. მთელი გზა ფხუკუნებდნენ, სულ რაღაცას ეჩურჩულებოდნენ ერთმანეთს და ჩემთან რომ ავედით უკვე პირი უძრებოდათ საცოდავებს, ხოდა ჩაკეტილი უჯრიდან ჩემი ხელშეუხებელი მარაგი ვისკი დავაძრე, ცოტა ჩხვლეტია რაღაცეებიც ვდურთე შიგ, მერე სოდის წყალიც დაუშმატე გემოს გასაქრობად და ისე მივართვი ძაან სვეტსკად იატაკზე ფეხ-

მორთხმით მჯდარებს. ხუთ წუთში ეს ფხუკუნი უკვე კისკისში გადაუვიდათ, მერე მუსიკამაც იმოქმედა და სულ მიიბნიდენ და ძაან ღრმა გრძნობებში გადავარდნენ ეტყობა. მაგარი დისკები კი იყო ღმერთმანი – ძვირფას ჭიქაში რო შამპანურის მაგივრად სიროპი ჩამოგისხან, ეგეთი ეფექტი ქონდა. ჯერ იყო და კენესა-კრუტუნით შემიკლა ვილაცამ, კაცი იყო თუ ქალი ვერც გავარჩიე; მერე კიდევ ნამდვილად რო ორი ბიჭის ხმა იყო, ტირიფებს თუ რაღაც მარადმწვანე ნარგავებს მისტიროდნენ, ოღონდ ინტონირებები ქონდათ, ნუ იტყვი – რაღაც საშუალო მუეძინის გალობასა და საჭურისების მოთქმას შორის. ბოლომდე ვაჟკაცურად ვითმინე და მერე კი ჩემი ჯერიც მოვიდა: შუა ოთახში დაუდექი შიშველი, ცალ ხელში ლუდვიგ ვანის ოლიმპიური თმაგაჩეჩილსახიანი თეთრი კონვერტი მეჭირა, მეორეში – ჩესტზე მდგარი საკუთარი ფალოსი და თვალს ვერ მაცილებდნენ თვალეზღაფეტილი ქალბატონები, და სწორედ ამ დროს ჩაირთო მეცხრეს ის გიჟური ფინალი: ჯერ ბანები ამოვიდნენ თითქო იატაკიდან და ორკესტრიც ზედ მიყვა, მერე ბარიტონი გვიქადაგებდა – განიხარეთო და წასაკუზად მოუწოდებდა მილიონებს, და სწორედ მაშინ გამიწყდა მოთმინების ძაფი და გინდათ გითხრათ რა იყო მერე? ვერ გეტყვით ძმებო – თვითონ უნდა ჩახვდეთ დიდი ლუდვიგის და დიდრონი ალექსის ამ ზღაპარი კოოპერაციის გემოს. ოღონდ ვარიკები რაღაც თიშებოვით იყვნენ და მგონი მთლად ბოლომდე აზრზე ვერც მოდიოდნენ რა და როგორ ხდებოდა ყველაფერი, ხოდა მერე, მეორეჯერაც რომ ჩათავდა ფინალი მთელი თავისი გრიალითა და განხარებებით – გამეორება სწავლის დედააო, სულ მაგას მიჩინებდნენ სკოლაში – ცოტა გამოერკვნენ და ატეხეს ერთი ვიშვიში და წუწკუნ და სულ უსინდისო, ველური და მხეცი მიძახეს და მემუქრებოდნენ, პოლიციაში დაუფქვავთ ყველაფერს, ნახავ თუ არაო. მე კიდევ ლოგინზე გარდი-გარდმო ვიყავი გამხლართული და მაგრა მემთქნარებოდა, თან ერთი სული მქონდა როდის მოხიკავდნენ თავის ჩვრებს და გაიკრიფებოდნენ ეგ ჩემის სპეცკლასდამთავრებულები და განვიბანებოდი ცხელი შხაპის ქვეშ, მაგრამ აღარ დამცალდა – უცებ ძილისკენ წავედი რაღაც ძაან ძაან განხარებული.

5.

კარგა მაგრა კი გავთიშულვარ ეტყობა – სრული რვის ნახევარი იყო თვალეზღაფეტილი და გავიგონე კედლის იქით საშხარეულოში რაღაცას პუტუნებდნენ ბებრები – ნამსახურები და ვალმოხდილნი დღის ბოლოს დაბრუნებოდნენ თავიანთ ბუდეს და ახლა საკუთარი ოფლით მოპოვებულ ალალ ლუკმას შეექცეოდნენ. საწყლები. ხალათი მოვიცივი ზრდილობის გულისთვის და ოჯახის ერთადერთი სიხარულის სიფათით დავადექი თავზე.

– აქა მშვიდობა! გაამოთ, გაამოთ... დე, მე არაფერს მაჭმევ? გემოზე გამოვიძინე, თავიც აღარ მტკივა და ამ საღამოს პატარა საქმე მაქ ცენტრში, შემავიანდება.

სიმართლე გითხრათ, კი ვიცოდი დედაჩემი რა მხარეულიც იყო მაგრამ

პატარა მაინც ხო უნდა ასიამოვნო მშობელს, ისევ ზრდილობის ამბავია. მერე სააბაზანოში გავტანცავდი, ნამრუშალი ჩამოვირეცხე, თმასაც ცოტა სველი სავარცხელი შვეაშველე, დავიმშობტკე და სახეგანათებული მივუჯექი მაგიდას. ერთხანობა ჩუმად ვილუკემბოდით, მაგრამ კაცს რო არ მოასვენებს გამჩენი და მამაჩემსაც სურვილი უჩნდება ხოლმე, გამესაუბროს:

– ისე კი არ გამიგო შვილო, თითქოს შენს ამბებში ვერეოდე – ოღონდ ვიცოდე მაინც, რას საქმიანობ ხოლმე საღამოობით?

– ხან რას, ხან რას. რასაც კანტორაში მეტყვიან. ან ავეჯი აქვს ვინმეს გადასატანი, ან ყვაილებია ბინაზე გასაგზავნი... მოკლედ, გაქცევა-გამოქცევაზე ვარ. შენ მაინც რა გადადრდებს, არც ჩასაცემელ-დასახურის ფულსა გთხოვ და არც არაფერს. რა გაწუხებს?

– მაგიტომ არ გეუბნები, უბრალოდ, რაღაც ცუდი წინათგრძნობა მიჩნდება ხანდახან. სიზმრებსაც ვხედავ.

– რაო-რაო?..

აი, ამან კი მაგრა დამაინტრიგა ღმერთმანი, რაღაცა სიზმარი თითქო მეც ვნახე სწორედ იმ დღეს, მაგრამ რაღაც ძან ძან ბუნდონად მახსოვდა... ‘შერე?’ – ვეკითხები.

– ცუდად მენიშნა, მართალს გეუბნები. ქუჩაში იწექი, საშინლად იყავი ნაცემი და გარშემო სულ ის ბიჭები გეხვებოდნენ, შენი სკოლელები...

– მართლა? კარგი ერთი, არ დაიჯერო – როგორმე მოუვლი თავს, შენ მაგის დარდი არა გქონდეს!.

და უცბად გამახსენდა პაგონებიანი ჯორჯი-ბიჭი რო მესიზმრა იმ დღით, მისი ხელქვეითი ბნელო კიდე, გოთვერანი, ჯაჭვით რო მჭეპავდა; მაგრამ სიზმრები საწინააღმდეგოდ მართლდებაო, გამიგია.

– ისეთი უმწეო იყავი, გაქცევაც არ შეგეძლო...

ეს კიდე მთლად დაუჯერებელი იყო, იასნი ამბავია და გუნებაში გამეცინა კიდეც, მერე ფული ამოვხიკე ჯიბიდან, მაგიდაზე დავდე და ვეუბნები:

– მამ, აი ეს რაც გუშინ წავიმუშავე – ბევრი კი არაფერი მაგრამ ერთ გასვლაზე მაინც გეყოფათ საღმე... ბოლოს როდის იყო, შენ და დედო კინოში რო წახვედით ერთად?

– ეეჰ, სად უნდა წავიდეთ, აღარც თავი გვაქვს და შენი მტერი გავიდა ღამლობით კარში. ათასი უბედურება ხდება. მაინც მაღლობელი ვარ, ერთ ბოთლ

წითელ ღვინოს მოგიტან და აქვე გამოგწრუპავთ, ტელევიზორთან.

თქვა და ეს მრუდე გზით ნაშოვნი ხელის ჭუჭყი ჯიბეში იკრა. დედო კიდე ამ დროს თეფშებს რეცხავდა, არც გაუგონია კიდე კარგი. ასე სიყვარულში და გაგებაში დაჟვორდით იმ საღამოს ერთმანეთს.

კიბეებზე ჩავთრიხინდი და ძან გამიკვირდა მთელი კოდლა რო იქ დამხვდა – კედელთან იდგნენ და ინდუსტრიალიზაციის შიშლიკანა მქადაგებლებს ბნელო თავის კომენტარებს ურთავდა დიდზე-დიდი წითელი ფლომასტერით.

‘რძისბარში ვიჯექით,’ – ჯორჯი მეუბნება – და რო არ მოხვედი ვიფიქრეთ იქნება გატეხილშია იმ ამბის გამო-თქო და მოგაკითხეთ’.

‘დიდ ბოდიშობანას მოგიხდით,’ – ვეუბნები ფრთხილად – ‘დილას თავი გასკდომაზე მქონდა და ცოტა კიდე წავუძინე. ჩვენები კი გავაფრთხილე, მერე გამაღვიძეთ-მეთქი, მაგრამ მაგათ იმედზე...’

‘ცუდი ამბავია,’ – თავი გადააქნია პიტმა – ‘თავს გაფრთხილება უნდა, ჩემო. ყველას მაგიერად რო შენ უნდა იფიქრო, იმის ბრალია ალბათ,’ – თქვა და რაღაც უშნოდ გაიღმიჭა – ‘წამო გარეთ, შუბლი გაიგრილე’.

‘დაიცა ბრატკა,’ – ვეუბნები, – ‘ეგ რა მესმის? მწიგნობართა ენაზე მაგას სარკაზმი ქვია, ჩვენში იაზვობას ეძახიან. თუ მომეყურა? ან იქნებ ინტელექტის დონემ აგიწია და მიმაღავ? ბნელოც რაღაცა უცნაურად ჭიკჭიკებდა გუშინ’.

‘ბნელოს შევეშვათ,’ – თქვა ისევ ჯორჯი-ბიჭმა – ‘პატარები აღარა ვართ და გვეყო ვეჩნად შენს ჭკუაზე ტოპა – იქ რაღაცას დავითრეუთ, აქ რაღაცას დავი-ადებთ... ვერთობით რა, ბავშვებივით. უილი დამრტყემელამ მითხრა, მაგარ ნაკოლს მოგცემთ, თქვენ იქაურობა გამოსვეტეთ და გასაღება ჩემზე იყოსო. თან ხურდაზე კი არაა ლაყაფი, მართლა დიდი მაყუთის ამბავია’.

‘აჰ-ა-ა! და როდის აქეთია ემაგ უილიამ ძალიან მაგარ დამრტყემელთან რო დაიარებით?’ – ვეკითხები უცბად.

‘ყველას ჩვენ-ჩვენი ცხოვრება გვაქ, ალექს – სწორეა?’

‘მაინც-მაინც?’ – ბოლომდე ჩავდიე.

‘წინა შაბათს გველაპარაკა მაგ საქმეზე’.

‘ჰოო? მერე, ჩემი ძალიან საქმიანი ფულის მშოვნელი ბიჭები, მაგ დიდ მაყუთს რას უპირებთ? უნიტაზებთან დაილაგებთ გამოსახოცად?’ – ვეკითხები.

‘მორჩი რა ალექს, რას გვესპორები, შენ თვითონ გაწყენს ფული?’

‘მაწყენს ბრატკა, მაწყენს’ – ვეუბნები – ‘ჯერ სულს ავნებს და მერე ხორცს. ბოლოს იქნებ დამირხიოს კიდეც. ზედმეტი არაფერი ვარა, გაგალორებს. აქამდე გაკლდათ რამე? როცა გვინდოდა მანქანას ვიადებდით, გემოზეც ვგრი-
ალებდით, ჯიბის ფულსაც ვშოულობდით და არც რამე ისეთში არ გავხვეულ-
ვართ... ახლა რა ფულიანობაზე ავარდით?’ – დავეკითხე.

‘არ გინდა ნუ გინდა – მოვრჩეთ ბაზარს. შენი საქმე შენ იცი, ჩვენ ამ დამით გავდივართ’. – თქვა და გატრიალდა, ჯორჯი-ძალიან-ძველი ბიჭი, უილიამ დარტემულის პრიამოი ძმაკაცი.

ეგეც შენ-მეთქი, გავიფიქრე. ამიხდა თუ არა სიზმარი: ეს გენერალივით ბრძანებლობს, ბულდოგისმორდიანი ბნელო კიდე იქით იკრიჭება და იმ თავის ჯაჭვს აჩხარუნებს. ცუდი ამბავია ძმებო, ძალიან ცუდი. კაცმა ცოტა წინაც უნდა გაიხედო.

‘მაშ ბევრი ითმინეთ და თქვენი ჯერიც დადგა, ასეა? ძალიან კარგი. აწი შენი თქმა და ჩემი ასრულება, ჯორჯი-ბიჭი. გაწყობს? ოღონდ რასაც დასთესო... ხო აზრზე ხარ?’ – ვეუბნები.

‘ჯერ შენს დათესილს უნდა მივხედოთ ალექს – სხვა მერე ვთქვათ!’ – რაღაც უცებ დაიყვია ბულდოგა ბნელომ.

‘ვიტყვით, ვიტყვით’. – წყნარად, უვერენად თქვა ჯორჯმა – ‘წამო, ფაქიზო გამოვწველოთ და იქ ვილაპარაკოთ საქმეზე’.

‘კარგია, კარგი, ჯორჯი-ბიჭი’ – ვეუბნები ღიმილით – ‘ჯერ-ჯერობით ყველაფერი ძველებურად მიდის’.

ოღონდაც ყველაფერი ძველებურად ვერ წავიდოდა, ვარიანტი არ იყო.

ქუჩაში გავედით და უცებ მანქანამ ჩაგვისრიალა გვერდზე, ნელა, ფანჯარა ჩაწეული ქონდა და რადიოში საუიოლინო კონცერტის ფინალს უსმენდა ვიღაცა შერეკილი და სწორედ რო ბებერმა ლუდვიგამ ამაგლო ისევ – უცბად ვიაზრე, აქვე უნდა მომეთავებინა გასაკეთებელი, მერე იქნებ გვიანი ყოფილიყო: მაგათ აყყ-
ოლოდი და კისერსაც წავიტიხდი, არადა მარტომგელზეც ყველა ნადირობს, ბრი-
აჟკა კიდე ერთხელ თუ დაიშალა, მერე ვეღარც შეკრაუ.

ბრიტვა გაუშალე და ჯორჯიც თვალს მადევნებდა ეტყობა, წამსვე დანა იძრო, ფეხიც არ მოუნაცვლებია ისე დაეყუდა ადგილზე. მით უკეთესი-მეთქი, გავ-
იფიქრე – ვინც კლდესავით დგას, იმას მეტიც ხედება. ერთი ბნელომ კი დააპირა გაქაჩვა და წელზე დახვეული ის ჯაჭვიც შეიხნა, მაგრამ პიტმა არ დაანება, ხელი გამოსდო და ძალად ისე ხმამაღლა ჩაუგდო, ჩემს გასაგონად – არ გინდა, ყვე-
ლაფერი ჩესტნად მიდის, მერე შენი ჯერიც მოვაო. ხოლა კარგი სანახავები

ვიყავით, ჯორჯი ერთ ადგილს ტკეპნიდა და გამოჭერაზე იყო, დანიანი მუჭი გველის თავით დაუდიოდა აქეთ-იქით, მე კიდე წინდაუკან ვტანცაობდი, მინდოდა ნახტომზე წამომეგო და როგორმე მაჯაზე დამესვა ბრიტვის პირი. ოღონდ მეთისმეტად კარგად კი ვიცნობდით ერთმანეთს და არავითარი ყვირილი და ღუზზე აყვანა აზრადაც არ მოგვსვლია, ჩუმიად ვმოდრობდით, პირზე ღიმილი გვექონდა აკრული და კაცი ყურადღებას არ გვაქცევდა – ან თამაშა ეგონათ ან შარში არ უნდოდა არავის გახვევა.

ბოლო-ბოლო ჩემი კარონი ერთი-ორი-სამი გადავთვალე, ბრიტვამაც ორჯერ *ფშსიტ-ფშსიტ* გაიხშიანა და უცბად მესმის, დანის პირმა გაიწკარუნა ასფალტზე. მაჯას კი ვერ მივწვდი, მაგრამ ეტყობა თითუბზე გავდე და ჯორჯი-ბიჭიც იდგა გაოგნებული და წითლად დამანიკურებულ თითებს დაშტერებოდა. მორჩა, ეგ დანის ხელში ამღები აღარ იყო. ახლა მაინც. მისთვის აღარც შემიხედავს, ახლა პიტს მიუჭტრიალდი და წყნარად ისე, ინტერესით ვეკითხები: ასე ხელჩაკიდებული სანამდე გინდა ატარო ეგ ბუთხუზა, ცხოვრებაში ერთხელ მაინც გაიაროს თავისი ფეხით-მეთქი. ბნელო რო ბნელოა, ასე იავნად ნათქვამი მის თავშიც კი შვეიდა როგორღაც და ბუღას რო წითელი დაუფრიალო ცხვირწინ, აი ისე მეცა ეგ ბრიყვის ერთი, მართლა ხარივით ზმოდა და ჯაჭვს კი გემოზე იქნევდა, ვერაფერს იტყვი, ოღონდ ერთი რაც ქონდა ამოჩემებული, იმას ხო ვერ შეცვლიდა – გრძლად ეჭირა და ორი ხელით მოკლეზე ხმარების ვარიანტი არ იყო – მეც გომბეშოსავით მოყვევი ხტუნვას, მერე ერთი რო ავიცილე მეორეს აღარც დაულოდებოვარ, ვისკუპე და წინა ფეხზე დაუუსვი მაღიანად. ის მისი შემოტკეცილი შარვალი კარაქით გაჭრა ბრიტვის პირმა და ხორცშიც კარგად გაისეირნა და ამან ხო სულ გააცოფა, უკვე აზრმიუტანებლად იქნევდა ჯაჭვს და ახლა უკვე ჩემ სტილში ვიჯექი – ერთი-ორი-სამი, უკან-გვერდზე-წინ და მერე ხელუკუღმა ქვემოდან ზემოთ, ოღონდ მუხლებშიც უნდა ჩაემჯდარიყავი და თითქო შენელებულ კადრში დავინახე როგორ სუფთად ჩაეთალა მაჯაზე ხორცი და ისე იბღავლა მკვდარს წამოაგდებდა, მოქნეულ ჯაჭვსაც ხელი უშვა და ღმერთმანი, ერთი ოც მეტრზე მაინც გაუშვა ჰაერში კლაკენა-კლაკენით, სანამ ფარნის ბოძს არ წამოედო და ზედ არ შემოეხვია მართლა გველივით. მისი შემლოცავი კიდე ცალ ფეხზე დახტოდა და მაჯას ილოკავდა წკმუტუნით. მეტი არაა ჩემი მტერი, მასე ვერ გაეჩერებინა სისხლდენა. უფრო მოითხვრებოდა ეგ უბედური. ოღონდ ახლა მაგის დარდი არა მქონდა.

‘მაშ ასე, ჩემი პიტი-გვრიტი – ერთი შენდა დამრჩი მგონია,’ – ვუბნები წყნარად, ნელა, სიტყვებს შორის ამოსუნთქვა მინდა მოვასწრო, არაფერი შემეტყოს. ის კიდე მხრებს იჩეჩავს:

‘ჩემგან რა გინდა, მე რა – ვთქვი რამე? გირჩევნია ბნელოს მიხედო, ვენა ან რამე არტერია არ ქონდეს გადაჭრილი და ხელში არ ჩაგვაკვდეს, რამდენი სისხლი დის...’

ელაპარაკე ახლა ამას. რო დაგჭირდეს, თითს ვერ შეგიხვევს ხეირიანად და ვენებზე და არტერიებზე კი ბოდილობს რაღაცას. ‘ორჯერ ჯერ კაცი არ

მომკვდარა,’ – ვეუბნები – ‘ბნელო კიდე დაბადებიდანვე მკვდარი იყო’. მერე ცხვირსახოცი მაინც გამოვართვი, მაჯის ზემოთ გადავუჭირე და სისხლიც გაუჩერდა და წკმუტუნსაც მორჩა. კარგია, ყველა ძალღი თავის პატრონს უნდა ცნობდეს. აწი არაფერი შეეშლებათ.

მერე “დუკაში” წავასხი ეს ნაომარი ხალხი, ტუალეტში ჭრილობები შეიზვიეს, ნასისხლარები ჩამოიბანეს და ბარში თითო კონიაკიც ვახუხინე ხასიათზე მოსასვლელად (თავიანთ ხარჯზე, რა თქმა უნდა, მთელი ჩემი ფული ზო მამჩემს მივეცი). მერე იქვე დავსხედით კუთხეში და რას ვხედავთ, ის ჩვენი ბაბუშკები არ დაგვეჩითუნ ისევ! გვიცნეს და მოყვნენ ძველებურად თავების კანტურს და ჩიფჩიფს: ‘ღმერთმა ხელი მოგიმართოთ, ყმაწვილებო – თქვენზე ენა როგორ მოგვიბრუნდება ვინმესთან, იმ უზრდელმა პოლიციელებმა თუ კიდე მოგდონ შარი, ვიტყვი რომ სულ აქ იყავით, თვალი არ მოგვიცილებია თქვენთვის, ძალიან კეთილი ზრდილი ყმაწვილები არიან-თქო, სწორედ ასე ვეტყვი. ღმერთი შეგეწიოთ’.

ესეც კარგად მენიშნა და საერთოდ, ამ ცუდად დაწყებულ საღამოს რაღაც კარგი პირი უჩანდა მგონი, მაშინ მართლა ასე მომეჩვენა და პიტს ვუთხარი რითიმე ისევ გამასპინძლებოდა ამ ღვთისნიერ მანდილოსნებს. მერე სავარძელში გადავწექი, ჯორჯი-ბიჭს გავუსწორე თვალი და ვითომ ძაან მხიარულად ვეკითხები: ‘რაო ჯორჯი ჩემო, აიმ შენმა კარგმა ძმაკაცმა უილიმ – რა მინდაო?’

‘დაიცა თუ ძმა ხარ’, – მეუბნება – ‘ამ ღამით ვისა აქ მაგისი თავი’. მითხრა და თან ბნელოს გახედა. ის კიდე ზის გაბუსუნებული, ხელფეხდაბინტული და ცხვირში ღუღღუნებს რაღაცას. ჯერ კიდე ვერ გამოსულა ეტყობა, იმ ამბიდან.

‘არა უშავს, ჯორჯი-დიდი-ბიჭი,’ – ვეუბნები – ‘ეგ წასული ამბავია და რაც მალე დავივიწყებთ, მით უკეთესი. ჩვენი თანა ბიტი ხალხისთვის თითო-ოროლა ნაკაწრი რა სახსენებელია. ახლა კი საქმეს მივხედოთ. რა თქვი, სად ბე-ბიაჩემთან გაგზავნიდათ ბატონი უილიამი?’

‘დიდების მოედანთან, პარკის კუთხეში რო ძველი სახლია, შესასვლელში მრგვალი ფანრები კიდია აქეთ-იქიდან – ვიღაც ადინოჩკა ყვავი ცხოვრობს მართოდ-მართო, კატების ბუდეა და მაგარი ძველებური რაღაცეები აქ ოხრადო’.

‘მაინც რა რაღაცეებიო, არ თქვა?’

‘კი, ოქრო-ვერცხლი და მგონი ბეჭდებიც ძაან ძვირფასი. ნახევარი ზედ ასხია, ძლივს დაბანტურობსო’.

უკვე ვიცოდი ვინზეც ამბობდა, მართლა სამადლო საქმე იქნებოდა იმ ვედმას გაფტქენა, ღმერთმანი. ხალხს დასალევის ფული არა აქ, ეგ კიდე დიბა-აბლასის ლეიბებს უკერავს კატებსო, გამიგია. და საერთოდ, ძველებურ ნივთებს და ხანდახან უმცროსების ინიციატივასაც დაფასება უნდა.

‘ძალიან კარგი, ჯორჯი ჩემო,’ – ვეუბნები – ‘მომწონს ეგ აზრი და შენც უფრო და უფრო მომწონხარ. მივხედოთ საქმეს’.

ბაბუშკებს დავუბარეთ, მალე ისევ გინახულებთ-თქო და გარეთ გავლაგდით ღამეში, მე კიდევ ვლიღინებდი: “ჩემივე ბედის შესახებდრად...”

6.

წყება-წყება კანტორებს ჩავუარეთ და მერე ერთ დაფეხვილ ბიბლიოთეკას და სწორედ იმ ვილაციის თუ რაღაცის დიდების პარკს მივადექით. აქეთ უკვე ქალაქის ძველი უბანი იწყებოდა, ძველისძველი უცნაური სახლებით და ხალხიც ისეთი ცხოვრობდა შიგ, კაცი ვერ იტყოდა ვინ უფრო მეტი ხნის იყო, სახლი თუ მისი ბინადარი: ზოგი ძან გაბრექილი დაგვიდიოდა, ტროსტით ხელში – ესენი ნაღდში გადამდგარი სამსახურის კაცები იქნებოდნენ; ჩინოსანი სამხედროების ცოლები წკაფწკაფა და მახალოდ შეკრეჭილ ბანტიან პუდელებს დაასეირნებდნენ საღამოობით, ძან-ძან სტარი ძეგები კიდევ, თავის დღეში კაცის ხელი რო არ მიუკარებიათ, ახლა კატების მთელ ხროვას პატრონობდნენ გრძნობების კომპენსაციის ამბავში. ამისთანებს მართლა ექნებოდათ რამე – ობლიგაციები, ძველი სამკაულები, პატარა ბუნდელუშკა ანტიკვარიატი, ან სულაც რამე იმისთანა, ტურისტები რო ჭკუას კარგავენ – ხატები და რაღაც ეგეთი ხარახურა.

ბოლოს იმ სახლსაც მივადექით – შესასვლელთან, რკინის ბოძებზე შუშის ორი ბურთი ანათებდა იქაურობას, გარშემო კი ყველგან ბნელოდა და მარტო პირველ სართულზე, კუთხის ფანჯარაში ენთო სინათლე. გარედან კარგა სქელი რემოტკები ქონდა ციხესავით, მაგრამ შიგ რა ხდებოდა, მონდომების ამბავი იყო და ყველაფერსაც მშვენივრად დაინახავდი. ხოდა ის ბებრუხანა ბოთლიდან რძეს ასხამდა მათლაფაში, მაგიდაზე კიდევ ორი გასისინებული კატა ილოკავდა ულვაშებს, ოღონდ იმან მათლაფა იატაკზე დადო და ეტყობა იქაც ოხრად იყვნენ მიაუ-მიაუები, უბრალოდ აქედან არ ჩანდა. მაგრამ რაც ჩანდა ისიც საკმარისი იყო – დიდი ჩუქურთმიანი საათი კედელზე, რაღაც სურათები სქელ ჩარჩოებში, იავნად ძან ძვირფასები და კიდევ ბლომად ვერცხლის ჭურჭელი.

‘უილის არაფერი შეემლებოდა,’ – წაიბურტყუნა პიტმა – ‘ახლა რა კქნათ?’

ახლა მეც დროზე უნდა ამომელო ხმა რომ ეჭვიც არავის გაჩენოდა, ვის ეკითხებოდნენ. ‘არ გვინდა ტვინის ჭყლეტა’, – ვეუბნები – ‘დავრეკავ ზარს და უეცრად გულწასული მეგობრის ზღაპარს დავფქვაფ. ჯორჯი კიბებზე ჩამოჯდება – ცალი ხელი გულზე და პირიც ღია – ეს თუ კარში გამოხედვა ინება, იმისთვის. დანარჩენი ადვილია’.

‘თუ არ გააღო?’

‘ჯერ ვცადოთ, თუ ვიდგეთ აქ და ვიმკითხაოთ დილაძე?’

ჯორჯის ხმა აღარ გაუღია, იმ ორმა კი თავები დააკანტურეს მხოლოდ.

ზარს თითი მივაჭირე და ჩვეულებრივი ბზზ-ბზზ-ბზზ კი არა, ჩიტების ფლურტული გაისმა. ან სმირად ურეკავენ, ან კატებს აქვთ კარგი სმენა და ასეთ სისულელეზე არ აფარდებიან ხოლმე, თორე რა გააძლებინებდათ. ეტყობა მართლა უფშტვენს ამათი პატრონი-მეთქი, გაგიფიქრე. მით უკეთესი.

მალე პოლში სინათლე აინთო, მერე ფლოსტების ფრატუნიც გავიგონე. სანამ რამეს მკითხავდა, გაზეთების ღრიჭოს ძველებური, ჩუქურთმიანი რკინის მძიმე სახურავი აეწიე და ძაან აღელვებული ხმით ჩაუძახე: ‘გვიშველეთ ვინმემ, კაცი გახდა ცუდად ქუჩაში! წყალი მომაწოდეთ ჩქარა და სასწრაფოში დარეკეთ!..’ თან მძიმე-მძიმედ ვსუნთქავ, ნარბენივით. ეგ მართლა ქაჯი კიდე კიკინებს კარსიქიდან: ‘თავი გამანებეთ! კარგად ვიცნობ თქვენისთანებს – ჯერ კარს გამაღებინებთ და მერე ხურდის მათხოვრობას დამიწყებთ... პოლიციას გამოუძახებ ახლავე!’

მოულოდნელობისაგან ენა მუცელში ჩამივარდა და რამდენიმე წამი ვიდექი ასე პირდაფენილი. იქით პიტი ჩაიკეცა მუხლებში და აქეთ ჯორჯის კინაღამ საკუთარი სახელო შემოეჭამა. მარტო ბნელო იდგა კედელსაკრული, წარბიც არ გატოკებია.

‘რას ბრძანებთ ქალბატონო, გამოიხედეთ გარეთ – აგერ კიბეებთან გდია და არც ვიცი რა ვქნა!’ – ხელებს ვასავსავენ, ხმასაც აუწიე, ემანდ პიტის ფხუკუნი არ გაიგონოს-მეთქი... საქმეში ხარ?!

‘კიდე ხმას ამოიღებთ და კატებს მოგისევთ ყველას!’ – თავისას ერეკება ეს ჩემის გადარეული.

აი, მამალი გიჟიც ამას ქვია-მეთქი, გაგიფიქრე და უეცრად ერთმა აზრმა დამკრა თავში: სინათლე რო აინთო, კარის თავზე ვიტრაჟიანი რაღაც პატარა ფანჯარა თუ სარკმელი დავლანდე, ისეთი მტვრიანი იყო ეტყობა, გარედან არც ჩანდა ამ ღამეში. ახლა რამე საყრდენი მინდოდა რო კარნიზს მივწვდენოდი და დანარჩენი უკვე ტექნიკის საქმე იქნებოდა; ამ ბებრუხანას შებმის შანსი კი მიზერული იყო, დილაძე შეიძლებოდა მელაქლაქა და კიდე კაცმა არ იცის ვინ ვის დააფსტვენინებდა ბოლოში. ხოდა მეც ვითომ ძაან აღშფოთებული გავტრიალდი და ხმამაღლა ისე გავიძახე: ‘ეგ არაფერი, მეგობარო – ცოტაც გაუძელი და ვინმე კეთილ სამარიტელს მაინც გადავეყრებით სადმე! მხარზე დამყრდენი, ეგრე უფრო გაგიადვილდება...’ თან ჯორჯიც წამოვაცენე და მეტი დამაჯერებლობისათვის სულ ხვნეშა-ხვნეშით გავეცალეთ იქაურობას. ცოტა შევიცადეთ, ამ ჩემს ბლიყვებსაც აუუხსენი რასაც ვაპირებდი, მერე ჩუმად დავბრუნ-

დით შესასვლელთან და ბნელოს ვანიშნე მხარი შეეყენებინა ჩემთვის. აი ასე. ახლა ხომ კარგად ხედავდნენ ვინ რისი მაქნისი იყო.

კარნიზს თითებით მივწვდი და მეტიც არ მინდოდა, ზედ ჩამოვეკიდე, მერე ხელებზე ავიქაჩე, ცალი ფეხიც მივახმარე და წამში ზემოდან მოვექეცი. ფანჯარა დაკეტილი იქნებოდა რა თქმა უნდა, ეჭვიც არ შემპარვია, საკითხავი ის იყო ბოლოს რომელ საუკუნეში გააღეს. ისე, ღმერთს მადლობა და ისევე იმ მსოფლიო არხის წყალობით თუ ღამის შიშით, გამვლელს ვერ ნახავდი ქუჩაში და ვერც შუშის ჩამთელების ხმას გაიგებდა სახლში ვინმე. იდაყვი მოვდე ფრთხილად, მან ფრთხილად, ჩარჩენილ ნატყებებს რო არ წამოვდებოდი, ხელი შევყავი და შპინგალეტი ამოვაგდე. ახლა ერთი პატარა მიწოლაც მჭირდებოდა და მორჩა, პოლისაკენ ჰერი, ჰერი!.

ისინი კი იდგნენ და მელოდნენ, ყურებს აპანტურებდნენ კარის გაღების მომლოდინენი. ახია მათზე, იდგნენ და მელოდონ-მეთქი, ვიფიქრე – თვითონ დავამთავრებ ჩემივე დაწვებულს, ჯერ ამ ვედმას გულს გავუხეთქავ, მერე გადავარჩევ რაც ვარგისი იქნება, საუკეთესოს ჩემთვის მოვტყეავ, მერე წყნარად, აუჩქარებლად გავუღებ კარს და წინ დაეხედები თოვლის ბაბუასავით საჩუქრებით დაგრუზული. ასე ჯობია. მორჩა, რა საჭიროა ყველაფერში მაგათ შევუთანხმდე ხოლმე და ყველგან საქმეში გავიყვანო. ჯერ დაჯერება და მორჩილება ისწავლონ. ჩემთან არ დაეკარგებათ.

პოლიდან გრძელი ჩაბნელებული დერეფანი იწყებოდა, აქეთ-იქით კარებებით, სასტუმროში გეგონებოდათ თავი, არადა მთელ ამხელა ბინაში ერთი ეს გადამღძვალი ბებერი ცხოვრობდა თავის ფისუნიებით. იქნებ თითო ფისოს თითო ოთახი ქონდა დაბრონილი – არც გამიკვირდებოდა, ღმერთმანი. ერთგან ღრიჭოში სინათლე გამოდიოდა და ქალის ხმაც გავიგონე, მგონი ტელეფონზე ელაპარაკებოდა ვითაცას, ან სულაც კატების თავზე სახარებას კითხულობდა – მაგისაგან არც ეგ იქნებოდა გასაკვირი.

შვედი და რას ხედავს ძმებო, ჩემი სიმპათიური თვალები: ფანჯრიდან რაც დავიხიეთ რა სათქმელი იყო, უნდა გენახათ შიგ რა ხდებოდა – ოქრო-ვერცხლი, ფაიფური, კაი ჩემსიმაღლე ჩინური ვაზები, ჯვარცმაც იყო ერთი – ნაღდად სპილოსძვლის იქნებოდა, სურათების და ხატების კი რა გითხრათ, მარტო ჩარჩოები ეღირებოდა ერთ რამედ, ოღონდ გარშემო კი ისეთი შმორის სუნი იდგა, ღამის ჩემი დამემართა. აბა რა იქნებოდა, ვივარიუმში გახლდით ერთხელ ექსკურსიაზე და ამდენი კატა ერთად იქ არ მინახავს – რა ჯიშის და ფერის გინდოდა, ერთ პატარა გამოფენას მოაწყობდი ღმერთმანი, ოღონდ ზოგი იმ ხნის იყო უკვე, მთლად გაქუცული, თვალში ვერ იხედებოდა, ზოგი კი სულ ახლადთვალახელილი კნუტი, ოთახის შუაში გამოსვლასაც ვერ ბედავდა ჯერ და კედელ-კედელ დასუნსულეებდა.

რომ შევედი, კარგა ხნის დაუშეთავმა კარმა გაიჭრიალა და კატიან-ბე-ბრიანად ყველა მე მომაჩერდა.

‘სალამი, სალამი ქალბატონებო,’ – ვეუბნები – ‘აქა მშვიდობა და თბილი რძე ნუ მოგაკლოთ გამჩენმა’. თან ოთახს ვათვალიერებ და იქვე თაროზე ვერცხლის ერთი მშვენიერი პაწია ნაკეთობა დავალივერე – შიშველი გოგონა ფეხის წვერებზე იდგა ხელებაწვდილი, წელში გაზნექილი და თითქოს უნდა რო მისწვდეს რაღაცას... ბევრიც არ მიფიქრია, ეგ უკვე ჩემად მივითვალე, თაროდან გადმოვიღე და ვტკბები ხელოვნების ნიმუშით. გაცალა ვინმემ?! ეს ჩემის ბებრუხანა ნურას უკაცრავად, არც შემფოთებულა და არც არაფერი, ძან დუხით მიტევს: ‘დადე ახლავე ადგილზე, უზრდელო შენა! დაძვრება აქ სხვის ბინაში და ეპოტინება ყველაფერს! მანდ არ მომიყვანო თორემ აგახე ყურებს!’

‘დაიცა ბებერო,’ – ვეუბნები – ‘შარზე ხარ? ემანდ არაფერი მოიწიო’.

ის კიდე მართლა ჩემკენ მოიწევს და არ მომიქნია უცბად კასტილი?! ძლივს ავიცილე და ძმებო, სწორედ ამ დროს ისეთი რამე დავინახე, ბებრუხანაც გადამაფიწყდა და მისი ჯოხიც: რაღაცა სადგამი იყო, შავი ხის და ზედ თეთრი ქვისაგან გამოთლილი ბიუსტი – ლუდვიგ ვან ბეთჰოვენი, ლინად, თმაგაჩეილი და იმ თავისი არტისტული შარფით ყელზე. მტკაველის სიმაღლე იქნებოდა, მეტი არა და ზუსტად საჩემო. ის იყო ნაბიჯი გადავდგი და ხელიც უნდა დამეველო და რძიან მათლაფაში არ ვტუცე ფეხი! გამისრიალდა, წონასწორობა დავკარგე, ამ დროს კიდე ის ბებერი ვედმა წამომეპარა უენიდან და დამცხო და დამცხო თავში...

ეს კი უკვე აღარაფრად მეპიტნავა, მივუტრიალდი და ხელუკუდმა ისეთი გავუქანე დაჩამიხებულ სიფათში, წამსვე თავის ძვირფას კატუნებს მიუწვა იატაკზე. კიდე კარგი სქელი ნოხი ეფინა და ზედ გაიშხლართა, თორემ ვეღარც აუკარეფინებდი ბებერ ძვლებს. ამ დროს კიდე ბედი არ გინდა, რომელიღაც ზვადს დავაბიჯე ეტყობა კუდზე, *მიააააუო* – ერთი დაიჭყავლა განწირული ხმით და კლანჭიან-კბილებიანად ჩაფარინდა წვივში. აი კონცერტი მაშინ დაიწყო – ეს ვედმა ცალკე გაკვივის, დამფრთხალი კატები თავისას ჩხავიან-კნავიან, მე სულ დედის გინებით ასკინკილა დავხტუნაობ, ვიქნევ ხელ-ფეხს და ვცდილობ რო-გორმე ეს ცხოველი მოვიშორო და სწორედ ამ დროს ისევ იმ მათლაფაში არ ჩავ-ალაჯე?! ფეხი დამისხლტა, უშნოდ ამოვტრიალდი და მაგიდის კიდეს ჩავაფრინდი, მაგრამ რაღაც გადასაფარებელი შემრჩა ხელში და ვაზებთან-საფერფლეებიანად თავზე ჩამოვიმხე. სხვაზე მოსაყოლადაა სასაცილო, თორემ მე ჭკუას ვიყავი გადა-სული. თანაც ეს ბებრუხანა იქიდან წიკვინებს და ღმერთმანი, კატებს მისევს. არ ვიცი მართლა გაუგონეს თუ შემთხვევით იყო, მაგრამ ერთი-ორმა ნაღდად გამკრა ბრჭყალი და ისეც ხომ გმადლობთ კარგად გახლდით და ამაზე სულ დავიშალე ძარღვებში, სკამს წამოვავლე ხელი და დავერიე. ხომ გითხარით, ჩემს ჭკუაზე არ ვიყავი-მეთქი! ის ვედმა კიდე არ წამოხტა უცბად და ერთი წივილ-კივილით გადამიდგა წინ – კატებს რას ერჩიო. ხოდა ის სკამიც ორივე ხელით დავაფშეენი თავზე. ეგ იყო და ისეთი სიჩუმე ჩამოვარდა, საკუთარი ქოშინის ხმა მესმოდა და რომელიღაცა კნუტის კნავილი ფარდის უკან. დანარჩენები ოთახებში მიმოიფანტ-

ნენ და ძმებო, სწორედ ამ დროს გავიგონე ის ძაან უსიამო ხმა, მართალია შორიდან, მაგრამ მაინც ძაან-ძაან უსიამო – პოლიციის მანქანის სირენა იყო ჩართული და ხმაც სულ უფრო ახლოვდებოდა. აი მაშინ მოვედი აზრზე რო ეტყობა იმ ველმამ დამასტუკა ტელეფონით და იმიტომაც იყო ასე ღიდგულზე. მისთვის ზედაც არ დამიხედავს, ტემპში კარისაკენ მოეხიე, საკეტები, ზადვიკები და რაღაც ოხრად ცეკები ავნსენი და გიჟოვით გავეკარი გარეთ. იქ კიდე მართო ბნელო დგას, იმის ჭკუაც არ ეყო დროზე დაეგაზა სხვებივით. ‘პლეტი-მეთქი, ბრიყვო!’ – ვუყვირი და ის არი ბნელში უნდა ვლურთო თავი და უცებ რაღაცამ მხია თავში, თვალების დახუჭვა კიდე მოვასწარი მაგრამ მაინც ისეთი ტკივილი იყო, გადმოცვენაზე გამიხდა და თითქო დენს მიტარებდნენ შიგ. მერე უკან დამქაჩა ჯაჭვმა, ძირს დამაგლო და ბნელოს მშვიდი, ძაან მშვიდი ხმაც ჩამესმა: ‘ასეა ბრატ, იმ ხალხს დახვედრა უნდა და შენზე საპატოო კაცს სად ვიპოვოთ... მე კიდე ისევ წამოვროშავ რამეს და შეგარცხვენ’. – თქვა და სირენების საწინააღმდეგო მხარეს გაბრაგუნდა.

მერე მე აქეთ ვლმული და იქით სირენები წულოდნენ და წაშში ძაღლებით გაივსო იქაურობა. მე რას დავინახავდი – თვალები მეწვოდა და რაღაც საზიზლარი ცრემლიანი წირპლი მდიოდა, მაგრამ ყნოსვით ვცნობდი მაგათ, ისინი კიდე მეცენ და ხელები გადამიგრინეს, თითქო რამის გამკეთებელი ვიყავი. დამკლები. ისიც გავიგონე, ბინა რო დაჩითეს და რომელიღაცამ თქვა: ‘მძიმედაა, მაგრამ ჯერ სუნთქავს’.

ამ დროს კიდე მე მომადგა ვიღაც და ძაან კმაყოფილი ხმით აცხადებს: ‘ასე, ასე – კარგა დიდი ღლავი დაგვითრეფია!’ აზრზე მოდით – კაცი დავბრძავდი მგონი და ეს კიდე ჩემზე ღადაობს. ‘თვალში ვერ ვიხედები, რა გინდათ ჩემგან!’ – ვყვირი – ‘რას დამესიეთ ძაღლებივით!’

‘აბა ეს რა ღაპარაკია ახალგაზრდავ, ცოტა სიტყვები შეარჩიეთ.’ – იციინის ვიღაცა და იქვე ბეჭდიანი თუ ბრასლეტიანი ხელი მწარედ მღეწა ცხვირპირში. მერე მანქანაში შემაგდეს და ჩართული სირენით დავგაზეთ საღდაც. მივხვდი, შავად იყო ჩემი საქმე. მეტი არ იყო ჩემი მტერი, მაგათ საავადმყოფოში არ მივეყვანეთ. ის ჩემი გრიაზნი ბრატკები კიდე “ღუკაში” ისხდნენ ალბათ, ბანკის პივას ურახუნებდნენ და იმ ყვაებს ახვევდნენ ყავითა და შოკოლადით, იქნებ სხვა რამეც გაემეტებინათ, ისინი კიდე გამხმარ თავებს უკანტურებდნენ ალბათ და თავისას გაიძახოდნენ: ‘ღმერთი შეგწიოთ ყმაწვილებო, თქვენ გაიხარეთ, მთელი საღამო აქ არ იყავით? თვალე არ მოგვიცილებია თქვენთვის!..’

მერე ნელანელა გამოვიხედე თითქოს, რაღაც ბუნდოვნად და გაღდაბნილად კი ვხედავდი ყველაფერს, თან მაგრადაც მეცრემლებოდა, მაგრამ დაბრძავებას გადავრჩი და ეგეც ხერი იყო. ოღონდ კარგს რას დავინახავდი, აქეთ-იქით ორი ფორმიანი მეჯდა და წინ კიდე, შოფრის გვერდზე, შტაცკიში გაღაცმული ვიღაც სქელკისერა. სწორედ ის იყო რო მომიტრიალდა და ვითომ ძაან დრუჟელუბნად მეკითხება: ‘გაები ალეკს, მახეში? იმ ქალს თუ დაენძრა, წასულია შენი საქმე’.

‘მერე მე რა შუაში ვარ?!’ – ლამისაა მართლა ვიტირო – ‘სამი კაცი მადგა თავზე, იმათ გამაღებინეს კარი შიგნიდან და მერე კარგად ხედავთ რა დღეშიც ჩამაგდეს და ახლა გინდათ მე შემომტენოთ ყველაფერი?’. ის კიდე მეთაზვება და ეს ძაღლებიც გვერდზე ხითხითებენ: ‘ღმერთო კი მომკალი, მართლა ცუდ წრეში და დღეში ჩავარდნილხარ მაგრამ არა უშავს, ახლა მივალთ სადაც საჭიროა და დროის მეტი რა გვექნება – იჯექი და წერე როგორ გახდი ძალადობის მსხვერპლი და მოძალადეების გზაკვალზეც დაგვაყენებ ალბათ, ვინმე სხვა შენისთანა უცოდველი კიდევ არ ჩაითრიონ ბნელ საქმეებში! ხომ კი, ჩემი ბიჭი?’

‘ჩემ ფეხებს დაგიწერთ! – ვყვირი – რის კვალზე დამდგომები თქვენა ხართ, ახლა უკვე “იორკის დუკაში” იჯდებიან ეგ ნაბიჭვრები და ალიბიც ზედ ექნებათ! თქვენ იმ ბებერ ლაკომებს დაუქანავეთ ერთი კარგად და იქვე ჩამოფევავენ ვინ სად იყო და როდის...’

ძაღლები კიდე ყურსაც არ იბერტყავენ ვატყობ, რომელიღაცამ კიდე წამითაქა კეფაში და სწორედ ამ დროს ერთ ახლადმეთეთრებულ მყრალ სამორიგეოსთან მივგორდით. სულ ჯიკავ-ჯიკავით გადმომიყვანეს და მუჯღუგუნების რტყმევით ამაგდეს კიბეებზე. მართლა მტერი მოხვდა ამათ ხელში.

7.

არა, ყველა ეს მაგათი კანტორა ერთნაირია, გინდა თეთრად შებეთქე გარედან და გინდა სულ შამპუნით რეცხე შიგნიდან – ისეთი სუნი, კბილის ექიმის ოთახი მოგენატრება პოლიკლინიკაში.

ჯერ მოსაცდელში შემაგდეს, იქ ოთხი ოყლოყი უჯდა მაგიდას და ჩაის მიირთმევდნენ დიდის ამბით. კამერებიდან ბლუყუნი და გინება ისმოდა და ვიღაცა ფალცეტით მოთქვამდა ქურდი კაცის ბედზე. მერე ერთი ეს კაიჩაისმსმელი ბიჭი გავიდა და ბრაგანის ხმა გვიგონე და გულის გამაწვრილებელი მოთქმაც შეწყდა.

მე არცერთი ძაღლიშვილი ყურადღებასაც არ მაქცევდა სანამ ვიღაც ეპოლეტებიანი არ შემოვიდა, მძიმედ, ამხედ-დამხედა და ძან მრავალმნიშვნელოვნად წართქვა: ‘კ-კმ!’.

‘სიტყვასაც არ დავძრავ, სანამ ადვოკატს არ მომიყვანოთ,’ – ვუებნები – ‘და სახლშიც უნდა დავრეკო. არასრულწლოვანის დაკითხვის არავითარი უფლება არა გაქვთ, დამცველი თუ არ დაესწრო’.

‘უყურე შენ, კანონებიც ცოდნია! ამდენი განათლებაც არ ვარგა, ალეკს – თავს აგატკიებს’. – თქვა უფროსმა და ამოიოხრა, მძიმედ, ძან დაღლილი კაცივით, ქვეყნის საქმეები რო აბარია და მიყურებს თვალგამტერებული.

ეტყობა კიდე შემრჩენოდა გაკვირების უნარი და საიდან მიცნობთ-მეთქი, ვეკითხები.

‘აბა ვინ არ იცნობს პატარა ალექსს და მის ბანდას – ძმაკაცებიც შესაფერისი გყავს, ნარჩევი’.

‘არავითარი ბანდა და ძმაკაცები მე არა მყავს,’ – ვეუბნები – ‘და არცა მყოლია. ვიღაცაში გემლებით ან სხვის საქმეს მტენით. არაფერზე ხელს არ მოგიწერო, ჩემიც მეყოფა’. ის კიდე თავს უქნევს ერთ ოყლაყს და ისიც წყნარად, მშვიდად, ღიმილიანი სახით დგება, მოდის ჩემთან და მის ისე რა გაპარსულ სახეს ვხედავ, ჩაშავებულ წინა კბილს, გაოფლილ კისერს, ოფლისა და რძიანი ჩაის სუნი ერთად მომდის და უცებ ისეთი მწეპა მზისწულში, ოთხად მოვიკაკვე და სადილზე დაყოლებული ნამცხვარიც სანანებელი გამიხდა. ისინი კიდე კვდებოდნენ სიცილით, ოღონდ უფროსი ისევ ისე თვალგაშტერებული მიყურებდა, დაღლილი სახით, მე თან შეეთურებულ კედელს მივეყრდენი, სხვა რა გზა მქონდა, თან ხელიც მივაშველე და სულ ამოვიგანგლე თეთრად, ის ნაბიჭვარი კიდე შებრუნდა და იმათ ეუბნება, მაგიდასთან – ახლა ვინმე სხვა მოდით, ჩაი მიცივდებო.

არა, რომ მომკვდარიყავი ამისტანა შანსს მაინც ვერ გაუშვებდი ხელიდან – ძლივს მოვიბრუნე სუნთქვა, წამოვიმართე და ერთი ისეთი ამოვადე კაკლებში, გაგიხარდებოდათ. იმას კი დაადგა შავი დღე, მაგრამ მერე, რო მოასულიერეს, მომდგნენ ყველანი და იმდენი მირტყეს, კუჭის წვენი გადმომდიოდა ტუჩებზე. მერე მიმაგდეს კუთხეში და ნაშრომ-ნაჯაფაფებმა ისევ ჩაის ხერეპა გაახურეს.

ცოტა ხნით ეტყობა გონება დავკარგე, მერე სიცივემ გამომიყვანა – კეფა მქონდა კამერის რკინის კარზე მიბჯენილი; თვალი გავახილე და ღმერთმანი, თავად ბ-ნი დელტოიდი არ დამდგომია თავზე? მიყურებს და თვითონაც კარგი შესახედა, გეგონებათ მთელი ღამე აქ გაეტარებინოს, კუტუზკაში. მიყურა, მიყურა და ბოლოს მეუბნება: ‘მაშ ასე, ალექს ჩემო, როგორცა ვთქვი, ისე აგიხდა ყველაფერი, ნამდვილად. ღმერთო რა შეგცოდე ამის ფასი!’ ცოტა პათეტიკურად კი გამოუვიდა, მერე ძაღლებს მიუბრუნდა და ძველი ნაცნობებივით მიესალმა, გულითადად. თან ისიც უთხრა, ბიჭი რაღაც ვერ გამოიყურება კარგადო. ღმერთმანი, სწორედ ასე უთხრა.

‘ძალადობა ძალადობას შობს’ – ბრძნული იერით ეუბნება ძაღლთ-უფროსი – ‘შეიარაღებულ წინააღმდეგობას უწევდა კანონის დამცველებს’.

‘იზამდა, კი’ – წამსვე დაეთანხმა ეს ტრიაპკა დელტოიდი – ‘მეც თავზე ხელს არავინ გადამისვამს, მომხსნიან.’ – თან ისე მომჩერებია, ვითომც ნაცემ-ნაბეგვი ადამიანი კი არა, მართლა ჩვარი ეგდოს კუთხეში. ‘მომხსნიან, ნამდვილად’. – დაუმატა ისევ თავისთვის, თითქოს საკუთარ შანსებს წონიდა და მერე იმათ ეკითხება: ‘სასამართლო როდისაა? მომიწვეს მოსვლა’.

‘თქვენი იმედი მაქვს სერ,’ – ვეუბნები ხმის კანკალით, – ‘ზომ ხედავთ რა მიყვეს, მე კი ისეთი არაფერი დამიშავებია, იმათ მაიძულეს...’

‘მოვალ კი, აბა არ მოვალ? კარგადაც დაგახასიათებ, ნამდვილად’. – მეუბნება და რაღაც უცნაურად მიყურებს.

‘თუ პირადად მისთვის გაქვთ რამე სათქმელი, ჩვენი ნუ მოგერიდებათ,’ – ეუბნება უფროსი – ‘იცით, ხანდახან გულის მოოხებაც საჭიროა’.

და ბნ-მა პლატონ დელტოიდმა, არასრულწლოვანთა აღზრდის ზედამხედველობის ინსპექტორმა, დამსახურებულმა პედაგოგმა და ა.შ. და ა.შ., უცებ ისეთი რამე მოხია, ამ სქელკანიანებმაც კი თვალები ჭყიტეს: მოვიდა ახლო, სულ ახლო და შიგ სახეში არ შემომაფურთხა! სახეში შემომაფურთხა-მეთქი, ძმებო – გინდ დაიჯერეთ, გინდ არა, მერე კი გატრიალდა და უსიტყვოდ გაშპა გარეთ.

დილაძე ადინოჩკაში ვეგდე და ძილი რას მომეკარებოდა, ერთიანად დაჩქვენილ-დაბეგვილი ვიყავი. დილით კიდე რაღაც ქაღალდი მომიტანეს ხელმოსაწერად. ეშმაკსაც წაუღიხართ ვეელანი-მეთქი ვიფიქრე, მაგ თქვენი სიკეთისა და წესიერებისათვის თუ სულ თქვენისთანა დამპლები და ჩათლახები იბრძვიან, ღმერთმანი კაია რომ თქვენს მხარეს არა ვარ მეთქი. ეგლა მაკლია დავდე და გულზე მჯიდის ცემით ვინანო, თვითონ ზო დიდად პატიოსან და სამაგალითო ხალხად მოგაქვთ თავი, ერთი თქვენი აღსარებაც მანახა დაბეჭდილი და ხელმოწერილი, რაებს ფიქრობთ და ბოლომდე თქვენი ნება იყოს რაებს ჩაიდენდით, ოღონდ მაგის ჯიგარი ვინ მოცვათ, რასაც ჩაგიყრიან თავში, ნარეცხი წყალივით იგივე გამოვლით პირიდან... და მოვდექი და იმ სტენოგრაფისტს თუ რაღაცა ჩემი ჭირი იყო – ფორმა კი ეცვა მაგრამ ძალღს რა მიუგავდა, სათვალეებიანი პედიკი იყო ვიღაცა – ბოლომდე და სულ წვრილად ჩაუშარცვლე ვეელაფერი თუკი რამე თავს გადამხდენია რაც ბანაკიდან გამომიშვეს. ღმერთმანი არაფერი გამომიტოვებია და არც ჩემი ექს-მთაკაცების წვლილი დამჩენია დაუფასებელი – ასეა, ყველას თავისი წილი ქაქი უნდა შეერგოს.

ბოლოში რო გავედით იმ საწყალს ციემა ოფლმა დაასხა მგონი და საერთოდ ცოტა ალაოდ იყო, შეფმაც კი შეამჩნია და რაღაც ამრეზით უთხრა: ‘კარგი, საკმარისია... წადი ახლა, მაგარი ცხელი ჩაი გამოგიყვანს. მერე ამ სადაგლობას სამ ეგზემპლარად გადაბეჭდავ და ამ ვაჟბატონს მოაწერინებ ხელს’. მე კიდე ზედაც არ შემხედა – ერთი შკაფი იდგა იქვე, გაჯგიმული, მთელი ამ ხნის განმავლობაში წარბიც არ გაუტოვებია და იმას ეუბნება – საერთოში შეაგდეო.

ეს საერთო რო კარგის არაფერი იქნებოდა, რა მიხვედრა მაგას უნდოდა მაგრამ მე იქ დღე დამადგა, ლამის იყო კედლებზე გავედი. ვინ იატაკზე ეგდო საკუთარ ნათხევში და მაინც გემოზე ზვრინავდა, ვინ ნარებზე იწვა და იმისთანა სუნს უშვებდა, რომელი ხერელი სად ქონდა ვერ გაუგებდი. ამათ სულ ფეხებზე ვეკიდე და ჩემი შემოსვლაც არ გაუგიათ, მაგრამ კიდე ვიღაც ორი დამპალი იყო, ჯერ ერთმანეთს დაცხეს ჩემი გულისთვის და ვინც ვერხი აიღო ახლა მე მომდგა

ხელების ფათურით. ისეთი ნაბეგვი ვიყავი აღარც ჩხუბის თავი მქონდა და აღარც რწყევის, ორი თითი ვატაკე თვალებში და ეგ იყო, შემეშვა. იქვე ვილაც მოხუცი იწვა ზედა კოიკაზე, ისეთი გაგლეჯილი მთვრალი, ეტყობა ძაღლებმა შეაგდეს იქ, თვითონ რას აფორთხდებოდა. სახე ერთიანად დაჭმული ქონდა – ნაღდად რო ათაშანგი ექნებოდა აკიდებული მაგრამ ახლა ცარიელი ადგილის ძებნა სად შემეძლო, ბრახანით დაუშვი ქვევით და თვითონ ავძვერი ზედ. არც გაუგია, მაგისთვის ახლა არავითარი მნიშვნელობა არ ქონდა სად ედებოდა და არც ჩემთვის, ოღონდ კი ჰორიზონტალური მიმედო. ხოდა მივეგდე იმ მყრალ მატრასზე და ისეთი დანგრეული ვიყავი, წამსვე ჩამემინა; ჩამემინა კი არა, რაღაც გავითიშესავით და სხვა სამყაროში გადავედი თითქოს, უკეთესში რა თქმა უნდა, ბევრად უკეთესში, დიდ ყვაილებიან მდელოზე ვიყავი ტყის პირას და ვილაც თხისფეხებიანი კაცი უბერავდა მგონი ფლეიტაზე. მერე მზე ამოვიდა და ვითომ ბეთჰოვენის ფაფარაშლილი თავი იყო, ქარიშხალივით სახე ქონდა და ქუხილივით ხმა. და მეც ხრეს ფინალი გავიგონე, უცნაურად შეცვლილი სიტყვებით, ოღონდ თითქოს ასეც უნდა ყოფილიყო, სიზმარში ვითომ თვითონ ლუდვიგა ქაჩავდა ბარიტონს:

*შენ იხარე, შენ იხარე ტურფავ
ელიზიუმის!
მილიონები მოვდივართ – ძელაყენებულები!..
გრაილ-გრიალით,
თომარ-თომარით –
სანეტარო შენი ხვრელის დასაგრიანზავად...*

ოღონდ მუსიკა კი სწორად მიდიოდა, არავითარი ტრანსკრიპცია და ტრაკანი, და სწორედ ამ დროს გამაღვიძეს, აზრზეც არ ვიყავი რა დრო გავიდა – ათი წუთი თუ ოცი საათი თუ დღეები და წლებიც იქნებ და აღარც საათი მეკეთა ხელზე, შეხსნა მოესწროთ, ოღონდ ქვემოდან ვილაც ფორმიანი მტენიდა თავის ჯოხს და მეუბნებოდა: ‘ადე, ადე! ნახა რა ამანაც ძილის დრო...’

მე კიდე გონზე ვერ მოვდიოდი, ძლივს ჩამოვბობლდი ნარებიდან, მერე რაღაც დერეფნებით მატარეს და *შენ იხარე, ო ასულო ელიზიუმისაო* – რეკდა თავში. ბოლო-ბოლო ერთ კანტორაში შემეგდეს, სულ მბეჭდავი გოგოებით იყო საუსე, მაგიდებზე ყველას თითო ყვაილი ედგა ჭიქაში და ერთ დიდ მთავარ მაგიდასთან კიდე ის გუშინდელი უფროსი იჯდა, გაყინული მზერით მათვალეერებდა და ხედავდა ფეხზე ძლივს ვიდექი, მაგრამ სახელმწიფო ქონებას ხო არ დამასვრევენებდა – სკამს, მაგალითად.

‘კიდე რა ჩემი შიბლა გინდათ’-მეთქი, დავეკითხე – ‘არ გეყოთ რაც მიბრავუნეთ და სახეში მაფურთხეთ და ოხრად ყველაფერი დაგიფქვით და ამის მერე საერთო სანაგვეში შემეგდეთ ვილაც სიფილიტიკებთან და პიდარასტებთან? ახლა კიდე რითი უნდა მტანჯოთ-მაწვალოთ?’

‘სატანჯველი შენი გეყოფა,’ – მეუბნება – ‘იქნება და მთელი ცხოვრებაც გეყოს’. და სანამ რამეს დაუმატებდა ძმებო, უკვე ვიყიდე კიდევ რას მეტყოდა, რითი გამახარებდა ამ დილაუთენია... ის ბებერი ვედმა მომკვდარიყო ძმებო – გონზე აღარც მოსულა, ისე ჩაკვდომოდათ ხელში. ეტყობა ცხელ გულზე მეტისმეტი მომივიდა. ახლა დილიდან საღამომდე იკნავლებდნენ დამშეული ფისუნიები და ვინღა დაუდგამდა რძიან მათლაფას. მორჩა ეგ ამბავი, იმ ბებრისაც და ჩემიც.

ოღონდ მე ჯერ თექვსმეტისაც არ ვიყავი.

წიგნი მეორე

1.

‘ახლა რა ექნათ?’

აბა რა გითხრათ ძმებო, დავდგე ახლა და ტვინი წაგილოთ მთელი იმ სპექტაკლის მოყოლით რაც ჩემს ამ დირკაში გაფორმებას დაჭირდა? ცალკე დედომ იცა თავში ხელები, ცალკე მამაჩემი ბოდილობდა რაღაცას გზის აცდენაზე და თავის მოჭრაზე და სასამართლოში კიდევ რაც იმ პარიკიანმა ტიპმა ჩემზე იბაზრა, ყველაფერი ნაღდი ყოფილიყო, მართლა წასაცლელი მექნებოდა თავი. მერე კიდევ მთლად უმაღლესი სასამართლო და მანამდე წინასწარ პატიმრობაში ყოფნა ისევ აღინოჩკაში და დაფშტვენას მართლა ადარაფერი მიკლდა, იქ კიდევ ძან ძან მაღალ ტონებში ილაპარაკეს ისევ ჩემსა და ჩემი ხნის კაიდემამიშვილი ბიჭების ხელიდან წასვლაზე და სრულ გადაგვარებაზე და ფინალში დიდი მწუხარებით მაგრამ მაინც ძან მტკიცედ, გასაჩივრების უფლების გარეშე მომისაჯეს თოთხმეტი წელი.

ხოდა ვარ ახლა აქ, **ც.ხ.** 84^ბ-ში (ეს **ც.ხ.** ჯერ უბრალოდ “ციხის” უაზრო შემოკლება მეგონა, მაგრამ აქაურებიდან შედარებით უფრო განათლებული კონტინგენტის წარმომადგენელმა ამიხსნა – *ცენტრალურ ხაროს* ნიშნავს, 84^ბ კიდევ ბლოკის ნომერიაო), სახელმწიფო ხარჯზე ვიშმოტკები – რაღაც ტრაქისფერი პიჟამა მაცვია და ზედ გულზე და ზურგზედაც ნომერი 665321 მაწერია, ასე რომ არავითარი ალექსი და ფამილარობა, ცარიელი ციფროვკა ვარ წინიდანაც და უკნიდანაც.

მთელი ამ ამბებიდან ორი წელი გავიდა ძმებო და ადვილი ასატანი არ იყო ეს ორი წელი, ასატანი კი არა და თავი ძლივს გავიტანე ადამიანისდაგვარი ცხოველების ამ პიტომნიკში და ვის აღარ გადაუყარე – ქურდებს, ბანდიტებს,

ქეშებს, ხურუშიანებს და ღმერთმანი თითქოს ჩემზე უდგებოდა ყველას: ზოგს თავი უნდოდა ჩემი და ზოგს უკანალი – ვინ ყელის გამოჭრას მიპირებდა და ვინ ხასად დასმას. კიდე კაი ჭკუაზე ვარ. მერე ეს სამუშაოც მაგარი დამაქლიავებელი რამე იყო – ასანთის კოლოფები უნდა გვეკეთებინა და დღის ბოლოს უკვე თითები მიხვედებოდა. შესვენებაზე კიდე ზონის ეზოში გაგვეყრიდნენ ხოლმე და სადოლე ცხენებივით წრეზე გვატარებდნენ მუხლის გასაშლელად. მარტო საღამოობით გვექონდა ხოხმა, ვინმე დაფეხვილ პრაფესორა ტიპს მოიყვანდნენ და ისიც ძაან გულმოდგინედ ბუბუნებდა რაღაცას მწერებზე ან გალაქტიკაზე და ერთხელაც თოვლის ფიფქების გეომეტრიაზე გვებლატაუა ვიღაც შერეკილი და ერთი მაშინ იყო რო არ ჩამთვლიმა: კი არ ვუსმენდი, უბრალოდ ის ბებერი მწიგნობარი გამახსენდა ღამით ქუჩაში რო მივასიკვდილეთ მე და ჩემმა ნაძმაკაცარებმა. რაც ჩამაყუდეს, მათზე მარტო ერთი რამ გავიგე – წლის თავზე ჯორჯი-ბიჭი გაუსადე-ბიათ. მერედა არ იკითხავთ, როგორ და რანაირად? ღმერთმანი, ხანდახან სამარ-თალიც არი ქვეყანაზე და მაგის ბოლოც ეგ იყო – გაღორდა და ვეღარ ეტეოდა საკუთარ ტყავში, ვიღაც მდიდარი კოლექციონერის ბინაში გადამძვრალა ეგ ბრიყვი ეგა და იმის მაგივრად, სანამ მოჩანთული პატრონი გონზე მოვიდოდა წასაღები დროზე წაეღო, მიმდგარა და სულ გაუოხრებია იქაურობა. ეს კოლექციონერებიც ხო მაგარი დარეხვილი ხალხია – ჯერ მარტო ფულის ამბავი ეგონა და წყნარად ეგდო, მაგრამ მერე აზრზე მოსულა რაც ხდებოდა და გიჟს დამს-გავსებია, ძველებური ბრონზის მძიმე შანდალი დაითრია და ეცა თურმე, ჯორჯი კი ბაიბურში არ იყო და მიიღო კიდეცა უკნიდან ბათქი თავში, იქვე გათავებულა. იმ ტიპს რა – თავდაცვაში ჩაუთვალეს და პირობითიც არ მიუციათ, ჯორჯი-ბიჭი კი გავიდა გაღმა. ახია, ღმერთმანი.

‘რა ექნათ ახლა?’

კვირა დღე იყო და ციხის სალოცავში ვიყავით შეყრილები, კაპელანი საკვირაო დამოდვრას გვიპირებდა და როჟაც შესაბამისი დაეყენებინა – ბრძნული და ვითომც ძაან გამგებანი. მე შესაფერისი მუსიკის გაშვება მვეალე-ბოდა მაგნიტოფონზე – ჯერ დასაწყისში, მერე სადღაც შუაში, როცა კი მანიშ-ნებდა და სულ ბოლოში. მუსიკა სასულიერო ხასიათისა უნდა ყოფილიყო რასაკვირველია, მაგრამ ეს ცოტა ტიომნი ამბავი იყო ჩვენი კაპელანისთვის და მეც ხან ბახს ვდებდი და ხან ჰენდელს და ხან კიდე როდის რაც მომენატრებოდა.

‘ახლა რა ექნათ-მეთქი, თქვენ გეკითხებით!’ – მესამეჯერ ივივლა ცენ-ტრალური ხაროს რიგითმა მამაომ, – *‘ვიართ ასე კოლონიიდან კოლონიაში? განთავისუფლება – დაპატიმრება, ციხე-კოლონია-სახლი, ისევ ციხე და ისევ კოლონია – სადამდე?.. თუ ბოლოსდაბოლოს შეისმენთ სიტყვას უფლისას და შეიმეცნებთ რა სასჯელიც გელით იმ ქვეყანას – თუ არ მოინანიებთ ცოდვებს და მართალ გზას არ დაადგებით, და ამ ქვეყანას – თუკი ისევ თქვენსას გარეკავთ?.. ღმერთმა აზრის ნათელი უბოძა ადამიანს, თქვენ კი აღარც აზრი შეირჩინეთ თავში და სიბნელეშიც ხელის ფათურით დაბორილობთ... რა ჭკუით ცვლით-მეთქი, მე თქვენ გეკითხებით, ღვთის პირმშობას ოსპნის ბალანდაზე? რა გული გითქვამთ ძალადობის, ქურდობის, მრუშობისა და იოლი ცხოვრებისათვის, თუკი ნაღღში*

ვიციტ – და ეს უკვე მეცნიერულადაც დამტკიცებულია – რომ ჯოჯოხეთი არსებობს?! განა არა, თავადაც რამდენჯერ მწვევია ხილვა – და მწუხრის ჟამს განსაკუთრებით – რომ არის ასეთი ადგილი, ყველა საკანზე უბნელესი, ადამიანის ხელით დანთებულ ყოველგვარ ცეცხლზე უფრო მწველი, სადაც თქვენისთანა ცოდვამოუნანიებელი ავაზაკები – ჰო, თქვენისთანები-მეთქი, რას იკრიჭებით – წვიან-კვიან და გოდებენ უსასრულო ტანჯვის გამო და ყელამდე სიბინძურეში ჩაფლულნი, ყლუპ სუფთა წყალს ნატრულობენ... ასეა ეს!

და სწორედ ამ დროს ძმებო, ბოლო რიგებში ვილაცამ დაუბრუნუნა და ატყდა ერთი ხორხოცი მაგრამ ზედამხედველები რას მიკეთებდნენ – ტემპში მოაკეტინეს ყველას და მერე ერთ ვილაც გაძვალტყავებულ შიბზიკას დაავლეს ხელი და გააქანეს საცა წესი იყო. ბუერს კი ჭიჭყინებდა, მე არა – აი ის ზეკი იყო, მაგრამ ვინ დაუჯერა და ან რა მნიშვნელობა ქონდა ამას.

‘აი, ხომ ხედავთ!’ – თავისას მიერეკებოდა კაპელანი – ‘ამქვეყნად მთლად უმცირესი ცოდვაც კი არა რჩება დაუსჯელი და წარმოიდგინეთ ერთი, რა ხდება იმქვეყნად! ახლა მოდით წიგნი წავიკითხოთ...’ – პაწია ბიბლიას დაადრობდა საიდანღაც, თითებს დაინერწყავდა და იწყებდა რომელიღაცა ადგილის ძებნას. კარგი სანახავი იყო, ღმერთმანი – ხორცის გროვა, აღაჟღაჟებული სახე და ღორის თვალები სულის ხსნისაკენ მოუწოდებდა პატიმრებს. თუმცა მე რას ვერჩი, ჩემს მიმართ ყოველთვის ძან მამაშვილური ეჭირა და როცა ამ მისი საღვთო წიგნით დაინტერესება შემატყო, ჩამკეტავდა ხოლმე სალოცავში, მუსიკის მოსმენის ნებასაც მაძლევდა და ვიყავი ასე განცხრომაში – დავჯდებოდი ჩემთვის, მარტო, კასეტას ჩავდებდი და ბიბლიას ვფურცლავდი...

თავიდანვე დიდი გოთვერანი ხალხი კი ყოფილან ეს ყვევრები: რას ურახუნებდნენ თურმე ერთმანეთს, მერე ღვინოც მაგრა ყვარებიათ ეტყობა და ქალების ამბავს კიდე ნულარ მკითხავთ – ვინ ვისთან წვებოდა, დაუთარი ამერია. აი მეორე ნაწილი კი ჯერ იყო და ვერაფერი შვილი მეგონა – სულ რაღაც ქადაგებები და ეგეთი ბალამუტი, არავითარი ჩხუბი და წერაობა; მაგრამ ერთხელაც კაპელანმა ტორი დამადო მხარზე, მეორის საჩვენებელი თითი ზეცას მიაპყრო და მეუბნება: ‘დროა, დროა გზანი წამებისანიც შეიმეცნო, შვილო ჩემო ე-ე... # 665321! ჩვენი სატანჯველი რაა საყოველთაო ცოდვების საკუთარ მხრებზე მოკიდებასთან შედარებით!’

ესა თქვა, ერთი გემოზე ამოაბოცინა და ვისკის სურნელით ააქოთა იქაურობა. მაგრა გაუტყდა, ჩაფიქრდა, ეტყობა კიდე უნდოდა ეთქვა რაღაც ისეთი, მერე ხელი ჩაიქნია და თავის გზას დაადგა. საღამოობით მარტო ბოთლთან შექძლო მწყობრისად ლაპარაკი. ვიცი, შევსწრებოვარ.

მაგის მერე იყო სწორედ, კიდე წავიკითხე ჯვარცმის და ეკლის გვირგვინის ჩამოცმის ამბავი და მაშინ დამარტყა, ამაშიც რაღაცა ყრია-მეთქი, ბახის “ენებანი” დავდე – ალტის პარტია მათედან, თვალები დაეხუჭე და უცებ წარმოვიდგინე თითქოს ლურსმანს თავად ვურჭობდი გაშლილ მტევანში. მას მერე

ოთხივე თავის ეგ ადგილები ლამის დაეიზებირე და უკვე მართლა მეჩვენებოდა რომ თეთრი ტოგა მეცვა და თაკარა მზეში მათრახს ვუტყლაშუნებდი შიშველ ოფლიან ზურგზე, სისხლი და ოფლი იყოფოდა ერთმანეთში და ხალხის გოდების ხმა მესმოდა კარგი გუნდით. იტოგში, მთლად უსარგებლოდ არ დამიკარგავს დრო და ხაროს უფროსის ყურსაც კი მიწვდა – # ესა და ეს ეკლესიურობაში გადავარდაო. ქადაგად დამდგარ კაპელანსაც უფრო ყურადღებით ვუსმენდი ხოლმე, მაგრამ მაგის ნაბჟუტურალის ბევრი მაინც არაფერი გამეგებოდა.

დღესაც რაღაცა იბოდილა იმათზე, ვინაც ღვთის სიტყვას კი უსმენდა თითქოს, მაგრამ მათ თავში რო არ შედიოდა არაფერი, და ვითომ სილაზე აშენებდნენ სახლს და ატყდა თურმე ჭექა-ქუხილი, ნიაღვარი წამოვიდა და ნაგებიც ჩამოიქცა. ჯერ რა ხისთავა რამე უნდა იყო ამას აკეთებდე და მერე ან მართლა მშენებელს არავის იცნობდნენ, ან მეზობლებიც კაი დამპლები უნდა ყოფილიყვნენ, დროზე არავის გაეფრთხილებინა... მოკლედ, რაღაც მუღამი ვერ ავუღე მაგის გადაკრულად ნაქადაგარს.

მერე იყო და უცბად მიაფუჩეჩა ბოლოში სათქმელი და ‘ახლა ორმოც-დამეხუთე საგალობელი დავცხობთ’ – გამოაცხადა. ატყდა ერთი შმაშუნი, ხველება, პიჟამების სწორება და ხმების მიხედვით ადგილების გაცვლა-გამოცვლა. მე ჩემი მუსიკა გამზადებული მქონდა და მოცემულ ნიშანზე გავუშვი შუტცის ძაან ძაან მარტივი თემა ორლანზე, თანაბარი გადასვლებით ბანებში.

საერთოდ, რიგიანი მომღერლებიც გვყავდა, დამწვრისად უბერავდნენ ხოლმე გალიაში გამომწვევდუელ ბულბულებსა და თავის ნებაზე მონაგარდე ყვაგებზე – პატარა ტრენინგი და სამხმიან მოტეტებსაც ამღერებდა კაცი, ზედ კიდევ ფსალმუნებიდან დაადებდი სიტყვებს, მაგრამ კაპელანს თავისი რეპერტუარი ქონდა დაწესებული, არც ვიცი ვისი შეთხზული იყო, იქნებ სულაც საკუთარი და ხაროს უფროსს და ზედამხედველ კომისიასაც თავის დროზე ძაან მოსწონებიათ თურმე:

*მძიმე არი ციხის კარი –
გარეთ როგორ გახვალ,
ცოდვებს თუ არ ინანიებ –
ჯოჯოხეთში ჩახვალ!..*

ცხვრებივით ერთ ხმაში ბლაოდნენ პატიმრები ამ სისულელეს და ზოგს მგონი ცრემლიც ადგა თვალზე. ეს ვირი ნაღზორები კიდევ დაუვლიდნენ ხოლმე კიდევ და დასძახებდნენ – ხმამაღლა, უფრო მოშინადო. ბოლო-ბოლო ესეც მოთავდა და ბოლო სიტყვაც კაპელანმა დაგვაწია: ‘გფარვიდეთ წმიდა სამება და მუღამ უკეთესობისაკენ წაგმართავდეთ ყველას, ამენ!’ მეც ჩემის მხრივ ერთი პატარა ნაწყვეტი დავურთე ადრიან შაიზელბერგის მეორე სიმფონიიდან, დამშვიდობების ამბავში, ჯოჯი კიდევ გასასაუღელს მიაწვდა და იყო ერთი ზედახორა და ნაღზორებმაც გაიხარეს დრუჩოების ქნევით.

მერე კაპელანი მომადგა, კაი ძმაკაცივით გადამხვია მარჯვენა და გაბადრული სახით მეუბნება: ‘დიდი მადლობა შენი ამჯერედაც, რას მეტყვი ახალს?’ საქმე ის იყო, ეგ ჩემის კაპელანი მაგრა ჩალიჩობდა როგორმე წინ წაწეულიყო ჩინის ამბავში, ამისთვის კიდე ხაროთუფროსისაგან ატმასკა ჭირდებოდა. ხოდა, ეგ ვირთხაც მგონი ყოველ მეორე დღეს მასთან ყურყუტებდა და ყურებს უჭვლავდა – პატიმრებში ასე და ასე ლაპარაკობენ, სულ რაღაც-რაღაცეებს ხიმანკობენ მაგრამ ჩემი ჯერათ, მე კიდე სულ თქვენს ქებაში ვარ და როგორღაც მაინც ვაშოშმინებო. ხანდახან კიდე მთლად გაუხეთქავდა გულს – ბუნტი მზადდება, ან ესა და ეს ნომერი გაქცევას აპირებს, ან კიდე რამე ამდაგვარს დაუბრუნებდა და იწყებოდა ერთი ალიაქოთი. მთელი ეს ბაზარი კი სულ ჩემი შეთხზული იყო, თუმცა ხანდახან მართალიც გამირტყია შემთხვევით – აი თუნდაც იმ ბოთე ჰარიმენის ამბავი, ღამის შემოვლაზე დარაჯის მოღრჩობას და მის ტანსაცმელში გადაცმული რო აპირებდა ათესვას, ოღონდ ენა ვერ გაიჩერა პირში... ან კიდე კანალიზაციის მიღებზე კაკუნით რო დაამუშავეს ტიპებმა ერთმანეთთან კავშირი. აი ეგ მართლა ფინთი რამე იყო: არ შეიძლება პატიმრებს გაერთიანების საშუალება მისცე. ერთხელაც კიდე სადილზე იმდენი იჯაჯღანეს უგემური საკვების გამო, ვანშაშვ ნაღდად შუხურს ატყბავენ-მეთქი, ვუთხარი და მაგრადაც გამიმართლა, ოღონდ იმ საღამოს მორიგეების გარდა გარეთ კიდე მთელი ქვეგანაყოფი იყო გამზადებული და უცბად დააყუჩეს სუყველა. კაპელანს კიდე ცალკე უფროსისაგან ერგო მადლობა და ცალკე სასულიერო სამმართველოდან – განსაკუთრებით მძიმე ობიექტზე თავდადებული სამსახურისთვის.

ამჯერადაც ცინცხალი ტყუილი მქონდა გამზადებული, მაგრამ ვინ რას დაგიდევდა, მაგის მესადიც თუ გამართლდებოდა, ამბის გაბუქვა მერე უკვე მაგათი საქმე არ იყო?!

‘ღიახ, სერ – ნამდვილს გეუბნებით, სერ – ჩემი ორი ყურით გავიგონე, პაკეტი კოკაინი უნდა შემოიტანონ და მგონი მერევე ბლოკს აქცევენ დასანაწილებელ ბაზად’.

‘ძალიანაც კარგი,’ – მეუბნება – ‘თუმცა რა კარგი, ისა – ცუდი ამბავია, ძალიან ცუდი! მაგრამ შენ აბა რა შუაში ხარ – შენი გულმოდგინების ამბავს კიდევ ცალკე მოვახსენებ ზემოთ.’ – თქვა და გაიბღინმა, როგორც ჩვეოდა ხოლმე როცა უფროსობასთან თავის ახლო ურთიერთობაზე გადაკრავდა სიტყვას.

‘საზოგადოდ, ნამდვილად რომ სანიმუშოდ იქცევი, აშკარად გამოსწორების გზას ადგახარ შვილო ჩემო # 665321... ასე თუ გაგრძელდა, შუამდგომლობასაც ავღძრავ, ერთი-ორი წლით ადრე რომ გაგათავისუფლონ, ღიახ’.

‘დიდი მადლობელი სერ, ღმერთმანი თავს არ დავზოგავ, ოღონდ ერთი რამ მინდა გკითხოთ სერ – ხმები დადის, რაღაც ახალი მანქანა გამოუგონიათ, ჩაგიშვებენ შიგ და განახლებული გამოდიხარ, აღარც ციხე გინდა და აღარც არაფერი, პირდაპირ გარანტირებული ხარ ყოველგვარი ბოროტისაგანო...’

ვატყობ, არ ეპიტნავა მაინცადამაინც – ჯერ რაღაც საიდუმლოდ ინახავენ ამ ამბავს – არადა ხომ ვიცი, მუდამ ენა ექავება მაღალ მატერიებზე ებალამუტოს ვინმეს.

‘ჰო, ეეე... როგორ არა, არის ეგეთი რამ, ლუდოვიკოს მეთოდს ეძახიან, ოღონდ ჩვენთან ჯერ არ უცდიათ – უფროსია წინააღმდეგი და სიმართლე ითქვას, არც მე მებატება გულზე’.

‘ეგ რატომ, სერ?’

‘იმიტომ რომ ადამიანის ბუნებას ვერავითარი მეთოდებით ვერ გააუმჯობესებ. კეთილიცა და ბოროტიც შინაგანი ამბავია და ღვთისშვილს არჩევანის უფლება თუ არა აქვს, იმას ადამიანიც აღარ ეთქმის!’

კაცმა არ იცის კიდე რამდენს იქაქანებდა ამ აბდაუბდას მაგრამ ამ დროს რკინის კიბებზე ერთი ბრაგაბრუგი ატყდა – მორიგი პარტია ზეკები მოგვადგენ თავისი წილი სულიერი საზრდოს მისაღებად.

‘კარგი, ახლა შენს საქმეს მიხედე,’ – მეუბნება კაპელანი – ‘მაგაზე კიდე სხვა დროს ვილაპარაკოთ’. ხოდა მეც ბახის ერთი ქორალური პრელუდია დავუდე, Wachen auf* ქვია რატომღაც და ეს ჯგროც შემობლაყუნდა, ნაღზორები კიდე აქეთ-იქიდან დადგნენ, კაპელანიც აბობლდა კათედრაზე და გააბა ისევ თავისი რა ვქნათ ახლა?

იმ დილით კიდე ოთხი პორცია ქადაგება ქონდა დაგეგმილი და ჩემთვის ვილა მოიცლიდა – ბოლოში ჩვეულად გადამიხადა მადლობა, ის ლუდოვიკოს მეთოდია თუ რაღაცა, სიტყვითაც არ უხსენებია.

2.

სალამოსკენ ისევ ჩვენ-ჩვენს სოროებში შეგვერეკეს და მოგვიკეტეს კარი. თავის დროზე თითო კამერა ეტყობა სამი კაცისთვის იყო გათვლილი, ოღონდ მერე კიდე სამი ნარიც დაემატებინათ და ახლა ექვსნი ვიყავით სელიოდკებოვით ჩალაგებულები. პირველი კარებთან ზოფარი იწვა – ვერც სახელით გაიგებდი რა ჯილაგისა იყო და ვერც გარეგნობით – ერთი მურთხი რამე და არავითარი აქცენტები. ლაპარაკი კიდე ნამდვილი ქურდის ქონდა, ცოტა ჭკუაზეც აფრაკად იყო და იჯდა ხოლმე თავისთვის და სულ ყვებოდა რაღაცა გაუთავებელს, მაგრამ თავს ბოლოს ვედარ აბამდა და აღარც ყურს უგდებდა ვინმე. მერე ერთი სქელო ურია მოდიოდა, სულ მუდამ ოფელში იწურებოდა და ნამდვილი ძილისგუდა, ოღონდ

* განიღვიძეთ! (გერმ.)

მაგაზე ამბობდნენ, სტუკაჩია და კაცი ფრთხილად უნდა იყო, ძილშიც ყველაფერი კარგად ესმისო. ეგ იყო, იავნიზე ვერც ერთხელ ვერ გამოიჭირეს. მერე ორი განუყრელი ძმაკაცი – კირპინა და ლოქტორა. კირპინა ვილაც პატარა გოგომკას ხმარებაზე იყო ჩამჯდარი (ისიც შეტენეს, “გაუკუღმართებულადო”, თუმცა დედის სულს იფიცებოდა – არაფერი მსგავსიო), ლოქტორა კიდე თავს დებდა თურმე – კიბოს ვკურნავო, ოღონდ შპრიცს ცარიელა გამოხდილი წყლით ავსებდა. მერე ერთი ქალიც აბორტმახერობის დროს ჩაკვლოდა ხელში. უფრო სწორედ, მაგი-დანე. ესეც გაუხსენეს.

კიდე იყო ვინმე ჯოჯონა, მაგარი ჰიგიენური ტიპი – ყოველ კვირადღეს პედიკურს იკეთებდა გადატეხილი ბრიტვით. მოკლედ, ძაან საზოგადოებაში გახლდით გამოსული. იმ დღეს კიდე, თითქოს ადამიანებად აღარც გვთვლიანო, კიდე ერთი შემოგვისახლეს, ანუ – კარი გაიღო და შემოგვიგდეს, იატაკზე მოადინა ზღართან. ჩვენ ჯერ აზრზე ვერც მოვედით, ის რო წამოხტა, გისოსებს ეცა და მორთო ღნავილი: ‘ხალხი არა ხართ?! იატაკზე დაწვე?! რა მინდა ამ გადატეხილ სოროში – ციხეა თუ გაზის კამერა! უფროსთან ვიჩივლებ!’

ყურიც არაუგინ გაიბერტყა, რა თქმა უნდა.

ხოდა ძმებო, სწორედ ამ კაცით დაიწყო ყველაფერი – იმისთანა დამპალი ვინმე აღმოჩნდა, ვინ იყო მაგის ამტანი. ჯერ ჩემზე გაახურა – ყველაზე ახალგაზრდა შენა ხარ და მოგიწევს იატაკზე ძილიო. ახალმორთეულს თუ ერთხელ რამე გაუვიდა მერე კარგად მყოფე და ალბათ ამიტომ იყო, ხმის ამოდებაც არ დამჭირებია, სხვებმა წაუთაქეს თავში და მოაკეტინეს. მერე ის იყო წავთვლიმე და გვერდში არ მომიწვა ეგ ვირიშვილი და არ დამიიწო ხელების ფათური და სიყვარულის ახსნა! გიჟივით წამოგვარდი, დავეთრიე და ვერც ვხედავდი კარგად სად უურტყავდი, მერე ფეხებით შევდექი და სანამ ნადზორები არ შემოცვივდნენ, არც გაგჩერებულვარ. დიდი კი არაფერი, რა თქმა უნდა – ფეხსაცმელებზე შწუროკები ყველას დაძრობილი გეკონდა და იმ სიბნელე-სიფიწროვეში კიდე ხელსაც ვერ გაიქნევიდი ხეირიანად, მაგრამ ჩხუბი ჩხუბია და მტყუან-მართალს ვინ დაგიდევდა – თითო-თითო ყველას მოგვხვდა და თავისი ჭკუით, დაამყარეს წესრიგი. მერე გაგვაფრთხილეს, კიდე რამე შუსური თუ ატყდა, ვაი თქვენი ბრალიო და პატარა წითელი სინათლეც აღარ გამოართეს ჭერში: ასე უფრო ჭკვიანად იქნებითო – გაიღმიჭა ოპერ-ნადზორი და გაიკრიფნენ.

უკვე ვიცოდი, ჩემი ძილი აღარ იქნებოდა და იმ პილორს ვეუბნები – დაგდე ნარზე და განძრევა არ გაბელო, მე კიდე ჩემი საბან-გობანით იატაკზე მოვეწყობი-მეთქი. ‘დაიცა,’ – ლოქტორა მეუბნება – ‘ეს ყველაფერი კარგი, მაგრამ არც მაგის დაწოლა იქნება – იდგეს ფეხზე კუთხეში, ჭკუას ისწავლის’. იმ ჩემისამ კიდე იმის მაგიერად, ენა მუცელში ჩაგდო და ხალხი უფრო არ გაეღიზიანებინა, ახლა იმას აუხტა: შენ ვინა მყევხარ, ვინ რას გეკითხება მე და ეს კაცი როგორ მოვრიგდებითო. მართლა კაი დარეხვილი ვინმე იყო. დაიწყო და აღარ გაათავა. ჯოჯონამაც უყურა, უყურა და ის ქლიავიც რო აღარ მორჩა შიპიტს, ერთი ამოიოხრა და მშვიდად ისე, ყველას გასაგონად თქვა: ‘ძილი თუ არ გვიწერია ამ ღამით, ერთი სასარგებლო საქმე

მანც ვქნათო'. ხოდა კირპიჩამ ქეჩოში სტაცა ხელი, მეორეთი ცოტა ხნით პირი მოუკუპრა და მოსდგენ და იმდენი უბრაგუნეს, თურქის ბარაბანს რო არ მოხვედრია, ოღონდ უხმოდ მუშაობდნენ და მეთოდურად, რიგ-რიგობით. ბოლოს ჩემი ჯერიც დადგა და ამ პატარა წითლად მბჟუტავ სინათლეზე ეს გასისხლიანებული სიფათი რო დავინახე, თითქო რაღაც გადამიტრიალდა გულ-ღვიძლში – ცუდად კი არა, პირიქით, თითქო ახლა გავხდი მართლა კარგად, მხოლოდ ყველაფერს წითლად ვხედავდი, ცოტა ბუნდოვნად და არავითარი ცემა-ტყეპა არ დამიწყია, მიუახლოვდი, შორიდანვე გავუშალე და მთელი ტანით შეეუშვი დარტყმა – შიგ ჟანგიან ყბაში მოხვდა და კეფით გაეკრო კედელს. მართლა მაგარი გრძნობა იყო, ღმერთმანი.

‘ესეც ასე.’ – კმაყოფილად, ვალმოხდილი კაცის ხმით თქვა დოქტორამ – ‘ახლა კი ნამდვილად წაუძინებს, იმედია დილამდეც და ხვალ სულ სხვა, წესიერ ზრდილ და უაღრესად მორიდებულ პიროვნებად წარმოგვიდგება, იმედია. თუ არა და კიდევ გავიმეორებთ – რეპეტიციო ესტ მატერ სტუდიოროუმ, მოგენსენებათ’. დიდი მახალო ვინმე კი იყო ეს დოქტორა, სულ ასე დახვეწილ სტილში ლაპარაკობდა, დინჯად და მძიმედ.

ჩვენც ჩვენ-ჩვენ ნარებზე ავძვერით და დილამდე თავი არც ერთს არ აგვიღია. მე კიდევ რატომღაც ისევ ისეთი უცნაური სიზმარი მესიზმრა: თითქოს მთელი ორკესტრი მართო მე ვიყავი და ორი ღირიჯენტი მყავდა ერთდროულად – ბებერი ფაფარიანი ლუდვიგა და პარიკიანი ჰენდელი მაგრამ ორივე ერთნაირად უკმაყოფილო იყო და ხან რაზე მდებდნენ შარს და ხან რაზე. მერე მეც ამეშალა ნერვები და ხან ალთას ვუბერავდი და ხან ბალთას. ბოლოს ორივე ერთად მომდგა და გამიხვრიტეს ტვინი... სწორედ ამ დროს გამომეღვიძა და ვხედავ, ყველას იმ გუშინდელ ნაცემ-ნაბეგვი ბაიყუმის გარშემო წრე დაურტყამთ და რაღაცას ყაყანებენ. მერე დოქტორას ხმა გავიგონე: ‘გულის ამბავია ალბათ. ასე გაცხარებაც არ ვარგა. მეტისმეტი მოგოვიდათ გუშინ, მეტისმეტი’.

‘დაიცა ღოკ,’ – ჯოჯონა ეუბნება – ‘შგონი არც შენ დაგიკლია ხელი’. მეც მივედი და ვხედავ ის ჩემისა რაღაც უცნაურად წვეს, თვალედატყეტილი და პირღია. შიშველი ფეხის თითები შევახე მკლავზე და ცივი იყო – ისეთი კი არა, შემცოცნებული როცაა კაცი, მართლა ცივი – მაცოცხარში ნაგდები კატლეთივით.

‘მართლა, ალექს – ის ბოლო დარტყმა ნამდვილად ზედმეტი იყო.’ – ახლა მე მომიბრუნდა დოქტორა.

‘ჰო, რა თქმა უნდა.’ – ვუბნები, თან გულმა რაღაც რეჩხივით მიყო – ‘კირპიჩას ეჭირა, შენ და ჯოჯონა ცემდით, მე კიდევ ერთი დაუჟადე ბოლოში და ახლა თურმე სულ ჩემი ბრალი ყოფილა ყველაფერი!’.

‘ერთი იყო, კი – მაგრამ მეტისმეტი, ასე ვთქვათ, გამეტებით... რომ იტყვიან, ზედმეტი ჩხირი ტვირთი აქლემსაც დააგდებსო...’ – დანარჩენებიც დგანან და ძაან ბრძნული სახით კვერს უკრავენ. მართო ყვეერაა ჩუმად და როგორც

ყოველთვის, ახლაც ოფლი ასხამს, ოღონდ სიმწრის.

‘ნაბიჭვრებო’, – ვუბნები – ‘ვირიშვილო თესლო ნაბიჭვრებო...’ მერე გაეჩუმდი, ან რა აზრი ქონდა რა – გუშინდელივით მახსოვდა იგივე ამბავი, იმ ჩემმა ყოფილმა ძმაკაცებმა რო მიყვეს. ასეა ძმებო, ბოლომდე არავის ნდობა არ შეიძლება ქვეყანაზე – ადამიანი, საზოგადოდ, ყველა ერთი ნაგავია, ერთი ქაქიდან მოზეული.

მერე ატყდა მთელი ბაზარი, მკვდარი გაიტანეს, პატიმრები აღარც სამუშაოზე და აღარც ნასადილევს მუხლის გასაშლელად აღარ გაუყვანიათ, ის კი არა და სადილი საერთოდ არ ჩამოუტარებიათ – იჯექით მანდა და ხმა არ გაიღოთო, ყველაფერზე ამას პასუხობდნენ. რა თქმა უნდა, ხაროთუფროსს სისხ-ამდილასვე მოახსენეს ყველაფერი, იქნებ ლოგინიდანაც კი წამოაგდეს მაგრამ უცნაური ის იყო, არც თვითონ გამოჩენილა და არც მისი ბრძანებით რამე სას-ჯელი არ დაუდვიათ არავისთვის. ოღონდ რაღაცას კი ელოდნენ ყველანი და სულ მირბიმორბოდნენ, ფაციფუცობდნენ რაღაცას დარაჯებიდან დაწყებული დამლაგებლებით გათავებული. ბოლო-ბოლო სალამოს ექვსი საათი იქნებოდა, ჩვენი კამერის კარი გააღეს და მთელი უფროსობა დაგვეჩითა, თანაც მათ შორის ახლა სულ სხვა პირველობა – ვიდაც მაღალი, ცისფერთვალეა პიჟონი და ღმერთმანი ძმებო, ასე მორგებული შარვალ-კოსტუმი მე მეტი არც მინახავს – ისე ადგა ტანზე, თითქო საკუთარი ტყავიაო. ჩახალსტუხებულ-ჩაპერანგებულიც ხო იყო და სათვალეც ისეთი ეკეთა, მგონი მართლა ოქროსი ქონდა ჩარჩო, თუ არა და ფასი მაინც ნაღდი ოქროსი ექნებოდა. იდგა და სადღაც ჩვენს იქით იყურებოდა, თითქო შუშისაგან ვიყავით ყველანი ნაკეთები და ქადაგებდა: ‘...ესეც თქვენი ნაქები თეორიები დანაშაულისა და სასჯელის თაობაზე – ბოროტმოქმედებს ერთად შეყრით და ერთი პირი სასჯელის მოხდასაც ვერ ასწრებენ, დანაშაულს დანაშაული ემატება!. არა ბატონებო – ასე არაფერი გამოვა, ხაროები ისედაც გადაჭედილია და პოლიტიკურებს რაღა ვუყვით? ან რომელ სასჯელის მოხდასა და შრომა-გასწორებაზე ლაპარაკი?! ამით რა გამოასწორებთ – ერთმანეთსაც არ ინდობენ... რადიკალურ ზომებს უნდა მივმართოთ – ან მკურნალობა გამოასწორებთ, ან სამარე!..’

აი მანდ ვისქესე, ჩემი დროც დადგა-მეთქი და ცისფერთვალას ვეუბნები: ‘ნება მომეცით მოგახსენოთ, სერ – კარგა ხანია ჩემი ნებით ვითხოვ მკურნალობა დამინიშნონ – კაპელანი დამემოწმება რომ სამაგალითო ქცევით...’ მაგრამ სუბ-ორდინაციის ასეთი უმაგალითო დარღვევის მომსწრე ცენტრალური ხაროს უფროსს უეცრად სისხლმა აასხა ტვინში და ერთი ისეთი მიღრიალა, ყურის ბარაბანი გამისკდება-მეთქი, ვიფიქრე. ის შმოტკინა კიდე შეიჭმუნა მხოლოდ და ეუბნება: ‘აი ხომ ხედავთ, უკვე მოხალისეებიც გამოჩნდნენ! ძალიან კარგი, ახ-ალგაზრდაა და თავგამოდებული – მივცეთ შანსი. დამიჯერეთ, ბროდსკის ხელში მკვლელიც კი მშვიდობის მტრედად იქცევა’. თქვა და გატრიალდა. სხვეებს რაღა დარჩენოდათ, კვალში მიყვნენ. მე კიდე ცხვირწინ მომიჯახუნეს კარი.

3.

იმავე საღამოს ძან ნახად და ზრდილობიანად წამომაგდეს და წამათრიეს უფროსის კაბინეტში. ის კიდე კუშტად მომაშტერდა და საშინლად გადაღლილი პასუხისმგებელი მუშაკის ხმით მეკითხება: 'ისე, აზრზე მაინც თუ ხარ, ამ დილას ვის ელაპარაკე?' მერე პასუხისთვის არც დაუცდია, თავისი გარეკა: 'მინისტრს, ჩემო კარგო – დიიხა, შიდა საქმეთა ახალ მინისტრს! ახალმა სიომ დაუბერა, მოგეხსენებათ, და ამასაც ახალი იდეები აწუხებს... ასეა თუ ისე, ბრძანება ბრძანებაა და მე არაუინ მეკითხება ძველი ცოცხი მირჩენია თუ ახალი უფრო მომწონს, თუძცა ნაღდად რომ არ მომწონს და ჩემდათავად, სადაც გნებავთ იქ ვიტყვი: თვალი თვალისა წილ – რამდენჯერ უთქვამს ჩვენს კაპელანს და სავსებით ვეთანხმები, სავსებით! თუ ვილაცა გაგარტყავს, შენც ჩასცხებ – ასე არაა? თორემ მერე უარესს გიზამს... მერედა ვინც სახელმწიფოს უჩაჩქუნებს თავში, იმას რაღატო არ უნდა მოხვდეს? არაო, ახლა ისეთი აზრიაო გვეუბნებიან, ცუდს კარგად უნდა მოვექცეთ, ბოროტს – კეთილადო, სადაური სამართალია, გეკითხები?.'

'აბა რა გითხრათ სერ...' – ვეუბნები, თან ვცდილობ ვუჩვენო რა ზრდილი და წესიერი ვარ და სხვისი ჭირის გამგები, ეს ჩემი ახმახი ნაღზორი კიდე შიგ ყურში არ ჩამბდავის: 'ხმა-კრინტი! რაებს ბედავ აქა!!.'

'კარგი, კარგი, შეეშვი.' – ისევ იმ ძან ძან გადაღლილი ხმით ამბობს ხაროსთავი – 'შენ კიდე, რა ნომერი ხარ... ჰო, 665321 – ხვალ იმ ვილაც ბროდსკისთან გამოცხადდები. უნდა გადაგაკეთონ. რაღაც ორ კვირაში პატიოსან კაცად ვაქცევთ და საზოგადოების სრულუფლებიან წევრად გავხდითო. ყოველ შემთხვევაში, ნომრებს აგაძრობენ და გვარ-სახელს დაგიბრუნებენ. გაწყობს?'

ვღგვეარ, ხმას არ ვიღებ, და ახლა ამაზე ამიყვირდა ახმახი: 'უპასუხე უფროსს, არ გესმის შენა?!'

'დიახ სერ, დიდზე-დიდი მადლობა, სერ! ვეცდები ნღობა გავამართლო. მადლობელი ვარ ყველასი, სერ!'

'ტყუილად ხარ... ვერაფერი სამადლობელია. აი აქ ხელი უნდა მოაწერო, რომ ნებით თანხმდები ამ ახალი მეთოდით მკურნალობაზე და განთავისუფლების შემთხვევაში არავითარი პრეტენზია არ გექნება. მოაწერ?'

'უეჭველად და უყოყმანოდ, სერ! ხელიც არ ამიკანკალდება'. იმანაც მომაჩენა კალმისტარი და კარგად, გარკვევით და ლამაზად ჩაუწიკწიკე საკუთარი სახელი და გვარი.

'ამ დავიდარაბასაც მოვრჩით...' – თქვა უფროსმა და თავი დაუქნია, გაიყვანეთო. ოღონდ ჯერ თურმე ერთიც მქონია მოსალევი: კაპელანს მოსურვებია ჩემთვის გამოსათხოვარი სიტყვის თქმა და ახლა იმასთან წამაპროწიალეს. ის კიდე იჯდა თავის მაგიდასთან, გაფხორილი, და როგორც ყოველთვის ახლაც ვისკითა და

სიგარის სუნით ყარდა. ახრანას ანიშნა, გარეთ დარჩითო და მერე მე მომიბრუნდა:

‘დაჯექი, დაჯექი შვილო ჩემო 665321! ერთი რამ უნდა გითხრა თავიდანვე: ჩემი ხელი ამაში არ ურევია. აზრი რომ ქონდეს, ხმასაც ავიმალლებდი ამ უმსგავსობის წინააღმდეგ, მაგრამ ახლა უკვე გვიანია – ხმა ჩემი დარჩება ხმად მლაღადებლისა ოფიციალური უსულგულობის კედლის წინაშე... გესმის რას ვამბობ?’

ისერა-მეთქი, გავიფიქრე, მაგრამ ყოველი შემთხვევისათვის მაინც დაუუქნიე თავი.

‘რთულზე რთული ზნეობრივი საკითხია – ყოვლად წესიერ, ზნეკეთილ ბიჭად უნდათ გაქციონ. სურვილიც კი აღარ გექნება ბოროტება ჩაიდინო, ან თუნდაც ძალადობის რაიმე აქტი. გესმის რას ვამბობ?’

‘მერე მაგას რა ჯობია, სერ!’ – ვუუბნები, არადა გულში მეცინება ძმებო, რასაა რო ბოდილობს-მეთქი.

‘ჯობია, შვილო ჩემო, ბევრი რამე ჯობია! თავისთავად კარგს ამაში ვერაფერს ვხედავ: ძალად კეთილი გაგხადონ – არ იქნება ეს ადვილი ასატანი საქმე. ადვილი კი არა, გაუსაძლისი იქნება ალბათ და უკვე ვგრძნობ, მრავალი დამე დამათენდება მაგაზე ფიქრით... განა რა სურს ღმერთს ჩვენგან? ბრმად და იძულებით კეთილნი ვიყოთ თუ შეგნებულად ვარჩიოთ კეთილი ბოროტს? იქნებ ვინც შეგნებულად ირჩევს ბოროტების დაკლავნილ ბილიკს, რაღაცით მაინც უფრო ახლოა ღმერთთან, ვიდრე ის ვისაც სიკეთის სწორ გზას იძულებით გაუყენებენ? მძიმე და მნიშვნელოვანი კითხვებია, შვილო ჩემო #665321! მაგრამ ახლა სხვა მინდა გითხრა: თუკი ოდესმე მოიგონებ აქაურობას და მეც გამიხსენებ, უმდაბლესსა და უმორჩილესს ღვთის ნების აღმსრულებელთა შორის, გემუდარები – გულშიაც ნუ გაივლებ, თითქოსდა რაიმე წვლილი მედოს ამ საქმეში, უბრალო ვარ და მხოლოდღა ღმერთს შევავედრებ შენს ცოდვილ სულს. ერთი ეგაა, მე კი ვილოცებ შენთვის, მაგრამ შენ ახლა იმ ზღვარს გადახვალ, რომლის იქით ლოცვის მადლიც ვერ შეგწვევა... საშინელი განსაცდელია ეს, შვილო ჩემო! თუმცა, მეორის მხრივ, როცა ნებით უარი სთქვი ზნეობრივი არჩევანის უფლებებზე, ამით ხომ თავისთავად კეთილი ირჩიე უნებურად?!. საოცრად რთული საკითხია, რთული და ჩახლართული და მაინც, მრწამს რომ სწორედ ასეა ეს და არა სხვანაირად!’ – როგორც იქნა, მოხია ფინალი და ახლუქუნდა. სიმართლე გითხრათ, არც გამკვირვებია მაინცდამაინც, სეკრეტური ღიად დარჩენოდა და ვისკის ბოთლიც ლამის ძირამდე ჩანდა დაყვანილი. თითქოს მიმიხვდაო, გასადებით გულმოდგინეთ ჩაკეტა და სლუკუნფსლუკუნით მეუბნება: ‘ან იქნებ სწორედ ასეა საჭირო, ვინ უწყის? შეუცნობ არიან გზანი უფლისანი!..’ და უცებ დადგა და კარგი დაყენებული ხმით მეუბერა რომელიღაც საგალობელი. მაგარი სანახავი იყო, ღმერთმანი. მაგრამ ამ დროს ის ახმახი ნადზორი შემოვიდა და ისევ ჩემს მყრალ საკანში წამაჩანჩალა.

როგორც იქნა, გათენდა ნანატრი დილა და ამ პიტომნიკსაც დავემშვი-

დობე. ისე, ძან შორსაც არ წავსულვარ: იმავე ტერიტორიაზე, ოღონდ ციხის ბლოკებისაგან მოშორებით ერთი მაღალი თეთრი შენობა იდგა, შუშაბეტონში გადაწყვეტილი, კარგა მაღალი გალავანი ერტყა, ფანჯრებიც ტონირებული ქონდა და ცალკე მისასვლელი, საკუთარი ახრანა და კაციშვილმა არ იცოდა ვინ რას საქმიანობდა შიგ – სწორედ იქ მიმიყვანეს.

უზარმაზარ პოლში ნამდვილი საავადმყოფოს სუნი იდგა, ოღონდ ისეთი კი არა, ჩვენი უბნის პოლიკლინიკაში როა, პირიქით – სტერილური სისუფთავის და კონდიციონირებული ჰაერის სპეციფიური სუნი. ტანში გამბურძგლა. მერე ვიღაც თეთრხალათიანი მოვიდა, რაღაც დავთარში ჩამწერა და ძან ალერსიანად გამიღიმა. ჩემი ტლუ ნადზორი კიდე ეუბნება: ‘ფრთხილად ამასთან, სერ! ამას არც ციხემ უშველა და არც კაპელანის ბიბლიის კითხვამ...’ მაგრამ იმან მარტო გაიღიმა ისევე, მხრები აიჩეჩა, ეს ვირი დაითხოვა და მეორე სართულზე ამიყვანა. თვალებს არ ვუჯერებდი ძმებო – ცალკე ნომერი მომცეს, აბაზანით, ფართო ლოგინით, გატკიცინებული პიჟამათი და მშვენიერი ფუმფულა ხალათით! ის ჩემი ნომრიანი ფლასები კიდე სადღაც გააქრეს. გული არ დამწვევებია მაინცადამანც. ‘არა, ძმაო ალექს,’ – ვეუბნები საკუარ თავს – ‘აწი წუწუნი აღარ გავიგო შენი’. მერე კიდე ნამდვილი ყავა მომართვეს და ძველი ჟურნალები – მთლად სანატორიუმში მეგონა თავი.

ცოტა ხანში ვიღაც კიდე ერთი თეთრხალათიანი შემობლავუნდა, სტეტოსკოპი დააძრო და დოქტორ ბრენომად გამეცნო, ბროდსკის ასისტენტი ვარო, დაუმატა. ვაცალე, სანამ ეს ჩაისუნთქე-ამოისუნთქე და ისუნთქე-არისუნთქო ბაზარი ჩათავდებოდა და მერე ვეკითხები: ‘მაინც რას მიპირებთ, სერ – ალბათ რაიმე პროცედურები უნდა ჩამიტაროთ?’

‘არაფერი მსგავსი,’ – მეუბნება – ‘კარგს გაჭმევთ, კარგს გასმევთ და მერე ფილმებსაც განახებთ!’ ყურებს არ ვუჯერებდი ძმებო, მაშაყირებს-მეთქი, გავიფიქრე. კინოში მარტოკამ უნდა ვიარო თუ თქვენ წამომყვებით-მეთქი, წავეიაზვე. ამან კიდე ვითომც არაფერი, სრულიად სერიოზულად ამიხსნა – არსადაც არ წახვალ, სპეციალური ფილმებია, აქვე უნდა უყუროო; ოღონდ ყოველი ამის მერე თითო ნემსი უნდა გაგიკეთოთ, მოგიხდებო. – მახარა იქვე.

‘ეს ალბათ რაიმე ვიტამინები იქნება, ჯანზე მოსასვლელად?’ – ჩავდიე დღინში. ‘ჰო, რა თქმა უნდა ვიტამინები, დიას – ციხის მერე, ხომ იცი, მომაგრება ჭირდება ორგანიზმს.’ – თქვა და ამანაც ძან გულთბილად გამიღიმა. ასე ღრეჭა-ღრეჭით გავიდა გარეთ.

მე კიდე ლოგინზე წამოვგორდი და ჟურნალების ჩითვა დავიწყე. დმერთმანი, რა გინდოდა სულო და გულო: *გლოუბსპორტი, ფლეიბოი, კინოსამყარო...* მაგრამ მაინც მალე მომბეზრდა, თავქვემ ხელები ამოვიწყე და წავედი ფიქრებში. არა, აწი თუ არაფერი გამომიხტა, ტუზის დაცემასავით იყო მთელი ეს ამბავი: გავიდოდი აქედან ყოვლად წესიერი ახალგაზრდა, ალბათ სკოლაში სიარულსაც აღარავინ მომთხოვდა – რაღა დროს ჩემი სწავლა იყო, ხოდა გამოვძებნიდი რაიმე იოლ

სამუშაოს, საღამოს გამოვიძინებდი და ბნელ ღამეში საქმეს მივხედავდი ჩემებურად. ჯერ ერთ კარგ ახალ შაიკას ავკრეფდი – ჭკუით, შერჩევით, და მერე ბნელს და პიტს ვუჭირებდი ყოფას, თუკი ისინიც ციხეში არ ჩააყუდეს ჩემსავით. ოღონდ ფრთხილად კი უნდა ვყოფილიყავი, ძან ფრთხილად, აბა ყველა ამათ როგორ გავუცრუებდი იმედს – ამდენი უნდა იწვალონ, ტვინები იჭყლიტონ, ფილმებიც მანახონ, იქნებადა დისერტაციებიც კი გააშანშალონ ჩემზე და ბოლო-ბოლო წყალში ხო არ ჩაუყვრიდი ამაგს! ასეთ რთულ სამეცნიერო ექსპერიმენტს გამართლება უნდა-მეთქი, გავიფიქრე და ამიტყდა სიცილი. მაგარი შიზოიდები არიან მთელი ეს დონტურები და მათი კოდლა, ნეტა ჯერ საკუთარი თავებისთვის ემკურნალათ ცოტა. თუმცა რა, კარგად კი ცხოვრობენ და სიფათებიც ბრძნული უჭირავთ და რა უნდათ მეტი. ან მათ ან მე.

ამ დროს თოხლიც შემოიტანეს და პავლოვის რეაქცია დამეწყო ძმებო – კარგა მოზრდილი ნაჭკერი ხორცი, ზეთში შემწვარი კარტოფილი ბლომად, რაღაც საწებელი, მშვენიერი ნამცხვარი ჩაროზად და ნადდი ჩაისფერი ჩაი. ერთი ცალი სიგარეტიც კი იღო საფერფლეში და კოლოფი ასანთი, ოღონდ იმაშიც რატომღაც სულ ერთადერთი ღერი იღო. ყველას თავისი ოფოფები ყავს – ორი რო ყოფილიყო რა, ფარდას წაუუკიდებდი ცეცხლს?!. *მეშაქა* – უქრით, ნამდვილად.

მერე ცოტა ჩამთვლიმა ამ განცხრომაში და თვლემა-თვლემაში ვხედავ, ექთანს გოგო შემობაკუნდა, მშვენიერი აცქვეტილი მკერდი ქონდა (ორი წელი იყო, გრძელზე გრძელი წელი, ასეთი არაფერი მენახა), ხელში შპრიცი ეჭირა და ბამბა. აჰა, ვიტამინიც თავისი ფეხით მოვიდა-მეთქი, ვეუბნები მაგრამ წარბი არ შეუხრია, მკლავში თითისსიმსხო ნემსი მჟვლიპა და ქუსლების პაკაპუკით გატანცავდა. ცოტა ხანში ახლა უკვე ჯანიანი სანიტარი შემოვიდა და ინვალიდების ტაჩკა შემოაგორა. აი ეგ კი მართლა გამიკვირდა. ‘შეჩემის ესკულაპო,’ – ვეუბნები – ‘რა ეშმაკად მინდა?! რა, თეთონ ვერ გავივლი თუ ძან-ძან შორს მივდივართ და მიფრთხილდებით, ემანდ ნაჭამზე არ შევწუხნდე?’ მაგრამ ფეხზე რო დაუდექი, სამასხარაოდ აღარ მქონდა საქმე, მთვრალივით ვბანცალებდი და თავბრუც კი დამეხვა ცოტა. სანიტარმა ბავშვივით ამიტაცა ხელში და ტაჩკაში ჩამდო. მართალი ყოფილა ის დ-რ ბრენომია თუ ვიდაცა-მეთქი ვიფიქრე, სულ ციხის სალაფავის ბრალია ყველაფერი – ორი წლის მანძილზე პირველად ვითოხლავე ადამიანურად და ახლა ფეხზე ვეღარ ვდგები. არა უშავს, ბლომად ვიტამინები და მისი ჯანი-მეთქი, – თავი დავიწვინარე.

4.

დიდი უცნაური კინო კი მომიწევს, ღმერთმანი. ჯერ იყო და კბილის ექიმის კაბინეტში რო კრესლოა, რაღაც იმდაგვარში ჩამსვეს, რაღაც ფერადი შნურები და კაბელები მომიჭირეს ხელეებზე და საფეთქლებზეც, მაგრამ ყველაზე ბოლმა ის იყო, ზედა ქუთუთოები დამიმაგრეს პაწაწკინტელა შპილკებით და

თვალის დახამხამებაც კი აღარ შეემძლო. რას შევებით-მეთქი, ვეკითხები – რა და ეკრანს თვალი რომ ვერ მოაცილო, იმისთვისააო. ნაღდად შეირეკენ-მეთქი, ვიფიქრე: ორი წელია კინოში არ ვყოფილვარ და ამ ჩემისებს კიდე იმის შიში აქვთ, ძილი არ გამოფაცხო! არადა ვგრძნობ, მართლა სუსტად ვარ რაღაც და ჩემი ნება იყო, სადამოს სეანსს ვარჩევდი. ეგ რო ვუთხარი, ერთი გოგოშკა იყო, ლამის გადაფიჩინდა სიცილით. ორი სხვა თეთრხალათიანი კიდე ვხედავ, რაღაც კანდალებს მადებენ ფეხებზე და მაჯებიც ტყავის ქამრებით მიმიბეს აქეთ-იქით სახელურებზე. ეს კი უკვე მთლად სიგიჟედ მეჩვენა მაგრამ ჭკუა მეყო და ხმა აღარ გამიღია. ხალხი ორ კვირაში განთავისუფლებას მპირდება და მართლა გიჟი უნდა ვიყო, შიპიტი ავტეხო-მეთქი, გავიფიქრე. მერე რაღაც შლემი ჩამომაცვეს თავზე და იქიდანაც ოხრად მავთულები გადიოდა; იქვე ორღანივით პულტი იდგა, იმასთან იყო ყველა შეერთებული და ზედ ფერადი კნობკები ციმციმებდა, ეკრანზე ციფრები იწერებოდა წარამარა, ვიღაც ძაან ძაან სერიოზული აჩკარიკი კიდე მიქშერს აწვალებდა და ახლა ამ ქლიავის სვეტომუზიკადა მაკლდა-მეთქი, ვიფიქრე. სწორედ ამ დროს კარი გაიღო და დოქტორი ბროდსკი შემოჯლიგინდა მთელი ამალით. აბა, როგორაა საქმეო, – იკითხა და არც არავის პასუხს არ დალოდებია, ისე გაშპა გვერდით კარებში.

მალე სანთელიც ჩააქრეს და რაღაც მაგარი დინამიური მუსიკა წამოვიდა, ოღონდ ვერაფრით ვერ გავიგე დინამიკები სად იდგა, მგონი ორი კი არა, ოხრად იყო, სულ სხვადასხვა ადგილას ჩაშენებული. მერე ეკრანიც განათდა, თურმე მთელი წინა კედელი ერთი დიდი ეკრანი ყოფილა, ოდნავ შეხნეკილი და ღმერთმანი, ნაღდი გოლოგრამული ეფექტი იყო, “შერატონშიც” არ მინახავს ეგეთი. ფილმი კი რაღაც უცნაურად დაიწყო – არც ტიტრები და არც არაფერი, პირდაპირ ქუჩა აჩვენეს, ღამე იყო, ოღონდ კარგად განათებული ადგილი და ვიღაც ჯოხიანი მოხუცი მიჩანჩალებდა. უცბად ორი ტიპი დაიჩითა ჯაჭვებით და მოსდეს გემოზე – ერთმა გაჩხინკულ კისერზე და ერთმაც ცალ ფეხში და გაქანეს აქეთ-იქით. მაგარი ხოხმა კი იყო იმის ფართხალის ყურება მაგრამ მერე, როცა უშარეს – ძაან მტვრიანი ხარო და ბერტყვა დაუწყეს და სისხლმა რო ამოასხა პირიდან, სულაც აღარ მეცინებოდა, თითქოს მუცელი ამომივიდა ყელში და ვფიქრობდი სირცხვილს ვინ ჩივის, ემანდ ეს მშვენიერი საჭმელი გარეთ არ გადმოვუშვა-მეთქი. ძაან უცნაური იყო ღმერთმანი, მაგრამ მაშინ ესეც წესიერ საკვებს გადაჩვეულ ჩემ კუჭს დაუბრაღე. ამასობაში იმ ბერიკაცს ტვინი მისხმევიანეს კედელზე და ფილმიც დამთავრდა. რაღაც მულამი ვერ ავუღე, თუმცა ოპერატორი კი მართლა გლიჯავდა: ისეთი ფერები იყო, ნაღდი სისხლი და ხორცი გვეგონებოდა. მერე ძლივს ცოტა ამოვისუნთქე და ახლა ახალი როლიკი გაუშვეს, თანაც ისევ არც ტიტრები და არც არაფერი – პირდაპირ იმით დაიწყო რომ ვიღაც ბაცნებს ნაშა დაეთრიათ, კედელზე გაეკრათ და რიგრიგობით აჯღებოდნენ ზედ. ის კიდე კიოდა რა თქმა უნდა და მშვენიერი, რაღაც ძაან ძაან ტრაგიკული მუსიკა მოდიოდა შორიდან და ამ დროს კიდე ისე ნაღდში აჩვენებდნენ ყველაფერს, ნებისმიერი პორნოფილმი მიმიქარავს მთელი მისი ჯვრებით. არავითარ ფილმს ეს არა გავს, თითქო მართლა ქუჩაში გადაიღეს ფარული კამერით-მეთქი, გავიფიქრე და ისევ ყელში მომაწვა რაღაც, თითქოს გულისრევა მიწვებოდა, ეკრანზე კიდე მეშვიდე თუ მერვე სერია მიდიოდა უკვე და ის გოგო

საერთოდ აღარ იყო ჭკუაზე. ამ დროს კიდე დოქტორ ბროდსკის ხმა ჩამესმა საიდანღაც: ‘რეაქცია თორმეტი ხუთზე? ვნახოთ, ვნახოთ... ჯერჯერობით მაინც არა უშავს’.

ამჯერად სულიც აღარ მომათქმევინეს, პირდაპირ შემდეგი როლიკი გადაება: ვილაც კაცი გაებაწრათ პარკში სკამზე, მარტო მისი სახე ჩანდა და იქით ხეიანი და ამ ფონზე ბრიტვიანი ხელი სახეზე რო უახლოვდებოდა და ჯერ ცალი თვალი ამოაჭრა და თითქო კამერის ლინზეებს შემოესხა მთელი სისხლი და ისეთს ყვიროდა, აღარც მუსიკა ისმოდა და აღარც არაფერი, მერე გაზით ამრობდნენ კბილებს სათითაოდ და ღმერთმანი ხომ ვიცოდი რომ ეს ნამდვილი არ იყო, მაგრამ თავს ვერაფერი მოუხერხე, პირიც გამიშრა და სულ მძმარავდა და ვკანკალებდი. ამ დროს კიდე ისევ იმ ბროდსკის ხმა გავიგონე: ‘ძალიან კარგია და მშვენიერი, ამდენს არც ველოდი...’ ნეტა რა ჩემ ფეხებს ელოდა-მეთქი, გავიფიქრე, და კიდე ერთი ფილმიც დაიწყო – ახლა ვილაც მაგარი ბიჭები შევარდნენ სადღაც ბინაზე, იქ ერთი ყრუ-მუნჯი დედაბერი იყო მარტო, ფეხები გადაუშტვრიეს და იქაურობას ცეცხლი წაუკიდეს. ღმერთმანი, მაშინ კი დავეჭვდი, მგონი ნამდვილია-მეთქი: ძვლების ჭახაჭუხიც გავიგონე და მერე ჩანდა როგორ იხრუკებოდა, ფეხზე ადგომა კიდე არ შეეძლო და ხორცის შიშხინის ხმაც მესმოდა და მართლა დამწვრის სუნიც კი მომივიდა თითქოს. აი აქ კი ჩავეშვი და ავევირდი, ტაშტი ან რამე მომიტანეთ თორემ სულ დავთხვრი აქაურობას-მეთქი! საქმეში ხარ? ის შობელძადლი ბროდსკი მეძახის – გეჩვენება ნამდვილად, სამაგისო ჯერ არაფერიაო. ეტყობა იმათ წრეში ვე მაგარ ტონკი იუმორში გადიოდა, ისეთი ჭიხვინი მორთეს.

მერე უცბად პენტატონიკა წამოვიდა და ნაღდი ქრონიკის კადრები, თითქო ცოტაზე აჩქარებული – როგორ სჯიდნენ იაპონიაში სამხედრო ტყვეებს: ერთი ლურსმნებით მიაკრეს ბოძზე და შიშველი ფეხის ტერფებს ნელ ცეცხლზე უხრუკავდნენ კარგა ხანს, მეორეს ვილაც მაღალი ჩინის ოფიცერმა ერთ მოქნევაზე წააცალა ხმლით თავი და იმ გაგორებულ თავს აჩვენებდნენ, თვალებს რო ხუჭავდა და აღებდა და ტუჩებსაც აცმაცუნებდა – თითქო ლაპარაკობდა რაღაცას, მაგრამ სიტყვების მაგივრად სისხლი გადმოსდიოდა, ტანი კიდე იდგა ცოტა ხანი, მერე მიწას დაასკდა და წაჭრილი კისრიდან კიდე ოხრად წამოვიდა სისხლი და ნაწლავებივით გადმოიყარა რაღაცა. ცალკე ვე იყო სანახავი და ცალკე ეს წყვეტილი რიტმიც ჩაქუჩივით მირტყამდა საფეთქლებში. მერე მართლა სპაზმები დამეწყო, მინდოდა მევევირა ამხსენით-მეთქი, მაგრამ რაღაც ხავილი ამომდიოდა გადამშრალი ყელიდან, ჰაერიც აღარ მყოფნიდა და ვიდრჩობოდი, ვერც თვალი დამეხამხამებინა და დახუჭვაზე ხო ლაპარაკიც არ იყო და ვერც გონებას ვკარგავდი, და საითაც არ უნდა გამეხედა – ყველგან ეკრანი იყო მთელ კედელზე და თან კიდე ეს მუსიკა მიხვრეტდა ტვინს.

... და ასე, დღე დღეს მისდევდა და უარესი კიდე წინ მელო თურმე, თუმცა ამაზე უარესი რა უნდა ყოფილიყო თითქოს, მაგრამ ერთხელაც რაღაც ქრონიკას მიჩვენებდნენ ისევ, გატიტვლებულ ხალხს ხვრეტდნენ ყველას განურჩევლად – ქალებს, ბავშვებს, ძვალტყავა ბებრებს – თუმცა იქ ყველა ცარიელი ძვალი და

ტყავი იყო და ბულდოზერით აქუჩებდნენ მერე ერთად და თხრილში ყრიდნენ, მეორე ბულდოზერი კიდევ მიწას აყრიდა ზემოდან, თანაც ზოგი მგონი მკვდარი არც იყო ჯერ, მერე ერთი დიდი ორმო აჩვენეს, ძირში ოხრად რაღაც ჭინჭები და ხარახურა ყვარა, კანისტრებით ნავთს თუ ბენზინს ასხამდნენ ზედ, მერე ცეცხლიც წაუკიდეს და მანქანის ძველი საბურავებიც დააყარეს – ხო აზრობთ რა თონეც იქნებოდა და ისევ ვიღაც ხალხს ყრიდნენ შიგ, რამდენიმე ორსული ქალიც იყო, მუცელგაბერილი და ჩანდა როგორ იბერებოდენ კიდევ უფრო და როგორ უსკდებოდათ ფაშვი და ნაყოფი გარეთ ვარდებოდა აღმურში. ხმა არ იყო, მარტო მუსიკა იღვრებოდა დინამიკებიდან მაგრამ რა მერე – ისეთი გრძნობა მქონდა თითქო ვეფლაფერიც მესმოდა – კვილი, შიშინი, ტკაცანი... თანაც მთავარი სწორედ ეს მუსიკა იყო – გული ყელში ამომივიდა, ენაზე კუჭის წვეს ვგრძნობდი თითქოს და თავიც გასკდომაზე მქონდა და საფეთქლებშიც თითქო ჩაქუჩს მიჩაჩქუნებდნენ მაგრამ რას ვერ ვიცნობდი – დიდებული მქნებოდა ფინალი იყო და აი მაშინ გავხდი მართლა ცუდად, კინაღამ ავიწვივითე და ვდრიალებდი რო როგორმე იქნებ მართლა არაფერი გამეგონა, დედამისი სულს ვუტრიალებდი ყველას და რო გამითიშეს, უცბად ვერც კი მოვედი გონზე და სიჩუმეში კიდევ ჩემი ბღავილი ისმოდა – დამპალო ბრიყვო ნაბიჭვრებო, გრეხია ეგ და პოლლობა და ჯოჯოხეთშიც გიწვეთ სუყველას ეგ ცოდვა-მეთქი...

‘რაო?’ – ბროდსკი დამიღვა წინ და გაკვირვებულ მეკითხება – ‘რა ცოდვა-განკითხვებზეა ლაპარაკი?’

მუსიკა-მეთქი, ვეუბნები – მუსიკა გამორთეთ და ისე ვუყურებ რასაც გინდათ და როგორც გინდათ და ღმერთმანი, ძალით არ მიქნია – უცბად არ ამოვანთხიე რაც კი იმ დილით ჩავუშვი კუჭში! წკიპზე გადამირჩა ღმერთმანი, თავის ხალათიან-ფეხსაცმლიანად. სანამ სანიტრები იატაკს მორეცხავდნენ, ცოტა სული მოვითქვი და მესმის, ბროდსკი ეკითხება: ‘...მუსიკამ იმოქმედა – ყველაზე ძლიერი გამაღიზიანებელი ეგ აღმოჩნდა, თუ ატყობთ. მშვენიერი ემოციური გამაღიზიანებელი... რას იტყვით, ბრენომ?’

‘მუსიკის მე არაფერი გამეგება, მაგრამ შვეურჩევთ, არაა ძნელი საქმე. დასჯის კიდევ ერთი ჰუმანური ფორმა... იქნებ ხაროთა მთავარმმართველიც კი დაინტერესდეს. თვითრეკლამისთვის გამოიყენებდა კარგად’.

წყალი მაინც დამალვევინეთ-მეთქი, თქვენი ასე და ისე, ვიძახი. ‘ახსენით’, – თქვა ბროდსკიმ – ‘და ჭიქა წყალიც მოუტანეთ, ოღონდ ძალიან ცივიც არა’. ხოდა ჭიქა კი არა, სამი დავლიე და კიდევ მეტსაც ჩავუშვებდი ხახაში, მაგრამ მითხრეს გეყოფა, უარესს გიზამსო და დაუუჯერე.

‘მისმინე,’ – ბროდსკი მეუბნება – ‘უჭკუო ბიჭი არა ხარ და გრძნობაც გქონია თუ იქნებ გემოვნებაც, რა ვიცი – ოღონდ ეგაა რომ სულ ძალადობისკენ გიბიძგებს რაღაც, და ქურდობაზეც ხომ ჩაგაულეს, თუმცა ვეც ძალადობის ერთი ფორმაა, კაცმა რომ თქვას...’ ცალი ყურით ვუსმენდი, მეტის თავიც არა მქონდა და დიდად არც მაინტერესებდა მაგის ბოლიალი. ‘ახლა ეს მითხარი,’ – მეუბნება

ისევ – “შენი აზრით, რას ვშვებთ ჩვენ აქ და შენგან რა გვინდა?”

რას უნდა შვებოდეთ-მეთქი, ვეუბები – რაღაც საზიზღრობებს მაყურებინებთ და გიხარიათ თუ რწყევამდე მიმიყვანთ, ოღონდ იმდენს კი ვხვდები რო ეგ თქვენი ფილმები არაფერ შუაშია და რაღაც ნემსებს მირჭობთ, აქაოდა ვიტამინებიო და მეც შტერფით თავს გიქნევთ, მაგრამ სხვა რა დამჩენია რა – ცოტას კიდევ გაუშდლებ როგორმე, ოღონდ კი ეგ მუსიკა გამორთეთ და ყველაფერსაც გაუშდლებ, რატო რაც მიყვარს მაინცდამაინც იმაზე გინდათ მარწყვეინოთ-მეთქი...

“ბოლოს ყველა თავის სიყვარულს კლავსო – ერთმა ნაციხარმა პოეტმა თქვა.” – მეუბნება ბრენომი და რაღაც კარგს ვერაფერს ვატყობ მის ნათქვამს. ისევ რაღაცა გოთვერნობას უტრიალებს ფიქრით. ვატყობ.

ცოტა ხანს ჩუმად იყვნენ, მერე ისევ ბროდსკიმ ამოიღო ხმა:

‘ასოციაციური მეთოდი – სწავლების უძველესი ფორმა... კაცმა რომ თქვას, ასე ყველაფრის ერთმანეთისაგან გამიჯვნაც არ შეიძლება, უტკბესი და ზემთაგონებულის კი ძალმომრეობის თუ დამორჩილების აუცილებლობის რაღაც ელემენტსაც შეიცავს: სიყვარულის აქტი, მაგალითად, ან თუნდაც მუსიკა... ვცადოთ’. მე კიდევ – არავითარი ცდები აღარაა საჭირო-მეთქი, ავკვირდი – ყველაფერი გასაგებია და იმასაც მივხვდი რა საშინელებაა მთელი ეს ძალადობა და სისხლი და უბედურება. ‘გულ-გვამი მეწვის ბატონებო,’ – ვეუბნები – ‘და მთლიანად განკურნებული ვარ ღმერთმანი, ჩემისთანა წესიერი ბიჭი ახლა მეორე აღარ მეულება ქვეყანაზე და აღარც კინოში წავალ ჩემს დღეში და ქუჩაში კიდევ ცხვირსაც აღარ გავყოფ ღამით – ვიჯდები სახლში და მუსიკას მოვუსმენ ხოლმე, ღმერთმანი აღარაფერი მინდა მეტი!’

არაო, ბროდსკი მეუბნება და თან რაღაც ისე, თითქოსდა ცოტა ნაღვლიანად – ჯერ კიდევ ბევრია გასაკეთებელი და მხოლოდ როცა ბოროტების ყოველგვარი გამოვლინება, თუნდაც რომ ფიქრად გავლებული, წამსვე უარყოფით რეაქციას გამოიწვევს შენს სხეულში და ამისათვის არავითარი ინექციები აღარ იქნება საჭირო, აი მაშინ ჩავთველი საქმეს მოთავებულადო.

‘მოიცათ,’ – ვეუბნები – ‘მე ხომ უკვე ვიცი რომ ეს ცუდია და არასწორი, რომ ყველას აქვს უფლება თავის ნებაზე იცხოვროს და ლუბოი ძალადობა ყველა სულიერის მიმართ სიგიჟეა და საერთოდ, ძალადობა ბოროტებაა თავისთავად და საზოგადოებისათვის მიუღებელი...’

ამაზე კიდევ ბრენომს სიცილი აუტყდა და კოლეგა ბროდსკის ეუბნება: ‘ესეც რაციოს ეპოქის ახალი ერესი – მე ვიცი რაც არი კარგი, მაგრამ ვაკეთებ იმას, რაც ცუდია!’ მერე მხარზე მომიტათუნა ხელი და დაამატა: ‘არა ჩემო კარგო, არც ესე მარტივადაა საქმე. შენ ოღონდ დამჯერე იყავი, ცოტა კიდევ მოითმინე და პირობას გაძღვეთ, სულ რაღაც ორიოდ კვირაში თავისუფალი კაცი გახდები’. ბროდსკიმაც თავის კანტურით დაუდასტურა და მომეჩვენა რომ ორივენი რაღაც

ძაან ძაან კმაყოფილები წავიდ-წამოვიდნენ...

მე კიდე ჩემი მემართებოდა – ორი კვირა საუკუნედ მოჩანდა ჩემთვის და ახლა მგონი ციხეში გასათარებელი წლები მერჩივნა ამ ტანჯვის დღეებს. მერე ამას ერთი უბედურებაც დაემატა: სიზმრები დამჩემდა და ოფლში გაწურული ვიღვიძებდი ხოლმე, თან სულ ერთსა და იგივეს ვხედავდი – ვიღაცა გვყავდა დათრეული ჩიხში და ვამუშავებდით გემოზე, მე კიდე ვკამანდრობდი როგორც ყოველთვის და უცბად ისევ გულისრევა მეწყებოდა, სული მიგუბდებოდა პირში – ჩავისუნთქებდი და ამოსუნთქვა კი აღარ შემემძლო, ვიღრჩობოდი, ხმას ვერ ვიღებდი და ოფლში ვიწურებოდი... ერთხელაც გამეღვიძა, გიჟივით წამოვვარდი და კარებს ვეცი, დაკეტილი დამიხვდა რა თქმა უნდა და მგონი სულაც იმ დამეს შევამჩნიე პირველად, ფანჯარაზეც რკინის გისოსები იყო აკრული და მაშინდა ვიახრე სწორედ, დათქმულ დრომდე ჩემი საშველი არ იყო და აწი სიზმარიც და ცხადიც ერთი იქნებოდა ჩემთვის.

5.

მაგრამ აი, ერთ მშვენიერ დღესაც ისეთი რამე მითხრეს, ყურებს არ დაუჯერე ძმებო: მორჩა, ხვალღიან თავისუფალი ხარო. მე კიდე ისეთი გრძნობა მქონდა, თითქო დრო გაჩერდა, ეს ორი კვირა აღარც გაივლიდა და ვერც ვერასოდეს გავალწევდი აქედან.

‘ხვალე ხვალს მოსდევს, ჩემო...’ – ის თეთრხალათიანი მეუბნება, თოხლი რო დაქონდა ჩემთვის და სატანჯველზე მიმაცილებდა ხოლმე – ‘დღეს კი, ასე ვთქვათ, შენი გამოსასვლელი დღე იქნება და ერთი კარგი საჯარო გამოსვლაც მოგიწევს.’ – თქვა და რაღაცა ძაან საეჭვოდ გაიღმიჭა.

ჯერ მეგონა ისევ პიჟამაში და ფლოსტებში და ხალათში გამოწყობილს გამიძღვებოდა იმ უბედურ ადგილას, მაგრამ საქმეში ხარ? – ჯერ იყო და გარეცხილ-დაუთოებელი საცვლები და გატკიცინებული პერანგი მომართვეს და მერე ის ჩემი სქელცხვირა ბაჩები, თანაც სულ ლაპლაპი გაუდიოდათ მაგრამ ბოლოს ბრიტვაც რო დამიბრუნეს, მაშინ კი მართლა შუბლზე ამივიდა თვალები და რაღაცა გოთვერნობას ხომ არ მიწყობენ-მეთქი, ვკითხე. იმ ჩემისა თეთრხალათიანს კიდე არაფერი უთქვამს, მხრები აიჩეჩა მხოლოდ.

მერე წავედით ისევ კინოს საყურებლად და რას ვხედავ ძმებო – ჩვენი ციხის უფროსი გინდა, მთავარი ნადზორი, ჩვენი ძმა კაპელანი თუ ის შმოტკინა რაღაცაიმსაქმეთა მინისტრი და ოხრად სხვები, თვალთ რო არ მენახა მანამდე და ნაღდად არც მომავალში მექნებოდა ამის ნატვრა, მარამ მე ვინ რას მკითხავდა, ცხადია. დ-რი ბროდსკი კიდე სიტყვით მიმართავდა ამ უწარჩინებულეს კოლლას:

‘... და ახლა, სწორედ ამ ბოლო ეტაპზე, ნება მიბოძეთ ბატონებო თავად ცდის ობიექტი წარმოვიდგინოთ – როგორც ხედავთ, მისი ფიზიკური მდგომარეობა სავსებით დამაკმაყოფილებელია: კარგმა მოვლამ და შესაბამისმა კვებამ, რა თქმა უნდა, თავისი ქნა. ამჯერად მისთვის არც ტრანკვილიზატორები მიგვიცია და მერწმუნეთ, არც ჰიპნოზის ქვეშ არ იმყოფება. რა მისცა მას ციხის კედლებში იძულებითმა ორწლიანმა გამოკეტვამ? არაფერი. ან თითქმის არაფერი. უფრო სწორად, უამრავ ახალ მანკიერებას აზიარა და შეგნებაში დაუფიქსირა მრავალი ძველი. ხოლო რა მოვცა ჩვენ ამ ნებაყოფლობითმა ორკვირიანმა მკურნალობამ? ამ ახალგაზრდას ხვალ სწორედ იმ საზოგადოებას დაუბრუნებთ, რომელსაც ის ვერ ჰგუობდა და რომელმაც მოიკვეთა იგი, დაუბრუნებთ პიროვნებას სავსებით ჯანმრთელს, ოღონდ გარშემო მყოფათთვის – სრულიად უვნებელს! მაშ ასე ბატონებო, ახლა კი მივყვით დემონსტრაციის მსვლელობას და ჩვენი მუშაობის შედეგებიც თავად შეაფასეთ!’

ცოტა ხანს აზრზე ვერ მოვედი, მთელი ეს ლაყაფი თუ მე მეხებოდა, მერე კი სინათლე ჩაქრა და თითქო სცენაზე ვიყავი – მარტო პროექტორის ერთი შუქი მანათებდა და მეორე კიდე – იქითა კუთხეში ვიღაც მაიმახს. მერე ის ჩემკენ წამოვიდა, სინათლეს გამოყვა და რომ მომიახლოვდა, ორივე უკვე ერთ განათებულ წრეში ვიდექით, ძაან დრამატული მსახიობებივით. ჯერ მიყურა, მიყურა, მერე უცებ წკიპურტი მწევა ცხვირის წვერში, მერე ყურში წამავლო ხელი და ლამის იყო ამახია, ბოლოს გემრიელი ალიყურიც მომდო და რეაქციას დაელოდა. მაყურებლებს მე ვერ ვხედავდი, თუმცა რა ჩოჩქოლიც ატყდა, კარგად გავიგონე. ცალი ყური მეწვოდა, ლოყა მიხურდა და ცხვირშიც მძმარავდა, მაგრამ ვინ გიჟი ვიყავი, ხელი შემებრუნებინა. ვიდექი და თვალებს ვაფახულებდი.

‘რა გინდა ჩემგან?’ – ვეკითხები – ‘მოგზავნილი ხარ?’

‘კი, ნამდვილად.’ – მეუბნება, მერე თმებში წამავლო ხელი, დამქაჩა და ახლა კისერში წამითაქა ზემოდან. ერთი გავიფიქრე, შანსი მაქ მანამ დაგაძრო ჩემი ბრიტვა და დაუუსვა სულერთია სად, ვიდრე ის გულისრევის გრძნობა მომაწვევა ყელში და სპაზმები დამეწყებ-მეთქი, მაგრამ ძმებო, ის იყო ხელი ჩავიყავი ჯიბეში და თითქოს უკვე მომხდარი დაუინახე – ეს ტიპი სახედასერილი და სისხლი და უცებ მე თვითონ სისხლმა ამასხა ტვინში, თითქო ჰაერი აღარ მყოფნიდა, საკუთარ გულს ვღვჭავდი თითქოს და მივხვდი ტემპში თუ არ ვიაზრებდი რამეს, ჩემი დამემართებოდა და გავიგონე საკუთარი ხმა, სისულელეს რო ბუტბუტებდა რაღაცას: ‘გინდა კამფეტი მოგცე? რო არა მაქ...’

მესმის რაღაცა შევბასავით სიცილი ატყდა იქით, ბნელში, მეც თითქო მომეშვა რაღაცნაირად, მარამ ბოლომდე ჯერ მაინც არა და ვცდილობ რამე მოვიფიქრო და ახლა ბრიტვას ვაჩეჩებ ხელში და საწყლად ისე ვეუბნები: ‘აიღე რა, სამახსოვროდ გქონდეს, კარგი რამეა ღმერთმანი’. იმ დამპალს კიდე ისეთი სახე აქ თითქო საკუთარ კაკაშკებს ვთავაზობდე და ახლა სახეში მათურთხებს, მე კიდე ყელში მომეშვა მაგრამ ახლა მუცელში დამიარა და ოთხად ვიკაკვები და ‘გინდა ფეხსაცმელებს გაგიწმინდავ...’ – ვეუბნები, თან უკვე მუხლებზე ვდგვარ და

აკანკალებული ხელებით ცხვირსახოცს ვიჩხრიკავ ჯიბეებში, სახეზე ოფლი მასხავს მაგრამ მაგას ვინ ჩივის ერთი ეს ოხერი მაპოვნინა მაგრამ ვერ ვპოულობ, სადღაც ჯანდაბაშია და ახლა ცალ ხელს კოჭში ვავლებ და ვცდილობ სახელოთი გავუწმინდო, არადა ისედაც გაპრიალებულია, ბზინავს. აი ამ დროს მივქარე და ახლა ეს ცალი ფეხი რო მიჭირავს, მეორესაც გამოვქჩავ და არც ძალადობა იქნება და არც არაფერი, ისე გამოვა თითქო მუხლებზე მოვებვიე-მეთქი და წამიც აღარ დამიხანებია, თითქო თავისით მოხდა ყველაფერი – გემოზე დაასკდა იატაკს!

მაგრამ რად გინდა რა – ეს ბრაგვანის ხმა რო გავიგონე და ძირს დავინახე გაშხლართული, ისევ ყველაფერი თავიდან მეწყებოდა ვიგრძენი, წამოვხტი და ხელი გავუწოდე, წამოვაყენე და დავუწყე ტანსაცმლის ფერთხვა.

‘შშვენიერია, სავსებით საკმარისი თქვენგან!’ – მესმის ამ დროს დოქტორ ბროდსკის ამაყი ხმა, სინათლე ინთება და ეს შიგნაკრავიც კიდე გაბადრული სახით თავს უკრავს ყველას და ბალერონივით მიტანცაობს სადღაც ფარდის იქით. სინათლე პირდაპირ სახეში მირტყავს, ვდგევარ პირღია და თითქო ფეხები იატაკზე მქონდეს დაწეპილი, ადგილს ვერ ვინაცვლებ.

‘როგორც არ უნდა პარადოქსულად მოგეჩვენოთ,’ – ძან რიხიანად მირახრახებს ბროდსკის ხმა – ‘ბოროტი საქციელი პირიქით უბიძგებს ობიექტს სიკეთისაკენ. საპასუხო ძალადობის თვით სურვილიც კი ორგანიზმში დისკომფორტის ძლიერ იმპულსს იწვევს და მის დასათრგუნად რეციპიენტი იძულებული ხდება საკუთარი მოქმედება სასურველის დიამეტრულად საწინააღმდეგო ქმედებაზე გადართოს. შეკითხვები თუ გაქვთ ვინმეს, გთხოვთ...’

‘ნებსითი არჩევანის უფლება!’ – დაუბუხუნა უცებ ჩარლი კაპელანმა. – ‘რა ზნეობრივი კრიტიერიუმი და თავისუფალი ნების გამოხატვის საშუალება რჩება ადამისშვილს?! ღვთიური დირექტივის გროტესკული პაროდია – მე ამაში მეტს ვერაფერს ვხედავ!’

‘ეს უკვე თქვენი განსასჯელია,’ – ეღიებებასავით დ-რ ბროდსკის – ‘თეოლოგია და ეთიკური ნიუანსები. ჩვენი მიზანი კრიმინალური ერთეულების უდანაკარგოდ ლიკვიდირება იყო – რაც დაგვაკალეს, ის შევასრულეთ...’

‘... და ციხებიც გამოთავისუფლდება გამოუსწორებელი ელემენტებისაგან,’ – სიტყვა დააგლო გამოწყვილილა მინისტერმა. – ‘შეიძლება ითქვას, ერთი გასროლით ორ კურდღელს...’

‘მოიცათ... მოიცათ!..’

და ისეთი ყაყანი ატყდა ძმებო, ვიღას ვახსოვდი, კაცი არ მაქცევდა ყურადღებას, ლამის იყო იქვე დაეცხოთ ერთმანეთისთვის. მე რაღას მიპირებო, მორჩა ჩემი ამბავი თუ როგორაა საქმე-მეთქი, ერთი კი დავიძახე, მაგრამ ამაზე ახლა მე შემომიბრიალდა ყველა და ისევ აყაყანდნენ ერთად, კაცი ვერაფერს

გაიგებდა, მე კიდევ ჩემსას გავიძახოდი და ბოლოში ისიც მივაცოლე – რა, სულ ასე თქვენს ჭკუაზე უნდა ვიარო, დასაქოქი ფორთოხალივით-მეთქი?!

ახლაც აზრზე არა ვარ ძმებო, ეს სიტყვები საიდან მომადგა მაგრამ თქვენ ისინი გენახათ – უცბად მოსხიპეს და ისეთი სიჩუმე ჩამოვარდა, ბუზის გაფრენას გაიგონებდი და თვალები გადმოცვენაზე გაუხდათ.

მერე წამოდგა ერთი, ღერი თმა არ ქონდა თავზე და ნამდვილი ჩამიჩი იყო, ეგეც კიდევ ნაღდი აკადემიკოსი ვინმე იქნებოდა ალბათ და ძაან ბრძნული სახით აკიკინდა – ასე და ისეო, ხმა არ ამოგედება ყმაწვილოო, თვითონ აირჩიე ეს გზა და ახლა ბოლომდე უნდა ზილო შენი ჯვარი, ისევ შენთვისვე სასიკეთოდო... ამაზე ისევ ატყვდა ერთი ვაიუშველებელი, მერე ვიღაცამ სიტყვა სიყვარული ახსენა და ჩარლი კაპელანიც სულ გადაიარია, ხაროთა მთავარმმართველიცა და ის ჩემის მინისტერიც სულ ფეხებზე დაიკიდა, ბოდავდა რაღაცას *სიყვარული ჭეშმარიტი განაშორებს შიშსო* თუ რაღაც ამდაგვარი. მარტო დოქტორი ბროდსკი იდგა მშვიდად, გაღიმებული და ბოლოს როცა პატარაზე მიწყნარდა ყაყანი, დრო იხელთა, პაწია ძველებური ზარი დააძრო საიდანღაც და დააწკარუნა. თითქო ცივი წყალი გადაასხესო, უცებ მოკეტა ყველამ და თავთავიანთ ადგილებზე დასხდნენ, ზოგი საკუთარი თავით ძაან კმაყოფილი და ზოგი კიდევ ინდაურვით გაფხორილი.

‘ძალიანაც კარგი, ბატონებო – რაკი საკითხის ეს ასპექტიც წამოიწია, ახლავე დაგიმტკიცებთ – სიყვარულის გამოხატვის ის ფორმა, წარსულ საუკუნეებს რომ გვეგონა მიბარებული, ჯერ კიდევ მყარად ზის ადამიანის ფსიქიკის ქვეცნობიერ შრეებში... გთხოვთ!’ – კარგი ილუზიონისტვით აიქნია ხელი და სინათლეს ჩაქრა, მარტო სცენა დარჩა განათებული, ზედ კიდევ იმისთანა ქალი გამოვიდა ძმებო, ძაან მოშილიფებული, თან ისე მოიწყვლებოდა, წაშში აღრეკილას ბაირამი დამეწყო. ამის თავი მომცა ბნელ მოხვეულში და ისეთ სოპრანოს ავაქაჩინებდი, კატალანი მიმიქარავს-მეთქი, ვიფიქრე. გაფიქრება კი მოვასწარი და ერთი იმანაც გამიელვა თვალწინ, ტანზევე როგორ შემოვახვედი ამ პენუარვით რაღაცას, კაბის მაგივრად რო შემოეცვა და ავაყუდებდი კედელზე და დამიარა კიდევ და თითქო შიგ კუჭში ჩამავლო ვიღაცამ ხელი და მიჭერდა მიჭერდა და აღარც მეშვებოდა, მერე მუხლებიც მომეკვეთა და კარგად აზრზეც არ ვიყავი, ეტყობა უკვე რეფლექსში გამიჯდა – ჩაუიჩოქე და ხელები გავიწოდე მისკენ და მოვრთე ერთი მოთქმა-გოდება და გავიძახოდი თუკი რამე მახსოვდა სულელური ძველი ფილმებიდან – როცა ვინმე ჩაბრიოლინებული მასტი თავის მიბნედილ გოგოს ეფიცებოდა სიყვარულს. ცოტა მომეშვა და რაღაც ნაწყვეტები ახლა სკოლის პროგრამიდან ამომიტივტივდა გონებაში – მახსოვს რას ვლადაობდი ამაზე მაგრამ ახლა რა გამაცინებდა და დაზუთხულივით მივყარე *ორმოც ათას ძმას ერთად მოვროვილთ ჩემსავით ვერ ეყვარებოდი* და სხვა რაც კი ენაზე მაღდებოდა. მგონი კულულის შეჭრაც ვთხოვე სამახსოვროდ და კუბოს ფიცარიც ვახსენე და აი მაშინ ამოვისუნთქე როგორც იქნა...

სინათლე აინთო ისევ და ეს გოგოშკაც სულ ღიმილ-ღიმილით და კნიკსენებით დაითესა სცენიდან. გენახათ ერთი, რა თვალებით მიაცილებდა

მთელი ეს პატიოსანი საზოგადოება – ლამის იყო შეეჭამათ, ბროდსკი კიდევ იდგა და ქაქანებდა: ‘ესეც თქვენი ჭეშმარიტი ქრისტიანი, რომელიც მზადაა უმაღლეს მთავრად შეუშვიროს, ვიდრე ხელი შეუბრუნოს ვინმეს, მზადაა თავად ეცვას ჯვარს, ოღონდ ჯალათის როლი აიცილოს და საერთოდ, ჭიანჭველასაც კი არ დაადგამს ფეხს!’

ღმერთმანი ძმებო, სიტყვა ტყუილი არ უთქვამს – უცბად წარმოვიდგინე თითქო მართლა დავაბიჯე ფეხი ჭიანჭველას და კინაღამ გულმუცელი ამომიტრიალდა.

‘შშვენიერია, – განაცხადა მინისტერმა – ‘ვფიქრობ, დამეთანხმებით’.

‘ნამდვილად.’ – რატომღაც ამოიოხრასავით ჩარლი კაპელანმა – ‘ღმერთმა მოგცეთ გამარჯვება და შშვიდი ძილი’.

წიგნი მესამე

1.

‘ახლა რას ვშვებით?’

ეს უკვე ჩემს თავს ვეკითხები ძმებო – ეს წუთია მთავარი ალყაფიდან გამოვვდი, ორი წლის წინანდელი ჩემი ტანსაცმელი მაცვია და ჯიბეშიც ბლომად ხურდა მიჩხრიალებს – ეგ უკვე არ ვიცი, ვისი წყალობაა. ზონის თავკაცებმა თუ დამიადეს ახალი ჯანსაღი წესიერი ცხოვრების დასაწყებად. კარგად კი გამომასავათეს ამ დილით: ათი-თორმეტი კორესპონდენტი ერთად დამეჭვია და რაღაც სისულელეებს მეკითხებოდნენ და იყო ერთი ბლიცების ფეთქება და აპარატების ჩხაკჩხუკი. მერე ვიღაც კანცელარიის შიშკამ თავისი ჭკუით გზა დამილოცა – აქ მოსული აღარ გნახო და საკუთარ თავს ვეკითხები – ‘ახლა რას ვშვებით?’

რას ვშვებით და საჭმელად მივდივართ სადმე. დილიდან ლუკმა არ ჩამსვლია პირში – ვის ეცალა ბატონო, ერთი სული მქონდა სანამ საკუთარი თავის უფალს გამხდინენ. ჭიქა ჩაი დამიდგეს პრესკონფერენციაზე და ეგ იყო სულ. დღიური სარჩოს ეკონომია. ციხის ბუღალტერიასაც თავისი ანგარიში აქვს.

ეს ჩვენი **ც.ხ.** კიდევ ერთ მიყრუებულ გარეუბანში იდგა – რის კაფე, რა ბარი, მაგრამ იქვე ახლოში მუშების სასადილო ვიპოვე, რაღაც ორგანიზაციას კი ეკუთვნოდა მაგრამ შესვლა თვისუფალი იყო, მე შენ გეტყვი და თავს მოიკლაფდა ხალხი და რიგს დააყენებდა – ისე ქოთდა იქაურობა და ბუფეტი, ჭურჭლის სარეცხი კონვეიერი და ისერა გადაწმენდილი მაგიდებიც – სულ ერთ

მოციტქნულ დარბაზში იდგა ყველაფერი. ნაციხარმა კაცმაც კი ცოტა ცხვირი ავიბზუე თავიდან, მაგრამ ასარჩევი მაინც არაფერი მქონდა და უსიტყვოდ დავა-
თობლავე პირველი, მეორე და რალაც წყალწყალა კამპოტიც მივაყოლე ზედ.

მერე გაზეთი ვიყიდე კიოსკში, ვნახავ ერთი რა მოხდა ამ ორ წელიწადში ქვეყანაზე, სულ მთლად ყუმი არ გამოეჩნდე-მეთქი. პირველი გვერდი სულ იმაზე ქაქანს ეჭირა, რა კარგი და მზრუნველი მთავრობა გვყავს თურმე, ახალ არჩევნებ-
შიც ყველამ ერთსულოვნად მივცეთ უნდა ხმა და არაფერი შეგვეშალოსო. რა გინდა სულო და გულო, ამ ჩვენს ახლანდელ ხელისუფლებას არ გაეკეთებინოს ბოლო ხანებში, ყველაფერი წვრილად იყო ჩამოთვლილი: ეს საგარეო პოლი-
ტიკაო, ეს ეკონომიკაო, ეს მომსახურების სფერო და ბინების საკითხიო და რაეცი კიდე რა არა. მაგრამ განსაკუთრებით კიდე იმით იწონებდნენ თავს, პოლიციის რიგებიც გაზნარდეთ და უფლებებიც მეტი მივეციოთო, ახლა ნახეთ რა სიმშვიდე, სიწყნარე და წესრიგი დამყარდეს დამ-დამობით ქუჩებშიო. პირველი გვერდი ამით თავდებოდა და მეორეზე ვილაცის ძაანძაან ნაცნობი სიფათი დაებე-
ჭდათ, ცოტათი გადღაბნილი, მაგრამ რა ცნობა მაგას უნდოდა – იაუნად მე ვიყავი ძმებო, ლიჩნად! ქვემოთ კიდე ტექსტი მოდიოდა მსხვილი შრიფტით:

**კრიმინალური ინდივიდების ბარდაქმნის სახელმწიფო ინსტიტუტის
პირველი გამორეკვა – ძალმომრეობის ყოველგვარ ინსტინქტს მოკლ-
აული, კანონის მოშივი მოქალაქე!**

მერე კი იმაზე იყო ლაყაფი თუ რა კარგი და მშვენიერი და საოცარი მიღ-
წევა გახლდათ ეს ლუდოვიკოს მეთოდი და რა მშვენიერი და შესანიშნავი ამბები გამოდნებოდა მისგან. იქვე შუაში შინაურ საქმეთა მინისტრის ფოტოც იყო და ისიც იმას მიედმოედებოდა თუ რა დიდი პასუხისმგებლობა იკისრა მთავრობამ და რა მშვენიერი, მშვიდი და უკონფლიქტო მომავალი გველის წინ – არაერთარი ძა-
ლადობა და ბანდიტიზმი არც დღისით და არც ღამით. ერთი სიტყვით, ნამდვილი გაფურჩქენის ხანა გვეწყებაო.

გაზეთი მოვისროლე და გარეთ გამოვედი, ჰაერზე. ახლა რალა ვქნათ-
მეთქი, ვიკითხე ისევ. რა უნდა მექნა რა – სახლში უნდა წავსულიყავი და ერთი მაგარი სცენა მომეწყო: უძღები შვილი უბრუნდება მშობლიურ კერას. დედა-მამა ცრემლებს აღვარღვარებენ, მე კიდე ცოტას ამოვიხრებ, მერე ჩავიკეტები ჩემს სოროში, წამოვწვები და პატარა მუსიკას მოვუსმენ, თან წავთვლემ ცოტას და მერე ვიფიქრებ რა ვქნა საერთოდ ცხოვრებაში და როგორ მოვიქცე. ზონის მორიგე ინსპექტორმა მთელი სია გამომატანა, სად და რა სამუშაოზე მიმიღებდნენ გამოსაცდელი ვადით და ისიც მითხრა, შენზე უკვე შეტყობინებაც გავაგზავნეთო; მაგრამ რა საჩქარო ეგ იყო, ჯერ ცოტა მოსვენება არ მაწყენდა, რაც მე ამბავი გა-
დავიტანე და ცოტა მუსიკის მოსმენა დაგლეჯილი ნერვების სამკურნალოდ და საკუთარ ლოგინში შუადღემდე ძილი. ხოდა მეც დავაჯექი ჯერ ავტობუსს ცენტრისკენ, მერე მეორეზე გადავჯექი, იმ გაუთავებელ კონსტიტუციის აღმართზე რო ფეხით არ მევლო და ზედ მოსახვევთან ჩამოვედი, და გინდ დაიჯერეთ გინდ არა ძმებო – გულმა შემეფრთხილა, ის ჩემი ყლინჯი #18^ა რომ დამეყუდა წინ.

ზამთრის სუსხიანი კვირადილა იდგა და კაციშვილი არ შემხვედრია სადარბაზოში, მარტო ანტიკურ სტილში გადაწყვეტილი გაბრეჩილი მუშა ხალხი ფრესკებზე. ერთი იმან გამაკვირვა, არც ის ბინძური წარწერები აღარ ჩანდა და არც არავითარი გარყვნილი მინახატები. იქაურობა სულ დასუფავებული იყო და ლიფტიც კი მუშაობდა – ისიც დაკრიალებული და აღარც რახრახი გაუდიოდა, ღმერთმანი. მეათე სართულზე ავსრიალდი და სიტყვაზე მენდეთ ძმებო – ხელი მიკანკალედა, გასაღები რო ამოვიღე და ძლივს მოვახვედრე ჭრილში. მერე საკუთარ თავზე გამეცინა ხმამაღლა, კარი გაუღე და ძველებურად შევბლაყუნდი ბინაში. ოღონდ იქ ყველაფერი ძველებურად აღარ იყო.

დედა-მამა მაგიდას უსხდნენ – ჩაის მიირთმევდნენ, ჩემკენ ზურგით კიდე ვიღაც მოტრეტილი ჯველი იჯდა, სათვალეებიანი და ერბოკვერცხს ათოხლაფებდა. ჩვენებმა რო დამინახეს, დედოს ლამის იყო ჭიქა გაუვარდა ხელიდან, მამაჩემს კიდე ყბა მოექცა გვერდზე. ეს ვიღაცა მომიტრიალდა და გაკვირვებული მეკითხება, ცოტა ნაწყენიც კია, მგონი: “შენ რა, ყველგან ასე შედიხარ, დაუკითხავად? თუ კარი დაგხვდა ღია და წარწერაც ეკიდა ზედ – შემობრძანდითო?” ირონისტი. მაგრამ ახლა მაგისი დარდი არა მქონდა, ჩვენებს შევყურებდი და ნელა-ნელა აზრზე მოვედი რო იმდილანდელი გაზეთები არც მიეღოთ ჯერ და ბაიბურში არ იყვნენ რა ხდებოდა მათ თავს.

პირველმა დედომ ამოიღო ხმა და რა გგონიათ – მეცა და გადამეზვია? არ დაიჯეროთ – ერთი ვაიჟუი მორთო, ასე და ისეო, ეს რა ქენიო, ეს რა ჩაიღინეო, გაივსება ახლა აქაურობა პოლიციელებით და ჩვენც კიდე თავი მოგვეჭრება და შენც გამოქცევაზე წლებს დაგიმატებენო... ბოლოს მთელი ეს ტირადა ფშლუკუნითა და ცრემლების ღვრით დაამთავრა. ვეუბნები რაც მოხდა – გინდათ ცენტრალურში დარეკეთ და გინდათ კიოსკიდან გაზეთებს ამოგიტანთ, იქ ყველაფერი წერია-მეთქი ვეუბნები – გისმენს ვინმე? ფშლუკუნებს თავისთვის. მამაჩემი ხო მთლად გაითიშა – ზის ქანდაკებასავით. ახლა იმ შუშაბანდებიანს ვეკითხები: ‘იქნებადა შენ მაინც ამოიღო ხმა, ოღონდ გლუპი შეკითხვების მაგოვრად იქნებ ის მითხრა, აქ რას უზიხარ და რისთვის?’ მუშაკაცის სიფათი ქონდა, ასე, ორმოცს იქნებოდა მიტანებული, იჯდა და ბუსავით აფახულებდა თვალებს. ქაჯის ერთი იქნებოდა, ნამდვილად.

როგორც იქნა, ოჯახის უფროსი მოვიდა ცოტა გონზე. ‘მისმინე შვილო,’ – მეუბნება – ‘არ იფიქრო შენი ნახვა არ გაგვიხარდა და თუ მართლა ვაღამდე გამოგიშვეს, მაგას რა ჯობია, მაგრამ ჩვენთვისაც ხომ უნდა გეცნობებინა ადრევე... გვეგონა ხუთი-ექვსი წელი მაინც კიდე გამოფებდნენ იქ. ახლა რა ვქნათ?’

‘დაიცა-დაიცა,’ – ვეუბნები – ‘რისი რა უნდა ვქნათ? და საერთოდ, ეს ჩემისა ვინაა?’

‘მდგმურია,’ – წამოიკნავლა დედომ – ‘ჯონათანი ქვია. ეს ერთი ხანია,

ჩვენთან ცხოვრობს... ღმერთო რა შეგცოდნე ამის ფასი!' და უ-ჰუ-ჰუ-ჰუუ – გააბა ისევ.

‘გასაგებია’ – ვამბობ – ‘მდგმური. ჯონათანი ქვია. რა ბიჭია რაბიჭია და რაბიჭია ჯონი...’ ვითომ ძაან მედილინებოდეს. გული რალაც რეჩხს მიშვება: ეს ბლიყვი თუ ჩვენთან ცხოვრობს, სამზარეულოში ხომ არ დააბინავებდნენ და მაშინ ვაი ჩემი ოთახის ბრალი, კარგ დღეში კი დამხვდება-მეთქი. მაგრამ კარი რო გამოვადე, საუთარ თვალებს მაინც არ დაუუჯერე ძმებო – ჩემი იმ ოთახში აღარაფერი იყო: ჟურნალებიდან ამოჭრილი ვილაც მაგარი დამრტყმელების და ქერა კრასოტკების ფოტოები კედლებზე და კიდე ვილაც ფეხბურთელების მთელი გუნდი, ორ მწკრივად, წინ ვეებურთელა თასით. ეს არაფერი, მაგას კიდე ეშველებოდა რამე, თქვენ ისა თქვით – არც ჩემი კვადრაფონი ჩანდა სადმე, არც დისკები და არც ის ჩემი საკეტეიანი განჯინა – ვისკის, ტაბლეტკებს და ორ პაწია სტერილურ ნემსს რო ვინახავდი.

სისხლმა ამასხა ტვინში და კაცმა არ იცის ადრე რა ამბავს დავაწვედი ამაზე, მაგრამ ახლა სხვა იყო – სულ პატარა აფსიხება და სპაზმები გამოწერილი მქონდა. შევეტრიალდი და უხმოდ მივაჩერდი ჩვენებს.

‘რა გვექნა შვილო,’ – მამაჩემი მეუბნება – ‘წაიღეს ყველაფერი. კომპენსაცია დაზარალებულთათვისო – ასე თქვეს’.

‘ვინ დაზარალებული... აკი ის ქალი მოკვდაო?..’

‘მისი კატები გამოუცხადებიათ მექვიდრეებად და მოვლა-პატრონობის ხარჯია დასაფარავიო. ყველაფერი აღწერეს და გაყიდეს – ფირფიტები, ტანსაცმელი...’

გეუბნებით ძმებო, დანა რო დაგერტყათ წვეთი სისხლი არ გამომივიდოდა ალბათ. “ახლა რა ვქნათ?” – ვეკითხები.

‘რა უნა ვქნათ აბა... რამე უნდა მოვიფიქროთ. ჯონათანი კიდე ორი წელი უნდა იყოს აქ, ხელშეკრულებით მუშაობს პატარა სამშენებლო ფირმაში, მუშად. ექვსი თვის ფული წინასწარ გადაგვიხდა. ახლა ქუჩაში ხომ ვერ გავაგდებთ – სანამ სხვა ბინას იშოვის, რა უნდა ქნას. თან ზამთარია...’ თან თვალს მარიდებს. გესმით ძმებო, ამას მეუბნება მშობელი მამა, მშობელი დედა კიდე ისევ ისე ფშლუკუნებს, თავისთვის, საერთოდ არც იხედება ჩემკენ. რა გინდა რო ქნა. ღმერთმანი, თავი შემიცოდა. შემიცოდა კი არა, გული მომიკვდა. ვდგე ვარ გახევებული. სამაგიეროდ, ახლა ამ ჩვენმა მდგმურმა ჯონიმ ამოიღა უცებ ენა: ‘შენაო, – მეუბნება, – რაც სხვისთვის ავი გიქნია, ახლა ცოტა კიდევ უნდა იტანჯო, რაც საკუთარი მშობლები გიმწარებია, ახლა ცოტა შენც იგემეო... მე კიდევო, – დავარდა ქადაგად, – ამათ შეილოვით მიმიღეს და შანსი არ არი, კიდე გამწარებინო ამათი თავიო. ჯონი უძახე შენ და ნახე ერთი რა ამბავშია. ახლა რომ მე ამას-მეთქი, გაფიქრება კი მოვასწარი და დამეწყო შიგნიდან სიგნალები. გამოვეტრიალდი და

გამოვარდი გარეთ, სულს ძლივს ვითქვამდი და ლიფტი არც გამხსენებია, სულ თრიხინთრიხინით ჩავათავე სართულები.

2

ისეთ დღეში ვიყავი ძმებო, თავი აღარ მინდოდა ცოცხალი და არც არაფერზე ფიქრი აღარ მინდოდა, მივალაჯებდი გათოშილი, უაზროდ, ხალხი თვალს მაცოლებდა ბარე ორი წლის წინ მოდიდან გადავარდნილი, იავნად დამდამობით საგულაო შმოტკებში დაზმანულს რო მხედავდნენ. მერე რაღაც ტრანსპორტს დავაჯექი ცენტრისკენ და ბოლოს იმ ჩემ დისკების დირკას მივადექი – ბებერი არმენის ნახვა მინდოდა, მეთქი რამეს მომასმენინებს და ორ სიტყვასაც მეტყვის რა ხდება ამ დამძალ ქვეყანაზე საღაც მშობლები შვილებს კარში აგდებენ შუა ზამთარში.

გარედან იგივე წარწერა კი ქონდა – **მელოდია**, და თითქო შიგნითაც ბვერი არაფერი შეცვლილა, ოღონდ იქაურობა სავსე იყო ბიჭუშკებით და გოგომკებით, იტალიური ესტრადის რომელიღაცა მბუჭუტავ ვარსკვლავს უსმენდნენ და ერთი დაბიღუბი ქონდათ გამართული. აღარც ბებერი არმენი ჩანდა სადმე, მის მაგივრად ვიღაც კულულებიანი შიბზიკა იდგა დახლდან, რალშიკების კეპკა ეხურა და *დი-ჯეი* წწერა ჩავარდნილ მკერდზე. იმდენი მაგას რა ვუთხრა. კარგა ხანი ვუცადე, სანამ თვალეზმინაბული, ტრანსიდან არ გამოვიდა და იკადრა დაინტერესება – რას ისურვებთო. *Stabat Mater* თუ გაქვთ-მეთქი, ვეუბნები.

‘ეგა ვინაა?’

ნაწარმოებია-მეთქი, ვუხსნი, პერგოლეზია ავტორის გვარი, ისიც იტალიელია. უფრო სწორად, იყო – მეთვრამეტე საუკუნეში. შენი ხნისა უკვე მკვდარი იყო-მეთქი, რატომღაც ესეც დავაცოლე.

‘აჰა, სიმფონია იქნება. კაბინაში შედი და როგორც კი მოჰქვები, ნაუშნიკებში გაუშვებ’. მერე გაეიგონე, ყუთებში რო იქექებოდა და ეუბნებოდა ვიღაცას: ‘აზრზე მოდი, მასტი თურმე სიმფონიებს უსმენს – როგორია?..’

მაგრა გავლიზიანდი, მაგრამ ამას რაც მოყვებოდა კარგად ვიცოდი უკვე და არაფერი შევიძინე. ძან ძან ღიმილიანი სახით გადავხედე მთელ ამ შანტრაპას და კაბინაში ჩავიკეტე. მალე მუსიკაც ჩაერთო – მარჩელოს კონცერტი დაუდვია მაგ კრეტინს. ეტყობა პირველივე ხელში მოხვედრილი იტალიელი დაეთრია ყუთიდან, საღაც შუასაუკუნეების მუსიკა წწყო. ეს კიდე არაფერი, მაგასაც მოუსმენდა ჩემსავით გატანჯული დანატრებული კაცი, ოღონდ ის კი აღარ მომსვლია აზრად, რო რაც უფრო გრძნობებში გადავარდნილი იყო მუსიკა, მით უარესი დამემართებოდა: იქ ბოლოს უკვე ყველაფერს მუსიკის ქვეშ მიჩვენებდნენ და ახლა ამ პატარა ნაიფი რამის მოსმენაც ისეთივე დღეში მაგდებდა როგორც ის საზიზღრობა, ბეთპოვენის *Mezerele*-ს თანხლებით რო მაყურებინეს. გარეთ გამოვარდი

და არც ამ იხვის ჭუჭყულების სიცილზე და არც ბენტერა ვითომ დისკ-ჟოკეის ყვირილზე უკან აღარ მომიხედავს, პირდაპირ “ფაქიზოში” დაუგაზე – ახლა ის ერთი რამე თუ მიშველიდა ცოტას.

იქაურობა ჯერ ცარიელი იყო და ძალიანაც უცნაურად გამოიყურებოდა, სულ მთლად წითელი ბოჩოლებით მოხატული. ბარშიც ვიდაცა უცნობი ტიპი იდგა, მაგრამ რძე და რამე, დიდი ჭიქით-მეთქი და ტემპში შემიკეთა, არავითარი ახსნა-განმარტება არ დამჭირვებია. იქვე დაუჯექი დივანზე, მაინც კაციშვილი არ იყო გამკითხავი და ნაგაფაროვით ვყლურწავდი, დაგემოვნების თავი ვის ქონდა. ასე საერთოდ გოიმები იქცევიან მარტო და მერე სანანებლად უხდებათ ხოლმე, ოღონდ ახლა არც მაგის დარდი არა მქონდა, ბოლოში დავიყვანე და წარმოდგენაც დაიწყო. ჯერ თვალი გამიშტერდა რალაც ვერცხლისფერი ქაღალდის ნაგლეჯზე – სიგარეტის კოლოფიდან იქნებოდა მოხეული, იქაურობის დაწმენდაზე წელს არავინ იწყევტდა ეტყობა, მერე ეს ნახევი გაიზარდა გაიბერა კედლისხელა გახდა და ისე ბრჭყვიალებდა მგონი გუგები ამწევა მაგრამ უკვე არაფრის გაკეთება აღარ შემიძლო, ქუთუთოები არ მემორჩილებოდა, ის კიდე გაიზარდა უფრო გაიზარდა, ფაქიზოც ჩანთქა და მერე მთელი ქუჩა და ქალაქიც მიაყოლა ზედ და მერე მთელ სამყაროდ იქცა ძმებო, და თითქო ტალღები გადადიოდნენ ყველაფერზე რაც კი ოდესმე შექმნილა და არსებულა და საკუთარი ხმა მესმოდა თითქოს უსასრულობაში – *დავიწყო დავივიწყო ყოფნა ნათელი თლილი ლილი ლი...* და მერე ეს ვერცხლისფერიც ალივლივდა და დაიშალა ისეთ ფერებად კაცს რო არ უნახავს ჯერ და ვერც ნახავს ბუნებაში და მერე დაბზრიალდა დაბზრიალდა ჯერ ჭრელ ბორბალად იქცა და მერე სულ ერთ თეთრ ფერად, ოღონდ შუაში წერტილი გაჩნდა გაიზარდა გაიზარდა და მერე თავით შევვარდი გვირაბში – მიმაქანებდა სადღაც თითქოს მეტროში ოღონდ აქეთიქიდან ქანდაკებები იდგა თითოთითოდ განათებული და აინთებოდა და ჩაქრებოდა აინთებოდაჩაქრებოდა და ბოლოს შიგ გასასვლელში კიდე ერთი, ოღონდ შუაში და მეთქი ახლა შევასკდები კიდეც და ვიყვირე ააააა და ისევ ნათელში გამოვედი და ახლა ქარი მიბერავდა, სულს ძლივს ვითქვამდი და უცებ წავედი ქვევით სულ ქვევით და მერე თითქოს ნელა ამოვედი ისევ იქ სადაც ვიჯექი ძმებო – დივანზე კუთხეში, ზედ ბარის პირდაპირ, თვალგამტერებული და ხელში ცარიელი ჭიქა მეჭირა.

ახლა უკვე ნაღდად ვიცოდი რაც მინდოდა: თავის მოკვლა, ოღონდ ვგაა რო აზრზე ვერ მოვდიოდი როგორ მექნა – ჩემი ბრიტვა კი მელო ჯიბეში, მაგრამ მისი დაძრობა და გულისრევა ერთი იქნებოდა, ყელამდე ვერც მივიტანდი, გაფიქრებაზეც კი გამაჟრჟოლა და მერე სსრსტ! – გადახსნილი ხორცი დამიდგა თვალწინ და სისხლის ფანტანი და ყელში მომადგა რალაც, მუცელშიც გამჭრა და სული ძლივს მოვიბრუნე... ‘არა-მეთქი, ძმაო,’ – ჩემ თავს ვეუბნები – ‘ასე არაფერი გამოვა’. რამე ისეთი უნდა მომეფიქრებინა – არავითარი ძალადობა და ჭრა-სერვა, რამე უემოციო – უსიზმრო ძილივით მშვიდი და გამთიშველი. მერე ვიფიქრე საჯაროში მივალ, ბარემ აქვეა კუთხეში, იქნებ რამე სამედიცინო წიგნში ეწეროს, უსისხლოდ და უმტკივნეულოდ როგორ წავიდე იმქვეყანას. უცებ წარმოვიდგინე რომ უკვე მკვდარი ვარ, დედა-მამას სინდისი არ აძლევთ მოსვენებას, ინკვიზიტორ ბროდსკის და მის შესტიორკა ბრენომს კიდე – საზოგადოებრივი

აზრი, გაზეთები და ტელევიზია; რაღაცაიმსაქმეების მინისტრის ქვეშ სავარძელი ყანყალებს და ხეპრე ჯონიც ღამისგასათევს დაეძებს ენაგადმოგლებული. გლიჯავს, ღმერთმანი.

ისევ გარეთ გამოვედი და საათს შევხედე მოედანზე, ორი სრულდებოდა. ვიდრე მეგონა, იმაზე მეტი მიგულავია გაღმა ნაპირზე. მშვიდობის ჩიხს შევუყვები და იქვე ორ ნაბიჯში საჯარო ბიბლიოთეკის კარს მივაღექი. ერთი ძველი, ჩაფეხვილ-ჩაოხრებული შენობა იყო, ცალ მხარეს წასაკითხს იძლეოდნენ, მეორეზე სამკითხველო ქონდათ მოწყობილი. ოღონდ რა მოწყობილი ვგ იყო რო – მონჯღეული მაგიდები და მორყეული სკამები და თითო დამტყვერილი ღამფა თითო მაგიდაზე – მთელი მაგათი ავლადიდება. თანაც ისეთი გაჯის სუნი და სიცივე იდგა, წესიერი კაცი ცხვირს არ შეყოფდა შიგ. არადა ოხრად კი იყვნენ – ვიღაც სტარიკები, ვითომც დიდი მწიგნობრები მყავდნენ, პალტოებში და შარფებში ჩაფუთნულები უსხდნენ მაგიდებს და ზოგი ჟურნალ-გაზეთებს ფურცლავდა, ზოგი ზედ გადაშლილ წიგნზე ყვინთავდა და ერთი-ორი მგონი წაიხვრინებდა კიდეც. ჯერ უცბად ვერც გავიხსენე რა ეშმაკები მინდოდა აქ და მერე დამარტყასავით, თავის მშვიდად მოსაკლავ რეცეპტს რო ვეძებდი და საძიებელში დავიწყე ქექვა. სათაურების მიხედვით ბევრი ვერაფერი ვნახე სახეირო, რამდენიმე კი მაინც გამოვიწერე, მაგრამ მთელი ეს სამედიცინო წიგნები ისე იყო დასურათებული და ისეთი ფოტოებით საგსე, ჩემი დამემართა. მერე ერთი სქელტანიანი ბიბლია გადმოვიღე, იმას გამოწერაც არ უნდოდა, იქვე იღო თაროზე და ალაღბედზე დაუწყვე ფურცვლა – ის დღეები გამახსენდა, რაღაცა შვებას მაინც რო მგვრიდა ციხეში. ოღონდ ახლა სულ სხვა იყო, მაშინ იმ ვიღაცა გოთვერანი ლუდოიკოს კურსი არ მქონდა გავლილი, ახლა კიდე მეტი ვერაფერი ვნახე შიგ, ურიების ერთი ჯგრო მეორეს ურახუნებდა თავში და იდგა ერთი ვაიუშველებელი, ხოცვა-ჟლეტა, ჭრა-ჩეხვა და მოსწყვედნა ყრმათა...

აი ეს რაღას ნიშნავდა მთლად კარგად ვერ გავიგე, მაგრამ უკვე ისედაც მწიფედ ვიყავი და ეტყობა რაღაცა ხმები ამოვუშვი, რადგან ერთმა ბებრეკმა მომიტრიალა თავისი ქიცინა წვერი და რაღაც ისე, სიაფანდზე მეკითხება – ცუდად ხომ არა ხარ შვილოო. ვარ-მეთქი, შევუღრინე, ძანაც ცუდად ვარ და საერთოდაც მინდა შევეშვა ამ ცხოვრებას, ოღონდ მოკლე გზა ვერ მიპოვნიამეთქი. იქით ახლა კიდე მეორემ წამოყო თავი და სსსუ-ო, გაგვაჩუმა თავისი ჭკუით და მე რო სრულ ჭკუაზე ვყოფილიყავი უკვე მაშინ უნდა ჩამოერეკა ხსოვნის ზარს, მაგრამ ყურადღება არ მიმიქცევია და ჩემსას მივერეკებოდი: ‘ახლა არ მითხრათ ახალგაზრდა ხარ და ყველაფერი წინა გაქვსო, თორემ მართლა გავაფრენ – მართლა მართლა მართლა!’ და აი ამაზე ისევ დაგვისუსუნა იმ ბებრეხანამ, მაგრამ ახლა უკვე სინუმეს კი აღარ ითხოვდა, დორბლს ყრიდა ჩამტვრეული კბილებიდან, ხელგამოწვდილი იქაჩებოდა ჩემკენ და რაღაცის თქმა უნდოდა, ოღონდ ერთბაშად სული ვერ მოებრუნებინა და სისინებდა გაანჩხლებული ბატივით.

კი, ის იყო ღმერთმანი – პრაფესორა, ამ ორი წლის წინ მე და ჩემმა ყოფილმა ბრატეკმა რო ვჟჟეთ აქვე, მოსახვევში. ახლა მაინც უნდა მყოფნოდა

ჭკუა და სწრაფად და უხმაუროდ ავთესილიყავი იქიდან, მაგრამ დავაგვიანე – ყველა ჩვენ მოგვჩერებოდა და პრაფესორამაც ბოლოსდაბოლოს ამოიღო ხმა: 'დაიჭირეთ ეგ არაკაცი! არ გაუშვით! ეგ იყო, ეგ ცხოველი ეგა და მაგის ძმაბიჭები – კრისტალოგრაფიის უნიკალური გამოცემები დაფხრიწეს, ცემით მისი კვდილეს მოხუცი და ზამთრის ღამით ქუჩაში დამაგდეს შიშველი!!!' – არადა, მთლად ვგრეც ხო არ იყო ძმებო, მთლად ტიტლიკანა ხო არ დაგვიტოვებია – ის ფონანა ნიფხავ-პერანგი ხო შევურჩინეთ, ეს კიდე დგას აქ და რაებს იხსენებს – ნარჩენი კბილებიც ჩამიტვრიაო, სისხლის ჩაქცევა მქონდაო, კეთილმა ადამიანებმა გადამარჩინეს შემთხვევითო... მერე ღეთისგმობაზეც გადავიდა – ღმერთი მაინც როგორ ითმენს ამისთანების არსებობასო და ბოლოს იმაზე ავუღიანებდა ამ მუმიებს, ცოცხალი არ გაუშვით აქედანო! მგონი მართლა ჭკუას იყო გადასული, მაგრამ სხვებს რა, ნაკლებად უჭროდათ?! წაშში აუბეს მხარი და ერთმა, რაღაცით ყოფილ სამხედროს გავდა, ჩამავლო ხელი და შიგ ყურში ჩამჩხავის – შენისთანები ქიმიკატებით უნდა მოსპოს კაცმა, მღრნელებივითო.

‘შემეშვი ბიძაჩემო’, – ვეუბნები, – ‘ჩემი მეყოფა. ეგ ამბავი ორი წლის წინათ იყო და კარგადაც დავისაჯე მაგისთვის. ჭკუაც მასწავლეს. მართალი თუ გინდა, მეტისმეტად კარგად მასწავლეს. დღევანდელი გაზეთები ნახეთ – იქა წერია ყველაფერი’. პრაფესორა კიდე თავისას გაყვიროდა – ‘შური ვიძიოთ, სამაგიერო გადავუხადოთ, კბილი კბილის წოლო... სულ დაუფსტვინა, მე თქვენ გეუბნებით! არადა სხვებიც აიყოლია და ისეთ დღეში იყვნენ თითქო მართლა გუშინდელზე იყრიდენ ჯავრს და მაგათთვის მგონი, მართლა ერთი იყო გუშინდელი და წლებისწინანდელი. მერე მთელი ეს ხროვა ერთად გამექაჩა, გაძვალტყავებული ხელები ჩამავლეს და ვინ თმებს მგლეჯდა და ვინ ყურის ახვევს ცდილობდა და სხვა კიდე ცხვირპირში მირტყამდა სუსტად, ბებრულად და წიხლებსაც მიშენდენ თავის ჭკუაში, ცდილობდნენ ძირს დაეგდეთ და ფეხებით შემდგომოდნენ და ღმერთმანი ძალე თავისას გაიტანდნენ – გაძლიანებას მე ვერ ვბედავდი იმ ნამდვილი ტკივილის შიშით და მერჩივნა ჩემთვის ერთგვით ვიდრე თუნდაც ხელი მეკრა ვინმესთვის, მაგრამ თვითონ მე ხომ მირტყავდნენ და მფხოჭნიდნენ და ტუჩიც გამიხეთქეს, ცხვირიდანაც წამომივიდა ეტყობა სისხლი და იგივე არ იყო – უკვე გულიც მერეოდა, მუცელშიც დამიარა და უჰაერობით ვიდრჩობოდი თითქოს.

სწორედ ამ დროს შემოყო თავი ბიბლიოთეკარმა და ისიც ცალკე აყვირდა – ახლავე პოლიციას გამოვიძახებო. ღმერთმანი ძმებო, ასეთი რამე თვითონ როგორ მომივიდოდა თავში და ახლა თითქო ხავსს ჩაეებლაუჭე და გამწარებული ვუძახი: ცოტა ტემპში ბრიყვო, თორე გვიან იქნება-მეთქი. ეს იმიტო რო არც გაშველება უცდია და არც ფეხს უჩქარებდა მაინცდამაინც. მერე ერთი მართლა კარგი მომხვდა ყბაში, ნაღდში იმ საღდათი სტარიკანის მოქნეული იქნებოდა, თან კიდე ვიდაცას თუ რაღაცას წამოვედე და უკვე საშველი აღარ იყო – ცოტაც კიდე და გადამივლიდნენ ზედ და ერთი პირი გაბრძოლებაც ვცადე ოღნავ, ძან სლაბად და სწორედ ამ დროს გავიგონე ეს მხიარული, რაღაც ნაცნობი ხმა: ‘კარგით ხო, გეყოფათ ახლა... გეყოთ-მეთქი!’ – და ჩემმა პოლიციამ სულზე მომისწრო

ჩემ დასაცავად.

3.

ისეთი დაშლილი ვიყავი ძმებო, კარგად ვერც ვიხედებოდი თვალებში მაგრამ აკი გითხარით ზმა მეცნო-მეთქი და მართალიც ვყოფილვარ – ჯერ ერთი პატარა ქოთი მისცეს იმ ბებრებს და მერე, გარეთ რო გამიყვანეს დღის შუქზე, ვხედავ მარა რას ვხედავ – ჩემი ყოფილი ძმა და მეგობარი, ჩემი ჩამშვები ბრატკა ბნელო და ის სქელო ბილიბოი – ჩვენი საერთო მტერი და მოსისხლე!..

‘არა,’ – ვბურტყუნებ ჩემთვის – ‘ვარიანტი არაა...’

ისინი კიდევ დგანან და იკრიჭებიან ფორმებში დაზმანულები და ბნელო ისევ ისე ხვიხვინებს ძველებურად, მართლა ცხენივით: ‘ჰუჰ-ჰუჰ-ჰუჰ! ამას ვისა ვხედავ – ჩვენი ძალიან ძველი ბიჭი! უკვე მოიცინავე, ალექს?’

არა-მეთქი გუნებაში გავიძახი, არ არსებობს, შანსი არაა – ნაღდად გავითიშე და მეჩვენება ყველაფერი...

‘რაო ჩვენი ძმა – გიკვირს?’ – ბილიბოი მეკითხება – ‘დრო გარბის, უკვე ვზროსლები ვართ და ხალხის სამსახურში ვდგევართ, ვერა?’

პიტი სადღაა-მეთქი, ბნელოს ვეუბნები, ჯორჯი-ბიჭის ამბავი კი მომიტანეს, მაგრამ პიტის არაფერი ვიცი-მეთქი.

‘პიტი’ – ბნელო ამბობს – ‘ჰო, სახელი რაღაც მეცნობა. იყო ერთი ეგეთი. სულ დაგვეკარგა’.

ბილიბოი კიდევ სახელოთი ზეთს იწმენდს სახიდან, ბნელოს თავს უქნევს და თითქო მე სულაც იქ არ ვიყო, ისე ეუბნება: ‘ეხლა ამის განყოფილებაში მიყვანის და მერე ჩვენების წერის თავი გაქ? იასნია, ეს თავის ძველ ამბებს არ მოიშლიდა – ხო ნახე, რა უპატივცემულოდ ექცეოდა საბრალო მოხუც ხალხს, თანაც საზოგადოებრივი თავმჯდომარის ადგილას... ვუთხრათ რო ჩვენს მისვლამდე დაითუხა. ბიბლიოთეკარს გავაფრთხილებთ, ჩვენ კიდევ ჩვენ-ჩვენი პატარა ანგარიშები გავასწოროთ’.

ვიდექი და ყურებს არ ვუჯერებდი, ძმებო! მეთქი აზრზე თუა რას მიედმოედება – ანარადა არც ამას უნახავს დღევანდელი გაზეთები. ‘ჭკუაზე ხარ, ბილიბოი?’ – ვეკითხები – ‘რა ანგარიშებს მისწორებ? დამთავრდა ჩემი ბრიტყების ტრიალი – არაფერი გაგიგია?’ თან სულ ისეთი გრძნობა მაქ თითქო ეს ყველაფერი რაღაც ბრიყვული ხუმრობაა და ბნელო მაინც მოიძრობს ამ თავის კოკარდიან ქულს და აჭიხვინდება ისევ ცხენივით.

‘კი, გვიტხრეს.’ – ბნელო მეუბნება – ‘სწორედ დღეს წაგვიკითხეს, დილის სბორზე. შეფმა თქვა, ძან კარგი და მშვენიერი ამბავიაო’.

‘აჰა, კიდე კარგი.’ – ვეუბნები ცოტა იაზვურად – ‘თვითონ აქამდე ვერ ისწავლე კითხვა, ბნელო?’

‘ბნელები კამერაში მოიკითხე,’ – მეუბნება – ‘ჩვენ კიდე წესრიგს ვიცავთ და არაფერი საჭირო არაა ყველა ხედავდეს სად და როგორ’.

‘სწორეა,’ – ისევ თავს უქნევს ბილიბოი – ‘ქუჩებში სიმშვიდე უნდა იყოსო – ასე თქვა შეფმა’.

მერე უცებ კარგად მომდო მუცელში, ბნელომ კიდე ის თავისი ზოლებიანი ჯოხი ჩამათარა კეფის ძირში და მთლად მომჩარული, მანქანაში შემაგდეს. აზრზე რო მოვედი უკვე სადღაც გარეუბანში ვგაზავდით სირენაჩართულები.

‘ჩემი მტერი მოხდა თქვენს ხელში’, – ვბურტყუნებ ჩემთვის. ‘ეგერე იყოს,’ – მპასუხობს ბილიბოი – ‘მაგრამ ჯერ გაესწორდეთ’.

ბოლო-ბოლო სადღაც ხრიოკში გავჩერდით. ორივემ ის პაგონებიანი ფორმები წყნარად გაიძრეს, სახელოები დაიკაპიწეს და მაგრა მომდგნენ, საქმიანად, ბრაზის და ცოფის გარეშე. მეთოდურად მუშაობდნენ, რიგრიგობით. არც ვიცი რამდენი ხანი მიბაგუნებდნენ და ბოლოს უკვე აზრზე აღარც ვიყავი რა ხდებოდა და ტკვილსაც ვეღარ ვგრძნობდი: სისხლი რო დავინახე, ისეთი კრუნჩხვები დამეწყო, სხვა შეგრძნებები გამითიშა... მერე, როგორც იქნა, მორჩენ მუშაკობას, პაგონები და კოკარდები ჩამოიფხატეს, მგონი ორი თბილი სიტყვაც კიდე დამიგდეს და აითესნენ.

გონზე რო მოვედი, წვიმა ცრიდა, ძვალ-რბილი გაერთიანებული მქონდა მეგონა, მთელ ტანში მტეხდა და მაჟურიალებდა. ძლივს ავითორიე წელი და წვლასლასდი, ოღონდ საით – თვითონაც არ ვიყავი აზრზე.

4.

ღმერთმანი ძმებო, ახლა ერთი მყუდრო პალატა მომნათლადა სადმე მიგდებულ ჰოსპიტალში, მომვლელი მჭირდებოდა და მოსვენება, მე კიდე მივტყლაპუნობ წვიმაში, ნისლში, სადღაც უკაცრიელ ადგილას და ყველა ღმერთსა და ეშმაკს ერთად ვლანძღავ და ჩემ ბედს ვწყევლი, მერე უკვე ჭკუასაც ვკარგავდი ალაღად და დროის შეგრძნებასაც, როცა რაღაც დასახლებას მივადექი – სულ ერთნაირი კოტეჯები იდგა და ყვირილის თავიც აღარ მქონდა საშველად რომ დამეძახა ვინმესთვის, და ამ დროს ერთ ჭიშკარზე ეხედავ აწერია – სამეუდრო.

ღმერთმანი ან ღვთის ხელი ურევია ან ბედის დაცინვაა-მეთქი, მაგრამ რა მაგის გარკვევის თავი მქონდა, მივაღეკი და ვაბრაზუნებ რაც ძალა ღამრჩა.

კარი გაიღო და ვიღაც კაცი გამოჩნდა სინათლეზე – ‘რა ამბავია?’ – კითხვობს და ვხედავ მის ზურგს უკან, ოთახში ბუხარი ანთია და თითქო კარგად გამომშრალი ხის ტკაცუნიც კი მესმის. ‘ღვთის გულისათვის,’ – ვეუბნები – ‘მიშველეთ რაბე, პოლიციელებმა მიმასიკვიდღეს და სადღაც გზის პირას დამაგდეს უგონოდ. იქნებ გათენებამდე შემიფაროთ, ან სანამ წვიმა მაინც გადაიღებდეს...’

‘შემოდი, შემოდი,’ – მეუბნება – ‘ამ უკანონო ქვეყანაში ერთმანეთს თუ დავეხმარებით, თორემ სხვა რისი იმედი უნდა გქონდეს ადამიანს’.

წინკარი თითქო თავისით გაიღო და მეც კიბეებზე ავბანცალდი. არაფერი მსახიობობა არ დამჭირვებია – ისეთ დღეში ვიყავი, ფეხს ძლივს ვადგამდი, შემოფხრეწილი ტანსაცმელი რაღაც ძონძებად მეკიდა, ორი კბილი ჩამტვრეული მქონდა, ტუჩები ზევითაც და ქვევითაც და კიდე ცალი წარბიც გახეთქილი, მარცხენა ყურზე ცეცხლი მეკიდა და ცხვირიც ისე გამისივდა, ვერ ვსუნთქავდი. ამ ღვთისნიერმაც ხელი შემაშველა და შიგ შემიყვანა – დიდ, თბილ და ნათელ ოთახში.

და სწორედ მაშინ იყო ძმებო, რო გამცეცხლა და აზრზე მოვედი სად ვიყავი და ვისთან მომახვედრა ჩემმა უკუღმართმა ბედმა. ის მახალლო წარწერაც – **სამყუდრო** – რეკლამის აბრასავით გამინათდა თავში და მთლად გამოთავყანული მივაჩერდი სახლის პატრონს. კი, ის იყო ნამდვილად – ოღონდ რაღაცა მოტეხილი თითქოს, დაბერებული და კოჭლობდასავით. თვითონ ვერ მიცნობდა რა თქმა უნდა, შანსი არ იყო – მაშინ მე და ჩემ ბრატკებს სუყველას ნიღბები გვეკეთა და ლამის საკარნაულოდ ვიყავით დაზმანულები, ახლა კი ასე ნაცემნაბგევს და გასაწყლებულს იმ ძველი ალექსის რა მიგავდა – სველ მიწაზე ნაგდები და წვიმაში ნაბოღიალები საკუთარ ხმასაც ვეღარ ვცნობდი, ჩამეხრინწა და წინა ორი ჩატეხილი კბილის წყალობით გემოზეც ვჩლიფინებდი.

ის კიდე ძან ძან თანაგრძნობით შემომცქერის და რაღაც ისე, ნაღვლიანად მეუბნება: ‘აგერ დაჯექი, ცეცხლთან. თაფლიან არაყს დაგალევინებ და ამასობაში წყალიც გაცხელდება’.

‘პოლოციელები’, – ვბურტყუნებ ჩემთვის – ‘ჩათლახები...’

‘ასეა,’ – მეუბნება – ‘პოლიციური რეჟიმის კიდევ ერთი მსხვერპლი. არც პირველი ხარ და არც უკანასკნელი იქნები. ესაა მაგათი დამყარებული წესრიგი’. მერე გატრიალდა და საშხარეულოში გავიდა, მარცხენა ფეხს მიითრევდა ცოტათი.

ოთახი მოვათვალიერე. ქალის ხელი არ ეტყობოდა – ორადორი გაქეჩილი სავარძელი იდგა სულ, დამტვერილი წიგნებით იყო სავსე და პატარა მაგიდაზე საბეჭდი მანქანა იდო, გვერდზე კიდე დასტა ფურცლები. გამახსენდა, ეს კაცი

მგონი მწერალი იყო. *მექანიკური ფორთოხალი*. უცნაურია, ასე რო ჩამჩა გონებაში. ოღონდ ახლა არა ღირდა იმ ამბების გახსენება – ახლა სითბო და გაგება მჭირდებოდა და იმ გოთვერნებმაც ლუდოვიკოს ცენტრში ისე მომიწყვეს საქმე, აწი ასეთ დღეში ვიქნებოდი სულ და სხვისთვისაც იგივეს მოვინდომებდი – თუკი ჩემგან საერთოდ მიიღებდა ამას ვინმე.

‘ჰო, ასეა.’ – მწერალი მობრუნდა, ჭიქას მაწვდის და სველი პირსახოცით მიწმინდავს სახეს – ფრთხილად, ძან ნაზად, – ‘აბაზანა გაგივსე, მერე ვივანშმოთ და დალაგებით მომიყევი ყველაფერი. ღამით ჩემთან დარჩები’. ღმერთმანი ძმებო, რაღაცამ წამიჭირა ყელში და თვალებშიც წყალი ჩამიდგა ეტყობა, რადგან უცებ ძან ოტეჩესკი დაიჭირა, მხარზე მომითათუნა ხელი და ‘კარგი ახლა, გეყოფა – ეგ რა ვაჟკაცის საქმეაო’ – მეუბნება.

ბოლო-ბოლო ავედი ზევით, კაფელის აბაზანაში ჩაეწევი, მერე მშვენიერი ფლანელის პიჯამა, შავ-თეთრი გრძელი ხალათი და ღუნღულა ფლოსტები ჩამოვიცივი – ყველაფერი იქვე იყო ჩამოლაგებული სკამზე და ღმერთმანი ძმებო, სიკვდილის პირას მიყვანილმა კაცმა ცოტა თვალებში გამოვიხედე, რაღაც ხალისიც დამიბრუნდა თითქოს და დაფეხვილ-დათეთქვილს ტკივილზე უფრო ახლა შიმშილი მახსენებდა თავს. ქვევით რო ჩავედი ისევ, მწერალს უკვე მოეთავებინა სამზარეულოში ფაცი-ფუცი და სუფრაც საუფროსო გაეწყო: ფუმფულა თეთრი პური, ნაღდი შვეიცარიული ყველი, ერბოკვერცხში მოტაფული ძხვები ზედ მოსხმული რაღაც ცხარე წითელი საწებლით, მაყვლის ჯემი და თიხის დიდი ჭიქა ცხელი რძიანი ჩაი. ისე მივაძეხი, მიპატიჟებას არც დავლოდებოვარ, ხუთ წუთში გამოვიბუსკნე და მერედა ამოვდერდე ცოტა დარცხვენილმა – არც ვიცი, როგორ გადაგიხადოთ მაღლობა-მეთქი.

‘ეგ არაფერი,’ – მეუბნება, – ‘ჩემთან რომ მოხვედი, ამაშიც ალბათ განგების ხელი ურევია. უკვე მივხვდი ვინცა ხარ: შენი სურათია გაზეთში და რა უბედურებაც მოგწიეს, მგონი იმასაც გამაღლიან. ჯერ ციხეში გალპობდნენ, მერე რეზისტენციის ყოველგვარი უნარი წაგართვეს და ახლა ქუჩის პოლიციას მიუგდეს შენი თავი. ასე აპირებენ ეგენი საზოგადოებრივი წესრიგის დამყარებას?! კარგი საზოგადოება კია, ამგვარი მეთოდებით თუ იცავს თავს! მაგრამ ღვთის ნებაა-მეთქი ყველაფერი – შენ ის მითხარი, ჩემ შესახებ თუ გსმენია რამე?’

‘ეეე... როგორ გითხრათ,’ – ვფრთხილობ, ძან ძან ვფრთხილობ – ‘ერთხელ ყური მოკარი, *მექანიკურ ფორთოხალზე* ლაპარაკობდნენ... გულზე მომხვდა რაღაცეები, ოღონდ მე თვითონ არ წამიკითხავს, აბა საიდან...’

‘ოჰო,’ – მეუბნება, თან სახე ლამის გაუნათდეს – ‘ეგეც კარგია. ახლა შენი ამბავი მომიყევი და ისიც მინდა ვიცოდე, ციხემდე რამ მიგიყვანა. ნუ გეშინია, გულახდილად მიამბე ყველაფერი, მე რა შენი გამკითხავი ვარ’.

კარგად ვერც ჩავხვდი რისი თქმა უნდოდა მაგით – თუ გამკითხავი არაა, რაღას მეკითხება-მეთქი, მაგრამ ამ ტიპის ხალხს ხომ ბოლომდე ვერაფერს

გაუგებ, რაღაც თავისი ენა აქვთ და სიტყვებსაც თავის ჭკუაზე ატრიალებენ.

ბვერი არც არაფერი მაქ სათქმელი-მეთქი, ვუბნები, – ‘სულ უბრალო ამბავია: ბიჭებმა ამაგდეს და რაღაც სულელურ სანაძლეოზე სხვის სახლში შევიპარე, ვითომ გაგებდავდი თუ არა – მართლა რამეს მოპარვა არც მიცდია. ხოდა ერთი მარტოხელა მოხუცი ქალი ცხოვრობდა თურმე შიგ. სიბნელეში დამლანდა და გული წაუვიდა; მერეღა გავიგე, დაცემისას მაგიდის კიდეზე ჩამოურტყამს თავი და კაცმა არ იცის, დარტყმისაგან გარდაიცვალა თუ შიშისაგან. მე კიდე გაქცევის მაგიერად მის მოსულიერებას ვცდილობდი და პოლიციასაც ჩემი ხელით გავუღე კარი. იმათ კიდე საქმეში გამიყვანეს – აქაოდა, დიდი მკვლეელი და ოხერი ვინმე ბანდიტი გავქაჩეთო. სასამართლოშიც სიტყვა არ მათქმევინეს თავის დასაცავად...’

მათგან არც მიკვირსო, – თავს მიქნევს და მეც ჩემსას მივერეკები: ‘მერე შიდა საქმეთა მინისტრმა ციხეში ჩამოვლაზე მაინცდამაინც მე გამომარჩია და საავადმყოფოში მიკრეს თავი, ლუდოეიკოს მეთოდით უნდა გიმკურნალოთო. თანაც პირობა მომცეს, ხაროში აღარ დაგაბრუნებთო და მეც რა შვილი ვიყავი, ხმა ამომელო’.

დაწვრილებით გამომკითხა იმ ცნაური მკურნალობის ამბავი და ღმერთმანი ძმებო, სულ წვრილად ჩაუკაკლე ყველაფერი, მანდედან არაფერი გამომიტოვებია და ფილმებს რო ვიხსენებდი, კინალამ ისევ ცუდად გუზხდი. ის კიდე ვედარაფერს ამჩნევდა, ოთახში დაბლაყუნობდა და მამალი გიჟივით თავისთვის ბურტყუნებდა რაღაცას. მერე შეუთავაზე, სუფრას ავილაგებთ და ჭურჭელს მაინც დაგირეცხავთ-მეთქი, მაგრამ თითი არ გამანძრევინა – შენ ახლა მოსვენება და სიმშვიდე გჭირდებაო. ერთხანს კი ვიყავით მართლა მშვიდად – ის სამზარეულოში ტრიალებდა და მე კიდე ბუხარს ვუჯექი და რაღაც მშვენიერ უფილტრო სიგარეტს ვაფუილებდი, მაგრამ მალევე მორჩა დიასახლისობას, ისევ მომადგა და მეუბნება: ‘შენ იქნებ შესცოდე კიდეც და სასჯელიც დაიმსახურე, მაგრამ ყოველგვარი სასჯელი ჩადენილი ბოროტების საზღაური უნდა იყოს მხოლოდ, შენ კი ათმაგად გაზღვევინეს – პიროვნების მაგიერად რაღაც უნებო არსებად გაქციეს და საკუთარი არჩევანი აღარ გაგაჩნია: შენ ახლა სხვისი გამოწერილი რეცეპტით უნდა იცხოვრო – სიკეთეზე მომართული მექანიკური არსება! თავად შენთვის კი ყოველგვარი ცხოვრებისეული სიამენი ტკივილის გამომწვევი იქნება მუდამ: მუსიკით ტკობა თუ ქალის სურვილი, ლიტერატურა და ხელოვნება – ყველაფერი ეს მხოლოდ ფიზიკურ ტკივილს გამოიწვევს შენში... ეგენი კი საზოგადოების გაჯანსაღების იდეით ისე არიან შეპყრობილები, ზღვარის შეგრძნება დაკარგული აქვთ – ადამიანს თუ ნებსითი არჩევანის უფლება არ გააჩნია, მას ადამიანიც აღარ ეთქმის!..’

‘ჩვენი კაპელანიც სწორედ მაგას ამბობდა, სერ,’ – ჩავურთე როგორც იქნა – ‘ზუსტად მაგ სიტყვებით.’

‘ჰოო? ან რატომაც არ იტყოდა – მაინც ქრიტიანი მოძღვარია, ასე თუ ისე... ახლა კი აი რა მინდა გითხრა: ხვალ ორ-სამ ჩემს მეგობარს შევატყობინებ, სანდო და საჭირო ხალხია, იმათაც დაწვრილებით მოუყვები ყველაფერს. ნახავ, არც ჩვენ

ვართ გულხელდაკრეფილები, რაღაცის გაკეთება ჩვენც შეგვიძლია და თუ საზოგადოებრივი აზრი აღარაფერს ნიშნავს ამ ქვეყანაში, მაგასაც ვნახავთ. არა მგონია, ახალგაზრდის ფსიქიკაზე ასეთი ბარბაროსული ცდების ჩატარება დიდ მიღწევად ჩაეთვალოს რომელიც ვნებავთ მთავრობას – თუნდაც ამისთანა ავტორიტარულს!

‘როგორც მეტყვეით ისე მოვიქცევი,’ – ვეუბნები – ‘ოღონდ ჩემ გამო უსიამონებას არაფერს გადაეყაროთ’.

ხელი ჩაიქნია და ცოტა ხნის მერე მეუბნება: ‘აწი რაღა უნდა მომივიდეს? ოჯახი მე აღარა მყავს და ჯანმრთელობაც არაფრად მივარგა...’

‘შეგემთხვათ რამე?..’ – ფრთხილად ისე ვეკითხები, სასხვათაშორისოდ, არადა მართლა მაინტერესებს სად გაქრა მისი ცოლი – ‘თუ მეუღლემ მიგატოვათ?’

ცოტა ხანს ჩუმად იყო, ვიფიქრე შეკითხვა არ დაევასა-მეთქი, მერე რაღაც-ნაირად ჩამწყდარი ხმით მეუბნება: ‘ჰო, მიმატოვა. შოკში იყო ჩავარდნილი, გაგვიჟებას არაფერი უკლდა და... თავი მოიკლა’. ვხედავ, თითები უკანკალებს, სიგარეტს ვერ მოუკიდა ვერაფრით. მე კიდევ გავითიშესავით, თვალწინ ის ღამე დამიდგა, მაშინდელი ამბები და უცებ ისევ დამიარა მუცელში, თითქოს ჰაერიც აღარ მყოფნიდა და ეტყობა სახეც მაგრა შემეცვალა, უცებ მოვიდა გონზე, წამომაყენა და მეუბნება: ‘კარგი, გვეყოფა ძველის გახსენება, ახლა მომაგულზე ვიფიქროთ. დაწეპი, დაიძინე და ხვალ უკეთ იქნები’. მერე საწოლი ოთახის კარი რო გაიხურა, გავიგონე – თავისთვის ბუტბუტებდა ისევ: ‘საბრალო ბიჭი... ესეც ამ შეშლილი საუკუნის კიდევ ერთი მსხვერპლი. რა განსხვავებაა, ძალადობა ფიზიკური იქნება თუ სულიერი – შედეგი შეძლება ერთნაირი იყოს. ბედზე რომ არ მოხვედრილიყო ჩემთან, ან კარი არ გამეღო, ამასაც იგივე დაემართებოდა ალბათ...’

5.

თიშად მეძინა ძმებო იმ ღამით – გვერდიც არ მომიცვლია და იქნებ ამიტომაც იყო, არც დაბგევილი სხეულის ტკივილს გავუღვიძებოვარ და არც დამსინძრებია რამე. დილით ჯერ აზრზე ვერ მოვედი სად ვიყავი, მერე გამახსენდა ყველაფერი და ვიფიქრე ერთი უნდა გავიგო როგორმე, ამ ჩემს მასპინძელს რა ქვია – აკი გუშინ ვუთხარი თქვენზე და თქვენ წიგნზეც მსმენია-მეთქი. ამ ოთახში ვერაფერი ვნახე, მერე პატარა დერეფანს გავუყევი, ვითომდა ვერ მოვიმხარე საით წავსულიყავი და ბოლოში კარი დავინახე გამოღებული, იავნად საძინებელი იყო მაგრამ რამდენიმე ცალი წიგნების თაროც დავჩითე და მეთქი თუ ის “ფორთოხალი” ვიპოვე, ავტორის გვარიც ხომ ზედ იქნება, ვარიანტი არაა.

ჩუმად შევიპარე და რას ვხედავ – სწორედ იმ ქალის გადიდებული, მეტრი-მეტრზე სურათი შემომცქერის კედლიდან და მიღიმის... ისევ მომაწვა ყელში რაღაც, მაგრამ წიგნების ქექვა დავიწყე სასწრაფოდ და გადამიარა. მალე ვიპოვე, პატარა წიგნი იყო და ავტორის გვარიც ეწერა, რა თქმა უნდა: ელიკსანდერი. ესეც

კიდევ ერთი ალექსი-მეთქი, გავიფიქრე. მერე ალაგ-ალაგ გადავფურცლე მაგრამ ღმერთმანი, თავი და ბოლო ვერ გავუგე რას ბაზრობდა. ერთი ეგ იყო, ძან პათეტიკურად ამტკიცებდა – დღესდღეობით ხალხი რაღაც მანქანებად უნდათ რომ აქციონ, წესით კიდევ უცხო ხილივით უნდა ვიზრდებოდეთ დედამიწაზეო. ამ ჩემის ელიკსანდერს ეტყობა ისე წარმოედგინა ეს ქვეყანა თითქო ჩვენ ყველანი ერთ რაღაც დედა-ხეზე უნდა ვეკიდოთ, მამაზეციერმა რო დარგო საკუთარ ბაღჩაში საკუთარი დილიხორის გასასწორებლად და ჩვენ კი არ გვჭირდებოდა ღმერთი, თავად ღმერთს ვჭირდებოდით რაღაც სამყაროული წყურვილის მოსაკლავად. სულ რაღაც ამისთანას ბოდილობდა და ღმერთმანი, მგონი მართლა შერეულია ან ცოლის სიკვდილმა თუ შეარყია-მეთქი ვიფიქრე და სწორედ ამ დროს გავიგონე, ძანაც აზრიან რამეს იძახდა – ჩამოდი, ვისაუზნოთო. მეც თავპატიჟი არ გამიღვია, რაღა თქმა უნდა.

‘ეტყობა კარგად გეძინა,’ – მეუბნება და ტოსტერიდან პურის დაბრაწული ნაჭრები ამოყარა – ‘ათია უკვე. მე კიდევ დილიდან ვსაქმიანობ. ხომ იცი მოხუცების ამბავი – წავთვლემ და ეგაა’.

‘ახალ წიგნს წერთ?’ – ვეკითხები.

‘არაა – ტელეფონს ვუზივარ. ყველგან მივრეკ-მოვრეკე’.

‘მეგონა სახლში ტელეფონი არ გედგათ,’ – ვუთხარი და წამსვე ენაზე ვიკბინე, ისე შეეცვალა სახე. ‘საიდან მოიტანე?’ – მეუბნება – ‘რამ გაფიქრებინა რომ ტელეფონი არა მაქვს?’ – მეკითხება გაშტერებული, თითქო რაღაც ძან მნიშვნელოვანი რამე მეთქვას. ‘ისე, უბრალოდ-მეთქი – ვეუბნები – გუშინ თვალი არსად მომიკრავს. თუმცა ან რისი დანახვის თავი მქონდა – კარგად გონზეც არ ვიყავი მგონი.’ – თან კიდევ იმას ვფიქრობ, მართლა თუ გაახენდა ის ორი წლის წინანდელი საღამო, მე და ჩემი ბრიატკა რო მივადექით კარზე და დაყენებული ხმით ექიმის გამოძახებას ვთხოვდი მის ცოლს, იმან კიდევ მითხრა, ტელეფონი არ გვიდგასო...

ცოტა ხანი კიდევ მიყურა თვალგაშტერებულმა მაგრამ მერე გამოერკვა, რაღაც საწყალობლად გამიდიმა და სავსე კოვზი შაქარი ბუთქა ჩემს ჭიქაში, მე კიდევ დატკბილულს ვერ ვიტან. არაფერი მითქვამს, ცხადია.

‘იმას გეუბნებოდი, ჩემს ნაცნობებს ჩამოვურეკე და ბევრიც დაინტერესდა შენი ამბით. ერთიც ვნახოთ, მშვენიერი იარაღი აღმოჩნდა ამ მთავრობის საწინააღმდეგოდ! არჩევნები კარზეა მომდგარი და ეგენი კიდევ დიდ იმედებს სწორედ ამ ყბადაღებულ “კრიმინალური ელემენტების საწინააღმდეგო პროგრამაზე” ამყარებენ, ტრაბახით აიკლეს პრესა. ახლა დროა ისიც ვუთხრათ ხალხს, რა შედეგი მოაქვს მაგ ნაქებ ლუდოვიკოს მეთოდს და მთელ მაგათ პროგრამებს!’

ისევე მომაჩერდა და ვიფიქრე: ვაითუ რაღაცა მაინც იყნოსა ან რაღაცა ახსენდება ჩემსა და იმ ამბავთან კავშირში-მეთქი, მაგრამ მაშინ ყველას ნიღბები

გვეკეთა და რა ხანი იყო გასული მას მერე, კარიანტი არ იყო რამე ესქესა – რა თქმა უნდა, თვითონ თუ არ დაუბრუნებელი რამე ისეთს. იმან კიდე ისევ გაუტია თავისი: ‘რომ კითხო, მშვენიერი გამოსავალი იპოვეს – კუნთმაგარ იმბეცილებს პოლიციაში იწვევენ, ცოტა სხვანაირ ხალხს კიდე დამცველ ბარიერს ჩაუდგამენ ფსიქიკაში, უნიათო და უნებისყოფო მასად გადააქცევენ და მორჩა, დალაგდა ქვეყანა და თავისით გადაიჭრება ყველა პრობლემა... კი, როგორ არა – მაგალითების მეტი რა არი, ოღონდ აქედან მერე ნახევარი ნაბიჯია სრულ ტოტალიტარიზმამდე!’

მართლა დარტყმილია-მეთქი, ვფიქრობდი – თვალები შუშებად ექცა და სახე გაუქვავდა. სადღაც ჩემს იქით იყურებოდა და მგონი საერთოდ ვეღარც კი მამჩნევდა. ‘ღმერთო შენ უშველე ყველა გიჟსა და დარეხვილს’ – გუნებაში წერტილი დაუესვი მის ქაქანს და ფრთხილად შევაპარე – განა მე რა შემიძლია-მეთქი.

‘შენ, – მეუბნება, – ცოცხალი საბუთი ხარ და იმის მაგალითი, რას უპირებენ მთელს ერს!’ – წამოხტა, ხელების ქნევას მოჰყვა და ხმასაც აუწია: ‘აქაც თუ თავისი გაიტანეს, მერე ვინც კი მთავრობას თვალში არ მოუვა, ან საწინააღმდეგოს იტყვის, ყველას შეუძლიათ კრიმინალი დასწამონ, ტვინი გამოურეცხონ, ფსიქიკა დაუბლოკონ და ამას სულ საზოგადოებაზე ზრუნვის ლოზუნგით გაამართლებენ!’ მერე ცოტა დაწყნარდა, მაგრამ არ დამჯდარა, ოღონდ თათების ქნევას და ყვირილს მორჩა და მეუბნება: ‘წერილი დაწერე ერთი გაზეთისათვის. მალე დაიბეჭდება. შენი ფოტო უნდა დაუერთო და მინდა შენი ხელმოწერაც იყოს ზედ’.

‘კი ბატონო,’ – ვუბნები, – ‘როგორც თქვენ იტყვით. ოღონდ თუ არ მიწყენთ, ერთი ის მინდა გკითხოთ: თვითონ რა ძალა გადგათ, რაზე გინდათ გადაიკიდლოთ მთელი ეს ვერხუშკა?’

ჯერ გაკვირვებით შემომხედა, თითქო კარგად ვერც გაერკვა რას ვეკითხებოდი, მერე სკამის ზურგს ჩააფრინდა, გადმოიხარა ჩემკენ და რაღაც ძან გულნატკენი კაცივით დამიწყო: ‘იცი რას გეტყვი, მარტო შენი ამბავი არ არი აქ. თავისუფლების სიყვარული ჯიშშივე მოგედგამს და ამას უნდა გაუფრთხილდე. რომელი მებრძოლი მე ვარ, მაგრამ ვილაცამ ხომ უნდა ამოიღოს ხმა, თორემ სულ დავილუპებით. რა, განა ნებით დათანხმდება ვინმე, მის შვილს რომ იგივე გაუკეთონ, რაც შენ გიქნეს?! ოღონდ მასას სიმშვიდე და მცონარობა ყველაფერს ურჩევნია და თავს წინასწარ არავინ აიტკივებს, ყველაფრის მიმართ აპათიაც სწორედ აქედან იწყება და ამიტომაც დროზე უნდა დაარჯო ნემსი მტკივან ადგილას!’ და უცბად ძმებო, ჩანგალს დაავლო ხელი და ისე გლიჯა მაგიდას, ჩარჭობით ვერა მაგრამ ორად კი გადალუნა.

ამან თუ ბოლომდე ასე გარეკა, ისევ ჩემი გასაჩერებელი არ გახდეს-მეთქი ვიფიქრე, და ვითომ მაგრა დაინტერესებულმა წერილის წაკითხვა ვთხოვე.

‘ჰო, მართალი ხარ,’ – შუბლზე იტკიცა ხელი ძან თეატრალურად. –

‘შენი სახელით იქნება და ხომ უნდა იცოდე ხელს რას აწერ...’ – მგონი გახარებულიც კი იყო და ჩემი აზრი მართლა უნდოდა გაეგო. მე წერილს ჩაუჯექი და იმან კიდე მაგიდის ალაგება დაიწყო, ისევ ხელი არ დამაკარებინა არაფერს. მოკლედ ძმებო, ამ წერილიდან ისე გამოდიოდა თითქო ჩემი პირით ვლაპარაკობდი რა უბედურებაც გადამხდა თავს და რა გოლგოთა გამოვიარე და რა დღეში ჩამაგლო ამ ჩვენმა მთავრობამ, სული ამომადრო და ტვინი მიღრო და გონებრივად დამახეიბრა, ასეთი აღარც თავისუფლება მინდოდა და აღარც არაფერი. ძაან გრძელი და ძაან ცრემლსადენი რამე იყო, ღმერთმანი. გული ამიჩვილდა.

‘მხეცი ხართ, ბრატ’ – ვეუბნები – ‘მაგრა გიწერიათ. ტემპში ავარდება ხალხი’.

‘რა... რა თქვი?’

‘არაფერი, ეს ისე...’ – ვეუბნები, – ‘მეგობრებში ვლაპარაკობთ ხოლმე ამგვარად. ჟარგონია, ასე ვთქვათ’.

ის კიდე მომჩერებია და ბუსავით აფახულებს თვალებს. რაღაცამ კი გამკრა გულში, მაგრამ ამ დროს ზარმა დარეკა კარზე და საზოგადო მოღვაწე ბატონ ალექსანდერსაც სახე გაუნათდა.

‘აპა, – მეუბნება, – მოვიდნენ როგორც იქნა.’ – და სტუმრების შესახვედრად გაქანდა. მერე ერთად შემოლაგდნენ ყველანი – სამნი იყვნენ და ბ-ნმა ალექსანდერმაც რიგრიგობით გააცნო ჩემი თავი. ერთი ვინმე დოლინი იყო – პატარა, ჩაპუნტულებული, პირში სულ სიგარეტი ქონდა გაჩრილი და სადაც მოხვდებოდა იქ აფერფლებდა, ან სულაც იატაკზე ეყრებოდა ხოლმე. მეორე – ნაღდი ყვეერი, გვარად რუბინშტეინი, მაღალი, სათვალისანი და წვეროსანი, ტელევიზიის დიქტორივით კაი დაყენებული ხმა ქონდა, და მესამე კიდე ვიღაც რამდენიმესახელიანი ჩორნა ტიპი, გადაგლესილი თმით და მაგარი გვართ – დელა სილვა. აქოთებული იყო არ ვიცი ბრიოლინით თუ კიდე რამე ეგეთით. სამივემ ჯერ კარგად დამალივერა და მერე სწორედ ეს დელა სილვა გამოვიდა სიტყვაში, ეგ ვის რას დააცდიდა: ‘მთლად გასაცოდაუებელიც არ ეთქმის – სახე კი აქვს ცოტა შემუპებული, მაგრამ ასე ლოთს უფრო გავს... გრიმი დაგეჭვირდება’.

მაგრა არ დამევასა ძმებო, მაგის მურდალაქცენტისანი პიჟონური გამოსვლა და თვითონაც კაი დამპალი ვინმე ჩანდა, ხოდა წყნარად ისე ვეუბნები, ხმადაბლა: ‘არა ბრატ, არ გამოვა ეგ საქმე. კბილებს კი ჩავისვამ, მაგრამ პუდრი, დუხი და ეგეთები ცხოვრებაში არ მიხმარია და მორჩი ახლა ბაზარს’. კინალამ ისიც დავუმატე, ან თვითონ რაში გჭირდება რო დაზეთილხარ – ისედაც იავნად პედიკს გვეხარ-მეთქი, ოღონდ თავი შევიკავე. არადა სულ არ ამომელო ხმა, ის ჯობდა – იმ გასლიკინებულ მურთხს ყურიც არ გაუპარტყუნებია, სამაგიეროდ მასპინძელი გაიყინა ადგილზე და რაღაცა ბუტ-ბუტს მოყვა, მე მართო ის გაუიგონე, უცნაურიო იძახდა – ეს ხმა და ლაპარაკიც მეცნობა და ნაღდად სადღაც შევხვედრივართ ერთმანეთსო. ეს უკვე მეორედ ჩამორეკა ზარმა და ჭკუით უნდა

ვეოფილიყავი, ასე უაზროდ არ უნდა მეტლიკინა.

მერე ბატონი დოლინი გავიდა საქმეში: ‘აქცენტი პიროვნების განადგურების საკითხზე უნდა გადავიტანოთ. დანგრეული ოჯახიც ვახსენოთ და პირადი ტრაგედიაც. გაზეთები იცოცხლე, ერთხმად აიტაცებენ. საზოგადოებრივ აზრს უცბად შევაბამთ ექვანს’.

‘მომისმინეთ’, – ახლა ამას მიუბრუნდი, – ‘თქვენი თქვენ იცით, მაგრამ მე რა აქედან? ჯერ იყო და ვირის აბანოში მომაცუხეს, მერე ისე მომიწყვეს საქმე, ყველაფერზე გული მერევა და ცუდად ვხდები, მშობლებმა საკუთარ სახლში არ მიმიღეს, ბებერი თუ ახალგაზრდა, წიგნის ჭია თუ ბრიყვი პოლიციელი – ყველა მე მიკაკუნებს თავში. ამას თუ მოელება როდისმე ბოლო?’

რაბინი რუბინშტეინი მხარზე მხვევს ხელს, მკლაფზე მეფერება – ნაგიფრებს რო აწენარებენ, სწორედ ისე, და ძაან ძაან უმნი სახით მუბნება: ‘ჩვენი პარტიისა და თავისუფლების იდეისათვის თავდადებას არავინ დაგვიწყებს. თით-საც ვერავინ დაგაკარებს, ჩვენს გვერდით თუ იქნები და ყველაფერს დაგვიჯერებს. აი ნახავ, ბნელიდან ნათელში გაგიყვანთ’.

ამაზე ისევ გამოვედი წყობიდან და ახლა უკვე ყვირილი მოვრთე: ‘ხელების ცაცუნს შეეშვი და ზოგი გიჟი და მართლა ბნელი თქვენკენ მოიკითხეთ! ჯერ ის მითხრას ვინმემ, მე ვინ დამიბრუნებს ჩემ თავს? როდესმე თუ გავხდები ისევ ჯანმრთელი და ვიცხოვრებ ჩემ ჭკუაზე?’

‘ბნელო...’ – ისევ გააჩმახა ალექსანდერმა, ფიქრიანად – ‘ბნელო... ეგ მართლა ვიღაცის სახელი იყო – ბნელოს ეძახდნენ, მართლა’.

‘ჰა...’ – უცბად ვერც გამოვერკვიე და ახლა იმას ვეცი, – ‘ბნელო რაღა შუაშია?! ახლა არ მითხრათ, ისიც ჩვენ ბრიაჟკაშიაო!’

ვთქვი და იქვე ვიკბინე ენაზე: ისეთი სახე გაუხდა, ერთი სული მქონდა ზევით ავსულიყავი, ვითომც ტანსაცმლის გამოსაცვლელად და მერე ფანჯრიდან ავთესილიყავი საღმე, სულერთია სად, ოღონდ კი მას აღარ გადაყვროდი ისევ.

‘მაშ ასე ძმებო,’ – ვეუბნები და თან წამოვდექი კიდეც, – ‘კარგად მეყოლეთ. დიდი მადლობა ყველაფრისთვის და ღმერთმა ხელი მოგიმართოთ, მაგრამ ახლა ცოტა საკუთარ თავსაც უნდა მივხედო’. მაგრამ იასნი იყო, ეგრე ადვილად ვეღარ დავუძვრებოდი მაგათ ხელიდან. აქედან ერთი ჩამაფრინდა და იქიდან მეორე და მორთეს ლაყაფი მოქალაქეობრივ სინდისზე და პატოსნებაზე და საკუთარ ადამიანურ ვალდებულებებზე ჩემს მიმართ და მოკლედ, აქეთ მაგდებდნენ ნამუსზე. მეთქი დაუფერთხავ ამათ და მოუუსვამ როგორცა ვარ – ფლოსტეპში და ხალათში, ოღონდ გაბრძოლებაზე გაფიქრება და რწყევის გრძნობა ერთი იყო – ეს რაღაც ფსიხოდელიკობა მგონი დღითიდღე მიმატებდა. ჩათრევას ისევ ჩაყოლა

ჯობდა და შიპიტი აღარ დამიწყია, ბოლო-ბოლო ოღონდ ახლა გავცლოდი აქაურობას და ამ ჩემი მასპინძლის გაციებულ მზერას და მეტი ახლა აღარაფერი მინდოდა. ის კიდე გაფუჭებული პატეფონით იმეორებდა ერთი და იგივეს: 'ბნელო, ბნელო... ვინაა ეგ ბნელო? საიდან მახსოვს?' დაიცვიკლა ეტყობა, სხვა ვერაფერზე სიტყვა ვეღარ დააცდევინეს.

ხუთ წუთში მანქანაში ვიჯექით მე და მთელი ეს რაღაც პარტიული კოდლა, მეფორთოხლე მწერლის გამოკლებით და ქალაქისკენ ვუბერავდით. რომელიღაც ახალ უბანში მივედით, ზუსტად ისეთივე მაღლივი შენობები იდგა როგორც ჩემთან, ისეთივე შრომა-შენების სადიდებელი ფრესკებით მოხატული და ლიფტით ავედით რომელიღაც სართულზე, ერთ მოციცქნულ კუთხის ბინაში შემეყვანეს და აწი აქ იზხოვრებო – მახარეს. ისე, არა უშავდა რა – კარგი ფართო ლოგინი იდგა, მაცივარიც გამოტენლი იყო და ქალაქის ცენტრიდანაც არ ვიყავი მაინცდამაინც შორს, თუმცა ეგ ან რაში მარგებდა.

'ახლა ჩვენ საქმეს მივხედავთ,' – ყვეერი რუბი მეუბნება – 'შენი კი მოისვენე, დამამვრალო სულო...'

'როგორა?' – ბოლოში რაღაც ვერ გავერკვიე.

'წაუძინე,' – დოლინი მიმარტავს – 'და ნურაფერზე ნუ იდარდებ. ხვალ გინახულებთ'.

'დაიცათ...' – ამ პიჟონ დელა სილვას ერთხელ რო მოგაკვთინე, მერე ხმა აღარ გაუღია, მაგრამ აშკარად სულ რაღაცა აზრი აწუხებდა – 'ერთი წუთით... იცით ალბათ, ჩვენს ამხანაგს, ჩვენს ძვირფას ალექსანდერს ამ რამდენიმე წლის წინ მძიმე პირადი ტრაგედია დაატყდა თავს. ე-ე... და თავად შეამჩნევდით, ხანდახან რაღაცას აიკვირებებს ხოლმე... დიახ, და ის მინდოდა მეკითხა, რაღა თქმა უნდა ეს ჩვენს შორის დარჩება და მართლა ხომ არ მიგიძღვით, ასე ვთქვათ, ე-ე... რაიმე წვლილი?..'

დიდი გველაძეა ვინმე იყო ეგ მართლა დამპალი ეგა და თან ჩემი წვლილის გახსენებაზე და თან კიდე იმიტო რო ხელი მექაეებოდა ღმერთმანი, უნიტაზში ჩამეყოფინებინა მაგისი გადაგლესილი თავი, ისევ დამიარა მუცელში და სუნთქვა შემეკრა და ისლა წავიბუტბუტე, მე ჩემი უკვე მოვიზადე-მეთქი. იმათაც დიდის ამბით თავები მიქნიეს, სამძიმარზე შემოვლილი ძმაცაცებოვით დამემშვიდობენ და რაღაც თავიანთი პოლიტიკური საქმეების საჩარხავად გალაგდნენ.

ლოგინზე მივეგდე, ჭერს მივაშტერდი და იმაზე დავიწყე ფიქრი, მომავალში რა მელოდა. მერე ის გამახსენდა, ბრიყულად რო ვეცი პირში ბნელოს ხსენებაზე და ახლა თავი წვიჭამე დარდით, მართლა რო გაიხსენოს იმ შერეკილმა ვინ იყო და რა საქმეში გადიოდა ეგ ვინმე ბნელო, ნეტა მერე რას ვაპირებ-მეთქი. მერე ეტყობა დავეყინე – არაფერი მახსოვს. არც ვიცი, როდის გამეღვიძა, კარგა ხანი იქნებოდა გასული: ბნელდებოდა. ოღონდ თავისით კი არ გამღვიძებია ძმებო –

რომ მივეშვიტო, დილაძე გვერდს არ მოვიცვლიდი მაგრამ უცებ მუსიკა ჩაირთო კედლის იქით. ამ ახალ სახლებში რო იზოლაციაა – ნუ იტყვი, ხოდა ისე ისმოდა თითქო აქვე, ჩემ სამზარეულოში გრიალებდა დინამიკი. თან ძაან რეზკი თემა იყო – ვინმე დანიელი ოტო სკედლიგის მესამე სიმფონიიდან. ჯერ თითქო გამიხარდა კიდევ, ლოგინიდანაც წამოვდექი და იქვე ფეხები მომეკვეთა: ხმას აუწიეს და დამეწყო მაგრამ რა დამეწყო – თითქო გავარვარებული სპიცები გამიყარეს ნაწლავებში. და მე, ვინც სწორედ ამ დასაწყისს ვუსმენდი ხოლმე დილაობით, ხას-იათზე მოსასვლელად, ახლა იატაკზე ვგორავდი და კედელზე ვაბრაზუნებდი და ვბლაოდი გამორთეთ-მეთქი, მაგრამ მგონი კიდევ უფრო მოუმატეს და ვიფიქრე სანამ ტკუაზე ვარ როგორმე აქედან უნდა გავაღწიო-მეთქი, კარებს ვეცი და ჩაკეტილი აღმოჩნდა გარედან, მარტო სახელური მოუადრე. მერე მთლად გამო-ბრუებულმა ბავშვივით საბანი გადავიფარე თავზე და თითებით ყურები დავიცვი, მაგრამ ტრომბონების ჭყვირილი და თეფშების ხმა მაინც აღწევდა. მერე კიდევ უფრო აუწიეს ძალებს და ეს უკვე იაუნად ძალით იყო, ვიდაცას ჩემი გააფუება უნდოდა და მეც მართლა გიჟვით ვბოდილობდი აქეთ-იქით და ხან კედელს ვეხეთქებოდი თავით და ხან სკამს წამოვდეგობოდი და იატაკზე ვაღენდი ბრაგვანს და ვგორავოდი და ვბლაოდი რაღაცას, თვითონ არ ვიცი და კარგს და ტკბილს რას ამოვუშვებდი პირიდან, მერე მაგიდა ავაყირავე, რაღაც ფურცლები მიმოიფანტა ძირს და უცებ მოვედი აზრზე რაც მინდოდა – რისი გაკეთებაც გადავწყვიტე მაშინ, საჯაროში, იმ დამპალ ბილიბოისა და ყლიყვ ბნელო-პოლიციელს რო არ გადავყროდი – ერთ დიდ გრძელ ფურცელზე წითელი ასოებით ეწერა **სიკვდილი** და რა რო მერე **მიპაპრობას** მოდიოდა – ალბათ პლაკატი თუ იყო, ჩემთვის კიდევ ეს იყო სწორედ ნაღდი გამოსავალი მთელი ამ ტანჯვა-წამებიდან და თითქო მართლა ღვთის ნებით იქვე კიდევ წიგნი ეგდო და ღია ფანჯარა ეხატა ყდაზე. დმეთმანი აბა სხვანაირად როგორ უნდა გამეგო – ერთი ნახტომი, წამით სულის შეკვრა, მერე იქნებ წამით კიდევ ტკივილის გრძნობა და მორჩა, მერე სულ ძილი და ძილი. კედლის იქით დინამიკები იხეოდა უდარნიკის ხუთმეოთხედიანი ბოის-აგან და ფანჯარაც ღია მქონდა უკვე, ვხედავდი ქვევით ტარაკანებოვით რო მირბიმორბოდნენ მანქანები, ოღონდ ხალხი კი არ ჩანდა რატომღაც, და ამ დროს თითქო სწორედ ჩემთვის ჩართეს ლამპიონები, როგორც ცირკში ისე, მე კიდევ თვალები დავხუჭე და ის ერთი ბოლო ნაბიჯიც გავადგი გარეთ.

6.

აბა რა გითხრათ ძმებო, თვითონაც არ ვიცი როგორ და რანაირად მოხდა – მაგრა რო დავებერტყე მახსოვს, მაგრამ სანამ ტკივილისაგან გავითიშებოდი, ჩემ ზემოთ და გარშემო გაკვირვებული სახეების გროვა დავლანდე და იმის გაფიქრებაც მოვასწარი, ეგენი ყველა ერთი ნაგავია და რა თქმა უნდა ის კონცერტიც ჩაწყობილი ამბავი იყო, და ვინ დამწყევლა ასე რო უტანჯველად სიკვდილიც ვერ მომიხერხებია-მეთქი...

მერე თითქო წლები გავიდა სანამ ისევ მოვიდოდი გონზე და აზრზე მოვი-

დოდი სად ვიყავი ან რა მომივიდა; სააგადმყოფოს სუნი მეცა ჯერ – მომწარო, სტერილური სისუფთავის სუნი და კიდე წამლების, მერე თითქო თვეები გავიდა და თვალშიც გამოვიხედე – ყველაფერი გაქათქათებული თეთრი ფერის იყო, ისეთი მკვდარი სტერილური თეთრი ფერის, ატალახებული მიწის დანახვა მოგენატრებოდა. ძაან ნელ-ნელა აღვიქვამდი ყველაფერს გარშემო და ვერც საკუთარ სხეულს ვგრძნობდი ჯერ, ვერც ამ არტახებს თუ რაღაც უბედურებას, თავიდან ფეხებამდე გაკოჭილი კი ვიყავი და შეფუთული, ზევით კიდე გადმობრუნებული შუშა ეკიდა, სისხლით სავსე. ბლანტე წითელი სითხე წვეთ-წვეთად მოდიოდა გამჭვირვალე მილში და სადღაც მარჯვენა ხელში შემდიოდა.

მერე ცოტა მივიხედ-მოვიხედე და რას ვხედავ ძმებო – ლოგინთან ვილაც წიწკვი ზის და წიგნს კითხულობს. ტანზე კარგად შემოტმასნილი ფორმის ხალათი აცვია, ფეხებს ვერ ვხედავ მაგრამ ზევით ყველაფერი რიგზე აქვს და მინდოდა მეთქვა რას ითხრი თვალებს, მაგას ჯობია აგერ მომიწვე გვერდში-მეთქი, მაგრამ სიტყვების მაგივრად რაღაც *შსთ-ფშსტ* სტვენა ფშვიტინი ამომივიდა და ენით რო მოვისინჯე, ერთადერთი წინა კბილიდა ვაპოვე. ისიც ყანყალვებდა. გოგოშკა კიდე წელსქვევით ნაჩქმეტვით შეხტა და მორიგე ექიმის დასაძახებლად გავარდა. ფეხებიც გვარიანი ქონდა, თვალის შევლება მოვასწარი. მერე ისევ გაეითიშე და ეტყობა ისევ კარგა ხნით, იმიტო რო თავზე უკვე ის დამპალი სამეული მადგა და რომელიღაცა მგონი დელა სილვა ენაგაუჩერებლად მექაქანებოდა: ‘...ხალხი შფოთავს, ეხლა ამათ ვერაფერს გააჩერებს, წასულია მთავრობის საქმე. შენი ღვაწლი კიდე, ჩემო პატარა მეგობარო, პარტიისა და თავისუფლების იდეის მიმართ, მე ვიტყვოდი, განუზომელია!..’

თქვენი დედაც და მამაც და ყველა კეთილები-მეთქი, მინდოდა მეთქვა – რომ მომკვდარიყავი, ხო მთლად უკეთესი და გადასარევი იქნებოდა და მაშინ ყველაფერს კარგად გაზომავდით-მეთქი, მაგრამ პირიდან ისევ ფშვენა-ფშტვენის მეტი არაფერი ამომივიდა. მაშინ ერთმა გახეთების ამონაჭრები და ფოტოები დამილაგა წინ და რაღა არ იყო იქ, ძმებო – ასფალტზე რო ვგდვიარ და მერე ნასილკებით რო მტენიან მანქანაში და წარწერებს კიდე ნულა იტყვით: **პრიმი-ნალური რეფორმის პირველი მსხვერპლი! მინიერები – დესპოტიზმის სამსახურში!.. მთავრობა – მკვლელები!** და რა ვიცი კიდე რა არა. ამ დროს ის ჩემი წიწკვი მედლა დაერჭო და ატეხა ერთი ალიაქოთი – ეს რა ამბავიაო, ექიმმა სულ ორწუთიანი ვიზიტის ნება დაგართოთო, პაციენტს ახლა სრული სიმშვიდით ესაჭიროება, თქვენ კიდე ამ ფოტოებით სულიერ წონასწორობას აკარგავინებთო და მოკლედ, გაუტია და გაყარა ყველა. არავითარი წონასწორობა მე არ დამრღვევია რა თქმა უნდა, ოღონდ მალე სიზმრებში წავედი და ისე კარგი იყო ძმებო, როგორც ძველ დროს, როცა ჯანმრთელი და საღსალამათი ვიყავი. ჯერ იყო და ვითომ მოპარულ მანქანაში ვიჯექი, სადღაც ტრასაზე მივჯლიგინობდი და ერთ ბებრუხანას ზედ გადავუარე ბორბლებით, მაგრამ არც ცუდად არ გავმხდარვარ და არც არაფერი. მერე ვითომ მრგვალ სცენაზე გამოვედი, ეს ჩემი მედლა გამოვართვი თმებით, საოპერაციო მაგიდაზე დავაბი, სკალპელით ნაზად დაუუჭერი ფორმა და იქვე მივაწექი მთელი ეშხით. მაყურებელს კიდე მაგრა გაუსწორდა, ტაქტში მიკრავდნენ ტაშს და რაღაც შეძახილებით მამხნევებდნენ.

მერე არც ვიცი რამდენი მეძინა, თვალი რო გავახილე, ჩემი დედამამა დამეჩინენ – სხედან გუგულებივით თავიანთ ძან ცუდ ღღეში ჩავარდნილი შვილის საწოლთან და დედო სლუკუნებს გაუთავებლად. ახლა უკვე ყბა ისეთი გასიებული აღარ მქონდა და ცოტა უკეთესადც შემეძლო ლაპარაკი, ხოდა ვეკითხები ძან ისე მწარედ და იაზვურად: ‘აჰა, როგორც იქნა მოიცალეთ ერთადერთი შვილის მოსანახულებლად!’

დედომ იქვე ბუ-ჰუ-ჰუ-ჰუუ ამოუშვა და მამაჩემი კიდე რაღაც ისე დარცხვენილივით აბურტყუნდა: ‘ჰო შვილო, იცი რა – გაზეთებიდან შევიტყვეთ ყველაფერი... და მგონი ცოტა ჩვენი ბრალიცაა... მაგრამ აწი შეიცვლება ყველაფერი და სახლში დაბრუნდები, ხომ?’

‘მერედა რასა იქმს ჩვენი ოჯახის ის ახალი წევრი, ბიჭი ჯონი? ხომ მაძღრადაა?’

ამაზე დედომ კიდე მოუშვა ონკანი და ახლა ერთი ცხვირსახოცი აღარც ყოფნიდა, მეორეც დააძრო, მამამ კიდე ამოიოხრა და ძან გულამოსკვნით მეუბნება – პოლიციასთან მოუვიდა რაღაც უსიამოვნება, მგონი წინააღმდეგობაც გაუწია, სამსახურიდან დაითხოვეს და სადღაც პატარა ქალაქში გადაასახლესო.

‘მაშ ასე,’ – ვეუბნები – ‘ყველაფერი თავის კალაპოტში დგება ნელ-ნელა, როგორც ვხედავ... და თქვენც გინდათ გადმოვარდნილი ბარტყი ისევ ბუღეში დააბრუნოთ – ასეა?’

‘ჰო შვილო, როგორც შენ იტყვი...’

დედაჩემმა კიდე მეტი რა იცის – ფშლუკუნებს და თავს უკანტურებს მხოლოდ. ‘მოვიფიქრებ,’ – ვეუბნები ღინჯად – ‘დრო ითმენს. ცოტას მოვჯობინდები და მოვიფიქრებ. აქედან მაინც არავინ მაგდებს ჯერ’. ამაზე დედომ კიდე ერთი უ-უ-უ ჩაბერა ცხვირსახოცში და ალბათ კიდე ერთ მოთქმა-გოდებასაც მოაყოლებდა, მაგრამ დროზე ჩავაწყვეტინე ხმა. სხვა თუ არაფერი, მომსახურე პერსონალთან იყო უხერხული.

‘არ შეიძლება ასე,’ – მამაჩემი მეუბნება – ‘არ შეიძლება ასე უყვირო საკუთარ მშობელს’.

‘თორე თუ მშობა, ძან-ძან ვეხვეწე და ძან კარგ ადგილას ამოყვავი თავი! მოვრჩეთ ახლა, ხომ გითხარით, მოვიფიქრებ-მეთქი. ოღონდ თუ ისევ გამიჭირებთ საქმეს, სულაც გავყოფ იმ ბინას და ცალკე შესასვლელს გავიკეთებ, მომბეზრდა’.

‘კარგი შვილო, როგორც შენ იტყვი. ოღონდ კი მალე გნახო ფეხზე დამდგარი...’

წვიდნენ და არავითარი სინდისის ქენჯნა მე არ მიგვრძნია რა თქმა უნდა, უცნაური ის იყო, თითქო რაც უფრო აფესხილებოდი, უკეთესად ვგრძნობდი თავს. იყო ამაში რაღაც დასაფიქრებელი.

რამდენიმე დღე ვიწევი კიდე ასე, კაციშვილი არ მაწუხებდა, მერე კი ორი ახალგაზრდა ექიმი მესტუმრა, ძან დამტკბარი ღიმილებით სახეზე, გვერდში მომიხსდნენ ერთი მარცხნივ და მეორე მარჯვნივ და რაღაც დიდი წიგნი გადამიშალეს. ახლა სურათებს გიჩვენებთო, მეუბნებიან, შენ კიდე შენი აზრი მოგვახსენეო. მეთქი მაშაყირებენ, მაგრამ მერე გამახსენდა, იმ ლუდოვიკოს ცენტრშიც რო ასევე დაიწყო ყველაფერი და ვიფიქრე, ამათგან ყოველგვარი გოთვერნობაა მოსალოდნელი – ჯობია ფრთხილად ვიყო, კიდე რამე ხათაბალა არ ავიკიდო-მეთქი.

‘აბა, რას გვეტყვი?’ – ერთი მეუბნება.

‘ჩიტის ბუდეს გავს,’ – ვეუბნები – ‘შიგ კვერცხები აწყვია. მშვენიერი სურათია, მართლა’.

‘და რას უზამდი, შენი ნება რომ იყოს?’

‘სურათს?’ – გაკვირვებული ვეკითხები.

‘არა, მართლა რომ იპოვო თბილი თეთრი კვერცხებით საუსე ბუდე’.

‘აჰა, გასაგებია.’ – ვეუბნები დინჯად – ‘ავიღებდი და სათითაოდ მივაღე-წავდი კედელზე ან ქვაზე ან რამე ეგეთზე და მერე ვუყურებდი როგორ გაიდღაბნებოდა და ჩამოეწვეთებოდა ძირს’.

‘ძალიან კარგი,’ – თქვეს ერთ ხმაში და ახლა მეორე სურათი მაჩვენეს – დიდი გაფხორილი ფარშევანგი იყო. ‘ამას კიდე სულ ღერა-ღერა დავაძრობდი კუდს და ბოლო ცალს დავუტოვებდი მარტო და მერე ვნახავდი რა მარაოსაც გაშლიდა... ისე, რომ შეიწვას, არი რამე განსხვავება მაგასა და ეთქვათ, ინდაურს შორის?’

ზრდილობიანად ვიკითხე, არაფერი ისეთი არ მიფიქრია, ამათ კიდე ერთმანეთს გადახედეს და ძან ღრმააზროვნად დაუქნიეს ერთმანეთს თავები. მერე კიდე გადაფურცლეს, მერე კიდე, მეც რას ვკარგავდი რა – მშვენიერი გასართობი იყო და არც დამიძალავს ან იმ დეკოლტიან ბანოვანს რას ვუზამდი, ან იმ ბერეტიან ტიპს, ღამით სანაპიროზე რო მიცუნცულებდა იმ სახატავი ყუთით ხელში, მგონი მოლბერტი ქვია, და ბოლოს ჩვენი ჩარლი კაპელანის ის ძმაკაცი რო მაჩვენეს, ჯვარს რო მიათრევდა მთაზე, ვეუბნები – მანდ ვიყო და ერთი ჩაქუჩი და კაი გრძელი ლურსმნები მომცა-მეთქი!

ისეთი ნაამები როჟები გაუხდათ, რა მოხდა-მეთქი, ვიკითხე.

‘სიღრმისეული ჰიპნოპედია,’ – თუ რაღაც ამდაგვარი მითხრა მარჯვენამ და დაუმატა: ‘მგონი აწი აღარაფერი გიჭირს’.

‘რასაა რო ბოდილობ?’ – ვეუბნები – ‘ეშმაკმა იცის რამდენი ხანია ვგ-დივარ ასე შეფუთული და რაღაც მავთულებზე შეერთებული, კბილებიც კი აღარ შემრჩა მთელი და ახლა მეუბნებით, აღარაფერი გიჭირსო!’

‘ცოტალა დაგრჩა,’ – ახლა მარცხენა მამშვიდებს – ‘მალე თაბაშირს მოგაძრობენ’.

‘თავსაც თუ არ მიაყოლებენ ზედ, მადლობელი დავრჩები...’ – ვბუზღუნებ ჩემთვის.

‘მაგის შიში ნუ გაქვს, შენი თავი ახლა წონა ოქროდ უღირთ ზოგიერებს’. – თქვეს, ჩაიციხეს და გალაგდნენ. ნეტა მაგით რისი თქმა უნდოდათ-მეთქი, ერთი კი გავიფიქრე მაგრამ სწორედ ამ დროს შუადღის საუზმე მომართვეს და იმ ორი დონტუის გადაკრულ სიტყვებზე ტვინი აღარ მიჭყლეტია.

ერთ დილასაც გამომიცხადეს, დღეს განსაკუთრებით საპატივცემულო მნახველი მოვა შენთანო და ატყდა ერთი ალიაქოთი, იქაურობა ისედაც კრი-ალეზდა და ახლა მთლად გადააქათქათეს, თავზე ბინტები უკვე მოხსნილი მქონდა და ლინად პარიკმახერიც კი მომიყვანეს ცოტა არ იყოსდა წამოზრდილი თმის შესასწორებლად, მაგიდაზე დიდი ვაზაც გაშანსეს ყვავილებისთვის და რაღაც დე-ზოდორანტიც შეასხურეს ფარდებს. ღმერთმანი ძმებო, მეთქი პრეზიდენტის ცოლი თუ მობრძანდება ამალით. გიჟი არ იყო – გავიხედე და თავად ყველაიმ-საქმეთა მინისტრი არ მესტუმრა, ერთი ათი-თორმეტი ფოტოგრაფი მაინც მოყვა და კიდე სამი თუ ოთხი სხვადასხვა რანგის ფუნქციონერი. ძლივს დაეტიენ პალატაში. თვითონ მინისტერი იმისთანა ჩაცმულდახურული იყო, მანეკენად გამოდგებოდა, ღიმილი კიდე – ნაღდი კბილის პასტის რეკლამა. პირდაპირ ჩემ ლოგინს მოადგა და ატყდა ერთი ჩხაკაჩხუკი და ბლიცების ფეთქვა. თქვენდა მაკლდით-მეთქი, ვეუბნები, ახლა აქაც აღარ მომასვენოთ!

‘ცოტა წესიერად, – ერთი მეუბნება, ვითომ ჩურჩულით – ‘არ იცი, ვის როგორ ელაპარაკო?’

‘მოკეტე ბრატკა,’ – ვეუბნები – ‘ლოკე შენი შეფის უკანალი და იყავი შენთვის წყნარად’.

‘არაფერია, არაფერი...’ – მინისტერმა აკრიფა ინიციატივა – ‘მეგობრებში მოსულა ეგეთები, ასე არაა, შვილო?’

‘მეგობრებში კი, – ვეუბნები – ‘სადა მყავს მეგობრები? მტრები კიდე რამ-დენიც გინდა’.

‘მოიცა, არც მთლად მასეა საქმე.’ – თავს აქნევს მინისტერი, მერე ძაან სვეტსკი ჟესტით იწევს პიჯაკის კალთას და გვერდში მიჯდება ლოგინზე. თვალეზი მოვჭუტე, ბლიცების ისეთი ზალპი გამოუშვეს აქეთ-იქიდან.

‘მტრები მართლაც გყავს, თორემ აქ არ მოხვდებოდი. ჯერ იმის იმედი ქონდათ, დაილუბებოდი და შენს სიკვდილში მთავრობას დაადანაშაულებდნენ, ეს რომ არ გაუვიდათ, ახლა ერთმა თავი მოიგიჟიანა და ამტკიცებს, თითქოს შენ გერიოს ხელი მის ოჯახურ უბედურებაში... გაიძახის – ჩემი ხელით დაჯალრჩობო. საბრალო იქნებ მართლა ვერ არის ჭკუაზე, მაგას გაარკვევენ, აი სხვეებს კი სას-ჯელი არ აცდებათ’.

‘გმადლობთ,’ – ვეუბნები – ‘ძაან დამავალბეთ. იმ კაცს ეტყობა სწორედ მაგათ ჩააგონეს ეგეთი რამე, თორემ თვითონ ძაან მეგობრულად მეყრობოდა თავი-დან’.

მინისტერიც თავს მიქნევს და ცალი თვალი გაზეტჩიკებისაკენ გაურბის: ‘ძალიან კარგი, ბოლმას რომ არ იდებ გულში – სწორედაც გამოჯანმრთელების ნიშანია. კარგი მოპყრობა კი აქ არ გაკლია და მეგობრებიც რომ ბევრი გყავს, ამასაც მალე ნახავ – გამოხვალ აქედან და არაეითარი პრობლემა შენ არ გექნება, ამაზე ჩვენ ვიზრუნებთ. ოღონდ მეგობრობის დავიწყება, მტრობისაგან განსხ-ვავებით, არაფრით არ შეიძლება... შეეთანხმდით?’

‘ნამდვილად,’ – ვეუბნები – ‘ჩემი იმედი გქონდეთ, სერ!’

მინისტრიც მაგრად მართმევს ხელს და არი ისევ ერთი ბლიცობანა და ჩხაკაჩხუკი და რალაც დიდი ფირმა ყუთი შემოქვთ, ხსნიან და მანამ ამოიღებდნენ უკვე ვიცი რაც არი, ვილაცა ბაბოჩკიანი ტიპი კიდე დასტა-დასტა დისკებს მაჩვენებს და მეკითხება: ‘რა დაუღოთ – მოცარტი? ბეთჰოვენი? შონბერგი? კარლ ორფი?’

‘მეცხრე,’ – ვეუბნები – ‘ღიადი მეცხრე...’


და ძმებო, დაგლჯა გეუბნებით – რა ხმა იყო, რა მადლებს იღებდა, არ-ავითარი ფონი და წკაპაწკუპი! თვალეზი მიფნაბე და გავიტრუნე – საუკუნეები გავიდა თითქოს რაც ასე არ გამსწორებია და მინისტრმაც დახურა – ხმა არ გაუ-ღია, ჩუმად გალალა ხალხი და მარტო ერთი ვილაცა იყო, ხელი მომიწერე აქ და აქო მთხოვა და ტემპში მოუწერე, არც დამიხედავს რა ქაღალდეზი შემომაჩენა და არც მენადვლებოდა. მერე კარიც გაიხურა და დაფრჩი ჩემთვის.

მართლა სხვანაირი გრძნობა იყო ძმებო – დიდი ხნის მწყურვალი მთელ ტოლჩას რო მოიყუდებ ისეთი და მერე, სკერცო რო დაიწყო, უკვე თითქო სადღაც მივქროდი სიერცეში და მთელ აკივლებულ სამყაროს სახეს ვუსერავდი ჩემი ბრიტვიტო, და ის ნელი ადგილიც კიდე წინ იყო და ბოლოს ის მშვენიერი გუნდიც ხომ იქნებოდა ფინალში...

ღმერთმანი უკვე ძან ძან ჯანმრთელი ვიყავი. ნამდვილად.

დასასრული

სიმართლე ითქვას, ამ რუბრიკისათვის მასალების შერჩევას მეტად შეჭირვებულ მდგომარეობაში ჩავიგდეთ თავი: სხვადასხვა არმაღან-ანთოლოგიათა სიმრავლის





პოეზია

ერა პაუნდი – 'ეპიტაფიები'

氣

მიუხედავად, მაინც ჭირს XX საუკ. პოეზიის ორიგინალთა შესატყვისი და იმავედროულად, თუნდაც რამდენადმე სისტემატიზირებული სახით მიწოდება მკითხველისათვის – იმ ყოვლად ბანალური მიზეზის გამო, რომ მეტისმეტად ცოტა გვაქვს მართლაც რამ ღირებული. მით უმეტეს ჭირს ისეთი ახალი თარგმანების მოძიება, რომელიც დააკმაყოფილებდა ამ მოთხოვნას, და სწორედ ამიტომ გამოვიყენეთ *ენზა პაუნდის* ზ. გამსახურდიასეული თარგმანები 1971წ. გამოცემული წიგნიდან – “ამერიკელი პოეტები”. რატომღაც, ამ სამი ლექსისთვის ჩვენს გარდა არავის არასოდეს მიუქცევია რაიმე ყურადღება – ოღონდ ჩვენ თუ გვეკითხვოდა, მისი ლიტერატურულ-მთარგმნელობითი მექანიზმებიდან სწორედ ეს თუ დარჩება ქართველ მკითხველს...

ეპიტაფიები

ფუ 0

ფუ 0-ს უყვარდა ცა ღრუბლიანი და გორაკები,
საუბედუროდ, ალკოჰოლმა იმსხვერპლა იგი.

ლი პო*

ლი პოც ნასვამი დაიღუპა –
მთვარეს ჩაეხვია
ყვითელ მდინარეში.

ო შუ

სო-შუს ესიზმრა,
რომ ხან ჰეპელა იყო, ხან ფუტკარი და ხანაც ჩიტი –
ვერ კი გაეგო, რატომ უნდა ეგრძნო თავი სხვაგვარად და არა ისე,
როგორც ეს სამი გრძნობს თავს.

აქედან – მისი თვითკმაყოფილება.


* იგივე ლი-პო; ტანის ეპოქის (VII საუკ.) სახელგანთქმული ჩინელი პოეტი. გადმოცემით, ცნობილი შემთვრალე იყო და უ-შუს ერთ-ერთი სტილის – ნასვამი კაცის სკოლის – შემომღები.

საჯილდაო ქვად...

Valeri Chkadua:

**HOW NOT TO BE AN ALIEN
(Helter-Skelter Mythstories of Georgia)**





Lighter side of local History
Helter-Skelter Mythstory of Georgia
(As recounted by Vano ¹, local winemaker and recorded by
Daniel Arra²

I

The greater the country, the smaller its citizens are.
Confucius

Georgia is a small country.
Vano

Once upon a time Georgians were drinking wine, saying toasts and generally having a good pastime. They were celebrating the greatest invention they had ever made: They had just discovered how to press grapes and make wine.³ Suddenly, they caught sight of an angel hovering over them and as is the custom of Georgian regale, readily invited him to join the celebration. The angel politely declined, explaining that he never drank before 6 p.m., and added: ‘Gentlemen, let me introduce myself – I’m your Guardian Angel. It’s a good thing you’ve got here and There Is Truth in Wine, as wise men say. But you’ve got an urgent matter to look after: God is distributing land among nations and you must dash for it to get a nice piece with good climate and beautiful view. So, come along, do it right now!’

Georgians, reluctant to stop the feast so abruptly, drank a few more toasts to the health of their toast-master, the Guardian Angel and God Almighty – thus creating the tradition of concluding all Georgian drinking bouts.⁴

When they came to God’s real estate office, they saw that God was not

¹ The person in question, most probably, is Vano Nunuashvili, 69, resident of Kakheti. Kakhetians are famous for their strong wine and notorious for their strong language (Editor’s note).

² Daniel Arra, special correspondent of Hustler’s Bazaar, was supposed to be posted in New Georgia, West Pacific Islands but due to some quirky bureaucratic error, found himself in good old Georgia, South Caucasus. Hence, his slight disorientation. On the other hand, this Daniel Arra business could be a hoax of some nutty scribbler. Who cares, anyway! (Ed.).

³ Georgian legends as well as some Georgian historians insist that wine-making was practiced in Georgia long before ancient Greeks started to produce it. Perhaps, much-talked-about “Golden Fleece” was nothing but some wine-making technology that Jason & his gang stole from the Kolchis, as Western Georgia was called at that time (Ed.).

⁴ Georgian potation is a well-organized event. It provides a special toast-master, whose toasts can be subdivided into three categories: obligatory, optional and personal. The latter is the most attractive part of reflection – all participants of get-together are being toasted one by one. Each member of the Supra pronounces the same apologetic toast with his own improvisation. Having in mind popular psychological “Theory of Petting”, you can easily imagine what dose of “pettings” an average Georgian gets at one go. So hell with all your psychotherapists! (Ed.)

in a mood to humor them: ‘Where the hell have you been? I’ve given away all available land. Reliable sources informed me you’ve been drinking instead of attending to business! I hate such disrespect. Your effrontery astounds me! Cursed is the ground for thy sake, in sorrow shalt thou eat your bread all the days of thy life... No, wait, I think I’m repeating Myself.⁵ Forget it, and just get lost!’

Georgians, taken aback by God’s harsh words, realized they had to think fast to save their skins and their souls. They decided telling near truth was the best policy, so they dared to answer back: ‘No disrespect, dear Lord! On the contrary – we’ve been drinking to Your health. That’s what kept us. Ask the angel, he can confirm our words, – he was there. Surely, he won’t lie to You...’

‘Generally he doesn’t’, said God, eyeing the angel suspiciously.

The angel, whose duty was to cover up for the people in his custody, willingly verified their words. God was pleased though He didn’t show it outwardly. He pondered a little, hesitated a bit, and then said: ‘well, this fact speaks well of you and utterly changes the situation. What shall I do for you, my children? Upon my word, no free lots are left... Let me see... Well, I still have a small piece of land hidden under counter. In fact, I was keeping it for myself... Actually, to have a place to relax when I decided to spend my brief holidays on the earth. Since your love for me left you empty-handed, I’m giving you this lot. Take it, but beware, it’s a savory piece and many will try to have a bite. Here is the address – easy to find: It’s smack in the middle of the globe, at East-West-North-South crossroad. Remember, Love (mind the capital letter) beats hatred in the long run, but still, watch your neighbors, will you?⁶ And please, don’t overdo with those toasts of yours... OK, go now and let Me be with you!’

Georgians, happy with the lucky outcome amounting to a veritable Act of God, exclaimed: ‘Oh, Lord, please don’t deprive Yourself of Your holiday place. You’re welcome to stay in Georgia – by the way, how do you like the name?⁷– any time You wish. We’ll be lucky to have You with us’.

God smiled benevolently and said: ‘So be it! I appoint St. George your patron saint – it’ll be most befitting, I guess’.⁸ With these words he nodded and gave them

⁵ Clearly, God is quoting a fragment from his curse heaved upon Adam (Ed.).

⁶ Evidently, God foresaw frequent attacks of Persia and Turkey on Georgia and Russia’s customary betrayal of her southern ally.

⁷ Historians argue the name “Georgia” is of Greek origin and it reads as “the land of farmers” in English (Ed.).

⁸ Indeed, St. George is Georgia’s patron saint and local population believes their country was called after him.

a farewell sign. Georgians were filled with joy because they had gained God-picked place for their dwelling and received the guarantees of close encounters of the third kind with God.⁹ At the same time they got convinced in God's good taste - the land He had chosen had a little of everything: snow-covered mountains, emerald-green hills, fertile valleys, diamond-clean rivers, unpolluted beaches and what not. Georgians settled down and went on nursing vine because as Confucius say - *you want to drink wine, you grow vine*.¹⁰

Unfortunately, they forgot some of God's parting words: they overdid with their toasts and didn't watch their neighbors closely. Instead they eyeballed their neighbors' wives.¹¹ Anyway, Georgians lived happily as well as unhappily ever after. In fact, they lived rather dangerously, but the mythadventures of Georgians on that land is yet another story.

As for this tale, it has a simple moral: God visits Georgia now and again but, mind you, when in Georgia, He is strictly on leave.¹²

(To be continued)

NB: 100 GEL will be awarded to any adequate translation of the sketch !!!

⁹ I don't believe this allusion to Stephen Spielberg's movie is quite appropriate here (Ed.).

¹⁰ Confucius didn't say that. I've checked it scrupulously (Ed.)

¹¹ Presumably, Vano has the 1st paragraph of the Tenth Commandment in mind (Ed.)

¹² I'd hate to comment on that maxim (Ed.).

შედეგ ნომერში:

პატრიკ ზიუსკინდის მართლაცდა შედეგრი — “ნელსურნელება”...

იუკიო მიშიმას ტრაგიკული ოპუსი — “პატრიოტიზმი”

პოლ ჯონსონის სკანდალური ნარკვევი — “ჟან-ჟაკ რუსო: შერეკილი, მაგრამ — საინტერესოდ...”

მოულოდნელი კუთხით: გიომ აპოლინერი, ალან ე. მილნი, უილიამ ფოლკნერი... დეტექტივის ჟანრში!

ჯონ ბ. პრისტლის ფანტასმაგორია — “31 ივნისი...”

სალმან რუშდი — “სატანური სურები”

“მასონური სიტყვის კონა” — მცირე ლექსიკონი

საჩვენო ზღაპრები — “გუბერნატორი კომბლე”, “ნაცარქექია ინტერნეტში...”

და სხვა მრავალი...

